

96

L 200

L

ZIONALE
8
5
13
ROMA
VITT. EMANUELE

100 63 d.

DE 8.45.H.13
PERFECTIONIBVS
MORIBVSQVE
DIVINIS
LIBRI XIV.

Quibus pleraque sacræ Theologiæ mysteria
breuiter ac dilucidè explicantur:

Auctore LEONARDO LESSIO Societatis IESV,
S. Theologiæ Professore.



PARISIIS,
Apud P. METTAYER Typographum
ac Bibliopolam Regium.

M. DC. XX.

1930



Admodum R^{do} in CHRISTO Patri
D. ANTONIO DE VVINGHE
A B B A T I,
E T R R. P P.
D. PRIORI CETERISQ. RELI-
GIOSIS NOBILIS MONASTERII
L A E T I E N S I S,
L E O N A R D V S L E S S I V S

Salutem in DOMINO sempiternam.



INTER ea quæ homini in hac vita
maximè debent esse curæ, admodum
R^{de} Domine, Patrèsq. venerandi,
primum meritò locum tenet cogni-
tio Diuinitatis; eaque non perfuncto-
ria vel aridæ cuiusdam speculationis, sed accurata,
illustris, & efficax, quæ vim suam etiam in affectum
& omnes animæ vires diffundat. Ex hac enim omne
bonum animi, omnisque salutaris dispositio, qua
ad perfectionem & vitam æternam subleuamur,
tamquam ex vberissimo fonte promanat; & sine hac

ã ij

frustrà ad sublimem perfectionis gradum contendas. Quam ob causam Sapiens notitiam Dei vocat *iustitiam consummatam* seu perfectam; nimirum quia iustitia consummata ex illa notitia, sicut ex luce calor, ex vita motus, & ex pulchri visione amor, nascitur.

Hinc Apostoli accepto Spiritu sancto, quo mirabiliter circa Diuinitatem & humanitatem Christi illustrati fuere, momento temporis plus perfectionis adepti sunt, quàm nos in nostris tenebris tota vita consequi possimus: & beatissima Virgo, ob eximiam qua donata est Diuinitatis notitiam, statim perfecta fuit; adeò vt non solum peccatum vllum veniale non commiserit, sed neque vllum opus imperfectum, seu tepidum, languidum, vel adiaphorum admiserit. Simili modo (& quidem excellentiori ac sublimiori) omnes iusti post hanc vitam, simulatque lumine gloriæ, quo Diuinitatem clarè cognoscent, illustrati fuerint, subito in omnibus animæ viribus perfectissimi eua-
dent.

Quicumque ergo ad insignem perfectionis ac sanctitatis gradum in hac vita adspirat, hoc maxime curare debet, vt altissimam & clarissimam, quantum homini fas est, Diuinitatis ac diuinarum perfectionum notitiam assequatur: hac enim semel obtenta, facile & cum magna etiam voluntate mundum despiciet, carnem domabit, iustitiam colet, diuina præcepta & consilia seruabit, & Christi Domini nostri vitam imitabitur. * Tantum enim in Deo boni, tantum solatii & gaudij

inueniet, vt cætera omnia nihili æstimer, dicatque cum Propheta: *Quid mihi est in calo, & à te quid volui super terram! Defecit caro mea, & cor meum; Deus cordis mei, & pars mea, Deus in æternum.* Per huius notitiæ lucem vilescunt omnes honores, omnes opes, omnes carnales voluptates, & quidquid mundus admiratur & prosequitur: nihilque menti in pretio erit præter Deum, & quod Deo carum.

Notitiæ Diuinitatis coniungenda cognitio humanitatis Christi, & perfectionum eius. Ipsa enim est speculum omnis sanctitatis, in eaque clarissimè relucet omnis perfectio quæ ex consideratione Diuinitatis & perfectionum diuinarum colligi potest. quod insinuat Dominus cum ait: *Hæc est vita æterna vt cognoscant te solum verum Deum, & quem misisti Iesum Christum.* Vbi vtramque notitiam requirit, quam dicit esse vitam æternam, quia est vnica ad vitam æternam via, eamque quodammodò ex se parit. Potest autem hæc notitia dupliciter haberi: modo communi per fidem, & sic est necessaria omnibus iustis; & modo excellenti, nempe cum fidei accedit donum sapientiæ: qua ratione etsi non sit absolutè necessaria ad salutem, est tamen necessaria ad perfectionem & insignem sanctitatis ac gloriæ gradum consequendum. Et quamuis hoc illustre donum sapientiæ potissimum illustratione diuina proueniat, quæ idcirco oratione & vitæ puritate nobis assidue procuranda est; tamen ordinariè ad hoc etiam opus est studio & meditatione nostra. Illa enim dona cælestia, ad quæ aliquid conferre animumque

disponere potest industria nostra diuinæ gratiæ auxilio adiuta, Deus sine nostra cooperatione conferre non consuevit; nisi quibusdam peculiari fauore ad eximium aliquod munus, quod statim magnam animi perfectionem & sapientiæ sanctitatisque excellentiam postulet, electis, sicut in beata Virgine & Apostolis vsu venit.

Cum ergo Deus ordinariè hanc nostram præparationem requirat, qua doctrinâ fidei instructi, vires ingenij in res illas sublimissimas, quantum fas est, intendamus, R^{mus} P. Franciscus Flerontinus piæ mem. valdè huiusmodi contemplationibus adductus, petiit à me vt postquam eam materiam, explicando primam partem Summæ Theolog. S. Thomæ, bis interposito multorum annorum curriculo pertractassem, aliquid de ea scriberem, quod simul intellectum pascere, & affectum morésque posset componere. Feci id lubens, adhibita sedula meditatione, vt prior ipse, quantum possem, degustarem illarum rerum suauitatem. Adiuuit non parum S. Dionysij Areopagitæ cæleste opus; cuius lectione, in sua præsertim lingua, iam inde à quadraginta annis plurimum semper fui delectatus: de quo Auctore nemo dubitare poterit, qui sublimissimam ipsius doctrinam, & plusquam humanum loquendi modum, intellexerit.

Hoc meum scriptum, animique mei Commemorationem iam pridem affectam, & tandem post multorum annorum intermissionem, vtcumque confectam, R^{dx} Paternitati Tuæ, & venerando Cœtui vestro, inscribere & dedicare institui, & rei-

psa dico & offero; partim vt sit pignus antiquæ inter nos amicitie; partim vt symbolum aliquod gratitudinis plurimorum beneficiorum, quæ nostra Societas in illis præsertim locis à vobis accepit; partim quia hæc maximè consentanea sunt vestræ professioni, quæ potissimum vitæ contemplatiuæ & cælesti conuersationi est consecrata: consentanea quoque excellenti illi institutioni, quæ vobis à viro verè sancto, & præclaro spiritus Magistro D. Ludouico Blosio est relicta; quam etiam in hunc diem egregiè tuemini, & in primis Tua Paternitas moribus & vita sic exprimit, vt mihi dum in illam oculos coniicio, S. Benedicti viuum quamdam imaginem cernere videar. Qua de re, si tua modestia pateretur, plurima dicere possem, quæ nunc silentio prætereo, vt tibi (cui nihil molestius quàm suas audire laudes) morem geram.

Ob has aliasque causas, R^{de} Pater, hunc Tractatum vobis vestræque Familiæ dedicandum & offerendum censui; rogans vt solita humanitate & benignitate eum acceptare dignemini: & si quid in eo præclari ad rerum diuinarum hauriendam intelligentiam, & ad affectus nostros à terrenis ad cælestia transferendos, inueneritis, id omne *Patri lumen*, à quo omne datum optimum, & donum perfectum, adscribatis: si quid verò humile, impolitum, ambiguum, minusque commodum visum fuerit, id meæ imbecillitatì condonetis, Deumque pro meritis, vt mentem meam quotidie magis magisque, vsque ad extremum vitæ terminum, spreto perfectè mundo, ad cælestia desideria erigat. Hæc

summa votorum meorum. Hoc potissimum ad
quod omnia religiosæ vitæ instituta, & religionis
exercitia nos ducunt; ad quod omnia nostra studia
ac scripta tendere, quodque omnes in hac vita ma-
ximè optare & conari debent. Dei Domini nostri
infinita bonitas, nobis ad hoc consequendum vbe-
rem gratiam largiri dignetur. Vale admodum
R^{de} Domine cum familia tua benedicta. Louanij,
IV. Octob. M. DC. XIX.



PRÆ-

P R A E F A T I O.



MULTI eam Theologia partem, quæ in speculatione versatur, parum sibi utilem, parum moribus accommodam arbitrantur. Quo fit ut vel exiguam in ea sibi comparanda, dum in Theologia palestra exercentur, operam collocent, vel certè absoluto studiorum curriculo negligant, totique in eam quæ practica vocatur, incumbant. Prorsus ac si ista planè sterilis, hac sola fecunda foret in hominum utilitatem. Sed falluntur profectò, atque iucundissimo utilissimæ scientiæ fructu sese priuant. Theologiæ
speculatiuæ
præstantia. Nam primò, inter omnes Theologiæ partes nulla præstantior, nulla dignior, nulla quæ magis Theologiæ aut sapientiæ (quæ æternis contuendis consulendisque insistit) nomen mereatur. Longè enim præstantius est, de rebus diuinis, nempe de Dei perfectionibus, de S^ma Trinitatis arcano, de creatione & conseruatione mundi, de cooperatione Dei cum rebus creatis, de Incarnationis & Eucharistiæ mysterio, de visione Dei, & vita æterna, vel pauca cognoscere; quàm plurima de rebus creatis, de inuentis & institutis humanis, aliisque rebus, quarum usus solùm ad hanc vitam pertinet.

Deinde, hæc pars Theologiæ homini non solùm maximam utilitas. consolationem adfert, si quis ea probè norit uti, sed etiam summā perfectionem & sanctitatem conciliare potest. Non enim, ut quibusdam persuasum est, ea quæ hîc traduntur, ad scholas tantùm ac scholasticas pertinent disputationes, sed vel maxime ad usum ac commodum cuiusque deriuantur, ut scilicet attentissima illarum rerum consideratione mens in Deum assurgat, illum contempletur, admiretur, veneretur, timeat, amet, & iugiter

laudet ac benedicat, semperque in eius conspectu posita, vitam omnem ac mores ad eius beneplacitum nutumque perfectissime componat. Hic est proprius Theologiæ speculative scopus, hic finis. Hæc ob causam sublimia ista mysteria sæpè animo voluenda, & mens in eorum contemplatione exercenda, idque ea animi submissione ac reuerentia, quæ par est; ope diuina, ac sancti Spiritus illustratione, ad id rite peragendum, frequenter implorata. sine hac enim sterile esse ac inutile omne nostræ contemplationis studium, fatendum est.

Accedit, quod etiam si alia quæ in Theologia traduntur, ad vitam piè sanctèque instituendam conducant plurimam, nihil tamen sit, quod mentem adeò à rerum fluxarum & caducarum amore auocet, & ad celestium ac æternarum desiderium inflamet, quàm diuinarum perfectionum & operationum meditatio. Hæc est quæ sola veluti omnium aliarum scientiarum Domina & Princeps in futuro sæculo vigeat, & omnia reget ac moderabitur, cessantibus omnibus alijs quæ in hoc sæculo ad praxim comparata. Hæc homini in terra constituto prælibat initium celestium gaudiorum, dum, quod in æterna Angelorum societate ipsi agendum est, id inter homines constitutum agere docet, singulari quadam æternæ felicitatis prerogativa. Ad hanc tamquam ad supremum culmen omnis sapientiæ ac virtutis S. Dionysius ita Timotheum exhortatur: Tu verò, chare Timothee, circa mystica spectacula, continua exercitatione & sensus relinque, & intellectuales operationes; & sensibilia, & intelligibilia omnia, & ea quæ sunt & quæ nō sunt omnia, vt ad vñionem eius qui super essentiam & notionem est, quantum fas est, sine notione assurgas. vbi de excellentissimo agit contemplationis modo, in quo consideratis accuratè Perfectionibus Diuinis, quatenus ad certam speciem limitata ac inter se distincta offeruntur.

mens assurgit ad aliquid sublimius & illimitatum, omnibus istis infinite prestantius, illique ignoto modo se contemplatione & amore coniungit.

Denique cognitio diuinarum Perfectionum est suprema ac prima omnis sanctitatis & perfectionis vite regula nature rationali, Angelice pariter ac humane: quæ si perfecta sit, sola sufficit ad summam maximarum virtutum perfectionem assequendam. Noscere enim te, consummata iustitia est, & scire iustitiam & virtutem tuam, radix est immortalitatis. Quia scilicet cognitio Dei est suprema & absolutissima perfecte consummateque iustitiæ regula, eamque in affectu excitat, excitatam auget, auctamque perficit. Et quid est illud, Hæc est vita æterna ut cognoscant te verum Deum, & quem misisti IESVM CHRISTVM; nisi hanc notitiam esse normam omnis rectitudinis, qua certissime ad vitam æternam perducamur. Quid, quod Apostolus toties tam ardentibus votis rogat & obsecrat ut fideles crescant in scientia Dei? Quid, quod tam serio Abrahæ inculcatur, Ambula coram me, & esto perfectus; quid, inquam, indicatur aliud, nisi per assiduam diuinæ presentie, ac diuinarum Perfectionum considerationem, virtutes ac vite perfectionem acquiri? Hinc in presentia Dei præ oculis sibi perpetuò retinenda, Sanctorum studium ac industria plurimum desudauit. Huc etiam pertinet diuinorum Morum consideratio, quos sub Diuinis Perfectionibus comprehendere possumus: ad quorum imitationem Christus Dominus crebro suos hortatur: Diligite, inquit, inimicos vestros, benefacite his qui oderunt vos, ut sitis filij Patris vestri qui in celis est, qui solem suum oriri facit super bonos & malos, & pluit super iustos & iniustos. & Estote ergo perfecti, sicut & Pater vester

Sap. 15.

Ioan. 17.

Rom. 15. 14.

1 Cor. 13.

Ephes. 3. 19

Philip. 1.

Col 1. 2.

Genes. 17.

Matth. 5.

Ibidem.

Lucæ 6.

Ephes. 5.

celestis perfectus est. Estote ergo misericordes, sicut & Pater vester misericors est. Christum hac in re Apostolus imitatur, dum Ephesios & in ijs nos omnes, ut Dei simus imitatores, exhortatur. Estote, inquit, imitatores Dei sicut filij charissimi, & ambulate in dilectione sicut & Christus dilexit nos, & tradidit semetipsum pro nobis. Ex quibus efficitur, diuinarum Perfectionum considerationem regulam esse excellentissimam omnis perfectionis & sanctitatis, quæ si menti nostræ perfectè proposita foret, alia regula minime esset opus.

Psal. 13.

Porro sicut diuinæ præsentiae cognitio, ac diuinorum Morum operationumque meditatio hominem adducit ad omnem virtutem ac vitæ perfectionem: ita e contrario Dei ignoratio, ac inconsiderantia fons est omnis vitij, turpitudinis ac peccati, iuxta illud: Dixit insipiens in corde suo, Non est Deus. Corrupti sunt & abominabiles facti sunt in studiis suis: non est qui faciat bonum, non est usque ad vnum. Quis enim est tam proiectæ salutis, qui scelus ullum in se admittere non formidaret, si quantum id Deo displiceat, perpenderet, ac eum sibi præsentem, iramque suam ac æternæ calamitatis fulmen minitantem, apprehenderet?

Ratio verò cur cognitio Dei prima sit regula virtutis, est manifesta. Quia perfectio hominis consistit in vnione cum Deo, primo suo principio, & fine ultimo. Hac autem vnio cum Deo originem accipit à cognitione, quæ totius vnionis cum Deo est fundamentum. Nam, ut Dionysius ait, prima vnio cum Deo est per intellectum. Ex hac autem sequitur vnio per affectum, nempe per spem, charitatem & religionem: & vnio aliarum virium animæ cum eodem, quatenus earum operationes per affectum in Deum, id est, in Dei gloriam eleuantur ac diriguntur. Id ipsum in beatissimis cæli incolis obseruari dignissimum est: illorum enim affectus.

omnes ac motus secundum unicam eamque perfectissimam diuinæ cognitionis regulam efformantur. Ab hac alia omnes iuste sancteque viuendi regule participant rectitudinis rationem; ex hac omnis Christi doctrina ac vita immediatè profluxit; ex hac omnium Sanctorum documenta & exempla omnia dimanarunt. Quod etiam ex eo confirmari potest, quòd omnis lex & regula à lege æterna deriuetur. Atqui lex æterna ex essentia diuina resultat, sicut lex naturæ in homine & Angelo ex natura rationali. Ergo Diuinitatis cognitio est prima ac suprema regula omnis perfectionis.

Postremò, cum Dei notitia, sui consideratio est coniungenda, vt perspecta vtriusque distantia, hinc sua imperfectione ac tenuitate, inde Dei perfectione ac maiestate, quid cuique tribuendum sit, depulsis proprii amoris tenebris, clarissimè cognoscat. Ex mutua enim illa humanæ humilitatis ac diuinæ celsitudinis compositione, quid officij sui ratio tum erga Deum tum erga seipsum postulet, facillimè cognoscetur. A nobis malum habemus, & imperfectionem; à Deo omne bonum, & omnem perfectionem. Quapropter omnis amor Dei bonitati debitus, omnis honor perfectioni; nostræ verò malitiæ pœna, vilitati contemptus.

Porro in Deo considerari possunt vel perfectiones intrinsecæ, quæ illi Maiestati inesse concipiuntur, vel extrinsecæ actiones in creaturas; & vtrarumque consideratio est nobis regula summa sanctitatis. Harum quidem per modum exemplaris, quod iuxta Domini monitum proponitur nobis imitandum. Matth. 5. Estote perfecti, sicut & Pater vester cælestis perfectus est, nempe in dilectione inimicorum, in patientia, longanimitate, misericordia, &c. quæ in operibus Dei eiusque gubernatione elucet. Illarum verò varijs modis, prout illarum consideratione ad amorem, timorem, venerationem, humilitatem, aliasque virtutes commouemur, vt infrà explicabitur Itaque statui tractare de Perfectionibus diuinis, & simul de Moribus diuinis qui nobis imitandi,

Ratio in-
scriptionis.

tamquam diuinarum virtutum & perfectionum functiones. Et quamuis hæ perfectiones, ut sunt in Deo, non distinguantur, sed vnica sint, summa, absolutissima & simplicissima perfectio; tamen quatenus menti nostræ obijciuntur, & à nobis concipiuntur, habēt quamdam quasi formalem distinctionem, qua instar distinctarū formarum à nobis apprehenduntur, neq; aliter in hac vita cōcipi possunt; cuius rei ratio infrà explicabitur. Quare cū diuinæ Perfectiones, ut menti nostræ obijciuntur, multę sint numero, & diuerso modo, & ad diuersas virtutes mentē moueāt, numero multitudinis eas exprimimus, & huic Operi præfigimus epigraphen, de Perfectionibus Diuinis, potius quàm de Perfectione Diuina. Doctores Scholastici **Attributa Diuina** vocare solent, ut insinuent inter illa ex parte rei non esse distinctionem, sed solū ex nostra cōceptione, dū vario modo varioq; cōceptu ea Deo tribuimus.

Distributio.
Operis.

Hæ Perfectiones etsi modo vario proponi possint, & ad plures aut pauciores reuocari; pro nostro tamē instituto ad quatuordecim eas reducimus. Quarū quatuor, modorū instar aut conditionū generalium considerātur, tū circa essentiā, tum circa essentię attributa, ut Infinitas, Immenfitas, Immutabilitas, Æternitas. Non enim solū essentia diuina est infinita, immensa, immutabilis, æterna, sed etiā Potētia, Sapientia, Bonitas, Prouidentia, Iustitia, Misericordia, Beatitudo. Quatuor verò nostro cōcipiendi modo se habēt qualitātū instar absolutarū, absq; respectu ad creaturas existentes, ut Omnipotētia, Sapiētia, Perfectio, Sanctitas. Reliquæ sex dicunt respectū ad creaturas existētes, ut Benignitas, Dominiū, Prouidētia, Misericordia, Iustitia, Finis vltimus. Ad hæc omnia cetera facile reducūtur. Nā ad Infinitatē pertinet quòd sit incōprehensibilis. Ad Immenstatem, quòd illocabilis & incircūscriptus. Ad Immutabilitatē & Infinitatem, quòd simplex, carens omni compositione. Patiētia & Clementia ad Misericordiam, Prædestinatio & Re-

probatio ad Prouidentiam, utpote eius partes, Ira ad Iustitiam reuocatur.

Partiemur hoc Opus in quatuordecim libros, secundum numerum istarum quas enumerauimus Perfectionum; quorum alij alijs erunt longiores: sed commodè aliter non potuit fieri distributio. Modus tractandi non erit omnino scholasticus, sed nonnihil liberior, Modus tractandi. ut res illæ non solum utcumq; intelligantur, sed amplo quodam ac splendido modo menti Lectoris obijciantur, prout idoneæ sunt non modò ad intellectum clarè instruendum, verum etiam ad concitandum in animis affectum pietatis. Ita enim concipi debent, ut mentè admiratione, stupore, reuerentia,imore, amore, gaudio possint afficere. Quod non fit, cum in minutis ac subtilitatibus quibusdā, solum ad disputationem comparatis, heretur. Omnia tamen conabimur sic explicare & mentis oculis obijcere, ut quantum fas est, intelligi possit ratio singulorum, adhibita ratione naturali, & auctoritate sanctorum Patrum, ac præsertim S. Scripturæ, ut locus ingenio ac meditationi Lectoris relinquatur, neque mens multa lectione obruatur. Plus enim illustrat mentem, ac potentiùs mouet affectum intenta paucarum rerum consideratio, quàm multa lectio, longusque multorum argumentorum discursus: qui tamen, ubi res postulabit, non deerit.

Conscriptus fuit iste Tractatus à me iam ante tredecim vel quatuordecim annos (exceptis duobus libris postremis, de Iustitia, & Ultimo fine, quos partim anno superiori, partim isto adieci) hortatu R. P. Francisci Flerontini tunc Prouincialis nostri, viri admodum pijs, & diuinarum rerum meditationi addicti. Cui cum exemplar scriptum tradidissem, non magnopere mihi curæ fuit reliqua adijcere, & Opus in lucem dare, præsertim cū multæ aliæ occupationes non deessent. Quo factum est, ut editio Operis, etsi exigui, in hoc tempus extracta sit. Deum precor, ut Lectoribus lumen intelligentiæ & affectum pietatis excitet.

*Facultas R. P. Præpositi Prouincialis Prouinciæ
Flandro-Belgicæ.*

CAROLVS SCRIBANI Societatis IESV
in Prouinciâ Flandro-Belgicâ Præpositus Pro-
uincialis, potestate ad id mihi ab admodum R^{do} P.
N. Mutio Vitellesco Generali Præposito concessâ,
concedo, mandandi typis Commentarium P. Leo-
nardi Lessij de Attributis diuinis, quem Theologi
aliquot Societatis nostræ probarunt. In cuius rei fi-
dem his meâ manu subscripsi, & consueto officij si-
gillo communiui. Antuerpiæ, iii. Augusti, anno
M. DC. XIX.

Carolus Scribani.

A P P R O B A T I O.

ISTE de Diuinis attributis Tractatus vtilissimus
est, ad hoc seruiens, vt mens tam sublimium re-
rum contemplatione in Dei admirationem atque
amoremaffurgat.

*Gulielmus Fabricius Apostolicus
& Archiducalis lib. Censor.*

INDEX

INDEX LIBRORVM ET CAPITVM.

LIBERI .

De Infinitate Dei.

- C**AP. I. *Quid sit infinitas, & quomodo Deo conveniat.* P. I
CAP. II. *Deum ratione sua infinitatis esse incomprehensibilem.* 11
CAP. III. *Ratione eiusdem infinitatis omnia de Deo affirmari quodam modo & negari.* 13
CAP. IV. *Continere eminenter quid postulet.* 15
CAP. V. *Modus apprehendendi infinitatem Dei.* 17
CAP. VI. *Quis fructus ex consideratione infinitatis colligitur.* 18
CAP. VII. *Recollectio precatoria de Infinitate.* 22

LIBER II.

De Immensitate Dei.

- CAP. I. *Deum esse immensum.* 24
CAP. II. *Deum ratione immensitatis esse etiam extra mundum in immenso spatio.* 29
CAP. III. *De substantiali & intima praesentia Dei in rebus omnibus, & quis hinc fructus colligendus.* 32
CAP. IV. *Recollectio precatoria de immensitate.* 35

LIBER III.

De Immutabilitate Dei.

- CAP. I. *Deum esse immutabilem.* 37
CAP. II. *Libertate arbitrij non offi-*

cere immutabilitati, nec contra. 40

- CAP. III. *Omnia sub Deo esse mutabilia.* 43

- CAP. IV. *Recollectio precatoria de Immutabilitate.* 45

LIBER IV.

De Aeternitate Dei.

- CAP. I. *Quid sit Aeternitas.* 47
CAP. II. *Aeternitatem soli Deo proprie convenire.* 49
CAP. III. *Deum ratione sua aeternitatis esse fundamentum temporis imaginarij infiniti.* 53
CAP. IV. *De fructu qui ex consideratione aeternitatis percipitur.* 55
CAP. V. *Recollectio de aeternitate.* 58

LIBER V.

De Omnipotentia Dei.

- CAP. I. *Deum esse omnipotentem.* 61
CAP. II. *Quadam consecratoria Omnipotentia divina.* 63
CAP. III. *Quis fructus huius considerationis.* 67
CAP. IV. *Recollectio precatoria de Omnipotentia.* 69

LIBER VI.

De Sapientia Dei, & simul de Veritate & Vita.

- CAP. I. *In Deo esse perfectissimam sapientiam.* 80
CAP. II. *Aliquot considerationes, ex quibus magis elucescit infinita*

<i>vis sapientie.</i>	73
CAP. III. <i>De fructu huius considerationis.</i>	80
CAP. IV. <i>De Veritate.</i>	82
CAP. V. <i>De Vita.</i>	86
CAP. VI. <i>Recollectio precatoria de Sapientia.</i>	87

LIBER VII.

De Bonitate Dei naturali.

CAP. I. <i>Quid sit Bonitas & perfectio Dei.</i>	90
CAP. II. <i>Quomodo S. Dionysius explicet hanc bonitatem.</i>	92
CAP. III. <i>Recollectio precatoria de Bonitate naturali Dei.</i>	93

LIBER VIII.

De Sanctitate Dei.

CAP. I. <i>Quid Sanctitas, & quomodo sit in Deo.</i>	96
CAP. II. <i>Discrimen Sanctitatis diuine & creaturarum.</i>	99
CAP. III. <i>Tria consecratoria dictorum de Sanctitate.</i>	100
CAP. IV. <i>Recollectio precatoria de Sanctitate Dei.</i>	101

LIBER IX.

De Benignitate & de Amore Dei.

CAP. I. <i>Quid sit Benignitas.</i>	106
CAP. II. <i>Qui nā effectus amoris diuini, & quis modus operandi.</i>	107
CAP. III. <i>De proprietatibus diuini amoris.</i>	109
CAP. IV. <i>Quinque res consideranda in amore Dei erga hominem.</i>	112
CAP. V. <i>Recollectio precatoria de Benignitate diuina.</i>	115

LIBER X.

De Dominio Dei.

CAP. I. <i>Dominium iurisdictionis esse in Deo eminentissimè.</i>	119
CAP. II. <i>Omnem iurisdictionem creaturarum descendere à iurisdictione diuina.</i>	121
CAP. III. <i>De Dominio proprietatis, & duobus primariis eius titulis, Creatione & Conseruatione.</i>	126
CAP. IV. <i>Vtrum ad cōseruationem rerum sufficiat minor influxus Dei, quàm ad earū creationē.</i>	135
CAP. V. <i>De reliquis duobus titulis, Redemptione & Vltimo fine.</i>	152
CAP. VI. <i>Quxdam Consecratoria Domini diuini valdè notabilia.</i>	157
CAP. VII. <i>Recollectio precatoria de Dominio Dei.</i>	161

LIBER XI.

De Prouidentia Dei.

CAP. I. <i>Deum habere omnium rerum prouidentiam : & quid sit Prouidentia.</i>	164
CAP. II. <i>Quæ sint Prouidentie diuinae functiones.</i>	167
CAP. III. <i>De Conseruatione & Cooperatione.</i>	168
CAP. IV. <i>Quo modo Deus creaturis cooperetur.</i>	174
CAP. V. <i>De Prædeterminatione seu decreto diuino.</i>	179
CAP. VI. <i>De Permissione.</i>	182
CAP. VII. <i>De malorum impeditione.</i>	187
CAP. VIII. <i>De gubernatione per motum calorum.</i>	190
CAP. IX. <i>De fructu considerationis diuine prouidentie.</i>	198

*CAP. X. Recollectio precatoria de
Providentia diuina. 203*

LIBER XII.

De Misericordia Dei, & obiter
de Patientia, Mansuetudine,
& Clementia eiusdem.

CAP. I. Quid sit Misericordia. 208

*CAP. II. Deo perfectissimè compete-
re misericordiam, eaque duplicem
vel triplicem. 211*

*CAP. III. De lapsu hominis: & cur
homo potius quàm angeli lapsi
redemptus. 214*

*CAP. IV. de incarnationis Verbi ne-
cessitate. 218*

*CAP. V. Quomodo facta sit hæc
unio. 222*

*CAP. VI. Vtrum unio hypostatica
ponat aliquid creatum intrinse-
cū humanitati, nempe modū quē-
dam ex natura rei ab ipsa distin-
ctū qui antea illi nō inerat, ratio-
ne cuius dicatur unita Verbo. 251*

*CAP. VII. De magnitudine beneficii
Incarnationis. 251*

*CAP. VIII. De beneficio Doctrinæ no-
bis per Verbum incarnatū collato. 252*

*CAP. IX. De beneficio Exemplorum
omnis virtutis. 256*

*CAP. X. De beneficio Liberationis à
peccato, & à morte aeterna. 260*

CAP. XI. De benef. Adoptionis. 262

*CAP. XII. De beneficio Thesauri
perpetui meritorum Christi. 272*

*CAP. XIII. De venerabili Eucha-
ristiæ beneficio, ut est sacrificium:
& quomodo peragatur. 278*

*Cap. XIV. Ad quid datū sit nobis
hoc sacrificium, & quantam vim*

habeat. 280

*Cap. XV. De venerabili Eucharistia
ut est alimētū & Sacramētū. 288*

*Cap. XVI. De miraculis quæ concur-
runt in venerabili Eucharistiæ
Sacramento. 290*

*Cap. XVII. De modo quo beneficia
sua contulit. 309*

*Cap. XVIII. De particularibus be-
neficiis. 323*

*Cap. XIX. Quid rependendum Deo
pro tanta misericordia. 329*

*Cap. XX. De Patientia Dei, Man-
suetudine, & Clementia. 343*

*Cap. XXI. Recollectio precatoria de
Misericordia. 346*

LIBER XIII.

De Iustitia & Ira Dei.

*Cap. I. De varia Iustitiæ acceptio-
ne, & quadruplici debito. 352*

*Cap. II. Vtrū Iustitiæ respiciens ius
perfectum, sit propriè in Deo. 357*

*Cap. III. Vtrum in Deo sit propriè
Iustitiæ vindex. 363*

*Cap. IV. De primo diuina Iustitiæ
opere. 368*

*Cap. V. De secundo opere Iustitiæ
diuinæ. 369*

*Cap. VI. De tertio opere diuinæ Iu-
stitiæ. 371*

*Cap. VII. De quarto iustitiæ diui-
næ opere. 375*

*Cap. VIII. De plagis Aegyptia-
cis. 379*

*Cap. IX. De quinto opere diuinæ
Iustitiæ. 386*

*Cap. X. Res humanas ministeria
spirituum regi. 390*

Cap. XI. De mensura peccatorum

<i>quæ vindictam antecedit.</i>	393
CAP. XII. <i>De sexto iustitiæ opere, quod est. punitio spiritalis, & in primis de subtractione auxilij interioris.</i>	400
CAP. XIII. <i>De subtractione auxilij externi.</i>	406
CAP. XIV. <i>De Excacatione & Ob- duratione.</i>	407
CAP. XV. <i>Pœnam spiritalem sepe non condonari cum alijs pœnis, & etiam in peccatis venialibus lo- cum habere.</i>	413
CAP. XVI. <i>De septimo Iustitiæ ope- re, nempe Christi passione & morte.</i>	417
CAP. XVII. <i>De octavo opere diuinæ Iustitiæ, quod consistit in pœnis Purgatorij.</i>	419
CAP. XVIII. <i>De plagis nouissimis, nono Iustitiæ opere.</i>	423
CAP. XIX. <i>De tempore quod supere- rit vsque ad excidium mundi.</i>	433
CAP. XX. <i>De igne quo conflagrabit orbis.</i>	435
CAP. XXI. <i>De Resurrectione mor- tuum, eorumq; congregatione in locum Iudicij.</i>	445
CAP. XXII. <i>De comparatione Iudi- cis, eiusque sententia.</i>	453
CAP. XXIII. <i>De sententia execu- tione, & mundi inuolutione.</i>	466
CAP. XXIV. <i>De Inferno & pœnis Inferorum.</i>	470
CAP. XXV. <i>De pœnarum aternita- te, & qua ratione iustè pro vno peccato mortifero Deus infligat pœnas aternas.</i>	486

CAP. XXVI. <i>In quo cōsistat malitia peccati, & quo modo mereatur pœnam infinitam, seu aternā.</i>	491
CAP. XXVII. <i>Nonnullæ Obiectio- nes contra malitiam peccati di- luuntur.</i>	512
CAP. XXVIII. <i>Peccatum mortife- rum multiplici ratione ingens malum esse, & ingentia mala in- ferre.</i>	518
CAP. XXIX. <i>De malis quæ pecca- tum infert post hanc vitam.</i>	526
CAP. XXX. <i>Quomodo ignis corpo- reus agat in spiritus.</i>	538
CAP. XXXI. <i>Recollectio precatoria de Iustitiæ.</i>	545

LIBER XIV.

De Ultimo fine.

CAP. I. <i>Deum esse ultimum finem, cuius gratia sunt omnia.</i>	549
CAP. II. <i>Vtrum prima illa intentio, qua Deus ante omnem futurorū præuisionem statuit homines & Angelos facere participes gloriæ sue, fuerit absoluta circa singu- los in particulari, & circa men- suram gloriæ cuiusque.</i>	556
CAP. III. <i>Quod Deus necessariò in omnibus operibus ad extrà qua- rat gloriam suam: nec idcò mi- nus ei deberi à creaturis.</i>	576
CAP. IV. <i>Quo modo natura ratio- ne carens ordinetur ad gloriam Dei.</i>	580
CAP. V. <i>Quo modo natura rationa- lis ad gloriam Dei ordinetur.</i>	584
CAP. VI. <i>Recollectio precatoria.</i>	589

DE



D E
P E R F E C T I O N I B V S
M O R I B V S Q V E
D I V I N I S
L I B E R P R I M V S ,
D E I N F I N I T A T E D E I .

C A P V T P R I M V M .

Quid sit Infinitas, & quomodo Deo conveniat.

I



VPLICITER potest aliquid dici *infinitum* : Primò, in ratione entis; Secundò, in certo genere. Quod priore modo *infinitum* est, *absolutè* & omnibus modis *infinitum* est: quia totam entis amplitudinem, quæ in *infinitum* & sine termino excurrit, in se continet, eique se exæquat: adeò ut nulla species, nulla perfectio in tota entis amplitudine cõcipi possit, quæ

*Dupliciter
dicitur ali-
quid infini-
tum.
Infinitum
absolutè.*

in illo vel formaliter vel eminenter non contineatur. Quod verò *in certo genere infinitum* dicitur, tria requirit. Primò, Ut formaliter vel eminenter contineat omnem perfectionem, distinctionem & mensuram possibilem vel imaginabilem in illo genere. Secundò, Ut series illarum perfectionũ excurrat crescendo sine termino. Tertiò, Ut in illa interminabili serie nõ possit assignari ali-

*Infinitum in
certo genere
tria requirit.*

A

quid determinatū, quod nō infinitè superetur ab eo quod dicitur infinitum, vt sapientia infinita continet omnes sapientiæ species, gradus, mēsuras & distinctiones, quæ sunt vel possunt esse, vel animo concipi, (quæ etiam sine termino excurrunt, siue intensiōe, siue extensiōe consideres) & extendit se ad omnia intelligibilia, simplicia & cōplexa, existentia & non existentia, præterita, præsens, & futura. Pulchritudo infinita continet omnes species & gradus pulchritudinis, tã corporalis quàm spiritualis, existētes & non existētes, passibiles & imaginabiles, qui etiã sine termino excurrunt. Idē dicendum de infinita magnitudine, duratione, intensiōe, & multitudine. Infinita enim magnitudo cōtinet in se omnes species & mensuras magnitudinū conceptibiles, quæ sine termino excurrunt: quia nulla tã magna concipi potest, quin possit dari maior. Infinita duratio continet omnes mensuras durationū sine termino excurrentes & crescentes. Infinita graduum intensiō continet omnē mensuram perfectionis gradualis imaginabilē intra illā speciem: vt si esset lux infinita, contineret lucē 10. graduum, & lucem 100. graduum, & 1000. graduum, & centum milliū, & sic vlteriùs sine termino. Et multitudo infinita cōtinet omnes numerorū species sine fine excurrentes & crescentes. Porro omnia quæ in infinito continentur, sunt res positiuæ, determinatæ, & limitatæ, sed sine termino semper maiores & maiores, etiamsi maximis augmentis procedas singula augendo in millecuplum, vel per quadratā & cubicam rationem: neque vñquam poterit deueniri ad aliquid tam magnum, quod non infinitè excedatur. Ipsum verò quod *infinitum* dicitur, non semper est quid positium.

*Infinitum
positiuum.*

2 Vnde rursus duplex *infinitum* distinguendum. Aliud enim est infinitum positiuè, aliud negatiuè. *Positiuè infinitum* est aliquid vñum & determinatum, & in modum rei vñius singularis & determinatæ conceptibile, sed adeò perfectum, vt infinita in se emi-
nenter cōtineat, quorum nullum illi vñquam poterit exæquari, etiamsi sine fine in suo genere crescat; sicut de sapiētia & pulchritudine infinita explicatum est. Tale etiam infinitum est meritum Christi, quia in ratione meriti adeò est magnum & perfectum, vt determinatas meritorum mensuras sine numero excurrentes & crescentes contineat, nullaue possit adeò magna meritorum mēsurā fingi in aliqua pura creatura, quin infinitè à Christi merito vincatur. Nullum etiam adeò magnū præmiū quin illi par esse

*Meritum
Christi in-
finitum.*

queat. Ad quod benè apprehendendū applicari potest multiplicatio graduum secūdū species numerorum, vt suprà ostensum.

Infinītum negatiuè non est per se res aliqua positiua & determinata, sed est multitudo rerum determinatarum, sine termino & statu excurrentium & crescentium, siue in magnitudine, siue in duratione, siue in perfectione intensiua, siue in extensione obiectiua, siue in quauis alia rerum multitudine. Neutra ratio infiniti locum habet in rebus creatis. *Infinītum enim negatiuè*, cū nō habeat rationē rei vnius, & formaliter non sit quid positiuū & determinatū, non potest esse terminus creationis, quæ cū sit actio positiua & determinata, ad aliquid positiuū & determinatū tendere debet, neque aliud mente cōcipi potest. *Infinītum positiuè* (de reali & physica loquor) est Deo proprium, ratione eminentissimæ perfectionis, per quā infinitas perfectiones continere ac producere potest. quod quo modo intelligendum, ampliū explicabitur lib. v. De omnipotentia. Dixi esse multitudinem rerum determinatarum, quia infinitum quod cernitur in partibus continui, non est propriè infinitum, cū non constet partibus determinatæ quātitatis in infinitum excurrentibus, sed finitis. Est tamen quoddam genus infiniti, quod *comparatiuè infinitum* vocare possumus, quod etiā suo modo est infinitum positiuè: quia est res vnica ita perfecta, vt æquiualeat & melior sit infinitis rebus inferioris ordinis. Sic homo infinitè melior est bestia: quia etiamsi essent infinitæ bestiæ, imò infinite bestiarum species; tamen vnus homo melior & dignior esset omnibus illis simul sumptis. Simili modo bestia melior est infinitis plantarum speciebus. Sic etiam peccatum mortiferum est infinitè peius peccato veniali: quia venialia quantumuis multa non possunt exæquare malitiam peccati mortiferi.

3 His positis, dicimus Deum esse absolutè infinitum, quia Scriptura diuina tribuit ipsi absolutam infinitatem. Psal. 144. *Magnus Dominus & laudabilis nimis, & magnitudinis eius non est finis.* & Baruch 3. *Magnus est, & non habet finem, excelsus & immensus.* Denique eadem infinitas insinuat, vbicumque Scriptura extollit ipsius *magnitudinem*, vel immensitatem, hæc enim loca intelligenda sunt de infinitate absoluta quoad omnia, & non tantū in certo genere: nimirum illum ita esse magnum in maiestate, potentia, sapientia, omni que perfectione, vt nihil maius cogitari possit, etiā si quis sine fine maiora & maiora animo cōcipiat. Si enim aliquid maius

4 DE PERFECT. DIVINIS LIBER I.

*Magnum
cum Deo tri-
buitur quid
denotet.*

*Cap. I. 2 s.
De divinis
nominaibus.*

cogitari posset, iam respectu illius nō magnus esset Deus, sed par-
uus. Vnde non esset absolutē nec perfectissimē magnus, vt Scri-
ptura intēdit, sed solū respectu aliquorū: neq; verū esset, quod eius
magnitudinis nō sit finis. Porro *magnum* in Scriptura cū Deo tribuitur,
non solū significat magnitudinem extensionis per omnia spatia,
sed cuiuslibet perfectionis, vt sapiētiae, potentiae, maiestatis, natu-
rae, &c. Nā in omnibus quoad omnia Deus magnus est & immen-
sus. Vnde ad vnā vel alterā perfectionē restringi non potest: prae-
sertim cū omnia quae Deo tribuuntur, κατ' ἐξοχήν & ὑποχρεῖται ac-
cipienda sint, vt passim S. Dionysius docet. Præterea eadē veritas
insinuat in Scripturis, vbicumque Deus dicitur *omnipotens*. Si e-
nim omnia potest, omnia in ipso continentur, omnisque rerū per-
fectio in ipso praeexistit. Omnis enim perfectio effectū praeexistit
in causa, vel formaliter, vel eminenter. Si omnis rerum perfectio
in ipsius potentia continetur, etiā continetur in essentia, cū potē-
tia non distinguatur ab essentia. Ipsa enim essentia, quatenus est
productiua rerum, dicitur potentia non solū in Deo, sed etiā in
rebus creatis: & quamuis nostro modo concipiendi ponatur di-
stinctum attributum, hoc non refert; quia concipitur vt quodam-
modò manans ab essentia, & ita totā eius vis est ex essentia.

4 Neque solū ex infinitate potentiae rectē colligimus absolutam
infinitatem essentiae, sed etiam ex infinitate cuiuslibet attributi.
Sapientia enim, iustitia, misericordia infinita nō est accommoda-
ta vel commensa nisi essentiae infinitae. Debet enim esse proportio
inter essentiam & attributa, siue inter hae sit aliqua distinctio for-
malis, vt quidam volunt, siue non sit; vt infra ostendetur. Pari mo-
do ex essentiae infinitate optimē colligimus infinitatem attribu-
torū, quia essentiae infinitae non respondent, neque cōmensa sunt
attributa perfectionis finitae. Vt omittam quod attributa nostro
modo concipiendi manāt ab essentia, vel potius per ipsam simpli-
cem essentiae rationē Deo competāt. Denique eadem infinitudo
insinuat Exodi 3. vbi Dominus Moyfi roganti nomen Dei re-
spondit: *Ego sum qui sum*, vel vt LXX. vertunt, Εγώ εἰμι ὁ ὢν, *Ego sum
qui est*. Et paulò post: Sic dices ad eos: Οὗ ὢν, *Qui est misit me ad vos*.
Hic Deus vocat se, *qui est*; tum quia sempiternē est, tū quia in ipso
est plenitudo essendi, & ab ipso omne esse descendit, quasi dicat:
*Ego sum is qui numquā incēpit, numquā desinet, numquā mu-
tabitur; sed sempiternē & immutabiliter est, & omne esse plenissi-*

mē.continet & præbet; & à quo omne esse descendit: vt exponit Dionysius De diuinis nominibus cap. 5.

5 Infinitudo itaq; diuinæ essentia, est omnis perfectionis & entitatis simplicissima & eminentissima cōplexio. Dico *omnis perfectio- nis*, non solum increata, sed etiā creata. Quidquid enim est boni- tatis, pulchritudinis, perfectionis, entitatis in creaturis, id totum multo perfectius & copiosius cōtinetur in Deo. Vnde meritò D. Gregor. Orat. in Natalitia de Deo loquens ait: Ο'λοι γὰρ ἐν ἑαυτῷ συλλαβὼν ἔχῃ τὸ αἶναι, μήτε ἀρχά μιν, μήτε παυσόμινον, οἷον τι πέλαγος ὕδατος ἀπὸρίν τε καὶ ἀόριστον, *vniversum esse in seipso numquā inceptum, numquā de- siturum, cōplexus continet, tāquam infinitū quoddā & interminatū essentia pelagus.* Optimè *pelagus essentia*; quia infinita essentiarū, specierū, & perfectionū multitudo & varietas ibi reperitur, & eminentissimè cōtinetur. Ob eādem causam à veteribus Philosophis vocatus est Deus τὸ πᾶν, id est, *vniversū*, vt docet Eugubinus De perenni phi- losophia li. 3. c. 8. quia vniversa quæ aliquo modo esse participāt, cōplectitur. Et in oraculo illo, *Magnus Pater mortuus est* (cuius memi- nit Plutarchus in li. de Oraculorū defectu) Christus vocatur *ma- gnus Pater*; vt quidā volunt, quia est omnium Dominus, & omnia in se cōtinet: etsi alij aliter illud intelligāt. Eodē iuxta multorū inter- pretationē pertinet illud quod Dominus ait Moyli Exodi 33. *Ego ostendam omne bonū tibi*, nimirū quia in Deo sunt omnia. Pulchrè in hanc sententiam Gregorius Nazianzenus in quodam carmine:

Σὺ ἐνὶ πάντα μένεις, σοὶ δ' ἀπὸ πάντων θεάσῃ.

Σὺ πᾶσι τέλος εἶσι, καὶ εἰς, καὶ πάντα, καὶ ἄδεις,

Οὐχ ἐν ἑῷ, ὅς πάντα παύομε τί σε χαλέωσω

Τὸν μόσι ἀκλίσεις

In te omnia permanent, ad te consertim festinant omnia.

Tu omnium finis, tu vnus, & omnia, & nihil rerum,

Cum neque vnus sis, neque omnia, quem te appellem,

Qui solus innominabilis, & omninomius?

Dicitur esse *omnia*, quia omnia in ipso continentur, ita vt sit *omnia* formaliter vel eminenter. Dicitur esse *nihil rerum*, quia est supra omnia quæ à nobis concipi possunt. Simili modo dicitur *innomi- nabilis*, & *omninomius*. etsi enim plurimis nominibus appelletur; vt à nobis aliquo modo concipi possit, nullum tamen nomen nul- laque cōceptio nostra illum exprimere potest prout est in seipso. 6 *Simplicissima complexio.* Non enim sicut mundus complectitur

6 DE PERFECT. DIVINIS LIBER I.

*Simplicitas
diuina essen-
tia.*

*Deum per
simplicissi-
mam essen-
tiam esse
omnia.*

omnem perfectionē rerum creatarū per diuersas sui particulas & formas: ita Deus per aliquam diuersitatem formarū vel partium continet omnia, sed per vnā simplicissimā rationē suæ Deitatis, per quam est omnia formaliter vel eminenter. Nam per rationem suæ Deitatis non solum est Deus, sed etiam est omnipotētia, bonitas, sāctitas, iustitia, misericordia, immēsitās, æternitas. deinde per eandē continet omne bonū Angelorum & hominū, & totius creaturæ non solum existētis sed etiam possibilis. Plurimis id locis tradit S. Dionysius Areop. nā li. De diuinis nom. c. 5. ita scribit: Καὶ γὰρ ὁ Θεὸς ἕως ὅτι ἐστὶν ὡς, ἀλλ' ἀπλῶς καὶ ἀπεριερίτως ὅλοι ἐστὶ ἐαυτῷ τὸ εἶναι συνειληθὲς καὶ περιληθὲς. *Deus non quouis modo est ens, sed simpliciter & incircumscripte, totum esse in se pariter complexius & anticipans.* Anticipās, Græcè περιληθὲς, quia priusquā haberēt esse in seipsis, habebāt esse in Deo. Et ca. 3. Εἰ δὲ (λέγεται) ὅτι πάντα ἐν αἰῶσι ὄντι καὶ μακρὰ ἐόντες ὑπερβολῶ. *Vñ dicitur, quia est omnia vnicē (seu simplici modo) secundū excellentiā vnus vnitatis, id est, est omnia per eminentissimā vnitatē & simplicitatē suæ essentię.* & infrā: Εἰ καὶ πάντα ἐνικῶς συνήκτα, καὶ ὑπερνωτά, καὶ περιεπὶ ὑπερσσίως. *In qua (vnitate diuina) omnia vnicē sunt coniuncta, superunita, & præexistētia superessentialiter.* Quibus verbis excluditur omnis distinctio actu non solū realis, sed etiā formalis vel modalis inter essentiā & attributa diuina, & ipsorū attributorū inter se. Si enim per vnā eminentissimē simplicem vnitatem seu formā Deus est omnia, & omnia in illa simplici vnitare sunt eminentissimē cōiuncta, vel potius vnum idemque; nulla est ibi formarum aut rationum formalium distinctio, nulla diuersitas inter rationem formalem quā Deus est, & quā sapiens est; siue quā Deitas, & quā sapientia est. Longè perfectius est & sublimius, omnia illa per vnā simplicissimā essentię rationem habere & esse; quā per diuersas vel qualitates, vel formas, vel modos, qui essentiam veluti afficiant & modificent.

7 Idem apertē docet S. Augustinus lib. 6. De Trinit. cap. 7. *Deus multipliciter quidem dicitur, magnus, bonus, sapiens, beatus, verus, & quidquid aliud non indignē dici videtur. Si eadem magnitudo eius est, quæ sapientia (non enim mole magnus, sed virtute) & eadem bonitas quæ sapientia & magnitudo; & eadem veritas, quæ illa omnia: & non est ibi aliud beatum esse, & aliud magnum, aut sapientem, aut verum, aut bonum esse, aut omnino ipsum esse.* At si esset aliqua inter illa distinctio, essetq; diuersæ rationes formales ex parte rei distinctæ, aliud

esset ibi esse beatum, esse magnum, esse sapientem: sicut aliud in nobis est esse longum, figuratum, rectum, curuum, quæ non distinguuntur nisi formaliter. Idem eodem lib. & aliis locis sæpè repetit. S. Anselmus in Menologio c. 15. demonstrat omnia illa quæ Diuinitati tribuuntur, significare nō qualitatem, vel modum, sed substantiam eius, & ipsam esse omnia illa summo modo: *Quidquid igitur, inquit, eorum de illa dicatur, non qualis vel quanta, sed magis quid sit monstratur. Sed palam est, quia quodlibet bonum summa natura sit, summè illud est. Illa igitur est summa essentia, & summa vita, summa ratio, summa salus, summa iustitia, summa sapientia, summa veritas, summa bonitas, summa magnitudo, summa pulchritudo, summa immortalitas, summa incorruptibilitas, summa immutabilitas, summa beatitudo, summa eternitas, summa potestas, summa vnitas.* Et cap. 16. demonstrat quòd Deus sit hæc omnia per vnā simplicem rationem & considerationem: *Cum igitur illa natura nullo modo composita sit, & tamen omnimodò tot illa bona sit; necesse est vt omnia illa non plura, sed vnum sint. Idem igitur est quodlibet vnum illorum, quod omnia sunt simul, siue singula: vt cum dicitur iustitia, vel essentia, vnum significat quod alia vel omnia simul; vel singula. Omnia itaque attributa sunt in Deo vna simplicissima ratio: & quodlibet vt est in Deo, essentialiter continet aliud, & omnia simul; & ipsa essentia intimè & formaliter includitur in ratione singulorum. Explicat id exemplo à contrario: Secundum aliud, inquit, homo est corpus, & secundum aliud est rationale, & singulum horum non est totum quod homo. Illa verò summa essentia nullo modo sic est aliquid, vt illud idem secundum alium modum aut considerationem non sit: quia quidquid aliquo modo essentialiter est, hoc est totum quod ipsa est, &c. Itaque per idem formaliter est sapientia, per quod est iustitia; & per idem est iustitia, per quod misericordia: & quodlibet horum essentialiter est totum quod Deitas, & omnia quæ Deitas. Idem docet præclare D. Bernardus Serm. 80. in Cantica: *Sola summa & increata natura, quæ est Trinitas Deus, hanc sibi vendicat meram singularitatemque suæ essentia simplicitatem, vt non aliud & aliud, non alibi & alibi, sed ne modò quidem & modò inueniatur in ea, nempe in semet manens, quod habet est, & quod est, semper & vno modo est. in ea & multa in vnum, & diuersa in idem rediguntur, vt nec numerositate rerum sumat pluralitatem, nec alterationem de variatione sentiat.* Et infrà: *Iam de magnitudine, bonitate, iustitia, sapientiaque idem per omnia quod de Diuinitate sentimus, vnum in Deo sunt & cum Deo. Nec enim aliunde bonus,**

8 DE PERFECT. DIVINIS LIBER I.

quàm vnde magnus: nec aliunde iustus aut sapiens, quàm vnde magnus & bonus: nec aliunde denique simul hæc omnia est, quàm vnde Deus; & hoc quoque non nisi seipso. Hic Bernardus per simplicissimam essentiam, quæ Deus & Deitas est, ista omnia competere asserit. Vide eundem lib. 5. De consideratione, paulò ante medium.

*Probatur
tione.*

8 Idem ipsa quoque ratio conuincit. Nā longè perfectius & eminentius est, per vnā simplicissimā & illimitatā formā omnia ista habere, quàm per formas seu rationes diuersas, & quodāmodò limitatas; vt optimè docet B. Bernardus Serm. illo 80. sub finē, estque per se euident. at si esset aliqua distinctio in Deo inter attributa & essentiā, Deus non haberet omnia ista per vnā simplicissimā rationē formalem, sed per diuersas, & in ratione entis limitatas. Per aliam enim esset Deus, per aliam sapiens, per aliam iustus, &c.

Deinde si est aliqua distinctio actualis inter attributa & essentiam, quomodo non est ibi vera compositio? quomodo Deus non erit compositum quiddam ex multis distinctis & limitatis rationibus vel formis? Nec refert quòd inter illa non sit magna distinctio. Quando enim plura ad vnius integritatem constituendam concurrunt, ad compositionem sufficit quæuis illorum distinctio. Si enim est magna distinctio, efficiet vt magna sit compositio; si parua, efficiet vt compositio quoque sit parua, non tamen efficiet quin sit vera compositio repugnans simplicitati. Quid enim aliud est esse simplex, quàm nullo modo compositum ex rebus distinctis? Sic inter quantitatem & figuram, inter animam & animationem, inter formam & informationem est compositio, etsi minima sit, & solum formalis distinctio. Cur non similiter inter diuinam essentiam & sapiētiam, si inter illa est formalis distinctio? In rebus enim creatis, omnis distinctio actualis, vel est realis propriè, qualis est inter rem & rem; vel est modalis, qualis est inter rem & rei modum, vt optimè ostendit Suarez in sua Metaphysica: & vtraque sufficiens est ad veram compositionem. Cur non similiter in Deo sufficiens erit? Vt enim minima sit illa distinctio, erit tamē modalis; & attributa essentiam veluti modi quidam & determinationes illius afficient.

Suarez disput. 7.

Tertiò, Si essentia diuina distinguitur formaliter à sapientia & ceteris attributis; ergo ipsa per se ipsam non est sapientia aut sapiens, sed per aliquid superadditum; imò nec sapientia erit. Nam rationes formaliter distinctæ de se mutuo in abstracto non dicuntur.

tur. Quantitas enim non est sua figura, nec anima est sua animatio, nec accidens sua inhærentia. Nec ergo Deitas erit sua sapientia, saltem propriè & formaliter. Itaque hæc locutio, Deus est sapientia, Deus est misericordia, exponenda erit per concretum, Deus est sapiens, Deus est misericors: quod detestatur D. Bernardus Serm. illo 80. in fine: vbi contra Gilbertum Porretanum ostendit, illas locutiones in abstracto esse propriissimas; & concreta potius esse exponenda per abstracta, quàm abstracta per concreta.

Quartò, Denique posita distinctione, non potest concipi quomodo non sit ibi vera productio, qua ab essentia emicent & pullulent veluti quædam illius proprietates & modi resultantes. Non enim ab extrinseco proueniunt, sed ab intrinseco, & ab ipsa essentia, in qua tamquam in radice continentur. Itaque cum ab hac dependeant, & ab ea verè & propriè distinguantur; cur non dicentur propriè ab essentia produci, & ab ea oriri? at hoc nefas est dicere, cum nihil ibi præter Filium & Spiritum sanctum sit productum. Omitto alia, quæ aduersus hanc imaginationem eminentissimæ illi simplicitati indignam adferri possent.

9 Nec obstat quòd diuina essentia & attributa, ut à nobis concipiuntur, nostrisque conceptibus obijciuntur, ratione formali distinguui videantur: id enim ipsorum simplicitati & perfectissimæ vnitati minimè officit. Ratio est, quia id non prouenit ex eo quòd inter illa sit aliqua in re distinctio vel diuersitas; sed ex mentis nostræ imbecillitate, quæ diuina concipere non potest prout in seipsis & in sua celsitudine existunt, seu secundum altissimum modum & simplicitatē quam ex parte rei habent; sed solùm ex analogia ad res creatas, quatenus per eas aliquo modo repræsentari & adumbrari possunt. In rebus autem creatis, essentia distinguitur à suis perfectionibus quibus ornatur; & ipsæ perfectiones inter se distinctæ sunt. Hinc fit ut essentia diuina concipiatur à nobis tamquam distincta à sapientia, bonitate, iustitia, misericordia, ceterisque attributis: & hæc ipsa attributa concipiuntur tamquam distincta inter se: cum tamen ibi nulla sit distinctio aut varietas, sed summa simplicitas. Nam Deus per simplicissimam suam essentiam formaliter est sapiens, bonus, iustus, misericors; atque adeò ipsa sapientia, bonitas, iustitia, misericordia, &c. Quatenus enim essentia diuina in Deo præstat id quod in rebus creatis præstat sapientia, siue in actu primo, siue in actu secundo, dicitur sapientia: ut verò eadem

*Cur diuina
perfectiones
conciuntur
ut distinctæ.*

præstat id quod in nobis misericordia, iustitia, sanctitas, dicitur misericordia, iustitia, sanctitas, &c. Quod enim diuersæ perfectiones formaliter præstant in rebus creatis, idem in Deo præstat formaliter vna simplicissima essentia; sed modo eminentissimo & illimitato.

Ex quibus patet, etsi illæ perfectiones, quæ à nobis vt distinctæ & limitatæ concipiuntur, verè sint in Deo; in ipso tamen non esse vlllo modo ex parte rei distinctas actu, aut limitatas in ratione entis, nec habere illum modum essendi in Deo, quo nostris conceptibus obiiciuntur: nec etiã esse similes vlllo modo vt sunt in Deo, & vt à nobis concipiuntur ac proinde ex conceptuum distinctione non posse inferri distinctionem obiectorum ex parte rei.

10 Neque in rebus diuinis tantum locum habet, vt ea quæ in re non distinguuntur, in conceptu sint distincta; sed etiam passim in rebus creatis. Gradus enim superiores & inferiores non distinguuntur actu ex parte rei, iuxta verior sententiam, cum etiam in rebus simplicissimis, vt in Angelo, anima, & similibus reperiantur: sed sunt vna eademque natura considerata, vt cum pluribus vel paucioribus similitudinem habet, vel vt principium diuersarum proprietatum, quæ in pluribus vel paucioribus reperiuntur. Si enim natura Petri consideretur vt est res vna demonstrabilis, & ab omnibus aliis distincta, constituit gradum indiuidui: si vt similis naturæ quæ in aliis hominibus, seu vt principium vtendi certo modo ratione (quod solis & omnibus hominibus competit) sic constituit gradum specificum naturæ humanæ: si vt principium sentiendi (quod commune omnibus animantibus) constituit gradum animalis: si vt principium functionum animæ vegetantis (quæ communes animalibus & plantis) constituunt gradum viuentis: si vt similis aliis rebus corporeis, gradum corporis: si vt res per se existens, sicut omnes aliæ substantiæ, gradum substantiæ. Itaque vna eademque natura quamuis simplicissima, vario modo inadæquatè concepta & considerata, diuersos gradus constituere potest, qui solum nostris conceptibus distinguuntur. Simili modo cum vna eademque res diuersi generis effectus vel actus habet (sicut accidit in anima) concipimus in illa diuersas potentias: cum tamen valdè verisimile sit, ipsam simplicem rei essentiam posse illos effectus vel actus producere.

11 Denique si ex diuersitate conceptuum sequeretur subesse distinctionem formalem obiectorum ex parte rei: non solum attri-

buta diuina inter se distincta forent, sed etiam gradus superiores & inferiores, qui in singulis attributis concipiuntur. Item omnes rerum notiones vel ideæ, & omnia iudicia de omnibus rebus futuris, & omnes actus liberi. Hæc omnia inter se formalem distinctionem haberent, & ita in Deo essent res infinitæ formaliter inter se distinctæ. Nec vlla creatura esset tam multiplex & varia, quàm sit ipse Deus; quod est absurdum. Longè enim eminentius Deoque dignius est, ut ipse, per simplicem suam essentiam omnia illa sit, possit, & habeat, quæ creatura per distinctas perfectiones & actus.

CAPVT II.

Deum ratione suæ infinitatis esse incomprehensibilem.

12 **C**ONSIDERANDVM est Deum quatuor modis dici incomprensibilem, loco, tempore, intelligentia, & amore. Loco; quia nullus locus, nullum spatium tam magnum cogitari potest, quin Deus illud excedat, & extra reperiatur. Tempore; quia excedit omnia tempora, ut pote ante omnia tempora quæ mente concipi possunt, & omnibus temporibus in futurum posterior. Intelligentia; quia nullus intellectus creatus ipsum potest comprehendere, sic ut nihil Dei illum lateat. Amore; quia omnem amorem excedit, ita ut nulla mens creata illum pro dignitate amare possit. Omnes hi modi incomprehensibilitatis sequuntur ex eius infinitate: sed nos hîc potissimum agimus de tertio, quo Deus dicitur *incomprehensibilis*. omni intellectui creato. Hoc modo Dionysius & Damascenus Deum dicunt esse ἀχρηστόν, ἀεὶ ἀληπτον, ἀεὶ ἄχρηστον.

Deus quatuor modis incomprehensibilis.

13 Dico, omni intellectui creato. Nam suo intellectui Deus non est incomprehensibilis, sed perfectè (ut sic loquar) comprehensibilis. Totam enim profunditatem & immensitatem diuinæ essentiae exhaurit diuinus intellectus, eique se exequat, & eam intra se concludit. Nam infinitum infinito non est infinitum, sed quasi finitum. Quod alta mente intellexit S. Augustinus cùm ait. *Quapropter si quidquid comprehenditur, scientis comprehensione finitur: profectò omnis infinitas quodam ineffabili modo finita est, quia scientiæ ipsius comprehensibilis ratio est.*

Deus sibi est comprehensibilis.

Porro Deum menti creatæ incomprehensibilem esse, multis locis docet Scriptura: ut cùm dicit, illum *incomprehensibilem cogitatu.* & *incomprehensibilia esse iudicia eius.* & *ipsum lucem inhabitare inaccessibilem.* Idem plurimis locis docet Dionysius, & maximè libr. De

Augustinus
lib. 12 De
ciuit. c. 10.
Jerem. 32.
Rom 11.
1. ad Tim. 6.

mystica Theologia: ubi totus est in eo, ut ostendat Deum esse infinitè eleuatum supra omnem essentiam, & supra omnem intellectum & cognitionem, omnesque cognitionis terminos, & supra omne id quod à creatura cōprehendi potest: idque *ἡ γὰρ τὴν ὑπερ-σπουδαιότητα ἀπειλείας*, propter suam *superessentialem infinitatem*. sic enim loquitur lib. De diuinis nominibus cap. 1. Idem docet S. Chrysostomus lib. De incomprehensibili natura Dei, & Damascenus lib. 1. De fide cap. 2. & alij omnes Patres & Theologi. Pulchrè Cyprianus libro, *Quòd idola non sunt dij: Mundi unus est Rector, qui vniuersa quæ sunt, verbo iubet, ratione dispensat, virtute consummat. Hic nec videri potest, visu clarior: nec comprehendi, tactu purior est: nec aestimari, sensu maior est: & ideo sic cum dignè aestimamus, dum inæstimabilem dicimus.* Vbi etsi loquatur de comprehensione corporali, cum ait, *tactu purior est*; tamen cum dicit *inæstimabilem*, significat incomprehensibilem intellectu & quauis facultate spiritali.

*Cur Deus
comprehendi
nequeat.*

14 Ratio est, quia ut Deus dicatur comprehendi, seu comprehensuè videri, necesse est ut tam perfectè videatur, quàm visibilis est, adeò ut perfectio visionis exæquet perfectionem rei visæ, sic ut Deus non excedat visionem quasi maior, sed intra illam totus claudatur, & respectu illius non sit infinitus, sed quasi finitus; ut suprà ex Augustino ostensum. Hoc autem fieri non potest, nisi visio illa sit absolutè infinita, sicut Deus est absolutè infinitus. Atqui creatus intellectus cum sit limitatus, non est capax visionis infinitæ. Ergo nullo modo potest Deum comprehendere. Confirmatur. Quia cum Deus sit infinitè visibilis (id est numquam lumine finito tam perfectè videri possit, quin possit perfectiùs, & ut ita dicam, profundius ac penitiùs) opus est lumine infinito, ut videatur quantum visibilis est, & visio adæquetur obiecto. Atqui creatus intellectus non est capax luminis infiniti, nec tale lumen creatum possibile. Idem suadetur hoc modo. Deus est infinitè eleuatus super omnem naturam creatam, etiam intellectualem: ac proinde nec videri quidem simpliciter potest, ut est in seipso, nisi intellectus per lumen quoddam ordinis diuini (quod lumen gloriæ vocatur) infinitè eleuetur. *Infinitè* dico: quia per lumen ordinis naturalis, quantumuis magnum, numquam ad illam celsitudinem poterit pertingere. Hac eleuatione posita per lumen gloriæ, videbitur quidem Deus utcumque clarè, non tamen poterit comprehendi: quia cum ulterius per omnia sit infinitus, est etiam infinitè, ut ita dicam,

penetrabilis. Non enim solùm est infinitè supra omnia eleuatus, sed etiam in sua illa altitudine & eleuatione stabiliter fixus permanens, est (vt ita dicam) infinitè profundus, & infinitè latus. Infinitè profundus, quatenus eius perfectio est veluti intensiue infinita: infinitè latus, quatenus ex vi perfectionis intensiue se extendit ad infinitam entis latitudinem. Itaque vt perfectè tota vis eius penetret, debet ita cognosci vt ad infinita se extendit, sic vt ex vi illius cognitionis distinctè, perfectè, & simul, videantur omnes ipsius conceptiones, omnia consilia, omnia decreta, & omnia quæ ipse potest facere, vel decernere, vel permittere, vel impedire. Quæ cum infinities infinita sint, & in infinito profundo lateant, non possunt quouis lumine gloriæ videri, cum hoc ad simplicem Dei visionem necessarium sit: sed vel requiritur lumen gloriæ infinitum, quod neque esse potest, neque à subiecto creato suscipi: vel certè requiritur lumen altioris ordinis, quàm sit lumen gloriæ, quale etiam dari non potest, cum lumen gloriæ sit ordinis diuini ac planè supremi. Perspicuum est ergo, Deum à nulla creatura comprehensiue cognosci posse, & omnem visionem Beatorum, etiam si clara sit, infinitè ab ipsius comprehensione vinci & distare.

15 Quam infinitam distantiam inter simplicem visionem & comprehensionem considerantes multi Patres, insinuant, Deum, vt in se est, à creatura, imò nec ab Angelis beatis videri posse: nimirum plenè, perfectè, comprehensiue. Omnis enim visio Dei, etiam Angelica est imperfecta, & quasi per similitudinem respectu comprehensionis, quæ sola est completa Dei visio. Non enim ignorare poterant sancti Patres Ecclesiæ lumina doctrinæ Catholicæ clarè in Scripturis expressam, nos in futura vita Deum visuros clarè sicuti est, *facie ad faciem, non ex parte, non in enigmate, sed sicut ab ipso cogniti sumus, & sicut ipse est,*

Chrysostomus.

Theodoretus.

Epiphanius.

Ambrosius.

Hieronymus.

Gregorius.

Nyssen.

Mat. 5. & 18.

1. Cor. 13.

1. Ioan. 3.

C A P V T III.

Ratione eiusdem infinitatis omnia de Deo affirmari quodam modo & negari.

16 **R** V R S V S ex vi huius eminentis cõplexionis prouenire vt omnia de Deo affirmantur, & omnia rursus quadã ratione negentur, tradunt Theologi, & in primis S. Dionysius lib. De diuinis nominibus cap. 1. & 13. & lib. Mysticæ Theol. cap. 4. & 5. & alibi sæpè. *Affirmantur*, quia omnia sunt in ipso formaliter vel eminenter. Hinc dicitur potentia, sapientia, bonitas, veritas, lux, sanctitas,

Quomodo omnia de Deo affirmantur.

B iij

iustitia, misericordia, beatitudo, vita omnium viuentium, esse omnium existentium, omnium perfectio, pulchritudo, mensura, ratio, salus, conseruatio. Vnde D. Bernardus libr. 5. De confid. *Quid est Deus? voluntas omnipotens, beneuolentissima virtus, lumen aeternum, incommutabilis ratio, aeterna beatitudo.* Et infra: *Amat ut charitas, nouit ut veritas, iudicat ut aequitas, dominatur ut maiestas, regit ut principium, operatur ut virtus, tuetur ut salus, reuelat ut lux, assisit ut pietas, &c.* & S. Anselmus in Menologio cap. 15. vide supra n. 7. Et quamuis plurima rerum nomina illi non tribuantur, ob imperfectionem quam inuoluunt; tamen omnes rerum species, & omnia indiuidua sunt in ipso eminenter secundum sua prototypa, & veluti primæua & æterna semina, ex quorum vi pullularunt: atque adeo sunt in ipso intrinsecè, non quidem secundum suum esse formale & essentialē, sed secundum esse suum eminens & superessentialē. Vnde ipse est omnia & singula eminēter & superessentialiter. 17 Negantur de ipso omnia, quia ipse est supra omnem rationem, & speciem creatæ menti conceptibilem. Sic Dionysius cap. vlt. De myst. Theolog. dicit Deum esse *non substantiam, non vitam, non lucem, non sensum, non mentem, non sapientiam, non bonitatem, non Deitatem, sed quiddam his omnibus eminentius & præstantius.* Ratio est, quia omnia ista, quatenus menti creatæ sunt comprehensibilia & nominabilia, habent conceptus obiectiuos limitatos in ratione entis: *limitatos*, inquam, non ex parte rei quæ concipitur, sed ex parte modi concipiendi. Vnde ut sic concipiuntur, non includunt formaliter alias perfectiones. Ratio enim substantiæ ut à creatura concipitur, non includit rationem sapientiæ, aut ceteras perfectiones, nec contrà; sed quæque suum limitatum conceptum habet. Deus autem est ratio prorsus illimitata: unde formaliter vel eminenter includit omnem perfectionem conceptibilem. Hanc rationem insinuat Dionys. De diuinis nominibus cap. 13. *Οὐδὲν τῶν ὄντων, ἢ πινι τῶν ὄντων συνεγνωσμένον, ἐξάγει πρὸς ὑπερπάντα καὶ λόγον καὶ νῦν κρυφύτητα τῆς ὑπερπάντα ὑπερσείας ὑπερύσης ὑπερθεότητος.* Nihil eorum quæ sunt, aut eorum quæ alicui existentium sunt cognita, implicat arcanum illud, omnem rationem & intellectum superans, superdeitatis superessentialiter supra omnia superexistentis. Ex quo loco clarè probatur, Deum ut in se est, non posse videri per speciem creatam quæ illum obiectiuè representet: quo modo videtur intelligendus S. Thomas. 1. p. q. 12. art. 2. Notandus hîc mirabilis & plusquam

Quomodo
omnia negē-
tur.

amamus modus loquendi S. Dionysij, ad exprimendam suorum
conceptuum sublimitatem, & eminentiam Diuinitatis infinitam
ipra omnia mente creata comprehensibilia. Simili modo idem
Dionysius vocat sæpè Deum ὑπερῶς ὁσιῶς, *essentiam superessentialē*,
imirum quia est essentia seu substantia eminentior omni essen-
tia conceptibili à creatura. Rursus vocat illum ὑπεράγαθον ἀγαθότη-
τι, & ὑπερθεὸν θεότητι, *bonitatem & Diuinitatem omni bonitate &*
deitate conceptibili eminentiorem. Simili modo exponenda sunt
omnia nomina composita ex particula ὑπέρ, vt ὑπερφωτός, ὑπεράρ-
τος, ὑπερπλήρης, &c. id est, *omni luce, omni principio, omni perfe-*
ctione excellentior. Illud enim ὑπέρ, & *super* in compositione de-
gnant excellentiam supra omnem modum intelligibilem menti
creatæ apud Dionysium. Ob eandem causam libr. De diuin. nom.
ap. 2. §. 1. vocat Deum πάντα θίπειν & πάντα ἀφαιρεῖν, *omnium*
positionem, & omnium ablationem, quia eminenter ponit omnia,
inquam omnia continens, & formaliter omnia aufert: quia ratio
propria qua Deus est, excludit ab ipso omnem formalem ratio-
nem à creatura mente comprehensibilem.

*Via particu-
la ὑπέρ, su-
p. r.*

Hinc patet, omnes perfectiones, quæ Deo tribuuntur absque
metaphora, dupliciter in ipso contineri, formaliter & eminenter.
Formaliter, si spectetur secundum proprium conceptum, quo à
Deo & à Beatis concipiuntur, qui est illimitatus in genere entis.
Eminenter, si considerentur secundum conceptus proprios quos
habent, vt à creaturis absque lumine gloriæ apprehenduntur; etsi
nim res concepta sit propriè in Deo, non tamen cum eo modo &
nitratione sub qua concipitur.

*Perfectiones
dupliciter
existunt in
Deo.*

CAPUT IV.

Continere eminenter quid postulet.

UT melius intelligatur quomodo Deus omnia eminenter con-
tineat, & omnia in ipso existant & præexistant, explicandum
est, quænam ad eminentem complexionem seu continentiam re-
ferantur.

*Continere
eminenter*

In rebus creatis vt aliud in alio eminenter contineri dicatur, duo
quiri videntur. Primum est, vt id quod continet sit præstantioris
naturæ quàm id quod continetur. Si enim non est præstantius, non
ratio cur illud dicatur esse in eo eminentiori modo quam in se-
o. Vnde plantæ & animalia non dicuntur esse eminenter in se-

mine, nec in causa sua vniuoca.

*Quatuor
modis aliud
in alio ut
præstantiori
continetur.
Vt in causa.*

Alterum est, ut illud quod minùs præstans est, aliquo modo in illo præstantiori reperiatur. Hoc autem fit potissimum quatuor modis. Primò, Si res per seipsam sit in alia tamquam in sua causa. Esse enim productiuum alterius, signum est, in eo id quod produci potest, contineri. Sic qualitates & accidentariæ perfectiones continentur in substantiis eminenter, ex quibus promanant: & res inferiores in virtute cælorum tamquam in causa vniuersali, radij in sole, folia in arbore.

Hic modus eò est perfectior, quò causa perfectiùs est productiua illius rei. Vnde cum Deus res omnes producere queat perfectissimo modo (nimirum ut causa integra, & independens ab alterius ope, & solo voluntatis suæ nutu) idque secundum naturam, formam, rationes indiuiduas, qualitates & modos omnes; consequens est, res omnes in ipso perfectissimè contineri.

*Vt cognitum
in cognoscere.*

Secundò, Si sit in alia per sui quasdam similitudines. Sic omnia inferiora dicuntur contineri eminenter in intellectu, cum ea intelligit, quia sunt in ipso per suas notiones, quæ sunt expressæ species & imagines rerum intellectarum, per quas intellectus dicitur fieri ipsum intelligibile. Hoc modo Philosophi dicunt intellectum fieri omnia, & omnia in ipso existere. Ratione huius continentia intellectus est causa exemplaris rerum ab ipso foris productarum.

*Vt vis parti-
cularis in
vniuersali.*

Tertiò, Secundum vim agendi, vel extendendi se ad obiecta; ut cum quidquid potest causa inferior, potest causa superior nobiliori modo. Hoc modo sensus externi continentur in interno eminenter, & sensus internus in intellectu. Nam intellectus percipit omnia quæ sensus interior, & nobiliori modo; & sensus interior quidquid sensus externi. Simili modo anima vegetatiua plantarum continetur in sensitiua animalium, & hæc in intellectiua, & prudentia instinctus animalium in prudentia humana.

*Vt media in
causa finali.*

Quartò, Secundum ordinationem & æstimationem, seu secundum rationem boni & appetibilis. Sic media sunt eminenter in causa finali: quia solum propter finem æstimantur, & ad illum ordinantur, & tota illorum bonitas ex fine pendet.

*In Deo sunt
omnia qua-
drupliciter.*

20 Hi quatuor modi perfectissimè locum habent in Deo. Omnia enim sunt in ipso perfectissimè & eminentissimè tamquam in causa efficiente, ut dictum est; & tamquam in causa exemplari, ratione idearum, quæ sunt viue notiones & similitudines rerum; per quas & secundum

mundum quas ipse omnia produxit, ut ait Dionysius De diuin. nom. p. 5. & tamquam in causa finali: omnia enim sicut naturâ suâ sunt in ipso, ita etiam sunt propter ipsum. Vnde omnia nobis ad ipsum ferenda: alioquin parum boni ex rebus ipsis percipiemus. Denique tâquâ causæ particulares in vniuersali. Hos modos insinuat Dionysius lib. De diuin. nom. c. 4. Εἰ αὐτῷ πᾶσα ἀρχὴ καὶ ἰσχυρὰ καὶ πλοῦς καὶ ποιητικὴ, ἐπιστημὴ καὶ σοφία, καὶ ἀπὸ αὐτοῦ πάντα ἀρχαί, πάντα σωζόμενα, καὶ πηγὴς. In ipso, inquit, est omne principium exemplare, finale, efficiens, formale, elementare; & simpliciter omne principium, omnis cōnexio, omnis terminus. Vbi quinque principiorum genera in Deo contineri ostendit, ita ut ipse sit principium omnis principij, & causa omniū causarum: nec tantū res ipsas in Deo eminenter contineri, sed etiam omnia rerū principia, & omnes causas. Vnde passim vocat Deum ἀρχὴν ἀρχῶν, principium omni principio superius & eminentius. Et significat Apostolus cū ait: Ex ipso, per ipsum, & in ipso, & ad ipsum sunt omnia. sic enim citat ibidem Dionysius. Ex ipso, designat causam & originalem causam efficientem: per ipsum, exemplarem: ad ipsum, finalem: in ipso, causam sustentatē omnia veluti quidam gradus & fundamentum omnium, cui omnia innixa recumbunt.

Ad Rom. 11.

CAPUT V.

Modus apprehendendi infinitatem Dei.

MAGNI interest ad fructū colligendū ex consideratione infinitatis Dei, ut quis amplo & illustri modo possit eam menti oblicere, & cum rerum creaturarum angustiis cōferre. Hoc melius fiat, considerandum est triplex interuallum infinitū in Deum & hominē quemlibet. Primum est inter singulos homines & totum genus humanum, non solū quod aliquando extitit, sed etiam quod cogitatione fingi potest. Excedit enim tota multitudo singulos homines & numero, & loco, & æstimatione infinitē. quid obsecro est anima vna in tam immensa creatura? Secundum est inter totum genus humanum & totam multitudinem creaturæ rationalis possibilem. Cū enim secundū certū DD. sentētiam, Angelorum species Deo possibles infinita excurrant, idque assiduē crescendo in perfectione, sicut creantur species numerorum sine fine; & sub singulis infinita sint indi-

Triplex interuallum infinitum.

C

uidua; quid est totum genus humanum, quod infimum locum tenet, ad illam infinities infinitam, & in infinitum perfectiorem Angelorum multitudinem? Sanè non est tanti, quanti vna arenula ad montem immensum.

22 Tertium est inter totam illam creaturæ possibilis infinitam congeriem, & Deum. Deus enim totam creaturæ possibilis præstantiam & æstimationem superat infinities infinitè. Primò, quia natura sua est infinitè excellentior. Nam tota creatura ad ipsum, est sicut imago picta ad exemplar, sicut character aquæ vel potius vacuo impressus, ad sigillum; sicut vmbra ad solem. Vnde etiam si tota creatura possibilis simul existeret, nihilominus Deo radium sui influxus subtrahente, statim in nihilum euanesceret, nec vsquam eius maneret vestigium. Secundò, quia quidquid in tota illa multitudine sparsim habetur boni, id totum in Deo est collectum in simplicè vnitatem, omni impuritate & imperfectione deterfa; ac proinde sine omni limitatione. Itaque cum in Deo sit absque limitatione quam habebat in creatura, erit in eo infinitè melius quàm in creatura.

23 Alio modo potest concipi hæc infinitudo per quamdam abstractionem. Sicut enim humana natura abstracta ab indiuiduis more Platónico apprehenditur vt quid infinitum secundum illam speciem (vt pote æquiualens infinitis indiuiduis, & infinitis communicabile) ita ipsum esse abstractum ab omnibus entibus per modum formæ, & per se subsistens, apprehenditur vt infinitum absolute in genere entis; cum ipsius esse communione, omnia quæ sunt, rationem entis habeant. Hoc modo sæpè D. Thomas, & D. Dionysius vocant Deum, *ipsum esse*; quia est veluti forma quædam abstracta & separata ab omni ente limitato, per se subsistens, cuius communione & veluti attactu, omnia quæ sunt, essentiam & esse accipiunt.

8 Thom. 1.
p q 3 a 2 ad
3 & q 7 a. 1.
ad 3. q. 44.
a 1. in corp.
Dionys. c 5.
De diu. nom
Quod d. Deus
sit ipsum esse
superessentia-
le omnium.

CAPVT VI.

Quis fructus ex consideratione Infinitatis colligatur.

MULTIPLEx fructus ex hac consideratione capi potest, sed potissimum quadruplex.

24 Primus est, vt summa reuerentia & humilitate cum Deo agamus, & coram ipso ambulemus. Quò enim maior Princeps, cum

quo nobis loquendum vel versandum est, eò maiorem ei reuerentiam & submissionem exhibemus. Itaq; cùm Dei Maiestas & excellentia per omnia sit infinita, infinita quoq; reuerētia, honore, & submissione dignus est. Quæ cùm à creatura præstari nequeant, conuenit vt saltem præster summam quam commodè potest, præsertim in oratione, quando cū ipso loquimur, & salutis nostrę causam agimus: sed potissimùm in sacrificio Missæ, vbi infinite illi Maiestati, infiniti pretij & immensæ dignitatis Hostia offertur.

Porro ad reuerentiam excitandam duæ considerationes concurrere debent: nimirum excellētiæ alterius, & nostræ vtilitatis, comparatione facta ad alterum. Si nos ipsos consideremus, videmus nos ex nobis nihil boni posse aut habere: imò nihil esse, nec quidquam à nobis habere præter defectū & peccatum. Itaque ex nobis nihil sumus nisi abyssus quædam vilitatis & miserię. Si cōsideremus nos quo ad ea quæ accepimus à Deo; habemus quidem magna quædam bona, et si miseriis, quæ ex nobis sunt, permixta: amen respectu Dei, qui ex se est bonum infinitum, infinite supra omnia creata eleuatum, bona nostra omnia sunt instar nihili. Itaque duplici nomine nos humiliare debemus coram illa infinita laiestate, & illi summam reuerētiā exhibere. Primò, quia nos ex nobis nihil boni possumus, nihil sumus: illa ex se est omne bonum, & infinitum bonum, & potest omnia. Secundò, quia omne bonum nostrum quod ex Deo habemus, respectu boni quod ipse est, instar nihili reputatur. Hac consideratione vsus Abraham cū ait: *Loquar ad Dominum meum, cū sim puluis & cinis.* & beata Vir-
Genes. 18.
 gin in suo Cantico, cū ait: *Respexit humilitatem ancillæ suæ*, seipsam summè deprimens, & Deum summè exaltans. Idem reuerentiæ humilitatis affectus maximè est in Angelis sanctis, & omnibus creaturis; quia Dei Maiestatem, & suam quam ex se habent pusillitatem & vilitatem, optimè norunt. Vnde Seraphim apud Isaiam c. 6. cœlo astantes, velant faciem & pedes præ maxima reuerentia, vt tres interpretantur.

Secūdus fructus est, vt Deum supra omnia sincerissima charitate & beneuolentia amemus; quia propter suam infinitam excellentiam infinite dignus est omni bono, omni gloria, omni laude, omni cultu, omni veneratione, omni obedientia & obsequio. Imò enim quid est excellentius, eò dignius vt ei tribuatur omne bonum ipsi congruens: hoc autem fit per charitatem & beneuo-

Genes. 18.

Dionys. Cælest. Hierar. c. 13

Chrys. in c. 6. Isaiæ & alibi.

Athanaf. in illud Matthæi 11. Omnia mihi tradita sunt à Patre meo.

20 DE PERFECT. DIVINIS LIBER I.

lentiam. Hac enim volumus alicui bonum, vt ei sit quàm optimè, quia dignus est tali bono. Hæc enim est iustissima ratio, cur talis beneuolentia sit impendenda. Etsi enim possit impendi etiam indignis, tamen non debetur sicut ijs qui digni.

*Desiderium
gloria Dei.*

26 Quare cùm Deus sit infinitè dignus omni bono sibi congruente, infinita quoque ei beneuolentia & amor debetur. Ex hoc amore sequitur maximum desiderium gloriæ Dei in creaturis, & promptitudo animi ad vitam suam, ad vires omnes & facultates expendendas, ad gloriam Dei maximam in creaturis procurandam, id est, vt omnes illum noscant, & infinitudinem maiestatis eius, immensitatem, æternitatem, potentiam, sapientiam, bonitatem, dominatum, prouidentiam, iustitiam, misericordiam, gloriam: vt ament, vt timeant, vt colant & laudent in omne æuum: in his enim

*Gaudium de
bonis Dei.*

gloria Dei externa consistit. Deinde ex hac beneuolentia nascitur maximum gaudiū de bonis eius internis, id est, de perfectionibus iam dictis: nimirum quòd Deus noster sit tantus, tam infinitus, tam immensus, &c. Si filius tuus esset potentissimus, sapientissimus, pulcherrimus, beatissimus, non posset cor tuum capere magnitudinem gaudij & lætitiæ quam inde perciperes. Quātum ergo debes gaudere, cùm vides tuum patrem, tuum principium, tuum conditorem, quem supra omnia diligere & æstimare debes, infinitis bonis circumfluere? Ex gaudio, gratulatio, qua illi tamquam parenti optimo tantam maiestatem, tantam gloriam, tãtas diuitias, tantam beatitudinem gratulamur, & omnem creaturam ad idem excimus & conuocamus, *Benedicite omnia opera Domini Domino laudate & superexaltate eum in secula.* & quæ sequuntur. *Benedicere* creaturæ rationalis, est affectu & verbis benè precari: creaturæ irrationalis, est sua specie ad benedicendum prouocare.

Gratulatio.

*Deus super
omnia desiderabilia
considerandus.*

27 Tertius est, vt Deum supra omnia diligamus amore, vt sic dicā, concupiscentiæ, siue vt eum super omnia desiderabilia desideremus; quia in ipso infinitè est, quidquid possumus concupiscere vt nobis benè sit. In ipso est omne bonum, omne pulchrum, omne delectabile, omnis dulcedo, omnis quies, omnes diuitiæ, omnes thesauri, omnis nobilitas, omnis sublimitas, omnis maiestas, omnis gloria, omnis sapiētia, omnis potentia, denique vita æterna, & in hac quidquid mens potest boni concipere, & infinitè amplius.


*Amentia
mundi.*

28 Magna igitur amentia est, in rebus creatis diuitias, gloriā, sublimitatē, gaudiū, delectationē quærere, cū hæc omnia in Deo in-

finiè meliora consequi possimus. sicut si quis mallet umbram & rudem picturam magni alicuius regni, quàm ipsum regnũ; aut si leue breueque vnus horæ somniũ felicitatis, quàm solidam & veram felicitatem, amens meritò iudicaretur. Omnis gloria & opulentia quæ in hoc mũdo potest haberi, nihil aliud est quàm somniũ breuissimũ, umbra vel pictura rudis, ad illam gloriã & illas opes, quas in Deo possidebimus. Vnde Psal. 72. *Velut somnium surgentiũ, Domine, in ciuitate tua imaginem ipsorum ad nihilũ rediges.* quasi dicat: Sicut cùm quis expergiscitur, tota felicitatis imago, quam somniabat se habere, euanescet; ita tota felicitas & beatitudo huius sæculi in nihilum recidet post hanc vitam. tunc videbunt se velut somnio delusos fuisse. Et Psal. 38. *Verumtamen in imagine pertransit homo.* hoc est, Sicut imago, seu umbra, vt ex Hebræo patet. quod ijsdempænè verbis Iob 14. *Fugit velut umbra.* & Apostolus 1. Cor. 7. *Præterit enim figura mundi huius.* vbi omnẽ humanam felicitatem comparat umbræ & picturæ. Accedit quòd sectãdo ista temporalia & umbratica, exponamus nos euidenti periculo amittendi illa solida, vera, & æterna, quod alterũ summæ amentię est argumentum. Vnde S. August. lib. 1. De serm. Domini in mōte cap. 6. explicans illud: *Si sal euauerit, ait; Ostēdit Dominus fatuos esse iudicãdos, qui temporalium bonorum vel copiam sectantes, vel inopiã metuentes, amittunt æterna, quæ nec dari possunt ab hominibus, nec auferri.* & Ecclesiastæ 1. *Stultorum infinitus est numerus.* quæ enim potest esse maior stultitia quàm præferre terrena cælestibus, momentanea æternis, modica infinitis, umbratica veris, inania solidis? at infiniti homines hoc faciunt. meritò ergo stulti iudicantur, & omni luce bonæ mentis destituti.

19 Quartus fructus est, vt cognoscamus seruitutem Dei esse nobilissimã, eamque rebus omnibus, etiã sceptris & Imperijs, antepōnamus. quò enim Princeps aliquis est maior, eò nobilius est ei àmulari, & obsequium præstare. Quare cùm Deus infinitè sit præstãtor omnibus regibus terræ, infinitè quoque nobilius est ei seruire quàm alicui Principi huius mundi. Imò longè præstantius & nobilius est seruire Deo, quàm esse Monarcham totius orbis: sicut nobilius est esse aulicum & familiarem potentissimi Principis, quàm esse pastorem ouium: longè præstantius est coniungi cum Deo, ab eoque recipere diuina, quàm præesse rebus humanis, & humana in homines transfundero.

*Seruitus Dei
nobilissima*



Servitus Dei
consistit in
quatuor re-
bus.

30 Cōsistit autem hæc servitus in quatuor. Primò, In cognitione Dei, & eorum quæ ad ipsum pertinent. Hoc enim est fundamentum obsequij totius & famulatus. Secūdò, In officiis charitatis & beneuolentiæ, dum de bonis ipsius gaudemus, & illa ex intimo animi affectu ipsi gratulamur; dū eius gloriam promouere omni studio conamur, animā, corpus, curas & cogitationes ipsius dignitati tuendæ & amplificandæ deuouentes. Sic boni aulici suo Principi toti addicti faciunt: illius enim virtutes & potentiam vbique extollunt, vt omnes in eius amorem & obsequium alliciant, nec sustinent ipsius nomē à quoquam lædi. Tertiò, In officiis religionis, dum illū colimus sacrificiis, cæremoniis, hymnis, laudibus, precibus, votis. Hoc est officium Angelorum & Sanctorum in cælo, qui toti in eo sunt, vt Deum honorent, laudent, benedicant. Itaque perfecta servitus Dei est vita æterna & beatitudo nostra.

31 Quartò, In custodia mādatorū, & in offīcio virtutis; dū aliquid boni facimus, vt mandatis eius pareamus, vel vt ipsi gratificemur. Hoc autē esse maximi momenti ex eo patet, quod minimum Dei bonum, quā Dei est, sit pluris æstimandum, quā bonum totius creaturæ, quā creaturæ est. atqui omne bonum opus factum eo intuitu, vt per hoc Deo gratificemur, eiusque voluntatē impleamus, est bonum Dei; ergo pluris æstimandum quā omne bonū creaturarū, quatenus ad ipsas creaturas pertinet. Hinc fit vt Deus pro singulis operibus bonis promittat nobis vitam æternā, atque adeò seipsum cum omnibus bonis suis; tantum nobis effectu reppendens, quantum nos ei affectu boni volumus. Damus ei affectu totum bonum suum; reddit ille nobis effectu idem bonum; illius enim amor efficax, noster inefficax.

CAPVT VII.

Recollectio precatoria, de Infinitate.

32 **D**OMINE Deus meus, Deus magne & terribilis, Deus immēsa maiestatis! Tu pelagus infinitū essētiæ, bonitatis & beatitudinis, omne esse, & omne bonū in te cōcludēs, & ab æterno eminēter anticipans, & præhabens, tāquam fons totius entitatis. Tu fundamentum possibilium omnium, esse superessentiale omnium quæ sunt, & quæ non sunt: sine quo non solū nihil potest esse actu, sed nec potestate; nec vllam habere rationem cōceptibilem, vel intelligibilem. Tu omnium principium, omnium

finis, omnium conditor & formator, omnium sustentaculum, omnium locus, omnium ævum, duratio, terminatio, ordinatio, connexio, concordia, consummatio. 33. In te omne bonum Angelorum pariter & hominum, atque totius naturæ, quæ est, & quæ non est. In te omnis gloria & dignitas, omnes diuitiæ & thesauri, omnes voluptates & consolationes, omnes deliciæ, omnia gaudia, omnes beatitudines. Tu Deus meus & omnia mea, Deus cordis mei, & pars mea, Deus in æternum.

34 Vilescât mihi omnia transitoria propter te, & chara sint mihi omnia tua; & tu Deus meus plus quàm omnia. Quid enim sunt cetera omnia ad excellentiam bonorum tuorum? Fumus sunt, umbræ sunt & vanitas omnes diuitiæ & deliciæ, omnisque gloria huius mundi, quæ miserè oculos mortalium fascinant, ne vera illa bona, quæ in te sunt, cognoscere & persequi valeant. Et sicut qui dormiunt, inani imagine diuitiarum, voluptatum & honorum delusi, nihil horum inveniunt cùm excitantur; sed cum dolore animi vident se miserè deceptos: ita accidet omnibus huius mundi amatoribus, vitæ istius per mortem corporis discussio somno, mente in lucem alterius sæculi expergiscente.

35 Nihil igitur illorum amem aut æstimem, sed te solum & bona tua, quæ in te recondita, quæ tu ipse es, quibus fruuntur æternùm, qui hisce caducis contemptis, tibi inhæserint. Amem te supra omnia, & semper seruiam tibi: quia infinitè melior es omnibus, & dignus, vt omnis amor, omnis benevolentia, omnis benedictio, omnis gratulatio, omnis gloria, omnis seruitus tibi ab omni creatura in omnem æternitatem deferatur & impendatur.



D E
P E R F E C T I O N I B V S
M O R I B V S Q V E
D I V I N I S
L I B E R S E C V N D V S,
D E I M M E N S I T A T E D E I.

C A P V T P R I M V M.

Deum esse immensum.

*Quid sit im-
mensitas.*

INFINITATEM essentiae divinae sequitur *Im-
mensitas*, quae nihil est aliud, quam ubique & absque
termino sui in omnem dimensionem diffusio, non
per partes; sed, ut ita dixerim, per totalitates, quod
insinuat Cyprianus lib. Quod idola dii non sint,
cum ait: *Deus vnus est, & vbique totus diffusus. Vbique*, id est, per totum
mundum, & extra mundum per immensum vacuum, ut ca. 9. of-
tendetur. *In omnem dimensionem*; in longum, latum, profundum,
sursum, deorsum, & in obliquum. Secundum nostrum modum
apprehendendi loquor. *Non per partes*; si enim daretur corpus im-
mensum, id quidem esset ubique, & omnia occuparet loca imagi-
nabilia, sed non esset in singulis locis totum, sed solum per suas
partes; in paruis quidem secundum paruas, in magnis secundum
magnas; in indiuisibilibus solum secundum quid sui indiuisibile.
At non sic Deus ubique est, sed per se totum; ita ut in omnibus
punctis

punctis spatij indiuiduis totam essentiam, potentiam, bonitatem, scientiam, & omnem perfectionem omnesque suas opes & gaudia habeat: ita ut non sit maior, aut potentior, aut beatior, aut liberior in spatio immenso, quam in puncto indiuisibili. *Diffusionem* intellige, non per aliquam ex arcto & contracto in amplum expansionem, sed per indiuisibilem & continuam praesentiam, qua omnibus locis, spatijs, & rebus est intimè praesens: quæ continuata praesentia non nisi per motum diffusionis cuiusdam à nobis exprimi vel concipi potest.

Porro hæc immensitas apertè nobis traditur in Scripturis, Psal- Traditur in
S. Scriptura.
mo 144. *Magnus Dominus & laudabilis nimis, & magnitudinis eius non est finis.* quibus verbis significatur non solum immensitas extensionis, sed etiam infinitudo essentiae. nam de magnitudine essentiae, sublimitatis & maiestatis loquitur. Et Psal. 138. *Quò ibo à spiritu tuo, & quò à facie tua fugiam? Si ascendero in caelum, tu illic es; descendero in infernum, ades. Si sumpsero pennas meas diluculo, & habitauero in extremis maris; etenim illuc manus tua deducet me, & tenebit me dexteratua.* ubi ostendit Propheta, nusquam posse constitui creaturam, ubi iam non sit Deus; idque confirmat, quia ipsa ubique debet ab ipso teneri & conseruari in esse. Iob. 11. *Excelsior loco est, & quid facies? profundior inferno, & unde cognosces? longior terra mensura eius, & latior mari.* Hic apertè insinuat, Deum excedere omnem mensuram, & expandi in immensum, cum superet quæ mens concipit ut maxima. 2. Paralipom. 6. *Si caelum & calorum non te capiunt, quantò magis domus ista quam adificaui (non capit.)* Ieremiæ 23. *Numquid non caelum & terram ego impleo, dominus?* & Apostolus ad Ephes. 4. *Vnus Deus & Pater omnium, i est super omnes, & per omnia, & in omnibus nobis.* Baruch 3. *O Israel, quàm magna est domus Dei, & ingens locus possessionis eius? magnus, & non habet finem, excelsus & immensus.* quasi dicat: Cum ipse mensus sit, domus quoque eius immensa esse debet. *Quare ipse ante omnia erat & mundus, & locus, & omnia;* ut quodam loco Lib. contra
Praxeam
cap. 8.
dixit Tertullianus. Eadem immensitas significatur Isaia 66. *caelum sedes mea, terra autem scabellum pedum meorum.* Si caelum res Deo, extat ergo toto, ut ita dicam, pectore supra caelum. hic locum pulchrè prosequitur Petrus Damianus Epistola cap. 6. 3. Eadem immensitas videtur insinuari ab Apostolo 1. 3. ad Ephesios, cum ait; *Ut possitis comprehendere cum omnis Sanctus, quæ sit latitudo, & longitudo, & sublimitas, & pro-*

nis suæ admittere potest, quàm numero aliquo, quantumvis magno, possint comprehendi: Quintò, Quia omnem transit infinitatē. 5. Est autem infinitas quintuplex. Primò, In substantiis, quatenus species rerum excurrunt in infinitum, aliæ aliis sine termino perfectiores, sicut numeri absque termino sunt alii aliis maiores. Secundò, In magnitudine. Tertiò In duratione. Quartò In numeris. Quintò, In qualitatibus, & in perfectione intensiua. Hanc omnem infinitatem Deus sua magnitudine transit, sese illi veluti coextendens & superextendens, eamque intra se complectens, & totam ambiens: complectitur enim in se, & superat omnem dimensionem, omnem æternitatem, omnem multitudinem, omnem perfectionem intensiuam imaginabilem; & omnes rerum species sub multis generibus substantiarum & qualitatum in infinitum excurrentes. 6 S. Athanasius in Symbolo vsu Ecclesiæ approbato, *immensus Pater, immensus Filius, immensus Spiritus sanctus*; addit non tamen tres immensi, sed vnus immensus, nimirum quia vna est & eadem trium personarum immensitas.

*Infinitudo
quintuplex.*

Athenagoras Oratione pro Christianis: *Deus est ingenuus, & omnia quæ ipsius sunt: mundum verò ita excedit vt impleat vnde quaque uidquid supra ipsum est, nec locum vllum se vacuum relinquat.*

S. Gregorius lib. 2. Mor. cap. 12. *Ipse manet intra omnia & extra omnia, ipse supra omnia, & infra omnia; superior per potentiam, inferior per sustentationem; exterior per magnitudinem, interior per subtilitatem; sursum regens, deorsum continens; extra circumdans, interius enetrans; nec alia parte superior, alia inferior; aut alia parte exterior, alia interior: sed vnus & idem, totus vbique presidendo sustinens, & sustinendo præsiciens; circumdando penetrans, penetrando circumdans. vltimè & verissimè.*

S. Isidorus lib. 1. De sum. bono c. 2. *Immensitas diuina magnitudinis ita est, vt intelligamus eum intra omnia, sed non inclusum; extra omnia, sed non exclusum: & idè interior, vt omnia contineat; idè exterior, vt incircumscripita magnitudinis suæ maiestate omnia contineat. Per id ergo quod est exterior, ostenditur esse creator; per id quod interior, gubernare omnia demonstratur.* Omitto alios.

*Probatur
ratione.*

Idem ratione conuinci potest. Primò, Si enim non esset immensus, posset eo aliquid maius cogitari, id est aliquid patentius, agisque in omnem partem expansum & diffusum. Secundò, Posset aliquid esse extra Deum: sicut si mundus haberet animam, posset quid esse extra animam mundi, quod ab ea non foueretur aut

conseruaretur. Tertiò, Si non esset immensus, deberet poni com-
 mensus mundo; quia nulla conuenientior mensura extensionis ei
 tribui potest: sicut anima est commensa suo corpori, nimirum quia
 est tota vbi est aliquid corporis, non vltra, non extra, non citrà.
 Quartò, Poterit moueri loco, & incipere esse in spatio, vbi nunc
 non est; sicut mundus potest loco moueri per immensum inane ad
 quoduis punctum, quantumuis distans à superficie connexa cæli;
 & deferere locum, vbi nunc est. *Locum* voco non quantitatem, sed
 designationem & situm, à quo res dicitur esse hîc, ibi, illic, isthic,
 qualis est etiam extra cælum, & vbicumque aliquid creari potest.
 At hæc omnia quàm sint incongrua Diuinitati, satis constat tum ex
 Scripturis allatis, tum ex ipsa Diuinitatis notione, quam omnes ita
 concipiunt, vt nihil extra illam, quod ab illa non penetretur &
 ambiatur, cogitari queat, cùm omnia ab illa essentialem dependen-
 tiam habeant, multò magis quàm notiones animi ab anima, & for-
 ma aquæ impressa à sigillo imprimente.

Ratio à priori nostro modo concipiendi est, quia cùm sit infini-
 tus substantia & entitate, debet etiam esse infinitus quantitate seu
 extensione: sicut enim quantitas siue extensio sequitur entitatem
 rei, ita modus quantitatis, modum entitatis, quare cùm entitas sit
 modi-nescia & infinita, talis etiam erit extensio; ac proinde im-
 mensa. 9 Ex hac immensitate prouenit vt Deus dicatur *esse vbique*,
 & *illocabilis*, & *incircumscriptus*. *Vbique* enim esse dicitur, quia sub-
 stantialiter præsens est omni loco, omni spatio, & omni omnino rei
 exisienti, ita vt nulla omnino res sit, quantumuis parua vel vilis,
 intra quam Deus secundùm essentiam suam totus non reperiatur
 præsens: nec vllus possit designari locus vel spatium, siue intra mû-
 dum, siue extra, vbi similiter ipse totus totaque eius substantia præ-
 sens non existat. Dicitur *illocabilis*, quia nullo loco vel spatio cir-
 cumscribi potest. Quantumuis enim magnum spatium cogitetur,
 non minus est extra illud, quàm intra: quam ob causam incircum-
 scriptus, & Græcis ἀπρίσταντος & ἀπερίεστος dicitur. Sic S. A-
 thanasius in rescripto ad Liberium dicit, *Deum esse incomprehensi-
 bilem loco*. & Damascenus lib. 1. De fide cap. 16. dicit *Deum esse incir-
 cumscriptum, & non esse in loco, sed ipsum sibi esse locum*, quod intel-
 lige de loco quo circumscribatur, in tali enim loco non est: alia ta-
 men ratione, nimirum ob præsentiam substantialem, dicitur esse
 in omni loco.

CAPVT II.

Deum ratione suæ immensitatis esse etiam extra mundum in immenso spatio.

10 **E**X supradictis testimoniis & rationib⁹ apertè colligitur, Deū non solum esse in hoc mundo, sed etiam extra mundum per immensa spatia diffusum; sicut lumen quoddam non solum totum occupans mundum, sed extrorsum in omnem partem se absque termino extendens. Sicut enim coëxistit non solum durationi huius mundi, sed etiam infinitæ durationi, quæ hunc mundum antecessit; ita etiam coëxtenditur non solum spatii huius mundi, sed etiam immensis interuallis quæ sunt extra mundum, nimirum simul & semel omnia locorum & temporum interualla occupans & adæquans. Vnde sicut ante mundum nullum potest ignari momentum, quantumuis à principio mundi distans, in quo non sit Deus: ita extra mundum, nullum potest fingi animo punctum, quantumuis à mundo remotum & disiunctum, ubi plenissimè cum tota sua maiestate, potentia, & gloria non sit Deus.

11 Porro talia puncta signari posse absque falsitate, non videtur dubitandum. Posset enim Deus à parte cæli conuexa extrorsum extendere funem ad quamuis distantiam; verbi gratia ad 1000. leucas, & ad illud punctum mouere hunc mundum; vel ibi creare aliquam creaturam, vel alium mundum, qui distet ab hoc mundo 1000. leucis. Idem dicendum de quauis alia distantia. Ergo ibi vera est. Vbi enim potest operari, ibi natura prius oportet esse præsentem. Sicut enim operari supponit esse; ita operari hîc, supponit esse hîc: nisi fingamus è longinquo virtutem emittere, & per medium diffundere, sicut sol calefacit inferiora; quod est absurdum de Deo imaginari. Oritur enim iste modus operandi ex eodè causa sit limitata, nec possit per se adesse. Vnde proximè aliquid producit per quod veluti per quamdam manum & virtutem è diffusam, vsque ad effectum continetur, & se extendat. Vnde è longius procedit, èd hic modus operandi est imbecillior. Deque nullum ibi est subiectum in quo virtus diffusa recipiatur; nec probari potest, aliquid agere posse in distans, nisi agat etiam in medium, producendo in illud aliquid subseruiens actioni distanti. Confirmatur, quia si ibi non esset, posset èd moueri: nam mun-

*Deum esse in
spatiis extra
cælum im-
mensis.*

*Posse signari
spatia &
puncta di-
stantia extra
cælum.*

dus eò moueri potest, & sic Deus acquireret nouum situm, nouum vbi, quod est contra ipsius immutabilitatem.

*Quomodo
ibi sint spa-
tia.*

*Immensitas
diuina pri-
mam spatium.*

12 Dices, Quomodo est in spatiis illis extra cælum, cùm ibi nulla sint spatia, nisi fictitia & imaginaria? Respōdeo, Negādo, non esse ibi vllavera interualla aut spatia. Sicut enim si aër esset diffus⁹ in immēsum, vel lumen per se subsistens esset immensum, verissima ibi essent spatia: ita si spiritus aliquis sit in immensum diffusus extra mundum in omnem partem, erunt vera & realia spatia, non corporalia, sed spiritalia, etsi inter se non realiter distincta, quia spiritus non diffunditur per partes, sed per suas, vt ita dicam, totalitates. quare cùm Deus sit immēsus & in immensum diffusus, etsi non sint vbi vlla interualla creata aut corporalia, sunt tamen increata & spiritalia (quibus tamen corporalia possunt coextendi) quæ non nisi ratione ab immensitate Dei distinguuntur. Ipsa enim immensitas diuinæ substantiæ & sibi & mundo sufficiens est spatium & interuallum capax omnis naturæ creabilis, tam corporalis quàm spiritalis. Sicut enim essentia diuina est primæua essentia, origo & fundamentum omnis essentiæ & entis conceptibilis, ita immensitas diuina est primum & intimum interuallum seu spatium, origo omnis interualli, & spatium omnium spatio- rum, locus omnium locorum, sedes & basis primordialis omnis loci & spatij. Indicat hoc Arnobius l. 1. aduersus Gentes, cùm ait, *O maxime, ô summe rerum visibilium & inuisibilium procreator, &c. Prima enim tu causa es, locus rerum ac spatium, fundamentum cunctorum quæcumque sunt, infinitus, ingenitus, immortalis, &c.* Hic apertè dicit Deum esse locum ac spatium rerum. & Dionysius cap. 1. De diu. nominibus dicit Deum esse *σωτηριὸν ὄντος & ἐσῆς ἀπάντων*, id est, *custodiam & domicilium omnia conseruans & continens.* & c. 10. dicit, esse *ἰσθμὸν πάντων ἐκ τοῦ ἐνός, & πρυμνίαν πάντων*. Id est, *sedem & fundum, in quo omnia firmantur & recumbunt.* 13 Itaque quando dicimus Deum esse extra mundum, per infinita spatia diffusum, aut esse in spatiis imaginariis, non volumus dicere Deum esse in aliqua re fictitia, veluti in chimera; vel esse in aliquo spatio re à se distincto; sed esse in spatio, quod ipsius immensitas formaliter extendit, cui infinitum spatium creatum potest coextendi. Sicut enim mundus non est in aliquo spatio creato, præterquam in sua intrinseca quantitate & extensione: ita Deus non est in aliquo spatio reali, præterquam in eo quod ipsius immensitas constituit, in quo etiam veluti priore & intimo spatio, est ipse mundus, & tota eius

extensio. Quare triplex spatium distingui potest, creatum, increatū, & imaginarium. *Creatum* constat extensione corporali, quali extēditur quaquaversum mundus. *Increatum* est ipsa Dei immensitas. hæc est primum, intimū & fundamentale spatium, cui omne aliud spatiū innititur. *Imaginarium* est quod mens nostra non valens aliter concipere Dei immensitatem, imaginatur. Sicut enim non possumus concipere Dei æternitatē, nisi imaginando tempus infinitū; ita nec Dei immensitatem nisi concipiendo spatiū infinitum. Quare cū Deus dicitur esse in spatiis imaginariis, nihil aliud significatur, quā illum re vera existere, vbi cumque animo spatium aliquod fingi potest.

14. Hæc sententia est verè Deo digna, & omnes tollit difficultates quæ contra illud spatium obiici solent. Hoc significant Patres dū dicunt, Deum ante mundum aut extra mūdum non fuisse, aut esse, nisi in semetipso. Sic Tertull. contra Praxeā c. 5. *Ante omnia erat Deus, solus ipse sibi & mundus, & locus, & omnia.* Minutius Felix in Octauio: *Palam est, parentem omnium Deum nec principium habere nec terminum, qui ante mundum fuerit sibi ipse pro mundo, &c.* S. August. in illud Psal. 122. *Qui habitas in celo, &c. Sed dicet aliquis: Antequam faceret Deus sanctos, vbi habitabat? In se habitabat Deus, apud se habitabat, & apud se est Deus.* S. Bernardus lib. 5. De consideratione: *Non est quod quæras vltra vbi erat (nimirum ante mundum:) præter ipsum nihil erat, ergo in seipso erat.* Quæ loca intellige non tantum de existentia obiectiua quæ erat in suo intellectu, sed de existentia naturali in sua immensitate veluti in spatio sibi accommodato.

15. Neque hæc & similia testimonia Patrum repugnant sententiæ eorum, qui dicunt Deum esse in spatiis imaginariis, vt quidam volunt. Non enim mens eorum est, Deum esse ibi tamquam in aliquo reali à se distincto; aut id quod imaginatione sola est, posse realiter continere Deum: sed tantum volunt tali modo loquendi & concipiendi clariùs & distinctiùs explicare immensam Dei diffusionem, quæ se extendit ad omne punctum & spatium, quod mens extra cælum fingere potest. Et sanè mirum est, hanc sententiam impugnari, cū illi ipsi, qui aliter sentire videri volunt, fateantur Deum esse præsentem in omni puncto, quod extra cælum mens potest designare, nec cogantur fateri eum illuc posse moveri. Itaque in re, nulla est hic dissensio Patrum & antiquorum DD. Scholasticorum, qui docent Deum ibi esse tantum in semetipso; à Caietano, Maiore, Molina, & aliis, qui dicunt illum

32 DE PERFECT. DIVINIS LIBER II.
esse in spatiis imaginariis, id est vbicumque mens aliquod spatium
concipere potest.

C A P V T III.

*De substantiali & intima præsentia Dei in rebus omnibus:
& quis hinc fructus colligendus.*

16 **R**A T I O N E immensitatis fit, vt Diuinitas per suam essentiam
omnia peruadat, & omnibus rebus sit intima, & intimè præ-
sens ac coniuncta loco seu spatio, iuxta illud: *Calum & terram ego im-
pleo, dicit Dominus.* Si implet, ergo ipse ibi per se præsens est, sicut lu-
men cælos & aërem suo modo implens, ibi per se intimè præsens est.
Et Actorum 17. *Non longè est ab vnoquoque nostrum: in ipso enim uiui-
mus, mouemur, & sumus.* In ipso, non solum tamquam in causa effi-
ciente, sed etiam tamquam in sede, fundo, & basi nos capiente, su-
stentante, conseruante & vndique ambiente. Si enim solum de effi-
cientia vel conseruatione actiua loqueretur Apostolus, non efficaci-
ter probaret, illum non longè esse ab vnoquoque nostrum, nam sol
longissimè distans à terra, in ea tamen lumen, calorem, & res innu-
meras producit & conseruat. Plus ergo voluit, nimirum nos in ipso
esse & viuere, sicut in domicilio & fundo firmissimo, vt loquitur
Dionysius lib. De diuinis nominibus cap. 1. & 10. Arnobius, & Ter-
tullianus suprà. Porro vbi Diuinitas est, ibi etiam sunt tres Personæ
cum tota potentia, sapientia, bonitate, maiestate, ceterisque perfe-
ctionibus suis. Quæ sanè consideratio mirè excitat animum ad reue-
rentiam. Addo, Deum cum omnibus suis bonis quadam ratione
magis esse præsentem cuique rei, quàm ipsa sit præsens sibi ipsi: nam
totus est præsens & intimus cuilibet particulæ & indiuisibili puncto
rei: ipsa verò res non est singulis partibus suis præsens tota, nec vna
pars est præsens intimè alteri parti, nec vlla pars toti. Vnde etiam ani-
ma præsentior est corpori, quàm corpus sibi.

17 Ex quibus perspicuum est, hanc præsentiam esse perfectissimam,
adeò vt perfectior nulla fingi possit. Quo fit, vt hæc præsentia mul-
tùm distinguatur ab illa, qua Deus dicitur esse vbique per poten-
tiam & inspectionem, vulgò per præsentiam. Per potentiam dicitur esse
vbique præsens; tum quia vbique dominatur, & iurisdictionem ac
imperium obtinet, ita vt de omnibus possit disponere: tum quia vbi-
que

que operatur omnia conseruans & gubernans. Per *inspectionem*; quia omnia in conspectu eius sunt posita: & ipse omnia clarissimè semper & vbique intuetur. Hi duo modi existendi in rebus, per se non postulant intimam præsentiā essentiae: quia etiamsi per essentiam solum esset præsens in caelo, tamen cōcipi posset esse vbique per potentiam & inspectionem. Itaque hæc præsentiā, quæ illi conuenit ratione immensitatis, est longè perfectior, cū requirat intimam essentiae coniunctionem, & indistantiam. Addo, hanc præsentiā talem esse, vt per eam Deus necessariò sit futurus omnibus rebus substantialiter & intimè præsens, etiamsi fingatur ipse non esse rerum auctor, & illæ ab alio principio ponantur productæ: quia ipse omne spatium imaginabile necessariò occupat, siue ibi sit res aliqua creata, siue non.

18 Hoc tamen diligenter considerandum est, etiamsi Deus omnibus rebus sit intimè præsens, easque suo substantifico influxu tangat & conseruet, ab illis tamen non posse tangi, ac proinde nec inquinari; sicut anima à corpore tangitur & inquinatur, dum eam incipit informare. Nam ita præsens est loco, seu locali præsentiā & indistantia, cuilibet rei, vt tamen naturæ gradu & celsitudine infinitè distet, in seipsum collectus, & firmissimè in sua puritate subsistens, ab omnibus segregatus. Vnde simul & coniunctissimus est & remotissimus, præsentiissimus & secretissimus, vnitissimus seu collectissimus & diffusissimus. Et quamuis infinitis modis per suos influxus ad creaturas descendat, manet tamen in sua celsitudine & immobili identitate stabiliter fixus, vt S. Dionysius ait.

19 Ex his sequitur primò, Posse nos Deum in omnibus rebus intueri, non solum vt in effectu, vestigio, aut imagine, sed etiam vt ibi reipsa latentem, occultatum, & veluti sipario quodam creaturæ naturæ velatum. Sunt enim omnia creata veluti tenuia integumenta, magnum illud arcanum & Sanctum sanctorum velantia. amoue cortinas, & vide quid intus lateat; illud nudum & purum intueri. Loquor de intuitu mentis per contemplationem, cuius homo in hac vita est capax.

20 Sequitur secundò, Posse nos omnia intueri in Deo. Omnia enim ab ipso & intimè penetrantur, & profundissimè sustentantur, & exterius diffusissimè circumdantur. Vnde totus mundus ita est in Deo, sicut paruula spongia in vastissimo mari. Mare enim exterius immensa vastitate sua illam ambit & circumfundit, interius intimè penetrat & humectat, & sua vi sustentat. Vel sicut globulus vitreus

E

Lib. De eaz
lest. hierarch. cap. 1.

Intuendum
esse Deum
in omnibus.

Omnia in
Deo.

Augustinus
17. Confess.
cap. 5.

in lumine solis: lumen enim interius totum globulum penetrat, & exterius ambit, in immensum se diffundens circumquaque.

*Gaudium de
eius præsen-
tia.*

21 Sequitur tertio, Maximum debere nos cōcipere gaudium, quod tantum thesaurum intra nos, nimirum in anima nostra, in corde nostro, in omnibus animæ viribus, in omnibus corporis particulis habeamus: nimirum Deum ipsum, Patrem, Filium, Spiritum sanctum, cum tota potentia, sapientia, bonitate, omnibusque perfectionibus & diuitiis suis: præsertim cum & bonorum ipsius sinus capaces, & ipse propensissima voluntate in nos ea cupiat diffundere, si nos ad excipiendum præbeamus idoneos. Cum enim ita nobis sit intimus, facile potest nos perficere. sinat tantum sua dona in nos effluere, statim implebitur splendoribus anima nostra, & vita æterna in nos dimanabit: sicut si anima nostra esset omnipotens, nihil esset proclivius quam ut corpus nostrum statim perfectum & gloriosum euaderet. Quis ista perpendens, gaudio non exulteret, omni mœrore depulso? Ad hunc enim modicum, & immensum illud bonorum pelagus in animas nostras exundabit, easque dulcedinis suæ, & omnium gaudiorum suorum participes faciet: si tamen nos dignè ad hoc comparauerimus, contemptis transitoriis ad æterna suspirantes. Orietur etiam ex eadem consideratione ingens in periculis omnibus fiducia. Si enim Deus nō solū intra nos est, intimè nos penetrans & sustentans, sed etiā vndique exterius circūdat & ambit, quis poterit nobis nocere, nisi ipse id peculiariter permittat? Quod si permiserit, cerrè de manu ipsius patienter & libèter debemus recipere, qui facit ut diligentibus ipsum omnia cooperentur in bonum; qui si quid aduersi permittit, boni nostri causa permittit.

Fiducia.

*In præsentia
m. uersan-
dum.*

22 Sequitur quarto, Debere nos semper tamquam in præsentia Dei, cum magna reuerentia versari. Est enim nobis præsentissimus, omnes nostras cogitationes intuens, omnes affectus peruidens, omnium corda & renes perscrutans, & expeditam habens omnipotentiam suā ad nos æterna pœna subito mactandos, si eū ausi fuerimus offendere. Sicut enim intolerabilis est temeritatis, in præsentia Principis pro tribunali sedentis, & pœnam mortis minitantis, violare eius legem; ita multo magis intolerabile est, in præsentia Dei æternam mortem intentantis, & valentis statim inferre, audere eius præcepta contemnere: quod facit omnis qui peccat mortiferè. Vnde qui attentè hanc Dei præsentiam considerat, eamque semper ob oculos habet, numquam audebit illum offendere: sed assiduè ad eius amorem & timorem ex-

citabitur. Magnum itaque hac in re ponendum studium, magnaue exercitatio, vt Deum semper nobis præsentem, omniaque nostra in-
tuentem statuamus.

23. Sequitur quinto, Reuocandas esse cogitationes nostras, quas ex-
trorsum per creaturas dispersas habemus, easque ad nos ipsos cōuer-
tendas; deinde in fundū animi descendendū, ibidē hoc immensū ar-
canum reperturi. Quorsum enim per creaturas extra nos palabundi
querimus, quod intra nos in Deo multo felicius & vberius obtinere
possumus.

CAPVT IV.

Recollectio precatoria, de Immensitate.

24 **M**AGNVS es, Domine, & laudabilis valdē, & magnitudinis
tuę nō est finis, excelsior cēlo, latior mari, profundior abyf-
sis, implens omnia, circumdans omnia, & tanquam sphaerā modicam
totum hoc vniuersum palmo circumplectens. Tu sphaera incompre-
hensibilis, cuius centrum vbique, ambitus & circumferentia nus-
quam, vt quidam Philosophus rectē dixit, si sano sensu intellexit.

25 Omnia locorum spatia occupas intra & extra mundum, funda-
men ipse, sedes & spatium omnis spatij, extendens & substituens
primò, omnium spatiorum & interuallorum tam possibilium quàm
realium immensitatem, tamquam prima omnium basis, cui omnia
innixa. Neque enim cælum dumtaxat extendis, & huius mundi
capacissimam vastitatem: sed miro quodam modo etiam hoc ipsum
spatium in quo mundum ipsum condidisti, expandis, non alio sanē
interuallo quàm magnitudinis tuæ. Hæc est prima & fundamenta-
lis capacitas, spatiositas, seu laxitas, in qua omne aliud spatium con-
stare debet, & cuius ratione immensum spatium creatæ menti est
imaginabile: sicut æternitas tua est prima & originalis duratio, om-
nis durationis conceptibilis fundamentum. 26 Neque solū in im-
mensum diffusus, interuallum subtendis & extendis immensum;
sed etiam in omnibus & singulis huius vniuersi rebus & locis, in
omnibus punctis designabilibus totus es collectus, totus completus,
totus præsens, totus interior, cum vniuersa potentia, sapientia, bo-
nitate, ceterisque perfectionibus tuis, & cum omnibus donis & o-
nibus tuis, quibus creaturam tuam beare & ornare potes. 27 Lates
intra singula totus, assiduē omnia creans, formans, conseruans &

36 DE PERFECT. DIVIN. LIB. II. DE IMMENSIT. DEI:
tenens intrinsecus in luce ipsius esse, ne in suas tenebras & in nihilum
relabantur; & ad te conuertens per instinctum boni.

28 Conuerte obsecro, cor meum ad te introrsum in fundum ani-
mæ meæ, vbi silente creaturarum strepitu, & importunarum cogita-
tionum cessante tumultu, tecum commorer, te semper præsentem
cernam, te amem, & venerer, & vocem tuam audiam, tibi misérias
exilij mei exponam, & solatium apud te inueniam. Numquam præ-
sentia tuæ me capiat obliuio, lux mea, dulcedo animæ meæ: num-
quam obliuiscar tui, sed semper quocumque me conuertero, mentis
meæ oculis obuersionis. Totus enim vbique præsens es, & radios
præsentia tuæ diffundis per singula. Sicut enim inuisibilis anima in
hominibus se foris aperit per motus & operationes, quæ exterius
parent in corpore, sic vt ipsius præsentiam clarè cognoscamus: ita tu,
qui omnium es vita superuitalis, & omnium esse superessentiale, te
satis manifestè prodis per ipsam creaturarum speciem, in qua elucet
admirabilis sapientia & potentia tua. Quid enim aliud est omnis
creatura, quàm impressio quædam & imitatio æternorū conceptuum
mentis tuæ? Tu enim sigillum primæum & vniuersale, creatura ve-
rò veluti *σποφράγισμα*, seu forma ex impressione sigilli resultans;
non in solida aliqua materia, quæ detractò sigillo valeat speciem re-
tinere, sed quasi in fluxa & euanida, in nihilo. Vnde ne ad momen-
tum quidem constare potest, si sigillum absit, sed assidua præsentia &
impressionis est opus. Agnoscam igitur præsentiam tuam in omni-
bus, qui in singulis delitescens, esse & speciem omnibus assiduè sup-
peditas.

30 Da mihi prætereà, vt comprehendam cum omnibus Sanctis,
quæ sit longitudo, latitudo, sublimitas, & profundum diuinitatis tuæ,
vt à me totus cogitatione & affectu deficiens, in illud pelagus im-
mergar, ibique perdam me ipsum & creata omnia, nihil aliud atten-
dens, nihil aliud sentiens, amans, desiderans aut requirens ampliùs;
sed in te solo acquiescens, & omne bonum in te possidens & per-
fruens. Sicut enim essentia tua infinita est & immensa, ita omne bo-
num, quod in te est, infinitum pariter & immensum est. Quis adeò
auarus est, vt infinitum & immensum bonum ei non satis sit? Nihil
ergo extra te quæram aut desiderem, sed tu mihi sis instar omnium,
& supra omnia, Deus cordis mei, & pars mea Deus in æternum.



D E
P E R F E C T I O N I B V S
M O R I B V S Q V E
D I V I N I S
L I B E R T E R T I V S ,
D E I M M V T A B I L I T A T E D E I .

C A P V T P R I M V M .

Deum esse immutabilem.

1



ERTIO loco occurrit *immutabilitas*. Hæc pendet ex infinitate & immensitate. Nam quia immensus est, non potest moueri loco; quia infinitus in toto genere entis, non potest ei vlla fieri accessio; complectitur enim omnia: & quia hæc omnia continet per essentiam, non potest quidquam perdere, sicut nec suam essentiam amittere. Est igitur prorsus immutabilis & substantia, & loco, & intelligētia, & affectu, & omni modo intrinseco. S. Thomas Dei immutabilitatem probat tribus rationibus. Primò, Quia Deus est purus actus, nihil habens admixtum potentialitatis; cum potētia imperfectionem dicat, & melius sit esse actu quā potentia. quidquid autem mutatur, est aliquo modo in potētia ad id ad quod mutatur. Secundò, Quia est omnino simplex, & expers omnis cōpositionis. In eo autem quod mutatur, necessariò est aliqua cōpositio, dum successiuè res est sub di-

E iij

uersis terminis, vno recedente, & altero succedente. Tertiò, Quia est infinitus, comprehendens in se omnem plenitudinem perfectionis.

2 Hanc immutabilitatem multis locis insinuat Scriptura. Numerorum 23. *Non est Deus quasi homo, ut mentiatur; nec ut filius hominis, ut mutetur.* Psal. 101. *Initio tu Domine terram fundasti, & opera manuum tuarum sunt cali: ipsi peribunt, tu autem permanes, & omnes sicut vestimentum veterascent. Et sicut opertorium mutabis eos, & mutabuntur; tu autem idem ipse es, & anni tui non deficient. Idem es, nempe quoad omnia quæ in te sunt; nihil tibi accedit, nihil deperit; Malachiæ 3. Ego Dominus, & non mutor. id est, non sum mutabilis. Quæ enim Deo tribuuntur, & æternæ accipienda sunt. debent enim excellentiori modo exponi in Deo, quàm in creaturis, à quibus accepta. Sic immortalitas in Deo significat omnimodam immutabilitatem. 1. ad Timoth. 1. *Regi seculorum immortalis & inuisibilis, soli Deo honor & gloria.* & cap. 6. *Qui solus habet immortalitatem, & lucem habitat inaccessibilem.* Iacobi. 1. *Apud quem non est transmutatio, nec vicissitudinis obumbratio.**

Omnia in
Deo ab omni
æternitate
perfectissima.

3 Ex hac immutabilitate sequitur primo, Quidquid in tota æternitate Deo posset accedere sapientiæ, considerationis, consilij, amoris, gaudij, felicitatis, voluptatis, id totum ex omni æternitate in eo fuisse simul collectum, & firmissimè in omnem æternitatem in ipso permanens. Tanta enim in ipso est omni boni plenitudo, ut nulla fingi possit accessio; tanta firmitas, ut nulla diminutio.

4 Sequitur secundo, Cum Deus mundum creat, cum res administrat, cum immutat, cum genus humanum delet, cum peccatores punit, cum tam multa, tam varia, tanta ut videtur sollicitudine per Prophetas loquitur; cum naturam nostram assumit, & homo esse incipit; cum per eam tam mirabilia & multiplicia operatur; cum tam graua patitur, cum crucifigitur, resurgit, ascendit in cælum, & Spiritum sanctum ad nos mittit; non ipse vllam vicissitudinem seu mutationem cogitationum, consiliorum aut voluntatum subit; non affectu vlllo nouo tangitur, sed omnino immutabilis in sua simplicissima identitate & primæuo statu fixus supra omnia perseverat. Simul & semel ante omnia sæcula concepit & statuit omnia quæ suis temporibus in lucem & existentiam sunt emersura. Ex vi huius antiqui & æterni decreti, omnia suis momentis promuntur.

5 *Apud illum, ait S. August. 1. 1. Conf. cap. 6. rerum omnium instabilem stant cause; & rerum omnium mutabilium immutabiles ma-*

nent origines, & omnium irrationabilium & temporalium sempiterna viuunt rationes. & vt ait Boëtius,

----- immotusque manens dat cuncta moueri.

S. Prosper Sententia 145. *Aeterna & incommutabilis est voluntas eius, nec consilio alternante variatur: in qua simul est quidquid in rebus creandis vel ordinandis praecessit aut sequitur. Eodem pertinent quæ scribit D. August. l. 1. Confes. c. 4. Immutabilis mutans omnia, numquam nouus, numquam vetus, innouans omnia, & in vetustatem deducens superbos, & nesciunt, semper agens, semper quietus, colligens & non egens, portans & implens & protegens; creans & nutriendus & perficiens. Quæris cū nihil desit tibi, amas nec astuas, zelas & securus es; pernitet te, & non doles; irasceris & tranquillus es, opeta mutas, nec mutas consilium; recipis quod inuenis & numquam amittis; numquam inops, & gaudes lucris; numquam auarus, & usuras exigis. Supererogatur tibi vt debeas, & quis habet aliquid non tuum? reddis debita nullis debens, donas debita nihil perdens, &c.*

6 Sequitur tertio, Omnem cogitationem, omne consilium, omnem voluntatem, omnem amorem, omne odium, omnem complacentiam & displicentiam, omne gaudium, omnem felicitatem, omnis boni fruitionem, quæ modo in Deo est, ab æterno in ipso fuisse, & in omnem æternitatem fore absque omni variatione, accessione, & imminutione. Vnde ex mundi creatione, ex Angelorum & hominum obsequiis, cultu, honoribus, laudibus, nihil illi accedit felicitatis, nihil gaudij intrinsecus. Neque ipse hæc fecit commodi aut solatij sui causa, sicut homo facit domum, & conquirat familiam & famulos: aut sicut Rex instituit regna, prouincias, ciuitates, vt potentiam suam augeat, rebus alienis & quæ extra ipsum sunt, ad hoc adscitis: sed fecit vt affluentiam bonorum suorum communicaret, & quodque illorum, prout capax est, suarum diuitiarum particeps efficeret: sicut sol non illuminat aërem, vt sibi proffit, sed vt rebus inferioribus benè sit.

7 Itaque etsi totus mundus periret, & omnes Angeli & homines æternis pœnis addicerentur, ipse nihil inde incommodi acciperet, sed æque beatus in seipso, sibi ipse plenissimè sufficiens ad omnem voluptatem & felicitatem, permaneret. Sicut si Monarchæ totius orbis paruula aliqua villa periret cum mancipiis aliquot, nihil inde sentiret damni aut mœroris. Hinc Iob. 35. dicitur: *Si peccaueris, quid ei nocebis? & si multiplicata fuerint iniquitates tuæ, quid facies contra eum? Porro si iuste egeris, quid donabis ei, aut quid de manu tua*

*Nihil deeret Deo
etsi omnia
perirent.*

accipiet? & Psalmo 15. *Dixi Domino, Deus meus es tu, quoniam bonorum meorum non eges.* Ratio est, Primò, quia cum ipse sit bonum infinitum, totum bonum creaturæ comparatione ipsius est instar nihili. Sap. 11. *Tamquam momentum statera, sic est ante te orbus terrarum, & tamquam gutta roris antelucani, quæ descendit in terram.*

Deinde, quia cum omnia in ipso sint eminenter, nihil ipsi perire potest: etsi enim res in se pereant, manent tamen semper apud ipsum in eius sapientia & potentia, vbi non minus eas contemplatur & illis delectatur, quàm si foris existerent. Sic omnia possibile illi existunt & viuunt.

Ex quibus perspicuum est, Primò neminem sibi debere blandiri quasi multum pro Deo fecerit, aut suis laboribus ei aliquod beneficium præstiterit. Nam præterquam quod hæc & infinita alia Deo ex gratitudine debeamus, ipseque à nobis optimo iure posset exigere: omnia ista nihil ipsi profunt, sed nobis & proximis nostris, Secundò, frustrà insanire eos, qui suis maledictis & blasphemis Deo nocere, mœrorem inferre, & de illo se vlcisci putant. Qui caput rupi illidit, non illam lædit, sed seipsum perimit. Quidquid in illam incommutabilem reſtitutionem illisum fuerit, confringi necesse est. Omnis peccator dum legem illius violat, in illam impingit: quàm grauitèr se læserit, apparebit omnibus in die iudicii, singulis in morte.

C A P V T II.

*Libertatem arbitrij non officere immutabilitati,
nec contrà.*

Obiectio.

VIDERI possit obſtare huic immutabilitati, quòd diuina natura ex se non sit determinata ad actus liberos, sed omnino indeterminata & indifferens, verbi gratia, ad volendum mundum hunc & nolendum: Si enim est indifferens, ergo accedente velle aut nolle, mutabitur; aliter enim nunc se habebit quam antea: antea enim erat indifferens ad vtrumlibet, nunc vero est determinata ad alterum, verbi gratia, ad velle.

Responsio.

Sed hæc indeterminatio non obſtat; quia in tota retrò æternitate, vel temporis imaginarij infinitate, non potest dari vllum instans, in quo dici possit, Nunc diuina voluntas ad velle hunc mundum est indeterminata. Quamdiu enim essentia diuina fuit, etiam diuina

na

na voluntas ad hoc velle & ad omnes alios actus suos liberos determinata fuit. Itaque hæc determinatio non successit indeterminatio-
ni, ac proinde nullam mutationem induxit. Ad omnem enim mu-
tationem requiruntur duo instantia sibi succedentia, in quorum prio-
re res sit sub vno contradictorio, in posteriore sub altero: vt cum
quis ex non volente fit volens, aut ex volente non volens. Cuius
ratio est, quia cum omnis mutatio simplex per se primo & intrinsecè
sit inter contradictoria, & contradictoria non possint simul (id est
eodem instanti) eidem inesse; necesse est vt diuersis instantibus in-
sint quorum alterum alteri succedat. Quare cum nec in tempore,
nec in æternitate possint assignari duo instantia sibi succedentia, in
quorum altero diuina voluntas sit indeterminata, aut non volens
hunc mundum; in altero sit volens; perspicuum est, nullam in ea ex
hoc capite poni mutabilitatem.

*In omni mu-
tatione re-
quiri duo
instantia.*

9 Dices, in priori instanti naturæ, iuxta nostrum modum concipien-
di, diuina voluntas est indeterminata, & carens velle; in posteriori
autem est determinata, & iam habens velle; ergo saltem ratione suc-
cessionis horum instantium erit mutatio. Respondeo, Illa instantia
non esse instantia durationis, sed rationis; & illud prius & posterius
non dicere ordinem successionis, sed causæ & effectus, vel cuiusdam
dependentiæ, iuxta modum quo hæc in diuinis locum habere pos-
sunt: & vt quidam dicunt, non est ibi prius in quo, sed à quo. signifi-
catur enim solum quidam ordo dependentiæ inter rationes conce-
ptibiles in Deo. Secundum autem talia instantia, & tale prius & po-
sterius, non fit mutatio, quia posterior terminus non excludit prio-
rem, sed simul tempore insunt eidem. Confirmatur; quia si res dice-
retur mutari ex eo quod ipsa vt prior natura, caret aliqua forma (de
carentia negatiua intellige,) vt posterior natura, illam verè habet,
eidem simul eodem temporis instanti inessent contradictoria. nam
mutatio deberesse inter contradictorios terminos.

*Instantia
naturæ non
sufficiunt ad
mutationem.*

10 Ex his satis liquet, nullam in Deo ratione actuum liberorum fa-
ctam esse mutationem, nec propter illos Deum vlla ratione posse
dici mutabilem. Si tamen Deus non determinasset se ex omni
æternitate, non posset se determinare in tempore absque aliqua sui
mutatione: quia darentur duo instantia durationis, in quorum
priori Deus esset indeterminatus, & carens volitione; in posteriore
determinatus ad volitionem, eamque habens; verumque esset
dicere, Deus ex non volente factus est volens; quod absque aliqua

42 DE PERFECT. DIVINIS LIBER III.

mutatione fieri non posset. Nam etsi fortè non physicè, tamen moraliter nunc se aliter haberet quàm antea habuerat: quia velle aliquid, est denominatio intrinseca.

Deum ad omnia se determinauit. 11 Hinc sequitur, Deum ex omni æternitate, & ante infinitum tempus se determinasse ad omnia futura, & non futura, deque omnibus perfectissimè deliberasse & statuisse, decernendo non solum quid re ipsa fieri vel non fieri, permitti vel non permitti debeat, sed etiam quid quauis hypotesi imaginabili facta, futurum vel permittendum; non futurum aut non permittendum esset. Quæ determinatio est prorsus admirabilis, & infinites infinitam diuinæ voluntatis vastitatem & amplitudinem indicat: nam circa vnamquamque rem infinitæ hypoteses fieri possunt. loquor de hypotesi cōsiderata cum circumstantiis necessariis in particulari, vt inclinet voluntatem ad agendum vel non agendum: sapiens enim non se determinat in rebus agendis, nisi spectatis omnibus circumstantiis. Nullo igitur instanti in tota æternitate fuit in voluntate diuina aliqua indeterminatio aut indifferētia, vt ei possit succedere determinatio; sed omnia instantia, & ipsam temporis imaginarij infinitatem determinatio plenissima anticipauit & præuenit, estque tam antiqua & æterna, & immutabilis, quàm ipsa diuina essentia.

Postulat diuina essentia statim determinari. 12 Et quamuis diuina essentia ex se, vt est prior ratione actu libero, non sit determinata, sed indifferens, vt dictum est; tamen ex natura sua postulat vt statim hoc ipso quo est, ad omnia determinetur, ita vt ne momento quidem esse possit absque determinatione in alteram partem, nimirum ad velle aut nolle; ad velle permittere, aut nolle permittere; siue absolutè, siue sub aliqua hypotesi. Non enim omnia vult aut non vult absolutè, sed quædam solum sub aliqua conditione. Idem dico de voluntate permittendi. Ratio cur hoc postulet, est, quia manere indeterminatum, est imperfectionis: prouenit enim ex eo quod res non sit satis examinata, neque satis constet, vtrum hæc an illa pars magis expediat, vnde timetur ne in futurum aliquid occurrat, ratione cuius nos electionis factæ pœniteat. Sed nihil horum habet locum in Deo, qui ex omni æternitate plenissimè omnia considerauit, perinde ac si infinito tempore omnia & singula expendisset; & nouit clarissimè quid ex singulis sequi possit, & quid re ipsa, si hoc vel illud ponatur, sit secuturum. Itaque nulla est ratio, cur voluntatem suam circa aliquod obiectum suspendat. Accedit quod ex hac

suspensione & indifferentia necessario sequeretur mutabilitas, vt ex antè dictis constat.

CAPVT III.

Omnia sub Deo esse mutabilia.

13 **E**SS E natura sua immutabile, ita Deo est proprium, vt nulli creature sit communicabile. Cùm enim nulla creatura possit esse immensa, sed necessario sit limitatæ quantitatis, & limitatum spatium occupet, necessario etiam est mutabilis loco, & ex vno in alium transferri potest; vt videre est in Angelis, qui tamen sunt perfectissimi 14. Pari modo cum nulla res creata habeat omnem perfectionem cuius est capax per suam essentiam, necesse est eam perfici qualitatibus sibi congruentibus. Sic Angeli habitibus & actibus tum intellectus, tum voluntatis perficiuntur: ac proinde secundum has poterit in eis esse mutatio. Sic ex bonis facti sunt mali liberæ voluntatis electione, estque in illis cogitationum & volitionum multiplex & ferè assidua alternatio, prout varia de rebus agendis se offerunt. Denique etiam secundum esse substantiale sunt omnia mutabilia: quia sicut ex libero Dei influxu acceperunt esse, ita eodem influxu cessante necessario desinerent, & suum esse amitterent.

15 Hinc Apostolus 1. ad Timoth. 6. *solum Deum habere immortalitatem*, nimirum perfectam & independentem, ita vt nulla ratione possit vitam amittere. Et sancti Patres docent, Angelos esse quidem immortales, non tamen natura sua, sed gratia Conditoris. Damascenus l. 2. De fide cap. 3. *Immortalis est Angelus non natura, sed gratia. Nam omne quod capit, desinere suapte natura potest.* Cyrillus l. 8. Thesauri cap. 2. *Et si Angelus immortalis quadam res est, propter voluntatem & gratiam Saluatoris: tamen quia ortum habuit, & esse capit, occidere quoque potest, & non esse.* Et infra: *Solus enim Deus propriè immortalis est, quia naturaliter id habet; cetera per gratiam, sicut creatura.* & Iustinus in Responsione 13. quæst. ad Gentes: *Solum Deum dicimus obtinere immortalitatem; quia ex sua ipsius natura, non ex aliena voluntate hac illa adest.*

16 Neque his obstat, quod DD. Scholastici passim docent Angelos natura sua immortales: quia loquuntur de immortalitate, facta comparatione ad causas creatas. Cùm enim mortale & immortale

Quomodo
Angeli na-
tura sua sunt
immortales,
& quomodo
mortales.

dicant ordinem ad causam intrinsecam vel extrinsecam, quæ possit vel non possit mortem inferre; dupliciter potest aliquid dici mortale & immortale, facta nimirum comparatione ad duplicem causam, potentiam inquam Dei, & potentiam creaturæ. Itaque si fiat comparatio ad potentiam Dei, sic nulla res creata natura sua est immortalis; ac proinde spectata conditione naturæ est mortalis, quia ex natura sua habet ut pendeat ex libero influxu Dei, ac proinde ut possit desinere esse. Sicut enim ex natura sua per se considerata habet ut possit esse: ita etiam ut possit non esse: quod posse non est aliud, quàm non repugnantia. Hoc modo intelligendi sunt SS. Patres cum dicunt, nihil creatum esse natura sua incorruptibile aut immortale, & omnia sicut inceperunt esse, ita posse desinere. Si verò fiat comparatio ad causam creatam; non solum Angeli sunt immortales natura sua, sed etiam animæ rationales, & corpora cœlestia, & fortè etiam elementa, præsertim si sint naturæ simplices. nihil enim horum perimi potest vi creata. Omne enim quod vi causæ creatæ perimi potest, debet esse tale ut possit in se ab illa causa recipere impressionem aliquius qualitatis vel formæ, quæ simul consistere non possit cum forma quæ illi inerat. Itaque debet esse compositum ex materia & forma, eiusque materia debet esse capax illius impressionis; ut patet in omnibus alterationibus & corruptionibus, quæ à causis naturalibus inferuntur. Vnde perspicuum est, nullam substantiam simplicem, qualis est natura Angelica, & anima rationalis, ac fortè substantia cælorum & elementorum, ab vlla vi creata perimi posse, cum ista non consent aliquo subiecto quod possit recipere aliquam impressionem, quæ cum illorum natura consistere nequeat.

18 Hæc tamen omnia, facta comparatione ad potentiam diuinam, sunt natura sua mortalia & corruptibilia, quia nullam habent firmitatem aut soliditatem, nisi ex Dei voluntate, & assiduo influxu: quem influxum, quia liber est Deo, & liberaliter, nullo præiudicio ipsorum merito confertur, sancti Patres *gratiam* vocant.

19 Hinc inferitur, omnes Sanctos & Beatos, si naturam eorum spectes, posse amittere suam beatitudinem, gloriam, ac immortalitatem, & relabi ad nostras miseras; deinde posse peccare & amittere suam sanctitatem, ac damnari; imò posse amittere ipsam naturam, & conuerti in nihilum: quorum omnium assidua consideratio est illis causa summæ humilitatis & subiectionis erga Deum, & continuæ gratiarum actionis. Solus Deus supra omnia positus, omnia conti-

nens & conseruans, nihil suorum bonorum amittere potest; nihil ab alio accepit, sed à seipso omnia habet; nemini obnoxius, nemini debitor, nisi gratuita & liberali promissione sua. Ipsi gloria, ipsi imperium, ipsi gratiarum actio ab omni creatura in omnes generationes sæculi sæculorum. Amen.

De aliis fructibus qui ex consideratione immutabilitatis Dei colligi possunt, dicemus lib. iv. De Æternitate.

CAPVT IV.

Recollectio precatoria, de Immutabilitate.

20 **T**IBI Regi sæculorum immortalis & inuisibili, apud quem non est ^{1. ad Tim. 6.} transmutatio, nec vicissitudinis obumbratio, soli Deo & Domi- ^{Iacobi 2.} no meo honor & gloria ab omni creatura in terra & in cælo, & supra omnem creaturam in altissima & inaccessibili luce sapientiæ & Diuinitatis tuæ. Tu omnis immortalitatis & stabilitatis auctor, tu gluten & nexus omnium.

21 Per te Angelicæ naturæ & animæ rationales immortales & inexterminabiles constant. Per te cælorum firmitas, qui *solidi velut ære fusi sunt.* Per te terra in æternum stat, suis librata ponderibus in medio vniuersi, tamquam centrum immobile. Per te elementorum & materiæ indissolubilis natura. tam potenti manu his omnibus speciem impressisti, vt nulla arte eradi; tam validè contines intrinsecus, & coherere facis, vt nulla vi possint dissipari. ^{Iob 37. Eccl. 1.}

22 Neque tantum immortalitatis & stabilitatis es auctor; sed etiam omnis motionis tam spiritalis quàm corporalis prima & suprema origo. Nihil enim fit visibiliter in hac totius creaturæ veluti amplissima ^{Prosper Sè-} Repub. quod non ab inuisibili aula summi Imperatoris, secundum ^{tentia. 38.} ineffabilem distributionem donorum & gratiarum, præmiorum & pœnarum, bonorum & malorum, & ceterarum huius vitæ vicissitudinum, vel iubeatur vel permitatur.

23 Apud te rerum omnium mutabilium immutabiles sunt rationes & omnium temporalium æternæ stant origines. Semel ante sæcula omnia statuisti de omnibus, semel dixisti, & ex vi huius statuti promuntur & dispensantur sæcula, & quæ per sæculorum decursum suis momentis & locis in lucem veniunt. Ordo temporum apud te sine tempore est; nec aliqua tibi sunt noua, qui iam ab æterno fecisti omnia quæ futura sunt: *Fecisti*, inquam, in prædestinatione tua

46 DE PERFECT. DIVIN. LIB. III. DE IMMVTAB. DEI.
in decreto tuo iubente vel permittente, & in præscientia tua infal-
libili omnia intuen- te vt præsentia.

24 Apud te est omnis boni plenitudo, præexistens & anticipata an-
te omnia sæcula, cui nulla accessio, nulla fieri potest detractio. Si-
mul habes ab initio quidquid per infinitum sæculorum decursum ac-
cedere potest; nec quidquam potes amittere, quia per essentiam
tuam habes & es omnia. Non egēs obsequiis nostris, neque ex salute
nostra tibi aliquid commodi, vel ex damnatione aliquid incommo-
di prouenire potest. Et quamuis totus periret mundus, tu tamen ni-
hil amitteres, neque beatitudo vel gloria tua idcirco minora forent,
aut aliquid detrimenti caperent.

25 Amas tamen nos æterno & infinito amore; & nihil non agis vt
salui simus, & beatitudinis tuæ participes; & cum à te recesserimus,
non deseris nos, sed multis modis reuocas, sicut benignus parens fi-
lios fugitiuos, veniam promittens, ne in æternum exitium ruamus.

26 O immensam spiritus tui dulcedinem, qui tanta nobiscum vt-
ris benignitate, non solum nihil tale promeritis, sed ingratis, sed re-
bellibus, sed assidue te offendentibus, & malum pro infinitis bene-
ficiis tuis rependentibus.

27 Illumina tenebras nostras, lux primæua; absterge ab oculis
mentis nostræ nugacem nugarum huius mundi fascinationem, sen-
sum simplicem peruertentem: vt quantum inter caduca & immorta-
lia, inter fluxa & permanentia, inter bona huius sæculi & futuri in-
ter sit, clarè perspiciamus; vt illis contemptis hæc persequamur, hæc
assequamur, his inhæreamus. Aufer à nobis mentis inconstantiam,
ne in bono proposito fluctuemus, ne vñquam deferamus quod
semel à nobis benè occæptum. Nihil enim magis noxium ad pro-
fectum, quàm instabilitas animi nusquam consistentis, & leui mo-
mento huc illuc instar arundinis impulsæ.


28 Tange apicem animæ nostræ radio lucis tuæ, & mentem no-
stram trahe sursum ad te, supra omnium mutabilium sphæras, supra
solis annique vias, supra omnia bona creata, & vinculo charitatis in-
solubili adstringe tibi, vt neque vita, neque paupertas, neque diui-
tiæ, neque gloria vel ignominia, neque voluptas vel afflictio; neque
sublimitas vel profundum, neque ipsæ inferorum portæ & vniuersa
diaboli tormenta valeant eam conuellere, aut à te separare.



D E
P E R F E C T I O N I B V S
M O R I B V S Q V E
D I V I N I S
L I B E R Q V A R T V S ,
D E Æ T E R N I T A T E D E I .

C A P V T P R I M V M .

Quid sit Æternitas.



ÆTERNITAS sequitur immutabilitatem, & non nisi ratione ab ea distinguitur. Nihil enim est aliud, quàm duratio rei immutabilis, principio & fine carens: duratio autem nihil est nisi esse rei continuatum & permanens. Definitur à Boëtio sic:

Æternitas est interminabilis vita tota simul & perfecta possessio. quæ definitio potius est causalis & fundamentalis quàm formalis. Vbi quatuor consideranda. Primò, *Quod sit possessio vite.* quo significatur perfectus quidam habendi modus, per quem vita non expectatur, sed tenetur præsens, non habetur in spe, sed re ipsa obtinetur. *Vite* potius possessio quàm existentia; tum quia vita est perfectissimum esse, ac proinde in eius possessione merisò ponitur æternitas, quæ est perfectissima duratio: tum quia æternitas à nobis non concipitur nisi comparatione motus; in vita autem apprehenditur motus quidam & actuositas.

*Definitio
æternitatis.*

2 Secundò, *Interminabilis vitæ*; nimirum non solum in futurum vt in posterum non possit terminum accipere; sed etiam retrò in præteritum, vt numquam illa vitæ possessio potuerit incepisse. Debet enim vtrimque esse interminabilis, vt sit integra & non dimidiata æternitas. Hinc mundus, Angeli, Sancti & Beati omnes non sunt æterni seu *αἰδίοι*, sed *αἰώνιοι*; quia infinitis retrò sæculis non fuerunt, in posterum tamen infinitis sæculis permansuri.

Comparatio
immensitatis
et æternita-
tis.

3 Tertiò, Quòd *hæc possessio sit tota simul*; nimirum quia non habet partem post partem, sed omnem suam extensionē habet collectam in momentum; ita vt omni momento habeat totum simul vnitum, quidquid per infinitos sæculorum tractus habet extensum. Sicut enim immensitas Dei totam Dei magnitudinem, quæ absque termino in omnem partem diffunditur, colligit in punctum, vt non minus habeat in puncto loci, quàm in spatio immenso: ita æternitas durationem Dei, & (vt ita dixerim) ætatem seu vitam, quæ infinito tempore coextenditur, colligit in momentum, ita vt totam possideat in momento. Sicut enim immensitas se habet ad punctum loci, ita æternitas ad punctum temporis: postulat enim æternitas vt omnis apprehensio, omnis cogitatio, omne consilium, omne iudicium, omnis voluntas, omne decretum, omnis amor, omne gaudium, omnis felicitas, omnis complacentia & displicentia, denique omnes actus intellectus & voluntatis, qui successu temporis infiniti in Deum cadere possent, fuerint in illo, & sint perfectissimè quouis momento, omnibus retrò sæculis & in posterum futuris designabili. Non ita fit in creatura: nemo omnes cogitationes, omnes affectus, omnia gaudia, omnes voluptates, quas per longi temporis interuallum successiue habere potest, simul possidet.

4 Cogita, quanta mens sit Deus, quàm vasta, quàm capax. Finge, per infinitum tempus quotidie ei occurrere nouas varietates, nouas sapientiæ notiones, noua gaudia: quàm infinitus horum esset numerus per infinitum tempus? Iam cogita, illum hæc omnia simul & semel comprehendisse, & possidere ab illo æternitatis nunc, ex quo fuit Deus. Non enim fuit Deus, quin statim simul hæc omnia comprehensa possideret.

5 Quarto, Quòd *hæc possessio sit perfecta*; nimirum, tum quia prorsus & ab intrinseco est inamissibilis (quod enim potest amitti, non perfectè possidetur) tum quia complectitur omnes motus vitales, ita vt non solum possideatur vita interminabilis quoad rei essen-

tiam,

tiam, sed etiam quoad omnia quæ in illa considerantur. Vnde Angeli, etiam si essent ab æterno, non tamen propriè haberent æternitatem; quia non possident perfectè vitam suam totam simul, sed solum essentiam & actus beatificos. Ex his patet, æternitatem tria postulare: primò, vt sit duratio: secundò, vt sit immutabilis, seu tota simul: tertio, vt ab intrinseco, seu ex vi illius esse in quo fundatur, careat principio & fine. Vnde hoc modo breuiter definiri potest: *Est duratio tota simul, ab intrinseco carens principio & fine.*

CAP V T II.

Æternitatem soli Deo propriè conuenire.

6 **E**X his quæ Capite superiore dicta sunt, cõsequens est soli Deo competere propriè æternitatẽ. Primò, Quia solus initio caret durationis, solus numquam incepit, solus omne tempus & interuallum durationis occupat & ambit. Hinc vocatur *antiquus dierum*, apud Daniele cap. 7. quia (vt Dionysius cap. 10. De diuin. nom. exponit) *ipse est omnium æuum & tempus, ante dies, ante æuum, ante tempus.* quod intellige de omni tempore, etiam comprehensibili à creatura. Parum enim esset, ipsum fuisse ante tempus reale, quod nondum sex annorum millia compleuit; cùm etiam Angeli plurimis sæculis, iuxta Patrum quorundam sententiam, ante illud tempus fuerint, Deumque laudauerint: sed fuit etiam ante omne tẽpus imaginabile, quantumuis illud longum cõcipiatur. Accipe ante conditum mundum tot sæcula quot sunt arenæ in littore maris; Deus iam erat: accipe totidem myriades sæculorum; Deus antea erat: hunc immensum sæculorum numerum in se multiplica; adhuc Deus infinitis sæculis est antiquior.

Origenes.
Greg. Nazianzenus.
Basilus.
Hilarius.
Ambrosius.
Hieronym.
Damascen.

7 Dicitur *omnium æuum & tempus*, quia omne æuum ex ipsius duratione pendet, & omne tẽpus ex ipso fluit, qui æuo & tempori suũ esse tribuit & continuat. Vnde cap. 5. idem Dionysius ait: *Αὐτός ἐστιν ὁ αἰών τῷ αἰώνι, ὁ ὑπάρχων πρὸ αἰώνων.* Ipse est æuum æuorum, existens ante omne æuum. & paulò antè: *Ἀρχὴ καὶ μέτρον αἰώνων, καὶ χρόνος ὁ πῶτος, καὶ αἰὼν τῷ ὄντι.* Ipse est principium & mensura æuorum, & temporum entitas, & entium æuum, quæ omnia causaliter intelligenda.

8. Omnis verò creatura initium habet, quia non ex substantia Dei, sed ex nihilo est. Imò secundum sanctorum Patrum sententiam,

G

nec æterna retrò esse potest. Docent enim, creaturam suo Conditori non posse esse coæternam. S. Aug. lib. 12. De ciuit. c. 15. *Tempus quoniam mutabilitate transcurrit, æternitati immutabili non potest esse coæternum. Ac per hoc etiamsi immortalitas Angelorum non transit in tempore, tamen eorum motus quibus tempora peraguntur, ex futuro in præteritum transeunt, & ideo Creatori coæterni esse non possunt.*

Augustinus.
Creaturam
non posse esse
æternam.

Fulgentius. Fulgentius lib. De fide ad Petrum c. 3. *Hic Deus qui sine initio semper est, quia summè est, dedit rebus à se creatis ut sint, non tamen sine initio: quia nulla creatura eiusdem naturæ est, cuius est Trinitas vnus Deus, à quo creata sunt omnia.* Hic indicat, creaturam non posse carere initio durationis, quia non est naturæ diuinæ, sed ex nihilo.

Ambrosius. S. Ambrosius l. 6. Hexaëmeron c. 1. *Quid tam inconueniens, quàm ut æternitatem operis cum Dei omnipotentis coniungeret æternitate?*

Basilius. S. Basilus l. 2. contra Eunomium pag. 8. *Nos autem æternitatẽ creaturis tribuere, & Creatorem hac confessione priuare, eiusdem amentia dicimus.* Antè probauerat Filium esse æternum, hinc infert, non esse creaturam, ut volebat Eunomius. Rationem adfert: *Quia sicuti repugnat Creatori non esse æternum; ita creaturæ repugnat esse æternam.* Dicit esse eiusdem amentia: non quia vtrumque est hæreticum, sed quia vtrumque ex natura rei inuoluit repugnantiam.

Damascen. S. Ioannes Damascenus l. 1. De fide c. 8. distinguens generationem & creationem, dicit, *generationem carere principio temporis, & esse æternam, quia opus est naturæ, & ex substantia Patris procedit.* Creatio verò, inquit, *cum sit opus diuinæ voluntatis, non est coæterna Deo: quia quod ex non ente ad esse producitur, non est aptum natum esse coæternum ei quod principio caret, & semper est.*

9 Quidam putant, Damascenum solùm velle dicere, creaturæ non esse necessarium aut connaturale, esse ab æterno. sed praua translatione decipiuntur. Illud enim ἡ φύσις, non rectè vertitur, non est natura comparatum, vel natura non postulat: sed non potest, ἡ δύναμις. ut passim Argyropilus apud Aristotelem vertit. unde significat repugnantiam ex natura rei. Simili modo idem Damascenus paulò antè dixerat, quòd diuina natura ἡ φύσις ὑπομένει πάθος ἢ πῦρ. vbi non vult dicere, ei non esse naturale, sustinere passionem & defluxionem, sed ipsam non esse aptam seu capacem passionis. Ex quibus patet, ex sanctorum Patrum sententia repugnare naturæ creatæ, ut sit coæterna suo Conditori. Et quamuis difficile sit huius rei causam adferre, eò quòd rationem infiniti non satis per-

spectam habeamus : tamen per se est rationi valdè consentaneum, ne creatura vlla in re possit æquari suo Conditori, nec possit ei dicere, Ante me non extitisti: tam antiquus sum quàm tu, & Filius tuus. Deinde ratio creaturæ videtur inuoluere, vt antea nō fuerit. Hinc Patres Græci definiunt creationē, *ὅτι τὸ μὴ ὄντος εἰς τὸ εἶναι ἀπογαλνυμένον, ex non ente ad esse productionem.*

*Creatio
quid.*

Damas. l. 1.
c. 8.

Athanas.
Orat. 4. con-
tra Arrianos
Basil. l. 2.
contra Eu-
nomium.

10 Et S. Augustinus li. contra Felicianum Arrianum c. 7. ex definitione creaturæ probat Filium non esse creaturam. *Creatura, inquit, est ex eo quod adhuc non est, aut aliquando non fuit, rei cuiuslibet corruptibilis, quantum in se est, Patris omnipotentis Dei voluntate facta substantia. Hæc definitio utrū in Filium Dei cadat, videamus, &c.* Itaque omnes isti volunt, de ratione creationis & productionis ex nihilo esse, vt res producta aliquando non fuerit. Et sanè si Arriani putassent creaturam posse esse Deo coæternā, facilè dixissent, Filium esse quidem creaturam, sed creaturam æternam: & sic amouissent à se præcipuam sui erroris inuidiam. Maximè enim offendeat, quòd dicerent, fuisse aliquando tempus, nempe imaginarium, quo Filius non erat: idque putabant omnino sequi ex sua sententia, qua statuebant esse creaturam. Præterea si aliquid fuisset à Deo conditum ab æterno, eius creatio non fuisset peracta momento, sed æterno tempore durare debuisset; nec Deus potuisset rem illam in nihilum redigere, aut influxum suum subtrahere, nisi postquam res illa æterno tempore durasset. quod sanè videtur absurdum, nec in vlllo modo potest concipere. 11 Denique sicut creaturæ repugant immensitas, per quam coextendatur omnibus spatiis locorum; cur non etiam æternitas, per quam omnibus spatiis temporum? quia par est ratio; imò hoc videtur conceptu difficilior.

Nec obstat, quòd Deus ab æterno habuerit omnem suam potentiam, & potuerit habere voluntatem illam liberam creandi; vbi autem adest potestas & voluntas, ibi quoque sit effectus. Nam simili modo in omni parte spatii per totam immensitatem locorum adest illi sua omnipotentia & voluntas libera, & tamen non potest creari aliqua creatura, quæ totum illud immensum impleat. Causa est, quia id repugnat naturæ creatæ. Rectè tamen conuincit illud argumentum, in quouis momento temporis imaginarij quantumuis hinc retrorsum distante, potuisse fieri creaturam, & antè: sicut in quouis puncto loci imaginarij potest fieri, & vterius. Et hoc sufficit ad ipsius omnipotentiam immensam & æternam asserendam.

G ij

12. Secundò illi soli competit propriè æternitas, quia solus ex se vitam habet interminabilem. Omnis creatura ex se potest desinere & in nihilum euanescere; tota ipsius duratio assiduè ex Deo pendet. Deus ex se, id est, non aliunde. ipse enim est prima & fundamentalis vita & duratio, fons omnis vitæ & durationis. Vnde Dionys. c. 5. De diuin. nominib. in fine: Διότι ἡ αὐτοπαύων, ἡ τὰ ὄντα, ἡ τὰ μέτρητὰ τῶν ὄντων, ἡ τὰ μετρίδια δι' αὐτῆς, ἡ ἀπ' αὐτῆς. *Quare ipsum ævū, & omnia quæ sunt, & mensura rerum, & quæ sub mensuras cadunt, per ipsum & ab ipso sunt.*

13. Tertiò, Quia solus totam vitam simul possidet; in creaturis non est tota simul. Et si enim in Angelis sanctis & Beatis visio beatifica & fruitio tota simul sint, alij tamen actus intellectus & voluntatis, locutiones & auditiones non sunt simul, sed alij aliis in infinitum succedunt. Vnde D. August. lib. 1. Confess. cap. 6. *Summus animus es, & non mutaris, neque peragitur in te hodiernus dies; & tamen in te peragitur, quia in te sunt & ista omnia: non enim haberent vias transeundi, nisi contineres ea. Et quoniam anni tui non deficient, anni tui hodiernus dies: & quàm multi iam dies nostri & patrum nostrorum per hodiernū tuum transierunt, & ex illo acceperunt modos, & utcumque extiterunt, & transibunt adhuc alij, & accipient, & utcumque existent.*

Mat 101. *Tu autem idem ipse es, & omnia crastina atque ultrà, omniaque hesternæ & retrò, hodie facies, hodie fecisti. Quid ad me, si quis non intelligat? gaudeat & ipse, dicens: Quid est hoc? gaudeat etiam sic & amet, non inueniendo inuenire potius te, quàm inueniendo non inuenire te. Hic per hodie intelligit nunc æternitatis, quod numquam est crastinum, numquam hesternum, numquam præteritum, numquam futurum; sed semper hodiernum, semper præsens, semper nunc, in quo Deus omnia peragit & omnia peregit tam futura quàm præterita. Idem in Psal. 2. explicans illud, Ego hodie genui te: In æternitate nec præteritum quidquam est, quasi esse desierit; nec futurum, quasi nondum sit. quare per verbum hodie intelligit eo loco æternitatem, quæ tota est simul ac præsens. D. Bernardus Serm. 80. in Cantica: *Tempora sub ea (natura diuina) transeunt, non ei, futura non expectat, præterita non recordatur, præsentia non experitur.**

14. Quartò, Quia solus totam vitam suam perfectè possidet, tum quia solus totam simul, vt dictum est; tum quia possidet illam per essentiam & à se, creatura autem per participationem à Deo. Hinc ille integrè & illimitatè vitam habet tanquam totam vitam, & ipsum omnis vitæ fontem possidens: creatura limitatè, & certis

DE A E T E R N I T A T E D E I. 53
terminis circumscriptam, quasi vitæ quamdam particulam & scintil-
lam. Explicat hoc fusè D. Dionysius cap. 6. De diuinis nominibus.

C A P V T I I I.

*Deum ratione suæ æternitatis esse fundamentum
temporis imaginarij infiniti.*

15 **S**I C V T Deus per essentiæ suæ infinitatem est fundamētum om- Fundamētum
omnis dura-
tionis.
nis creaturæ possibilis, & per immensitatem omnis loci & ex-
tensionis possibilis; ita per æternitatem fundamentum omnis tem-
poris & durationis successiuè possibilis. Nisi enim illa essent in
Deo ipsa, hæc non haberent vllō modo esse obiectiuum & in-
telligibile: nam etiam in esse obiectiuo habent essentialē de-
pendentiam ab illis perfectionibus diuinis. Ideò enim infinitæ
sunt rerum species possibles, quia essentia diuina per suam infini-
tatem infinitis modis est communicabilis: ideò spatium immen-
sum est imaginabile, quia diuina essentia per suam immensitatem
illud quasi expandit; vel potius, quia ipsa est spatium immensum
fundamentale, cui aliud scilicet corporeum coextendi potest. De-
nique ideo tempus retrò infinitum cogitari potest, quia æternitas
Dei est infinita duratio, cui tempus successiuum infinitum potest
coextendi (intellige, quantum est ex parte æternitatis) vnde ipsa
conceptum obiectiuum temporis infiniti substituit.

16 Itaque Deus non solum est causa existentium, vt actu sunt;
sed etiam est fundamentum possibilium & totius esse, speciei, mo-
di, quem singula habent in esse obiectiuo. Quæ sanè consideratio
mirificè extollit diuinæ essentiæ maiestatem & magnitudinem in-
finitam, sic enim ab illa non solum dependent omnia quæ actu
sunt, sed etiam omnia quæ actu non sunt; nec solum secundum
esse actuale, sed etiam solum esse possibile & intelligibile, licet di-
uerso modo. Nam secundum esse actuale pendent à libero eius
influxu, ac proinde à libera eius voluntate nulla naturali neces-
sitate: secundum esse possibile pendent ab eo naturali neces-
sitate ante omne decretum liberum. qua de re plura infra Libro v.
De Omnipotentia.

Hinc vlteriùs fit, vt sicut infinitudo essentiæ non potest concipi
à nobis, nisi in ordine ad species rerum possibles; nec immensitas,

G iij

nisi respectu spatij imaginarij possibilis, ita nec æternitas nisi comparatione temporis imaginarij infiniti.

*Æternitas
longissima est
& breuissi-
ma.*

17 Ex dictis sequitur primò, Æternitatem simul esse & longissimam & breuissimam. *Longissimam*, virtute & coëxtensione; quia infinitis temporum spatiis se exæquat. *Breuissimam*, quia in puncto temporis habet omnia quæ per infinitum tempus habere potest. Itaque sicut tempus est *nunc volans* (nihil enim de tempore est, nisi ipsum *nunc*, sed illud semper fluit, estque omni momento aliud & aliud) ita æternitas est *nunc stans*. Nam in ea omnia sunt simul; & semper in eodem consistunt statu. Sub ipsa volant omnia tempora, & prætereuntibus aliis succedunt alia; & omnis creata natura suos accessus & recessus patitur, amissis antiquis noua acquirens. Hinc tempus & temporalia omnia sicut flumen quoddam, æternitas sicut rupes firmissima, sub qua flumen raptim transit: omnes aquæ partes successiuè adlabentes rupem subeunt, & transeunt; nec vmquam redeunt; rupes autem semper eodem loco manet. Sic omnia temporalia alia post alia succedunt & transeunt sub æternitate, numquam reditura vt rursus fluant. Est enim æternitas similis puncto, circa quod describitur circulus: sicut enim punctum illud respondet toti circũferentiæ, & singulis eius punctis, ita æternitas respondet & assitit toti tempori, & singulis eius momentis.

*Temporalia
sunt instar
fluminis, æ-
ternitas in-
star rupis.*

*Est similis
puncto in cir-
culo, & cen-
tro in motu
circulati.*

*Efficat bonũ
infinittè me-
lius, & ma-
ius infinittè
peius.*

18 Sequitur secundò, Æternitatem omne bonum, quod affecerit, efficere infinittè melius; idque dupliciter: Primò, Ratione durationis; qui attribuit ei durationem infinitam, atque adeò infinitum esse. Esse autem eò melius est, quò maius, siue intensiuè maius sit, vt cum res in se est perfectior; siue extensiuè, vt cum diffunditur per subiectum maius, vel per maius tempus. quæ ergo infinittè durat, infinittè melior est, Exemplum: Voluptas vnus diei magnum bonum est, magnique penditur; voluptas vnus hebdomadæ, pluris penditur; vnus anni, pluris, centum annorum, longè pluris; 1000. in decuplum pluris; & sic deinceps, quò diutius durat, eò æstimatur amplius. Ergo quæ durat infinittè, infinittè pluris æstimabitur. Idem dicendum de gloria, diuitiis, pulchritudine, cæterisque bonis. Contrarium accidit in pœnis: æternitatis enim pœnam facit infinittè peiorem & molestiorem. Secundò, Ratione collectionis illius boni; quia totum commodum, quod res illa infinito tempore successiuè adferre potest, colligit in vnum, & simul conferri, percipi, ac gustari facit: vt si tota voluptas, quam lau-

tum conuiuium per paates & successiuè adferre potest tempore infinito, colligeretur in vnum, & tota simul æterno tempore tribueretur, esset infinitè melior & maioris æstimationis. Simili modo æternitas in malis, nempe in pœnis, colligit filas quodam modo in vnum, & simul sentiri facit. etsi enim simul non existant, tamen facit simul apprehendi, & sic infinitum quemdam dolorem animo inurit.

CAPVT IV.

De fructu qui ex consideratione æternitatis percipitur.

19 **Q**UADRUPLEX potissimùm fructus nobis hinc colligendus. Primus est, Incomprehensibile quoddam gaudium beneuolentiae & congratulationis in Deum, ex prædictorum perpensione nascitur. Cùm enim omnia ipsius bona, quæ per se infinitæ sunt perfectionis intensiux, etiam æternitate intimè veluti imbuta cogitamus; consideramus in illis nouam quamdam infinitatem, eamque geminam. Vnde triplicem in illis contemplamur infinitatē: Primam, ratione perfectionis intensiux; Secundam, ratione durationis infinitis tum retrò, tum in futurum sæculis; Tertiam, ratione collectionis in vnum; quia æternitas totum commodum quod infinito tempore successiuè ex aliquo bono percipi potest, colligit in vnum.

20. Hac ergo triplici ratione gaudendum nobis est, & congratulandum Deo nostro de quouis ipsius bono, tum essentiali, tum personali. Gratulandum Patri, quòd sit fons Diuinitatis & processionum diuinarum; quòd talem & tantum genuit Filium, quòd immensum spirauerit amorem: quòd hos produxerit non à 100. vel 1000. annis, sed ex omni æternitate: quòd in omnem æternitatem producat. Filio, quòd tanti Patris sit Filius; quòd omnium Patris bonorum in solidum particeps; quòd vnà cum Patre sit fons Spiritus sancti; quòd hæc bona habeat ex omni æternitate in omnem æternitatem; quòd non successiuè, non partitè, sed tota simul completissimè. Pari ratione gratulandum Spiritui sancto. Denique simul gratulandum omnibus & singulis diuinis personis, quòd bono fruantur infinito, quòd eo fruantur ex omni æternitate in omnem æternitatem; quòd totum gaudium simul percipiant & sentiant, quod per totam æternitatem successiuè sentiri posset.

Gaudium & congratulatio.

21 Secundus est, Maximum gaudium concupiscentiæ, nimirum quod ex tanti boni certa & cita expectatione nascitur. Cum enim consideramus, totum illud bonum Dei æternum, nostrum esse, nobis promissum, & à nobis in æternum & totum simul possidendum; non possumus non maximo gaudio affici. Si enim dilectores mundi de istis infimis & momentaneis bonis ex inopinato oblatis, sæpè ita gaudent, ut vix se capiant; quantum nobis gaudendum de bonis summis, infinitis, & sempiternis, quorum suauitas tota simul pereipietur? Et quamvis non fuerimus ab æterno, tamen possidentes Deum, fruemur in eo etiam æternitate, quatenus infinitis retrò sæculis extitit, mente nos retrorsum & antrosum extendentes; sicut & tota immensitate fruemur, in immensum illud pelagus nos immergentes. Vnus enim spiritus erimus cum Deo. Sensus igitur & gustum habebimus diuinorum, sicut & ipse Deus habet, etsi dispari gradu. Ibi possidebimus diuitias infinitas, non decem, centum, vel mille annis, sed infinitis sæculis; non sensim & successim commoda & oblectationem earum percipientes, ut fit in hoc mundo; sed affatim, accumulatim, & omnibus simul fruentes. 22. Itaque triplicem habebunt æstimationem, & tripliciter infinitam. primò, ratione obiecti, seu bonorum ipsorum; secundò, ratione durationis æternæ in possidendo & fruendo; tertio, ratione collectionis in vnum; quia totum commodum quod æterno tempore ex illis percipi potest, simul collectum & cumulatim erit in vnum.

Triplex æstimatione in bonis quibus fruemur in futura vita.

23 Tertius est, Maximus timor æternæ damnationis; quia in hac est infiniti & æterni illius boni iactura, & summi æternique tormenti perperessio. Nullum malum pœnale maius, grauius, acerbius animo concipi potest. Nulla enim iactura comparari potest cum iactura boni infiniti & æterni, quod in æternum erat possidendum. Nullum sensuum tormentum conferri potest cum tormento ignis in æternum duraturo. His accedit æternus carcer, æternæ tenebræ, æterna sitis, æternus vermis, æternus fœtor, æternus horror, æternus luctus, æterna comploratio, & quidquid malorum cogitari potest, ibi erit, & æternum erit. Quis æternitatem in istis omnibus considerans non exhorrescat? Quis mundi vanitatem, diuitias, voluptates, honores ad momentum captare velit, cum tanto æternorum malorum periculo? Ponamus mala ista solum mille annos duratura; nihilominus ingens esset fatuitas, pro momentaneis & infimis rebus, pro modica & breui voluptate, periculo tanti & tot annorum tormenti se exponere. Quantò ergo maior erit fatuitas, si cen-

Æternitas in pœnis.

si centum millium annorum pœna foret? Quanta si centuplo diuturnior? & sic deinceps sine termino, quò productior statueretur pœna, maior quoque censebitur fatuitas, eius periculo se obicere. Cum ergo certissimum sit, pœnas istas omnes fore sempiternas; necesse est, infinita quadam amentia & fatuitate teneri eos, qui futurorum securi, quòtidie peccata peccatis adiiciunt, & certissimo æternæ damnationis periculo se exponunt. Nullam ego animo concipere possum maiorem fatuitatem, nullam perniciosiorem insaniam, qua tamen illi spontè tenentur: quia si vellent parumper considerare quid sit æternitas, facilè ea liberarentur, & ad sanitatem redirent. Neque ad hoc opus est totius æternitatis sublimis consideratio; sed dimidiata dumtaxat, quæ in futurum extenditur, popularis & attenta cogitatio. Hæc enim æternitas, & si dimidiata, tamen tanta est, ut nulla sæculorum multitudo quidquam ad illam sit aliud quàm momentum. Constitue montem arenarum qui impleat totum orbem, unde singulis sæculis vna tollatur arenula, quot sæculorum myriadibus opus erit ut totus absumatur? quis hoc numeret aut animo comprehendat? & tamen cum totus fuerit post innumera sæcula consumptus, nihil detractum æternitati, sed solùm erit initium, sicut antè. Denique post omnia sæcula imaginabilia & comprehensibilia ab homine, vel ab Angelo, nihil ademptum erit æternitati, sed semper erit initium. Hæc cogitatio quotidie nobis animo versanda; quia nulla ad omnes tentationes vincendas, ac pericula peccatorum cauenda potentior, nulla efficacior. Vnde monet Sapiens Ecclesiastici 7. *In omnibus operibus tuis memorare nouissima tua* (æternitatem pœnarum & præmiorum) *& in æternum non peccabis.* Tantum enim timorem homini inculcit, ut omne peccatum mortiferum tamquam summum malum, utpote summi mali certissimam causam, summè detestetur ac fugiat.

*Fatuitas
omnium
maxima.*

25 Quartus est, Contemptus huius mundi. Qui enim æterna considerat, clarè videt quàm parui & nullius momenti sint omnia temporalia, si cum æternis comparentur. Nam quidquid transit, hoc ipso quo desijt, perinde est ac si numquam fuerit. Fruatur quis omnibus mundi voluptatibus, omnibus honoribus, omni gloria, omni imperio plurimis annis: priuetur postea istis omnibus, nihil habebit ex omnibus commodi, nihil restabit illi nisi mœror, & tristis memoria se bonis istis omnibus orbatum esse, quæ eò erit acerbior, quo bona illa visa sunt illi dulciora. quò enim suauior est pos-

*Contemptus
temporalium.*

H

sessio, hoc amarior est amissio; ut vel ob hanc unicam causam, etsi alia non subesset, temporalia sint contemnenda. Quod verò æternū est, numquam amittitur, numquam amitti potest. Vnde est infinites melius & optabilius re temporali, etsi aliam præ illa excellentiam non haberet. Accedit, quòd temporalia non simul sua commoda adferāt, sed sensim; priore enim commodo evanescente succedit aliud: bona æterna simul sua commoda præstant. Vnde & hac ratione temporalia ab æternis infinitè superantur.

CAPUT V.

Recollectio de Æternitate.

Psal. 89.

26 **P**RIVSQUAM montes fierent, aut formaretur terra & orbis, à sæculo vsque in sæculum tu es Deus. Tu enim principium & artifex omnium; vnde & ante omnia. Non naturæ aliqua necessitate impulsus hanc rerum vnitatem, hoc magnum palatium cum incolis & opibus suis effudisti (sicut sol lumen effundit) ut opus tuum tibi coæternum esse possit: sed liberrima voluntate, ut summus artifex, finxisti & ædificasti. Antiquior ergo es opere isto, quod nondum sex annorum millibus constitit. Sed quot, obsecro, sæculis antiquior? neque illud omnino absurdè quæritur, quasi ante hunc mundum sæcula nulla fuerint, in quibus tu existeres, & bonis tuis fruereris.

27 Etsi enim ante cæli & terræ conditionem, solis & lunæ conuersiones, quæ nostros dies, menses & annos metiuntur, ex quibus quantæ sint rerum nostrarum minutæ durationes cognoscimus, non fuerint; dubium tamen non est (nisi de vocibus contendere velimus) quin durationes & spatia aliqua fuerint quasi dierum, mensium, annorum, & sæculorum, sub quibus isti motus extendi & transigi potuissent, si tunc extitissent: sicut nec modò, absoluto mundi huius curriculo, cessantibus cælorum motibus, durationes omnes & spatia temporum abolebuntur. Capiamus ergo retrò ante conditum orbem, centum millia sæculorum; iam tunc eras Deus. Capiamus totidem sæculorum milliones; iam ibi eras, æquè magnus, æquè potens, æquè sapiens, æquè beatus. Denique sine fine maiorem & maiorem sæculorum numerum retrorsum mens concipiat; & inueniet te cum omnibus bonis & gaudiis tuis infinitis sæculis adhuc priorem & antiquiorem.

28 Tu enim es hypostasis, & principium, & mensura omnium sæculorum; tua æternitate prior omnibus sæculis & superior, sub quo omnia voluntur sæcula. Sicut enim tua immensitate extendis, ambis, & contines omnia spatia locorum: ita tua æternitate anticipas, protendis, & ambis omnes durationes & moras temporum, tamquam omnium radix & origo. Sub te omnia inchoantur principia, omnes accedunt profectus, omnis transigitur vita, omnes procurrunt motiones, omnis perstat existentia, omnes proueniunt termini, omnes clauduntur fines.

29 O æternitas, omnis boni primaeva & interminabilis complexio; omnis vitæ insensibilis tota simul & perfecta possessio; omnis beatitudinis sine principio & fine superplenissima fruitio! Tibi nihil præteritum, nihil futurum; tibi nulla accessio, nulla decessio fieri potest. Nā altitudine tui *nunc*, quod infinitum tempus ambit, omnia simul colligis; in illo omnia tenens præsentia, ut nec fugere possint in præteritum, nec de nouo in futurum aduenire. Omnia enim præsentia, præterita & futura præcipis & anticipas; & tibi iam præsentia erant priusquam futurorum notionem haberent. Et si enim quæcumque aliquando futura sūt, ab æterno futura fuerint; nisi tamen ea sciuiſſes, & vel facere vel permittere voluiſſes, ab æterno non futura fuissent.

30 In tuo *nunc* omnia semel constituta & decreta; omne consilium de omnibus captum & conclusum. Nihil de nouo restat deliberandum, nihil non plenissimè expensum: omnia definita & decisa, quæ vel fient vñquam, vel non fient. Ibi quoque & nos numerari & appensi sumus, & librata sunt omnia opera nostra. Ibi nobis pœna vel gloria æterna præparata; ibi vel regnamus cum Sanctis omnibus in gloria, vel incendiis inferorum cum impiis & dæmonibus ardemus. Æternitas præscientiæ & decretorum tuorum anticipat omnia: & quidquid in tempore futurum est, ibi iam factum est.

31 O æternitas! abyssus gaudij Sanctis, abyssus miseriarum & dolorum impiis! Sicut enim omne bonum facis infinitè melius & optabilius, ita omne malum efficis infinitè peius & molestius. Quæ mens magnitudinem tuam capere, quod robur animi pondus tuum sustinere queat? Tu omnem superbiam retundis, omnem duritiem frangis, omnem animositatem reprimis, omnes peccatores perturbas, omnes pios in afflictione recreas, & ineffabili gaudio perfundis. *Momentaneum enim & leue tribulationis huius,* ^{2 ad Cor. 4.}

supra modum in sublimitate æternum gloriæ pondus operatur in nobis. Pro momentaneo malo rependetur æternum bonum ; pro leui tribulatione , pondus gloriæ immensum ; pro afflictione terrena , gloria in sublimitate. Væ miseris peccatoribus , qui momentaneum & leue huius vitæ solatium , æterno illi gloriæ ponderi anteponunt: qui æternum malunt subire supplicium , quàm momentaneo huius vitæ carere commodo : qui terrena ista præferunt cælestibus, infima sublimissimis , momentanea sempiternis.

32. O æternitas ! tu semper menti meæ obuerseris, tu intimis mihi sensibus inhæreas, tu omnium mearum actionum & totius vitæ sis regula. Omnia temporalia, siue bona, siue mala, præ te contemnam & nihili ducam. Tu mihi in omni afflictione sis solatium, & in omni tentatione præsidium, & in omni prosperitate monitorium. Tibi verò *πρωτοῦ & ἀναρχοῦ* principio, quod omni principio antiquius, tibi ævorum parenti, sæculorum Regi, temporum dispensatori, ætatum prouectori, omnis permanſionis & durationis basi, & beatæ æternitatis largitori, omnis honor & gloria in omnem æternitatem, Amen.



D E
P E R F E C T I O N I B V S
M O R I B V S Q V E
D I V I N I S
L I B E R Q V I N T V S,
D E O M N I P O T E N T I A D E I.

SVPERIORIBVS quatuor Libris breuiter actum est de quatuor perfectionibus diuinis quæ circa ipsam essentiam instar modorum concipiuntur: sequitur nunc vt agamus de illis quæ concipiuntur instar qualitatuum, nec tamen inuoluunt respectum ad creaturas vt existentes; quales sunt maximè istę quatuor, Potentia, Sapientia, Bonitas seu Perfectio, & Sanctitas, de quibus agemus quatuor Libris sequentibus.

C A P V T P R I M V M.

Deum esse omnipotentem.

OMNIPOTENTIA Dei plurimis locis traditur à Scriptura diuina. nam plusquam 70. locis vocatur *omnipotens*. Idem multis aliis locis disertè asseritur; vt Matth. 19. *Apud Deum omnia possibilia sunt.* Marci 10. *Omnia possibilia sunt apud Deum.* &c. 14. *Pater, omnia tibi possibilia sunt.*

H ii

LUC. 1. *Non est impossibile apud Deum omne verbum.* Idem patet ex Symbolo: *Credo in Deum, Patrem omnipotentem, creatorem cæli & terra.* Estque hic articulus fundamentum nostræ religionis, cum præcipua eius dogmata eo nitantur, vt dogma de creatione mundi, de eiusdem conseruatione & gubernatione; mysterium Incarnationis, Eucharistiæ, Resurrectionis, Visionis beatificæ, & similia.

2 Idem colligi potest ratione. Primò, Ex eo quòd totū hoc vniuersum omnia rerū genera complectens fecerit. Vnde euidenter patet, illum alia similia sine fine efficere posse. Sicuti pictor, qui vnam formam potest excellentissimè depingere, potest etiam quasuis alias quas animo complecti potest: & architectus, qui vnam palatij ideā potest animo concipere, & opere exhibere, potest etiā alias quasuis.

Phil. 148

Secundò, Ex modo faciendi, tum ex parte actionis, tum ex parte termini. Ex parte actionis; quia summa felicitate, nimirū solo verbo & iussu. *Ipsè enim dixit, & facta sunt; ipse mandauit, & creata sunt.* nihil facilius verbo. Hæc summa facilitas, signum est sumæ potentia, ac proinde omnipotentia. Ex parte termini; quia ex nulla materia, sed ex nihilo: quod numquam Philosophi potuerunt vel animo concipere. quare & ex hac parte, eius potentia limite caret. Ex parte enim formæ, res in infinitum multiplicari possunt: vt si architectus posset extruere domos sine materia, vel ipsam materiam primitus excitare, nullus posset eius arti statui terminus: nam sine fine plures & plures domos posset extruere. Quòd enim plures nequeant fieri, defectu materiae prouenit. Est igitur hoc signum euidentis omnipotentia. Nec enim maior fingi potest, quàm quæ totum ex nihilo facit. Confirmatur, Quia quòd res longius distat ab esse, eò maiore opus est potentia vt trahatur ad esse: atqui longissimè distat ab esse, quod non latet in potentia materiae, sed in puro nihilo. solaque potentia obiectiua; ergo opus est maxima potentia, quæ sola est omnipotentia.

3 Tertiò colligitur ex infinitate essentia; potentia enim sequitur essentiam. Nam vel est ipsa rei essentia, considerata vt est effectiua; vel quiddam sequens essentiam per modum naturalis proprietatis. Ergo cum essentia sit penitus infinita, potentia quoque omnino infinita erit: sunt enim hæc inter se commensa.

Quartò, Ex participabilitate essentia. tanta enim est potentia, quanta est essentia in ratione participabilitatis ad extra: sed essentia infinitis modis est participabilis seu imitabilis, idque secundum singulos gradus rerum, qui sunt, esse, viuere, sentire, intelligere. Ergo

potentia est infinita. Vide S. Thomam l. 2. contra Gentes c. 22. ubi similes aliquot rationes eleganter adducit.

Quintò, Ex ratione sapientiæ. quia tanta est potentia, quanta est sapientia. Quidquid enim per suam sapientiam potest concipere ut operabile, per suam potentiam potest efficere. sicut perfectus pictor, quidquid potest imaginari, potest exterius depingere. Atqui infinitas rationes, & species rerum infinita illa sapientia concipit: ergo potest omnes illas producere.

CAPUT II.

Quædam consuetudina Omnipotentia diuinæ.

4. **E**X his sequitur primò, Deum posse omnia efficere per seipsū, *Deus potest per se facere quidquid per creaturas.* quæ potest per creaturas. Omnes enim vires & facultates quæ sunt in creaturis, sunt ab ipso, & in ipso eminenter existunt. Cū igitur ipsius potentia omnem creaturæ potentiā eminenter contineat; omnia potest, quæ omnis creatura potest; idque modo longè perfectiore.

5. Sequitur secundò, Cū Deus dicitur *omnipotens*, & *omnia posse*, &c. id est *omnia* non solum designare ea quæ sunt reipsa, aut quæ ab his fieri possunt; sed omnia absolutè, quorum conceptui non repugnat esse; qualia sunt omnia, non solum quæ à mente humana & Angelica, sed etiam quæ ab ipsa Dei sapientiæ infinita concipi possunt. *Potest omnia facere quæ ipsius sapientia potest extra se concipere.* At hæc quàm sunt infinita? quàm mirabilia & exotica, & omnem captum mentis humanæ & Angelicæ excellentia? Quàm mira & multa sine termino fingit mens humana? quàm mirabilia & peregriniora, & plura mens Angelica? sed in infinitum magis miranda & plura mens diuina? Hæc omnia solo verbo, solo nutu potest in opus explicare, & foris reipsa representare. Sicut enim diuina sapientia est regula diuinæ potentia, ita etiam nullus alius limes ei statui potest. Confirmari hæc possunt ex illo dicto Angeli, Lucæ 1. *Non erit impossibile apud Deum omne verbum*; id est, nulla res quæ animo concipi queat, aut verbo exprimi, ut Doctores passim exponunt. Vnde certissima & ab omnibus recepta sententia est, eaque sine tenenda, vel fidei proxima, *Deum posse quidquid non inuoluit contradictionem*. id est, quidquid non includit non esse simul cum esse. *Non esse* enim formaliter tollit esse, ac proinde simul cum illo stare non potest: idque adeò est

evidens, vt sit principium omnis ratiocinationis, in quod omnis ratio omnisque disputatio vltimò resoluitur, vt in Metaphysica traditur. Omne igitur conceptibile potest Deus, tam negatiuum quàm positiuum, sed negationem & positionem eiusdem simul connectere non potest: quia hæc essentialiter se mutuò tollunt.

*Potest alia
facere.*

*Vile Clauū
in Sphæram.*

6 Sequitur tertio, Deum præter ea quæ re ipsa fecit, posse facere alia sine fine. Primò, Potest facere alios mundos innumerabiles similes & æquales huic mundo. at quanta res est mundus iste, quàm immensa? quantus terræ circuitus & profunditas? quanta latitudo maris & aquarum copia? quanta vastitas aëris? quanta eëlestium corporum amplitudo? Terra secundum veriorē sententiam Geographorum continet in ambitu milliaria 19080. vnde profunditas vique ad centrum est milliarium plusquam trium millium. Cælum lunæ, vt tradunt Astronomi, distat à terræ centro milliariibus 120630. cælum solis plusquam quatuor millionibus: stellæ fixæ plusquam 80. millionibus milliarium. tanta etiam ab his dicitur esse cæli octauæ spissitudo. vnde conuexum eiusdem cæli distat à terra plusquam 160. millionibus milliarium. Milliare voco 1000. passus, id est spatium quinque millium pedum. Quanta nunc & quàm incomprehensibilis illorum pernicitas? Sol singulis horis conficit plusquam 1160000. milliaria, id est, vndecies centena millia, & sexaginta millia, vel vt Arithmetico more loquar, vnum millionem, & centum sexaginta millia milliarium: qui etiam maior tota terra dicitur 160. Stellæ circa Æquinoctialem, vt quæ in cingulo Orionis, singulis horis plusquam 42. milliones percurrunt. quis tantam velocitatem animo concipiat? Nam tãta est hæc velocitas, vt per eam intra spatium Salutationis Angelicæ septies terra circuiui posset. Vnde sequitur, si aliqua stella (quarum minima ad spectu notabilis, maior est tota terra decuplo octuplo) in aëre tanto impetu moueretur, vniuersas vrbes & domos mox dissipatum iri, imò totum mare & montes radicitus euulsos in puluerem soluendos & accendendos, non valentes tantam vim & distractionem perferre. Supra istos cælos sunt tres alij (posteriores Astronomi ex quadruplici motu Firmamenti quatuor statuunt) nimirum Crystallinum, Primum mobile, & Empyreum, quod est sedes Beatorum, quod secundum Astronomos multò longius abest à Firmamento, quàm Firmamentum à terra. Quis ista considerans non obstupescat? & tamen has tam immensas moles Deus vno verbo fecit & formauit, & continet in natura, & ita velociter currere

rere iussit: & eadem facilitate posset plures mundos & huic æquales condere. Non opus erat istis maiora considerare ad omnipotentiam Dei percipiendam, cum nec ista mens capere queat: nihilominus potest Deus longè maiora. Itaque

7 Secundo, potest alios mundos maiores isto condere, seruata proportionē singularum partium, idque sine termino: verbi gratia, vt singulæ partes sint centuplo vel millecuplo maiores partibus huius mundi, terra terrâ, mare mari, sol sole, cælum cælo; idque id quauis alia proportionē sine fine. Vnde tota mundi huius machina ad potentiam Dei est instar paruæ pilæ: potest enim Deus facere mundum adeo magnum, vt totus hic mundus ad illum comparatus sit instar grani milij; & in illo tantam multitudinem Angelorum, vt hic numerus Angelorum qui modo existit, sit instar pugilli ad arenam maris.

*Potest alios
hoc mundo
maiores.*

8 Tertiò, Potest etiam facere alios mundos specie ab hoc distinctos, & præstantiores; idque sine termino. similiter Angelos specie distinctos, & præstantiores. De Angelis est ferè communis sententia DD. De mundi partibus est eadem ratio. sicut enim in spiritibus sunt gradus infiniti, cur non similiter sint in corporibus? Constat sane esse gradus in corporibus: nam aqua præstantior est terrâ, & aër est præstantior aquâ; & inter cælos est ordo naturalis dignitatis. Quis dicat hunc ordinem sistere in supremo cælo, nec posse corpus præstantius à Deo fieri? aut non posse fieri elementa alia nostris analogia? Nullo modo dubitandum est, quin in thesauris diuinæ sapientiæ lateant & alia elementa, & alij cæli nostris analogi & præstantiores. cuius etiam signum est tanta diuersitas terrarum, liquorum, vaporum vel spirituum nostra elementa æmulantium, quæ tamen inter se specie differunt. Idem dicendum de corporibus mixtis, metallis, lapidibus, gemmis, plantis, animalibus. Quidquid autem latet in sapientia, etiam latet in potentia: quidquid enim potest concipere, potest & facere. Vnde non fecit hunc mundum & cætera quæ in ipso sunt, quasi nihil posset præstantius aut maius, sed quia hic sufficiebat ad finem sibi propositum, qui est declarare potentiam, sapientiam, & bonitatem suam; quod hic mundus tamquam specimen eximium diuinæ artis & potentiæ satis præstat. Tale enim opus tam varium, tam immentum, & in omnibus partibus suis absolutum, non potuit fieri nisi à potentia, sapientia, & benignitate infinita. Sicut pictor vel architectus, qui etsi infinita possint opera facere, tamen suffi-

*Potest alios
mundos spe-
cie distinctos.*

cienter artem suam declarant in vno aliquo magno opere, si illud faciant excellentissimo modo, quo intra suam speciem fieri potest.

*Infinita indi-
vidua.
Replicatio-
nes infinita.*

9 Quartò, Potest sub singulis speciebus infinita indiuidua, & rursus singula indiuidua replicare infinities, id est, sine vllò termino. Itaque ex vno homine potest facere maximum exercitum, implere omnia regna & vrbes omnes, ex vno pisce implere totum mare, & flumina omnia; ex vna arbore omnia siluarum spatia, omnesque montes vestire.

*Modus exi-
stendi spiri-
talis.*

Quintò, Potest corporibus dare modum existendi incorporalem & inuisibilem, vt ex augustissimo Eucharistiae mysterio constat. Itaque cælum, terram, maria cum omnibus insulis, regnis, oppidis, populis, atque adeò totum mundum potest ponere in grano milij absque vlla partium imminutione, perturbatione, aut offensione. Deficit mens ista perpendens, nec tantam sustinere potest diuinæ potentiae maiestatem.

*Possibilitas
intrinseca
rerum.*

10 Sequitur quartò, In obiecto omnipotentiae diuinæ duplicem considerari posse possibilitatem: intrinsecam & extrinsecam, remotam & propinquam. *Intrinseca possibilitas* est aptitudo ipsius rei, seu non repugnantia ad existendum. Eadem dici potest possibilitas remota. ratione enim huius dicitur res possibilis, etiamsi non consideretur vlla potentia qua possit produci: sicut color est in se visibilis, etiamsi nullus sit visus qui possit illum videre. Hanc possibilitatem habet res quodam modò à Deo, non quidem per actionem aliquam liberam vel necessariam, qua Deus rem illam in esse possibili producat (esse enim possibile quò tale, non potest esse terminus productionis, nec potest habere causam effectiuam) sed habet eam à Deo tamquam à causa quasi exemplari. Essentia enim diuina, quatenus est tali modo imitabilis & communicabilis, est ratio per modum radicalis ideæ, cur humana natura sit possibilis, & habeat tale esse obiectiuum & potentiale. Idem censendum de reliquis omnibus possibilibus. Itaque ipsa essentia est prima radix omnis esse obiectiui, & possibilitatis intrinsecæ omnium possibilium: & omne esse obiectiuum possibile pendet ab essentia diuina tamquam à prima & originali omnium ideæ, à qua singula suam speciem & rationem conceptibilem in suo gradu & ordine variè limitatum habent, modo iam explicato.

*Pendet ab es-
sentia diuina*

*Possibilitas
extrinseca.*

11 *Possibilitas extrinseca* est, quam res habent ratione omnipotentiae diuinæ, per quam possunt produci, & accipere esse actu. *Extrinsecam* voco, quia non concipitur vt quid intrinsecum rebus,

sed vt denominatio extrinseca à potentia diuina. Eadem dici potest possibilitas propinqua : quia posita diuina potentia, res statim potest fieri, nec aliquid aliud ad eius productionem requiritur, quam voluntas producentis.

Itaque omniaabilia continentur in essentia diuina tamquam in originali radice, & quasi in exemplari, virtuali, & radicali : in sapientia tamquam in exemplari formali, in quo etiam existunt obiectiue modo perfectissimo & illustrissimo : magis enim ibi fulgent, quam in suis naturis creatis. In potentia, tamquam in causa effectrice. Etsi enim hæc non distinguantur ex parte rei : tamen vt à nobis concipi possunt, necessario illa distinguimus, & conceptibus distinctis apprehendimus.

Ex his considerationibus patet quanta sit diuinæ potentie magnitudo & amplitudo, cum se extendat ad omnia quæ sapientia diuina extra se potest concipere quæ eadem omnia in ipsa essentie infinitate eminenter continentur.

CAPVT III.

Quis fructus huius considerationis.

12 **E**X horum consideratione sequuntur tres potissimum in nobis affectus. Primò, Maximæ cuiusdam reuerentie & submissionis. vnde Apost. Petrus Epist. 1. c. 5. *Humiliamini sub potenti manu Dei, vt vos exaltet in tempore visitationis.* Quis enim cogitans suam imbecillitatem & illius omnipotentiam, non submittat se illi in omnibus, tamquam habenti in nos summum ius & summam potestatem? Sit quis maximæ sapientie & sanctitatis, & reliquis omnibus perfectionibus ornatus; si tamen in nos nihil iuris aut potestatis habeat, non magnopere illum curamus, aut eius reuerentia mouemur: si autem summam simul in nos habeat potestatem, & pro arbitrio possit de nobis disponere, etiamsi multis aliis ornamentis careat; summam tamen submissionem & reuerentiam ei exhibemus. Exemplo sunt qui agunt cum maximis Principibus : quanta reuerentia & submissione se gerunt coram illis? Itaque consideratio diuinæ potentie hunc affectum excitat quàm maximè.

*Triples ex
hu affectus.
Reuerentia.*

13 Secundò, Excitatur affectus timoris. Vnde Scriptura passim commemorat diuinam potentiam eiusque stupenda opera, vt homines ad timorem excitet, & Dominus Luc. 12. *Dico autem vobis*

Timor.

*amicis meis, ne terreamini ab his qui occidunt corpus, & post hæc non habent amplius quid faciant. Ostendam autem vobis quem timeatis: timete eum, qui postquam occiderit, habet potestatem mittere in gehennam. Ita dico vobis, hunc timete. Vbi ter reperit hunc timendum, idque cum noua asseueratione Ita, Græcè *ταὶ*, id est, certè, profecto; indicans quantopere Deus sit timendus ratione illius potestatis. Et sanè quis non timeat eum, qui tantam pœnam potest irrogare, & æterno tempore continuare? Intolerabilis & incomprehensibilis est pœna ignis, quam vel ob vnicum peccatum mortiferum infligit; sed hanc potest sine termino augere, pro numero & magnitudine peccatorum quæ quisque admisit. Vnde potest esse tanta, vt omnis pœna ignis huius vitæ (etiam si quis in maximo rogo, vel in ardentissima fornace nudus iaceret) mitis, blanda, imo ludus & iocus ad illam habeatur. Itaque si is qui habet vnum peccatum mortale, punitur pœna ignis, vt ex Scripturis constat; quanta erit pœna eorum qui 100. qui 1000. qui decem aut centum millia peccatorum mortiferorum habebunt? talis enim est proportio pœnarum, qualis est culparum. sicut & in præmiis ea erit proportio præmiorum, quæ meritorum. Si ergo tuæ culpæ excedunt culpas alterius in centuplum; centuplo quoque erit grauior pœna tua: iuxta illud Apocal. 18. *Quantum glorificauit se & in deliciis fuit, tantum date ei tormentum.**

Fiducia;

14 Tertio, Excitat affectum fiduciæ. Si enim omnipotens nobis assistit, qui omnium causarum creatarum, omnium hominum & demonum continet habenas, ita vt nec in minimum motum possint absque eius nutu emicare; cur timeamus aliquam creaturam? Nihil enim nobis potest inferre incommodi, nisi ipse annuerit: non annuet, nisi id nobis possit esse vtile ad vitam æternam. *Diligentibus Deum omnia cooperantur in bonum*, vt ait Apost. ad Rom. 8. Deinde, cur non libentissimè feramus id quod ipse vult nos ferre? hac cogitatione armatus B. Franciscus Xauerus, securus stabat inter gladios & fremitus Barbarorum. Ad eandem fiduciam excitat nos Dominus Matth. 6. v. 25. vsque ad finem. & Luc. 12. v. 6. *Nonne quinque passeret veniunt dipondio, & vnus ex illis non est in obliuione coram Deo? sed & capilli capitis vestri omnes numerati sunt. nolite ergo timere, multis passeribus pluris estis vos.* Ad timorem quoque & fiduciam ex consideratione potentia diuinæ pulcherrimè nos excitat Psal. 32. *Exultate iusti in Domino: rectos decet collaudatio.* & cætera quæ sequuntur vsque ad finem.

CAPVT IV.

Recollectio preccatoria, de Omnipotentia.

15 **O** Adorandam, tremendam, & religioso silentio venerandam
 Omnipotentiam tuam, Domine Rex sæculorum, qui omnia
 per te potes, quidquid possunt omnes creaturæ tuæ; à quo omnis po-
 tentia, omnis vis, omnis energia rerum omnium est instituta & de-
 pendens; qui omnia ex nihilo solo verbo condidisti, & condita eo-
 dem substantifico influxu conseruas, ex omnipotentia tuæ manu ea
 veluti suspensa tenens, ne in suum nihilum relabantur; coram quo
 totus mundus est instar pilæ modicæ, & omnes Gentes instar stillæ
 roris antelucani. Qui re ipsa potes efficere & præstare, non solum
 quidquid omnes homines & Angeli animo concipere, sed etiam
 quidquid sapientia tua infinita potest excogitare: par enim est po-
 tentia tua sapientiæ tuæ, & æque latè se extendunt & diffundunt; cum
 hæc sola sit illius regula & mensura, quam enim aliam habeat mensu-
 ram potestas immensa, nisi immensam? hinc non minus ea tenes &
 possides quæ non sunt actu in esse producta, quàm quæ esse & spe-
 ciem exterius acceperunt. Delitescunt enim in thesauris potentia
 & sapientiæ tuæ, & ad minimum nutū tuum in esse foras prosilient, &
 dicent, Adsumus ad obsequium tuum. Non indiges laudibus & ob-
 sequiis nostris: si enim velis, infiniti tibi mox suppetent famuli, qui
 incomparabiliter te melius colant, & omni laude celebrent.

Ad Heb. 1. 3.

Isa. 40. 12.

Sap. 11. 23.

Lucæ. 1. 37.

Baruc. 3. 34.

16 Invere animo meo profundissimam reuerentiam & humilita-
 tem in consideratione tantæ potentiæ tuæ: tu enim de me & de om-
 ni creatura tua potes disponere & statuere pro arbitrio tuo; nec quis-
 quam tibi potest dicere, Cur sic facis? tua enim sunt omnia, & opera
 manuum tuarum. Semper te mihi præsentem cogitem, & extenta
 manu omnipotentia tuæ, æternæ damnationis fulmen minitanti,
 si sanctissimas Leges tuas violauero. Adde etiam fiduciam & securi-
 tatem cordi meo in te, vt neminem timeam præter te, nec vlla creatu-
 ra me à charitate tua abstrahere valeat. Quid enim sunt cætera om-
 nia coram te, aut quid mihi absque tuo nutu possunt nocere? Quod
 si ab aliquo me affligi permiseris, hoc ipsum mihi in salutem vertas, &
 ad æternam vitam cooperari facias. Amen.




D E
P E R F E C T I O N I B V S
M O R I B V S Q V E
D I V I N I S
L I B E R S E X T V S,
D E S A P I E N T I A D E I:
E T S I M V L
D E V E R I T A T E E T V I T A.

C A P V T P R I M V M.

In Deo esse perfectissimam sapientiam.

S. Tho. 2. 2. 1.
q. 9. a. 2.



Sapientia
Dei.

S A P I E N T I A propriè est notitia veritatis, nō quæ-
uis, sed per supremas & primas causas. Qui pluri-
ma nouit experientia, vel ex effectis, vel ex causis
propinquis & creatis, dicitur quidem experiens, gna-
rus, doctus, multiscius; non tamen propriè *sapiens*:
quia altissimas causas non contemplatur, neque ex illis notitiam
suam ducit. In Deo igitur est sapientia, quia omnia nouit per supre-
mas causas, nimirum per notitiam essentia suæ, quæ est omnium su-
prema causa efficiens, finalis, exemplaris & fundamentalis. Compre-
hendendo enim essentiam suam, hoc ipso ex vi illius comprehen-
sionis cognoscit distinctissimè & clarissimè omnia possibilium (sub
quibus continentur etiam omnium possibilium complexiones)

quæ nimirum ipse per se facere potest ; & illa comprehendendo, cognoscit ulterius omnia in particulari, quæ singula illorum facere vel pati possunt, & in quibus deficere. Neque hoc solum, sed etiam quid singula in quavis occasione essent factura, si talis vel talis occasio daretur. Neque in his sistit, sed etiam clare intuetur quid re ipsa in omnem æternitatem sit euenturum, quibus momentis, quibus locis, quibus occasionibus, & aliis circumstantiis. Ratio est, quia in Deo cognitio abstractiua possibilium cum sit infinitæ perfectionis & efficacix in attingendo obiecto, hoc ipso quo obiecta illa re ipsa sunt futura, fit intuitio existentium ; nec opus est alia vi aut conatu. Vnde patet, omnem intuitum futurorum esse ex vi comprehensionis essentialis, nec aliud requiri, quam positionem obiectorum. Tunc enim cognitio quæ prius seu in priori signo rationis erat abstractiua, transit in intuitiuam ex visus perfectionis. Docet hoc aperte Dionysius De diuin. nomin. c. 7. *Non enim, inquit, ex rebus ipsis res discens, nouit eas diuina mens ; sed ex se ipsa, & in se ipsa, secundum causam, omnium scientiam & notionem & essentiam præhabet, & antè comprehendit : non singulis secundum cuiusque speciem intendens, sed secundum unicam cause complexionem cuncta sciens & continens, sicut & lux secundum causam in se ipsa tenebrarum notionem anticipat, non aliunde quam ex luce tenebras noscens.* Hic manifestè tradit, Deum ex vi cognitionis essentialis tamquam causæ omnium, scire cetera. quod confirmatur verbis sequentibus : *Seipsam igitur diuina sapientia noscens, sciet omnia ; materialia sine materia, & indiuisè diuisibilia, & unicè multa ; ipso uno omnia & cognoscens & producens. Nam si secundum unam causam Deus omnibus esse impertit, secundum eandem unicam causam sciet omnia, tamquam ex se existentia, & in se ipso antè præexistentia.* Et paulò post. *Non habet itaque Deus peculiarem scientiam sui, aliam verò communem res omnes complectentem. Ipsa enim omnium causa seipsam cognoscens, nullo modo ea quæ ab ipsa, & quorum causa est, ignorabit. Hac igitur Deus res cognoscens, non scientia rerum, sed scientia sui ipsius ipsas nouit.* Confirmantur hæc alia ratione. Sicut enim essentia diuina in ratione boni se habet ad voluntatem, ita in ratione veri seu intelligibilis se habet ad intellectum. Sed voluntas diuina nihil vult, nisi ex vi amoris essentialis : ergo intellectus quoque nihil intelligit nisi ex vi cognitionis essentialis. Est etiam id multò præstantius & sublimius, nimirum vt essentia diuina, non solum quatenus est vis intelligendi, & rationem potentix subit, sed etiam quatenus habet rationem ob-

iceti, sit principium omnis cogitationis, & extendat se ad omne intelligibile, & quidquid vlllo modo veritatem obtinet.

Dicet aliquis, Quomodo Deus cognoscit omne verum in essentia sua, seu ex vi cognitionis suæ essentiæ, cum plurima sint vera quorum ipse non est causa: vt sunt omnes complexiones liberi arbitrij cum peccato in hominibus & dæmonibus: vt, quod Petrus negabit Christum, quod Iudas illum prodet, quod Antichristus persequetur Ecclesiam, & faciet se adorari. Talium enim coniunctionum & complexarum veritatum ipse non est auctor. Quomodo ergo cognoscit eas in se tamquam in causa?

*Quomodo
Deus cognoscat
res creatas in sua
essentia.*

6 Respondeo, Quatuor modis intelligi posse Deum illa cognoscere in essentia sua tamquam in causa. Primò, Tamquam in causa necessaria, ex qua illæ complexiones secundum esse actuale necessario sequantur. Ex hoc modo falsum est, cum nulla creatura actu existens, hoc modo cognoscatur in essentia diuina; tantum abest, vt peccata sic in illa cognosci possint. Secundo, Tamquam in causa libera, omnia futura in particulari liberè prædefiniente & decernente. Qui modus etsi quibusdam placuerit, nulla tamen ratione est admittendus, ne cum hæreticis Deum facere videamur auctorem omnium scelerum. Si enim Deus vult omnia fieri, quæ sunt in mundo, eaque prædefinit & decernit vt sic fiant, quomodo non verissimè, propriissimè & efficacissimè est auctor omnium operum malorum? Addo si hoc tantum modo Deus cognosceret futura, non cognosceret illa intuitiue vt sunt in seipsis in rerum natura, sed solum abstractiue vt sunt in sua causa, nempe in decreto diuino; quod non est consentaneum summæ perfectioni diuinæ cognitionis. Tertio, Tamquam in causa libera volente illa permittere, sine cuius permissione illa fieri non possent. Et hoc modo concedi potest, Deum omnia peccata absolutè futura cognoscere in decreto permissiuo suæ voluntatis, posita conditionalium scientia, quam habet ex vi suæ essentiæ. Quarto, Tamquam in causa partim necessaria, partim libera. Qui modus non multum distinguitur à tertio; sed ponitur à nobis maioris explicationis gratia. Deus enim ex vi suæ essentiæ ante omne decretum liberum necessario omnia possibilis, & omnes posibles complexiones, & omnia ex hypothesi futura cognoscit: qua cognitione posita, accedente decreto libero quo vult creare causas liberas, & permittere eas suis motibus in talibus circumstantiis, statim in suo illo decreto effectiuo & permissiuo videt, quid absolutè sit futurum; idque prius ratione,

ratione, quam videat effectum in se existentem. Et quia hæc visio est infinitæ efficacæ in attingendo obiecto, extendit se etiam ad ipsum effectum, ut in re existit. Hoc sensu Deus dicitur omnia cognoscere in se tamquam in causa; nimirum tamquam in causa propinqua vel remota, decernente vel permittente. Nam in se, tamquam in causa propinqua, cognoscit omnem naturam rationalem possibilem; accedente decreto creandi, videt omnem existentem & futuram. In illa videt quidquid ipsa potest facere; & accedente decreto permissiuo, videt omnia quæ ipsa est factura.

CAPVT II.

Aliquot considerationes, ex quibus magis elucescit infinita vis diuina sapientia.

8 **I**NFINITA vis & amplitudo diuinæ sapientiæ ex multis colligi potest; ac primum ex structura corporum in viuientibus, præfertim in animalibus, in qua innumera simul considerata sunt ipsi opifici. Docet enim Galenus libro De formatione fœtus, esse supra sexcentos musculos in corpore humano, & in singulis esse decem scopos seu condiciones ad decem diuersos fines necessarias. *Nam, inquit, quisque ipsorum & figuram habet decentem, & magnitudinem, & caput, & finem, & positionem, & nerui venæque & arteria insitionem, ita ut pro magnitudine & loco insitionis hæc ipsa quadrent.* Vnde concludit, *in solis musculis esse sex millia scoporum seu finium, quorum in formatione habenda ratio, præter ea quæ pertinent ad singulorum temperamentum.* *Idem, inquit, in ossibus est, quæ plura sunt ducentis: nam in his singulorum scopi plures sunt quàm quadraginta. unde eorum omnium scopi plusquam octies mille.* *Eadem ars & circa omnia viscera existit, & omnino circa quilibet partem; adeo ut si quis structura scopos numeret, in aliquot myriades eorum multitudo excreset.* Hos itaque scopos haudquaquam ipse crediderim citra sapientissimum eundemque potentissimum opificem factos esse. Hæc ille, & optime. addit tamen miser: *Quis vero hic sit, pronuntiare non audeo, per consilij inopiam obmutescens.* nimirum hoc est euanescere in cogitationibus suis. Quis enim est sapientissimus & potentissimus Opifex præter Deum? Sed si considerentur omnes nerui, omnes arteriæ, omnes venæ, & horum principia & administratio, conformatio, deductio, situs, connexio, vltus, & cætera; inueniemus innumerabi-

A D. Virin-
go ponun-
tur 284. ab
aliis etiam
plura.

lem multitudinem scoporum & finium in vno corpore humano. Hæc omnia perfectissimè & distinctissimè ante oculos habuit non solum dum hominem formaret, sed ex omni æternitate. Iam verò quot sunt animalium & plantarum species? In singulis autem speciebus pænè omnia illa considerata quæ in corpore humano, idque secundum proportionem & modum cuiusque speciei. Aliter enim illa omnia se habent in equo, aliter in boue, aliter in oue, & sic in cæteris. Deus autem non seorsim quæ ad singulas pertinent, sed simul omnia quæ pertinent ad omnes rerum species, distinctissimè & perfectissimè excogitauit, considerauit, & expendit ab æterno; & tempore præstituto, sicut conceperat, fecit. Quod apertè indicat infinitam amplitudinem & vim mentis illius; vt quæ tam innumerabilia simul tam distinctè, tam perfectè, tam potenter conceperit & produxerit. Vnde S. Augustinus lib. 11. De ciuitate cap. 10. *Neque enim multe, sed vna sapientia est, in qua sunt immensi quidam atque infiniti thesauri rerum intelligibilium: in quibus sunt omnes inuisibiles atque incommutabiles rationes rerum, etiam visibilium & mutabilium, quæ per ipsam factæ sunt; quoniam Deus non aliquid nesciens fecit.* ex quibus infert Augustinus, *quod iste mundus nobis notus esse non posset; nisi esset Deus aut in nisi notus esset, esse non posset:* quia Deus per sapientiam suam est auctor mundi, qui sua specie externam nobis sui notitiam ingerit.

Singula perfectissimè facta.

Psal 11.

10 Secundo considerà, singula tam perfectè, tam concinnè, tanta proportionem in singulis animantibus & plantis esse formata, vt omnis sapientia hominum pariter & Angelorum, ne minimum quidem vel in musca possit emendare. Omnia enim sunt in extremo perfectionis & pulchritudinis intra speciem suam; nisi fortè ratione materiæ, vel concursus causæ extrinsecæ quippiam sit impeditum vel distortum. Vnde etiam de istis minimis operibus dici potest cum Propheeta: *Magna opera Domini, exquisita in omnes voluntates eius.* Itaque & hoc infinitæ sapientiæ est signum. Si enim per infinitam sapientiam excogitata non essent, posset aliquid in aliqua re perfectius & concinnius concipi.

Virtus seminis.

11 Tertio considerà, totam illam & incomprehensibilem varietatem, quæ est in corporibus animalium & plantarum, quod ad figuram, colorem, situm, partium connexionem, proportionem, temperamentum attinet, delitescere in virtute seminis; adeo vt si quis naturam seminis mente comprehenderet, in ea totam cerneret animalis constructionem. Stupenda profecto po-

tentia & sapientia, quæ talem vim (cuius opus est tantæ varietatis & sapientiæ) excogitare, creare, & rei insensibili imprimere potuit. Nihil æquè in rebus creatis mirantur Medici, qui huius operationes exactius perpendunt.

12. Parimodo in ipsa quoque forma seu anima latent rationes singulorum quæ cernuntur in corpore. Idè enim in corpore animatis debent esse tot partes talis temperamèti, figuræ, magnitudinis, situs, coloris, odoris, tali ordine, connexionè, proportionè, quia anima est talis. Itaque in simplici illa forma latent innumerabiles illius varietatis rationes, veluti in causa finali & exemplari, in semine tamquam in causa efficiente. Necesse igitur est, formas illas seu animas esse res admirabiles, & infinities admirabiliorem qui illas finxit Opificem. Hoc modo ex singulis rebus creatis exurget mens in Deum.

Conditio anima cuiuslibet.

13. Quartò considera admirabilem vim sensuum exteriorum, & in primis oculi, cuius est tanta celeritas, ut in puncto temporis plusquam 80. milliones miliarium conficiat, (tantum enim & amplius distant stellæ fixæ à terra, iuxta Astronomos,) tanta verò capacitas, ut totam cæli mediocritatem comprehendat. Imò, si non obltaret terra, posset complecti & intra se condere totum mundum. Tam verò est arcana eius operatio, ut hætenus nemo mortaliū illam assequi potuerit.

Sensus exteriori.

14. Quid dicam de potentiis spiritalibus, intellectu, memoria, voluntate, quarum vis quodammodò est infinita? Neque enim vlla res creata, nec ipse quidem mūdus totus eas implere potest. Quidquid enim est in mundo, simul ab intellectu distinctè intelligi & comprehendere potest; neque vnus mundus illum impleuerit, sed simul decem alios posset amplissimo sinu suo complecti, si essent. Loquor de intellectu lumine gloriæ illustrato. Æqualis capacitas est memoriæ & voluntatis; quia intellectus & memoria re non distinguuntur, & voluntas intellectui est commensa.

Intellectus.

15. Considera quintò, Deum omnia quæ sunt in mundo vsque ad minutissimas partes, figuras, colores, qualitates, conditiones, situs, motiunculas, momenta, modosque omnes & habitudines distinctissimè & perfectissimè intueri, & in numero habere; nimirum omnes vermiculos, omnes muscas, animalia omnia & partes singulorum; omnia gramina, omnes herbas & plantas, omnia silvarum folia, omnes pilos animantium, omnes arenas littoris & deserti, omnes guttas maris, omnes stillas pluuiarum, omnes crista-

Deus omnia distinctissimè cognoscit.

tiones vndarum, omnes foliorum motus, omnium mensuras, distantias, congruentias, discrepantias, situs, modos, tempora: omnes hominum & Angelorum cogitationes, omnes affectus, omnes intentiones presentes, præteritas, futuras, & momenta singulorum. Hæc omnia semper distinctissimè & clarissimè intuetur, penetrat, comprehendit, idque adeò clarè & perfectè, ac si tota vis mentis illius in vnum dumtaxat illorum intenta esset. Quod sanè diligenter est perpendendum; ne quis putet aliquid illum latere posse, aut minùs perfectè esse cognitum, in tam immensa rerum multitudine; sicut impij homines solent existimare, in quorum persona dicitur Iob 22. *Quid enim nouit Deus? & quasi per caliginem iudicat: nubes latibulum eius, nec nostra considerat, & circa cardines celi perambulat.* Hos monet Sapiens Ecclesiastici 16. *Non dicas: A Deo abscondor, & ex summo quis mei memorabitur? In populo magno non agnoscar; quæ est enim anima mea in tam immensa creatura? Ecce calum, & celi calorum, abyssus, & vniuersa terra, & quæ in eis sunt, in conspectu illius commouebuntur, montes simul & colles, & fundamenta terræ, cum conspexerit illa Deus, tremore concutientur.* & Ecclesiastici 23. iuxta textum Græcum: *Omnis homo qui transgreditur lectum suum dicit in corde suo: Quis me videt? tenebræ circumdant me, & parietes operiunt me, & nemo me videt; quid vereor? peccatorum meorum non memorabitur Altissimus: & oculi hominum timor eius. Et non cognouit quòd oculi Domini decies millies clariores sole, inspicientes omnes vias hominum, & intuentes in absconditas partes.* Neque id mirum videri debet. Sicut enim essentia ipsius & potentia in singulis punctis loci & spatij est tota & tam perfectè, quàm si tota immensitas ad punctum esset contracta: ita etiam vis intelligendi & sapientiæ ipsius tam perfectè & efficaciter versatur circa res singulas, ac si vni soli intenta esset. Lumen enim sapientiæ ipsius non solum est infinitum extensiuè, nimirum quia se extendit ad infinita obiecta: sed etiam intensiuè, ut circa singula obiecta habeat actum infinitæ perfectionis & claritatis.

*Tam perfectè
cognoscit &
videt singu-
la, quàm si
vni soli rei
intentus es-
set.*

17 Considera sextò, illum non solum ea quæ reipsa sunt, fuerunt, & erunt, modo prædicto cognoscere, sed etiam infinita alia; nimirum, omnia illa quæ ipsius omnipotentia potest creare. Itaque simul intuetur infinitos mundos in seipso, huic nostro similes, & infinitos dissimiles; infinitas rerum species sub singulis generibus, & infinita indiuidua sub singulis speciebus; imò infinitorum indi-

uiduorum infinitas, vt ita dicam, replicationes. Perpende quid sit infinitum, & quotuplex hîc sit infinitum. multitudo enim specierum in generibus singulis est infinita; id enim modò suppono tamquam verilimilius: multitudo indiuiduorum in singulis speciebus est infinita, multitudo replicationum singulorum indiuiduorû infinita. Quis ista mente comprehendens non obstupescat, & summa cum reuerentia diuinæ sapientiæ in omnibus se subiiciat? Adhuc penetrat vltèriùs ad omnia opera singulorum, cognoscens quid singula possint facere quid patitur; quæ rursus infinita sunt, spectata diuersitate obiectorû, agentium, patientium, applicationum, auxiliorum, dispositionum.

18 Sed neque in his operibus possibilibus sistit, sed incomprehensibili modo penetrat vltèrius, cognoscendo non solum quæ fieri possunt à singulis, sed etiam quæ reipsa fierent à singulis, quauis hypotheli facta, quauis occasione proposita. hæc tamen occasiones sunt infinitæ, imò infinities infinitæ: nam vel ab vno homine possunt mihi infinitæ occasiones dari, & ipse ex parte subiecti possum infinitis modis affici & disponi. Deus autem omnes illas distinctissimè & perfectissimè videt, & simul vltèriùs penetrat quidnam in singulis libertas mea esset amplexura, quid factura. Idem dicendum de omnibus & singulis hominibus & Angelis existentibus pariter & possibilibus. Cernit igitur non solum omniaabilia, & omnes operationes posibles omnium possibleum, & omnes operationes reipsa in tota æternitate futuras; sed etiam omnes operationes quæ qualibet occasione ex infinitis occasionibus oblata essent futuræ. Nihil magis stupendum, aut quod magis immensam vastitatem, amplitudinem, profunditatem, & infinitam efficaciam diuinæ intelligentiæ & sapientiæ declarat.

19 Considera septimò, & recollige ordinem obiectorum diuinæ *Ordo intelli-* mentis & sapientiæ iuxta nostrum modum intelligendi. In primo *gubnatum.* igitur signo rationis, fertur in diuinam essentiam & personas diuinas: in secundo, in omniaabilia: in tertio, in omnia opera possiblea rerum possibleum: in quarto, in omnia futura ex hypothefi: in quinto, in omnia futura absolutè. Vnde meritò dictum à Propheta: *Sapientiæ eius non est numerus.* *Psal. 146.*

20 Octauò considera, quòd diuinus intuitus ferri possit in futura quæ nondum sunt, id non prouenire ex eo quòd omnia sint præsentia æternitati: hæc enim præsentia, vt est prior cognitione, nihil potest esse aliud quàm realis coexistentia cum æternitate. At-

Coexistere æternitati.

quæ res futuræ non coëxistunt æternitati antequam existant in seipsis secundum esse suum creatum. Coëxistere enim alteri, supponit existere in se tamquam quid prius. Vnde non coëxistunt æternitati, nisi suis temporibus, dum singula suo ordine promuntur, & suas essendi vices subeunt. Quare hæc coëxistentia nihil iuvat ad illa intuenda tamquam præsentia priusquam fiant, & multò minùs ut videantur ab æterno: oportet enim illa non solum coëxistere æternitati, sed coëxistere ab æterno, ut ab æterno tamquam præsentia videri possint. 21. Nec obstat, quòd æternitas ambiat totum tempus: quia non ambit, simul toti tempori coëxistendo: coëxistit enim illi successiuè, non successione sui, sed temporis. Allabuntur enim noui dies prioribus præterlabentibus; & dum hic dies præsens est, coëxistit æternitati secundum aliquid indiuisibile sui; sed cras non coëxistet, sicut nec heri coëxistit: sicut in flumine adlabuntur nouæ aquæ, & tangunt rupem flumini insidentem, sed statim transeunt, nec redeunt amplius. Totus rerum cursus ab initio mundi vsque ad finem est instar fluminis, sub æternitate, tamquam sub rupe quadam immobili, trāsēuntis. Itaque sicut rupes illa non simul coëxistit nec simul tãgit omnes fluminis partes, sed successiuè; sic nec æternitas simul rebus omnibus coëxistit, sed successiuè, prout illæ successiuè esse accipiunt.

22. Pari modo id etiam non p. ouenit ex eo, quòd Deus ab æterno de omnibus statuerit quæ successu temporum fiunt, quali hoc suum decretum cernens, in illo cernat res omnes futuras. Non enim omnia ab æterno decreuit efficaciter volendo ut sic fiant, sicuti fiunt: alioquin videretur esse auctor omnium malorum, & inducere simul fatum indeclinabile. Nisi autem decretum sit efficax, in eo solo cerni non potest an res sit futura, ubi, quando, quomodo, &c. Deinde illa cognitio non erit intuitiua, sed abstractiua, & quasi coniecturalis: sicut cum quis nouit aliquid tali tempore vel loco euenturum, ex eo quòd sciat se ita statuisse, & a nemine impediendum. Hæc enim cognitio est imperfecta, & similis coniecturæ. Deo autem tribuitur à Scripturis perfectissima cognitio, nempe visio & intuitio. *Omnes, inquit, vias meas præuidisti. & Intellexisti cogitationes meas de longè, semitam meam & funiculum meum inuestigasti.* Inuestigasti, perfectissimam notitiam indicat, qualis post longam inuestigationem haberi potest. At non opus erat magna inuestigatione, si ex eo tantum sciat, quòd decreuerit ut ita fiat. vnde ineptè Scriptura inuestigationem ei tribueret.

23 Considerandum igitur est, id prouenire ex infinita efficacia oculi diuini, cuius radius se extendit per totum tempus, tangens & incurrens in omnia, quæ in aliqua parte temporis existunt. Quod enim vis visiva est maior, eò longius se extendit. Sicut igitur oculus corporeus maximæ acrimoniæ in altissima specula constitutus, simul videret totam viam, & omnes in principio, medio, vel fine viæ constitutos; ita oculus diuinus supra omnia temporalia & mutabilia eleuatus, fertur in totum temporis decursum, & in omnia quæ per totum tempus fiunt, singula ab æterno quasi tangens, secundum loca & tempora quibus esse accipiunt. nec aliter illa videt cum iam sunt, quàm antequam essent, aut cum esse desierint; sed semper eodem modo illa intuetur, secundum omnem statum quem toto temporis successu habent. Quare etsi continua in rebus sit variatio, in visione tamen illius non est vlla successio, sed summa immutabilitas. In hac visione, quam & *præscientiam* vocamus, omnia sunt facta quæ futura sunt. *Ordo temporum*, inquit D. Prosper Sententia 57. *in æterna Dei sapientia sine tempore est, nec aliqua apud illum sunt noua, qui fecit quæ futura sunt.* In hac multi sunt æterna beatitudine felices, & cum Christo regnantes in cælis, qui in seipsis nunc inimici & impij: & multi e contrario æterna damnatione miseri cum diabolo apud inferos, qui in seipsis nunc iusti & filij. Itaque nemo vel sibi nimium fidat, vel alium contemnat: quilibet enim spectandus est & æstimandus non prout est breui tempore, sed prout est in æternitate. Multos enim amat Deus pro exiguo tempore, quos odit in æternitate: & contrà multos odit pro tempore, quos amat in æternitate.

Perfecta omnium cognitio in Deo prouenit ex infinita vi oculi diuini

Beati vel miseri omnes ab æterno in Dei præscientia

24 Nono considera, sapientiam diuinam plenam esse notionibus & conceptibus rerum veluti sigillis quibusdam, formandis creaturis secundum speciem cuiusque idoneis. Sunt enim res creatæ veluti impressiones quædam & *σφραγισµα* diuinæ sapientiæ. Quam ob causam Ecclesiastici 1. dicitur: *Et effudit illam* (sapientiam suam) *super omnia opera sua.* Et quemadmodum sigillum aquæ vel alteri rei fluxæ impressum, si amotum fuerit, statim forma perit: ita nisi diuinæ sapientiæ signaculum assiduè formet & consignet creaturam, tota species & substantia rei euanescet. Itaque cuiuslibet rei creatæ suum sigillum, quo eius essentia ab intrinseco assiduè formetur & conseruetur, semper est intimè præsens.

Sapientia sigillum rerum.

CAPVT III.

De fructu huius considerationis.

Admiratio. 25 **E**X his tres potissimum in nobis oriuntur affectus. Primò, Ad-
 mirationis, iuxta illud Psal. 138. *Mirabilis facta est scientia tua*
ex me,) supra captum meum:) confortata est, & non potero ad eam. Quis
 enim cogitans, omnia præsentia, præterita, futura, omnia possibile &
 imaginabilia; omnia quæ sunt, & omnia quæ non sunt, Deo perfectis-
 simè & distinctissimè esse præsentia & in conspectu semper posita,
 nulla in ipso facta mutatione, non obstupescat; præsertim cum vnico
 actu, imò nullo actu elicitò, sed per essentiam suam vitaliter hæc om-
 nia cernat? Nascitur enim admiratio ex eo quod aliquid se offerat
 menti nostræ, captum vel experientiam nostram superans. Nam
 tunc admiramur, cum videmus rem esse longè maiorem quàm antea
 conceperamus, vel experti eramus. Quare cum sapientia diuina sit
 infinitè maior, maximam admirationem, atque adeo stuporem in no-
 bis excitabit, per quem fiet, vt homo vix sui compos dicat cum Pro-
 pheta: *Vt iumentum factus sum apud te, & ego semper tecum.*

Psal. 72.
Humilitas.

26 Secundò, Affectus *humilitatis & annihilationis sui*, quoad co-
 gnitionem & sapientiam, & subiectionis intellectus in obsequium
 fidei in omnibus. Si enim omnis sapientia Angelorum & hominum
 quasi nihil est ad illud sapientiæ pelagus immensum, siue multitudi-
 nem & sublimitatem cognitorum spectes, siue perfectionem cogni-
 tionis, siue firmitatem & immutabilitatem, quid mea sapientia ad il-
 lam erit? Sanè minus quàm vnus puluisculus ad montem immen-
 sum, vna guttula ad mare infinitum, tenuis vmbra ad solis splendo-
 rem. Itaque non est quod gloriemur de nostra sapientia, aut hono-
 rem nobis ex ea captemus; cum tota sit instar nihili coram Deo: sed
 quærenda nobis gloria Dei, vt omnes diuinam sapientiam cognos-
 cant, admirentur, adorent, eique iudicium suum in omnibus subii-
 ciant, maximè in iis quæ per Ecclesiam nobis credenda proponit. Si
 enim tanta est imbecillitas ingenij nostri, vt ne formicæ quidem na-
 turam formationem, indolem, vitam, & rates cognoscere possimus,
 aut alterius rei maximè obuiæ essentiam; quomodo poterimus de
 mysteriis diuinis & supernaturalibus iudicare, quæ sapientia Dei infi-
 nita nobis sola patefecit?

Causa

27 Causa verò cur huiusmodi sublimia & captum nostrum excedentia à nobis credi voluerit, est: Primò, Vt captiuantes intellectum nostrum in obsequium fidei, illum totum Deo subiiciamus; & agnoscimus imbecillitatem mentis nostræ, ac diuinæ sapientiæ altitudinē, Deum sic honoremus. Secundò, Vt mens nostra sursum erigatur, & ad diuina eleuetur. Si enim Deus non proponeret ea quæ captum humanum excedunt; mens non attolleretur sursum, sed in suo gradu & infima sorte maneret, neque ad Dei visionem disponderetur: fides enim supernaturalium, media est inter cognitionem naturalem & visionem beatam. Tertiò, Quia cùm vita æterna sit supra naturam, ea quoque quæ ad illam ducunt, debent naturæ captum superare. Hinc tantopere donum fidei in Scripturis commendatur, & ex diuina illustratione haberi dicitur. 28. Denique subiiciendus intellectus diuinæ sapientiæ etiam in rerum euentis & mundi gubernatione; vt credamus à Deo omnia sapientissimè fieri, nec murmuremus contra eū, si nobis aduersa, impiis prospera euenerint. Ipse enim sapientissimè omnia disponit. Quidquid enim decernit vel permittit, id facit vel vt peccata castiget, vel nos ad bonum excitet.

*Cur fides
Deum erigat
à nobis.*

29. Tertiò, Excitatur affectus summæ & assiduæ reuerentiæ erga Deum. Si enim omnino loco & tempore omnes actiones, cogitationes & intentiones nostras intuetur; quanta reuerentia interiùs & exteriùs coram ipso nos versari oportet! Si enim qui versantur in oculis Principis, diligenter cauent ne quid committant quod oculos Principis offendere possit; quanta diligentia nobis cauendum, qui versamur in oculis tantæ maiestatis, ne quid admittamus quod ipsi displiceat? Ad hanc reuerentiam & curam sæpè nos monet sacra Scriptura. 30 Ecclesiastici 16. *Ecce calum, & celi calorū, abyssus & vniuersa terra, & quæ in eis sunt, in conspectu illius commouebuntur, montes simul, & colles, & fundamenta terræ, cùm conspexerit illa Deus, tremore concutiuntur.* & cap. 23. *Oculi Domini multò plus lucidiores sunt super solem, circumspicientes omnes vias hominum, & profundum abyssi, & hominum corda intuentes in absconditas partes. Domino enim Deo antequam crearentur, omnia sunt agnita: sic & post perfectum (id est, postquam iam creata sunt) respicit omnia.* ad Hebræos 4. *Viuis est enim sermo Dei & efficax, & penetrabilior omni gladio ancipiti, & pertingens vsque ad diuisionem animæ ac spiritus, compagum quoque ac medullarum, & discretor cogitationum & intentionum cordis. Et non est vlla creatura inuisibilis in conspectu eius.* Om-

*Affectus re-
uerentia.*

nia autem nuda & aperta sunt oculis eius, ad quem nobis sermo. Loquitur de Filio Dei, seu Verbo, qui Græcè Λόγος dicitur, & de penetratione per intuitum & iudicium. Hinc Deus dicitur *καρδιολόγος, scrutans renes & corda*, id est, intimas cogitationes & affectiones distinctè & clarè intuens ac diiudicans.

Psalm 7.
Ierem. 17.

CAPUT IV.

De Veritate.

31 **S**APIENTIAE connexa est *veritas & vita.*

Veritas quid.

Veritas generatim nihil videtur esse aliud, quàm conformitas rei cuiusque cum sua mensura & regula, per quam sic est formata vel concepta. Ideò enim hoc est verum aurum, verum argentum, vera aqua; quia secundum suam speciem est conforme & congruens suæ mensuræ infallibili, per quam sic est formatum. Hæc autem mensura est conceptio diuina, quam ideam vocamus. Concepit Deus intra se naturam auri, & vi huius conceptionis fecit illud extra se ipsi conceptioni tamquam regulæ suæ conforme, ac tale planè quale concepit. Illa congruentia & conformitas auri cum sui conceptione effetrice, est eius veritas, nec Deus aliunde de eius veritate iudicat. Si aliter se haberet quàm conceptio & notio auri in Deo requirit, nō esset verum aurum, sed falsum & assimilatum. Idem dicendum de omnibus aliis rebus à Deo formatis. Conceptio enim diuina, qua singula secundum suas species ab æterno excogitata, & in mente diuina veluti efficta, est omnium mensura, omnium regula, & veluti primæum sigillum omnibus impressum, cui omnia sunt conformia, per quam cōformitatem singula secundum suas species vera sunt & dicuntur. Hoc modo *veritas* est proprietas entis creati, sicut & *bonitas*: cuius ratio cōsistit in eo, quòd omnia secundum suam speciem sint congruentia ad finem ad quem à Deo sunt instituta; qui potissimùm est, declarare potentiam, sapientiam, bonitatem, & ceteras perfectiones sui Conditoris. Sicut enim omnis res dicitur *vera* ex conformitate ad suam causam exemplarem, ita dicitur *bona* ex congruentia ad suam causam finalem. Nec refert quòd nomen *veri* & *boni* ex hac consideratione rebus fortè non sint ab initio imposita, & alia etiam ratione res veræ & bonæ dici possint: nos enim de primaria veritate & bonitate rerum loquimur.

Bonitas.

32 Considerandum etiam est, vnicam in singulis rebus esse *veritatem*, sicuti est vnica species, & vnicum exemplar cuiusque, cui res quælibet conformatur. Est tamen multiplex in rebus *bonitas*; quia res quælibet deferuit ad multos fines inter se subordinatos; qui tamen omnes ad vnum finem vltimum, nimirum gloriam Dei, reducuntur. Præcipua tamen bonitas rerum, à qua potissimum bonæ dicuntur, est ex ordine & congruentia ad finem vltimum. Quod enim quælibet res magis valet ad perfectiones diuinas declarandas, eò est præstantior, & entitatiuè melior.

Præcipua bonitas, ex ordine ad finem vltimum.

33 Ex his obiter colligimus cur tantum sint duæ proprietates entis positiuæ, *verum* & *bonum*. Dico *positiuæ*; quia *vnitas* suprrationem entis nihil dicit, nisi diuisionis negationem. *Vnum* enim est res in se indiuisa, ab aliis omnibus diuisa. Ratio igitur cur duæ tantum sint, est, quia tres tantum sunt habitudines rebus omnibus communes ad causam vniuersalem omnium. Prima est, tamquam ad causam primam effectricem à qua omnia accipiunt esse, ratione cuius dicuntur entia. hæc habitudo est prima & fundamentalis. Secunda, tamquam ad causam exemplarem, secundum quam effectæ sunt. Hæc habitudo dicitur *veritas*. Tertia, vt ad finem vltimum, quæ dicitur *bonitas*. Non poterant autem hæ proprietates aliter in rebus poni, quam ex ordine ad istam causam, quæ est Deus; tum quia nulla est alia à qua omnia dependentiam habeant, tum quia omnis habitudo ad alia, verbi gratia ad intellectum & voluntatem creatam, est posterior ratione veri & boni. Non enim ideò res sunt veræ, quia intelligibiles; nec ideò bonæ, quia amabiles: sed contra hæ denominationes veritatem & bonitatem rerum consequuntur, tamquam posteriores: 34 Secundum hanc considerationem opera bona in Sacris literis dicuntur *veritas*, seu vera (abstractum enim pro concreto accipitur idiotismo hebraico) & qui benè operatur, dicitur *facere veritatem*: quia sunt conformia suæ regulæ, nimirum legi æternæ. Econtrariò, opera mala vocantur *mendacium*; & qui ea facit, dicitur *facere* & *operari mendacium*; qui commendat & suadet, *loqui mendacium*: quia dissident à regula operationis & vitæ humanæ,

Cur duæ proprietates entis.

Ioan. 3. 21.
& cap. 8. 44.
Ephes 4. 15.
Psal. 4. 3.
Ierem. 8. 10.
Apoc. 21. 27
& 5. 22. 15.

35 Aduerte tamen, ea quæ diximus, intelligenda esse de Veritate & bonitate, vt sunt proprietates entis creati: nam longè eminentiori ratione hæ denominationes Deo conueniunt. Ipsius enim *veritas* non consistit in conformitate naturæ ipsius cum suo exemplari (nullum enim est tale exemplar) sed in eo quod eius natura

fit talis, quæ debeat esse omnium exemplar & mensura: & ipsius *bonitas* non est sita in conuenientia & ordine ad aliquem finem, sed in eo quòd ipse sit tantæ excellentiæ, vt debeat esse omnium finis.

Veritas cognitionis.

Veritas cognitionis nihil addit cognitioni.

36 Alio modo accipitur *veritas* strictiùs, vt propria est cognitioni & iudicio, & sic nihil est aliud quàm cõformitas cognitionis cū obiecto, tamquam cum sua mēsurā; nempe cū res talis iudicatur, qualis ipsa in se est. Hæc conformitas sicut in rebus nihil reale aut formale addit earū entitati, ita in cognitione nihil addit entitati cognitionis. Omnis enim notitia hoc ipso quòd attingit suum obiectum, est conformis obiecto, ac proinde vera. Attingit autē obiectū præcisè per seipsam & suam entitatem, nullo ei superaddito; nam hoc ipsum cõstituit eius naturā & rationē specificam. *Veritas* igitur cognitionis nihil est aliud quàm ipsa cognitio, quatenus attingens obiectū, eique cõformis. porro hæc veritas vocatur *veritas formalis*, illa verò *obiectiua & fundamentalis*: quia veritas rerum est fundamentum & obiectum veritatis, quæ est in cognitione creata.

Deus est summa veritas.

37 Quocumque autem modo veritas consideretur, Deus est summa & prima *veritas*, & plenitudo veritatis. Est enim *prima veritas obiectiua & fundamentalis*, quia est sua essentia, quæ est primum & summum obiectum intelligibile inter omnia intelligibilia, & prima supremaque mensura omnium mensurabilium; & in ipsa omne intelligibile & omne mensurabile, eminentissimè tamquam in abyssò omnis veritatis, & prima ratione determinatrice & modificatrice omnium, continetur.

38 Est prima & summa *veritas formalis*, quia est sua sapientia omnem sapientiam infinitè superans: imò est ipsa vniuersitas & plenitudo sapientiæ, in qua omnis sapientia, omnisque veritatis notio eminentissimè est collecta, quæque omnem veritatem obiectiuam perfectissimè & distinctissimè attingit & penetrat. Ontur hæc veritas formalis in Deo nostro modo concipiendi, à veritate obiectiua essentiæ; quia hæc est mensura diuinæ sapientiæ: & veritas sapientiæ consistit in conformitate & adæquatione cum essentia; & consequenter cum omnibus quæ in illa eminenter continentur.

Omnis veritas ab hac descendit.

39 A veritate diuinæ sapientiæ descendit omnis veritas in creaturas, idque dupliciter. Primò per creationem: quia per sapientiam conditæ sunt & formatæ, & in conformatione cum illa sapientia & arte diuina consistit earum veritas. A rebus transiit vlteriùs veritas in nostram cognitionem; quia veritas rerum est veritatis nostræ

cognitionis mensura & origo. A nostra cognitione transit in nostros affectus & mores, quatenus hi iudicio prudentiæ & notitiæ diuinæ legis conformantur. Denique in nostros sermones & scripta, quatenus sermones sunt signa conceptuum animi, & scripta sermorum. In his ergo cernitur solum veluti extremum veritatis ἀπὸ μέρους & resultans quoddam umbratile vestigium. Secundò descendit veritas à Deo in creaturas per reuelationē & illustrationē diuinā; hæc enim veritas non est hausta ex obiectis, sed directè per infusionem luminis cōmunicata. Hoc modo veritas fidei & visionis beatę ad nos deriuatur.

40 In rebus quæ non sunt actu, non est propriè veritas, sed potest esse. Ante mundum conditum homo non erat in se verus homo, nec vera substantia, aut verum ens; sed solum poterat hæc esse; id est, illi conceptui obiectiuo, qui apprehenditur formali notione hominis, non repugnabat esse verū hominem, veram substantiam, verum ens. Idem dicendū de omnibus aliis rebus creatis. Hæc enim omnia nihil erant, nisi cōceptus obiectiuus, seu rationes cōceptibiles non habentes vllum esse actu, nisi in intellectu diuino, & per notiones ipsius æternas quibus apprehendebantur & formabantur: totumque esse illorum nihil aliud erat quam intelligi, intellectu fingi & formari.

*Quomodo
veritas in
possibilibus.*

41 Duplici tamen ratione dicebantur posse esse, seu esse res possibles. Primò, quasi intrinsecè, seu à potentia intrinseca, quæ nihil aliud est quàm non-repugnantia, per quam etsi nihil sint, & nihil entitatis habeant, esse tamen, & veram entitatem ac speciem habere, ipsis non repugnat. Secundò, per denominationem extrinsecam à potentia & sapientia diuina, per quam possunt in esse & speciem produci. Itaque sicut in istis non est entitas actualis, sed solum possibilis; ita nec est veritas actualis, sed possibilis. Sed & hæc tota, quantula est, pendet à veritate diuina. Quòd enim conceptus obiectiuus rerum, seu res quæ dicuntur possibles, possint esse verè res, & habere veram entitatē & speciem, prouenit ex eo quòd essentia diuina illis modis sit imitabilis, & diuina potentia per suam sapientiam qua eas concipit, possit eas sic facere & formare.

*Duplici
ratione dicun-
tur possibi-
lia.*

Ex his patet, quomodo à prima veritate, tamquam fundamento & radice, omnis veritas pullulet, & ad alia omnia siue existentia siue non existentia deriuetur: quomodo item diuina sapientia omnis veritatis obiectiuæ quæ est in creatis, sit mensura: denique, quomodo omnis veritas formalis, quæ est in creatis, ab ea descendat.

*Res futuras
non esse men-
suram pra-
scientia.*

42 Neque his obstat, quòd cognitio intuitiua Dei, quatenus ad creaturas se extendit, ab illis quodammodò pendere, & veritatem haurire videatur: quia veritas diuinæ intuitionis, seu conformitas eius cum obiectis creatis, non prouenit ab ipsa rerum euidencia vel efficacia, quam habeant ad mouendum intellectum diuinum & formandam in ipso cognitionem; sed ex vi comprehensionis essentia. Cognitio enim diuina ex vi terminationis ad essentiam, terminatur vterius ad omnia possibilia; & ex vi terminationis ad possibilia, terminatur ad omnia existentia eo ipso quo aliquando sunt euentura. Itaque existere rerum, non est causa aut mensura vnde veritas visionis diuinæ pendeat, sed est solùm conditio sine qua non ita terminaretur: ac proinde sola essentia est mensura totius diuinæ cognitionis respectu omnium obiectorum, hinc enim omnis eius veritas & certitudo pender. Vnde tã est impossibile Deum falli circa rem minutissimam (verbi gratia circa cogitationes aut intectiones cordis humani, & minimas eius circumstantias) quàm est impossibile illum falli circa propriam essentiam.

CAPVT V.

De Vita.

Vita quid.

43 **V**ITA dicitur & substantia vitalis, vt est anima & natura Angelica; & operatio vitalis, quæ nimirum in operante à quo emanat, remanet: qualis est intelligere, amare, sentire, appetere, se mouere.

*Quomodo
Deus sit vi-
ta.*

Vtroque modo Deus est vita (semotis imperfectionibus:) nec solùm vita, sed prima vita, & æterna vita, & ipsa vitæ plenitudo ac vniuersitas, omnis vitæ origo & consummatio, principium & finis; in quo etiam omnia quæ non viuunt, vita sunt. Ipse enim est superuitalis, essentia, & superessentialis vita, omnem vitalem substantiam intra se eminentissimè & simplicissimè præhabens, & causaliter complectens, & extra se quamlibet iuxta suam speciem formans, conseruans, & perficiens. Ipse est sua vitalis operatio, nimirum sua intellectio, suus amor, suum gaudium, sua beatitas. Ex illo superuitali fonte omnia quæ aliquo modo viuunt, vitam hauriunt, & vitales facultates motusque arcessunt, alia præstantiores, alia minùs præstantes, iuxta gradum cuiusque & ordinem. Inde vita omnis & plantarum & animalium, & hominum &

dæmonum & Angelorum, omnis vita naturalis & supernaturalis, huius sæculi & futuri, temporalis & æterna. Denique, sicut ipse est omnium existentium esse superessentiale, ita omnium viventium vita superuitalis, vt Dionysius cap. 6. De diuinis nominibus ait.

44 Tribuitur Deo *vita* maximè ratione intelligentiæ & sapientiæ: hæc enim est prima & suprema vita, seu vitalis operatio, à qua omnis alia vita procedit. A sapientia enim manat amor: per hæc autem cetera omnia sunt condita & formata. Deinde in ipsius sapiētia omnia viuunt: ipsum enim intelligi, & intellectu formari, est quoddam esse & vita intelligibilium; & intellectio rei, est ipsa res modo intelligibili. Itaque sapientia diuina est omnium vita, & per eam Deus sibi & omnibus viuunt, & omnia ipsi viuunt, & adsunt, & splendent, & immutabiliter in ipso perseverant ex omni æternitate in omnem æternitatem.

*Conuenit
Deoratione
sapientia.*

CAPVT VI.

Recollektio precatoria, de Sapientia.

45 **I**LLUMINA oculos meos, Lux primæua; dissipa tenebras animæ *Imæ*, Sol æterne. *Emitte lucem tuam & Veritatem tuam, vt me deducant & adducant in montem sanctum tuum, & in tabernacula tua.* Tu enim omnis lucis & intelligentiæ origo, omnis mentis & sensus auctor. Sine tua irradiatione omnia in tenebris & nocte ignorantia sepulta iacent: omnes artes & scientiæ, tenues sunt adumbrationes tui: tota sapientia Angelorum, scintilla quædam exigua infinitæ lucis tuæ. Psal. 12.
Psal. 42.

46 Tu fons omnis pulchri & amabilis, omnis formæ & speciei, omnis ordinis & proportionis, omnis congruentiæ & concordia, omnis sympathiæ & antipathiæ. Tu omnibus in rebus naturam & speciem finxisti, & in omnium rerum partibus consensum & analogiam, numerum & ordinem, mensuram & modum statuisti. Tu primæuum signaculum omnium, omnia penetrans puritate & subtilitate tua, intrinsecus formans pariter & disponens omnia in omnibus. Sap. 7.

47 Et quamuis attingas à fine ad finem, à summis ad extrema, teque in omnia inferas; non tamen permisceris alicui, nec vllius attactu inquinaris, sed in tuo nitore & sinceritate persilas. Infiniti sunt processus tui, quibus ad creaturas tuas vel formandas, vel illuminan- Sap. 8.
Sap. 7:

das descendis, & super eas effunderis; & tamen in tua immutabili identitate, supra omnia creata, firmiter fixa perseveras. Innumerabilia nobis per seruos tuos locuta es, & innumeris te modis & formis patefecisti mentibus hominum; & tamen vno simplicissimoque conceptu perficis omnia.

48 Omnium es auctor & artifex, omnium exemplar, mensura, & finis. Nec solum eorum quæ sunt, & iam exterius speciem à te sibi impressam acceperunt, siue inuisibilia ea sint, siue visibilia, fictor es; sed etiam eorum quæ non sunt, & tua omnipotentia fieri possunt, quæ infinites plura sunt. Omnia enim hæc excogitasti, & apud te formasti ante sæcula, & retines in conspectu tuo, quamuis ea numquam foris extra te condere decreueris: sicut magnus quispiam architectus multas palatiorum formas excogitat, mētēque retinet, quibus apud se gaudet & triumphat, quamuis ea numquam extruere foris statuerit.

*An oculis di-
uina sapien-
tia non mi-
nus lucens
possibilis
quam exi-
stens.*

49 Hæc omnia apud te summè perfecta existunt, & lucent ab æterno coram te (non minùs quàm quæ exterius condidisti) circumfusa lumine tuo, singula in specie & ordine suo: iisque gaudes & triumphas in luce tua inaccessibili, ubi ea possides. Ibi corrumpi non possunt, non veterascere, non offundi tenebris, non excidere tibi; sed in eodem semper splendore immutabilia & æterna persistunt.

50 O admirabilem sapientiam cui omnia præterita & futura sunt præsentia, cui omnia temporalia sunt æterna, cui omnia insensibilia & mortua viuunt; cui omnia quæ non sunt, existunt; quæ totam simul ambit æternitatem, quæ omnem exhaurit infinitatem, quæ vniuersam intra se capit immensitatem! Omnia intra te æternum esse habent, & æternam vitam, initio & fine carentem, & prorsus immutabilem. Habent quidem singula in seipsis esse quoddam sibi intrinsecum, siue actu, siue potestate, sed hoc in rebus creatis habet initium, estque mutabile, neque non viuentibus vitam tribuit. Verùm, præter hoc esse quod in seipsis obtinent, habent in diuina mente & sapientia tua esse quoddam extrinsecus veluti infusum, sempiternum & immutabile. Intelligere enim, est quoddam intelligibilium esse, per quod in mente veluti in spiritali quodam mundo existunt, splendens, & viuunt. Sapientia igitur tua, est omnium intelligibilium esse, & vita, & lux, iuxta illud, *Quòd factum est, in ipso vita erat, vt S. Augustinus & multi Sanctorum intelligunt.*

Ioan. 1.

In

51 In diuina essentia sunt omnia tamquam in primordiali rerum fūdo & fundamento; in potentia vt in causa effectrice ex nihilo; in sapientia formaliter & obiectiuè, & velut in causa exemplari. Sapientia primò in essentiam conuersa, eam omnino comprehendit, se illi exæquans, & prorsus commetiens. Ex vi huius comprehensionis sequitur immediatè omnium possibilium conceptio seu effectio: ex hac, omnium operum & effectuum, quæ à creatura tam possibili quàm existente fieri possunt, distincta notitia: hinc omnium eorum quæ quauis hypothese futura essent, clara intuitio: denique omnium reipsa vel præsentium, vel præteritorum, vel futurorum æterna visio. Hoc modo & ordine sapientia tua in quinque velut sphaeras obiectorum & intelligibilium procedit; & quidquid attingit reliquorum, ex vi comprehensionis essentiae attingit, quæ omnium possibilium ratio prima est & fundamentum. Itaque in te non solùm vniuersitas sapientiae & intelligentiae, sed etiam vniuersitas obiectorum & intelligibilium.

52 Tibi gloria, plenitudo lucis, plenitudo veritatis: tibi gloria ab omni creatura, & supra omnem creaturam apud te ipsam, vbi clara & consummata excellentiae diuinæ notitia. Splendet quidem excellentia tua in mentibus Angelorum & Sanctorum, estque hic splendor gloria quædam tua: verùm infinitè clariùs splendet in sapientia tua: sicut infinita lux clariùs lucet quàm scintilla modica. Ibi ergo sapientia laudet animam suam, ibi glorificet se; & omnis creatura congaudeat & congratuletur illi; laudet, benedicet, & glorificet illam. Non eges gloria & laude nostra: infinitæ claritati per scintillam nulla fit accessio. Sed hæc profunt nobis. Nosse enim & laudare te, summum bonum nostrum, & vita æterna est.



D E
P E R F E C T I O N I B V S
M O R I B V S Q V E
D I V I N I S
L I B E R S E P T I M V S ,
D E B O N I T A T E D E I N A T V R A L I .

C A P V T P R I M V M .

Quid sit Bonitas & perfectio Dei.

5 Tho. 1. p
q. 5. a. 1. &
q. 8 a. 1.

BONVM dicitur propriè quod est *perfectū*; & bonitas rei ei⁹, perfectio. *Perfectio* autem est duplex: alia naturæ, alia moris, quæ virtus & sanctitas dicitur. Itaque triplex in Deo bonitas spectari potest. Prima est, bonitas naturalis. Secunda est, bonitas moralis. Tertia est, bonitas beneficentiæ, quæ & *benignitas* dicitur. De quib⁹ proximis Lib. dicendū.

Bonitas nat-
uralis Dei.

2 *Bonitas naturalis* in Deo est excellentia naturæ diuinæ, per quam habet omnem perfectionem in toto genere entis. Vnde etiam complectitur sanctitatem & benignitatem, aliaque diuina attributa, quatenus ad naturæ diuinæ perfectionem spectant. Cogita infinitam lucem, infinitam potentiam, infinitam sapientiam, infinitam pulchritudinem, infinitam dulcedinem, infinitum gaudium, infinitas opes, infinitam gloriam, infinitam maiestatem, infinitam sanctitatem: hæc omnia continet bonitas diuina, tam-

quam infinitum bonorum omnium pelagus. Neque solum omne bonum in se continet, sed etiam eminentissime continet; nimirum non per multas & diuersas formas vel qualitates, sed per vnā simplicissimā & eminentissimā formā, nempe per essentiam suā. Qui modus continendi, omnes eius perfectiones facit infinitè excellentiores, quàm si aliquo modo inter se distinctæ forent.

3 Quod vt melius percipiatur, notandum est quadruplex discrimen inter perfectionem Dei & creaturæ, etiam excellentissimæ. *Quadruplex discrimen perfectionis Dei & creaturæ.* Primum, Quod Deus non habeat perfectionem & excellentiam suā ab alio, sed à se tantum: ipse enim est primus actus, prima perfectio, & primum bonum independens ab omni alio, fons inexhaustus omnis boni & omnis perfectionis: creatura verò omnem suā perfectionem & bonitatem habet à Deo. Sicut in rebus corporeis sol habet lumen à seipso, id est, non ab alio aliquo corpore; stellæ verò habent lumen à sole.

4 Hinc sequitur alterum discrimen, Quod perfectio Dei sit prorsus illimitata & infinita, creaturæ verò limitata, & adstricta ad certam speciem. Cum enim perfectio diuina non sit ab alio, non habet à quo limitetur aut mensuram accipiat, ac proinde necesse est manere illimitatam in amplitudine sui conceptus: creaturæ verò perfectio cum sit à Deo, limitatur secundum modum quem ei imponit diuina sapientia, sicut omnia opera artis mensuram & modum & terminum accipiunt ab arte opificis. *Cur perfectio Dei sit illimitata.*

5 Tertium, Quod Deus omnem perfectionem suā habeat per simplicem suā essentiam, nulla alia forma vel modo reali accedente: secus in creaturis. Nulla enim creatura habet omnem perfectionem per suā essentiam, sed opus est infinitis propemodum formis & perfectionibus accessoriis, vt perfecta sit, vt patet in Angelis, quorum tamen natura inter substantias creatas est simplicissima & perfectissima. Vt enim omittam potentias & species intelligibiles, opus est illis plurimis habitibus, & illustrationibus, & actibus tum intellectus, tum voluntatis, vt perfecti sint. *Per simplicem essentiam habet Deus omnem perfectionem.*

6 Hinc sequitur quartum discrimen, Quod diuina perfectio non possit vñquam augeri vel minui. Cum enim actu habeat omnem perfectionem possibilem, nulla potest ei fieri accessio; & cum habeat illam per essentiam, & à se, non potest ei vlla fieri detractio; oporteret enim ipsum essentiam suā amittere, vt vel minimum quid suæ perfectionis deserat: creaturæ verò perfectio potest

& sine fine augeri, & usque in nihilum imminui, Possent enim Angeli sancti & homines beati, Deo ita disponente, crescere sine termino in claritate visionis diuinæ & amore beatifico, & etiam omne bonum suum amittere.

CAPUT II.

Quo modo S. Dionysius explicet hanc bonitatem.

*Rationes.
Dionysij.*

*Quo modo
Deus dicitur
αὐτοτελής.*

Dionysius De diuinis nominibus cap. 13, adfert quatuor rationes, cur Deus dicatur perfectus. Prima. Quia est αὐτοτελής, id est, *per se perfectus*; quo significatur, illum non accepisse perfectionem ab alio, siue ut à causa efficiente, siue ut à causa formali, sicut fit in creaturis; sed habere omnem perfectionem suam à sola simplicissima essentia sua. Vnde ipsius perfectio non consurgit ex accumulatione multarum rerum, sicut in creaturis, quarum nulla potest dici αὐτοτελής; sed ex vna re simplicissima, quæ ipsemet est; & ita per se secundum omne genus perfectionis est perfectissimus.

*Quo modo
αὐτοτελής.*

8 Secunda, Quia est ὑπερτελής, id est, *superperfectus*, hoc est, omni perfectione conceptibili superior & excellentior. Nihil enim à mente creata tam magnū, tam eximiū & excellens potest cogitari, quin Deus infinities sit excellentior & maior. Hoc denotatur illa voce ὑπερτελής.

Tertia, Quia non potest augeri vel minui, tamquam omnia anticipata & præcepta per suam essentiam in se continens.

9 Quarta, Quia ita plenus & superplenus est omnibus bonis, ut veluti fons inexhaustus exuberet & redundet perpetua & incessabili largitione donorum in omnes res creatas. Ὑπερελεύζων, inquit,

*Deus assidue
omnia suo
fluxu per-
fici.*

καὶ μίαι τὴν ἅπαντον, καὶ ταυτὴν, καὶ ὑπερπλήρη, καὶ ἀελάττωτον χορηγία, καὶ ἢ τὰ τέλεια πάντα τελεσργεῖ, καὶ ὁ οἰκείαι ὑπερπληροῖ τελευτήτοις.

id est, *Exuberans una incessabili, & eadem, & superplena & immi-*

nibili largitione, per quam omnia perfecta perficit, & unumquodque congrua sibi perfectione adimplet. & paulo ante: Διατείνει ὅτι πάντα ἅμα καὶ ὑπερ πάντα ταῖς ἀνεκλείτοις ἐπιδοῦσι, καὶ ἀτελευτήτοις ἐνεργείαις. *Pertingens ad omnia pariter, & supra omnia indefectibilis lar-*

*Est auctor
omnis perfe-
ctionis in om-
nibus qua
efficiunt.*

gitionibus, & numquam finiendis operationibus. 10 Vnde patet Deum dici perfectum, quia est auctor omnis perfectionis naturalis & supernaturalis in rebus omnibus, à summis & ipsi vicinissimis, usque ad extremas, à prima substantia separata usque ad infimam mate-

riam; & ipsius radium pertingere ad omnia, idque non semel tantum, sed assidue & indefinenter.

11 Neque solum quia est auctor ut causa efficiens, sed etiam quia est exemplar & mensura omnis perfectionis. In rebus enim creatis dicitur aliquid perfectum in natura, quia est commensum suo exemplari, secundum quod est conditum in tali specie. Sicut in arte factis id est perfectum, quod exacte respondet conceptui & regulis artis. Vnde ipsum exemplar est per se & in se originaliter perfectum absque respectu ad aliud, tamquam prima perfectionis regula. Itaque ipse *perfectus* dicitur, & tamquam fons, ex quo omnis perfectio naturae in omnia quae sunt, manat; & tamquam mensura, ex cuius commensatione ipsa perfectionis ratio pendet.

12 Hinc fit ut omnia opera Dei sint summè perfecta, singula in sua specie. Cum enim Deus sit in se supremè perfectus in toto genere entis, ut nihil illi accedere possit; fecit omnem creaturam in sua specie supremè perfectam, ut nulla ei intra illam speciem possit fieri additio; sicque perfectio summa creaturae in certa specie est signum summæ perfectionis diuinæ in toto genere entis.

*Omnia Dei
opera summa
perfectio.*

C A P V T III.

Recollectio precatoria, de Bonitate naturali Dei.

13 **B**ONUS Dominus & amabilis valdè, & bonitatis eius non est finis. Non hoc aut illo modo, non hoc vel illo genere boni bonus est Conditor omnis boni; sed absolutè, sine principio, sine fine, sine limite, sine modo, sine mensura omne bonum anticipans, & vnicè complectens.

14 Nemo tibi id prior dedit, ut retribuas ei, & gratiam referas; sed à te ipso habes, simplex & primæva bonitas, unde omnia boni dulcedinem pro suo captu sugunt. Tu enim es ipsa boni plenitudo & vniuersitas, omnis boni fontalis origo, cui omnia à suprema substantia creata usque ad extremam materiam omne bonum suum acceptum ferre debent. Nihil illorum per essentiam totum bonum suum obtinet, sed multis opus est ut vel in suo dumtaxat genere & intra limites suae naturae sint perfecta & completa. Tu per simplicissimam essentiam omnem excellentiam, omnem perfectionem, omnem beatitudinem, omne bonum possides, nec præter te ipsum opus est tibi re aliqua. Illorum bonum angustum est, &

finibus certi generis circumscriptum, adeò ut aliorum bona in seipsis non comprehendant. unde & infinitis rebus nobis ad vitam opus est, cum singulae patum per se præstent. Tuum verò, hoc est, simplicis essentia tua bonum est immensum, redundantissimum, ad omnia per se sufficientissimū. 16. Cum enim sis ipsa primordialis origo omnium, nihil est à quo ratio boni in te limitari aut circumscribi possit. Sicut igitur essentia tua, & potentia, & sapientia infinita est, omni carens limitatione, quia prima, quia à nullo, ac proinde non habens unde limitetur: ita etiam bonitas & perfectio tua limite caret, quia prima est, nec ab ullo pendens unde limitationem accipere possit. Omnis enim limitatio rationis per se illimitatae debet fieri à causa efficiente. Quare cum perfectiones quæ in te sunt, nullam causam efficientem habeant, necesse est eas omni limitatione carere.

17. Vae miseris! qui extra te per rerum infimarum multiplices classes, & inextricabilem multitudinem, diuitias, voluptates & honores tanto labore, tanta sollicitudine, tanto æternæ salutis periculo quærunt. Poterant hæc omnia in te multò felicius & facilius inuenire & possidere, non ad huius dumtaxat vitæ breue momentum, ut hæc mundana; sed per totam æternitatem. In te enim hæc omnia sunt purissima, & simul collecta, & immensa. In te est auri decus, gemmarum pulchritudo, latifundiorum fructus, hortorum amœnitas, palatiorum magnificentia, oppidorum opulencia, regnorum gloria. quidquid in his omnibus est suaue, gloriosum, honorificum, amabile, id totum in te copiosissimè, purissimè, vnitissimè & sempiternè continetur, omnibus imperfectionibus quæ in creatis bonis reperiuntur semotis.

18. In te omnes deliciae & voluptates, omnes recreationes & amœnitates, omnia solatia & gaudia, omnis pulchritudo & felicitas, omnis beatitudo & consummatio. A te omnia dulcia suam trahunt dulcedinem, & omnia pulchra suam pulchritudinem, omnia lucida suum splendorem; omnia viuientia suam vitam, omnia sentientia suam sensationem, omnia mouentia suum vigorem, omnia intelligentia suam notionem, omnia perfecta suam perfectionem, omnia quomodolibet bona suam speciem & bonitatem.

19. Tu omnis perfectionis auctor & exemplar, & finis & conseruator, omnem terminans infinitatem, omnem transiliens finem, omnem definiens mensuram, omnem fingens speciem, omnem formans informitatem. Tu per te perfectus, & superperfectus, &

anteperfectus, omnem perfectionem & excellentiam simplici vni-
tate præhabens.

20 Tu sine quantitate magnus, sine qualitate bonus, sine numero infinitus, sine figura formosus, sine tempore æternus, sine loco im-
mensus, sine extensione diffusus, sine multiplicitate perfectus, sine
situ altissimus. Tu centrum vniuersi, ad quod omnia ingenito
ponderetendunt, in quo omnia quiescunt, à quo omnia sustentan-
tur. In te omnis amoris illicium, omnis desiderij consummatio, om-
nis motionis terminus, omnis appetitus satietas.

21 Quanta vis supereminentis bonitatis tuæ, ad cuius vel tenuem
radium, vel vmbrailem speciem tanto impetu currit omnis crea-
tura! Singula enim suum quoddam bonum appetunt, & ad illud
omni conatu feruntur; quod bonum nihil est aliud quàm vesti-
gium quoddam tenuæ bonitatis tuæ. Hoc vniuersam creaturam
trahit, hoc tantos motus in mundo excitat: quidquid enim in vni-
uersa creatura mouetur, quidquid agitur, quidquid operatur, boni
appetitu mouetur, agitur, operatur. Si vmbra tenuis tanto trahit
impetu, quanto trahet ipsa veritas? illa inquam pulchritudo & bo-
nitas infinita clarè conspecta?

22 Trahe mentem ad te, ô bonitas immensa! adstringe eam
tibi supra creata omnia vinculo insolubili, nexu amoris æterno.
Quid enim quæram aut optem extra te, qui omnis boni es plenitudo,
& fons, & finis, & suauitas, omni bono melior & excellentior? ergo
cæteris neglectis semper te cogitem & amem, tibi inhæream, & in te
commorer; te laudem & benedicam, & omnes vires animæ meæ,
omnisque vita mea seruiat tibi. Vilescant mihi omnia transitoria
propter te, & chara mihi sint omnia tua, & tu, Deus meus, supra
omnia. Perfice me secundum altissimum beneplacitum tuum in cog-
nitione & amore tui, & transfer me totum in te ipsum, vt vnus tecum
spiritus efficiar. Amen.



D E
P E R F E C T I O N I B V S
M O R I B V S Q V E
D I V I N I S
L I B E R O C T A V V S,
D E S A N C T I T A T E D E I.

C A P V T P R I M V M.

Quid Sanctitas, & quomodo sit in Deo.

Sanctitas



SANCTITAS est *bonitas moralis*, quæ generatim nihil est aliud quàm perfectio morum in actu, vel habitu: quæ etiam in Scripturis *iustitia* vocari solet. Idem enim in Scripturis est *esse iustum & esse sanctum, habere iustitiam, & habere sanctitatem*. et si propriè non vocemus sanctos, nisi eos qui in iustitia perfecti. Sicut autem perfectio naturalis in rebus creatis consistit in eo quòd aliquid sit commensum suæ regulæ, secundùm quam est factum: ita perfectio moris in commensione cum lege æterna, secundùm quam oportet operari. Sicut enim conceptus diuinæ mentis seu idea est mensura perfectionis naturalis, seu entitatis in rebus omnibus: ita lex æterna est mensura perfectionis moralis & sanctitatis naturæ rationalis in omnibus operibus bonis. Is enim perfectus est & sanctus, cuius affectus & mores exactè congruunt legi æternæ.

*Congruentia
cum lege
ætterna est
sanctitas.*

2 Sed altioris longè rationis est perfectio diuina: non enim voluntas

tas diuina eiusque mores accidentario modo conformes sunt legi æternæ, sed essentialiter & ab intrinseco. neque per varias virtutes, sed per essentiam suam, quatenus ea rationem voluntatis obtinet. 3. Rursus cum lex æterna oriatur ex ratione diuinæ essentia, (quæ sicut est origo primordialis omnis perfectionis entitatiuæ, ita etiam omnis perfectionis moralis, & omnis rectitudinis affectus & moris) fit ut perfectio & sanctitas consistat etiam in coniunctione cum Deo per affectum. Vnde amor Dei est sanctitas. Quare cum Deus sibi ipse maxime sit coniunctus, tum per naturam suam, tum per affectum amoris, ipse maxime sanctus est. Denique ratio sanctitatis, ut à nobis concipi potest, consistit in puritate animi aliena ab omni contagione & labe peccati, ut docet Dionysius c. 12. De diuinis nominibus : Ἁγίατης ἡ δὲ ἐστὶν ὡς καὶ ἡμᾶς εἰπεῖν, ἡ παντὸς ἀγῆς ἐλευθέρια, καὶ παντελὴς, καὶ πάντῃ ἀξίωτος καὶ ἁρμότης. Sanctitas est, ut more nostro loquar, ab omni scelere libera, & omnino perfecta, & omni ex parte immaculata puritas. Talis autem puritas maxime conuenit Deo.

Coniunctio
cum Deo est
sanctitas.

4 Deus igitur sanctus dicitur multis modis, potissimum quinque. Primò, Radicaliter, quia essentia diuina est prima radix & originalis fons omnis sanctitatis & puritatis. Ex ipsa enim nostro modo concipiendi & lex æterna, & amor omnis, omnisque puritas in intellectu & voluntate diuina oritur.

Quinque
modis dicitur
Deus sanctus

5 Secundò, Obiectiuè; quia est obiectum omnis sanctitatis. Omnis enim sanctitas sita est in amore & coniunctione cum Deo. quare etiam est mensura totius & ipsius sanctitatis, vnde nimirum sanctitas suam speciem & modum accipit. Sanctitas enim est puritas. Sicut autem impuritas nascitur ex contactu inferiorum, ut cum facies aut vestis luto aspergitur, vel cum anima per affectum inferioribus inordinatè inhæret: ita puritas oritur ex contactu superiorum, cum affectus ad sublimiora & nobiliora assurgit, & iis inhæret. Supremum autem omnium, & simplicissimum & purissimum est Deus. vnde summa puritas consistit in adhæsione cum Deo. Itaque cum summa puritas sit sanctitas, Deus est ratio obiectiua & mensura sanctitatis.

Tertiò dicitur sanctus exemplariter, vel in modum regulæ: quia per legem æternam est regula omnis sanctitatis. Conformatio enim affectus cum lege æterna est vera sanctitas.

6 Quartò, Formaliter; sanctitas enim formaliter est puritas affectus: puritas autem affectus est amor Dei; quia est adhæsiō cum eo

quod est purissimum & nobilissimum. Quare cum Deus sit amor sui, ipse hac ratione formaliter est sua sanctitas : & quia se amat infinitè, quantum nimirum est amabilis, ideò quoque infinitè sanctus est. Similiter quia nihil omnino amat nisi propter semetipsum, ideò etiam in amore omnium creaturarum sanctus est. Vnde Scriptura Psal. 144. *Iustus Dominus in omnibus viis suis, & sanctus in omnibus operibus suis.* Non enim amat eas propter ipsas vltimò, sed propter excellentiam bonitatis suæ; quo in affectu sita est sanctitas. Sanctum enim esse, est amare Deum, & gloriam ipsius in omnibus procurare. Item *sanctus in omnibus operibus suis*; quia omnes ei⁹ affectus, & omnes eius operationes exactissimè legis æternæ rectitudini conformantur. Voluntas enim ipsius per se suamque essentiã legi æternæ ex æquo respondet & commensuratur; quia tam perfectè vult rectitudinem, quàm perfectè illam concipit. Vnde sicut intellectio & iudicium rectitudinis est infinitè perfectum, ita quoque amor & affectus rectitudinis est infinitè perfectus, vtpote intrinsecam suam regulam adæquans.

*Necessariò
odit peccatū.*

7 Hinc fit vt Deus necessariò oderit peccatum, idque infinito odio. Cum enim necessariò amet rectitudinem legis æternæ, necessariò odit quidquid huic rectitudini aduersatur : aduersatur autem illi omne peccatum; quia ratio peccati in eo sita est, quòd sit contra legem Dei æternam. Item necessariò amat suam bonitatem & perfectionem; necessariò ergo odit omne peccatum, quod illi bonitati repugnat: repugnat, inquam, non vt forma formæ, sed vt inordinatum & distortū suæ regulæ & mensuræ. Quòd infinito quodam odio illud habeat (de perfecto peccato seu mortifero loquor) colligitur ex istis signis. Primò, Quia priuat hominem idcirco infinito bono, nimirum possessione ipsius Dei. Secundò, Quia infligit infinitum dolorem & ignominiam, nimirum æternos cruciatus. Tertiò, Quia etiam si quis haberet innumera merita, eorum tamen omnium Deus vel ob vnum peccatum mortiferum obliuisceretur, vt ex Scripturis constat. Quartò, Quia Filium suum ad delendum peccatum incarnari & mori voluit.

*Signa odij
contra pec-
catum.*

*Ezech. 18.
Rom. 6.*

*Deus est prin-
cipium san-
ctitatis mal-
tipliciter.*

8 Quintò, Dicitur Sanctus eminenter & causaliter, tamquam fons & principium omnis sanctitatis & puritatis in creaturis; principium inquam efficiens, formale, exemplare, & finale. *Efficiens*, quia ipse est qui omnem sanctitatem tam in Angelis quàm in hominibus infundit; ipse qui creaturas suas ad se conuertit, peccatorū labes abstergit, gratiæ lucem & omnem virtutem supernaturalem

mentibus inserit. *Formale*, quia ipse est omnis sanctitatis ratio obiectiua, speciem & formam illi impertiens. vnde se habet per modum causæ formalis, non informantis, sed altiori modo & absque imperfectione speciem tribuentis. *Exemplare*, quia omnis sanctitas debet conformari legi æternæ (quæ est ipsa rationis diuinæ rectitudo, ac proinde ipse Deus) tamquam regulæ & mensuræ suæ; & sicut opus artis debet conformari regulis artis. *Finale*, quia omnis sanctitas creaturæ dirigitur in Deum eiusque gloriam, vt in finem. Ideò enim omnis creatura sanctificatur, vt Deo tamquam vltimo fini inhæreat, eumque honoret, laudet, & glorificet.

CAPVT II.

Discrimen Sanctitatis diuinæ & creaturarum.

9 EX his colligere licet multiplex discrimen inter sanctitatē Dei & sanctitatem creaturæ quantumuis ea sublimis & sancta sit. Primò, Quia Deus per seipsum, nimirum per essentiam suam, sanctus est; siue de sanctitate fundamentali, siue de obiectiua, siue de formali loquamur, vt ex dictis constat. Nulla autem creatura potest esse sancta per suam essentiam: imò nulli creaturæ potest esse naturale, esse filium Dei, esse impeccabilem, habere Spiritum sanctū, videre Deum; quamuis id fiat per qualitates vel actus accessorios. Itaque solum per dona supernaturalia naturæ superaddita sanctitatem habet.

Secundò, Sanctitas Dei est substantia, sicut & eius sapientia, & amor, & ceteræ virtutes: sanctitas creaturæ est qualitas substantiæ accessoria, eaque multiplex; complectitur enim varios actus & habitus, tum intellectus, tum voluntatis. Intellectus enim debet esse illustratus fide vel lumine gloriæ: voluntas charitate, religione, & aliis virtutibus supernaturalibus charitati subseruientibus. Quamuis enim ipsa propriè & formaliter in charitate consistat, tamen requirit multa alia, vel vt præuia, vel vt subseruientia.

Tertiò, Sanctitas Dei est omnino infinita & intensiuè & extensiuè: tantum enim se amat Deus, quantum est amabilis; tantaque est puritas in amore, quanta est in perfectione essentiae. Extendit etiam se ad infinita, nimirum ad omnia quæ cernit in sua essentia; illa enim omnia placent ipsi propter semetipsum & gloriam tuam. Creaturæ autem sanctitas vtroque modo est finita & limitata: ne-

que enim tam ardentem amare Deum potest quam ipse dignus est: neque ea æstimatione qua dignus est; neque ad infinita distinctè se potest extendere, ea ad ipsius gloriam referendo.

Quartò, Hinc fit ut sanctitas Dei neque crescere possit unquam, nec minui. Non crescere, quia est vniuersitas & plenitudo sanctitatis infinita. Non minui, quia est essentialis. Creaturæ verò sanctitas potest crescere sine termino, & potest minui usque ad nihilum: nempe si naturam rerum spectes, & nisi Deus terminos præfixisset.

10 Quintò, Sanctitas Dei est superior omni sanctitate & puritate intelligibili, & in ipso præexistit & superexistit ab æterno ipsa sanctitatis ratio & plenitudo superessentialiter; adeò ut sanctitas creaturæ ad illam puritatem comparata, sit instar nihili, & veluti impuritas quædam. Simili modo tota potentia, sapientia, pulchritudo, excellentia totius creaturæ ad diuinam potentiam, sapientiam, pulchritudinem, excellentiam collata, est instar nihili. vnde Theologi docent, totum vniuersum vnà cum Deo sumptum, non esse quid præstantius Deo solo; tum quia non addit aliquid notabile Deo, sicut vna arenula non addit aliquid notabile immensitati terræ; tum quia etsi semel productum sit, adhuc continetur in Deo eminenter & idem numero: vnde nihil addit quod in Deo non sit excellentiori modo. Hinc Dominus Matth. 19. *Quid me interrogas de bono? vnus est bonus Deus.* & Ecclesia in Hymno Angelico, *Tu solus sanctus, tu solus Dominus*: quia in ipso solo vniuersitas boni & sanctitatis, & dominij; & quidquid extra illum reperitur boni, aut sanctitatis, aut dominij, id totum est instar nihili, cōparatione eius quod est in Deo, utpote infinitè ab excellentia illa deficiens.

Sextò, Sanctitas Dei est causa efficiens, & conseruans, & exemplaris, & formalis seu specificans, & finalis omnis sanctitatis creaturæ, ut antè ostensum est.

C A P V T III.

Tria Confectaria dictorum de Sanctitate.

11 **E**X his quæ dicta sunt patet Primò, Quanta puritate animi, reuerentia, & attentione illum colere debeamus. Cum enim sit ipsa puritas & sanctitas, in suis cultoribus summam puritatem re-

quirit, iuxta illud Leuitici 11. *Sancti estote, quoniam ego sanctus sum.* non enim summæ puritati potest placere nisi quod purum est. Requirit etiam summam *reuerentiam*: quia sanctitati debetur reuerentia, cum in ea concipiatur præsentia diuini numinis. Denique summam *attentionem*: quia reuerentia attentionem parit. vnde quantum est reuerentiæ, tantum est attentionis.

12 Secundò, Totum mundum esse veluti templum quoddam Diuinitatis, ipsius præsentia sanctificatum, vt ipsum vbique præsentem spectemus, vbique veneremur, laudemus, honoremus, semperque in eius præsentia, veluti in sacro quodam templo nos versari putemus. Sed maximè templi instar habet anima nostra, quæ toto mundo longè est capacior, & ad cultum diuinum, eiusque in ea habitationem specialiter sanctificata. quare nos introrsum conuertere, & in fundum animæ, vbi Deus habitat, recipere oportet, vt ibi procul à rerum externarum tumultu, in silentio cum ipso versemur, ipsum veneremur & colamus.

13 Tertiò, Vitandos omnes impuros & inordinatos affectus, omnesque animæ labes, quibus templum animæ nostræ violatur & profanatur. Sicut enim certis quibusdam operibus, quæ repugnant sanctitati loci corporalis, violatur templum materiale, fitque cultui diuino ineptum: ita quouis peccato, & maximè impuris cogitationibus & affectibus, violatur templum spirituale animæ nostræ, fitque ineptum habitationi diuinæ. *In maleuolam enim animam non introibit sapientia, nec habitabit in corpore subdito peccatis.* Et quamuis Deus propter immensitatem essentia non possit recedere re ipsa, recedit tamen tum affectu tum effectu; quia odit tale habitaculum, nec vult in illud cælestem gratiæ suæ liquorem effundere, sicut sapiens vnguentarius pretiosissimum balsamum vasi impuro numquam infundet.

CAPVT IV.

Recollectio precatoria, de Sanctitate Dei.

14 **S**ANCTVS, *Sanctus, Sanctus Dominus Deus Sabaoth; plena est omnis terra gloria eius.* Ita clamant Seraphim in visione illa mystica, qua gloriæ tuæ specimen & terribile iudicium Iudaicæ execrationis Isaia Prophetæ ostendisti. Impleta enim populi illius peccatorum mensura, cum te in carne venientem repudiarunt, sanctitatem

N iiij

Hebaeuc 1. tuam trina compellatione, magno Trinitatis mysterio, ad vindictā prouocant. *Mundi enim sunt oculi tui, ne videas malum, & ad iniquitatem respicere non poteris.* Cū enim sis ipsa sanctitas, summē tibi displicet omne peccatum, ideoque *perdes omnes qui operantur iniquitatem.* Nam sicut luci aduersantur tenebræ, & pulchritudini deformitas, & puritati contaminatio, & vitæ mors, & rectitudini obliquitas, & bonitati malitia; ita sanctitati repugnat & exosū est omne peccatū. 15 Vnde sicut necessariō sanctitatem tuam summē amas, ita necessariō peccatum summē odisti, & infinita pœna vindicas, nisi misericordia tua infinita præuenerit, & spiritu contritionis afflato, pœniti condonauerit.

16 Nemo vñquam tibi nisi per sanctitatem placuit: nemo qui ea præditus & ornatus, tibi vñquam displicuit. hæc sola filios tibi facit, & regni heredes: huic soli consortium gloriæ & beatitudinis tuæ promissum, & ante tempora sæcularia præparatum: ad hanc ab æterno à te *predestinati sumus in Christo, ut simus sancti & immaculati in conspectu tuo, & æterna hereditate digni.*

17 Non potentiam, non sapientiam, non maiestatis tuæ celsitudinem, sed sanctitatem tuam nos imitari voluisti, cū sic præcepisti, *Sancti estote, quoniam ego sanctus sum.* Decet enim ipsum puritatis & sanctitatis fontem, omni puritate puriorem, omni sanctitate sanctiorem, ministros habere sanctos, & ab omni peccati labe immunes. Sed vnde nobis, qui luteas domos incolimus, & in terrenis vsu & cogitatione assiduē versamur, tanta puritas, vt dignē in conspectu & obsequiis tuis versari possimus? Si enim cælestes illi spiritus ab omni corporea concreione segregati, & ipsis cælis mundiores, adhuc infinitē absunt ab ea puritate quæ ministerio tuo congruit; quanto nos interuallo ab ea distamus, qui ab illis incomparabiliter superamur? Sed hæc est benignitas tua, quæ seruos suos, licet peccatores, & terrenorum puluere adpersos, non reiicit; sed potius ad se allicit, vt labes abstergat, tenebras illuminet, affectus sanctificet, & dignos præsentia vultus tui pro modulo naturæ mortalis efficiat. Non requiris à nobis quod sanctitatis tuæ celsitudini est debitum, sed quod nostræ mortalitatis imbecillitati consentaneum.

18 Tu omnis sanctitatis auctor, & finis & regula, & exemplar, à quo, ad quem, & ad cuius formam ac similitudinem sanctificantur omnia in cælo & in terra. Totus iste mundus est veluti templum

Diuinitatis tuæ, tuo cultui consecratum, tua præsentia sanctum, tua gloria plenum, tuis admirandis operibus exornatum, ut ibi te colamus, laudemus, & benedicamus in hac vita, & in futura.

19 Sed sublimior est sanctitas naturæ rationalis, sicut & illustrior est præsentia tua in spiritibus quàm in corporibus; & excellentiùs hi ad te accedere, & tibi coniungi possunt. Nosse enim & amare te, sanctitas est spirituum. Per hæc tu in illis habitas, & illi templum tuum fiunt, multò felicius & augustius quàm vasta hæc mundi machina, quæ tuam præsentiam sentire non potest. Per eadem ad te accedunt, tibi que uniuntur vitali vinculo; & in tuam puritatem facessunt. Cognoscens enim transit in cognitum, & amans in amatum. Quare cum sis purissimus actus, & in supremo gradu spiritualis tenuitatis, ut ita dicā, & puritatis, infinitè eleuatus supra materiam & corporalia omnia, infinitè simplex, infinitè subtilis & spiritualis, necesse quoque ea quæ ad te eleuantur, tibi que uniuntur, & vnus tecum efficiuntur spiritus, simpliciora, puriora, magisque spiritalia effici, & ab omni contagione inferiorum remotiora. Hoc autem est illa sanctitas, qua omnes rationales animæ & spiritus Angelici præditi esse debent, ut tibi perfecte placeant.

20 Sed adhuc altior est sanctificationis gradus, cum nimirum per te ipsum absque vlllo dono creato sanctificas creaturam, eam supra omnia creata ad te attrahens, & substantialiter tibi in vnitatem hypostasis adstringens. Sic beatissimam Domini nostri humanitatem sanctificasti, ut sicut in illa est plenitudo Diuinitatis, ita sit & sanctitatis.

21 O admirabilem, & omni menti creatæ incomprehensibilem sanctificationem! o infinitam diuinæ bonitatis dignationem, quæ talem expiationis & sanctificationis fontem humano generi constituit! Ab huius plenitudine omnes accepimus; & quod superest, adhuc mille mundorum peccatis abluendis, & infinitis animabus sanctificandis sufficit. Sic per vnum hominem sanctificantur omnes homines, & ad Deum reducuntur; sicut per vnum à Deo sunt auersi, & peccato inquinati.

22 Et quia rudes sumus, sensibus dediti, sensibilibus immergi, ruditati nostræ te accommodas, per sensibilia nos sanctificans, & contactu corporeo spiritum tuum & spiritalia dona infundens. Stupendum prorsus consilium sapientiæ æternæ, signorum sensibilibus contactu, vel usu, nos ex filiis iræ effici filios Dei, here-

des vitæ æternæ, consortes diuinæ gloriæ: qui antè eramus omni confusione & morte æterna digni! Mira benignitas & dignatio, rem adeò excelsam & diuinam (per quam Deo similes efficimur, sine qua ei placere non possumus) confiteri modo tam humili, per instrumenta tam vilia, nullo vel modico nostro labore aut conatu! Verè sæculum aureum & sæculum gratiæ est tempus istud noui Testamenti, quo tantæ diuitiæ cælestes, tanta bonorum diuinorum copia cernitur in terris, tantaque facilitate comparatur. Verè nunc melliflui facti sunt cæli, & montes stillant dulcedinem, & flumina vino & lacte redundant, & bonorum cælestium apothecæ expositæ sunt inter mortales, ex quibus breui tempore, facili negotio in omnem æternitatem diuites & pares Angelis effici possumus.

23 Tibi gloria, tibi benedictio & gratiarum actio ab omni creatura in cælo & in terra, ô sanctitatis auctor! tuum hoc est beneficium, tua philanthropia. Tu nobis Sanctum sanctorum dedisti, & in ipso fontem nobis perennem sanctificationis constituisti, *in abluitionem peccatoris & menstruatae*. Hunc tu per te ipsum, tuam sanctitatem illi impertiendo, sanctificasti, & per hunc cæteros. Ab hoc sanctitas omnis manat in symbola externa seu Sacramenta; à symbolis per corpus transfunditur in animam: ab anima redundat in corpus, & in opera interna; ab operibus internis ad externa: vt sic totus homo, totaque vita ipsius sancta tibi deuota & consecrata fit; & ad te summum bonum & vltimum finem, vnde processit, reducatur, & in te quiescat. Sic creaturam tuam ad te reuocas, sic consortio tuo dignam facis. Fac vt ex hoc fonte assiduè hauriam, assiduè lauer, vt dealbem stolam meam in sanguine Agni. *Amplius laua me ab iniquitate mea & à peccato meo munda me. Asperges me hyssopo in fonte isto intincto in sanguine mystici passeruli, & mundabor; inde me laua, & super niuem dealbabor.*

Zach. 31.

Psal. 50.



D E
P E R F E C T I O N I B V S
M O R I B V S Q V E
D I V I N I S
L I E R N O N V S,
D E B E N I G N I T A T E:
E T S I M V L
D E A M O R E D E I.

Postquam explicuimus diuinas perfectiones, quæ instar modorum absolutorum considerantur in essentia, & eas quæ instar qualitatum absolutarum concipiuntur, nec includunt respectum ad creaturas existentes : superest ut de iis tractemus, quæ dicunt respectum ad creaturas existentes, vel illum inuoluunt & includunt. Tales poni possunt sex numero : Benignitas, Dominium, Prouidentia, Misericordia, Iustitia, Finis ultimus. Has sex Libris sequentibus persequemur : ac primum agemus de Benignitate, & simul de Amore Dei, qui ex Benignitate oritur.

O

CAPVT PRIMVM.

Quid sit Benignitas.

DIXIMVS suprà, triplicem in Deo & natura rationali bonitatem spectari posse, tribusque modis Deum dici bonum. Primò, Ratione perfectionis naturæ. Secundò, Ratione sanctitatis. Tertiò, Ratione beneficentiæ, quæ bonitas dici potest benignitas, de hac modò dicendum.

Duplex communio sui.

1. Hæc oritur ex prima bonitate, nimirum ex perfectione naturæ. Ex eo enim quòd res sit perfecta in sua entitate, propendet ad sui communionem, sicut vas perfectè plenum ad effusionem sui liquoris. Est autem duplex sui communio; altera naturalis, altera libera. Illa est omnino plena, hæc diminuta: in illa communicatur natura, & constituitur æquale; in hac solùm aliquod naturæ imitamen, adumbratio, vestigium. 2. Itaque cùm diuina essentia sit infinitæ perfectionis & excellentiæ, propendet naturaliter & intimè ad cõmunionem sui infinitam, sicut res inferiores propendent ad procurationem sui similis & æqualis. Verùm quia id quod omnino infinitum est, multiplicari non potest, idcirco diuina essentia non se cõmunicat productione essentiæ similis numero distinctæ, sicut res creatæ faciūt (in quib⁹ essentia quæ est in hoc supposito, producit essentiam numero distinctam in alio) sed largitione sui ipsius, & veluti replicatione, ita vt eadem numero simplicissima natura sit in tribus distinctis numero hypostasibus. Hæc tamen communicatio cùm sit naturalis, propensio ad hanc non dicitur benignitas, sed fœcunditas; & ipsa communio non est beneficentia, sed naturalis productio personæ, & communicatio naturæ.

Benignitas.

Quid sit.

Benignitas enim respicit communicationem liberam ad inferiora descendentem. Oritur quidem ex infinita & superpleñissima Dei bonitate seu perfectione, sicut & fœcunditas, estque Deo naturalis, actus tamen ipsius sunt liberi. Est igitur *Benignitas* Dei (quæ *χρηστότης* apud Græcos dicitur) naturalis propensio ad comunicandum se inferioribus seu creaturis, pro eaptu cuiusque. Ex hac prouenit primò & immediatè amor erga creaturas, quo vult illis suorum bonorum communicationem; sed maximè erga creaturam rationalem, quæ sola Diuinitatis per intellectum & voluntatem

est capax. Deus autem potissimum suam Diuinitatem communicare intendit, & in eum finem naturam Angelicam & humanam condidit, ac gratiæ suæ donis exornauit. Cetera omnia ob naturam humanam, quæ infinitis adminiculis egebat, fabricatus est.

2. Petri 1. 4
Ioan. 17. 3
23. 24.

CAPVT II.

Quinam effectus Amoris diuini, & quis modus operandi.

4 **E**X amore diuino omne bonum creatum profluxit, & vi eiusdē omnia in Deum reducuntur. Sicuti enim amor ex bonitate diuina procedens descendit & exundat ad creaturas; ita rursus easdem ad diuinam bonitatem conuertit, vt ibi æternū quiescant vnde profluxerunt, vt pulchrè docet Dionysius De diuinis nominibus cap. 4. q. 1. vbi dicit, *amorem diuinum esse vim matricem & sursum trahentem in Deum, qui solus est ipsum per se pulchrum & bonum. Item, esse manifestationem Dei per seipsum, & benignum processum eximie illius vniōnis, & amatoriam motionem simplicem, per se mobilem, per se innatam; præexistentem in bono, & ex bono in ea que sunt exuberantem & rursus in bonum reuertentem.* quæ verba nobis breuiter exponenda.

5 Primò, Dicit esse *vim matricem*, tum quia Deum mouet vt descendat ad creaturas, eisque sua bona communicet; tum quia ipsas res creatas sursum trahit in Deum. Vnde amor dicitur *ἐκστασις*, id est, *efficiens extasim*; quia amantem transfert à se ipso in amatum, nempe Deum in creaturam, & creaturam in Deum. Verū et si Deum moueat ad creaturas, non tamen ipsum finit in creatis rebus quiescere; sed ab illis retrahit eum vnà cum creatis in seipsum. Nam totum bonum quod confert rebus creatis, statim reflectit, & refert ad seipsum, qui est ipsum per se bonum & pulchrum, quod omnia ad se allicit, & potentissimè trahit.

6 Secundò, Dicit esse *ἐκπασις* seu *manifestationem Dei per seipsum*. quia cū Deus lucem habet inaccessibilem, ita vt nulli creaturæ per se possit esse manifestus, per amorem egreditur extra se, & sic manifestatur creaturis. Amor enim mouet Deum ad quinque modos Egressus. Primò, Ad egressum *per creationem*, qua non solum rebus creatis illustre vestigium suæ potentix, sapientiæ & bonitatis imprimit; sed etiam naturæ rationali Angelicæ & humanæ vultus sui imaginem inserit, absque hoc egressu maneret prorsus igno-

tus creaturis : sine illo nulla creatura potest existere. Secundò , Mouet ad egressum *per gubernationem* , qua omnia conseruat , mouet , perficit , & ad suos fines dirigit. Ex mundi gubernatione eius præsencia clarè cognoscitur. Tertiò , Ad egressum *per mysterium Incarnationis* , qua Deus factus est verus homo , & corporata est inuisibilis Diuinitas. Hic egressus fuit maximè admirabilis , & maximè ipsius potentiam , sapientiam , sanctitatem , misericordiam , iustitiam nobis patefecit. Quartò , Ad egressum per doctrinam , illuminationem & *iustificationem* ; iuxta illud : *Exiit qui seminat seminare semen suum.* Quintò , Ad egressum per infusionem seu communicationem luminis gloriæ , & renouationem totius Vniuersi ; seu per *glorificationem* , qua se apertè manifestabit omnibus Sanctis , & omnia ad se conuertet. Ex his patet , quomodo amor sit in manifestatio Diuinitatis. Porro cum amor Dei quo seipsum & creaturas amat , sit Deus , quando amor Deum manifestat , Deus seipsum per se ipsum manifestat. *Seipsum* vt summum bonum & pulchrum , *per se ipsum* vt per summi boni & pulchri amorem. Hæc mens Dionysij.

Tertiò , Dicit esse *processum benignum eximie illius vnionis* : quia amor Dei erga creaturas est processus quidam ; & veluti germen amoris Dei quo amat seipsum : sicut amor mediorum est quædam extensio , & veluti surculus amoris ipsius finis : & cognitio effectuum , est quidam processus cognitionis principiorum. *Eximiam illam vnionem* intelligit amorem illum , quo Deus seipsum vt summum bonum & pulchrum amat : hic enim est vnio quædam vitalis Dei ad seipsum.

7 Quartò , Dicit amorem Dei esse *motionem am. toriam* ; quia amor est motio quædam vitalis per seipsam faciens amare , & amantem transire à seipso in dilectum. *Simplicem* ; quia amor Dei in se vnicus & simplicissimus est , etsi infinita sint ea ad quæ procedit. *Per se mobilem* ; quia amor proposito bono & pulchro per se excitatur. *Per se innatam* , *αὐτογενήτων* ; quia amor diuinus non est ab alio productus in Deo , aut aliunde excitatus , sed ex ipsa Dei benignitate sponte exortus. *Præexistit hac motio in bono* , &c. quia ante omnem creaturam hic amor est in Deo : & prius nostro modo concipiendi est in diuina essentia , veluti in causa obiectiua , quàm sit in Deo seu diuina voluntate formaliter ; præsertim cum amor creaturarum sit liberè susceptus. *Ex bono , in ea quæ sunt* , exundat ; & rursus in bonum reuertitur. Vnde idem Dionysius comparat amorem circulo , & mo-

tui circulari, qui principio & fine caret, sic inquit: Εἰς ὃν τὸ ἀπὸ
 λυτῆς αὐτοῦ, καὶ ἀρχὴ ὁ θεὸς ἔρως ἐκδύναται ἀγαθόντως, ὥσπερ τις
 αἰδοῦς κύκλος ἀπὸ πάραυθι, ἐκ πάραυθι, καὶ ἐν πάραυθι, καὶ εἰς πάραυθον ἐν ἀπλα-
 νῆσω ἐξελίξῃ περιεφύμενος, καὶ ἐν ταυτῷ, καὶ κατὰ τὸ αὐτὸ, καὶ παρὰ τὸ αὐτὸ, καὶ
 μένει, καὶ ἀποκαταστάμενος. *Qua in re & fine & principio se carere diuinus
 amor excellenter ostendit, tamquam sempiternus circulus, propter bonum,
 ex bono, in bono & ad bonum indeclinabili conuersione circumiens, in eo-
 dem, & secundum idem, & procedens semper, & manens, & remeans.*
 Amorem enim Dei ex abundantia diuinæ bonitatis prodiens, se ad crea-
 turas, maximè ad Angelos & homines, profert, easque imagine qua-
 dam sui eis impressa, rursus ad diuinam bonitatem conuertit. Et hic
 circulus est perpetuus, nec umquam aberrare potest; quia amor Dei
 assidue in creaturas tendit, easque in Deum conuertit (ut ipsa con-
 seruatio & gubernatio rerum maximè indicat) nec ab ullo potest
 impediri. Fit autem hic circuitus amoris propter bonum, ex bono,
 in bono, & ad bonum; quia amor diuinus oritur ex diuina bonitate,
 & immediatè in diuinam bonitatem tendit, & propter illam descen-
 dit in creaturas, ita tamen ut semper in Deo maneat. Demittit se ad il-
 las, non ut ibi sistat, sed ut eas in fontem boni, unde exorta sunt,
 reducat. Semper ego procedit à Deo in creatura, & semper manet in
 Deo, & semper in Deum remeat, idque secundum idem sui, & pro-
 pter idem.

Circulus in
amov.

CAPVT III.

De proprietatibus Divini Amoris.

9 **E**X dictis colligimus octo diuini amoris proprietates.

E Prima, Quod eminenter & originaliter præexistat in pulchro & bono, vt Dionysius loquitur: id est, in pulchritudine & bonitate diuina tamquam in ratione obiectiua, & veluti causa, radice, & fundamento.

Quæ proprie-
tates dimini-
amoris.

Secunda, Quòd ex pulchro & bono tamquam fonte prodeat, ut existat iam in Deo formaliter. Hoc enim ipso quo Deus suam pulchritudinem & excellentiam infinitam intuetur, exoritur in ipso infinitum amoris incendium, quo tantum illam amat, quantum amari digna est, id est, infinities infinitè. Pulchrum enim & bonum cognitum statim amorem accendit: vnde infinitum pulchrũ

& bonum infinitè cognitum , infinitum amorem ciebit : infinitum , inquam , tum ardore , tum æstimatione , seu , vt Scholastici loquuntur , infinitum intensiue & appretiatiue.

10 Tertia, Quòd immediatè in pulchrum & bonum se reflectat. Vnde hic est sempiternus quidam circulus. Pulchrum enim & bonum menti diuinæ propositum , accendit amorem in voluntate , qui amor proximè & essentialiter reflectitur in pulchrum & bonum , trahens in illud voluntatem , eamque totam circa illud occupans. Amor enim est occupatio amantis circa amatum , ipsius amati causa.

11 Quarta, Quòd propter pulchrum & bonum extendat se & descendat ad creaturas ; nimirum vt illud creaturis communicet vel totum , vel aliquos eius radios & adumbrationes , pro cuiusque captu & meritis. Quod enim summè amamus , eius præstantiam & pulchritudinem cupimus omnibus innotescere , & eius dulcedinem ab omnibus percipi , vt ab omnibus laudetur. Idem facit amor in Deo.

12 Quinta, Quòd creaturas sursum rapiat , & ad pulchrum bonumque conuertat. Hoc maximè locum habet in Angelis & hominibus : nam cætera diuinam bonitatem & pulchritudinem non capiunt ; sed in homine trahuntur quodammodò in Deum cætera ; tum quia omnes naturæ gradus in ipso , tum quia cætera omnia propter ipsum. Vnde ipso peccante , cætera quoque afflicta fuere , & seruituti corruptionis ac mutabilitatis subiecta ; & ipso ad gloriam euecto , cætera quoque ad gloriam pro suo capto extollentur , vt apertè docet Apostolus ad Rom. 8. Denique , eo ipso quo singula appetunt pulchritudinem & perfectionem suæ speciei congruentem , cernitur in illis vestigium quoddam huius amoris , & tendunt suo modo in ipsum pulchrum & bonum. Ex amore namque diuino impressam habent hanc inclinationem , eamque Deus per bonum & pulchrum particulare , in quod proximè tendit , dirigit in bonum & pulchrum vniuersale , omnis boni & pulchri creati exemplar prototypum.

13 Sexta, Quòd diuinus amor sit extaticus ; quia amantem extra se trahit in amatum. Deum enim suæ celsitudinis quodammodò facit obliuisci , & inclinatur ad humilitatem nostram , totumque in salutis nostræ negotio occupat. Cuius signum incarnatio , prædicatio , miracula , passio , mors , Sacramenta , missio Spiritus sancti , assidua & admirabilis Ecclesiæ gubernatio , cura & directio singulorum.

DE BENIGNITATE ET AMORE DEI. III

Hominem similiter extra se ponit, efficiens ut de se suisque commodis non cogitet, sed solum de Deo & bonis Dei. Vnde magnus Dei amator seipsum abnegat, suis cupiditatibus renuntiat, suas utilitates negligit, sui obliuiscitur, & totus in ijs est quæ ad Deum pertinent. Est enim cogitatione & affectu totus extra se, & translatus in dilectum. Talis erat S. Ignatius martyr, qui dicebat: *Ἐγὼ εἰμὸς ἐξαίρετος*. *Amor meus crucifixus est.* Talis erat S. Paulus Apostolus: *Mihi*, inquit, *vivere Christus est, & mori lucrum & iterum: Vino autem iam non ego, vivit verò in me Christus.*

Ep ad Rom.
Philip. 1.
Galat. 2.

14 Septima, Quod amor divinus sit vis unitiva, ideò enim facit extasim & excessum amantis à se ipso, ut illum in amatum transferat, & illi arctissimè uniat, & vnum cum illo efficiat. Sic amor univit Deum homini non solum affectu & cura, sed etiam effectu & substantia, unione nimirum hypostatica. Hominem verò unit Deo, ita ut prorsus à seipso deficiens in Deum transeat, & veluti colliquescat; nihil ampliùs cogitans, intelligens, aut sentiens, præter Deum; nihil aliud appetens aut desiderans, nulla alia re gaudens quàm bonis Dei. Qui sic adhæret Deo, unus efficitur spiritus, quia seipsum exuit, & Deum induit; ac perinde ac si in divinam naturam transformatus esset, totus cogitatione & affectu est in Deo. Sic omnes Sancti vnum erunt cum Deo (quod Dominus illis præcatur Ioan. 17.) quia omnes agnoscent suum nihilum quod ex se sunt, sequenihili æstimbunt, nisi quatenus sunt Dei & propter Deum; & hoc modo penitus à seipsis deficient; cur enim hæreant in nihilo? Deinde intellectu & voluntate potentissimè rapiuntur in illum, & toti in ipso erunt, & in ipsum veluti liquefcent & transformabuntur; nihil aliud ibi sentientes & gustantes quàm Deum; nihil aliud æstimantes quàm bonum ipsius, perinde ac si ipsi in Deum essent transmutati.

15 Itaque amor est vis unitiva, tum quia ipsum amantem transfert in amatum, ut in eo vivat, sentiat, gaudeat; & ipsum illi quodammodo incorporat, ut sit vnum cum illo; (amans enim quantum in se est, optat à se deficere, & in amatum veluti colliquescere, ut vnum cum illo efficiatur;) tum quia amante iam in dilectum translato, omne bonum dilecto vult, & procurat quantum potest, tamquam sibi ipsi quia iam vnum est cum illo.

Circulus in amore.

16 Octava, Quod motus amoris sit orbicularis, idque dupliciter. Primò, Circa proprium obiectum, quod est ipsum pulchrum & bonum, ut explicatum est in tertia proprietate. Simili modo Dio-

nysius ponit circulum in visione beatifica Angelorum : nam ab essentia diuina , quæ est ipsum pulchrum & bonum , descendit in mentem Angelicam lumen gloriæ ; ex mente & lumine gloriæ statim oritur visio beata , quæ immediatè reflectitur in pulchrum & bonum , tamquam in suum obiectum & principium.

Secundò, Est circulus in amore diuino vt se extendit ad creaturas : nam ex bono & pulchro descendit ad res creatas , easque suo attractu accendens , conuertit & reducit secum in idem pulchrum & bonum. Huius illustre exemplum est in sole. Sol enim in rebus corporeis est summum pulchrum & bonum. Vnde rectè quodam loco D. Gregorius Nazianzenus : *ὡς ὁ ἥλιος ἐν τοῖς αἰσθητοῖς ὁ ἥλιος , ὡς ἐν τοῖς νοητοῖς ὁ Θεός. Sicut in rebus sensibilibus est sol , ita in intelligibilibus Deus.* Ex sole descendit calor ad res inferiores , descendit autè per lucem ; & priùs res illustrantur quàm calorem concipiant ; calore concepto fiunt spiritales , leues , & sursum in cælum vehuntur. Sol est symbolum Dei , lux sapientiæ , calor amoris ; res terrenæ , animarum & spirituum. A Deo descendit amor per sapientiam . priùs enim mens illustratur cognitione pulchritudinis & bonitatis diuinæ , deinde per cognitionem concipit amorem . amor conceptus efficit animam spiritalem , cælestem , eamque mox sursum trahit , & Deo coniungit , ilique Soli æterno similem veluti quædam parelium (qui solis est expressa imago) efficit.

CAPUT IV.

Quinque res consideranda in Amore Dei erga hominem.

17 **V**T meliùs intelligatur amoris diuini erga nos magnitudo , quinque sunt consideranda. Primò , Maiestas amantis. Secundò , Qualitas eorum quos amat. Tertiò , Bona quæ illis partim confert , partim offert. Quartò , Modus quo amat. Quintò , Finis propter quem amat.

Quod ad Primum attinet , qui nos amat , non est Princeps aliquis terrenus , nec Angelus , sed Deus ipse infinitus , immensus , æternus , infinitæ potentiæ , sapientiæ , sanctitatis , gloriæ , beatitudinis . Et hic amor non est recens conceptus , sed ab æterno præceptus . Insinuat hoc multis locis Scriptura diuina . Ieremiæ 31. *In charitate perpetua dilexi te , ideò attraxi te.* Isaia 49. *Numquid obliuisci potest mater infantem suum , ut non misceatur filio uteri sui ? Et si illa obli-*

ta fuerit, ego tamen non obliuiscar tui. Ecce in manibus meis descripsi te: muri tui coram oculis meis semper. Ioan. 3. Sic Deus dilexit mundum, ut Filium suum unigenitum daret. ad Ephes. 1. Elegit nos in ipso ante mundi constitutionem. & alibi. At quanta res est amari à tanta Maiestate: In aulis Principum plerique laborant, & operam in eo ponunt omnem, ut fauorem Principis assequantur: quo obtento gloriantur, beatos se putant, & vix se capiunt; idque tum quia talis fauor & beneuolentia per se magnam illis adfert dignitatem & æstimationem apud homines; tum quia inde illis proueniunt honores, præfecturæ & opes. Si fauor Principis terreni, mortalis, nobis similis, nostrisque miseris subiecti, tanti æstimatur; quanti censeretur debet fauor diuinus? Certè infinitè pluri, cùm maiestas Dei sit infinitè maior; & dignitas ac opulentia quam confert, infinitis partibus melior & optabilior: nimirum quantum præstant cælestia terrenis, diuina humanis, sempiterna caducis & momentaneis.

18 Secundò, spectanda conditio eorum quos amat. Hi sunt, si naturam spectes, infimi inter creaturas rationales (sicut enim materia prima est infima inter res corporeas, ita anima inter res spirituales.) Si qualitatem, peccatores, inimici, superbi, ingrati, carnales, cælestium incurij, terrenis affixi, inepti ad omne bonum, proni ad omne malum. Res planè admirabilis, tam vilem & ingratham creaturam tantopere à suo Creatore, atque ad eò etiam præ Angelis dilectam. Sicuti si potentissimus Monarcha Æthiopica aliquot mancipia, infimis solùm obsequiis idonea, sapius triremes & mortè commerita, amaret præ patria nobilitate, adoptaret in filios, & omni studio niteretur euehere ad regni sui communionem; quis non miraretur? Supra naturam humanam tot sunt Angelorum ordines, omnes sublimes, spirituales, illustres, omnes sapientia & charitate repleti, omnes in Deum semper intenti, ab omni contagione alieni, omnes cæli ciues naturales; & tamen his omnibus prætulit naturam humanam, rationalis naturæ terminum, terræ ciuem, brutorum sociam, peccatis inquinatam, ignorantia tenebris circumfusam, & à rebus diuinis longissimè distitam: *Nusquam enim Angelos apprehendit, sed semen Abraha apprehendit.* Merito dixit Apostolus ad Rom. 5. *Commendat charitatem suam Deus in nobis, quoniam cùm adhuc peccatores essemus, secundum tempus Christus pro nobis mortuus est, &c.* & Propheta Regius Psalm. 8. *Quid est homo, quòd memor es eius? aut filius hominis, quoniam visitas eum?* Huius

*Quales quos
amat.*

Ad Heb. 1.

in peccatores dilectionis pulcherrimum exemplum refert Dionysius Areopagita epist. 8. ad Demophilum Monachum.

*Qualia bona
confer.*

19 Tertiò, Spectanda bona quæ nobis partim præparauit, partim dedit. Quorum primum est, Communicatio æternæ beatitudinis & regni sui: ut hanc enim nobis daret, cætera omnia præparauit; hoc bonum est infinitæ æstimationis. Secundum est, Anima rationalis & immortalis, capax tanti boni. Tertium est, Gratia cælestis, qua possumus illam gloriam promereri. Quartum, Corpus idoneum animæ instrumentum, quinque sensibus instructum. Quintum, Tota mundi machina, cum omnibus opibus & bonis quæ illâ continentur. hæc enim omnia condita propter hominem ut in mundo uiuat, rebusque omnibus ad Dei cultum & promerendam Diuinitatem iuuetur. Sextum, Angelica custodia, fecit enim Angelos velut nostros pædagogos, custodes & directores ad salutem, & hæc omnia ante peccatum. Post peccatum, cum meremur his omnibus priuari, addidit multò maiora: sed de his infra cum de Misericordia. Quanta verò æstimationis sint hæc singula bona, vel ex eo patet; quod nemo integritatem sensuum vel membrorum, quæ tamen sunt ex minimis, vel aureis montibus commutare vellet. Confer cum his quæ mundus dare potest, videbis quàm ea sint parui momenti, quàm tenuia, fluxa, fallacia: & tamen à plerisque plus amatur quàm Deus, plus studij & obsequij illi defertur quàm Deo. O vecordes animas!

*Modus dile-
ctionis.*

20 Quartò, Considerandus modus huius dilectionis. Diligit enim nos Deus, non solum ut Princeps subditos, ut dominus seruos; sed ut pater filios. Vnde se patrem à nobis vocari iubet. Vult enim nos facere heredes regni sui, & omnium bonorum suorum participes. Deinde non vulgari modo, ut alij patres solent diligere filios adoptiuos, sed prorsus inaudito & inæstimabili; ita ut Filium suum vnigenitum, æternam Sapientiam, nostram naturam assumere, & in ea verbo & exemplo nos instruere, pro nostris delictis satisfacere, & mortem perpeti voluerit. Vnde ipse Dominus Ioan. 3, *Sic Deus dilexit mundum ut Filium suum vnigenitum daret, ut omnis qui credit in illum non pereat, sed habeat vitam æternam.* Sic tam ardentem, tanta æstimatione, tanti nos fecit. Videtur sanè iste amor sumus non solum intensione & ardore, sed etiam æstimatione & pretio. Non enim Deus in creaturam videtur plus dilectionis potuisse impendere, quàm homini re ipsa impendit. Verùm de hoc infra Lib. XIII. quid de Misericordia.

21 Quintò, Considerandus est finis huius dilectionis. Non enim sui *Finis dile-*
 cōmodi causa, sicut Principes sæpè diligūt suos populos & famulos, *ctionis.*
 nos dilexit; sed commodi nostri: nimirum, vt nos regni sui faceret
 participes, vt inexhaustum lucis & bonitatis suæ fontem in nos deri-
 uaret. Nec obstat, quòd hoc totū referat ad gloriam suam: hoc enim
 ipsa rerum natura postulat. omnis enim creatura ex essentia sua est
 quid Dei, & ordinatur ad ipsius gloriam. Sicut enim finis, & vt ita di-
 xerim, felicitas vasis figlini, aut alterius arte facti, est, seruire vsibus
 humanis; & si statū suum intelligeret, tunc se maximè felix indicaret,
 quando huic vsui maximè cōmodaret: ita finis hominis, & totius cre-
 aturæ rationalis est, seruire gloriæ Dei, ipsum cognoscēdo, amando,
 laudando, colendo. Itaque quòd Deus totum bonum creaturæ ad
 gloriam suam referat, nullo modo impedit quin amor ipsius in nos
 sit sincerissima beneuolentia & amor amicitiae, velitque nobis bonū,
 vt nobis benè sit & optimè, absque intuitu sui commodi. Confir-
 matur; Quia etiam nos totam nostram beatitudinem intrinsecam
 referemus ad Dei gloriam, eamque pluris faciemus, plus amabi-
 mus, plus de ea gaudebimus, vt est bonum quoddam Dei, gloriam
 eius illustrans, & laudem eius celebrans, quàm vt est bonum no-
 strum maximis commodis & gaudiis nos afficiens. Id enim rectus
 ordo postulat, cū creatura nulla sibi sit vltimus finis, sed solus
 Deus. Itaque non in se vltimò, sed in Deo quiescere debet eius
 appetitus. Deinde, quia nos magis felices & beatos censebimus
 bonis Dei, quàm bonis nobis intrinsecis: amor enim veniet nos
 cum Deo, & vnum cum eo spiritum efficiet. Vnde nihil magno-
 pere æstimabimus aut amabimus, nisi quatenus est bonum Dei, in
 eiusque cedit gloriam, quasi alia ratione non magnopere ad nos
 pertineat.

CAPVT V.

Recollectio precatória, De Benignitate diuina.

22 **Q**UAM suavis & benignus est, Domine, in omnem
 creaturam spiritus tuus! Tu enim cū nullius indigeres,
 tibi ipse sufficientissimus, omnia ex nihilo condidisti, vt singulis,
 pro captu cuiusque, bonitatis tuæ dulcedinem, & pulchritudinis tuæ
 specimen impertires. Non commodi aut vtilitatis tuæ causa ea

fecisti, sed ut ipsis esset bene, ut ipsa pro modulo suo bonis tuis participarent, ut benignitatis tuæ gestarent fructum.

23 Itaque à te omnia ex abyssu sui nihili excitantur, accipiunt esse adeò omnibus amabile, accipiunt speciem & pulchritudinem, appetitum boni & fugam mali, vires & functiones, impetus & motus, situm & ordinem, perfectionem & terminum. Singulis enim donas quod cuique commodum & amabile. Animantibus etiam sensum boni & iucundi multiplicem largiris, & beatitudinis quandam umbram & extremum ἀπὸ πύκτου.

Psalm. 18:

24 Hinc omnia te laudant, tacitisque vocibus tibi sacrum hymnum pangunt, quo tuam potentiam, sapientiam, bonitatem, & providentiam clarissimè celebrant. *Celi enim enarrant gloriam Dei, & opera manuum eius annuntiat firmamentum. Dies diei eructat verbum, & nox nocti indicat scientiam. Non sunt loquelæ neque sermones, quorum non audiantur voces eorum.* 25 Sed longè excellentius in nostro genere hæc benignitas tua elucet.

Tu enim nos ad imaginem & similitudinem tuâ condidisti, vultus tui charactere nobis impresso, intellectu, memoria & voluntate instruxisti, quibus capaces Diuinitatis, gloriæ, & beatitudinis tuæ effecti sumus, diuinis præsijs & ornamentis ad hæc tanta bona promerenda & consequenda cumulasti, Angelos in tutelâ & directionē assignasti, denique totum mundū cum omnibus bonis & operibus suis in domicilium & solatium nostrum fecisti, & nobis tradidisti. Quid his beneficijs maius, hac benignitate admirabilius cogitari possit? præsertim cū eo consilio hæc omnia feceris, ut nos in diuinum statum eueheres, beatitudinis tuæ participes efficeres.

26 Cū enim omnis gloriæ & beatitudinis ex teipso superplenissim⁹ sis, non potuit se continere benignitas tua, quin tantorum bonorum creaturam suam faceret participem. Hinc consilium condendi Angelos & homines, qui tantæ rei essent capaces; & propter homines mundum vniuersum, & opes eius omnes. Quis vquam Monarcha terrenus extremæ sortis mancipia euexit ad communionem regni? Et tamen in his est naturæ paritas, & solius fortunæ rerumque externarum discrimen: nos verò non solum infinitè à te distamus naturæ conditione, sed etiam infimum gradum inter creaturas intelligentes tenemus. Nihilominus præ cæteris omnibus nos dilexisti, & diuitias bonitatis tuæ copiosius in nos effudisti. nimirum hoc est benignitatis ingenium, demittere sed ad infima, curare infirma, colligere abiecta, attollere humilia,

& vbi maior est inopia, ibi magis suas opes erogare & opem ferre.

27 Verè tu es amor omnipotens, beneuolentissima virtus, lumen æternum, incommutabilis ratio, æterna dulcedo, creans mentem ad te participandum, viuificans ad sentiendum, afficiens ad appetendum, dilatans ad capiendum, iustificans ad promerendum, accendens ad zelum, fecundans ad fructum, dirigens ad æquitatem, formans ad beneuolentiam, moderans ad sapientiam, roborans ad virtutem, visitans ad consolationem, illuminans ad cognitionem, perpetuans ad immortalitatem, implens ad felicitatem, circumdans ad securitatem. Sic nos coronas in misericordia & miserationibus, sic vndique beneficijs tuis imples & cingis, vt nobis benignitatem & amorem tuum declares, & ad vicissim amandum excites.

S. Bern l. 5.
De consideratione.

28 Nimirum reducere nos per amorem instituisti in nostrum principium, vnire tuæ bonitati & pulchritudini, transformare in te ipsum. Nullus erat ad hoc efficacior modus quàm amoris. Amor enim est vis extatica & vnitua, faciens vt à nobis excedamus, & in te transferamur. Non poteramus in te mutari per naturam, esse nostro creato saluo manente, sine quo nullius rei sensum, nullam capacitatem boni habere possumus, cum absque eo mera vanitas simus & nihil. Quod fieri non poterat per naturam, molitus es per amorem. Hunc mille modis in nobis accendis, vt eius ardore in te colliqueſcamus & absorbeamur, sicut aquæ gutta in vini dolium immilla, in vinum conuertitur, si colorem & saporem spectes, salua manente aquæ substantia. Amor enim facit amantem affectu & sensu à se deficere, & in dilectum mutari, vt nullum inter se & dilectum percipiat discrimen. Ita enim amantem erga dilectum afficit, vt quantum in se est, vi affectus suum esse exuat, vt induat dilectum, vnumque cum illo euadat. Nihil ampliùs de se suisque commodis cogitat, non secùs ac si iam in natura rerum esse desisset; sed totus cogitatione & affectu est in dilecto, eiusque dumtaxat bona cogitat, desiderat, & procurat. Tunc potest dicere cum Apostolo, *Vino, non iam ego, viuit verò in me Christus*. Sic amor facit hominem obliuisci sui, à se deficere, sibi mori, & viuere in dilecto. Hoc modo qui adhæret Deo, vnus spiritus cum illo efficitur. Hæc est perfectio & consummatio Sanctorum, & vita æterna, vnum cum Deo per vim amoris effici.

Ad Gal. 2.

29 Sic ad exemplar nostrum primæuum reuertimur, in quo ab

118 DE PERFECT. DIVIN. LIB. IX. DE BENIGN. DEI
æterno existimus, non per esse aliquod reale nobis intrinsicum, sed
per vim ideæ & conceptionis mentis diuinæ, quæ facit vt in mente
diuina ab æterno extiterimus, vixerimus, & luxerimus, cùm in no-
bis nihil essemus. Hinc per amorem processimus in nostrum esse
creatum, sicut forma domus ab artifice prodit in opus & materiam,
sicut imago ex mente pictoris in tabulam. Huc rursus per amorem
reducimur, & reducti vnimur, & transformamur in ideam nostram:
sicut si imago è tabula posset se in mentem pictoris penetrare, & i-
bidem suo exemplari intimè se coniungere.

30 Per amorem ad nos descendis, vt amoris in nobis ardorem ac-
cendas, & per illum sursum corda nostra rapias, & in te conuertas,
Sicut ignis vi ardoris sui omnia in se conuertit, sic tu ignis consu-
mens, vi amoris. Accende corda nostra igne amoris tui, & ea in te
conuerte, vt nihil præter te & tua cogitemus, nihil sapiamus, nihil
sentiamus, nihil loquamur, nihil optemus. Ille nos excedere faciat
à nobis, nostrique quasi non simus obliuisci, & in te migrare, in te
commorari, viuere & delectari. Ille vitam nostram gloriæ tuæ im-
pendere, nulla pericula formidare, nullos labores detrectare. Ille om-
nia mundana nobis vertat in amaritudinem, & omnia aspera pro te
suscepta in dulcedinem, vt contumeliam putemus gloriam, inopiam
diuitias, persecutiones prosperitatem; infamiam, nominis celebri-
tatem, morbos solatia, mortem vitam. Omnia enim huius vitæ ma-
la amore tui tolerata, meliora sunt omnibus huius sæculi bonis: si e-
nim compatimur, & correpnabimus. Per illum tu nobis sis vita &
refectio, domicilium & possessio, diuitiæ & gloria, fortitudo & re-
fugium, quies & solatium, protectio & securitas, gaudium & bea-
titas Amen.



D E
P E R F E C T I O N I B V S
M O R I B V S Q V E
D I V I N I S
L I E R D E C I M V S .

D E D O M I N I O D E I .

C A P V T P R I M V M .

Dominium iurisdictionis esse in Deo eminentissime.

D O M I N I V M generatim est duplex : Iurisdictionis, ^{Dominium iurisdictionis.} & Proprietatis. *Dominium Iurisdictionis* est potestas gubernandi subditos ; à tali enim potestate Superiores dicuntur passim Domini. Huius potestatis sunt quinque actus : *precipere*, *prohibere*, *permittere*, *punire*, *premiare*. ^{Quinque eius actus.} in his enim consistit tota gubernatio Superiorum. *Præcepto* imponitur obligatio ad aliquid faciendum. *Prohibitione* ad aliquid non faciendum. *Permissione* datur facultas aliquid faciendi vel licitè, vel saltem impunè. *Punitio* est irrogatio mali pœnæ propter malum culpæ. vnde à malo culpæ committendo absterret ; & ubi iam commissum est, ordinem iustitiæ violatum instaurat. *Premiatio* est boni iucundi pro bono honesto retributio. hæc ad bonum patrandum allicit, & patratum maiore bono remunerat.

His positis, dico, hoc dominium eminentissime esse in Deo. ^{Est in Deo eminentissime.}

1. Tim. 6.

Primò, Quia solus Deus habet illud à se, cæteri omnes à Deo, vel mediatè, vel immediatè. Sicut enim solus à se habet ipse subditos, ita solus à se habet in illos auctoritatem & iurisdictionem. Secundò, Quia se extendit ad omnem naturam rationalem, ad omnes Reges & Monarchas, & ad omnes Angelicas caelestesque potestates. Sicut enim omnia ab ipsa essentialiter dependent, ita quoque essentialiter ei sunt subiecta. vnde nihil potest ab eius iurisdictione esse exemptum. Quare meritò dicitur *Rex regum, & Dominus dominantium*: imò ipse solus Rex, ipse *solus Dominus, solus Altissimus*; cæteri omnes sunt subditi, serui, & mancipia. Neque tantum in omnem naturam rationalem imperium & iurisdictionem habet, sed etiam in naturam irrationalē & insensibilem: omnia enim seruiunt ipsi, eiusque imperium suo quodam modo sentiunt. Vnde cum Dominus imperauit ventis & mari, facta est tranquillitas magna: Mat. 8. Vbi B. Hieronymus, *Ex hoc loco, inquit, intelligimus quod omnes creaturae sentiant Creatorem non errore hæreticorum, qui omnia putant animantia: sed maiestate Conditoris, quæ apud nos insensibilia, illi sensibilia sunt. Quis vñquam Regum terræ ventis & mari, vel alteri naturæ insensibili præcipere potuit?*

3 Tertio, Complectitur eius iurdictio omnia loca & tempora. Vnde 1. ad Thimoth. 1. dicitur *Rex seculorum*, quia omnibus sæculis & præteritis & futuris dominatur, & vbique tenet imperium, in cælo, in terra, in mari, in inferno. Item Psalmo 144. *Regnum tuum regnum omnium seculorum, & dominatio tua in omni generatione & generationem*. Hinc Apocalypsis 5. dicitur: *Omni creaturam quæ in cælo est, & super terram, & sub terra, & quæ sunt in mari, omnes audiu dicentes: Sediti in throno, & Agno, benedictio, & honor, & gloria, & potestas (Græcè & ἡγεῖας imperium) in sæcula seculorum.*

4 Quarto, Quia habet amplissimam & illimitatam potestatem præcipiendi & vetandi: posset enim præcipere omnia opera bona nobis possibilia. Vnde omnia sua consilia posset facere præcepta, & imponere nobis omne genus austeritatum & pœnitentiarum, ieiunium, cilicium, chameuniam, flagellationes, & alia huiusmodi vsque ad nostri peremptionem. Posset vetare omnes commoditates & recreationes sub peccato mortali. Denique nihil est adeò leue vel adiaphorum, quin possit illud certa consideratione efficere graue, & suo præcepto necessarium. quòd autem non faciat, sed pauca & facilia mander quæ ipsa naturæ reconditudo postulat, benignitatis eius est, non iuris & potestatis defectus.

Quin-

5 Quintò, Habet summam potestatem puniendi : potest enim punire non solum in corpore, quous genere tormenti illud affligendo; sed etiam in anima, idque pœna acerbissima & æterna; nec vlla est tanta pœna, quin possit infligere maiorem.

6 Sextò, Habet summam potestatem in remunerando : rependit enim pro obedientia & obsequiis sibi præstitis præmium æternum, nimirum gloriæ & beatitudinis suę consortium. Terreni Principes aulicis & ministris suis non nisi terrena & externa, quæ ipsi in terra inveniunt, pro omnibus obsequiis dare possunt: sanitatem, robur, pulchritudinem, vitam longam, sapientiam non possunt. Deus autem non solum ista omnia excellentissimo gradu, sed etiam longè maiora quàm mens capere possit, seruis suis pro exiguis laboribus confert.

Septimò, Non solum ipsius est omnia mala punire, & omnia bona remunerari; sed etiam pœnas & præmia singulis taxare & definire. neque enim alterius hac in re præscriptum, sed suum decretum sequitur.

7 Ipse igitur supremam in omnes, omni loco & tempore, & quoad omnia iurisdictionem habet, tamquam *Rex regum, & Dominus dominantium*. *Ipse Rex seculorum, in cuius ditione omni tempore uniuersa sunt posita, cuius voluntati nemo potest resistere.* Ipse supremus legislator, à quo omnis lex iusta descendit; qui pro suo arbitrio potest nobis leges imponere vel laxare; qui omnium culparum pœnas, & omnium meritorum præmia taxauit. Ipse supremus iudex, qui Angelos & homines, viuos & mortuos est iudicaturus, & singulis pro meritis præmia vel supplicia retributurus; qui etiam intimas & occultissimas cogitationes nostras in lucem proferet, discutiet, ponderabit; cui de omni verbo otioso reddituri rationem.

1. Tim. 6.
Ibid 1.
Esther 13.

CAPVT II.

Omnem iurisdictionem creaturarum descendere à iurisdictione diuina.

8. **A** DIVINITATE omnis iurisdicatio descendit ad creaturas, idq; duplici modo: naturaliter, & supernaturaliter. *Naturaliter*, in ea quę sunt præstantiora & perfectiora, ad gubernanda inferiora & minùs perfecta. Sic Angelici spiritus habent auctoritatem

Q

ad regendum mundum corporeum, maximè hūc inferiorem; & causa suum effectum, ut pater filium, quamdiu directione eget; & agens suum patiens, ut maritus uxorem; denique totum suas partes, nimirum Respublica suos ciues. hoc ipso enim quo multi coeunt in vnam communitatem & Rempub. seu in vnum corpus politicum; hoc corpus in e natura habet auctoritatem in singulos, quamdiu sunt eius membra. Neque ad hoc requiritur alius singulorum consensus, quā qui necessarius est ut eius corporis sint partes & ciues: sicut in corpore naturali eo ipso quo aliquid est pars, subiacet gubernationi illius corporis & Rationis in eo praesidentis. Itaque haec naturalis iurisdictio seu potestas gubernandi, inuenitur in quatuor combinationibus, nimirum in natura spiritali ad corpoream, in causa ad effectum, in agente ad patiens, in toto ad partem. Reliquae iurisdictiones humanae descendunt ab istis, non modo naturali, sed hominum placito, idque tripliciter: nimirum, vel ex commissione, vel ex punitione, vel ex conuentione. *Ex commissione* nascitur triplex forma regiminis. Velenim Respub. libera, cum per se non possit se totum regere, sua potestate se priuat, & eam committit vni; & tunc est *Monarchia*: vel committit eam pluribus & praestantioribus e Respub. qui absolute regant, & haec est *Aristocratia*: vel denique non se priuat, sed eam retinens committit suas vices aliquibus tamquam suis Officialibus, ea tamen ut praecipua quaeque (ut condere & abrogare leges, indicere bellum, imponere vectigalia, & similia) sibi seruet; & haec dicitur *Politia* & *Respublica*. Possunt autem haec formae variis modis misceri inter se & temperari. Nam etiam in Monarchica forma plura vel pauciora Optimatibus vel populo reservari possunt: similiter in Aristocratica. Quia tamen iurisdictio communitatis est naturalis, numquam ita transfertur in vnum vel plures, quin maneat in populo tamquam in radice; ut per eam possit populus deponere quos sibi praefecit, si iustitiam seruare nolint, & Principatum in tyrannidem vertant, nec aliud remedium suppetat. *Ex punitione*, ut quando vna Respub. laesit aliam, & conuenta de damno vel iniuria non vult satisfacere. Tunc enim si ad arma ventum fuerit, & Respub. laesa superet illam armis, potest eam sibi subiicere, & iurisdictionem ac dominium in eam sibi vindicare. quod pertinet etiam iurisdictio in seruos bello captos. *Ex conuentione*, ut dum inter duas Respub. liberas conuenit certare praelio, ut victa subsit victrici; sicut olim Romani, & modò Barbari faciunt. Atque hi sunt

Triplex forma regiminis ex commissione Reip.

Aristot. li. 3. Polit. cap. 5.

omnes modi, quibus iurisdictio naturalis communicatur.

10 *Supernaturaliter* autem à Diuinitate descendit iurisdictio primò *Supernaturalis iurisdictio.*
& immediatè in humanitatem Christi. Sicut enim femina aliqua, quantumuis sit per se ignobilis & infimæ sortis, eo ipso quo assumitur à Rege in vxorem, eique matrimonio copulatur, accipit quamdam iurisditionem in totum regnum, quia quodammodo fit vnum cum Rege: ita etiam beatissima Christi anima totaque eius humanitas, eo ipso quo assumpta est à Diuinitate in vnionem hypostaticam ad Verbum, accepit iurisditionem & dominium excellentissimum in vniuersam creaturam; idque duplici lege, Naturali & Positiua. *Naturali*, quia lex naturæ est, vt superiora & præstantiora regant inferiora: illa autem humanitas ratione vnionis Verbi, est superior & præstantior omni alia creatura. *Positiua*, quia Deus constituit illam humanitatem, seu Christum, quæ homo est, Regem vniuersi, nimirum cæli & terræ. Vnde Matth. 28. dicit: *Data est mihi omnis potestas in cælo & in terra.* Merebatur enim eius humiliatio, qua *se humiliavit factus obediens Patri usque ad mortem, mortem autem crucis*, vt supra omnia exaltaretur, vt testatur Apostolus ad Philipp. 2.

11 Hæc tamen potestas non est tam illimitata quàm Diuinitatis, vt per se constat, sed est restricta ad certum finem, nimirum ad salutem generis humani. Cum enim Christus, quæ homo, sit Redemptor generis humani, data est ei in humanitate omnis iurisdictio congrua ad perducendos homines ad salutem. Itaque cum omnia officia & ministeria Angelorum, & totus hic mundi cursus sit propter salutem hominum; (omnia enim sunt propter electos) habet iurisditionem in omnes Angelos, & in vniuersam naturam corpoream. Vnde potest cuilibet Anglo suum ministerium assignare, & vt hanc vel illam animam, hoc vel illud regnum custodiat, imperare: diabolo vires ad tentandum, ad nocendum in corpore vel animo laxare aut contrahere: circa cælos & elementa varia signa edere, horrendas mutationes efficere, pestem, famem, bellum mortalibus inferre, imperia transferre, & de omnibus regnis, eorumque bonis pro suo arbitratu disponere. Potuit ipse fundamenta Religionis Christianæ (nimirum Sacramenta & Sacrificium) instituire, eorumque numerum, materiam, formam, effectum, modum, & obligationem definire. Ipse mentes hominum illuminare, voluntates ad se conuertere, & peccata omnia etiam absque Sacramentis condonare; ipse quos voluerit saluare potest, singulari

Hebr. 1.
Rom. 8.

eos gratia dirigendo & protegendo; reprobare seu reiicere à sua cura qui id merentur: quamvis neminem ita deferat aut reiiciat in hac vita, quin relinquat illi satis auxilij vt possit redire ad veniam. Denique ipse horrenda illa signa, quæ exitium vniuersale præcurrerent, ad hominum pœnitentiam excitandam patrabit: ipse orbem accendet, & montium fundamenta comburet; ipse Angelos & homines, viuos & mortuos ad iudicium vocabit: ipse singulorum opera & cogitationes omnes discutiet, examinabit, ponderabit, & singulis pro meritis rependet; ipse catastrophem mundo imponet, eiusque clausulam efficiet, & regnum futuri sæculi inchoabit. Hæc est iurisdicção Christi Regis & Domini nostri, quæ ex Scripturis manifestè colligitur.

Psal 109.

Dan 7.

Math. 28.

Philip 2.

Apoc. 1 & 5

*Iurisdicção
summi Pon-
tificis imme-
diatè datur
à Christo po-
sitæ legiti-
mæ electione.*

12. A Christi humanitate descendit immediatè in summum Pontificem. Hic enim non à Cardinalium Collegio, aut ab Ecclesia vniuersali iurisdiccionem accipit, sicut Reges à populo; sed posita legitima electione Cardinalium Christus Dominus immediatè ei iurisdiccionem tribuit, & Ecclesiæ gubernacula committit. Non tamen idcirco dici potest summus Pontifex iure humano hanc potestatem habere: quia etsi descendat ab humanitate Christi, tamen confertur à persona Verbi, quæ est Deus. actiones enim sunt suppositorum. Vnde sicuti alia quæ Christus Dominus noster statuit, sunt iuris diuini, vt Sacramenta & Sacrificium: ita etiam auctoritas Pontificia iure diuino constat, & à Deo immediatè datur: nimirum ex vi illius ordinationis, qua statuit vt Petrus, & omnes eius legitimè electi successores, hanc potestatem in totam Ecclesiam haberent. Hæc tamen potestas in Pontifice non est ita illimitata sicut in Christo: non enim summus Pontifex accipit iurisdiccionem in Angelos, aut in defunctos; neque etiam directè in infideles, aut in bona temporalia Regnorum; neque ad constituenda Religionis Christianæ fundamenta, aut ad aliquid in illis mutandum, aut ad conferendam gratiam absque Sacramentis. Hæc enim omnia sibi Dominus reseruauit, tamquam pertinentia ad potestatem excellentiæ, quæ media est inter potestatem Diuinitatis & summi Pontificis. Sed accepit omnem potestatem necessariam ad regendam Ecclesiam Christi, iuxta principia & fundamenta à Christo tradita, eamque amplificandam & perducendam ad finem supernaturalem, ad quem ab ipso est instituta. Constituit illum Dominus suum Vicarium in absentia sua corporali, donec veniat ad iudicium, & Ecclesiam suam transferat in cælum.

Infinuatur

Matth. 16.

Joan. 21.

Quod insinuatur illis verbis Matth. 24. *Quis putat se fidelis servus, & prudens, quem constituit Dominus super familiam suam, ut det illis cibum in tempore? Beatus ille servus, quem cum venerit Dominus eius, invenit sic facientem.* Vicarius autem debet habere omnem potestatem sui Ordinarij, quæ prudenti iudicio censetur necessaria ad regendum subditos: alioquin non poterit eos regere sicut Ordinarius, cuius vices gerit: idque maxime necessarium est, quando Ordinarius toto tempore regiminis est procul absens, nec consuli potest per nuntios vel literas. Sicut si Rex Hispaniæ constitueret apud Indos Vicarium perpetuum absque recurso, deberet illi dari auctoritas Regia ad omnia ea quæ sunt opportuna bono publico; nimirum ad condendas leges, ad puniendos quosvis subditos delinquentes, ad indicendum bellum, ad evertendas vrbes rebelles, & similia, quæ ipse cum Concilio suo iudicaret ad bonum regni illius conducibilia. Eodem modo summus Pontifex debet habere omnem potestatem ad faciendum quidquid ipse cum suo Concilio ad bonum Ecclesiæ iudicabit esse expediens.

Potestas Vicarij qualis esse debeat.

15 Atummo Pontifice descendit iurisdictio spiritalis seu supernaturalis ad reliquos Ecclesiæ Prælatos certo quodam ordine, mediata vel immediata, & in omnes qui quoquo modo ordinariam vel delegatam potestatem habent. Hoc tamen intellige de iurisditione fori externi, quæ consistit in potestate regendi subditos, per quinque illos actus supra memoratos. Si enim loquamur de Iurisditione fori conscientiæ ad absoluendum à peccatis, alia fortè est ratio. Existimo enim, hanc iurisditionem, quatenus se tenet ex parte causæ efficientis, esse immediatè à Christo Domino per Sacramentum Ordinis Sacerdotalis. Et si enim per hoc Sacramentum non dentur subditi actu; datur tamen omnis potestas necessaria ex parte causæ efficientis, & operantis remissionem peccatorum. Ratio est, quia potestas remittendi peccata & iustificandi peccatores, est sublimissima, & planè divina, sicut & potestas consecrandi. 16 Quis enim potest remittere peccata, nisi solus Deus? Vnde par non est ut conferatur ab homine, sed immediatè à Christo Domino vi Sacramenti. Confirmatur: Quia si præter hanc potestatem quæ confertur Ordinatione, requiritur alia quædam potestas seu iurisdictio collata sola concessione summi Pontificis, vel alterius Prælati, ut ex illis duabus fiat vna integra potestas activa absoluendi à peccatis: sequetur, potestatem Ordinis esse mancam, & quasi dimidiatam, seu inchoatam, quæ debeat compleri iurisdic-

Iurisdictio spiritalis à summo Pontifice.

Iurisdictio fori conscientiæ à Christo.

Applicatio
materia.

ctione humana : ac proinde integram potestatem absoluendi constare & conflare ex duplici potestate seu iurisdictione, quarum altera sit immediatè à Christo, altera ex concessione Prælati. Quod non videtur rationi consentaneum : longè enim perfectius est, vt tota potestas, quæ effectiuè causat remissionem & iustificationem, sit immediatè à Christo; & iurisdictione illa quæ datur à Prælato, solum sit veluti applicatio materiae, & per eam dentur subditi, sine quibus potestas actiua non potest exire in actum. Vnde illa iurisdictione se habet vt necessaria conditio, non vt pars virtutis actiuae remittendi peccata. Aliud enim est, habere potestatem remittendi peccata necessariam ex parte causæ effectricis; aliud, habere actu subditos, in quos ea vtaris, vt multis exemplis ostendi potest. verum fusior de his tractatus non est huius loci. Vide Gabrielem Vasquez tom. 4. De Sacramentis, q. 93. a. 1. dub. 2.

CAPVT III.

*De Dominio proprietatis, & duobus primariis eius titulis,
Creatione & Conseruatione.*

Dominium
proprietatis.

17 **S**ECUNDO modo accipitur *dominium* pro iure disponendi de re aliqua pro suo arbitratu; ita vt possit illam consumere, vastare, conseruare, donare, sine cuiusquam iniuria. Sic homo propriè est dominus sui iumenti; quia habet ius illius vtendi, vel etiam perimendi, prout ipsi placuerit; nec roganti cur illud ita tractet, tenetur aliam reddere rationem, quàm, *Sic placet.*

Hac ratione Deus est perfectissimè *Dominus* totius creaturæ. Vnde in Scripturis vbique ferè vocatur *Dominus*: & creaturæ dicuntur esse *ipsius*, ipsi seruire & famulari. 1. ad Tim. 6. *Quem suis temporibus ostendet beatus, & solus potens Rex regum, & Dominus dominantium.* Psal. 88. *Tui sunt cali, & tua est terra, orbem terræ & plenitudinem eius tu fundasti.* Psal. 118. *Ordinatione tua perscuerat dies, quoniam omnia seruiunt tibi.* Iob. 4. *Ecce qui seruiunt ei non sunt stabiles, & in angelis suis reperit prauitatem.* Psal. 115. *O Domine, quia ego seruus tuus, ego seruus tuus, & filius ancillæ tuæ.*

Vnde habet
illud Deus.

Habet autem Deus hoc dominium non occupatione, quasi res antea fuerint ad espotæ, & ipse veluti in vacuam mundi possessionem sit ingressus; non donatione, non successionem, non emptionem, qua ab alio id comparauerit; (quibus modis homines dominia

rerum comparare solent: sed longè alijs & sublimioribus titulis, potissimum quatuor.

Quatuor tituli domini
divini.
1. Creatio:

18 Primus est titulus *creationis*: quia omnia ex nihilo solus creauit, & totum esse rerum omnium sua omnipotentia & sapientia finxit. Hic titulus est præstantissimus, & summum ius tribuit. Non enim potest esse maius ius aut dominium, quàm sit illud quod competit ratione dependentiæ & subiectionis essentialis. Nam quò magis est quid alicui subiectum & ab eo dependens, eò maius ius & dominium hoc in illud habet. Sic homo maius dominium habet in actiones internas quàm externas; quia internæ sunt ei magis subiectæ, & maiore à voluntate eius dependentiam habent quàm externæ; cum hæ etià à mēbris corporis & rebus externis pendeant. Et in actiones externas sensuum & mēbrorum maius habet dominiū, quàm in fortunas & opes quas possidet; quia illæ maiorem ab eo dependentiam habent, vt quæ ab intrinseco proueniant, hæ verò ab extrinseco. Vnde & actionum dominiū non habetur successionem, emptionem, vel occupationem, sed ab intrinseco manat: opum verò dominium ab extrinseco, titulo aliquo iure ciuili aut gentium recepto, obtinetur; ac proinde modo imperfectiore. Quare cum dependentia creaturæ à Deo per creationem, sit essentialis & summa, summum dominium & ius Deo tribuit.

Hoc dominium insinuat apertè Esther 13. *Domine Rex omnipotens, in ditione tua cuncta sunt posita, & non est qui possit tua resistere voluntati, si decreueris saluare Israel. Tu fecisti celum & terram, & quidquid celi ambitu continetur. Dominus omnium es.* Ex eo quòd ipse omnia cōdidit, colligit ipsum esse Dominum vniuersorum, & cuncta in eius ditione & potestate esse posita.

19 Explicat hoc dominium Apostolus ad Rom. 9. similitudine iuris quod figulus habet in fictile. *O homo, tu quis es, qui respondeas Deo?* id est, qui à Deo factorum rationem exigas. *Numquid dicit figmentum ei, qui se finxit: Quid me fecisti sic? An non habet potestatem figulus luti, ex eadem massa facere aliud quidem vas in honorem, aliud verò in contumeliam?* ubi ostendit manifestè, Deum habere tantum iuris & potestatis in singulos homines, quantum figulus in vasa fictilia. Vnde sicut figulus potest vas fictile conseruare ad splendorem & ornamentum domus, vel frangere & abicere in fimum; vti ad ministeria honesta, vel ad infima & sordida; nec potest illud conqueri de iniuria, aut dicere, Cur sic mecum agis? Ita Deus in singulos homines, imò in omnes creaturas ius habet vt eas vel con-

Exemplum
figuli &
vasi.

*Maius est ius
Dei iuxta
creaturam quàm
figuli in vas
fictile.*

seruet, vel perimat, & in nihilum redigat; ijs vtatur ad splendida, vel ad obiecta; ornet prosperis, vel exerceat aduersis. Nec quisquam potest queri de iniuria, aut rationem factorum exigere. Imò ius Dei in creaturas est longè maius quàm figuli in vasa fictilia: nam creatura pēdet à solo Deo quoad omnia; & quamuis in multis vtatur causis secundis, has ipsemet instituit, & opus ijs non habet: fictile verò non à solo figulo pendet, sed ab argilla ex qua constat, ab aqua maceratur & tractabilis redditur, à rota qua formatur, ab igne quo excoquitur; quibus omnibus non minùs quàm figulo debet, qui solum per motum localem illa applicat, per se autem nihil tribuit. Quòd si ipse habet tantum iuris in fictile propter applicationem causarum quas ipse non fecit, & quæ ab ipso vim non habent; quantum iuris erit Deo in creaturas, qui solus materiam, formam, potentias, qualitates, & ornamenta omnia sua vi contulit?

2. Conseruatio.

20 Secundus titulus est *Conseruatio*: non enim satis est creaturam semel fecisse, sed opus est assidua conseruatione vt in esse permaneat. Itaque totus ille impetus & influxus, quem primo creationis momento præstitit, vt rem ex nihilo in lucem & speciem excitaret, debet indefinenter continuari, omnibusque momentis dari: alioquin si vel vnico temporis puncto intermittatur, tota creatura funditus peribit, & in suum nihilum, vnde emerfit, relabetur. Sicut vt mundus illustretur, non sufficit solem semel ex se lumen fuisse; sed necesse est vt illud assiduè conseruet, continuando primum influxum. Si enim vel vnico momento vim suam cohiberet, repente totum lumen extingueretur. Similiter si pondus aliquod in aëre manu suspendas, illud assiduè sursum teneri, & eodem impetu ibi conseruari debet, quo ab initio ibi est suspensum. Idem cernitur in speciebus visibilibus, & in actibus vitalibus.

Hinc rursus oritur summum ius Deo in creaturam. Quod enim potest ius maius animo concipi, quàm posse omnia in nihilum reducere sola cessatione operationis & beneficentiæ? Nam quid est quod Deum cogit hunc beneficium & substantificum influxum continuare? cui debitor est vt hunc semper præstet? Itaque omni momento potest illum sistere & cohibere: quòd si faciat, ruet tota huius mundi machina in suum centrum, hoc est in nihilum, & euanesceat omnis rerum natura.

*Probat ex
Scriptura
sa.*

21 Porro ne quis de hac rerum mirabili à Deo dependentia assidua dubitet, aut considerata earum soliditate & firmitate, putet eas semel

mel factas posse per se consistere; ostendam illud non esse Philosophicam speculationem vel opinionem, sed certum Religionis nostræ dogma à Scripturis & Patribus traditum, & firma fide tenendum. Probatur ergo ex Scripturis. Sapient. 1. *Spiritus Domini repleuit orbem terrarum, & hoc quod continet omnia, scientiam habet vocis.* quasi dicat: Cum ubique præsens sit, omniaque conseruet intimè, nihil illum latet, non cogitationes interna, non occulta murmura, non blasphemæ voces, &c. Et Sapient. 11. *Quomodo posset aliquid permanere, nisi tu voluisses? aut quod à te vocatum non esset, conseruaretur?* At si non requiritur continua conseruatio, non est opus illa voluntate vt res permaneant: nihil enim operabitur, & opus semel factum per se stabit, cum nulla res extrinseca illam possit labefactare. Ad Hebr. 1. *Novissimè locutus est nobis in Filio, quem constituit heredem vniuersorum, per quem fecit & secula. qui cum sit splendor gloria, & figura substantiæ eius, portansque omnia verbo virtutis suæ.* Hic apertè docet Apostolus, per filium non solum condita esse omnia, sed etiam eius omnipotenti virtute omnia portari, sustineri, & veluti sursum in esse & natura suspensa teneri, ne in suum nihil recidant; sicut cum quis pondus quod portat & suspensum tenet, dimittit, mox id deorsum cadit. Ita hunc locum exponunt Patres. Anselmus, *Portat, inquit, omnia, id est, sursum tenet ne decident, & in nihilum reuertantur, unde creata ab ipso fuerant: & sustentat ea, non labore & difficultate, sed imperio sue potentie.* Chrysostomus Hom. 2. in Epist. ad Hebr. *Feratque omnia, id est, gubernet omnia: si quidem cadentia & ad nihilum tendentia continet.* Non enim minus est continere mundum, quàm fecisse: sed si oporteat aliquid admirandi dicere, adhuc amplius est. Nam in faciendo, rerum quidem essentie productæ sunt; in continendo vero, ea quæ facta sunt, ne ad nihilum redeant, continentur. Eadem verba habet Commentarius qui tribuitur Ambrosio. Eodem modo exponunt hunc locum Theophylactus, Haymo, & alij. Ad Coloss. 1. *Omnia per ipsum, & in ipso creata sunt, & ipse est ante omnes, & omnia in ipso constant.* Hic rursus Apostolus distinguit creationem & conseruationem, dicitque non solum per ipsum, vt per virtutem Patris; & in ipso, tamquam immenso quodam sinu creata esse omnia; sed etiam omnia consistere & conseruari. id enim significat illud: Πάντα ἐν αὐτῷ συνέστηκε. Chrysostomus Hom. 3. in hanc Epist. *Quod vero dicit, In ipsum, quid est? hoc scilicet, in ipsum pendet omnium hypostasis. Non solum ipse ea ex nihilo ad hoc vt essent produxit, sed & idem ipse nunc quoque ea con-*

seruat & tuetur, ita ut si ipsius cura destituerentur, mox perirent & corrumperebantur. Sed non dixit, Conseruat, quod crassius fuisset; sed quod subtilius, nempe quod omnia in ipsum pendent. Dumtaxat ad ipsum annuere & inclinari satis est ad conseruandum & constringendum; ita & Primogenitus veluti fundamentum est. & infra: Ne putes enim esse ministrum, dicit eum omnia conseruare, quod non minus est quàm omnia creare.

Anselmus: Omnia in ipso constant; quia sicut omnia creauit, sic omnia continet & regit. Omnia in ipso constant; quia secundum immensitatem incircumscriptæ & incomprehensæ Diuinitatis eius, omnia sunt intra ipsum, & ne in nihilum redeant, per eum consistunt. Eodem modo expouunt ceteri.

Ioannis 5. *Pater meus usque modo operatur, & ego operor.* Hunc locum omnes explicant de operatione qua mundum conseruat, & rebus omnibus cooperatur. D. August. l. 4. De Genes. ad literam, c. 12. *Potest etiam intelligi, Deum quiescere à condendis generibus creaturæ; quia ultra iam non condidit aliqua genera noua. Deinceps autem usque nunc & ultra operatur eorundem generum administrationem qua tunc instituta sunt, non ut ipso saltem die septimo potentia eius à celi & terræ, omniumque rerum quas condiderat gubernatione cessaret; alioquin continuo dilaberentur. Creatoris namque potentia, causa est subsistendi omni creaturæ, quæ ab eis quæ creata sunt regendis, si aliquando cessaret, simul & eorum cessaret species, omnisque natura concideret. Neque enim sicut structuram adiuuam cum fabricauerit quis, abscedit, atque illo cessante stat opus; ita mundus vix iectu oculi stare potest, si ei Deus regimen suum subtraxerit. Proinde cum Dominus ait: Pater meus usque modo operatur, continuationem quamdam operis eius, quæ uniuersam creaturam continet & administrat, ostendit. Idem prosequitur fusiùs, & probat ex duobus Scripturæ locis. Et in Enchiridio cap. 27. Non sanè Creatoris desistente bonitate, & malis angelis subministrare vitam, viuacemque potentiam, quæ subministratio si auferatur, continuo interibunt. Idem docet aliis multis locis.*

Ambrosius l. 7. in Lucam c. 13. *Denique ut Deus ab operibus mundi quiescit, non ab operibus, cuius sempiterna & iugis operatio est, sicut Filius ait: Pater meus usque modo operatur, & ego operor.* Simili modo explicant hunc locum Chrysost. Hom. 27. in Ioannem, Cyrillus l. 2. in Ioan. cap. 183. Theophyl. in cap. 5. Ioannis, & alij.

Effectus &
functiones
rerum natu-
ralium Deo
tribuantur.

22 Præterea sacra Scriptura passim Deo tamquam auctori tribuit operationes & effectus causarum naturalium. Matth. 5. *Qui solem*

suum oriri facit super bonos & malos, & pluit super iustos & iniustos. Psal. 103. & 146. Qui producit in montibus fœnum, & herbam seruituti hominum. Iob. 10. Manus tua Domine fecerunt me, & plasmaverunt me totum in circuitu. Nōne sicut lac mulsisti me, & sicut caseum me coagulasti? pelle & carnibus vestisti me, ossibus & nervis compegisti me, &c. Quibus verbis apertè significatur, Deum non solùm vires rerum olim ipsis inservisse, sed etiam assiduè illas conservare, & illis immediatè cooperari ut effectus suos producant. Primò, Quia alioquin solùm remotè & improprie diceretur hæc facere; sicut improprie & remotè dicitur sol calefacere, dum calefacit me lapis, cui sol calorem imprefit. Et simili modo possemus dicere, omnes rerum generationes fieri à primis mundi individuis, quia fiunt virtute ab illis accepta. Secūdò, Quia Dominus intendit nobis commendare quotidianam & assiduā Patris cœlestis beneficentiam, non veterem solùm initio mundi exhibitam; ut nos eum, tamquam veri filij quotidie imitemur. Tertiò, Quia Patres ex istis locis probant, Deum assiduè operari, etiam die Sabbati. quòd si solùm diceretur illa facere, quia olim res creavit, & talem vim dedit, nullo modo inde sequeretur, illum operari etiam die Sabbati: sicut qui horologium disponit Feria sexta, quod toto die Sabbati currit, non idcirco dicitur operari die Sabbati. Vide Chrysostomum, Cyrillum, & Theophylactum suprà. Denique cū Deus solem crearet, nondum erant mali; quomodo ergo ratione istius creationis dicitur, quòd faciat solem suum oriri super bonos & malos? &c.

23 Secūdò, Probatur ex Patribus, & præter supradictos id clarissimè tradit Dionys. lib. De diuin. nominib. cap. 10. Τὸ μὲν γὰρ (παντοκράτωρ) λέγεται ὁ τὸ πάντων αὐτὸν εἶναι παντοκρατορικὴν ἔδραν, σιωέχσαι καὶ περιέχσαι τὰ ὅλα, καὶ ἐνδρύνσαι, καὶ θεμελιῶσαι, καὶ περισφίγγσαι, καὶ ἀρραγῆς εἶναι αὐτῇ τὸ πᾶν ἀποτελεῖσαι. καὶ ἐξ ἑαυτῆς τὰ ὅλα καθάπερ ἐκ ρίζης παντοκρατορικῆς περιάγειν, καὶ εἰς ἑαυτὴν τὰ πάντα καθάπερ εἰς πυθμῶνα παντοκρατορικῶν ὑπερφύσσει, καὶ σιωέχσαι αὐτὰ ὡς πάντων ἔδραν παντοκράτη, τὰ σιωέχμωρα πάντα κατ' ἑνὴν ὑπερέχσαι, πάντα σιωοχῶν ἀσφαλίζοντι, καὶ ἐκ εἶναι αὐτὰ διεκπεσόντα ἑαυτῆς, ὡς ἐκ παντοπλῆς εἶναι κινδύνα πᾶσι πολεῖν. *Omnitenens* (sic enim videtur hic vertendum παντοκράτωρ, non *Omnipotens*: nam de omnipotentia egerat cap. 8.) dicitur, quòd sit omnium sedes, omnia continens & complectens, & cuncta stabiliens, fundans atque constringens, & uniuersum in se insolubile præstans: & ex se veluti ex omnitenente radice cun-

Probatur ex
Patribus.

Et a producents, atque ad se ut ad omnitenens fundum vniuersa conuertens, & continens ut omnium sedes omnicapax; omnia contenta vna præcellenti connexione communiens, neque sinens ea sibi excidere, ne tamquam ex ætissimo domicilio mota dispareant. His verbis multis modis Dionysius hanc conseruationem explicat, de quibus infra. Idem cap. 13. Διαπύριον ὅτι πάσι καὶ ἅμα, καὶ ὑπὲρ πάντων. Καὶ ἀνεκλείπτους ὁπιδόσεις, καὶ ἀπλεωπύτοις ἐρεργαίους. Pertingens ad omnia pariter, & supra omnia indeficientibus largitionibus, & interminabilibus operationibus. Idem clariùs verbis sequentibus, vbi dicit, hanc largitionem esse semper eandem, & incessabilem, & imminuibilem. Eandem sententiam insinuat multis alijs locis.

Origenes l. 2. Periarchon: Quomodo in Deo viuimus & mouemur & sumus, nisi quia virtute sua vniuersum constringit & continet mundum? Et infra: Vniuersum mundum virtutis suæ plenitudine replet & continet.

Damasceus l. 1. cap. 3. De fide orthodoxa: Creaturæ connexio, conseruatio, & gubernatio, docet nos Deum esse, qui istud vniuersum constituit, & continet, & conseruat, & providentia sua regit. Idem docet ca. 16.

Eandem sententiam expressè docet Hieronymus contra Pelagianos, & epist. ad Ctesiphontem. quibus locis non solùm docet, ad fidem Catholicam pertinere conseruationem rerum, sed diuinam co-operationem cum omnibus rebus.

Prosper Sententia 277. ex August. lib. 4. De Genesi c. 12. Creatoris omnitenentis omnipotentia causa est subsistendi omni creaturæ: quæ virtus si ab eis quæ condidit regendis aliquando cessaret, simul omnium rerum species & natura concideret. proinde quod Dominus ait, Pater meus usque modò operatur, continuationem quamdam operis eius qua simul omnia continet & administrat, ostendit, &c.

Gregorius l. 2. Moral. ca. 12. Cælurum palmo metiens, & terram pugillo concludens, ostenditur quod ipse sit circumquaque rebus cunctis quas creauit exterior. Per sedem ergo cui præsidet, intelligitur esse interiùs supràque; per pugillum quo continet, exterius subterque signatur. Quia enim ipse manet intra omnia, ipse extra omnia; ipse supra omnia, ipse infra omnia; & superior per potentiam, & inferior per sustentationem; exterior per magnitudinem, interior per subtilitatem; sursum regens, deorsum continens; extrà circumdans, interiùs penetrans. Nec alia parte superior, alia inferior; aut alia parte exterior, atque alia manet interior, sed vnus idemque totus vbique præsidendo sustinens, sustinendo præ-

fidens, circumdando penetrans, penetrando circumdans. Hic inter cetera docet, mundum à Deo sustineri, ne in nihilum relabatur. Idem lib. 16. cap. 18. *Cuncta ex nihilo facta sunt, eorumque essentia rursus in nihilum tenderet, nisi eam auctor omnium regiminis manu sustineret.* & paulò antè: *Sunt enim hæc omnia; sed principaliter non sunt, quia in semetipsis minimè subsistunt; & nisi gubernantis manu teneantur, esse nequaquam possunt.*

Bernardus Serm. 6. in Dedicat. Ecclesiæ: *Est in omni loco, omnia vniuersaliter continens, omniâque disponens.* Idem Præfatione in Psal. *Qui habitat.* Quid enim timendum nobis, si adsit qui portat omnia? Quid est quod totam terræ molem sustinet, & vniuersus orbis cui innititur? Nam si est aliquid quod sustineat omnia, ipsum à quo sustinetur? Non inuenitur nisi virtutis verbum omnia portans. Verbo enim Domini celi firmati sunt, & Spiritu oris eius omnis virtus eorum. Et lib. 5. De Consider. Quid item Deus, sine quo nihil est; tam nihil esse sine ipso, quàm nec ipse sine se potest. Ipse sibi, ipse omnibus est. ac per hoc quodammodo solus est ipse, qui suum ipsius est, & omnium esse. vbi apertè essentialem à Deo dependentiam docet. Et infra: Quid est Deus? Ex quo omnia, per quem omnia, in quo omnia. Ex quo omnia creabiliter, non seminabiliter: per quem omnia, ne alium auctorem, alium opificem arbitreris: in quo omnia, non quasi in loco, sed quasi in virtute.

Hugo de S. Victore Tract. 1. Erudit. Theolog. Indubitanter credimus, Deum vbiq; essentialiter esse: nec sine eo potest aliquid subsistere, etiam per momentum, ex omnibus quæ fecit; quia omnia continet & penetrat, & à nullo continetur.

Idem docent omnes Scholastici, nemine excepto, etiam Durandus, vt patet in 1. d. 37. q. 1. etsi enim solus sentiat ex omnibus, Deum non concurrere in operando cum singulis rebus; tamen docet, Deum assidue conseruare res omnes per se subsistentes, & materiam primam. Idem senserunt Philosophi, præsertim Platonici, qui idcirco docuerunt, mundum semper à Deo fieri, & pendere à Deo, sicut umbra pendet à corpore, & lumen à sole, vt ostendit Marsilius Ficinus lib. 2. Theol. Platon. cap. 7. Idem videtur sentire Aristoteles lib. 1. De celo, cap. 9. sub finem, cum ait, *ab æterno & immortali æone dependere esse & vitam aliis perfectius, aliis obscurius.* in quem locum vide Scaligerum in Exercitationibus contra Cardanum versus finem.

24 Tertiò, Probatum ratione. Si mundus potest stare sine assiduo

Probatum
ratione.

R. iij

Dei influxu, & conseruatione, multa sequentur incommoda. Primò, Ipsum non habere essentialem dependentiam à Deo, sed extrinsecam & accidentariam, qualem habet opus ab artifice, & filius à patre. Quod enim essentialiter ab aliquo dependet, semper dependet, & non solum primo momento quo producit. Atqui absurdum est dicere, mundum non habere essentialem dependentiam à Deo. sic enim non repugnaret ei, habere esse, & non à Deo, ac proinde vel habere esse à se, vel ab alio principio quod non est Deus, quorum utrūque implicat. Dico mundum & res omnes habere essentialem dependentiam à Deo, non quòd hæc vel illa particularis dependentia ei sit essentialis; sed quia dependere in genere à Deo, ei essentialis est. Secundò, Mundum minus à Deo pendere, quàm intellectio aut volitio pendeat ab anima, visio ab oculo, lumen à sole. Hæc enim ita à suis causis pendent, vt assidua conseruatione opus habeant. Tertiò, Minus pendere à Deo mundum, quàm animalia & plantæ pendeant à sole: hæc enim ferè assiduo solis influxu opus habent; alioquin mox contabescere incipiunt. Imò viuientia magis à sole quàm à Deo pendebunt. Quartò, Res quæ quotidie oriuntur, non magis pendere à Deo quàm à causis suis particularibus. Quintò, Deum esse panè otiosum in mundo, & mundum non egere amplius opera ipsius: sicut domus firmiter extructa, in qua nihil potest labare, non eget amplius opera artificis. Sextò, Deum non gubernare mundum, nisi ratione primæ creationis, qua illi vires operatiuas, ex quibus hic cursus rerum ducitur, impressit. Septimò, Deum non posse Angelum, vel materiam primam, vel animam rationalem in nihilum redigere. Non enim id potest creando aliquid positium illorum naturæ ita repugnans, vt eam aboleat, quia non sunt formæ subiecto affixæ, vt per alias excludi queant: neque aliquid positium fingi potest, quod illis coëxistere nequeat: neque etiam subtractione influxus conseruantis, quia supponit illa sententia, mundum non egere causa conseruante.

25 Ex his patet, certa fide tenendum esse, res omnes creatas assidue à Deo pendere, & eius assiduo influxu egere: & hunc influxum non necessariò à Deo manare, sicut lumen à sole, vt quidam Philosophi imaginati sunt, sed omnino liberè: ac proinde ratione huius Deum summum ius habere in omnem creaturam; cum omni momento funditus ab illius arbitrio pendeat.

Potrà hæc conseruatio, vt ex prædictis testimoniis colligitur,

et si vnica sit & vnus modi, tamen quadruplici modo concipi potest. *Conservatio*
 Primò, Per modum *sustentationis*, quasi creatura Deo veluti firmis- *creatorum*
 simo fundamento & fundo sit innixa, & ipse eam internè quasi susti- *quatuor mo-*
 neat, ne in centrum sui nihili recidat. Sic Dionysius suprà Deum vo- *du concipit.*
 cat *sedem omnitenentem, fundum, fundamentum omnium.* & Grego-
 rius, *Deum esse infra omnia, & subtus creaturam sustentare.* Secundo,
 Per modum *suspensionis*. Deus enim creaturam ex abyssò nihili qua-
 si trahit sursum versus seipsum, ad esse, & ad speciem certam; & in ea
 illam quasi suspensam tenet, ne in suam abyssum, vnde educta est,
 recidat. Sic Anselmus suprà, *Portat, inquit, omnia, id est, sursum tenet*
ne decident, & in nihilum reuertantur, unde creata ab ipso fuerant. Idem
 insinuat verbum *dependere, dependentia.* Tertiò, per modum *influxus*
 & *subministrationis*. Sic D. Augustinus & Dionysius suprà vocant
 operationem, largitionem indefinentem, subministrationem *esse &*
natura. Idem significatur, cùm Deus dicitur omnium *esse*, omnium
vita. Quartò, Per modum *connexionis & constrictionis*. Sicut enim res
 fluxa, nisi assiduè constringatur & connectatur suis partibus, statim
 diffluit & dissolvitur: ita nisi Deus interiùs constringat & connectat
 particulas omnes minimas, aut totalitates rei, ipsa tota in nihilum
 soluetur. Hoc significant Patres, cum dicunt, Deum omnia conti-
 nere, & constringere: *πάντα συνέχει ὁ θεὸς φερέει.*

CAPVT IV.

*Vtrum ad conseruationem rerum sufficiat minor influxus
 Dei, quàm ad earum creationem.*

26 **V**ERVM occurrit híc quæstio Theologo digna, & paulò
 fusius nòre Scholastico discutienda; vtrum ad hanc con- *An influxus*
 seruationem sufficiat concursus quidam, seu influxus generalis; an *generalis suf-*
 verò opus sit influxu determinato, qualis necessarius est, quando res *ficiat ad con-*
 à solo Deo producit. Et ne sit in istis nominibus æquiuocatio *seruationem*
 (nam influxus vel concursus generalis interdum vocatur qui est or- *verum.*
 dinis naturalis, & concursus specialis qui est ordinis supernaturalis) *Influxus ge-*
influxum generalem híc vocamus, qui ex parte Dei est indeterminatus *neralis.*
 ad hoc vel illud genus rerum, sed solum determinatur quate-
 nus coniungitur concursui determinato causæ creatæ, & cum eo
 coalescit in vnum totalem & integrum influxum sufficientem ad

rei productionem. Sicut cum Deus ut causa vniuersalis concurrat cum igne ad productionem caloris, præbet quemdam concursum generalem, id est, ex parte sua indifferentem ad hanc vel illam speciem rerum, qui solum determinatur ad productionem caloris, quatenus coalescit cum concursu ignis, qui ex se tendit ad calorem.

*Influxus
specialis.*

Influxum specialem seu determinatum vocamus, qui ex se, & ut procedit à sua causa, est determinatus ad certam speciem, qualis est influxus ignis ad producendum calorem. Idem cernitur, cum Deus cum causis creatis, habentibus vim determinatam & in ordine suo sufficientem, concurrat ad productionem effectus, & cum animalibus & plantis ad productionem formæ substantialis & totius compositi: ipse enim præbet concursum ex se indeterminatum, causa creata determinatum.

Opinio quorundam.

27 His positis, quidam considerantes rerum quarundam soliditatem, ac permanentiam, putant ad conseruationem rerum non esse opus determinato influxu, sed sufficere concursum generalem, qualis sufficit quando Deus concurrat cum causa creata ad productionem effectus. Vnde etiam si opus sit determinato influxu Dei, quando ipse solus rem producit, non tamen opus esse tali influxu, quando se solo postea eam conseruat: sicut ut conderet mundum, & Angelos, & cætera omnia, necessarius fuit influxus determinatus: post primum tamen instans creationis talem influxum dicunt non amplius fuisse necessarium, sed loco illius suffecisse influxum generalem, qualis est is, quo Deus rebus creatis cooperatur.

Fundamentum huius sententiae.

Fundamentum huius sententiae est duplex. Primum est: Quia sicut res natura sua habent vires ad operandum, quibus possint suos effectus producere, Deo solum concursu generali & indeterminato concurrente; ita etiam putant eas habere vires ad sui conseruationem, quibus possint se intimè conseruare; Deo solum generali concursu ad conseruationem concurrente. Alterum est: Quòd facilius sit aliquid iam productum conseruare, quàm ab initio producere. Vnde etiam si ad productionem opus sit pleno & totali influxu, ad conseruationem tamen satis erit semiplenus & partialis.

Hæc sententia etsi pulchrè videatur excogitata, mihi tamen semper visa à veritate aliena, eamque breuiter refutaui lib. 3. De summo bono. 31. & sequentibus. Verùm quia ibi fundamenta non videntur aliquibus satis clarè explicata, & pauca testimonia fuere adducta, putavi rem totam hinc suo loco rursus examinandam. Vnde

Dico

Dico primò: Eadem aetione eodemque influxu quo Deus Angelos & mundum eiusque primarias partes olim produxit, modò etiam conseruat: vnde sicut ille fuit omnino determinatus, ita & iste. Probat^{ur} Primò ex Patribus quos suprà attulimus, qui docent, non minus esse, mundum continere ne in nihilum recidat, quàm illum ex nihilo primùm condere. Ita Chrysostomus Hom. 2. in Epist. ad Hebræos: *Non minus est continere mūdum, quàm fecisse: sed si oporteat aliquid admirandi dicere, adhuc amplius est: nam in faciendo, rerum quidem essentia producta sunt; in continendo verò, ea quæ facta sunt, ne ad nihilum redeant, continentur.* Eadem verba habet Commentarius Ambrosij. Dicit amplius esse mundum continere & conseruare in suo esse, quàm initio creare & dare esse. sicut amplius est, pondus aliquod continenter tenere suspensum in aëre, quàm ab initio eleuare: respicit enim ad illud Apostoli, *Portans omnia verbo virtutis sue.* Atqui si creaturæ iam conditæ possunt se ipsas tenere in suo esse, & Deus solùm præbet influxum generalem; longè minus est eas conseruare, quàm creare: nam ad sui cōseruationem ipsæ cooperantur, & Deus solùm dimidium laborem, vt ita loquar, adhibet. Ad sui creationem non possunt cooperari, sed Deus debet totum per se facere: vnde hîc non adiuuatur, ibi adiuuatur à sua creatura; & ita adiuuatur, vt non ipsi, sed creaturæ assignanda sit propria ratio durationis cuiusque; imò quòd in æternum res durare possit: sicut quando Deus concursu generali cooperatur creaturæ ad productionem effectus, quòd effectus sit huius speciei vel generis, hoc vel illo tempore aut loco fiat; causa propria & primaria huius rei est ipsum agens creatum, non Deus. Longè itaque minus erit Deum res conseruare quàm creare; sicuti longè minus, Deum suo concursu generali cum rebus concurrere ad productionem effectuum, quàm ipsos effectus creare, aut se solo producere. Longè etiam minus res pendebunt à Deo dum conseruantur quàm dum creantur; quorum vtrumque sententiæ SS. Patrum non videtur consentaneum. 29. Idem Chrysost. Hom. 3. in Epist. ad Colossenses: *Ne putes Filium esse ministrum, dicit eum omnia conseruare, quod non minus est, quàm omnia creare.* At si conseruatio solùm requirit influxum generalem & veluti dimidiatum, verum non erit, conseruare non esse minus quàm creare, vt ostensum est. Deinde non rectè probabitur contra Arrianos, Filium non esse ministrum Patris in rerum creatione. Cùm enim creatio tribuatur Patri, conseruatio Filio, dicere poterit Arrianus, id idèd fieri, quia Filius est

minister Patris in conseruando mundo ; quia ei tribuitur id quod facilius est, postquam Pater perfecit id quod difficilius. Vt hoc excluderet Chrysostomus, ait non minus esse conseruare, quàm omnia creare; ac proinde non esse ministrum, sed Patri potentiâ parem.

Conseruatio
est continua-
tio creationis.

S. Augustinus lib. 4. De Genesi ad litteram cap. 12. *Cum Dominus ait, Pater meus vsque modo operatur, continuationem quamdam operis eius qua vniuersam creaturam continet & administrat, ostendit. Si conseruatio est continuatio operis, id est operationis diuinæ, ergo non distinguitur à prima operatione, qua creatura est producta. Quòd enim opus accipiatur ab Augustino pro operatione Dei, perspicuum est ex consequentibus verbis, cum ait: Si ab hac operatione cessauerit, eas continuo perituras. ab hac, nempe qua illas condidit. & infra: Non ob aliud in illo sumus, nisi quia id operatur; & hoc est opus eius quo continet omnia. & paulò post: Si hoc opus suum rebus subtraxerit, nec viuemus, nec mouebimur, nec erimus. vbi manifestum est per opus significari operationem & influxum quo Deus primò res condidit & disposuit in suis speciebus & gradibus: quæ operatio ita debet continuari, vt si vel ad momentum cesset, omnia debeant interire. Manifestè ergo repugnat Augustino, & Scripturæ, (iuxta Augustini interpretationem) dicere, illam actionem qua res sunt conditæ, non continuari, sed solum durare ad momentum, & postea aliam lōgè minorem succedere, quæ solum iuuat eas vt seipsas in suo esse contineant.*

Creatura à
Deo tenetur
in esse, sicut
pondus in
aëre.

Anselmus in cap. 1. ad Hebræos: *Portat omnia, id est sursum tenet ne decendant, & in nihilum reuertantur, vnde creata ab ipso fuerant; & sustentat ea non labore & difficultate, sed imperio suæ potentie. vbi notandum est, conseruationem rerum explicari ex analogia ponderis quod quis sustinet in sublimi. Nemo autem dixerit, pondus quod ex se, nisi teneatur, deorsum ruit, seipsum in aëre sustinere, aut iuuare manum sustentantis, aut minori vi sustineri postquam eleuatum est, quàm sit ea vis qua ab initio subleuatum fuerit; aut facilius teneri, quàm eleuari. Alia Patrum testimonia vide supra cap. III.*

Secundò, ex
Doctoribus
Scholasticis
& Philoso-
phis.

30 Secundò, Probatur ex Doctoribus Scholasticis. S. Thomas 1. p. q. 104. art. 2. ad 4. *Conseruatio rerum à Deo non est per aliquam nouam actionem, sed per continuationem actionis qua dat esse: sicut conseruatio luminis in aëre est per continuatum influxum à sole. Atqui actio qua dat esse, est creatio, ergo conseruatio est continuatio creationis,*

Idem manifestum est exemplo quo D. Thomas & alij Theologi sæpè vtuntur, cùm dicunt, ita mundum pendere à Deo, sicut lumen à sole. Idem a. 2. ad 2. *Sicut nulli effectui præstari potest ut sit causa sui ipsius, potest tamen ei præstari ut sit causa alterius; ita etiam nulli effectui præstari potest ut sit suiipsius conseruatiuus, potest tamen ei præstari ut sit conseruatiuus alterius.* Hic apertè euertitur fundamentum alterius sententiæ, & comparatio qua illa nititur: negat enim S. Thomas, quòd sicut cùm concursu generali causa creata potest producere vel conseruare aliam, ita possit conseruare seipsam, imò negat id ei præstari posse diuinitus, sicut nec ei præstari potest ut sit causa suiipsius.

Nulli vi
præstari po-
test ut sit
conseruatiuus
sui directò.

Idem docet Caietanus in illum art. 2. q. 104. *Ea, inquit, quæ per se creantur, à solo Deo conseruantur; & in his est necessario verum, quod eadem actio est conseruationis & creationis. tales sunt substantiæ immateriales, & omnia ingenerabilia & incorruptibilia.*

Durandus in 2. dist. 1. q. 2. etsi alibi doceat non opus esse concursu generali ad actionem causarum creatarum, tamen ad conseruationem naturæ earum, docet eundem influxum Dei esse necessarium qui requiritur ad creationem. *Sicut, inquit, in diuinis semper verum est dicere, Filius gignitur, & genitus est à Patre: sic verum est dicere de creatura quamdiu existit, quòd creatur à Deo, & creata est. ut sit eadem actio creationis rerum & conseruationis earum.* Et addit ita esse sentiendum, quod iamuis non solemus sic loqui, *mundus quotidie creatur.*

Mundus
semper crea-
tur.

Idem fusè docet Gregorius Ariminensis in 1. d. 45. q. 1. a. 1. concl. 3. allatis multis testimoniis ex Anselmo & Augustino, & in. 2. d. 1. q. 6. a. 2. post multa ita concludit: *Quia igitur agens non conseruat nisi continuo producendo seu agendo suum effectum, ideo in quantum conseruat agit, & per consequens potentia conseruatina est actiua.* Nihil ergo habet potentiam conseruandi seipsum nisi per accidens. Nec obstat quòd hic Auctor cum Henrico videtur conseruationem ponere actionem distinctam à creatione, quia vult eam esse actionem determinatam & productiuam effectus. talis autem non est concursus generalis.

31. Scotus in 2. d. 1. q. 5. dicit quòd res potest dici semper creari quamdiu manet, quia semper accipit esse à Deo. & d. 2. q. 2, probat ex Augustino, quòd sicut aer respectu solis non est factus lucidus, sed fit lucidus, ita creatura respectu Dei numquam est ultimè facta, sed semper fit. vnde sic argumentatur: *Si creatura respectu Dei non est facta in esse*

ab ipso Deo, sed est quasi in fieri formaliter: ergo formaliter semper ponitur in esse à Deo: & idè sicut continuè manet, ita continuè est creatio eius à Deo. Idem in 1. d. 12. *Creatura semper in essendo æquè pendet à Deo, quia æquè ab ipso per idem velle ipsius habet idem esse. & hoc modo posset dici quòd productio personæ semper est in fieri; quia numquam ista persona habet esse, nisi accipiendo actualiter à producente. & tamen esse personæ, est maximè permanens. Hoc modo esse creaturæ licet sit permanens, tamen respectu Dei, à quo semper æquè pendet, semper est quasi in fieri, hoc est actu dependens à causa dante esse, & numquam in facto esse, hoc est in actu separato & independente à quocumque alio, &c.* Quibus locis Scotus manifestè docet, non minorem influxum requiri ad conseruationem quàm ad creationem. Denique ne singulos recenseam, eadem est doctrina reliquorum Scholasticorum: nec puto quemquam esse qui vnumquam aliter senserit, aut ea de redubitaerit. Idem docet Gabriel Vasquez in 1. p. disp. 72. n. 11. vbi dicit *continuam rerum conseruationem à Deo esse veram creationem ex nihilo.* & disp. 74. n. 17. *Conseruatio rei secundum se totam, est vera creatio & productio ex nihilo.* & n. 21. *materiam primam continuata creatione nunc conseruari ex nihilo.* atqui concursus generalis & quasi dimidiatus non est creatio ex nihilo, vt omnes fatentur. ergo, &c. Molina in 1. p. q. 10. a 5. disp. 1. *Per influxum eundem indiuisibilis actionis qua primò contulit Angelo esse, eum conseruat, & confert illud idem esse toto decursu temporis, quòd primò illi contulit; idque eo ipso; quòd ab indiuisibili actione, qua primò cæpit illi conferre esse, non desistat.* Et infrà, quòd Angelus duret potius in hac parte temporis quàm in illa, & duret continuò & in æternum, non refert in vim conseruatiuam quæ sit in Angelo, sed in actionem diuinam, qua primò instanti Angelus accipit totum suum esse, & conseruatur in æternum. Denique hanc sententiam fusè docet Suarez in Metaphysica disp. 21. tota. vbi in primis ostendit, conseruationem in iis quæ à solo Deo conseruantur, non distingui à creatione nisi ratione: esse enim eandem actionem quæ dicitur creatio in primo instanti quo rei tribuit esse; conseruatio verò quatenus toto tempore reliquo continuatur, idem esse conferens. Deinde ostendit, non sufficere concursum generalem ad conseruandam rem productam à causa creata, sed opus esse potentiore influxu, quo suppleatur influxus quem causa creata in primo instanti dedit.

3. Probatur
rationibus.

32 Tertiò, Eadem sententia probatur ratione. Primò, Hæc sententia supponit, res omnes creatas quæ à causis creatis non pendent in

sui conseruatione, habere vim seipsas conseruandi maiorem vel minorem cum solo concursu generali : quod fundamentum non esse verum, vel ex eo conici potest, quòd nullus Doctorum talem vim rebus tribuat, nec quisquam mentionem eius, faciat. Etsi enim fateatur, quasdam res posse cum concursu generali conseruare alias : negant tamen omnes, aliquam rem hoc modo posse conseruare seipsam ; nempe, directè suum esse continendo ; sed solùm concedunt, eas indirectè & quasi per accidens se posse conseruare. Ita docet S. Thomas 1. p. q. 104. a. 2. adhibita hac distinctione, quam cæteri approbant. Vbi notandum, dupliciter posse aliquid conseruari : Primò directè, attingendo ipsum esse seu naturam rei ; quo modo sol conseruat lumen in aëre, Secundo, indirectè, & ex consequenti, sic aquæ gutta se conseruat ne statim diffuat colligendo se in globulos : & aqua intendit suum frigus circumstante calore, & omnia viuientia augent suum calorem tempore hiberno, & anima in animantibus conseruat calorem, & consequenter seipsam, cùm calor sit necessarius ad vitam, & omnia viuientia conseruant se, alimentum attrahendo, coquendo, & sibi vniendo, vt instaurent quod diffuxit. Nunc quæro, de vtro modo conseruationis loquantur, quando dicunt res creatas habere vim se conseruandi cum solo influxu generali. Si loquantur de priore, hunc omnes Doctores negant, & dicunt, sicut impossibile est vt aliquid suum esse primò producat, ita etiam impossibile esse, vt illud directè conseruet : nihil enim eo modo cōseruari, nisi ab ea causa, à qua assiduè pēdet esse rei. Si loquantur de posteriore, non benè cohæret sibi hæc sententia. Primo, Quia ponit vim quamdam conseruandi sui in rebus, quæ suppleat influxum determinatum causæ producentis, ita vt sufficiat cum influxu generali ad plenam & totalem rei conseruationem. ergo debet directè influere in ipsum esse rei, sicut causa determinata influebat in esse rei : alioquin non poterit dici supplere eius defectum, aut sufficere cū influxu vniuersali. 33 Confirmatur ; quia nisi influeret directè, non rectè adiungeretur causæ vniuersali, quæ directè influit ad rei conseruationem. Sicut enim cū creatura dicitur habere vim productiuam effectus cū solo concursu generali, intelligitur posse directè influere (influxu quasi partiali) in entitatem effectus, sic vt cum causâ vniuersali constituat vnâ integram causam præbentem influxum effectui adæquatum : ita cū dicitur habere vim conseruandi sui cum concursu vniuersali, intelligendū erit ipsam posse coo-

Nullus Doctorum hanc vim agnoscit, quæ quid se directè conseruet

Duplex modus se conseruandi, directè & indirectè.

perari intimè causæ vniuersali ad sui conseruationem; ita vt simul cum ipsa vnâ integram causam conseruantem constituat, quæ influxum adæquatum conseruationi totius rei præbeat: alioquin perit vis comparationis, quia res verè non concurreret ad sui conseruationem, sed solus generalis influxus totum faciet; vnde frustra dicitur, quòd res habeat vim se conseruandi cum influxu generali.

*Conseruatio
indirecta fit
per veram
actionem*

Secundò, Quia conseruatio sui indirecta fit per veram actionem qua res producit in se aliquem modum vel formam accidentariam, qua resistat causis corrumpentibus, vt patet exemplis suprà allatis, cum res se colligunt in vnum, vel intendunt suum calorem aut frigus, aut conseruant calorem per animam, aut alimentis se instaurant, &c. atqui illa conseruatio quam ipsi ponunt, non fit per actionem propriè, vt ipsi dicunt, ne cogantur fateri rem producere suam esse, seu effectiuè in illud influere. quæ in re rursus non videntur consequenter loqui: vt enim explicent quo modo res se conseruet absque actione, adferunt exemplum rupis se ipsam conseruantis in suo loco ne possit depelli, & hominis erecti se firmantis in suo statu & loco. Rupes enim vel saxum non conseruat se in suo loco nisi vera actione qua se inclinat deorsum. Similiter homo conseruat se erectum vi animæ, mediantibus spiritibus, & sic etiam firmat se in suo vestigio. Itaque exempla illa potius contrarium ostendunt; nempe, conseruationem fieri vera actione.

In rebus natura sua incorruptibilibus nulla est vim se conseruandi indirecta.

34 Terriò, Quia vis se conseruandi in hac sententia maximè tribuitur rebus simplicibus, vt Angelis, cælis, materiæ primæ. atqui in his nulla est vis se conseruandi indirectè; quia hæc solùm tributa rebus obnoxiiis corruptioni. Ergo non possunt dicere, se per vim conseruandi intelligere eam qua res se indirectè conseruat; ac proinde rursus debent relabi ad vim directæ conseruationis, qualem nemo Doctorem agnouit in rebus creatis respectu sui esse: quia videtur omnino impossibilis, & implicare contradictionem; sicut implicat vt aliquid sibi tribuat esse, aut à seipso positiuam dependentiam habeat. Confirmatur: Quia conseruare dicit aliquam causalitatem, vt communiter Doctores asserunt. ergo vel effectiuam, vel materialem, vel formalem. Atqui res non possunt habere vim se conseruandi effectiuè, vt ostensum est, nisi indirectè. Neque etiam per modum subiecti vel materiæ, cum nulla res sibi sit subiectum vel materia. quod maximè liquet in spiriti-

bus, in quibus nulla materia. Neque etiam per modum formæ, quia nihil sibi est forma.

35 Dices, Hæc vis se conseruandi nihil est aliud quàm dispositio rei, quatenus non admittit corruptentia; sicut in ferro, durities & materia constipatio conseruat ferrum, ne faciliè incalescat. Verùm hæc nō est vis se conseruandi, nisi indirectè, nempe resistendo, vel difficulter admittendo impressiones corruptiuas ab extrinseco. Vnde non reperitur nisi in iis quæ ab aliis causis creatis corrumpi possunt; neque supplere potest defectum intimæ & directæ conseruationis; sed solum iuuat vt res non tam citò corrumpatur à causis contrariis. Quare in rebus illis quæ nullo modo à causis creatis perimi possunt, vt in materia prima, in cælestibus corporibus, in spiritibus, & in anima rationali, talis vis se conseruandi non reperitur: frustra enim ponerentur præsidia resistendi in arce inexpugnabili.

Dices: Frustrà quidem in istis poneretur vis conseruandi se contra alias res creatas, cum nullius impressionis corruptiuæ sint capaces: non tamen contra pondus quo ex se, influxu diuino subtrahitur, tendunt in suum nihil; & contra diuini influxus subtractionem. Vnde habent vim se tenendi in suo esse, influxu diuino media ex parte subtrahitur. Verùm satis ostensum est, talem vim esse impossibilem: nihil enim potest se tenere in suo esse directè, sed solum indirectè, vt suprà declaratum est: qui modus se tenendi non habet locum in rebus incorruptibilibus. Deinde, cum pondus ad non esse, nihil sit aliud, quàm rem ex se non habere esse, sed essentialiter pendere ab alio; hoc ipso quo subtrahitur influxus tribuens illud esse, necessariò in suum nihilum relabitur, quantumuis alioquin sit incorruptibile & eximium.

Nulla est vis se conseruandi contra diuini influxus subtractionem.

36 Secunda ratio principalis sumi potest ex concursu generali: hic enim concursus talis est, vt per eum solum impossibile sit aliquid produci, tum quia ex se ad hanc vel illam speciem est indeterminatus, vnde debet determinari à concursu causæ particularis; tum quia etiam si fingatur à quibusdam determinatus, tamen per se est quasi immediatus; ergo etiam per illum solum non potest aliquid conseruari. Consequentia probatur; Quia concursus talis, cum ex se sit indeterminatus, non magis tendit ad conseruationem huius rei, quàm alterius, sicut non magis tendit ad productionem huius rei quàm alterius; vnde planè per accidens esset huic rei per talem concursum conseruari. Neque dici potest, hunc concursum

Per concursum indet. & indeterminatum nihil potest produci.

generalem determinari per concursum particularem, quem ipsa res per se præbet ad sui conseruationem, quia talis concursus & cooperatio nunc refutata est. manet itaque iste concursus indeterminatus ad huius rei conseruationem.

37 Dices : Determinatur ab ipsa re, quia illi identificatur. Contrà, Numquam concursus vel influxus causæ determinatur à suo termino, cum sit prior natura vel ratione quàm terminus. vnde ipse terminus ab influxu causæ determinationem accipit: ideò enim terminus productus talis est, quia causa tali modo seu tali influxu in illū influuit. Sicut enim causa non determinatur ab effectu, sed contrà: ita etiam actio & productio, qua causa producit vel conseruat, non determinatur ab effectu, quia hic natura posterior est; sed effectui determinationem tribuit. Confirmatur Primò; Quia iste concursus generalis non magis identificatur rei quando illa conseruatur, quàm cum producitur concurrente causa creata: atqui cum producitur concurrente causa creata, concursus generalis non identificatur illi adæquatè, sed solum inadæquatè, sicut gradus entis vel substantiæ identificatur speciei infimæ: vel sicut concursus potentiæ intellectiue identificatur visioni beatificæ: quæ identitas non sufficit vt ille concursus dicatur determinatus ad conseruationem talis rei. sicut enim gradus entis vel substantiæ secundum se non est satis determinatus ad constitutionem hominis, nisi adiungatur illi gradus inferior, qui ex se sit determinatus ad speciem humanam: ita etiam concursus ex se indeterminatus non sufficit ad rei determinatæ conseruationem, nisi adiungatur illi concursus ex se determinatus. Quod etiam patet exemplo concursus intellectus in visione beatifica: cessante enim influxu luminis gloriæ, non potest visio beata conseruari ab influxu intellectus. Confirmatur Secundo: Quia alioquin res non egebit adæquato influxu ad sui conseruationem, sed solum inadæquato, nempe secundum rationem entis; non autem secundum rationem talis entis, verbi gratia, leonis: ac proinde res creata, quatenus sunt huius vel illius speciei, non egebunt propria conseruatione; quod videtur absurdum. cur enim magis egeant propria conseruatione secundum gradum genericum, quàm secundum gradum specificum? vel si secundum specificum non egent propria conseruatione, cur secundum gradum genericum egent? Si ita sunt solidæ vt non egeant influxu Dei determinato, cur egent indeterminato?

Con-

38 Confirmatur Tertiò ; Conseruatio Dei, qua per se conseruat res creatas, est vera actio, vt omnes Doctores fateantur : omnis autem actio habet aliquem terminum intrinsecum sibi adequatum. Nunc peto quis sit terminus intrinsecus adequatus huius actionis : nō enim ipsa res tota secundum suam speciem dici potest terminus adequatus huius actionis ; quia hæc adequatur non influxui generali, qui est veluti partialis ; sed toti influxui, qui coalescit ex generali & speciali, per quem adequatè producitur. ac proinde manifestum est eam non esse terminum adequatum concursus generalis per se sumpti. Imò ex terminis perspicuum videtur, rem particularem, quā talis est, non posse esse terminum intrinsecum adequatum concursus indeterminati. Terminus ergo adequatus concursus generalis erit aliqua ratio generalis reperta in re, vt ratio entis vel substantiæ quæ per se primò tali concursui respondeat : nihil enim aliud fingi potest. Quo posito, manifestè sequitur, res, quatenus sunt inter se distinctæ secundum suas proprias species, non egere concursu conseruatio Dei, sed solum secundum rationem communē entis in qua conueniunt ; quod absurdum est. Sic enim distinctio rerum non penderet à Deo post primum instans creationis nisi per accidens, vt supra ostensum. Deinde implicat contradictionem, dari aliquam actionem singularem, cuius terminus adequatus intrinsecus non sit aliquid determinatum. Vnde etiam implicat, dari aliquam actionem totalem, quæ pro termino intrinseco adequato habeat rationem aliquam indeterminatam ; verbi gratia, rationem entis, & non talis entis : rationem animalis, & non talis speciei animalis. Vnde vlteriùs implicat, dari concursum seu influxum generalem sine speciali. quod etiam expressè docet Molina in Concordia q. 14. a. 1. disput. 31. §. *Ad primum ergo.*

Ex his duabus rationibus perspicuum videtur, hanc sententiam duplicem vel triplicem inuoluere implicantiam. Primò, Quatenus tribuit rebus vim seipsas directè conseruandi. Secundò, Quatenus ponit, concursum generalem posse existere sine concursu speciali à quo determinatur ad hanc speciem rei. Tertiò, Quatenus statuit res posse conseruari in sua distinctione & determinata natura per influxum secundum se indeterminatum.

39 Tertia ratio principalis lūmi potest ex aliis rebus, quæ assidue à causis creatis dependent ; vt sunt, lumen, & obiectorum imagines in aëre, & actus vitales. Ac primū S. Thomas & passim Doctores tradunt, totum vniuersum, ita pendere à Deo, sicut lumen aëris

T

Actioni in terminata non potest esse terminus determinatus.

Inuoluit contradictionem duplicem vel triplicem.

pendet à sole : neque melior comparatio in rebus inueniri potest. Et si enim mundus videatur res solida quæ per se stare possit , tamen respectu Dei non plus habet firmitatis , quàm lumen & imagines obiectorum, vt supra ostensum. atqui lumen ita pendet à sole , vt semper opus sit æque potenti ac determinato influxu ; adeò vt non possit minore influxu conseruari quàm primò productum sit. ergo pari modo nec mundus minore influxu Dei conseruari poterit , quàm sit is quo primò creatus est. Confirmatur ; Quia sicut lumen nihil est aliud quàm aërem assiduè illuminari ; ita res creata nihil est aliud, quàm assidua creatio & productio in facto esse , vt ostensum est. Vnde rectè Scotus in 2. d. 2. q. 2. ait , *quamlibet essentiam creatam nihil esse aliud, quàm dependentiam sui à Deo.* omnis enim actio seu productio identificatur suo termino intrinseco, cum nihil sit aliud, quàm ipsa res considerata vt est in fieri , seu vt emanat à sua causa efficiente : & ipsa res nihil est aliud, quàm productio considerata in facto esse. vnde falluntur qui imaginantur creaturam esse quid solidum realiter ab influxu Dei distinctum, quod permanere possit , Dei influxu in totum vel ex parte subtrahito. Non sic concipienda est respectu Dei , sed vt terminus intrinsecus actionis diuinæ : sicut lumen est terminus intrinsecus actionis solis. Impossibile autem est, quando res non solum in fieri , sed etiam in conseruari à sua causa pendet , terminum intrinsecum actionis permanere , ipsa actione in totum vel ex parte subtrahita.

40 Denique, vt alias rationes omittam , per se parum probabile videtur, Deum statim post primum instans creationis minuere suum influxum , & dare solum dimidium, vel alium longè minorem quàm antè. Cur enim non poterit idem dici de sole , quando conseruat lumen productum ; & de obiectis , quando in aëre diffundunt species seu imagines suas ; & de potentiis , quando producant actus vitales ? nimirum hæc omnia post primum instans quo produxerunt suos effectus, minorem influxum præbere quo illos conseruent ; quia facilius est productum conseruare , quàm primò producere. Hoc si de his absurdè diceretur , quomodo non absurdum est id asserere de dependentia creaturarum rerum à Deo ? Deinde , posita illa sententia , quid fieret si Deus continuaret ipsam actionem creatiuam ? quis esset effectus huius continuationis ? Si enim conseruatio fit per solum influxum generalem , quid fiet si Deus continuet influxum specialem ? an fortè non potest continuare ? quis hoc dicat ? an idem sæpius creabitur ? Denique , nihil videtur

posse conuenienter dici, nisi rem per talem continuationem influxus conseruari in eodem esse quod ab initio accepit, sicut videmus fieri in lumine.

41. Dico Secundò: Quod attinet ad ea quæ non à solo Deo, sed si- *Producta à*
mulcum causa creata intimè in rei entitatem influente producuntur, *causa secun-*
ea si manent cessante influxu causæ creatæ, à solo Deo conseruan- *da, si manent*
tur determinato & integro influxu, qualis necessarius fuisset, si ipse *illa cessante*
solus illam produxisset. Hæc propositio ijsdem rationibus probatur *conseruantur*
quibus præcedens: non enim minùs res illæ egent determinato in- *à solo Deo in-*
fluxu Dei ad sui conseruationem quando productæ sunt à causa crea- *fluxu deter-*
ta, quàm quando à solo Deo, vt per se manifestum est: atqui cùm à *minato.*

solo productæ sunt, egent influxu determinato ad sui conseruationē, nec vlllo modo sufficit influxus generalis, vt ostensum est: ergo etiam egent influxu determinato quādo productæ sunt à causis creatis, nec vlllo modo sufficit influxus generalis. Confirmatur; Quia res dū producuntur egent influxu pleno, determinato, & adæquato; ergo etiam dum conseruantur. Ergo simulatque cessat influxus determinatus causæ creatæ, necesse est illum à Deo suppleri alio influxu determinato, quo res in sua natura determinata conseruetur. nulla enim res seipsam directè conseruare potest, sicut nec seipsam producere, vt satis antè demonstratum est.

42. Contra hanc sententiam obiiciuntur aliqua argumenta. Primò, *Obiectiones*
Quòd per illam videatur euerti tota Philosophia. Si enim ex eo *partis aduer-*
quòd videmus res aliquas, cessante causa secunda, statim perire, vt *sa.*
lumen & actus vitales; alias non statim, sed sensim perire, vt calo- *1. Obiectio.*
rem & frigus; alias diu, alias semper permanere: si, inquam, non possumus hinc colligere, res illas quæ manent habere vim intrinsecam se conseruandi maiorem vel minorem pro cuiusque conditione; quæ autem statim pereunt, non habere vim vllam; sed idèd illæ permanent, quòd Deus illas proprio influxu conseruet; hæc non permanent, quòd Deus eas, cessante causa secunda, non conseruet: sequitur, nulla experientia effectuum posse colligi vim & conditionem causæ creatæ; verbi gratia, ignem esse calidum, & habere vim calefaciendi intrinsecam, aquam frigidam, ceram mollem, ferrum durum: poterimus enim dicere, non ignem vrere vi intrinseca, sed Deum ad præsentiam ignis, non ad præsentiam aquæ: ceram recipere impressionem, non quia in se molli-
lis, sed quia Deus concurrit, ferrum non recipere, non quia in

se habet duritiem, sed quia Deus non concurrat.

Respondeo, nullo modo id sequi: sicut è contrario non sequitur, Ex effectibus causarum secundarum colligimus eas habere vires intrinsecas ad eos producendos, ergo ex earum duratione qua durant, cessante causa illarum secunda, colligimus eas habere vires intrinsecas ad se directè conseruandas. Nullus vmquam Philosophorum vel Theologorum talem collectionem fecit: nullam enim speciem probabilitatis habet hæc collectio: Ex eo quòd sol illuminat aërem, rectè colligimus, illum habere vim intrinsecam illuminandi, & non solum Deum esse causam luminis ad præsentiam solis: ergo ex eo quòd sol permanet post sui creationem, oportet colligere, solem habere vim intrinsecam se conseruandi, & non solum Deum illum cōseruare. Item, Si solus Deus est causa conseruationis solis, ita vt sol non sit causa conseruationis sui, nec ad eam concurrat, ergo necessariò fatendum est quòd similiter solus Deus sit causa illuminationis ad præsentiam solis, & sol non habeat intrinsecam vim illuminandi. Idem modus argumentandi applicari potest igni, aquæ, calori, frigori, & omnibus causis creatis. hoc argumento maximè nititur sententia aduersa. Optimè colligimus ex effectis vires intrinsecas rebus, & conditionem earum natiuam & intrinsecam: quia vel sensu eas vires percipimus, vel apertis indiciis quæ sub sensum cadunt deprehendimus. dicere autem, sensus nostros in omnibus falli, est tollere omnem veram notitiam ab homine, & totam rerum naturam facere merum præstigium, in quo nihil, quod videtur inesse, re vera inest. His accedit, omnibus notum esse, nihil repugnare quin aliquid possit agere in aliud, & effectum à se distinctum producere. Vnde nulla subest ratio negandi vires intrinsecas, & veram causalitatem rerum creatarum. Ex rerum autem maiore vel minore permanentia, nemo collegit vmquam, rem vllam habere vim aliquam directè se conseruandi; quia nullo sensu vim illam deprehendere, nec vllis indiciis illam colligere possumus. Nam sicut nulla res potest habere vim qua cooperetur ad sui productionem, ita neque potest habere vim qua cooperetur ad sui conseruationem, nisi indirectè, vt suprà ostensum. Porro comparatio qua nititur hoc argumentum, requirit veram vim se conseruandi effectiuè intimo influxu in suum esse, vt suprà ostensum est; hæc enim sola potest concurrere cum concursu generali, & supplere vicem causæ creatæ cessantis:

43. Obiicitur secundò, Si res ipsæ non habent vires intrinsecas qui-

Ex perma-
nentiarum
non possumus
colligere, eas
habere vires
ad se conser-
uandam.

bus se conseruent in esse, tota duratio rerum erit referenda in solam voluntatem diuinam, non in rerum natiuam conditionem: nec poterit alia ratio reddi, cur lumen subtracta causa secunda statim pereat, calor non statim pereat, nisi quia Deus vult conseruare calorem, non lumen. Idem dicendum erit de anima hominis & bruti.

Respondeo, nullo modo id sequi: quia etsi in ipsis rebus nulla sit vis qua se ipsas conseruent, tamen inest ipsis aliqua ratio cur postulent conseruari à Deo breuius, vel longius, vel etiam semper. & ita non est recurrendum ad meram Dei voluntatem. Quæcumque enim talis sunt naturæ, vt etiam si pendeant à causa creata in fieri, non tamen pendent ab ea in conseruari; ea natura sua postulant conseruari à Deo, vt sunt omnes formæ tum substantiales, tum accidentariæ, quæ permanent cessante influxu causæ secundæ; alioquin frustra fierent in mundo; nam statim deberent perire. Quæ verò natura sua pendent non solum in fieri, sed etiam in conseruari à sua causa effeetrice; ea non postulant conseruari cessante causa illa. Has duas regulas tradit Suarez in Metaphys. disp. 21. Itaque Deus conseruat calorem, non lumen; quia natiua conditio caloris postulat, vt possit durare amota causa propria; luminis autem conditio id non postulat. Cuius ratio est, quia calor est solida qualitas eiusdem rationis in agente & in passio; lumen solum est imago alterius qualitatis, nempe lucis præsentis, sicut & species obiectorum. Vnde semper pendet à præsentia suæ causæ, sicut species quibus aer pingitur, à præsentia colorum. Simili modo actus vitales cum natura sua postulent procedere continuò à suo principio, & in illo recipi; non postulant conseruari illo cessante, sed statim pereunt. Hinc patet cur sit miraculum, si Deus per se conseruet lumen solis in aëre absente sole; non autem sit miraculum, quod conseruet calorem ab eodem sole in aëre productum. Vide S. Thomam 1. p. q. 104. a. 1.

Dices, Si Deus conseruat calorem influxu determinato, subducta causa producente; ergo calor debet semper durare: si enim causa producat, nempe ignis, semper adesset, semper illum conseruaret. Ergo cum Deus vicem illius in conseruando subeat, debet semper conseruare.

44 Respondeo, concedendo totum, nisi aliqua causa interueniat, quæ postulet eum non conseruari. Quod enim Deus semel conseruat, semper conseruat, nec vnumquam illi suum influxum subtrahit,

Inest rebus ratio cur postulent conseruari à Deo

Quidquid Deus semel conseruat, semper conseruat, nisi alia causa aliud postulet.

*Cur anima
rationalis est
immortalis,
non brutorū.*

nisi aliqua alia causa creata id postulet. Vnde non conseruat res quā-
tum potest, sicut ignis & sol; sed quantum conditio rerum postulat vt
fiat actio & passio. Hinc fit vt calori sensim subtrahat suum influxū
vi interna subiecti, vel externa causa frigus producente. Sicut enim
ex parte causæ efficientis requiritur cōcursus Dei vt possint res crea-
ta agere; ita ex parte patientis requiritur vt subtrahat influxum suum
qualitati inexistenti, vt contraria qualitas possit imprimi. quam sen-
tentiam probauimus lib. 3. De summo bono, n. 43. & eam etiam a-
pertè indicat Ludouicus Torres in 2. 2. disp. 72. col. 906. Quod ad
animam bruti & hominis attinet, ideò illa separata non hæc perit;
quia illius esse pendet à corpore & corporis dispositionibus, cū nul-
lam operationem nisi corporalem habeat; vnde non postulat con-
seruari, sed vniuersali lege debet perire, & influxus conseruatiuus ei
subtrahi. (Hinc tamen nulla specie rationis sequitur, quòd ipsa res
postulet sui interitum, vel subtractionem influxus conseruatiui.)
Huius verò esse non pendet à corpore, cū habeat functionem spi-
ritalem, vtpote res spiritalis per se subsistens non immersa corpori,
nec à corpore pendens; ac proinde incorruptibilis. Id insinuant Pa-
tres, cū dicūt animam esse immortalem, quia est imago Dei. hoc e-
nim ei conuenit ratione intellectus & voluntatis. Denique omnis
natura simplex per se subsistens naturaliter est incorruptibilis, siue sit
corporea, siue incorporea. Cū enim sit simplex, non potest dissol-
ui per impressionem qualitatis corruptiuæ, sicut corpora mixta com-
posita ex materia & forma. Et cū per se subsistat, non potest pen-
dere à realiqua corruptibili. Sic materia prima & elementa (si hæc
ipsa, vt quidam volunt, sunt prima mixtorum materia) & cæli, item
Angeli & animæ rationales sunt incorruptibiles, & postulant perpe-
tuam conseruationem.

45 Obiicitur Tertiò: Cuique rei inest naturalis appetitus ad sui con-
seruationem, & ad resistendum contrariis, vt passim Philosophi do-
cent. atqui omnis appetitus sequitur aliquam potentiam circa rem
quam appetit; ergo appetitus se conseruandi supponit potentiam se
conseruandi.

Respondco, Maiorem & Minorem esse falsam. Maior quidem,
quia etsi omnibus rebus, præsertim substantiis, insit appetitus con-
seruandi se in suo statu naturali, ac proinde habeant ad hæc ali-
quam potentiam actiuam, vel quasi actiuam, sicut est vis resistendi:
non tamen omnibus inest appetitus se conseruandi in suo esse seu

entitate actuali (hæc enim duo multum differunt) neque resistendi contrariis, cum multæ contrario careant, ut Angeli, cæli, materia; unde nec potentiam ad hæc habent. Etsi enim ista habeant appetitum ut semper sint, non tamen ut se conseruent in esse; sed ut conseruentur à causa, à qua dependent, nempe à Deo, quam non possunt villo modo directè vel indirectè iuuare, sicut res corruptibiles, quæ saltem indirectè iuant ad sui conseruationem. Hinc patet etiam, Minorem falsam esse, appetitus enim qui est in rebus incorruptibilibus ut semper sint, non sequitur potentiam conseruandi quæ in ipsis sit, sed eam quæ est in Deo, à cuius influxu pendent assidue: qui influxus lege naturæ est perpetuus & necessarius, eò quòd ista neque contrarium habeant, neque ab villo contrarium habente pendeant.

*In Ang:lis
& cæli non
est appetitus
ut se conser-
uent in esse, sed
ut conserua-
tur à sua
causa.*

46 Obiicitur Quartò: Facilius est aliquid conseruare, quàm producere: atqui hoc non potest aliunde prouenire, quàm quòd res producta seipsam ex parte conseruet, & causæ producenti dimidium laborem relinquat. ergo, &c.

Respondeo: Si loquamur de conseruatione directà per internum influxum, Antecedens est manifestè falsum, ut patet in productione luminis, & omnium eorum quæ per se non solum in fieri, sed etiam in conseruari à sua causa productiua pendent, ut sunt omnes res creatæ quæ à solo Deo conseruantur: hæc enim pendent à Deo multò magis, quàm lumen à sole. Vnde non est facilius eas conseruare in esse, quàm primùm producere, ut apertè docent sancti Patres. Si verò loquamur de conseruatione indirecta, quæ fit amouendo corruptentia, vel applicando iuuantia; sic facilius est conseruare quàm producere: facile enim homo equum vel ouem conseruat, quæ tamen nullo modo ipse potest producere. Sed talis modus conseruandi nihil ad rem facit, neque potest supplere defectum influxus interni causæ à qua essentialiter secundum suam speciem & naturam indiuiduam pendent.

*Non est faci-
lius aliquid
conseruare
directè, quàm
producere.*

47 Obiicitur Quintò: Si Deus influxu determinato res conseruat: cessante causa secunda, ergo etiam in anima conseruat hoc modo habitus vitiorum, etiam odij in Deum; quod videtur absurdum: quia per se non posset istos habitus producere, ergo nec per se conseruare.

Respondeo, concedendo quod infertur. Neque id magis est absurdum, quàm quòd concurrat ad actus ipsos peccatorum concursu generali: sicut enim ad munus auctoris naturæ pertinet co-

Conseruatio
habituum
primorum
pertinet ad
munus Au-
seru nature

operari suo influxu etiam ad actus peccatorum vt homini constet plena libertas ; ita ad eiusdem munus pertinet cōseruare effectus productos, etiam noxios, quando illi à sua causa propria conseruari effectiue non pendent. Neque id absurdum videri debet, quia isti habitus sunt reales qualitates naturaliter productæ ab actibus, non quatenus actus sunt peccata ; (sic enim solùm producunt quid morale remanēs in anima, quod vocamus peccatum, vel culpam habitualem :) sed quatenus sunt actus vitales animæ, & verè qualitates vitales. Nec obstat, quòd non deceat Deum tales habitus per se in anima producere ; quia illorum conditio naturalis postulat produci ab actibus : nec vlla est ratio, cur Deus illos per se producat, cùm naturæ rationali sint noxij, & ad malum illam inclinent. posset tamen producere, si potentiam spectemus. Subest tamen iusta ratio, cur deceat ipsum per se conseruare habitum prauum ab actibus malis productum : quod etiam fateri debent illi, qui ad hanc conseruationem non requirunt influxum determinatum, sed solùm generalem.

48 Ex his perspicuum videtur Primò, secundùm veram Philosophiam & Theologiam tenendum esse, mundum non minore influxu à Deo conseruari in esse, quàm quo primùm conditus est, sed prorsus eodem. Secundò, res eas quæ à causis secundis productæ ab illis non conseruantur effectiue, à solo Deo conseruari influxu determinato & adæquato adeò potenti, vt Deus per illum rem produceret, si ea non existeret. Tertiò, nullam rem quæ à solo Deo effectiue conseruatur, posse perire, nisi ipso liberè influxum suum subtrahente : quod lege ordinaria numquam facit, nisi res contrarium habeat, vel pendeat ab eo quod contrarium habet. Quartò, nullam rem habere vim se conseruandi directè, ita vt ratione istius conseruationis non egeat determinato influxu Dei hoc enim implicat contradictionem.

CAPVT V.

*De reliquis duobus titulis, Redemptione, &
Vltimo fine.*

49 **E**XPLICATIS duobus titulis primis dominij diuini, Creatione & Cōseruatione, sequitur vt aliquid dicamus de duobus reliquis. Tertius itaque titulus sit *Redemptio*. Hic ad homines particula-

culariter pertinet. Per peccatum genus humanum in triplicem con- Triplex ser-
uitus per
peccatum
contracta.

Servitus pec-
cati.
iectum est seruitutem; *peccati, diaboli, & mortis*. Hæ seruitutes sunt cō-
nexæ, & alia ex alia pendet; secunda & tertia ex prima. Incurrit homo
seruitutem *peccati* duplici ratione. Primò, Quia transeunte actu, ma-
net culpa, cuius vinculis plusquam adamantinis nulla creatura illum
soluere poterat; vnde necessariò manebat æterna seruitute peccati
oppressus. Secundò, Quia sublata per peccatum gratia, soluta est, vi-
resque resumpsit concupiscentia, (quæ & ipsa peccatum dicitur, eò
quòd ex peccato orta sit, & ad peccatum sollicitet, vt Conciliū Tri-
dentinum sess. 5. ait) cui homo absque gratia resistere non potest.
itaque illa dominari incepit, totumque hominem sibi seruire fecit, in-
dignissima quæque imperans, & cælestem Dei imaginem in luto &
sordibus occupans. Et quamuis ita indignè hominem tractet, tamen
homo, quæ eius est amentia, summo studio ei obedit.

50 Diaboli verò seruitutem contrahit Primò, Quia diabolus est pri- Servitus
diaboli.
marius in regno peccati minister. etsi enim & ipse sit seruus pecca-
ti, tamen cæteris peccati mancipiis est præpositus; tum ob naturæ
præstantiam, tum quia omne eius studium in amplificando peccati
regno occupatur. Secundò, Quia hominem vicit, & sibi subiectum
reddidit: à quo autem quis superatus est, huius & seruus est, vt B. Petrus
ait. Vnde vocatur *Princeps huius mundi, & Rex super omnes filios super-* 2. Epist. 1.
bia. 1. Ioan 5.
bia. Et totus mundus dicitur *in maligno positus*, id est in diaboli pote-
state & seruitute.

51 Seruitutem *mortis* incurrit ratione peccati; sicut inter homines Servitus
mortis.
damnatur quis ad seruitutem pœnæ propter crimen, vt cùm addi-
citur perpetuò metallis aut triremibus. & tales dicuntur in Iure
serui pœnæ. Sic homo quia peccato consensit, non solum seruitu-
ti peccati & concupiscentiæ subditus fuit, sed etiam seruituti mor-
tis, vt mors ei perpetuò dominetur. Mortem intelligo perfectam
& absolutam, à qua nullus ampliùs ad lucem vitæ est reditus, &
quæ in sempiterno luctu detinet. Nam brevis illa iustorum, ex qua
in vitam æternam sunt excitandi, dormitio potius & somnus quàm
mors est dicenda. Hi sunt ergo, quorum seruituti homo per pecca-
tum subiectus erat; *peccatum, diabolus, mors*. Verùm quàm tetri
sunt isti domini? quàm crudeles & diri tyranni? quàm ignominio-
sa ista seruitus? Nihil enim peccato fœdus, vilius, indignius; nihil
diabolo crudelius, nihil morte acerbius. Quantò satius & tolerabi-
lius foret, Turcis & anthropophagis, in infimis & despiciatissimis

ministeriis seruire. Nullum enim humanum ministerium est adeò execrabile, vt cum peccati obsequio conferri possit: nulla immanitas barbarorum tanta, quam diaboli crudelitas infinitis partibus non superet: nulla calamitas huius vitæ cum mortis æternæ afflictione comparari potest. Accedit quòd hæc seruitus non erat temporalis, sed sempiterna. nulla enim creatura nos liberare poterat. Nemo in cælo aut in terra inuentus est, qui iugum nobis impositum tollere valeret: solo Filij Dei Sanguine solui poterat. Sed quis tale remedium non dico separare, sed vel suspicari potuisset? Cùm igitur nihil spei superesse videretur, Deus nefandam sortem nostram miseratus, carne humana sese induit, mundumque ingressus, cum tribus illis tyrannis singulari certamine pugnavit, eisque suo Sanguine suaque morte superatis, hominem è seruitute illa acerbissima ereptum, sibi seruum fecit. Nihil ferè aliud tota insinuat Scriptura, quæ etiam sæpè de tribus illis, tamquam de tyrannis & dominis à Christo victis loquitur. De diabolo habemus Ioan. 12. *Nunc iudicium est mundi, nunc princeps huius mundi eiicietur foras; & ego si exaltatus fuero à terra, omnia traham ad meipsum.* & Luc. 11. *Cùm fortis armatus custodit atrium suum, in pace sunt ea quæ possidet, si autem fortior eo superueniens vicerit eum, vniuersa arma eius auferet, in quibus confidebat, & spolia eius distribuet.* Ad Coloss. 2. *Expolians principatus & potestates, traduxit confidenter, palàm triumphans illos in semetipso.* Vide S. Leonem Serm. 11. De Passione.

De peccato, ad Rom. 6. *An nescitis quoniam cui exhibetis vos seruos ad obediendum, serui estis eius cui obeditis, siue peccati ad mortem, siue obeditionis (obedientiæ) ad iustitiam? Gratias autem Deo quòd fuistis serui peccati, obedistis autem ex corde in eam formam doctrinæ, in quam traditi estis. Liberati autem à peccato, serui facti estis iustitiæ.* & infra: *Cùm serui essetis peccati, liberi fuistis iustitiæ; quem ergo fructum habuistis tunc in illis, in quibus nunc erubescitis? Nam finis illorum mors est.* Deinde addit: *Nunc verò liberati à peccato, serui autem facti Deo, habetis fructum vestrum in sanctificationem, finem verò vitam æternam.* Stipendia enim peccati, mors: gratia autem Dei, vita æterna. & cap. 8. *Deus Filium suum mittens in similitudinem carnis peccati, & de peccato damnauit peccatum in carne, id est, per carnem Filij quæ facta est hostia peccati, damnauit peccatum, nempe delens culpam, & concupiscentiam quæ in carne regnabat opprimens.* Nam peccatum passim apud Apostolum dicitur regnare,

dominari, operari in hominem malum, repugnare legi mentis, captivum ducere, damnare, &c. quibus loquendi formulis proponitur concupiscentia instar domini vel tyranni.

De morte superata, Osee 13. *De manu mortis liberabo eos : de morte redimam eos. Ero mors tua, o mors, morsus tuus ero inferne.* & 1. Cor. 15. *Cum autem mortale hoc induerit immortalitatem, tunc fiet sermo qui scriptus est; Absorpta est mors in victoria: ubi est mors victoria tua? ubi est mors stimulus tuus?*

§3 Cum igitur Dominus nos à prædictorum tyrannorum servitute crudelique dominatu liberaverit, meritò in nos Domini ius usurpat & servitutē à nobis exigit: idque triplici iure. Primò, Iure victoris? qui enim alterum legitimo prælio vicerit, iure suo eius bona, eius servos, eius captivos, & omnia spolia occupat; ut Dominus Luc. 11. apertè insinuat. vnde Psalm. 67. dicitur: *Ascendens in altum, captivam duxit captivitatem*, nempe eos qui antea sub tyrannis prædictis captivi fuerant. Secundò, Iure emptionis. Erat enim homo à iustitia diuina ad servitutem illam damnatus, donec pro iniuria satisfaceret: qui cum nullo modo satisfacere posset, soluit pro eo pretium Filius Dei, non ut omnino liber esset (id enim neque fieri poterat, neque ipsi expediebat) sed ut esset servus Dei, & Christi eius; cui etiam ex ipsa naturæ conditione servitutem debebat. Hinc in Scriptura dicimur *empti, & redempti*. Cor. 6. *Empti enim estis pretio magno.* ad Titum 2. *Qui dedit semetipsum pro nobis ut nos redimeret ab omni iniquitate.* ad Rom. 3. 1. ad Corinth. 1. ad Ephes. 1. Itaque ex pacto Christi, & sententia diuinæ iustitiæ, quæ hoc pactum acceptavit; ex servitute peccati, satanæ, & mortis, translati sumus ad servitutem iustitiæ, Christi, & vitæ: quæ servitus verissima est libertas. Tertiò, Iure compensationis. Cum enim à nobis tam diram & intolerabilem servitutem excusserit, idque tantis laboribus & doloribus suis, iure à nobis hanc compensationem exigere poterat, ut nos ipsum in Dominum acceptaremus, eique perpetuam servitutem pro tanto beneficio exhiberemus. Sanè nihil ei minus rependere poteramus, præsertim cum *iugum Domini suave sit, & onus leve*, & hoc totum in nostrum commodum cedat. Quo iure servitutem à nobis exigit.

§4 Quartus titulus est, *ratio ultimi finis*. Omnis enim creatura ex natura sua ordinatur ad gloriam Dei tamquam finem suum ultimum: sicut res humanæ arte factæ ordinantur ad hominum commoda. Insinuat id Scriptura sacra Prouerb. 16. *Omnia propter se-*

Matth. 11.

Ratio ultimi finis.

metipsum operatus est Dominus, impium quoque ad diem malum. Propter semetipsum, id est, propter suam gloriam, seu ad declarandam suam potentiam, sapientiam, bonitatem, iustitiam, &c. *Impium quoque*; quasi dicat, Imò quod impium destinarit ad pœnas æternas, id quoque propter semetipsum fecit, nimirum vt ostendat se iustum & sibi displicere omne peccatum. Ad Hebr. 2. *Decebat enim eum propter quem omnia, & per quem omnia.* Ad Romanos 11. *Ex ipso, & per ipsum, & in ipso sunt omnia. In ipso*, id est, propter ipsum tamquam finem. Græcè, *εἰς αὐτὸν τὰ πάντα, in ipsum.* Vnde sicut homo est dominus rerum arte factarum; quia propter ipsius commodum excogitatae sunt, nec vllum alium ex natura & institutione sua vsum habent, quàm seruire hominum commodis, ita Deus est Dominus totius creaturæ; quia propter ipsius gloriam sunt omnia, nec alium ex natura sua vsum aliudve officium maioris momenti habent in mundo, quàm vt gloriæ ipsius & honori deseruiant. Hinc sequitur, ius illud quod ex hoc capite competit esse maximum, adeò vt maius animo concipi nequeat. Nam etiam si fingeremus creaturam non pendere à Deo tamquam à causa efficiente aut conseruante; tamen si ponamus ipsum esse vltimum finem illius, summam in illam auctoritatem & potestatem habebit. Auctoritas enim finis quodammodò maior est quàm auctoritas causæ effectricis, cum hæc à fine ad operandum moueatur, & omnem rationem operandi omnemque modum & mensuram operis à fine accipiat. Vnde finis est causarum prima, cuius gratia omnia fiunt, & cæteræ causæ ad operis productionem applicantur. Sicut ergo homo potest vti rebus inferioribus, quæ ad ipsius commodum creatæ sunt, pro suo arbitratu, vt pecunia, frugibus terræ, pecoribus, quia est finis earum, & ipsius gratia factæ sunt, quamuis ipse earum non sit auctor: ita Deus potest vti vniuersa creatura pro suo arbitrio, nec quisquam potest queri de iniuria, cum omnia sint ipsius gratia. Addo, Ius Dei in vniuersam creaturam, vel ex hoc vnico titulo, etiam sepositis reliquis, esse incomparabiliter maius quàm ius hominis in pecus, aut pomum, aut rem quamlibet; siue naturalem, siue arte factam. Primò, Quia Deus est vltimus finis omnium, cuius gratia sunt omnia, non solum quoad vsum, sed etiam quoad substantiam, & prima rerum elementa: homo verò non est finis vltimus rerum inferiorum, cum & ipsemet cum omnibus suis bonis sit propter vniuersi integritatem, sicut pars propter totum; & vniuersi

*Omnia autem
floritas in
sua.*

*Ius Dei,
quatenus fi-
ni, duplici
nomine ma-
ius quàm ius
hominis.*

integritas sit propter Deum. Neque tam ipsa rerum substantia, quàm vsus homini est concessus, vt eorum adminiculo vitam temporalem sustentet. 57 Deinde, Esse propter hominem, & hominis gratia, non est conditio intrinseca & essentialis rerum, sed extrinseca ex benigna Dei ordinatione, qui ad solatium hominum ista destinavit. At esse propter Deum, & ordinari ad eius gloriam, est conditio intrinseca & essentialis omnium creaturarum. Sicut enim omnia creata habent respectum & dependentiam essentialem à Deo, vt à causa effectrice & conseruante; ita etiam habent essentialem respectum ad illum vt ad vltimum finem & dependentiam in ratione causæ finalis.

CAPVT VI.

Quædam Confectaria Dominij diuini valdè notabilia.

58 **E**X supradictis sequitur Primò, Nos quadruplici titulo esse seruos & mancipia Dei, Creationis, Conseruationis, Redemptionis, & Relationis ad ipsum vt ad vltimum finem nostrum; & ratione singulorum debere nos illi omnem seruitutem, & omne obsequium. Secundò, Ratione singulorum istorum titulorum ita nos illi esse obstrictos & debitores, vt ne millesima quidem ex parte possimus obligationi vel vnus tituli satisfacere. Perpendatur beneficium creationis: quanta bona per illud accepimus? quis vel minimum illorum suis obsequiis compenset. Aulici, accepto aliquo officio vel pensiuncula annua à Principe, semper se obstrictos Principi agnoscunt, se illius seruos vbique profitentur, omni studio conantur Principi gratificari: at sanitas corporis, integritas membrorum & sensuum (quæ tamen sunt minima inter creationis bona) longè sunt præstantiora opibus externis; nec quisquam illa cum maximis diuitiis & dignitatibus, quæ ab hominibus dari possunt, vellet commutare. Quòd si minima illa sunt supra omnem obsequiorum nostrorum æstimationem (nihil enim omnibus nostris operibus Deo conferimus), quid dicendum de maximis, de intellectu, memoria, voluntate, quibus diuinorum bonorum sumus capaces, & Angelis ipsique Deo similes?

59 Iam verò Conseruationis beneficium non est minoris æstimandum, cum per illud singulis momentis quodammodò iteretur quod semel per creationem est collatum: & quot momentis viuimus, toties nobis omnia nostra bona alioquin dilapiura conferan-

Quadruplici titulo seruus Dei sumus.

Nulli titulo possumus satisfacere satis.

tur. Neque minùs debemus ratione reliquorum titulorum, vt sigillatim expendenti constabit. Quòd si vel vnus tituli debito satisfacere nullo modo possumus, tantoque in singulis interuallo superamur; qua ratione illis quatuor poterimus? Si quidquid sumus, habemus, possumus, in vnum exhaustum fuerit, & instar nihili æstimatur; quid supererit nobis pro reliquis? quàm nihili tot erit quòd offerimus, ad illorum beneficiorum immensitatem? Agnoscamus ergo nos esse seruos inutiles, & omnia obsequia, omnesque nostros labores, etiamsi millecuplo maiores essent, non fore tamen pares obligationi seruitutis nostræ, nec cum magnitudine beneficiorum acceptorum vllò modo conferendos. pulchrè hoc expressit S. Bernardus Sermone De quadruplici debito: *Cùm ei donauero quidquid sum, quidquid possum, nonne istud totum est sicut stella ad solem, gutta ad fluuium, lapis ad montem, granum ad aceruum? non habeo nisi minuta duo, imò minutissima, corpus & animam; vel potius vnum minutum, voluntatem illius, qui tantus tantillum tantis beneficiis præuenit, qui toto se totum me comparauit?*

Cùm dico, non posse nos satisfacere obligationi qua Deo sumus obstricti; intellige, si obligatio ex magnitudine beneficii & iuris quod Deus in nos habet, pensetur: alioquin si spectetur iuxta moderationem, quam diuina benignitas conscia infirmitatis nostræ adhibet; possumus ei vtcūque satisfacere. Sed hæc laus tota est bonitatis diuinæ (quæ rigidè nobiscū non agit, nec plura à nobis exigit) non industriæ nostræ, quasi per hanc debito seruitutis nostræ absolutè pares esse possimus.

*Crispò ver-
sandi animo.*

60 Tertiò, Hos titulos dominatus diuini & nostræ seruitutis esse assiduò versandos animo (nimirū, nos esse figmentū Dei, & opus manuum eius, sicut vasculum terreū est opus figuli; nos ab eo veluti vmbra affiduè pendere; nos à teterrima seruitute per ipsum redemptos; denique nos solius ipsius causa, vtque voluntati & gloriæ eius seruiamus, esse cōditos) vt mēs cōtineatur in humilitate, & in reuerentia ac subiectione tātī domini, cui tātū in nos iuris & potestatis. Nihil enim magis nobis ponit ob oculos nostrā vilitatē, atque adeò nostrū nihilum, quod ex nobis sumus: nihil etiā magis eminentiam Dei, & eius in nos imperium, & nostram ad illum subiectionem & obligationem.

*Eorum con-
sideratio in-
uat in affli-
ctionibus.*

Quartò, In afflictionibus & calamitatibus ad istorum titulorum considerationem recurrendum. Cùm enim quatuor illis mo-

dis toti ipsius sumus, & ipse omne ius in nos habeat; non possumus conqueri, quidquid nobis immiserit; nec ab ipso rationem exigere, Cur sic mecum agis? Ipse enim iure suo utitur, & centuplo duriora in nos statuere potest. Satis sit nobis, ipsi sic placere; ipsius voluntas omnis rationis instat nobis esse debet. Accedit, quòd totum illud quod patimur, non mera potestate dominatus infligat, sed nostræ salutis causa benignè vel immitat vel permittat: non enim nostris afflictionibus, sed emendatione vitæ, & animi purgatione delectatur. Itaque hac suprema potestate herili non utitur, sed loco illius paterna benignitate, & visceribus misericordiæ nos tractat. *Suavis Dominus universis, & miserationes eius super omnia opera eius effusæ. Inguum suum voluit esse suave, & onus leue, ut cum gaudio ei seruiamus.* Psal 144.

61 Quintò sequitur, Deum non posse obligari creaturæ vinculo strictæ & perfectæ iustitiæ, qualis inter homines; sed solum fidelitatis, quæ in Scripturis vocatur *iustitia & veritas*. Ratio est duplex vel triplex. Prima est, Quia creatura essentialiter est in dominio Dei, nec vlllo modo potest ab illo eximi & sui iuris effici. Ergo in potestate Dei est, quidquid creaturæ alicui aliquo modo est debitum, illud condonare, & ius illius extinguere: & sic peribit omnis erga illam obligatio. Nemo enim potest lege iustitiæ obstringi illi, cuius omne ius habet in sua potestate. Sicut dominus non potest quidquam iure iustitiæ debere seruo, si quidquid acquirit seruus, statim est domini: alioquin sibi ipsi lege iustitiæ esset debitor. Altera est, Quia creatura nihil potest dare aut offerre Deo, quod non multò magis sit ipsius Dei quàm creaturæ. Quidquid enim in operibus nostris est boni naturalis vel supernaturalis, id totum est Dei. Ipse enim vires naturæ dedit, ipse eas conseruat, & cum illis concurrit ad opus. Ipse lumen cælestis gratiæ nobis indebitum infundit, & per illud veluti per semen quoddam diuinum opus producit. Itaque si aliquid nobis pro bonis operibus rependit, dignationis potius est quàm debiti; benignitatis quàm iustitiæ: dona enim sua remunerat potius quàm officia à nobis ipsi præstita: sicut si tuis pecuniis domum à te emam, non tam est emptio, quàm gratuita donatio. Quid enim interest ad beneficium, siue domum ipsam mihi liberaliter dones; siue pecuniam, qua domum à te contractu emptionis comparem, suppedites? Tertia est, Quia is qui omni momento totum esse alterius habet in sua potestate, non potest ei quidquam lege iustitiæ debere. *Esse enim est priuum fun-*

Deum non obligari creaturæ vinculo strictæ iustitiæ.

damentum omnis iuris, vnde sublato *esse*, perit omne ius, & consequenter omnis obligatio aliorum erga illum. Nō entis enim nullum potest esse ius, nulla iniuria, sicut nec rei inanimæ. Quare cū totum *essere* creatæ sit in potestate Dei, non potest Deus alicui rei creatæ lege iustitiæ obligari.

62 Sexto sequitur, Si Deus bonis operibus vitam æternam non retribueret, aut beatos qui in cælo sunt, sua beatitudine & bonis omnibus supernaturalibus spoliaret, non fore propriè iniuriam, qualis est cū inter homines merces operario negatur, aut operarius mercede accepta spoliatur. Ratio est, tum quia nos toti cum omni iure nostro in dominio Dei sumus: tum quia ipse nihil à nobis accepit quod ipsius non esset, & quod iure suo à nobis absque vlla mercede exigere non potuisset: tum quia totum nostrum esse in ipsius arbitrio & potestate est constitutum. Itaque nec ipse iniustus propriè dici poterit. Nihilominus dicetur *inconstans* & *non verax*, *non fidelis*. Cū enim ex sua benignitate & sponte vitam æternam benè operantibus promiserit, obligatur lege *constantie*, quæ postulat vt sine causa propositum non mutetur, & lege *veritatis*, quæ requirit vt quod dixit, verum efficiat; & lege *fidelitatis*, quæ postulat vt impleat promissa. Itaque debitor est sibi, vt S. Thomas ait. 1. p. q. 21. a. 1. id est, suæ constantiæ, suæ veritati, suæ fidelitati: & ratione horum debitor est etiam nobis. Quia tamen *fidelitas* in Scripturis passim vocatur *iustitia*, (respicit enim promissionē, quæ inter homines obligationem iustitiæ, aut valdè affinem iustitiæ parere solet, maximè quando fit sub conditione alicuius operis;) iuxta Scripturas rectè dicimus vitam æternam esse *coronam iustitiæ*, *mercedem iustam*, & à *iusto iudice* deberi benè operantibus. Sic intelligendus Apostolus cū ait: *Non est iniustus Deus vt obliuiscatur operis vestri*. Nā inter homines, qui alicui operi mercedem promisit, opere præstito si non soluat, iniustus censetur: quia talis promissio ius iustitiæ tribuit. nam alter non est in alterius potestate.

63 Septimò, Omnes Reges & Principes huius sæculi, quantumvis videantur sublimes, gloriosi, potentes, felices in oculis hominum, coram Deo esse instar vermiculorum terræ, eorumque omnem gloriam, potentiam & felicitatem esse instar fumi, vmbra & somnij. Hinc Isaia 40. *Qui sedet super gyrum terræ, & habitatores eius, sunt quasi locustæ*; id est, qui præsidet toti orbi, cui totus terræ gyros est subiectus: in cuius conspectu omnes qui terram incolunt, quantumvis sint excelsi, sunt instar locustarum. *Locusta* res est vilissima, plena

Heb. 11.

plena sanie & sordibus, ventricosa, ad pastum abiecta, omnia deuorans & absumens; & si aliquando subfilit & sursum se attollit, statim ad terram relabitur: tales sunt omnes mortales coram Deo. Sap. 11. *Tamquam momentum statera, sic ante te est orbis terrarum; & tamquam gutta roris antelucani, quæ descendit in terram. Momentum, minimum est & leuissimum in ponderibus, vix vllam sensibilem mutationem in statera efficiens: sic regnum diuinum non erit maius vel minus, siue genus humanum saluetur, siue pereat. Gutta roris antelucani res est minutissima; ad spectu pulchra, noctu coalita, quæ ex oriente sole statim consumitur, vel de cussa in terram absorbetur. Tale est genus humanum, & omnis gloria eius. Psal. 72. *Velut somnium surgentium Domine, in ciuitate tua imaginem ipsorum ad nihilum rediges. Imaginem gloriæ, potentiæ, felicitatis: hæc omnia instar somnij euanescent. Iob 20. *Velut somnium auolans non inuenietur, transiet sicut visio nocturna.***

CAPVT VII.

Recollectio precatoria, de Dominio Dei.

64 **E**XALTABO te Deus meus Rex, & benedicam nomen tuum in seculum, & in seculum seculi. Tu enim es Rex regum, & Dominus dominantium. In ditione tua vniuersa sunt posita, & non est qui possit resistere voluntati tue, Ordinatione tua perseverant omnia, & legem quæ eis posuisti custodiunt, & singula pro captu & modo suo seruiunt tibi, teque Rectorem ac Dominum confitentur. Summum in omnia tenes imperium, potesque de omnibus pro arbitratu tuo statuere, nec quisquam à te factorum exigere potest rationem, & dicere, Cur sic facis? Omnes Reges & Monarchæ terrarum cum omni splendore & magnificentia sua, cum regnis & exercitibus suis, cum diuitiis & gloria sua, veluti terræ vermiculi sunt coram te, & instar nihili in conspectu tuo. 65. Minimi seruorum tuorum qui in cælesti palatio tibi seruiunt, longè sunt maiores omnibus illis; nec quisquam illorum, maiestatem vultus vnus ex istis sustinere posset. Contabescit enim instar ceræ mortalitas omnis ad præsentiam Angelici splendoris, & viribus defecta concidit. Quanta ergo est gloria maiestatis tuæ, quæ omni Angelica maiestate infinitè est maior & excellentior? Verè tu magnus Dominus & laudabilis nimis, & magnitudinis tuæ non est finis.

Psal. 144.
1 ad Tim. 6.
E her 13:

Psal. 144.

Regnū tuū, regnū omniū seculorū, & dominatio tua in omni generatione & generationē reges terræ & regna eorū repente corruent, & ad nihilū redigētur; regnum autē tuum in æternum stabit, & omnes inimici tui subiicientur pedibus tuis. Exscindetur funditus regnum diaboli & impiorum quo nunc turbatur orbis, quo veritas & iustitia opprimitur, & regnum tuum omnibus dominabitur, erisque omnia in omnibus. 66. *Figmentū tuum sumus omnes, & opus manuum tuarum; tu plastes & fictor noster: quidquid sumus, possumus, habemus, à te accepimus. tua sunt omnia, qui omnium es artifex & inuentor. Omnia de nihilo extraxisti, ex profundo tenebrarum, & abyssō non entis. Suspendisti ea in esse, in lumine vultus tui; vt singula iuxta species & formas suas fulgeant mentibus nostris, tuamque maiestatem influent. Sed quia suo pte nutu & ex se, in nihilum vnde educta sunt, propendent; non satis est id semel esse factum, sed assiduē manu tua teneri, & substantifico influxu tuo foueri opus habent, vt beneficium, quod semel cū esse inciperent acceperunt, omnibus momentis rursus accipiant. Sicut pondus in aëre suspensum assiduē teneri debet, & si vel ad ictum oculi dimittatur sibi, deorsum ruit: ita tota creaturarum vniuersitas omnipotenti dextera tua continuē in esse & natura teneri debet, & si vel ad momentum laxaueris manum tuam, statim in nihilum suum corruet, & velut vmbra peribit.*

67 *Nihil est solidi vel in corporibus, vel in spiritibus, nisi quatenus virtus tua intrinsecus ea continet & constringit, ne veluti aqua diffluant, vel tamquam fumus dissipentur, vel vt visum quoddam & phantasma inane euanescant. Omnia mollia sunt tibi & tractabilia, omnia fluxa & euanida, & minimo nutu imperij tui in quamuis formabilia speciem. Nulla coram te est soliditas montium & saxorum, nulla durities ferri & adamantum, nulla firmitas cælorum & astrorum; nihil horum sine perpetuo influxu fortuque lucistuz consistere potest. Tu ergo omnium Dominus, à quo assiduē fiunt & pendent omnia; qui omnia sustentas ne corruant, foues ne tabescant, contines ne diffluant, constringis ne dispereant.*

68 *Tu omnium inuentor, auctor, formator, conseruator, sustentator, exemplar & finis. Propter te sunt omnia vt seruiant gloriæ tuæ; rationalia, vt te cognoscant, ament, colant & laudent; irrationalia, vt vsibus nostris seruiant, & sua admirabili specie mentes nostras in admirationem & amorem tui excitent. Neque idē viliores aut miserabiliores sumus, quia propter te sumus, & omnia nostra ad*

Dan 7.
Lucæ. 1.
Psal. 109.
1. Cor. 15.

Psal 102.
Isaia 49.
ad Rom. 9

Hebr. 1.

tuam gloriam destinantur. Hæc enim est natura nostra, hoc summū bonum nostrum, gloriæ seruire tuæ. Tibi enim seruire, regnare est; tibi obedire, iter vitæ æternæ. Melius est tibi seruire, quàm totius mundi tenere imperium. Dum enim obsequio tuo mens nostra intendit, sursum erigitur, seseque in vnitatem colligit, tibi que propior effecta illuminatur, & similis tui efficitur: dum aliis regendis incumbit, ab vnione recedit, ad inferiora descendit, & in multitudinem dissipatur; neque aliquid inuenit, cuius coniunctione melior euadat. Nihil enim meliorem efficit mentem, nisi quod est supra mentem.

69 Magna fasciatio mortalium, tantopere æstimare & sitire Imperia, Regna, gubernationes & prælaturas, quibus aliis præ sint, & seipsos negligant; nihil non agere, ius omne & fas proterere, vt assequatur hanc vmbra felicitatis, veri boni & salutis æternæ impedimentum. Nihil enim est quod vel animum magis auocet à cælestibus, & implicet terrenis; vel maiorem peccatorum suppeditet occasionem, vel effrænatorem tribuat peccandi licentiam, vel ampliorem exequendi copiam, vel salutare magis arceat monitores, vel magis aggrauet peccatorum culpam, vel magis oneret peccatis alienis; quàm Principatus & Prælatura. Quamquam qui non honoris & commodi sui causa, sed vt bono publico prosint, & plurimos ad salutem dirigant, eam susceperint & ritè administrauerint, magnum præmium ob rei difficultatem, & boni quod procurant amplitudinem, à te consequentur. Sed longè tutius est in imo delitescere, & suæ salutis curam agere. 70. Da mihi, Domine, laudes humanas contemnere, honorē mundi fugere, & amare nesciri ab hominibus. Satis mihi sit nosse te, & cognosci vicissim abs te: seruire tibi, & seruitutem tui omnibus mundi Imperiis anteponere, omnibus dignitatibus & honoribus præferre. Hæc sit gloria mea, hæc eminentia & sublimitas, hæc omnis dignitatis titulus & insigne. Glorientur alij de Regnis & Principatibus, de nobilitate & opibus, ceterisque huius vitæ excellentiis; mea gloria sit, esse seruum tuum, & omnia mea esse addicta & mancipata tibi; & omnes meas cogitationes, omnes curas, omnes conatus, omnia studia seruire gloriæ tuæ.



D E
P E R F E C T I O N I B V S
M O R I B V S Q V E
D I V I N I S
L I B E R V N D E C I M V S ,
D E P R O V I D E N T I A D E I :

C A P V T P R I M V M .

*Deum habere omnium rerum prouidentiam :
& quid sit Prouidentia.*

*In Deo esse
prouidentiam
rerum om-
nium.*



DEUM habere omnium rerum prouidentiam & gubernationem, certum est ex Scripturis. Psal. 146. *Qui operit celum nubibus, & parat terre pluuiam; qui producit in montibus fœnum, & herbam seruituti hominum; qui dat iumentis escam ipsorum, & pullis cornuorum inuocantibus eum.* Quibus verbis S. Scriptura etiam ad minima eius curam & prouidentiam pertinere indicat. Psal. 138. *Ecce Domine tu cognouisti omnia, nouissima & antiqua: tu formasti me, & posuisti super me manum tuam, ut me protegas & dirigas, &c.* Item Psalm. 103. 106. 134. 135. & aliis locis celebratur diuina prouidentia. Sap. 8. *Attingit à fine usque ad finem fortiter, & disponit omnia suauiter.* hoc de conseruatione & gubernatione rerum intelligendum est, ut rectè docet D. Aug. l. 4. De Genesi ad lit. c. 12. Priori enim parte significatur, ita potenter omnia à sūma

natura usque ad infimam, à supremo Angelo usque ad infimam materiam, eius manu teneri in suo esse suaque specie, ut nulla nisi ipso volente vel permittente possit excidere. Altera, omnia suis collocari locis & ordinibus, & aptissimis mediis ad suos fines dirigi. Sap. 14. *Tua, Pater, sapientia gubernat mundum & omnia.* & cap. 15. *Tu autem Deus noster suavis & verus es, patiens, & in misericordia disponens omnia.* Matthæi 6. pulcherrimè ostendit Dominus, providentiam diuinam etiam ad minima pertingere, & illi semper fidendum. *Ideo dico vobis, ne solliciti sitis animæ vestræ quid manducetis, neque corpori vestro quid induamini. Respicite volatilia cali, quoniam non serunt, neque metunt, neque congregant in horrea, & Pater vester celestis pascit illa. Nónne vos magis pluris estis illis? Considerate lilia agri quomodo crescunt; non laborant, neque nent, dico autem vobis, quoniam nec Salomon in omni gloria sua coopertus est sicut vnum ex istis. Si autem fœnum agri, quod hodie est, & cras in clibanum mittitur, Deus sic vestit; quanto magis vos modicæ fidei?* Luc. 12. ex eo quòd Deus etiam circa minima providentiam habet, ostendit non esse timendum, ne desint nobis necessaria, etiam si omnia propter Deum relinquamus. *Nónne quinque passeret vaneunt dipondio, & unus ex illis non est in obliuione coram Deo? Sed & capilli capitis vestri omnes numerati sunt. Nolite ergo timere; multis passeribus pluris estis vos. Denique nihil ferè passim Scriptura adeò nobis proponit & insinuat, ac Dei providentiam.*

2 Est autem *Providentia* iuxta Boëtium lib. 4. De consol. Prosa 6. *Quid sit Providentia.* diuina ratio in summo omnium Principe constituta, quæ cuncta disponit, nimirum in suos fines, ut S. Thomas explicat 1. p. q. 22. a. 1. quo loco eam simili modo describit: *Providentia*, inquit, est ratio ordinis rerum in finem, in Deo existens. In rebus duo spectari possunt. Primum, Res ipsæ in se secundum suam essentiam. Alterum, Ordo & habitudo quam habent singulæ ad finem tum proprium, tum communem totius vniuersi, qui est manifestatio perfectionum diuinarum. Vtriusque ratio, id est notio seu conceptio, & (ut Græci dicunt) λόγος, est in Deo. *Notio* rerum in se spectatarum, nempe quatenus sunt talis formæ & speciei, vocatur *idea*: *notio* verò illarum quatenus ordinantur in finem, vocatur *providentia*. Verum cum providentia diuina sit perfectissima & vniuersalissima; nec solum extrinseco modo, sed etiam intrinseca ordinatione res omnes in suos fines destinet, creando & formando rerum naturas, conferendo proprietates nativas, & vires, & figuras con-

gracientissimas, & partes mirifica proportionē cōformatas, & omnia quæ ad rerum pulchritudinem, vsum, functiones & conseruationes sunt opportuna; necesse est vt contineat etiam ideas seu notiones essentiarum, quarum creatio & formatio intrinsecè ordinem ad finem includit: præsertim cū Deus nihil nisi ob aliquem finem velle aut facere possit. Vnde & ipsa creatio, quatenus fit ob certum finem à Deo intentum, est opus summæ prouidentia, vt infrà ostendemus. Itaque idæ intrinsecè in ratione prouidentia diuinæ includuntur vel eidem supponuntur. Petes, ad vtram facultatem prouidentia pertineat, ad intellectum, an ad voluntatem. Respondeo, à S. Thoma poni in intellectu, sicut & idæ in intellectu ponuntur. Sicut tamen notiones rerum in Deo non dicuntur idæ, nisi applicentur à voluntate ad rerum productionem; ita *notio* & conceptio ordinis rerum in finē non dicetur prouidentia, nisi à voluntate applicetur ad executionē. Vnde etiam quodam modo includit actum voluntatis, nimirum decretum exequendi. Hinc quidam DD. volunt prouidentiam pertinere ad voluntatem: quod confirmatur ex Damasceno lib. 2. De fide Orthodox. cap. 29. vbi dicit, *prouidentiam esse voluntatem Dei, per quā omnia quæ sunt, conuenientem gubernationem accipiunt*. Quare vtroque modo loqui possumus de prouidentia; nimirum, ipsam esse rationem seu præconceptionem ordinis rerum in finem cum decreto exequendi; vel, decretum exequendi rationem ordinis rerum in finem, à Deo præconceptam. Parum autem refert, vtrum propriè nomine *prouidentia* significetur, ipsane conceptio ordinis, an ipsum decretum executionis; cū constet, vtrūque necessariò & essentialiter requiri. Quod tamen antè diximus, videtur magis consentaneum, nimirum vt ipsa conceptio ordinis rerum in diuina mente existens, à voluntate ad executionem applicata, prouidentia dicatur. Vnde ad intellectū pertinebit, etsi voluntatem supponat. Nam prouidentia futurorum, est *prudentia* præcipua pars; vel species quædam quæ *prudentia monarchica* dici possit. Sicut enim prudentia œconomica & militaris dicitur species prudentia, & ad intellectum pertinet; ita etiam prudentia Politica & Monarchica, qua rectè instituitur & gubernatur Respublica.

Est actus
partim in-
tellectus, par-
tim volun-
tatis.

Aristot. 6.
Ethic. c. 8.

Permissio sub
prouidentia
cadit.

3 Obiiciet aliquis: Ad prouidentiam pertinet, non solum res dispo-
nere in suos fines, sed etiam permittere excidere à suo fine, & puni-
re malefactores: ergo non rectè definitur esse *ratio ordinis rerum in fi-
nem*. Dum enim permittuntur excidere à suo fine, & puniuntur poena

æterna, non disponuntur in finem. Respondeo, Non est necesse ut omnis actus prouidentie positius, vel etiam negatiue, qualis est permissio, dirigat naturam rationalem vel irrationalem ad suum finem consequendum. Neque enim in eum sensum accipienda est illa descriptio prouidentie: sed sufficit ut Deus nihil faciat vel permittat circa res creatas, nisi ob certum finem, quem ipse sibi propositum habet. Non enim ratio prouidentie postulat, ut omnis actio prouisoris dirigat res subiectas ad consequendum proprium illarum finem: sed satis est ut tendat ad finem, quem prouisor sibi statuit. Sic punizio peccatorum fit ad ostendendam diuinam iustitiam; permissio verò, ut opera virtutis sint libera, & excitetur in nobis sollicitudo bene operandi, & ob alios optimos fines, ut docet Damascenus lib. 2. cap. 29.

CAPVT II.

Quæ sint Prouidentia diuina functiones.

4 **V**T melius intelligatur quid & qualis sit diuina Prouidentia, consideranda sunt eius functiones, & generales operationes circa res creatas. Hæ generatim sunt duæ, *creatio* & *gubernatio*. Quòd *creatio* sit opus diuinæ prouidentie, patet Primò, Quia mundus non est casu factus, sed certissimo consilio, & specialissimo decreto: atqui nihil est quod potius sit dicendum opus prouidentie, quàm quod absoluto & peculiari decreto ad omnes rei circumstantias pertingente præfinitum est. Deinde, Quia res omnes secundum suam essentiam conditæ sunt propter finem, tum proprium cuique, qui est cuiusque operatio; tum communem omnium, qui est gloria Dei. itaque in sua essentia habent ordinem & habitudinem ad finem, qui ordo est impressio diuinæ prouidentie. Tertiò, Quia per creationem acceperunt vires, qualitates, temperamentum, locum, ordinem & figuram, prout cuique congruebat ad suum statum, functionem, finemque proprium. atqui hoc nihil est aliud quàm conuenienter ordinari & instrui ad suum finem: ergo est opus prouidentie. Denique, omnis operatio tendens ad aliquem finem, est opus prouidentie: atqui creatio est operatio tendens ad finem; est enim operatio primi & supremi operantis, qui omnia propter vltimum finem, qui est ipse operans eiusque gloria, operatur. Itaque quòd iste mundus, istis corporibus constans; ea magni-

Duæ functiones prouidentie.
1. *Creatio est opus prouidentie.*

tudine, multitudine, situ, qualitate, viribus, figuris, tempore, loco, ordine, sympathia, antipathia præditis, non alius, nec ex aliis aut aliter factus sit, est opus diuinæ prouidentiae, omnia certo consilio facientis & ad certos fines ordinantis.

2. Gubernatio.

Qui sint actus gubernationis.

5 Quod etiam *gubernatio* sit opus prouidentiae, per se notum est: sed multi actus hoc nomine continentur: nimirum *conseruatio*, *cooperatio*, *prædefinitio*, *permissio*, *impeditio multorum malorum*, *motio calorum*, *illuminatio naturæ rationalis*, *redemptio hominum*, *iustificatio*, *remuneratio*, *punitio*. de quibus singulis aliquid dicendum est.

CAPVT III.

De Conseruatione & Cooperatione.

Conseruatio
est primus
actus ad gu-
bernationem
pertinens.

6 IN gubernatione primum locum tenet *conseruatio* rerum, quam etiam SS. Patres passim gubernationem vocant; vt constat ex testimonio supra Libro x. n. 21. & seq. allatis, & ex D. Augustino 1. 4. De Genes. ad literam c. 12. Nam primum munus gubernatoris est, conseruare ea quæ gubernanda suscepit, ne pereant. sic enim planè ab ordine & directione qua in finem diriguntur, exciderent.

2. est coopera-
tio seu con-
cursus.
Necessitas
concurfus.

7 Secundum locum tenet *cooperatio*: nam sine diuina cooperatione nulla res creata potest operari, ac proinde nec assequi finem, aut in illud tendere; sed instar inanis idoli, sensu, motu, & omnibus viribus defecti, stabit. Si Deus concursum suum subduceret rebus, cessaret motus cælorum, & illuminatio orbis; cessaret elementorum & omnium contrariorum pugna; cessarent ortus & interitus rerum, vicissitudines temporum, incrementa & decrementa viuientium, omnis alternatio, & motus localis omnis. Cessaret in beatis visio beatifica, amor & gaudium omne; in damnatis omnis dolor & tristitia, in omnibus viuentibus omnis intelligentia, omnis memoria, omnis volitio, omnis affectio, omnis passio, omnis imaginatio, omnis sensus, & motus vitalis omnis: neque vllum esset inter animata & inanima, inter sentientia & sensus expertia, inter rationalia & irrationalia, inter beatos & damnatos discrimen, quod ad sensum boni vel mali, commodi vel incommodi attinget; sed omnia eodem modo se haberent, tamquam ratione, sensu, motu, vita & vigore omni destituta. Hinc patet quanti momenti sit hic concursus; cum inde pendeat tota beatitudo, & omne bonum naturale & supernaturale, & sine ipso sumus perinde ac si non sumus.

Et

8 Et quamuis non sit expressum dogma fidei, hunc concursum esse necessarium; tamen est communis sententia DD. vno Durando excepto (quolib. 2. Sentent. d. 1. q. 5. putat, Deum non concurrere cum creaturis ad operationem earum, nisi quatenus eis dedit vires operandi, easque vires conseruat) & consentiunt omnes Academia Cathollicorum, & potest probari ex Scripturis. Iob 10. *Manus tuæ, Domine, fecerunt me, & plasmauerunt me totum in circuitu. Nonne sicut lac mulisti me, & sicut caseum me coagulasti?* Psal. 138. *Quò ibo à Spiritu tuo, & quò à facie tua fugiam? Si ascendero in calum, tu illic es; si descendero in infernum, ades. Si sumpsero pennas meas diluculo, & habitanero in extremis maris; etenim illuc manus tua deducet me, & tenebit me dextera tua.* Ioan. 5. *Pater meus usque modò operatur, & ego operor.* Act. 17. *Quamuis non longè sit ab vnoquoque nostrum; in ipso enim viuimus, & mouemur, & sumus.* de quo loco suprà.

Concursum Dei esse necessarium ut res operentur. Contra Durandi sententiam.

Sed dicit aliquis pro Durando, hæc omnia intelligi posse ratione virtutis operandi quam rebus in seuit, & conseruat. Vis enim operandi rebus impressa, est veluti semen & instrumentum per quod Deus operatur omnia, multò magis quàm per concursum generalem. Ratione enim illius concursus non potest propriè dici, Deum formare omnia membra, dare cuique suam speciem, suum temperamentum, suam figuram, suam cõnexionem, suam virtutem: alioquin etiam sol diceretur hæc omnia propriè facere, quia etiam ad formationem omnium membrorum cooperatur; quod tamen nemo dixerit. Et ratio est, quia diuersitas illa quæ est in partibus corporis, non est referenda ad concursum Dei aut solis, qui ex se est vniformis; sed ad multiplicem virtutem quæ est in causa secunda, nimirum in semine. Quia tamen Deus omnem illam vim semini impressit, eamque assiduè conseruat, quasi assiduè eam creans, verè & propriè dicitur illa facere per virtutem feminis tamquam per suum instrumentum. Et hac ratione creaturæ possunt dici instrumenta respectu Dei, & Deus omnia per illas operari; omnia, inquam, bona, non mala, quæ Deus non intendit, neque ex perfectione virtutis à Deo insertæ, sed ex defectu creaturæ sequuntur.

Responsio pro sententia Durandi.

Hæc interpretatio videri possit omnino non inepta, & ideò hæc loca non conuincunt rem esse fide certam: tamen non satisfacit. Si enim Deus solùm dicitur illa operari, quia vires dedit & conseruat, solùm mediatè & per accidens illa operabitur, nimirum, quia contingit rem illam quam ipse fecit illa operari. Neque reverà

Responsio ista refutatur.

magis operabitur, aut cooperabitur cùm causæ secundæ operantur, quàm cùm cessant: nam utroque tempore solum eas conseruabit. At Scriptura amplius significare videtur, cùm effectus causarum Deo tribuit, quàm nudam causarum secundarum conseruationem. Itaque etsi cōcursus generalis non sufficiat, ut illius solius ratione Deus dicatur omnia operari, sed requiritur ut vires dederit, & eas conseruet: tamen præter hoc debet etiam cooperari & actu cōcurrere, alioquin solum remotè & denominatione valdè extrinseca dicitur illa facere, nec poterit dici præbere opem & auxilium creaturis in operando, quod tamen apertè indicat Scriptura cùm ait: *Etenim manus tua deducet me*; quasi dicat, Non possum eò ire, nisi me iuues & deducas, sicut mater deducit infantem, qui ambulare absque ope alterius non potest. Certè *deducere* amplius est quàm *conseruare* vires. nam etiam si non deduceret, vires conseruaret. Simili ergo modo de omnibus aliis causis creatis dicendum est, non posse illas suas functiones edere, nisi iuuentur à Deo. eadem enim est omnium ratio & proportio respectu suarum operationum, & eadem à Deo essentialis dependentia.

Probatnr ex
S. Hierony-
mo.

Confirmatur ex D. Hieronymo l. i. Contra Pelagianos, vbi hanc sententiam videtur clarè tradere, inducens Pelagium sub nomine Critobuli obiicientem, & Catholicum sub nomine Attici respondētem. Critobulus: *Si in singulis rebus quas gerimus, Dei vtendum est adiutorio, ergo & calamum temperare ad scribendum, & temperatum pumice terere, manumque aptare literis, tacere, loqui, sedere, stare, ambulare, currere, comedere, ieiunare, flere, ridere, & cetera huiusmodi, nisi Deus iuuerit, non poterimus?* Atticus: *Iuxta meum sensum, non posse perspicuum est.* Critobulus: *In quo igitur liberum habemus arbitrium, & Dei in nos gratia custoditur, si ne hoc quidem absque Deo possumus facere?* Atticus: *Non sic donata est liberi arbitrij gratia, ut Dei per singula tollatur adminiculum.* Critobulus: *Non tollitur Dei adiutorium, cùm creatura ex semel dati liberi arbitrij gratia conseruentur. Si enim absque Deo, & nisi per singula ille me iuuerit, nihil possum agere; nec pro bonis me iustè operibus coronabit, nec affliget pro malis, sed in utroque suum vel recipiet, vel damnabit auxilium.*

Pelagius non
negauit con-
seruationem,
sed coopera-
tionem.

Ex hoc loco tria colligimus. Primum est, Etiam Pelagium posuisse conseruationem rerum à Deo esse necessariam; cùm gratiam in eo constitueret, quòd Deus liberum arbitrium dedisset & conseruaret. *Conseruatio* enim nullam adferebat libertati difficultatem. Alterum est, Pelagium negasse concursum & cooperatio-

nem generalem Dei, non minùs quàm gratiam supernaturalem. hic enim concursus potissimùm negotium faceffit ingenio humano in causa libertatis. Itaque hunc negabat etiam in actionibus naturalibus liberi arbitrij, ne cogeretur earum tollere libertatem. Tertium est, Hieronymum pro indubitato habere, Deum non solùm dedisse vires, easque conseruare, sed etiam in singulis operibus iuuare, & creaturam sine illo adiutorio nihil posse. Quod etiam confirmatur ex Epist. ad Ctesiphontem, vbi contra Pelagium sic agit: *Fraudulenter prætendis vt gratiam Dei ad conditionem hominis referas, & non in singulis operibus auxilium Dei requiras, ne scilicet liberum arbitrium videaris amittere, & cum Dei contemnas adminiculum, hominum requiras auxilia. Audite, queso, audite sacrilegum: Si, inquit, volucro curuare digitum, mouere manum, sedere, staree, ambulare, discurrere, sputa iacere, duobus digitis narium purgamenta decutere, releuare aluum, urinam digerere; semper mihi auxilium Dei necessarium erit? Audi ingratus, imò sacrilege, Apostolum predicantem: Siue manducatis, siue bibitis, omnia in nomine Domini facite.* Hic Hieronymus requirit auxilium Dei etiam ad singula opera adiaphora & naturalia: neque fingi potest, quòd aliud auxilium ad ista sit necessarium, præter auxilium generalis cooperationis. Nec obstat quòd adducat locum Apostoli, in quo agitur de operibus ad Deum referendis: ex eo enim quòd omnia opera etiam per se adiaphora, ad honorem Dei referenda sint, colligitur etiam, illa à Deo pendere, esseque eius beneficia. Idè probari potest ex testi-

17 Sed omiſſis Patrum testimoniis, probatur ratione. Primò, Res solidissimæ & per se subsistentes, vt substantia Angelica & cælorum, egent assiduo influxu Dei, quo immediatè ab ipso conseruentur, vt suprà Libro x. num. 21. & seq. ostensum est: ergo multò magis res imperfectæ & aliis inhærentes, vt actus vitales, lumen aëris, & quiuis alius effectus causæ creatæ. Neque dici potest, illas sufficienter conseruari à suis subiectis: tum quia subiectum nihil præstat effectiue ad conseruationem, sed solùm recipit, vt modo sibi connaturali existant; vnde opus est alio influxu, quo effectiue conseruetur ipsa existentia; quo continuato, continuaretur illarum existentia etiam subiecto subtracto vel annihilato, vt alibi ostensum est, & patet in mysterio. SS. Eucharistiæ: tum quia etsi subiectum

Ex aliorum
Patrum testi-
monij.

Ratione pro-
batnr.

Formas re-
rum & acci-
dentia non
posse conser-
uari suffi-
cienter à suis
subiectis.

in quibusdam etiam effectiuè influat, vt in actibus vitalibus, & aliis accidentibus quæ ab intrinseco manant; tamen illud ipsum, vt est causa efficiens formæ accidentalis intra se, non minùs eget concursu generali, quàm cum producit aliquid extra se, verbi gratia, calorem vel frigus. Si enim aqua, vt producat frigus extra se in mea manu, eget concursu generali; cur non etiam vt producat illud in seipsa, vt cum ex calore reducit se ad frigus? Dices, esse magnum discrimen: nam cum frigus producitur ab aqua foris, non potest assiduè à forma aquæ conseruari; vnde eget alio conseruante, donec à contrario vincatur & aboleatur. itaque debet immediatè conseruari à prima causa. Cum autem producitur in ipsa aqua manans ab intrinseco, sufficienter conseruatur assiduo influxu essentia ipsius aquæ, vnde ab initio manauit; & sic non eget alio conseruante. Sed hoc absurdum est; quia constat, frigus aquæ posse à Deo conseruari, ipsa aqua in nihilum redacta; ergo non habebat essentialem dependentiam ab essentia aquæ, sed magis dependebat à Deo, cuius solius influxus sufficit ad illius conseruationem. Confirmatur; Quia omni enti creato essenziale est dependere à Deo: hoc enim ita est illi intrinsecum, vt eius essentia sine hac dependentia concipi distinctè nequeat. Vnde etiam diuisio entis, in ens à se, & ens ab alio; siue in ens per essentiam, & ens per participationem, est essentialis. Neque dici potest hanc dependentiam in quibusdam rebus esse solùm mediatam; quia hoc nihil est aliud, quàm rem illam non dependere propriè à Deo, nec ab illo aliquid accipere, sed dependere & accipere esse ab alia creatura, quæ immediatè dependeat à Deo: & ita illa res dicenda potius est habere dependentiam essentialem à causa creata quàm à Deo; quod est absurdum.

12. Secundò, Si aliqui effectus possent fieri à causis secundis absque Dei cooperatione, maximè id haberet locum in actibus vitalibus, vt in visione, intelligentia, volitione, &c. hi enim videri possint sufficienter pendere à suis potentiis à quibus eliciuntur, & in quibus recipiuntur. Atqui dici non potest, in huiusmodi nos non egere Dei auxilio, vt suprà ex Hieronymo ostensum. Confirmatur: Quia cum in huiusmodi actibus sita sit perfectio naturæ intelligentis, poterit hæc natura suam perfectionem & finem consequi sine auxilio diuino; quod sanè videtur absurdum. sic enim perfectio naturalis non pendeat à Deo, nisi remotè, quatenus natura pendet à Deo: & illa natura non egebit Deo ad felicitatem naturalem, nisi

ad hoc præcisè, vt ipsa conseruetur; non autem vt suam naturalem felicitatem assequatur. Confirmatur secundò; Quia Deus sæpè actus vitales nobis immediatè immittit, non solùm proponendo obiectum, sed etiam ipsos actus in nobis effectiuè cauſando & formando; vt patet in gratiis præuenientibus, quæ sunt actus supernaturales intellectus & voluntatis: ergo isti actus etiam immediatè à Dei concursu pendent. Sicut enim cùm Deus peculiari & determinato concursu ad illos actus concurrat, etiam concurrat ipsa potentia, vt patet in actibus prædictis: ita etiam cùm potentia se ad illos determinat, Deus concurrat concursu generali. Itaque nulla est ratio cur excipiantur actus vitales.

13 Tertiò, Si negetur iste concursus, tollitur illa perfectissima subiectio & dependentia creaturarum à Deo. Nam in operando non pendent ab auxilio & cooperatione Dei, cū tamen in operando consistat summa perfectio viuientium. Vnde etiam effectus operatione productus non pendeat à Deo, saltem quamdiu subest virtuti suæ cauſæ producentis & conseruantis. Quare lumen à sole per totum mundum diffusum, & in ipsis stellis & planetis existens, non pendeat à Deo; similiter nec calor inde consequens, neque sol in mundo illuminando, suoque calore fouendo, egeat auxilio Dei. imò non poterit Deus impedire quin sol illuminet mundum nisi lucem ipsius extinguat, vel opacum aliquod corpus circumponat. Similiter non poterit impedire cogitationes & volitiones Angelorum aut demonū, nisi fortè species intelligibiles (si tamen hæ sunt necessariae) illis auferat, & eorum naturam lædat. Quæ omnia sunt valdè absurda, & multum derogant perfectissimo Dei dominio, & summae dependentiæ creaturarum ab ipso. Confirmatur: Quia Deo in creaturas omnes tribuendum est perfectissimum dominium & summa potestas quæ animo concipi potest, & creaturis summa subiectio & dependentia. Atqui multò erit perfectius dominium Dei & potestas, maiorque creaturæ subiectio & dependentia, si hæc nihil sine ipsius auxilio possit: ergo statuendum, ipsam in omnibus eius ope egere. Maior per se patet; similiter & Minor. Confirmatur: Sic enim facilè intelligitur, Primò, Quomodo nihil sine ipsius nutu fieri possit. Secundò, Quomodo omnes actiones creaturarū possit impedire absque vlla vi, aut earum læsione, solius sui cōcursus generalis insensibili denegatione. Tertiò, Quomodo possit conseruare, verbi gratia, lumen à sole productū, cessantibus cauſis secundis. Quartò, Quomodo intel-

*Tolleretur
perfecta sub-
iectio crea-
turæ.*

lectui & voluntati possit immediatè supernaturales actus immittere, &c. Quintò, Quomodo actionem ignis Babylonici suspenderit in pueros, non in regios ministros: quomodo Dominus se ad spectui Iudæorum subtraxerit, &c.

14 Quartò, Accedit quòd ipsum *operari & producere* sit res valdè mirabilis, adèd vt aliqui Doctores negauerint creaturam posse aliquid propriè producere, putantes Deum omnia operari ad præsentiam creaturæ. Ita senserunt aliqui, quos tacito nomine refert S. Thomas 1. p. q. 105. a. 2. quam sententiam Petrus de Alliaco, & Gabriel in 4. d. 1. q. 1. a. 3. dub. 3. putant probabilem. In omni enim operatione producitur aliquid ex nihilo; quia id quod producitur, antea nihil erat. hoc autem videtur excedere vires creaturæ, estque ingenio humano inexplicabile. Verùm nullo modo neganda est creaturis vera efficientia: alioquin frustra illis vires datæ essent, frustra variis organis instructæ. Imò si generatim hæc sententia intelligatur (sicut intelligi debet, cum omnium causarum secundarum eadem sit ratio) tolletur libertas arbitrij, & consequenter meritum & peccatum, cælum & infernus; & Deus omnium malorum solus erit auctor. Dicendum igitur, creaturam posse operari & producere non solam, sed concurrente & adiuvante causa prima, cui primò & per se ipsum *esse* in quouis effectu respondet, vt multis locis docet S. Thomas 1. p. q. 8. a. 1. & q. 45. a. 5. & in 2. Sent. d. 1. q. 1. art. 4. & alibi. Denique hæc sententia media est inter duas extremas; quarum altera affirmat, solum Deum effectus causarum secundarum producere; altera, solam creaturam. Dicimus enim, vtrumque concurrere, & physicè in effectum influere; ita vt causa secunda verè & propriè effectum producat, non tamen absque ope & auxilio Dei.

Hinc sequetur, sicut nulla creatura fieri potest, quæ non dependeat ab influxu Dei in existendo: ita nulla fieri potest, quæ non dependeat ab illius influxu in operando. In vtroque enim æquè eget influxu Dei propter essentialem ordinem & dependentiam ab ipso, qui est omnium esse, omnium vigor.

CAPUT IV.

Quo modo Deus creaturis cooperetur.

*Quo modo
Deus coope-
retur rebus
suo concursu
generali.*

15 **O**STENDIMVS Deum omnes causas creatas in operando iuvare; nunc breviter explicandum, quomodo hanc opem cōferat. quæ de re plurima dici possēt, de quibus alibi ex professo satis

actum. Itaque nunc absque vlla disputatione vel refutatione sententia contraria, statui simplici modo veritatem declarare. Suppono, *concursum generalem* Dei nihil esse aliud, quàm benignam & suauem Dei cooperationem, qua singulis rebus accommodatè ipsarum naturæ cooperatur, vnà cum ipsis influendo immediatè in earum effectum. Etsi enim causæ secundæ sint sufficientes & totales in suo ordine, absolutè tamen non sunt totales, sed quasi partiales, egentes ad miniculo causæ primæ, ita vt ex causa prima & secunda vna totalis & omnino integra causa, nullius alterius opis indiga, constituatur.

Sicut igitur partiales causæ eiusdem ordinis altera non agit in alteram, nec determinationem aliquam præuiam altera alteri imprimit, sed simul omnino & depēdenter à mutua cooperatione influunt immediatè in effectum (vt patet his exemplis. Primò, quando duo trahunt nauem, vel leuant aliquod pondus: Secundò, quando potentia ^a visiva vnà cum specie visibili producit visionem: Tertiò, quando intellectus ^b vnà cum specie intelligibili intellectionem: Quartò, quando voluntas vnà cum habitu charitatis dilectionem supernaturalem, &c.) ita quando Deus concurrit concursu generali cum causa secunda, non agit in illam, nec vllam præuiam motionem, impulsu, vel determinationem illi imprimit; sed simul agit cum illa, ita vt vtrique causa cum mutua dependentia immediatè in effectum influat, non secus ac si causæ partiales essent. Et quamuis Deus possit solus totum effectum producere, tamen quando cooperatur causæ secundæ, non adhibet tam fortem & plenum influxum, sed modicum & veluti partialem, vt creaturæ etiam in agendo suas partes relinquat. Sicut cum vir robustus iuuat puerum in onere portando, ita se accommodat, ita temperat suum auxilium, vt puer etiam aliquid conferat; sic vt oneris gestatio ab vtroque partialiter procedat.

*Explicatur
exemplo cau-
sarum par-
tialium*

*a b Hæc in-
tellige iuxta
sententiam
probabilem
eorum qui
ponunt spe-
cies visibiles
& intelligi-
biles effe-
ctiue cum
potentia
concurrentes.*

16 Rursus, sicut cum causæ partiales eiusdem generis concurrunt ad eundem effectum in exemplis prædictis, non est putandum, hanc partem effectus fieri ab hac causa partiali, illam ab illa (nam multi effectus sunt omnino simplices, vt patet in visione, intellectione, volitione) sed totus effectus secundum omnes suas partes est à singulis causis partialiter influentibus, & veluti dimidiatas vires dimidiatosque influxus conferentibus. Eodem modò cum causa prima & secunda concurrunt, non est existimandum, aliam partem effectus, aut alium gradum esse à causa prima, alium à se-

*Totus effec-
tus est à sin-
gulis causis
partialibus*

cunda: sed totum quoad omnes partes & gradus esse à prima, & totum à secunda; vtrique causa veluti partialē influxum præbente. Sicut tota visio est à potentia visiva, & tota à specie visiva: totus actus charitatis à voluntate, & totus ab habitu supernaturali: totus motus navis, totusque impetus illi impressus ex quo motus sequitur, est ab hoc trahente, & totus ab illo. Sicut enim tota vis necessaria ad productionē effectus potest esse in vna re, ita potest interdum esse veluti diuisa in duobus: & tunc illa duo erunt causæ partiales, & constituent vnam causam integram. Pari modo influxus vnius causæ potest interdum esse ita plenus, vt sufficiat ad productionem effectus; interdum ita tenuis, vt nihil valeat nisi influxus alterius causæ ei sit coniunctus. Talis est vis & influxus omnis creaturæ sub Deo.

Hi concursus non sunt res distinctæ. Hinc patet, concursus Dei non esse rem aliquam distinctam à concursu causæ secundæ, cum vnum eundemque simplicem terminum habeant: sed productio vnius eiusdemque rei, vt est à Deo, dicitur concursus Dei; vt est à causa secunda, dicitur concursus causæ secundæ. Itaque solum distinguitur per respectum & dependentiam à causa. Idem cernitur, quotiescumque simplex effectus à duabus causis partialibus procedit. *Productio* enim rei non distinguitur ab ipsa re producta, sed est ipsa res respectata vt in fieri, seu vt dependens in primo instanti à sua causa. Quare cum in re producta non sit aliqua distinctio realis, neque in ipsa productione, aut inter ipsos concursus vlla distinctio realis erit.

Singulis causis partialibus aliquid in effectu respondet. 17 Semper tamen quando plures causæ partiales, vel quasi partiales, ad eundem effectum concurrunt, singulis respondet aliqua propria ratio formalis in effectu, quæ per se primò in talem causam sit referenda; verbi gratia, cum potentia videndi vnà cum specie visibili producit visionem albi, in illa visione multa considerari possunt; vt, quòd sit talis speciei, quòd sit visio, quòd actus vitalis, quòd hîc & nunc fiat. Et quidem quòd illa visio sit talis speciei, id est, quòd potius sit albi quàm nigri, habet à specie visibili; quòd sit visio potius quàm auditio vel alterius potentie operatio, habet à potentia videndi; quòd sit actus vitalis, habet ab anima, siue à potentia, vt est vis animæ; quòd hîc & nunc fiat, habet à libertate voluntatis, vel quia contingit hîc & nunc applicari obiectum. Simili modo quòd dilectio Dei sit supernaturalis, habet à gratia præueniente, vel habitu charitatis; quòd sit dilectio potius quàm actus alterius speciei, habet à libertate voluntatis determinantis se potius

potiùs ad hanc speciem, quàm ad aliam; quòd sit actus liber, similiter habet à libertate voluntatis se pro hoc tempore & loco determinantis.

Quid causa prima, quid secunda respondeat in effectum communi.

Pari modo, quia causa prima & secunda concurrunt veluti causas partiales, assignandum est aliquid in effectum quod utrique propriè respondeat. Quare cùm Deus concurret ut causa prima & maximè vniuersalis, ei respondebit tamquam proprius effectus in re producta, illa ratio quæ maximè est vniuersalis: effectus enim vniuersales attributione, referendi sunt in causas vniuersales causalitate; maximè autem vniuersalis est ratio essendi: hæc igitur in omnibus rebus propriè & per se primò est à Deo. quod etiam multis locis alta mente tradit S. Thomas, ut suprà num. 14. ostensum, neque rectè à quibusdam oppugnatur. Rationes verò particulares referendæ sunt in causas secundas, ut ex prædictis exemplis constat. Itaque quòd res illa quæ producta est, sit aliquid particeps esse & essentiae, & consequenter, vnitatis, veritatis, bonitatis; habet per se primò à causa prima; quòd autem sit talis speciei vel generis potiùs quàm alterius, per se primò habet à causa secunda.

Consequenter ex doctrina de concursu Dei.

Non laedi libertatem.

18 Ex his patet Primò, Per concursum Dei nullo modo laedi libertatem; quia non est influxus aut impressio in voluntatem ut ipsa est agens, nec villo modo præuenit influxum liberum voluntatis in actum; sed eum comitatur, ita ut simul cum influxu voluntatis sit vna simplex & immediata productio actus volitionis aut nolitionis, &c. Unde non magis adfert necessitatem voluntati quàm concursus habitus supernaturalis. Sicut enim habitus ita coniunctus est voluntati, ut eius influxus in actum sit in potestate voluntatis: ita Deus se eo modo voluntati accommodat & coniungit, ut concursus & influxus eius sit in voluntatis potestate. Cùm enim intimè sit præsens rebus omnibus, easque suo substantifico influxu conseruet, omnibus esse & vigorem impertiens; non est ei difficile ita se illi attemperare, ut vnà cum illis operetur, easque iuuet.

19 Patet Secundò, Concursui diuino non esse imputandum quòd actus sit prauus, vel talis speciei, ut si rationis vsus adsit, non nisi prauus esse queat: quia concursus diuinus, quatenus à Deo est, non tendit ad talem speciem actus, sed potiùs ad opus bonum; nam in eum finem à Deo datur: sed concursus voluntatis illum determinat & restringit contra intentionem Dei ad illam speciem; sicut vis quæ est in semine, suo influxu flectit & restringit influxum

Concursus Dei generalis non est causa cuiusvis speciei.

solis ad hanc vel illam speciem plantæ producendam. Quare non est dicendum simpliciter, affectum furti, fornicationis, homicidij, odij esse à Deo, vel Deum esse causam & auctorem talis affectus, vel talis actus positiui, secundum suam speciem considerati. Talis enim modus loquendi denotat intensionem vel causalitatem determinatam. atqui Deus actum illum non intendit in specie, nec cupit illum fieri, sed grauitè prohibet: non enim solum odio habet & prohibet ipsam malitiam operis, sed etiam opus ipsum, cui necessariò malitia in eo qui ratione utitur, connexa. Vnde etiam in tale opus non præbet influxum ex se determinatum ad speciem talis operis, sed indeterminatum; qui non sufficit ut simpliciter dicatur auctor illius operis. Hinc nemo Catholicus dixerit, Quòd in me sit affectus adulterij, vel homicidij, id à Deo prouenit; Deus est mihi causa vel auctor talis affectus. Quam ob causam S. Augustinus expressè docet, tales motus & affectus nò esse à Deo, nec Deum esse illorum auctorem; quia, inquit, talis motus peccatum est. vide illum lib. 12. Confessionum cap. 11. & lib. de perfectione iustitiæ, ratiocinatione quarta; ubi etiam dicit, tales motus *non esse res*, sed nec censendos in numero rerum, quando dicimus rem omnem esse à Deo, & Deum auctorem esse omnis rei. Possunt tamen huiusmodi locutiones admitti cum hac limitatione, ut dicatur esse à Deo *ut à causa vniuersali*, qui solum influxu generali ad illos motus cooperatur absque intentione talis motus, ut eruditè tradit Molina 1. p. q. 19. a. 6. disput. 3. Talis enim modus causandi non sufficit ut possit simpliciter dici causa vel auctor illorum motuum secundum propriam speciem. Nec obstat quòd Deus sit causa vniuersalis effectuum qui ab aliis causis fiunt, ut fructuum terræ, procreationis animalium, ventorum, &c. & tamen propriè dicatur illorum omnium auctor, & omnia illa facere ac producere: quia non solum est causa istorum vniuersali concursu, sed etiam peculiari virium ad hos effectus institutione. vnde etiam si non præberet concursum (ut volebat Durandus) nihilominus absolute diceretur illorum auctor. secus est in re proposita: quia vires liberi arbitrij non instituit ad tales actus, nec præbet concursum ut tales actus fiant. Potest tamen dici auctor istius operis quatenus est res quædam, vel etiam ut est actus voluntatis in genere: nam concursus quem præbet Deus voluntati, per se primò tendit ad esse, & datur eo fine ut eliciatur actus aliquis vitalis à voluntate: datur enim concursus à Deo rebus singulis, ut operationes naturæ

suæ consentaneas edant. Vnde operationes illæ ita in genere spectatæ, & secundum genericam illam rationem sunt intentæ à Deo, & Deus earum auctor dici potest. Hæc de concursu, instituto nostro sufficiant.

Tertiò colligitur, quanta sit hac in re Dei benignitas, qui ne creaturæ iam factæ remanerent inutiles, & tamquam mortuæ, omni sensu, motu, vigore, energia destitutæ; benignissimè se illis applicat, illas ad omnes actiones iuvat, illis ubique cooperatur, & cum illis assiduè dies noctesque veluti laborat, idque hominis potissimùm causa, propter quam tota creatura corporalis est instituta. Benignitas Dei.

Quartò, quanta sit creaturæ ad Deum subiectio, quanta in omnibus dependentia. Nam ratione necessitatis huius concursus, nihil omnino nec boni nec mali sine singulari Dei nutu fieri potest: & omnes causæ creatæ à suis functionibus absque vlla vi: solo concursu denegato, suavissimè impediri possunt. Subiectio creature.

Quintò, causas omnes secundas triplicem habere à prima dependentiam. Primo, ratione virium acceptarum. Secundo, ratione assiduæ conseruationis. Tertio ratione concursus. Nemo igitur in seipso gloriatur, nemo suam sapientiam, potentiam, virtutem, robur iactet, cùm etiam in minimis à Deo pendeat, & sine ipsius ope, ne manum quidem mouere queat. Dependentia triplex.

CAPVT V.

De prædefinitione seu decreto diuino.

20 **TERTIVS** actus pertinens ad gubernationem est, *prædefinitio* seu *decretum*. Est autem *prædefinitio* Dei, (Græci *προορισμός* Tertius actus, Prædefinitio. vocant) æternum Dei decretum, quo statuit vt aliquid fiat in tempore, siue à se, siue à creatura. Itaque est actus internus & liber diuinæ voluntatis, respiciens obiecta quæ extra Deum. Verùm vt respicit primam rerum originem & conditionem, non pertinet ad gubernationem, neque inter actus gubernationis censeretur, sed ad primam institutionem, qua ea quæ gubernanda sunt, instituuntur: eiusque opus externum est *creatio*. Sed ad gubernationem pertinet quatenus extendit se ad ea quæ postea circa creaturam, vel à creatura agenda sunt.

Notandum autem est, longè aliter esse prædefinita, quæ initio mundi à Deo sunt creata & instituta, aliter quæ successu tem- Discrimen præfinitivæ.

*Posse peccare,
an præfinitum à Deo.*

*Augustinus
l. 12 De Civ.
c. 1 & 6
Fulg. 1 De
fide ad Pe-
trum c. 3.*

poris in mundo erant futura. Quæ enim initio sunt instituta, prædefinita fuere absoluta & efficaci voluntate, ante omnem prævisionem determinationis causarum secundarum cum omnibus suis circumstantiis & conditionibus; nimirum, ut fierent ista non alia, tali momento, in tali spatio, tali mensura & forma, tali situ & ordine, talibus viribus & qualitatibus. Hæc omnia distinctissimè ab æterna mente concepta, & sic absolutè decreta, & ex vi æterni decreti initio mundi sic condita & formata. Hoc tamen intellige de conditionibus rerum quæ perfectionem insinuant, non quæ defectum; ut esse corruptibile, posse peccare, posse annihilari. Hæc enim non sunt per se intenta à Deo in rebus, sed permixta tantum, & quasi necessitate materiæ obuenientia. Ideò enim res potest dissolui, quia ex elementis composita; ideò annihilari, quia ex nihilo; ideò peccare, quia non est sua regula, nec suæ regulæ necessariò coniuncta: vel si ulteriorem causam requiris, quia ex nihilo. Itaque ex vi intentionis diuinæ res non sunt huiusmodi.

21 Quæ verò postea fiunt in rebus ferè aliter prædefinita sunt. Primum, Quia ferè præfinita sunt, supposita prævisione alicuius conditionis in causa secunda à libertate eius dependentis. Hoc enim bona gubernatio postulabat, ut nihil in cursu primæ institutionis mutaretur, nihilque novi adderetur, nisi ex aliqua causa de nouo exorta: quæ causa non poterat esse nisi ex libero arbitrio; reliqua enim omnia sequerentur necessariò ex prima institutione. Deinde, non ita absolutè, sed multa sub conditione, & cum assidua dependentia à determinatione voluntatis creatæ. Tertiò, In plurimis adiaphorò est Deo, sic an sic res fiant. Præcipuè autem difficultas est de operibus bonis, quomodo à Deo sint prædefinita: ex modo enim præfinitionis illorum, facile intelligi poterit quomodo indifferentia & plerique effectus rerum naturalium præfinita sint. Damascenus l. 2. Fideri orthodoxe c. 30. videtur simpliciter negare ea esse à Deo præfinita: Πάντα ἰδὸν, inquit, ὁ Θεὸς ἔπαισα δὲ πᾶσι. ὁ Θεὸς γὰρ τὰ ἐφ' ἡμῶν, ἔπαισα δὲ αὐτὰ. *Omnia quidem Deus prænoscit, non omnia tamen præfinit: prænoscit enim ea quæ in nostra sunt potestate, non tamen ea præfinit.*

22 Quidam putant illud præfinit, hic ita accipi à Damasceno, ut sit idem quod necessitatem adfert: & ipsum solùm velle, Deum non adferre necessitatem operibus nostris. Verùm aliud est πᾶσι, præfinire; aliud ἀνάγκη, necessitatem adferre. Præfinitio enim est in Mente diuina, ut pote decretum seu volitio diuina: necessitas verò, seu

actio, qua necessitas infertur rebus, est in ipsis rebus. Vnde nemo unquam istis nominibus ita usus est, ut *δεσποεῖν*, sit idem quod *necessitare*, seu *necessitatem adferre*. Itaque loquitur Damascenus de decreto diuino, non quolibet; sed quo ante prauisionem determinationis causæ secundæ, ex se aliquid absolutè decernat & statuatur. Hoc enim est propriè *δεσποεῖν*, *præfinire*, seu *prædefinire*. Hoc modo non prædefinit omnia, etsi omnia prænoscat. Quia non prædefinit ea quæ sunt in nostra potestate, & pendent à libertate arbitrij nostri. Probat Damascenus, Deum hæc non prædefinire, *Quia*, inquit, *non vult malitiam seu peccatum, neque cogit ad virtutem*. Ibi insinuat, duo requiri ad præfinitionem. Primò, Vt Deus velit illud fieri. Secundò, Vt velit absolutè; ita vt si homo spontè non faciat, illum cogat & necessitet. Itaque etsi ex absoluta præfinitione secundùm Damascenum sequatur coactio vel necessitas, non tamen idcirco præfinire idem est quod necessitare vel cogere.

Duobus tamen modis possunt opera bona dici prædestinata & prædefinita. Primò, Præfinitione non absoluta, sed conditionata, idque ante prauisionem determinationis nostræ voluntatis. Desiderat enim vehementer vt opera bona faciamus, & in hunc finem nos excitat variis modis internis & externis. Secundò, Præfinitione absoluta, supposita prauisione nostræ determinationis, vel ea comitanter se habente. Cùm enim ante prauisam nostram determinationem prædefiniat nostra bona opera ex hypothesi, si nostra voluntas se ad illa velit determinare; posita illa hypothesi, illa prædefinitio conditionata transit in absolutam, & fit efficax, ita vt simul cum nostra voluntate influat in opus. Mala tamen non sic vult, ne sub conditione quidem: quia non desiderat ea fieri; neque vt illa fiant, vires & concursus præbet, nec villo modo approbare potest: sed tantùm permittit, iuxta illud Habacuc 1. *Mundi sunt oculi tui, ne videas malum, & respicere ad iniquitatem non pateris. Ne videas*, id est, ne approbes, ne velis aliquid quod sit iniquum & legi diuinæ contrarium. Quòd autem bona opera non sint in particulari prædefinita absoluto decreto ante prauisionem absolutam determinationis nostræ voluntatis, fusè à nobis ostensum est in Tractatu de Prædestinatione n. 17. & sequentibus: quæ omnia ex hoc loco in illum transtulimus. est enim illa quæstio magni momenti in Theologia; & idcirco prolixius ibidem tractata, neque hîc repetenda.

CAPVT VI.

De Permissione.

Quartus
actus, per-
missio.

23 **Q**UARTVS actus ad gubernationem pertinens, est *permissio*. Est autem permissio propriè non actus internus in Deo sicut decretum, sed externus; accepto nomine *actus* latè, vt comprehendit etiam liberum *non agere*. Aliud enim est permittere, aliud velle non impedire. Alioquin si permittere esset formaliter velle, cum dicimus, Volo permittere, esset reflexio voluntatis super suum actum, & significarem nos habere volitionem volitionis non impediendi, quod non est verum: tantum enim significamus nos habere volitionem non impediendi.

Quid per-
missio.

24 Est igitur *permittere* idem quod non impedire, cum tamen facultas impediendi suppetat. Pertinet propriè ad ea quæ vel displicent (in quibus subest aliqua impediendi ratio) vel sunt adiaphora, ita vt non curemus, fiant nec ne; sic fiant, an aliter, & &c. Nemo enim dicitur propriè permittere fieri, quæ fieri cupit. Itaque vt propriè & in actu secundo aliquid dicatur permitti, requiruntur quinque. Primò, Vt displiceat permittenti, vel illi sit adiaphorum, vt dictum est. Secundò, Vt sit euenturum, nisi causa impediatur. quod enim non est euenturum, propriè non est permissum, nisi in actu primo, quatenus causa non fuit impedita, quò minùs posset illud sicut alia facere vel producere. quo modo Deus dicitur sinere res agi suis motibus, dum illas nō impedit, quin secundum naturæ suæ conditionem quidlibet operentur: quo etiam modo ex consequenti, & secundariò sunt permissa multa mala, quæ homo potest facere, & non facit. Tertiò, Vt sciât euenturum nisi ipse impediat, si enim nesciat euenturum, non potest dici voluntariè & in particulari permissum. Quartò, Vt adsit facultas impediendi. Impropriè enim dicimur permittere solem moueri, cælum plueri, &c. Quintò, Vt nolis, vel voluntariè omittas impedire; siue vt te non opponas, sed sinas rem fluere suis motibus. qui enim se opponit & conatur impedire, non dicitur permittere, etiâ si res eueniat.

Quinque
requisita ad
permissionē.

Permissio est
quid tem-
porale.

25 Ex his patet Primò, omnem permissionem propriè fieri in tempore. Sicut enim actus impediendi, quo aliquis effectus impeditur ne fiat, est temporalis: ita actus permissionis, qui consistit in non impediendo, estque negatio operationis positiuæ, temporalis est, &

coëxistit causæ, quæ suis motibus agi finitur, eiusque operationi.

Patet Secundò, Omnem permissionem diuinam non minùs quàm operationes Dei positivas cadere sub æternum Dei decretum. Sicut enim Deus nihil facit in tempore, nec vllum creaturæ effectum impedit, quin decreuerit illud facere vel impedire ab æterno: ita etiam nihil omnino permittit, quin illius permissionem ab æterno decreuerit. Itaque nullum committitur peccatum in mundo, quin Deus in particulari ab æterno permittere statuerit.

*Cadit sub
decretum
diuinum.*

26 Patet Tertiò, Sicut omnis Dei operatio est bona, & ob eam est laudandus & benedicendus; ita quoque omnes ipsius permissiones bonas esse, & ipsum ob eas laudibus celebrandum, quamuis ea quæ permittit, detestanda & pessima sint: habet enim iustissimas & sanctissimas rationes cur mala permittat. Vnde D. August. in Enchirid. c.

*Omnis Dei
permissio bo-
na & laude
digna.*

26. *Non fit aliquid, nisi omnipotens fieri velit, vel sinendo vt fiat, vel ipse faciendo. Nec dubitandum, Deum benè facere, etiam fieri sinendo quæcumque fiunt male. Non enim hoc nisi iusto iudicio finit.*

*Cur Deus
permittat
mala, præ-
sertim culpa.*

27 Prima causa est generalis; quia decet gubernatorem vniuersalem & supremum, vt postquam res omnes optimè & sufficientissimè ad omne bonum instruxit, sinat eas agi suis motibus: alioquin auxiliū collatum non videretur fuisse sufficiens, & bonum opus videretur coactum, nec esset tanta laude dignum. Secundò, Vt creatura rationalis sese exciter ad bonum faciendum & malum vitandum, semper intenta & sollicita ne gratiæ diuinæ desit. quòd si Deus nullum peccatum permitteret, cessaret illa sollicitudo, & Deo committerentur omnia. Tertiò, Quia ex malo nouit elicere maxima bona. Hac est causa non finalis, sed sinequa-non permissionis mali. Vnde S. Aug. in Enchiridio cap. II. *Neque, inquit, Deus omnipotens, cui rerum est summa potestas, cum summè bonus sit, vllò modo sineret mali aliquid esse in opere suo, nisi vsque adeò esset omnipotens & bonus, vt benè faceret etiam de malo.* Bonum autem quod ex malo elicit, est multiplex.

*Prima causa
generalis per-
missionis
malorum
culpa, vt ple-
nè relinquatur
libertas.*

28. Primò, Est ostensio diuinæ iustitiæ, quæ in castigatione peccatorum maximè splendet, & magnitudinis diuinæ Maiestatis, quæ tãta est, vt vel vnicum peccatū mortiferum, eò quòd contra illam committitur, mereatur æternam pœnam. Secundò, Ostensio diuinæ misericordiæ, quæ in remissione peccatorum cernitur. Tertiò, Incarnationis mysterium, vnio hypostatica, Christi humanitas, & quidquid ille pro nobis fecit & pertulit: quæ omnia occasione peccati sunt constituta. Vnde occasione peccati multò magis gloria Dei est illustrata, quàm si nullum vnquam

*Qua bonum ex
malo elicit
Deus.*

peccatum fuisset. Quartò, Peccatis impiorum vtitur ad profectum & maiorem gloriam saluandorum. Sic malitia tyrannorum vsus est ad exercitium & gloriam Martyrum. Si enim nulli fuissent tyranni, careret Ecclesia gloria martyrij: si nulli hæretici, non ita probata & illustrata esset fides Ecclesiæ. Vide hac de re S. August. Epist. 141. & 157. & Tract. 90. in Ioan. & in Psal. 54. Quintò, Vtitur ad castigationem aliorum. Sic vsus est malitia Regum Assyriorum, Chaldæorum, Ægyptiorum, Romanorum, & aliorum ad castigationem populi Israëliti. Vtitur autem non incitando, sed permittendo vt diabolus illos incitet. Simili modo vtitur malitia diaboli ad exercitium sanctorum, & punitionem peccatorum, qua de re vide pulcherrimum locum August. Serm. 3. De Machabæis. 29. Sextò, Sæpè permittit peccatum in vindictam & punitionem alterius peccati, vt colligitur ex Apost. ad Rom. 1. & hac ratione peccatum dicitur pœna peccati; non quòd ipsum propriè sit pœna, cùm non sit à Deo puniente intentum: sed quia permissio eius pœna est, à Deo volita in vindictam, ex qua permissione per accidens aliud peccatum sequitur. Cùm enim homo per prius peccatum se facit indignum inspiratione & protectione diuina; Deus eam subtrahit, id est, non præbet, vt alioquin fecisset, & ita miser in alia peccata labitur, quæ per gratiam illam euasisset. Nam *permissio peccati*, nihil est aliud, quàm non dare illam gratiam, per quam peccatum fuisset impeditum. Septimò, Interdum permittit Deus hominem in aliquod peccatum labi, vt teporem ipsius vel præsumptionem emendet. Vnde S. August. Serm. 53. De verbis Domini: *Audeo dicere, superbis continentibus expedit cadere, vt in eo ipso in quo se extollunt, humiliantur.* Sic cùm quis putat se satis fortem, & de se præsumit, vt Petro accidit, nec cum timore & tremore salutem suam operatur, vtiliter permittitur labi, vt suam miseriam agnoscat, & humiliter de se sentiat. Sic multi Sanctorum occasione lapsus alicuius, postea cautiore, feruentiore, & humiliores fuere. Denique bonū elucet & splendet ex cōparatione mali, vt docet Augustinus in Enchirid. c. 11. *Malum benè ordinatum & suo loco positum, eminentiùs commendat bona, vt magis placeant & laudabiliora sint, dum comparantur malis.* Ex his constat, maximè pertinuisse ad diuinam prouidentiam, permissionem malorum, vnde tanta bona redundarunt.

30 Dixi hæc bona non esse causam finalem permissionis peccati, sed *sine qua non*: quia nullum bonum, quod ad sui executionem requirit

*Peccatum
posterius est
pœna prioris
ratione per-
missionis
qua poste-
rius permit-
tatur in pœ-
nam prioris.*

*Permissio
peccati quid
sit.*

quirit vel supponit peccatum, potest per se appeti vel intendi à Deo priusquam sit peccatum, sed solum appetitur supposito peccato. Tale bonum est, quod per se est remedium peccati, sicut *pœnitentia*, vel *castigatio peccati*; sicut pœna tum huius vitæ, quæ est medicinalis; tum futuræ vitæ, quæ est pura vindicta: vel *exercitium* & *patientia piorum* ex afflictionibus irrogatis ab impiis: vel *ostensio misericordie* in condonandis peccatis, aut *iustitia* in puniendis: vel humiliatio hominis per proprii lapsus considerationem, vel quid simile, quod sine peccati interuentu non potest executioni mandari. Nihil horum Deus ex se cupit, nec captat occasionem vt talia faciat, aut vt talia fiant priusquam sit peccatum: imò ex se optat vt numquam talium bonorum detur occasio. Supposito tamen peccato, illa bona desiderat & intendit: quia tunc illa rationem boni & desiderabilis obtinent, & eorum executio sine peccato fieri potest. Itaque dicuntur hæc volita non *voluntate antecedente*, quam Deus ex se concipit, & tantum ad ea, quæ per se bona sunt, pertinet; sed *consequente*, quæ ex nobis occasionem accipit, vt inquit Damascenus l. 2. De fide orthodoxa cap. 29. Ex quibus perspicuum est, permissionem peccati (cùm ipso peccato sit prior) non prouenire ex affectu quo Deus cupiat ista bona, ita vt hæc sint propriè finis illius permissionis: sed solum habere rationem causæ *sine-qua-non* respectu illius permissionis.

Bonum supponens peccatum, non est per se expensandum.

Voluntas antecedens.

Voluntas consequens.

31 Quod vt melius percipiatur, considerandum est, dupliciter posse aliquod malum permitti. Primò, Ex desiderio vt eueniat, nimirum vt inde habeas occasionem alicuius boni eliciendi; vt si Medicus permittat morbum ingrauescere, vt ex curatione plus lucretur, vel artem suam magis ostendet. & tunc ipsum malum directè est volitum, vt sit occasio illius boni. Secundò, Non ex desiderio vt eueniat (imò displicet si euenerit) sed ob aliam causam, verbi gratia, ne videaris importunus (quo modo qui aliorum curam gerunt, nonnulla interdum permittunt;) vel vt cognoscas conditionem hominis; vt cùm pater permittit filium furari, vt eius indolem exploret, & si furetur corrigat. Hoc modo Deus permittit peccatum, etsi summopere illud displiceat. habet enim iustissimam causam permittendi, vt antè dictum est; nimirum, vt res sinantur agi suis motibus; & vires quas ab ipso acceperunt, sponte in opus exerant. Ob hanc tamen causam (quæ est eius bonitas) tantum malum non permetteret, nisi sciret ex illo aliud bonum elicere: & ita hoc bonum est causa non finalis, sed *sine-qua-non* istius permissionis, quod

Duplex permissio mali.

*Quomodo
peccata ca-
dant sub di-
uinam pro-
uidentiam.*

*Actus diui-
nae providen-
tiae circa pos-
satum ver-
santes.*

32 Patet quartò, Etiam si peccata non sint opera diuinæ prouidentiae, neque ex prouidentiae vi proueniant, cum nullo modo à Deo sint volita, neque vires eo fine naturæ rationali contulerit; non tamen fieri absque diuina prouidentia (hæc enim valdè sunt distincta, fieri per diuinam prouidentiam, & fieri non sine diuina prouidentia) sed verè & propriè sub diuinam prouidentiam cadere. Primò, quia sine permissione & concursu diuino fieri nequeunt: atqui permissio est actus diuinæ prouidentiae, supponens decretum permittendi & præscientiam conditionalem, qua præuidet futura si permittantur. Similiter concursus est actus diuinæ prouidentiae supponens decretum & præscientiam. Deinde quia peccatum est veluti materia, ex qua diuina prouidentia multa bona elicit, vt ostensum est. Ex quibus constat, etsi Deus nullo modo velit aut decernat peccatum, multos tamen diuinæ prouidentiae actus circa illud versari. Primus est, scientia conditionalis qua præuidet illud futurum si permittatur, & notitia distincta rationum omnium cur possit meritò permitti. Hic actus est in hoc ordine veluti fundamentum. Secundus est, voluntas permittendi, & concursus generalem præbendi. Tertius est, cognitio quasi abstractiua illius peccati tamquam absolutè futuri. hæc enim cognitio sequitur immediatè ex decreto permittendi, supposita præscientia conditionata. Quartus est, visio intuitiua absoluta illius peccati. Quintus est, voluntas vindicandi, parcendi, aut alia bona inde eliciendi. Sextus est, permissio temporalis & concursus. Septimus, punitio, vel condonatio illius peccati: ex qua sequitur admiratio, laus iustitiæ diuinæ vel misericordiæ, aliaque bona quæ in tempore Deus ex peccatis elicit. Quare perspicuum est, etiam si Deus opera peccatorum non prædefiniat, non idèò otiosè tamquam spectatorem quemdam se ad illa habere, quasi nihil ad ipsum pertineant; sed vndique eius prouidentiam se illis ingerere.

*Nihil fugere
potest prouidentiam di-
uinam.*

33 Patet quintò, Nullam omnino rem posse amplitudinem diuinæ prouidentiae egredi & effugere; sed omnia eius ambitu concludi. Omnes enim causæ, quantumvis magnæ vel paræ, ita diuina potestate continentur, vt absque eius nutu & concursu, nulla vel in minimum actum motumve possit emicare. Vnde S. Augustinus in Sentent. apud Prosperum: *Voluntas Dei est prima & summa causa omnium corporalium spiritualiumque motionum. Nihil enim sit visibili-*

er & sensibiliter, quod non de invisibili & intelligibili summi Imperatoris aula aut iubeatur aut permittatur, secundum ineffabilem iustitiam premiorum atque poenarum, gratiarum & retributionum, in ista totius creature amplissima quadam immensaque Republica. & in Enchirid. cap. 96. Non fit aliquid, nisi omnipotens fieri velit, vel sinendo ut fiat, vel ipse faciendo. 34. Et quamvis peccatores nitantur se diuinæ providentiæ & dispositioni subtrahere, non tamen possunt: dum enim subtrahunt se ordini diuinæ directionis, incidunt in ordinem castigationis; & dum subtrahunt se benignitati misericordiæ, incurrunt in severitatem iustitiæ; & dum nolunt Deum honorare bonis operibus, coguntur honorare perpetiendis suppliciis; denique, dum nolunt ei sponte subesse obediendo præceptis, coguntur subesse inuiti in sustinendis tormentis.

CAPUT VII.

De malorum impeditioe.

QUINTVS actus gubernationis est, *multorum malorum impeditio.* Tot enim & tanta mala, posito semel peccato, à causis creatis irruerent, ut nisi per diuinam providentiam impedirentur, brevi mundum perderent. 35. Ac primum infinita mala impedit, quæ quisque in seipso esset facturus, & quibus suam animam gravissimè damnaturus. Nam, ut inquit S. Augustinus, *Nullum facit homo, quod non faceret alius homo, nisi eum custodiret gratia illius, qui pro nobis factus est homo.* Quisque id in seipso facile advertit, cum variorum peccatorum occasiones propinquas vel remotas, in quibus aliquando fuit, considerat. Itaque gratiæ diuinæ imputare debet non solum bona quæ fecit, sed etiam mala quæ vitavit: ut quod in hæreses non inciderit, quod libidinis barathrum vitauerit; quod homicidia, furta, sacrilegia, &c. non commiserit. nisi enim Deus hominem à pueritia protegat, occasiones malorum auertat, salutaria inspiret, & cursum vitæ dirigat; facile in quævis peccata incidit. 36. Secundò, Impedit infinita mala quæ diabolus esset illaturus. unde Dominus Luc. 22. ait: *Simon, Simon, expectavit vos satanas, ut cribraret tamquam triticum: ego autem rogam pro te ut non deficiat fides tua.* Tanta enim est diaboli potentia, ut facile omnes mortales posset pervertere, omnem religionem extinguere, omnia sacra & cultui diuino dicata vastare, & omnia hæc inferiora turbare, miscere, perdere; nec deest ei ad hoc incensa voluntas: sed

per diuinam prouidentiam furor illius tamquam vinculis quibusdā cohibetur, & potentia comprimitur, vt ne hilum quidem amplius valeat, quā Deo manum suam laxare placuerit, vt perspicuum est ex Historia S. Iob, cui absque peculiari Dei concessu ne minimum quidem nocere poterat, non solum in corpore, sed neque in rebus externis & possessionibus. & ex historia legionis dæmonum, quæ expulsa ab homine rogauit Dominum vt permitteret inuadere porcos: Matthæi 8. & Lucæ 8. Ita enim à Deo continentur sicut furiosi canes vel leones, quos moderator sic constrictos tenet, vt nihil possint, nisi quantum ipse permittit, vinculum laxando, vel contrahendo. Simili modo continet vim impiorum ne ecclesiam euertant, & omnia sua impietate inficiant.

*Quomodo
Deus utatur
impia.*

37 Ex quo facilè intelligi potest, quo modo dicatur illis vti ad aliorum exercitiū vel castigationem: nō enim ad hoc opus est incitatione aliqua occulta, aut motione; absit à Deo tantum nefas: sed sufficit vt manum qua illos cohibebat, remittat, & vires compressas relaxet, sinatque ferri suis motibus; cohibendo tamen ne ad alia, aut aliter id fiat, quam ipsi placuerit permittere. Et si enim Iudaicæ malitiæ habenas dedit in Christum sœuendi, non tamen quouis modo illos squire permisit; sed ita continuit, vt nec alia nec aliter id facerēt, quā mysterio illi congrueret, idque vel alias cogitationes impediendo, vel alias opportunitates subtrahendo, vel etiam, si fortè opus fuit, obiecta quædam eò pertinentia phantasiæ offerendo: quamuis hoc tertium credibile est, non per se, sed per diabolum sola permissione sua effecisse, quando res mala erat. Et si enim, cum malitia alicuius est in genere ad malum inferendum determinata, nō sit per se malum, obiectum animo obicere, verbi gratia, hominem, vel instrumentum, vel tormenti genus; tamen non videtur ita conueniens, vt Deus id per se faciat; sufficit vt diabolo id facere permittat. 38. Itaque non sine singulari diuinæ prouidentie dispositione accidit, quòd dominus in sua passione ab omnibus Apostolis desertus, quòd à Petro negatus, quòd ab Herode veste alba indutus, quòd sub specie castigationis tamquam dimittendus tam durè flagellatus, quòd spinis coronatus, quòd arundo potius quàm baculus veluti sceptrum in manus ei tradita, quòd ad crucem potius quàm ad lapidationem damnatus, quòd homicida pro eo dimissus, quòd extra ciuitatem in monte versus Occidentem inter duos latrones (quorum alter qui saluandus erat, ad dexteram, alter qui damnandus, ad sinistram positus)

*Mysteria
passionis
Christi quo-
modo à diui-
na prouiden-
tia disposi-
tione pen-
dant.*

fuerit crucifixus, quòd felle & aceto potatus, & alia huiusmodi. Omnia enim hæc mysterium continent, omnia res arcanas significant, vt ex sanctis Patribus constat. Vnde sine singulari dei dispositione, qui per ea nos instruere & occulta significare voluit, non acciderūt: quæ dispositio in eo consistit, quòd deus voluit sic permittere, non aliter, idque auferendo opportunitates, vel impediendo cogitationes quibus aliter fieret; sciebat enim infinita vi penetrantis omnia scientiæ suæ, malitiam Iudaicam se ad omnia hæc supplicia inflexuram, si ipse permetteret, & quasdam alias cogitationes vel opportunitates submoueret; qua supposita voluit sic permittere, & sese, vbi opus esset, inferere.

39 Petat aliquis, quomodo diabolus impediatur, à deone immediate, an per Angelos, & qua ratione? Respondeo, quatuor modis impedi posse. Primò, Angelorum ministerio, quibus hominū *Quatuor modis impeditur diabolus.* custodia est commissa. Hi enim omnes dæmones vident, & quid moliantur cognoscunt, & vbi periculum imminet, statim adesse possunt. Verùm hoc ministerium non videtur sufficere: quia non semper ad sunt dæmonibus vt eos coërceant. Itaque tunc possent vires suas exercere, & grauissima mala inferre, diruendo domos, occidendo homines & animalia, excitando incendia. Plurima enim mala sunt, quæ brevissimo tempore inferri possunt, ad quæ impedienda, oporteret Angelum semper esse præsentem. Non enim potest absens dæmonē coërce. Fatendum tamen est, plurima per Angelos impedi, cū ipsi ad hoc dati sint hominibus custodes, vt eos contra dæmonum vim & fraudes tueantur. Ipsi enim dæmonibus sunt formidabiles, vt pote iis *Psal. 90.* longè potentiores & celeriores. Sic Raphael impediuit dæmonem, qui septem sponso Saræ occiderat, ne occideret Tobiam, *Apprehedit, Tobia 8.* inquit Scriptura, *dæmonium, & reliquit illud in deserto superioris Aegypti.* Sed quibus vinculis illud adstrinxit? non aliis sanè quàm diuinæ potentiae, quæ vbique præsens cū sit, dæmonem ibi detinuit, quòd eum Angelus vi sua transfulerat. Simili modo multi detinentur *Luc. 11.* in desertis locis, vt insinuat dominus Lucæ 11. cū ait: *Ambula per loca arida & inaquosa:* vel apud inferos, ne hominibus nocere possint; ibique derinentur non per Angelos, sed vi diuinæ potentiae. Sic Lucifer ligatus apud inferos ad mille annos, id est, vsque ad nouissima tempora: Apocal. 20. 40. Secundus modus impediendi est, subtractione concursus diuini. Cū enim non possit nocere, nisi aliqua actione positiua, applicando actiua passiuus, vel mo-

Daniel 3.

tuendo aliqua suis locis, & ad talem actionem opus sit concursu diuino: si Deus hunc concursum subtrahat, nihil poterit, sed erit instar paralytici viribus destituti. hoc modo Deus facile omnia mala, quæ ipse machinatur, impedire potest. sic impediuit actionem fornacis Babylonicæ. Tertius modus est, constringendi ipsius vim motiuam, vt ea per quæ nocere cupit, mouere vel applicare ad nocendum non possit. Sicut cum vir robustus tenetur à robustiore ne possit ferire, vel inuadere. Eodem modo ligatur in certo loco, vt non possit egredi. Quartus modus est, per minas & metum ne statim coniiciatur in tartarum, ibique detineatur. Valdè enim timent dæmones istam pœnā, vt patet Lucæ 8. *vbi rogant Dominum, ne mittat ipsos in abyssum.* Cupiunt enim frui libertate vagandi per orbem, & versandi inter homines vt noceant.

His addi potest modus quintus, per cogitationum diuersionem, efficiendo vt aliquid menti non occurrat; vel si occurrit, mens ei non inhæreat: facile enim est Deo id facere. Sic (vt sensit S. Ignatius) diabolus nesciuit Christum ex Virgine conceptum: quia cum videret illam matrimonio iunctam) supposuit illum modo vulgari ex illa genitum, neque venit illi in mentem eam rem vltèrius examinare. His ferè modis diabolus impeditur.

41 Sciendum tamen est, diabolum in multis malis inferendis impediri, ne per se illa possit inferre, quæ tamè ei permittuntur, quādo hominum accedit consensus vel cooperatio, vt benè notauit Franciscus Victoria relectione de Magia, sub finē. Hominibus enim viatoribus, quia parum habent virium, & illis ab hominibus resisti potest, multa permittuntur quæ non spiritibus, quibus non possumus resistere: ac proinde interdum quædam illis conceduntur propter hominum cōspirationem, vt patet in magis. Sic interdum adducunt ventos, concitant tempestates, necant homines & animalia conspirantibus hominibus cum ipsis: quorum pacto cessante, nequeunt ampliùs nocere. Hæc de modis quibus dæmones impediuntur.

Tertiò, Impedit infinita damna quæ ab elementis generi humano sæpè inferrentur, vt à ventis, à fulmine, à grandine, ab imbribus, à siccitate, à terræ motu, ab incendiis, ab eluuiionibus: imò aqua sola omnia quæ super terram viuunt deleret, nisi Deus longè maximam eius partem in vaporem tenuem conuersam in aëre suspendisset, & per vastissimas illius regiones diffudisset. Omitto pericula quæ à feris belluis impenderent, nisi Deus illis terrorem

humani vultus inieciſſet. Omitto damna, quæ ſatis ac frugibus à locuſtis, vermibus, aliſque viliffimis animalculis ſapè irrogarentur, niſi Deus auerteret. Omitto quæ inferrentur ab hominibus, præſertim impiis in pietatis cultores, niſi ſingulari Dei diſpoſitione impedirentur. Exempla habemus in Davide, quem tot annis Saul cum ſuis eſ perſecutus, magno quidem terrore & afflictione Davidis, ſed irritò conatu, Deo miris modis ipſum protegente. Porro David ty-
pus eſ iuſtorum, Saul impiorum & perſecutorum. Quòd hæc & ſimilia mala hominibus impendunt à cauſis explicatis impediuntur & auertantur, ipſius providentiſſimæ curæ, qua genus noſtrum ſouet & protegit, & ſingulos (quantum decet dulciſſimum parentem omnium) tuetur & cuſtodit, vt ad ſalutem æternam adſpirent, deputandum eſt, eique gratiæ pro his omnibus referendæ.

CAPVT VIII.

De gubernatione per motum calorum.

43 **S**EXTVS actus gubernationis eſt, *calorum motio*. Per hanc enim totam naturam corporalem maxima ex parte gubernat; in qua motione quatuor potiffimùm ſunt conſideranda: velocitas, varietas, æquabilitas, effectus. *Velocitas* eſt pænè incomprehenſibilis: nam ſol, iuxta Aſtronomos, ſingulis horis plus quàm vndecies centena millia milliarium peragit. Vna verò ſtella ſphæræ octauæ circa
Æquinoctialem, eorundem Aſtronomorum iudicio, vna hora per-
currit ſupra 42. milliones milliarium, quantum videlicet eques quo-
tidie 40. milliaria percurrens, annis bis mille nongentis vix confice-
ret; quanta igitur ſupremæ ſphæræ mobilis erit pernecitas? Nam hæc incomparabiliter eſt altior, cum Aſtronomi demonſtrent duos cælos inter illam & octauam intercedere.

1100000.

42000000.

1900.

44 *Varietas* quoque eſt mira: ſinguli enim planetarum orbes, ſuos habent peculiareſ motus, tardiores vel celeriores, ſuiſque temporibus & momentis conſtitutis ambitus ſuos peragunt: & cum ſinguli ſuo nutu ab Occidente tendant in Orientem, nihilominus à primo Mobili rapiuntur omnes quaſi in contrarium, nimirum ab Oriente in Occidentem. hic tamen raptus proprios illorum motus non impedit nec perturbat; ſed optimè cum illis ita con-
temperatur, vt vno tantùm motu cieri videantur. Omitto quæ de motibus planetarum in epicyclis, de motu octauæ ſphæræ pro-

prio, & de motu trepidationis dici possent: & vtrum planetæ propriū impetum habeant quo ex Occidente concitentur, an solū ita moueri videantur, quōd magis vel minus à sphæra suprema rapiantur. Satis sit hanc rationem motuum cælestium esse adeo admirabilem, vt hætenus nullum ingenium eius modos & mensuras assequi potuerit.

45 *Aequabilitas* est prorsus admiranda: nulla enim tot sæculis anomalia est notata; sed semper eodem tenore, & pari celeritatis mensura procedunt. Et quamuis planetæ videantur habere interdum motus inæquabiles ratione epicyclorum, & maioris vel minoris elationis supra terram; tamen hæc non est vera inæquabilitas, sed solū respectu centri terræ. Nam & ipsi epicycli semper eadem velocitate circa centrum suum, & orbes deferentes circa suum æquabiliter gy rantur, nullo vñquam tempore vel ad momentum quiescunt, nullo velocius aut tardius procedunt; sed eodem tenore, eadem semper pernecitate circumuolant.

*Cælorum
motus non
esse ab An-
gelis, sed à
diuina po-
tentia im-
mediatè.*

46 Hinc meritò alicui videri possint isti motus non per Angelos (et- si magni Auctores aliter senserint) sed à solo Deo immediatè regi, & in ea exactissima æquabilitate conseruari. Nam præterquam quod ad vniuersalem mundi gubernationem pertineat, quàm proximè à causa vniuersali ad omnia pertinente, non à particularibus & restrictis pendere par est. Quomodo tam immensæ vastitatis corpora ab Angelis valdè limitatas in orbe vires habentibus, per tot sæcula torqueri possunt; præsertim tam incomprehensibili velocitate, & tam stupenda æquabilitate? Sanè sicut Angelus vnus, veletiam plures (sit tamen pauci sint) non possunt elementa loco mouere, & primarias orbis partes confundere; sic credibile est non posse cælos, qui incomparabiliter sunt maiores, tanta celeritate impellere. Si enim sol tanto impetu ferretur iuxta terram, quanto fertur in suo orbe; breuissimo tempore tota terra & mare instar pulueris distraherentur & dissiparētur in auras, vt quiuis ex tractu aëris, quem globus tormēto impulsus efficit, colligere potest. Et quamuis ille motus tot millionibus milliariorum absit ab hoc orbe elementari, tanta tamen est illius vis, vt immensam spharā ætheris secum rapiat, & vt multi sentiūt, etiam mare vniuersum. Non videtur ergo dubitandum, quin à maxima aliqua vi impellente, quæ Angelicæ naturæ superet conditionem, procedat. Accedit, quod Angelus iste deberet esse assiduè quasi affixus suo orbi, & summè intentus, vt eadem semper celeritate impellat. Vnde nec posset pro arbitrio adire cælum empyreum, aut visitare homines in

in terris, aut vllius alterius rei administrationem suscipere ; sed semper deberet manere affixus suæ rotæ : quæ sanè non videntur consentanea illorum felicissimæ libertati, & liberrimæ felicitati. Præterea, Angelus non potest se diffundere per totam sphæram, & toti vim suam applicare, sed solum alicui particulæ, verbi gratia, quantum est spatiû /nius oppidi, aut multò minus. at non est cōsentaneum, tantam motem concitari tam exiguo & angusto impetu, sed oportet impetû esse diffusum per totum certa proportionem ; vt sicut singulæ partes moventur pro ratione sui situs, ita & congruum impetum suscipiant. Si enim tota terra vel totum mare in orbem raptandum esset, non conueniret impetum fieri dumtaxat in exiguam particulam , quanta est rota manus humanæ; sed in totam fieri oporteret, vt suavius & absq; conuulsione partium motus fiat. Denique, si Angeli cælestes orbem circumagunt, in potestate eorum esset illos sistere; quod non videtur consonum verbis Domini Iob 38. *Concentum cali quis dormire faciet?* id est, quis sistet? quasi dicat, nemo præter me id potest. Item in eorû potestate esset, celerius vel tardius mouere, & ita totum mundum facile possent turbare; vnde etiam grauissimo præcepto deberent esse obstricti, vt summam curam adhibeant, ne vniquam vllus sit defectus, nulla inæqualitas, nulla maior minörve concitatio. Est enim res maximi momēti, vnde salus rerum inferiorum pendet. Omitto alia quæ in hanc sententiam adferri possent.

17. Itaque valdè rationi consentaneum est, vt motus isti tam admirandi, tantæ potentix, & tam vniuersales effectus habentes, à solius Dei omnipotenti manu immediatè pendeant : Angelorum ministerio potissimum in ipsis hominibus protegendis & dirigendis vt salutem assequantur , & in ferocia dæmonum saluti humanæ insidiantium compescenda vitur. Vnde Apostolus ad Hebr. 1. dicit: *Nōne omnes sunt administratorij spiritus, in ministerium missi propter eos, qui hereditatem capient salutis?* Deinde etiam in aliis rebus inferioribus, quæ instabilitati vel interitui obnoxia, moderandis, vt & earum species continuentur, & ita procedant, vt hominum vsibus, correptioni vel eruditioni congruit.

18. *Effectus* cælestium motuum sunt omnes penè corporales motus, & mutationes rerum, quæ in hoc mundo elementari fiunt. Excipio illos motus qui à libero arbitrio, & aliquos qui ab imaginatione animantium pendent. quamuis & horum multû etiam in illos motus, veluti in causas, etsi non cogentes, tamen inclinantes, referri

Angelorum ministerio quibus in rebus vitatur Deum.

Effectus cælestium motuum.

possint. Ab illis igitur proueniunt venti & turbines, tonitrua & fulmina, niues & grandines, nubes & pluuiæ, æstus & frigora, siccitates & inundationes, salubres auræ & pestilentes; tot incendia & phasmata in sublimi, tot colores & picturæ in nubibus. In mari agitatio illa, qua instar viuentis assiduè se totum nunc in hanc, nunc in illam partem in immenso alueo suo se commouet: præter infinitas tempestates, quibus usque ad imum barathri dehiscere, & mox ad nubium celsitudinem assurgere videtur. In terra tot exustiones & subterranei ignes, tot tremores, tot conclusi spiritus mugitus, & erumpentis horrendi fragores; tot fontes & flumina (hæc enim duo nisi aqua pluuiæ vel niuali per altiora loca colata non perpetuantur); tot siluæ & loca deserta. Item omnia quæ in terræ visceribus gignuntur; tot nimirum abstrusæ opes, tanta vis auri & argenti, tanta stanni, æris, ferri ac plumbi, & gemmarum omne genus. Et quamuis omnino credibile sit, hæc ab initio fuisse à Deo suis locis condita, tamen non videtur dubitandum, quin vi cælestium corporum ibidem possint succrescere & augeri, materia vicina & intermixta sensim in illam naturam excocta. Experientia enim constat, latomias longi temporis progressu à natura restitui, & vicina lapidescere. Omitto innumera alia quæ cæcis illis latebris nascuntur; qualia sunt, sulphur, alumē & sal, chrysocolla & stibium, chalcanthum & arsenicum, lithargyrum & hydrargyrum, rubica & lithæthra; & alia id genus pluitima, quæ magnum in vita humana, præsertim ad medicamina usum obtinent. Præter hæc, assidua & irrequieta noctis & diei, æstatis & hiemis, veris & autumnii alternatio & constans vicissitudo proximè ab illo motu pendet.

*Quantas
mutationes
inducit solis
obliquatio.*

49 Admirabile prorsus est diuinæ prouidentię ingenium, modicam illam solis obliquationem, qua singulis diebus ferè vno gradu sub Zodiaco, motu proprio ex Occidente in Orientem retrocedit, tantas vbique terrarum facere mutationes, & in omni regione (maximè extra Tropicos) quatuor illa anni inducere tempora, ver, æstatem, hiemem, autumnum. Cùm enim sol illo suo motu ad signa Borealia adrepere cœperit, tempus vernum in omnibus versus Boream regionibus inducit, & omnia hieme emortua incipiunt excitari, reuiuiscere, & quodammodò hilarescere; & quò tendit ulterius versus Tropicum Borealem, eò magis omnia crescunt & perficiuntur; aucto radiorum calore: non quòd sol tunc sit vicinior terris, cùm iudicio Astronomorum multò longius tunc absit, quàm hieme; sed quia directioribus radiis loca illa ad-

spicit, seu quia radiorum directior fit reflectio. Rursus cum à signis Borealibus cœperit recedere, & radiis obliquioribus terras nostras spectare, sensim ea quæ apud nos ex terra nascuntur, incipiunt languescere, & virorem suum vigoremque amittere. Sed e contrariò in parte Australi omnia incipiunt renouiscere, virescere, crescere, idque eò magis & magis, quò sol versus illas oras magis accedit. Itaque cum apud nos est æstas, apud illos est hiems; cum apud nos autumnus, apud illos ver. Consideranda hîc est miravis solis, cuius solus aspectus nunc directior, nunc obliquior, tantam inducit varietatem, quantum videmus inter æstatem & hiemem. Quid hieme tetrius? omnia horrida, mortua, aspera, gelu & corpore obsita. Quid æstate pulchrius, amœnius, vitalius? omnia virent, florent, rident, vigent, & externa specie lætitia quadam gestire videntur. Si tantas mutationes, tamque diuersum statum rebus inuehit modica solis huius corporei in mortalium & peccatorum ministerium conditi accessio & declinatio; quanta inducet Sol iustitiæ, cum electis suis præsentem se exhibuerit, & clarè lucere cœperit, nubilo huius mortalitatis discusso, & hieme præsentis sæculi exacta? Tunc *iustus sicut palma florebit in domo Domini*, & sicut cedrus Libani exaltabitur. tunc omnes iusti sicut quidam soles splendebunt in regno Dei. 50. Sed quamvis hiems nostra deformis sit ad aspectum, non tamen idcirco inutilis. recipit enim se calor & spiritus ab externis ad interiora, à circumferentia ad centrum, ibique se constipans & corroborans, humorem colligit & concoquit, ut suo tempore foras in foliorum & flosculorum ornamenta, & fructuum delicias se effundat: adeò ut sine hiemis aliqua asperitate, verna amœnitas & æstiuæ opes constare vix queant. Sic quoque etsi vita hæc aspera & ærumnosa homini, cuius conuersatio in cælis est, videri possit; tamen summas utilitates continet. Cum enim mens huius vitæ calamitatibus tamquam hiemis frigoribus reperiussa & afflicta fuerit, desertis externis ad interiora se colligit, ibique humorem diuinæ gratiæ attrahit, quem in bonorum operum decora, in virtutum ornamenta, & in fructum vitæ æternæ expendat. Vnde sicut quò sæuiores sunt hiemes & diuturniores, eò lætiores æstates & frugum maior vbertas: ita quò vitæ huius afflictiones sunt diuturniores & maiores, eo maior erit gloria in regno Dei.

Analogia inter solem & Christum.

*Psal 91.
Daniel. 12.
Math. 13.
Hiems utilis.*

Analogia inter hiemem & afflictiones huius vitæ.

51 Denique cælorum conuersio causa est omnibus viventibus, animalibus pariter & plantis, herbis & arboribus, bestiis & hominibus,

ortus, accretionis & status perfecti: in multis etiam decretionis & interitus naturalis; aliter tamen & aliter. Nam ortus, accretionis & perfectionis est causa vi sua & per se, dum calore cælesti & superno influxu viuentia fecundat, fouet, roborat: decretionis & interitus ex euentu; vel quia viuificum solis astrum abducit, vel quia ardore solis humorem rerum sensim absumit, easque arefacit.

52 Ex his constat Primò, Diuinam prouidentiam motu cælesti generatim hunc mundum inferiorem, & omnia corporalia quæ illo continentur, gubernare, ortus & interitus vicissitudines efficere, rerum species perpetuare, viuentium omnium vitas suis ætatibus & accessibus prouehere, distinguere, definire; denique omnes ordinarias mutationes rerum & temporum inducere.

Dico *ordinarias*: quia multa sæpè præter vel supra communem rerum cursum & causarum naturalium ordinem eueniunt, quæ diuina prouidentia per Angelos bonos vel malos fieri iubet aut permittit, exigentibus id hominum meritis vel demeritis; vel quia ita congruit eorum exercitationi. Sic inductus orbi cataclysmus, sic pluit ignem sulphureum in Pentapolim, sic Mare rubrum diuisum iter præbuit Israëlítico populo, sic terra dehiscens absumpsit Dathan & Abiron cum tabernaculis & familiis suis, sic igne cælesti duo quinquagenarij cum quinquagenis militibus sub Elia absumpti, sic sæpè tempestates terra marique excitantur; sic interdum fulmina, grandines, imbres, venti, terræ motus. Denique hoc modo innumera alia & olim facta sunt, & quotidie fiunt, & fient vsque ad extremam mundi catastrophem.

53 Secundò, Si motus cælorum sisteretur, sensim hæc inferiora præsertim viuentia contabescerent, & in sua elementa soluerentur. Nam quibus sol assidue incumberet, ea exurerentur, vel omnino arefcerent, & omni penitus humore absumpto tandem nihil nisi terrena eorum portio remaneret. Si valdè obliquè, vt hieme, ea aspiceret: frigore assiduo calor vitalis extingueretur. Si medio quodam modo, vt verno tempore, putrescerent humores, debili calore eos non valente concoquere; quod maximè accideret in herbis, frugibus, & omnibus aliis quæ ex terra crescunt. Homines quoque & bruta animantia paucis annis extinguerentur, nec possent diu vitam prorogare; partim ob causam dictam, partim ob alimenti defectum, terra nihil reddente; partim ob aëris & aquarum corruptionem & pestilentem affectum, cessante ventorum flatu & agitatione omni, per quam noxa illa solet impediri. Argumèto sunt aquæ

Gen 7.
Gen. 19.
Sap. 18.
Exod. 14.
Num. 16.
4. Reg. 1.

Inhibito cal-
lorum motu
quæ sequen-
ter.

subterraneis in specubus stagnantes, & spiritus inclusi, qui perspirationis & afflatus inopia pestilentes efficiuntur. 54 Denique saxa, metalla, & gemmæ, quæ firmissima videntur, sensim soluerentur, & in sua principia facerent. Quidquid enim ex elementis conflatum est, necesse est temporis successu dissolui, tum propter internam principiorum pugnam, tum ob externam elementorum impressionem, qua & humor naturalis, quo maximè res coaluerunt, absumitur; & naturalis dispositio ac temperies evertitur, aliena & corruptrice qualitate sensim introducta. Vnde etiam aurum & adamantes tempore obscurantur, languescunt, & corrumpuntur; etsi ob longissimum temporis spatium ab hominibus non ita possit animaduerti. Motus autem cælestis temperamenta rerum, & qualitaturn quas forma requirit syndromen, magna ex parte tuetur, & nova pereuntibus veteribus, sensim substituit, vt in metallicis fodinis est obseruatum. Quod autem quidam putant, cælesti motu cessante, statim in rebus inferioribus cessaturas omnes actiones & alternationes rerum, omniaque permansura immota; alienum à veritate censeo: quia nulla ratione ostendi potest, vires rerum inferiorum intrinsecam à cælo dependentiam habere. quid enim igni vt comburat stuppam & ligna iniecta, cum motu locali primi Mobilis? sed ideò tantum motus iste à Deo institutus est, vt lumen & vis astrorum deferatur circum terram, & ita omnibus communicetur.

55 Tertiò patet, Hunc mundum inferiorem tribus potissimùm mediis & quasi ministris gubernari. Primò, Vi impressa cuique propria: Deus enim singulis rebus vires dedit, partesque ac membra formauit, prout cuiusque naturæ congruebat. Hæ vires sunt velut instrumentum Dei, quo omnes rerum naturalium actiones cuique rei accommodatas perficit, & ratione cuius ipse auctor est illarum omnium; sicut qui sagittæ impetum ad motum impressit, est auctor illius motus. Secundò, Per motum cælestem, quo solem & salutaria astra adducit & abducit, ortus ac interitus vicissitudinem perficit: omnia nasci, crescere, maturescere facit, & rerum corruptibilium species perpetuat. Tertiò, Per ministerium Angelicum, quo res à diaboli furore, qui eas vel deleret, vel in perniciem hominum conuerteret, tuetur; & multa in rebus præter naturalium causarum ordinem efficit, etsi ad hoc interdum etiam dæmonum opera utatur. Supererant ad huc aliqui alij Prouidentie actus: nam septimus erat, Illuminatio creaturæ rationalis; octauus, Redemptio; nonus,

Iustificatio; dicimus, Iudicium extremum; vndecimus, Remuneratio. Verùm de his dicendum in Misericordia & Iustitia.

C A P V T IX.

De fructu considerationis diuinae Prouidentiae.

Primus fructus, Magnam affert animo consolationem.

56 **C**ONSIDERATIO *diuinae prouidentiae* multos in nobis parit fructus, sed potissimum quatuor insignes. Primò, Magnum solatium & animi tranquillitatem in ista rerum perturbatione. Cum enim perpendimus hunc mundum (in quo pleraque casu potius quàm diuina prouidentia euenire, & malitia praualescere impuneque grassari videtur) tanta prouidentia, tanta ratione & consilio gubernari: facile animos nostros componimus, & in diuina prouidentia acquiescimus, etiam si impios dominari, pios opprimi, religionem euerti, & iustitiam extinguere videamus: nihil enim horum fieret, nisi Deus singulari nutu permitteret; non permitteret autem, nisi iustissimae rationes ei suppetere, atque adeò nisi melius esset sic permittere quàm impedire. Nec refert quòd graua inde incommoda, & animarum plurimarum iactura sequatur, quia etsi ob eam causam meritò dolere debeamus; dolor tamen iste moderatus esse debet, quia placuit Deò ob iustissimas causas sic permittere, qui potens est omnia ista sarcire, & suo tempore ex magnis malis nouit maiora bona excitare. Quid tritius lapsu generis humani? & tamen Deus inde tantum bonum elicuit, ut lapsus ille videatur fuisse optabilis. Et quamuis possint res à Deo melius gubernari ad commodum horum vel illorum, non tamen idcirco melius absolute: quia non melius ad vltimum finem, quem supremus moderator potissimum intendit; qui est perfectio vniuersi, vel potius gloria Dei, seu diuinarum perfectionum manifestatio, quo fine diuina prouidentia frustrari non potest. Quidquid enim euenerit, semper ex eo diuina gloria reddetur illustrior.

57 Nec refert quòd hæc sapientia modò in gubernatione mundi non ita appareat; imò Deus tam parcè & tenuiter rebus humanis miscere se videatur, ut plurimi de Numine & Prouidentia dubitent: quia postea suo tempore perspicue se ostendet, nimirum quando quidquid modò inordinatum esse permisit, in ordinem rediget, suoque loco & statui congruo assignabit. Tunc veluti in speculo cernetur totus humani generis per orbem diffusi decursus, & simul tota prouidentiae ratio, seu gubernandi forma, qua Deus tum ge-

neratim in singulis regnis, oppidis, familiis; tum speciatim cum singulis est usus. Sicut enim singulorum patefcent facta bona & mala, ut constat ex Apostolo 1. ad Corinth. 4. (*qui illuminabit, inquit, abscondita tenebrarum, & manifestabit consilia cordium*) ita etiam apparebit (præsertim beatis) specialis providentiæ modus, quem singulis adhibuit, ut clarè pateat quanta benignitate & patientia erga peccatores sit usus; & quàm quisque illorum siue plus siue minùs sit inexcusabili; denique, quàm ista providentiæ ratio qua usus est, fuerit & naturis rerum & gloriæ diuinæ manifestandæ accommodata.

58. Secundus fructus, Tollit murmurationes, quæ aduersus Deum fieri solent. Murmurant enim interdum quidam contra Deum, quòd illos miseriis & calamitatibus inuolui sinat; quòd paupertate, fame, siti; quòd æstu & frigore, mœroribus & angonibus, doloribus, morbis, & aliis incommodis, quasi vel Deus curam ipsorum non habeat, vel etiam iniuste hæc irroget. Sed reprimitur impius iste animi motus, si cogitemus, Deum hæc omnia sapientissimè, benignissimè, & ob iustissimas rationes immittere vel permittere. Nec aliter ipso met qui nunc murmurant facturos, si tanta sapientia & bonitate præditi essent. Primò, Quia decet supremum moderatorem, qui res omnes satis ex parte sua ad bonum instruxit, ut eas sinat agi suis moribus, nec assiduè earum ordinem mutet, aut impetum inhibeat. Et quidem si de causis naturalibus agatur; an semper impedit ventos, imbres, fulmina, æstus, frigora, nebulas, & alia huius generis, quando huic vel illi homini, huic vel isti loco videntur nocitura? Habeant ista cursum suum, nec propter priuata damna vniuersalis ordo rerum turbandus, aut cursus naturæ cohibendus, præsertim cum, etsi his obsint, aliis profint. Si autem causæ sint liberæ, multò magis sibi sinendæ, ne bonum sit coactam; quia omnis coactio & necessitas meriti rationem extinguit. tanta enim est virtutis dignitas, & vitij turpitudine, ut omnes spontè illam complecti, hoc fugere debeant. Si quid à recto ordine deflexerit, ipse facilè suo tempore emendabit & restituet.

Secundus fructus est, Quòd tollat murmurationes contra Deum.

Causa cur Deus permittat bonos affligi.

Primò, Decet supremum moderatorem ut sinat res ferri suis moribus.

59. Deinde, Quia istæ calamitates sunt fructus partim mortalitatis nostræ, partim peccati originalis; & congruunt huic nostro statui & loco. Itaque Deus ista permittit, primò, ut nos ipsos nouerimus, nempe quales ex nobis sumus, & quantis malis absque Dei supernaturali beneficio obnoxij; deinde, ut sciamus quantum mali inuenerit peccatum; denique, ut cogitemus nos esse in loco exilij, non in

Secundò, Sicut fructus nostre mortalitatis & peccati originalis.

patria; in valle lacrymarum, non in paradiso voluptatis; in loco penitentiae & certaminis, non gaudij & triumphi. Et si enim natura nostra per se istis omnibus malis sit obnoxia; tamen singulari Dei protectione ante peccatum hæc omnia impediabantur, & semper impedita fuissent, si peccatum non superuenisset. Ita enim Deus cohibuisset & gubernasset res omnes quæ in mundo sunt, ut nullum detrimentum, nullamve molestiam homini possent adferre. Verum patrato peccato sublata est illa protectio, & natura ad suam relapsa sortem, his omnibus est exposita & subiecta. Hæc est igitur naturæ nostræ conditio, eò quod inter species naturæ rationalis sit omnium infima & imperfectissima. Hic etiam est fructus peccati communis, quo diuinum illud donum, per quod ista omnia impediabantur, est euersum & extinctum. Denique hæc est conditio nostri exilij, ut ardentius ad patriam adspiremus.

*Tertio, Sapd
graviora
commeriti.*

60 Tertia causa est, Quia ista omnia sæpè nostris peccatis sumus commeriti. Si enim vel ob vnicum peccatum mortiferum æternas pœnas inferorum mereris; cur durum tibi videatur, etiamsi omnibus huius vitæ calamitatibus in vnum conspirantibus propter illud affligaris? Imò cur non reputetur id summa clementia, cum huius afflictionis ad illam nulla sit proportio, siue acerbitem spectes, siue durationem? Hæc enim est temporalis & momentanea; illa æterna, nullis vinqum sæculis finienda aut mitiganda: hæc est levis & toleratu facilis; illa prorsus intolerabilis, omnis acerbitem æstimationem superans. Quid ergo si plurima & pænè innumera peccata mortifera commiseris, nonne infinitæ clementiæ erit, si omnia illa leuibus huius vitæ flagellis vindicentur & expiètur? Sic ergo quisque apud se in afflictione cogitet, Millies inferorum incendia sum commertus, cur hoc breue & leue malum non æquo animo feram? cur benignissimæ Dei prouidentia tam clementer me tractantis, & æternas grauissimasq; pœnas in momentaneas & leues mihi commutantis gratias non agam?

Peccata venialia merentur afflictiones huius vitæ.

61 Addo etiam, peccata venialia huiusmodi temporales afflictiones mereri. Sicut enim quædam bona opera iniquorum, et si non mereantur vitam æternam, tamen merentur aliqua bona temporalia, ut diuitias, honores, imperia, teste S. August. l. 5. De ciuit. Dei cap. 15. ita quædam opera mala iustorum non merentur quidem pœnas æternas, tamen merentur temporalium amissionem, & similes afflictiones. Quare etiamsi numquam aliquod peccatum mortiferum commisisses, tamen non idcirco deberes existimare te imme-

immerentem affligi, sed reputare animo, te illa & multò maiora com-
meritum.

Quarta causa est, Quia ista omnia sunt nobis virtutum vel exerci- Quarto.
Exercitatio
virtutis.
tamenta vel instrumenta, & seges magnarum coronarum, si benè vo-
luerimus vti. Multorū sanctorum virtus consopita iacuiisset in tene-
bris, nec ita coram Deo & hominibus splenduisset, nec ipsis tantam
gloriam in cælis peperisset, nisi tribulationibus excitata & exercita
fuiisset. Vnde Iacobi 1. dicitur: *Patientia opus perfectum habet.* Faci-
le enim est Deo seruire cū nihil aduersi se offert, cū omnia ad vo-
tum suppetunt; cū nihil naturæ aut studiis nostris incommodat; ne-
que inde conspici potest, quantum quis profecerit, sed si in aduersis
perstet, nihilque de pietatis studio remittat, si graua incommoda
propter Deum sustineat, nec se vllō modo vinci aut inclinari sinat;
signum est magnos in pietate progressus fecisse. 63. Hoc sensu dictum
est, *Patientia opus perfectum habet.* Accedit summa afflictionum utili-
tas: nam vt Apostolus 2. ad Corinth. 4. ait, *momentaneum & leue tri-
bulationis huius, supra modum in sublimitate æternæ gloriæ pondus ope-
ratur in nobis.* Has igitur & similes rationes spectat diuina prouiden-
tia cū nobis afflictiones immittit, vel obuenire sinit; quas si con-
siderauerimus, cessabit omnis aduersus illam murmuratio.

64 Tertiò, Tollit consideratio prouidentia anxiam rerum huius Tertius fun-
ctus, Quod
tollat anxiam
sollicitudinis
rerum
huius vite.
vitæ sollicitudinem. Ostendit hoc pulcherrimè Dominus Mat-
thæi 6. & Lucæ 12. Si enim diuina prouidentia pascit volatilia
cæli, prouidens eis alimenta, tegumenta, cubilia; si flores qui ni-
hili æstimantur, tam pulchrè vestit & ornat: quantò magis seruis suis
quos adoptauit in filios, quos prædestinauit ad regnum, qui vbique
illi placere student & gloriam promouere, de necessariis providebit?
Vbi tamen Dominus non excludit moderatam sollicitudinem & di-
ligentiam, sed potius requirit; nam nec auiculæ pastum & nidos si-
ne aliquo labore obtinent: sed excludit nimiam anxietatem, quæ to-
tum animum hominis occupet, & in temporalia tamquam præcipua
bona intentum teneat. Singulis enim rebus ea adhibenda cura,
quam pro sua quæque præstantia & dignitate vel necessitate mere-
tur. Itaque prima, summa, intentissima cura impendenda nego-
tio salutis, & iis quæ huic necessaria vel conducibilia; prima cura
pro salute.
secundaria
seu moderata, rebus necessariis ad hanc vitam: superfluis autem,
vel etiam impedimenta salutis adferentibus, vt sunt diuitiæ, ho-
nores, voluptates, nulla. Hæc enim cuius sapienti fugienda

Ce

Mat h. 6.

Lucæ 12.

potiùs quàm sectanda. Hunc ordinem insinuat Dominus cùm ait: *Quærite ergo primum regnum Dei, & iustitiam eius, & hæc omnia* (vitæ necessaria) *adiicientur vobis.* Eodem pertinet quod subiicit Luc. 12. *Nolite timere pusillus grex* (ne vobis desint vitæ necessaria) *quia complacuit Patri vestro dare vobis regnum.* quasi dicat: Si regnum cælorum vobis dare statuit, quantò magis suppeditabit vobis ista temporalia & infima? Neque id parcè faciet & malignè, instar vitrici; sed liberaliter & copiosè tamquam benignus pater, vt nihil desit pro statu & conditione cuiusque. Si enim inimicis suis, à quibus quotidie offenditur & blasphematur, tam effusè omnia subministrat; cur in suos famulos, qui toti in eius obsequium & gloriam intenti, sit restrictus, & rerum necessariarum penuria eos laborare sinat? Vnde Psal. 30. Prophetæ ait: *Iunior fui, etenim senui; & non vidi iustum derelictum, nec semen eius querens panem. Tota die miseretur & commodat, & semen illius in benedictione erit.* *Iustum* intelligit eum qui eximiè iustitiæ est deditus, & iuxta monitum Domini, *primum querit regnum Dei, & iustitiam eius*; nempe qui totus bonis operibus, & præsertim misericordiæ est intentus. Exempla habemus in Abrahamo, in Iacob, in Ioseph, in Moyse, Iob, Dauide, Tobia, Daniele & sociis, vt omittam innumera noui Testamenti. Nec obstat quòd Dominus huiusmodi ingrauem interdum inopiam sinat incidere; quia id fit subinde ad maiorem probationem & coronam. sed ea res ordinariè non est diuturna: nam vel Deus eos eripit ex hoc mundo, vel opportunitatem offert illius miseriæ depellendæ.

Quæritur.
fructus, Fi-
ducia in peri-
culis.

65 Quarto, Parit maximam in periculis fiduciam. Cùm enim Deus maximam suorum prouidentiam & curam gerat, & nihil sine ipsius nutu & prouidentia consilio fieri possit; non est quòd magnopere timeamus vel hominum potentiam, vel dæmonum terribilia, vel bestiarum sæuitiam, vel quiduis aliud quod creatura possit inferre. Nod enim sinet aliquid nobis irrogari, quòd non cedat in magnum bonum, si ipsi nobis non defuerimus, & illud quo par est modo exceperimus. Nam, vt ait Apostolus ad Rom. 8. *Diligentibus Deum omnia cooperantur in bonum.* Itaque illa omnia accipiendæ tamquam de manu Dei, sine cuius nutu fieri nequeunt; sicut Dauid excepit maledicta Semei 2. Reg. 16. *Sinite, inquit, illum. Dominus enim præcepit ei vt malediceret Dauid.* vbi maledictionem illā ad ipsum castigandum à Deo solùm permissam, tamquam præceptam excipit. Et Iob calamitates, quas ei per se &

per membra sua intulit diabolus: Dominus, inquit, dedit, Dominus abstulit: sicut Domino placuit, sic factum est: sit nomen Domini benedictum. hinc mala à diabolo, Dei dumtaxat permisso irrogata, tamquam ab ipso deo illata acceptat.

66 Nihil hæc omnia nobis possunt obesse, sed plurimum proderunt si ipsi velimus. Vnde Dominus Luc. 21. cum loqueretur de persecutionibus, quæ Apostolis & viris Apostolicis imminebant, volens ostendere illas quantumvis magnæ essent futuræ, nihil ipsis nocituras, ait: *Et capillus de capite vestro non peribit. in patientia vestra possidebitis animas vestras*, quasi dicat: Nihil illas curetis, quia ne in minimo quidē vobis oberunt; quin potius maximum commodum adferent. nam illas patienter ferendo, acquiretis æternam animæ salutem. Quamvis enim auferantur bona, & corpus suppliciis excrucietur, parum ea afflictio durat, & mox omnia infinito cum fenore restituentur. Hac consideratione Apostoli, Martyres, & Sanctorum reliqui se adeo intrepidos & fortes in periculis præstiterunt. Sic B. Pater noster Franciscus Xaverius inter Iaponios in ipsum frementes & mortem præsentem minitantes, imperterritus & securus egit, nihil de acri illa superstitionum & impietatis refutatione remittens.

CAPUT X.

Recollectio precatória, de Providentia diuina.

67 **T**V A, Pater, providentia gubernat omnia, pertingens à fine ad ^{Sap. 14.} ^{Sap. 8.} *finem*, ab extremis cælorum ad ima terrarum, à supremo spiritu ad infimum vermiculum, fortiter, & disponens omnia suaviter. Fortissimus est eius attactus, quo creantur & sustentantur omnia: suavißima dispositio, qua singula pro naturæ conditione suis locis & ordinibus collocantur, suos in fines diriguntur, suosque motus agere sinuntur. Non fortuito atomorum concursu, aut elementorum acri conflictu, aut sponte sua mundus iste coaluit, vel emicuit in lucem, sed providentiæ tuæ consilio & vi. Quomodo enim res tanti ingenij & artificij, in qua omnia summa ratione & proportionem, summa pulchritudine, symmetria & eutaxia constant, sineratione & sapientia fieri potuisset? 68. Tua providentia hæc omnia ab æterno excogitavit, concepit, distinxit, digessit, ordinavit. Hæc singulorum species, mensuras, formas, partes, qualitates, indoles definiuit; vires multiplices & instrumenta veluti panopliam

Omnia ab æterno constituta in diuina providentia.

Cc. ij

quamdam ad proprias functiones, sui que defensionem attribuit: hæc omnibus fines præstituit, causas destinavit, & omnia quæ rei cuique sunt cōgrua, prouidit. In illa, omnia hæc ex antiquis, & priusquā terra fieret, constituta, vbi etiam ordo temporum sine tempore est; nec quidquam ibi noui occurrit, vbi ante omnia tempora extitit, quidquid pro temporum varietate in lucem promittitur: mutabilium enim dispositionem immutabilis illa ratio continet, vbi sine tempore simul sunt, quæ in tempore non simul fiunt, quia tempora non simul currunt. Ibi mutabilium omnium immutabiles stant causæ, & omnium temporalium æternæ lucent rationes, & omnium contingentium fixæ sunt necessariae radices, & omnium agentium ac operationum stabiles præscriptæ leges, & determinati fines. Ibi cuique pro meritis salus constituta vel exitium, decreto firmo, indelebili, irrevocabili, tabulis plusquam adamantinis inciso. Ibi extant decreta & sanctiones de rebus omnibus, de earum ortu & progressu, functionibus & effectis, euentis & interitu; quibus temporibus, momentis, locis, causis, quo ordine & modo horum singula sunt futura. Sine prouidentia tuæ legibus nihil omnino nascitur, nihil occidit, nihil operatur, nihil mouetur, nihil quiescit. 69. Illa ad suos omnia fines destinat, & singulis intimè insidens ac præsidens, propriam cuiusque indolem format ac inserit, & per eam rem quamlibet in congruas cuique functiones & proprios fines dirigit. Quid enim est aliud cuiusque rei ingenium & natua propensio, quàm tuæ prouidentia vestigium & impressio? Hinc res omnes ratione carentes, tanta ratione operantur, & in fines suos, quos nec animo percipiunt, nec villo modo cognoscunt, tam ordinatè tendunt. Quanta arte araneis telam è suis visceribus textit, plagulas tendit, venatum muscarum instituit? Quanta subtilitate & industria apiculæ struunt fauos, formant hexagonos vtrunque loculos sobolis matrices, & nectarei succi apothecas; colligunt cælestem rorem, & alia mira in commune veluti in quadam republica gerunt? Omitto admirabile auicularum ingenium in extruendis nidis ad suam quietem & tutelam, pullorum procreationem & educationem. Omitto stupendam bombycum indolem in texendis tenuitate pænè inuisibili filis sericis, in concinnandis filorum glomere loculis, quibus veluti sepulchralibus tumbis inclusi immoriantur, vt post aliquot menses reuiuiscetes & ex sepulchris suis egredientes palingenesiam nobis adumbrent. Alia innumera prætereo tum in animantibus, tum in

*Iudicium
extremum in
prouidentia
diuina iam
peractum.*

*Ex vi prouidentia
prouenit ut singula
operentur ac si ratione
prædicta essent.*

plantis, quæ tanta ratione, arte & providentia fiunt, ut maiore fieri non possint: non sua quæ ipsis inhæreat, sed tua quæ ipsis assistit, quæque vestigium & specimen quoddam sui ipsis imprimens, ita operari facit, ac si summa providentia & arte præditæ essent. Omnis igitur actio & omne opus naturæ, est actio & opus tuæ sapientiæ & tuæ providentiæ. Nec aliter omnia secundum legem tuæ providentiæ agunt, quam si eius plenam notitiam possiderent.

70 Rationalem tamen naturam excipio, quæ cum suæ cuiusdā providentiæ sit particeps & libera, sæpè non tuæ providentiæ directioni se accommodat, sed sua providentia & arbitrio vivere cupit. Hinc omnis peccati fons, omnis calamitatis origo. Non tamen hoc absque providentia tua geritur. Et si enim creatura rationalis dum peccat, secundum legem quam illi statuisti non agat; non tamen absque providentiæ lege agit, à qua & vires habet, quibus in suam perniciem abutitur; & finitur agere ea quæ absque eius permisso agere non posset; & certis circumscribitur limitibus, ne aliter aut amplius malè agat, quàm tibi permittere visum fuerit. Sic omnia intra providentiæ tuæ ambitum conclusisti, ut illam nihil possit effugere; ita omnia illi subiecta, ut eius iugum & dominatum excutere non possint.

71 Væ peccatoribus, qui eius gubernationi & legibus subtrahere se conantur, & sua providentia, suis placitis & arbitrio vivere. Dū enim subducunt se providentiæ dirigenti ad vitam, incidunt in providentiam destinantem ad mortem: & dum recedunt ab ordine benignitatis & misericordiæ, incurrunt in ordinem severitatis & iustitiæ: & dū excutiunt iugum suave diuinorum præceptorum, subeunt iugū crudele dæmonum & æternorum suppliciorum. O insaniam sanguineis lacrymis deffendam! Quis mentes mortalium ita fascinauit, & in tantam amentiam adduxit?

72 Infelices quoque Religiosi illi, qui cum à tua providentia se gubernari per suos Superiores sinere deberent, sua prudentia & consilio vivere volunt, non secus de se solliciti, ac si nullius curæ subessent. Subtrahunt enim se suauissimo & certissimo illi providentiæ ordini, quo securissimè & fructuosissimè ad salutem directi fuissent. Varij enim sunt providentiæ tuæ modi, variæ series gubernationum & gratiarum, cuique magis vel minus accommodatæ & salutares. Felix ille cui cum providentiæ ordinem, eam gubernandi rationem adhibes, quam nosti maximè salutarem illi fore, & copiosissimi fructus. Nihil in hac vita optabilius, nihil beatius

quàm sub tali ordine & directione cursum vitæ peragere, ex qua tam certa salus, & tantum æternæ gloriæ emolumentum. At meritò credi potest eam gubernandi formam viro religioso salutarem esse præ cæteris, qua illum providentia tua per Superiores illius in cursu vitæ, in officiis, functionibus, missionibus, mansionibus, studiis, cæterisque omnibus dirigit: alioquin cur perfecta & cæca obedientia tantopere à sanctis Patribus laudaretur? cur à sanctissimis viris & sapientissimis ita frequentata esset & culta? cur securissima ad salutem prædicaretur via? cur Dominus ipse ad eam commendasset, suassisset, eiusque tanta præbuisset nobis exempla?

Via tutissima Religiosa, est directio Superiorum, quos loco Dei habet.

73 Itaque dubitandum non est, quin si quis huic formæ providentiæ se tradat, & veluti in vlnas eius se proiciens, ab ea se duci in omnibus sinat, viam ille certissimam adipiscendæ salutis teneat. Qui verò ab ea se subducit, sua se providentia regere volens, magno periculo se exponit, ne in illum providentiæ incidat ordinem, in quo à salute excidat. Hæc enim ratio ab omnibus sanctis vituperatur, & periculosa iudicatur saluti, quantumvis in speciem sancta videatur & salutaris. Extant exempla plurima eorum qui hac viâ perierunt; nulla eorum qui perierint istâ, aut quibus minùs benè cesserit. Quomodo enim non optimè cedat, quod tu ipse suassisti, ad quod feliciter dirigendum te obstrinxisti? Hanc ergo viam indeclinabiliter teneâ, hanc usque ad extremum vitæ spiritum sequar, quam tu ipse, & qui Spiritu tuo affati, præ cæteris commendarunt.

Providentia divina numquam in sua dispositione fallitur.

74 Numquam providentia tua in sua dispositione fallitur, novit enim priusquam statuatur, quidnam ex quavis hypothese & dispositione sit euenturum: unde etiam numquam suo frustratur effectu & fructu. Etsi enim inferiorum causarum ordines, qui providentiæ tuæ sunt quædam participationes vel impressiones, ob imperfectiorem & mutabilitatem suam sæpè deficient, nec ad finem causis illis præstitutum perducant; numquam tamen tuæ sublimis providentiæ ordo ac dispositio proprio sibi quæ commenso fine frustratur, sed hunc semper assequitur. Quod etsi modò nondum appareat durante adhuc mundi cursu, & termino quò tendunt omnia nondum adducto; ubi tamen decurso stadio suo ad metam pervernerit, clausulaque postrema imposita fuerit, nec ulterius humanarum rerum excurrat volubilis rota: tunc se vis providentiæ aperiet, & correctis omnibus causarum inferiorum erroribus, omnibusque in ordinem firmissimum & sempiternum reductis, clarè perspicie-

tur quàm sapienter, quàm suauiter, quàm congruè naturis rerum & salutem mortalium, quàm conuenienter diuinæ gloriæ, omnia ab ipsa administrata fuerunt.

75 Hæc igitur sublimis prouidentia tua mihi semper ob oculos versetur, & quidquid prosperi vel aduersi obuenerit, ab illa duci & pendere intelligam, deque benefica manu tua excipiam. Nihil enim fit in tempore, quod ab illa ob iustissimas causas non sit dispositum in æternitate. Hæc mihi in asperis sit solatio; hæc animum turbidis mundi in rebus, in regnorum, religionisque sacræ, & animarum claudibus turbatum afflictumque componat & tranquillet. Omnia enim prouidentia tua sapientissimè disponit, & quidquid erratum fuerit à creaturis, quidquid ab ordine recesserit, ita corrigit & in ordinem rediget, ut in omnibus gloriæ tuæ maiestas magis resplendeat, quàm si omnia primum ordinem in quo posita fuere, tenuissent.

*Omnia p' a-
ctide à manu
diuinæ pro-
uidentie ex-
cipienda.*

76 Non patitur quidem huius vitæ conditio & lex charitatis, ut proximorum damnis & exitiis, diuinæque maiestatis iniuriis non tangamur, non afflictemur; absque huiusmodi stimulo vix ad opitulandum excitaremur. sed adhibenda moderatio; & ubi res peractæ sunt, vel desperatæ, nihilque opera & preces nostræ possunt adferre præsidij, expedit inanes mœrores depellere, & prouidentia tuæ contemplatione animum solari. 77. Hæc mihi fiduciam pariat in terroribus, securitatem in periculis, robur in arduis, tranquillitatem in turbulentis, tolerantiam in aduersis, æquitatem animi in futurorum expectatione. Hæc vanas à mente nostra sollicitudines depellat, perinde ac si à sola prouidentia tuæ benignitate omnia prouenirent; & simul ea sedulitate rebus agendis intentam faciat, quam earum magnitudo & status postulat. Nostram enim cooperationem, nostrumque studium postulat prouidentia tuæ gubernatio; sed superuacaneam curam, & anxietatem in rebus temporalibus negotiisque huius vitæ respuit & damnat. 78. Hæc omnia mea disponat & regat usque in finem, sicut salutem meam & gloriæ suæ expedire nouit, siue per prospera, siue per aduersa, per honorem vel ignominiam, per infamiam vel laudem, per abundantiam vel inopiam, per morbos vel sanitatem; per vitam vel mortem; nihil excipio, nihil refugio. Hoc vnicum & antiquum votum meum; Fac mecum sicut scis profuturum salutem meam & gloriæ tuæ, ut te in omnem æternitatem contempler & admirem, amem & honorem, laudem, benedicam & glorificem in omnibus & supra omnia. Amen.

*Nō excludit
affectum cō-
passionis, sed
moderatur.*



DE
PERFECTIONIBVS
MORIBVSQVE

DIVINIS
LIBER DVODECIMVS,

DE MISERICORDIA DEI:

— ET OBITER

DE PATIENTIA, MANSVETVDINE,

ET CLEMENTIA EIVSDEM.

CAPVT PRIMVM.

Quid sit Misericordia.

MISERICORDIA est virtus incitans voluntatem ad opitulandum alienæ miseriæ, eamque depellendam. Potest autem quis ad hoc incitari variò intuitu & fine. Primò, Ob vanam gloriam, sicut Pharisei, qui eleemosynam daturi caneant tuba;

specie quidem congregandorum pauperum, sed reuerà, vt toti mundo suum opus ostentarent, & inde laudem ac existimationem capterent: de quibus Dominus ait: *Amen dico vobis, receperunt mercedem suam.* Sic non est virtus, sed vitium cenodoxiæ. Secundò,

Matthæi 6.

Ob quemuis alium finem inhonestum: & sic pertinet ad illud vitium, cuius affectu imperatur; vt si des eleemosynam vt pertrahas ad hæresim, ad libidinem, ad homicidium, contrahet malignitatem illius.

lius peccati, & pertinebit ad vitium illi respondens. Tertiò, Fieri potest ob finem honestum; & sic erit opus imperatum ab ea virtute, quæ illius honesti rationem respicit, poteritque esse opus Religionis, vel satisfactionis, vel charitatis, &c. prout ex affectu harum virtutum procedit.

Actus externus misericordiae potest ex affectu diversarum virtutum procedere.

2 Sed difficultas est, utrùm misericordia sit virtus à cæteris, præsertim à charitate, distincta. Videtur non esse: nam in opere misericordiae non conspicitur vlla ratio honesti propria, quæ ad aliam virtutem non pertineat. Vel enim tollis alienam miseriam, & opus misericordiae præstas, ut te importunitate petentis liberes, sicut amicus ille in parabola Domini, qui nocte surgens panes amico commodavit, non quia amicus, sed ut improbam importunitatem eius à se excuteret. Et Petrus Telonarius, qui importuna pauperis quiritatione excaecescens, arreptum panem in illum veluti lapidem iracundè contorsit; ut in vita B. Ioannis Eleemosynarii refertur. Verùm hoc modo nõ est virtus, sed potius amor proprius: nõ enim intenditur leuatio miseriae alienae, aut aliqua alia ratio honesti; sed depulsio incommodi proprii, quæ per se est indifferens, omni virtutis laude carens. Huic tamè potest esse coniunctus affectus miseriae alienae subleuandæ, qui ad virtutem pertinet: & fortè ratione illius, eleemosyna illa Petri Telonarii in visione ostensa est aliquo modo placuisse Deo.

An sit virtus distincta.

Lucæ 11.

Vel id facis, quia cupis ut ei benè sit; & sic est actus charitatis seu dilectionis proximi. Dilectio enim primò & immediatè inclinatur in bonum alterius, illud volendo & procurando non sui commodi causa, sed tantum ut illi benè sit; secundariò & ex consequenti, in depulsionem mali. eiusdem enim rationis sunt, velle & procurare alteri bonum, & dolere eius malo, illudque depellere: alterum enim ex altero sub vna ratione formali obiectiva oritur. Vis enim & procuras illi bona, ut ei benè sit; ob eundem finem odisti, & depellis eius malum. Confirmatur; Quia affectus fugæ fundantur in affectibus prosecutionis, & ad eandem virtutem pertinent; sicut etiam in actibus intellectus eiusdem scientiæ est, assentiri alicui veritati, & negare eius oppositum. Itaque hac ratione misericordia nihil videtur esse aliud quàm charitas inadæquatè spectata, quatenus nimirum respicit depulsionem miseriae, & extendit se ad suum secundarium actum. Denique, vel tollis miseriam alterius non eo affectu, ut illi benè sit, sed ne illi sit malè; nimirum quia incongruum & inordinatum tibi videtur, cum, qui eiusdem tecum est naturæ,

Dd

tantis conflictari miseriis, cum tu tam commodè habeas. Inter benè enim & malè, scilicet & infortunatè se habere, est status quidam medius, notabili carens & molestia & comodo.

*Qua ratione
possit et tui
peculiaris
virtus.*

3 Si ergo tantummodò in opere misericordiæ spectetur, ut is qui affligitur est, illa notabili molestia careat, non autem ut ei benè sit, nec habeatur ad illum affectus amicitiae (ut cum inimico, qui maiore quàm velis calamitate oppressus est, subuenis ad hoc solum, ut illo excessu calamitatis liberetur) sic misericordia videri possit virtus distincta à charitate & ceteris; nam spectat propriam & particularem rationem honesti, quam aliae non respiciunt. propriam enim laudem habet, miseriam proximi, & illud inordinatum quod ex miseria illius resultat, tollere.

Huic tamen sententiæ obstare videtur, quòd misericordia hoc modo considerata, semper supponat & includat aliquam communionem & affectum illius communionis, ratione cuius apprehenditur inordinatio in miseria alterius. Videtur enim nobis inordinatum & incongruum, cum qui nobiscum est eiusdem naturæ, vel Religionis, vel officij, vel sanguinis, vel patriæ, vel studij, istis miseriis conflictari, cum nos tam commodè agamus, & illi possimus subuenire. Itaque volumus tollere veluti dedecus naturæ, Religionis, patriæ, &c. idque ex affectu ad illud in quo est communio. Itaque si ex affectu communis naturæ id faciamus, videtur pertinere ad aliquam benevolentiam generis humani; si ex affectu Religionis Christianæ, ad virtutem Religionis; si ex affectu patriæ, ad pietatem in patriam. & sic de ceteris. Pari modo benevolentia erga aliquem ratione communis naturæ, ratione Religionis, ratione patriæ, ratione sanguinis, ad diuersas virtutes pertinet. Ex quibus videtur cõfici, misericordiam hoc modo non esse specialem virtutem, sed diffundi per omnes & quamlibet virtutem, quatenus intuitu & affectu proprii boni ac honesti miseriam ab aliquo depellit, misericordiam vocari.

*Quomodo sit
virtus à ce-
teris distincta*

Dici tamen potest, in tollenda miseria naturæ rationalis, vel humanæ, esse peculiarem rationem honesti; quatenus ea videtur incongrua illi naturæ per se spectata, adeò præstanti & sublimi; etiam si id non fiat ex singulari affectu erga illam naturam, aut erga aliud bonum quod tibi cum altero sit commune; & hac ratione misericordiam esse specialem virtutem à ceteris distinctam. Cum autem ex peculiari affectu boni seu honesti alterius virtutis hoc fit, tunc actum externum misericordiæ imperari ab illa virtu-

te; & ad illam virtutem pertinere propriè affectum internum, vnde opus externum miseriam subleuans proficiscitur.

Dices, Affectus tollendi alterius miseriam, est affectus displicentiae & odij erga illam miseriam tamquam erga malum: atqui omnis affectus odij erga malum nascitur necessariò ex affectu amoris erga aliquod bonum: ergo quomodocumque actus misericordiae consideretur, necesse est vt procedat ex aliquo affectu ad aliquod bonum. Respondeo, Nos id non negare. Procedere enim potest ex affectu quodam quasi iustitiae, quo quis cupit cuique rei inesse id quod ei secundum naturam est consentaneum, etiamsi erga ipsam rem peculiarem affectum non habeat. Potest enim amari proportio & congruentia rerum, etiamsi ipsae res non amentur. Ex hoc affectu prouenit, vt displiceat id quod ei dissentaneum seu malum, & velit illud tollere; quod est misericordiae. Fateor tamen, opera misericordiae ordinariè ex hoc affectu non procedere, sed potiùs ex affectu charitatis: ac proinde hanc virtutem non videri distingui à charitate, sicut suprà est explicatum. Hinc fit vt dilectio proximi ferè tota consistat in operibus misericordiae.

*Non videtur
distingui à
charitate.*

CAPUT II.

*Deo perfectissimè competere misericordiam, eamque
duplicem vel triplicem.*

4 SIV E misericordia spectetur, vt ex affectu benevolentiae miseriam tollit, (quo modo non distinguitur reipsa à charitate,) siue vt ex odio & displicentia illius ordinationis in natura rationali, (qua ratione videtur virtus distincta, & suae speciei,) ipsa est perfectissimè in Deo. Cum enim ipse omnis boni, omnisque perfectionis, cōmodi & felicitatis sit fons, auctor, & largitor; ipse quoque omnis miseriae (vt quae nisi collatione boni non tollitur) est peremptor & exterminator: in qua tollenda quatenus mouetur affectu benevolentiae, vt creaturæ benè sit, est actus charitatis: quatenus verò displicentia illius inordinati, est actus distinctæ virtutis misericordiae. Sed quia Deus in tollendo malo potissimū spectat vt creaturæ benè sit, misericordiae opera potiùs sunt charitatis, quā alterius virtutis, & ita ipsius misericordia est ipsa charitas inadèquatè considerata, nimirū vt tollit malum dilecti ex affectu quo vult illi bonum, vt ei sit benè & optimè.

*Misericordia
est perfectis-
simè in Deo.*

Dd ij

An includat
imperfectio-
nem.

5 Nec obstat quòd *miseriordia* videatur includere tristitiam & afflictionem animi, cum cordis quamdam miseriam insinuet, quæ ex sympathia alienæ miseræ concipitur; quia hæc afflictio non est de ratione misericordiæ, quæ simplicem affectum voluntatis ad opitulandum alteri significat; sed est solùm quid comitans misericordiæ affectum in nobis, qui proximi miseria spectata, ei compatimur & condolemus, à quo dolore tamquam à nobis notiori virtus ipsa nomen traxit. Vnde etiamsi in Deo non sit illa cordis afflictio, nisi metaphoricè: ipsa tamen misericordiæ virtus: cum nihil imperfectionis includat, sed perfectionem potius summam, (si ipsa summa sit) supponat; in Deo formaliter & propriè existit. Simili modo in Deo constituenda est ira, non vt turbidum animi motum, qui humorum concitatione rationem obnubilet, sed vt simplicem voluntatis affectum ad ultionem accensum denotat. Quia tamen ira propriè significat motum animi bilem concitantem, misericordia verò simplicem subventionis affectum, quamuis à miseria cordis nomen traxerit, idcirco ira in Deo ponitur metaphoricè, misericordia propriè.

Commenda-
tur in Scri-
pturæ.

6 *Miseriordia* Dei luculentissimè commendatur in Scripturis: & quia satis exprimi nequit, vt pote omnem cogitationem & sermonem superans, & omnem miserendi affectum includens, multis & variis modis & verbis proponitur. Exodi 34. *Dominator Domine Deus, misericors & clemens, patiens & multa miserationis, & verax, qui custodis misericordiam in millia, qui aufers iniquitatem, & scelera atque peccata.* Psal. 85. *Et tu Domine Deus miserator & misericors, patiens, & multa misericordiae.* Similis verborum synathrismus, quo omnes misericordiæ modi & affectus insinuantur, habetur Sapientia 15. Ionæ 4. & alibi. Psalmus 32. *Miseriordia Domini plena est terra.* & Psalmus 144. *Suavis Dominus vniuersis, & miserationes eius super omnia opera eius.*

Duplex in
Deo miseri-
cordia.

7 Porro duplex in Deo misericordia conspicitur; altera generalis, altera specialis: illa prior, hæc posterior: non per se & ratione affectus interni prior aut posterior; sic enim vtrique semper extitit, vt pote æterna: sed ratione operis externi, & effectus creati. illius enim effectus est prior, huius posterior.

Generalis est, qua ab initio tota creatura rationalis, Angelica & humana (& propter humanam totus iste mundus corporeus) ad bona supernaturalia, & statum beatum, quo deffectus nudæ naturæ tollerentur, est destinata. Cum enim natura rationalis per se

Generalis &
prima mi-
sericordia
fuit subue-
ctio natura-
rationali ad
statum su-
pernaturam-
lem.

sibi quæ relicta, sit multis subiecta defectibus, imperfectionibus, & veluti miseriis: immensa Dei bonitas cum statuisset illam ex nihilo condere, & donis omnibus nature debitæ exornare, videretque eam adhuc tot defectibus obnoxiam, & tanto à visione ipsius intervallo disiunctam, misericordia motus statuit illam ad ordinem supernaturalem, & æternorum bonorum suorum communionem, qua omnes illi defectus profligarentur, sublimare & attollere. Hæc est misericordia prima, de qua intelligi potest illud Prophetæ Psal. 144. *Suavis Dominus universis, & miserationes eius super omnia opera eius.* Si enim super omnia opera, ergo etiam super Angelos effusa. At quando, nisi cum illos ad supernaturalem statum euexit? Effusa quoque super omnem creaturam corpoream; quia cum hæc tota sic proper hominem, dum hic ad statum illum sublimem eleuatur, ipsa quoque simul attollitur, ut domus & habitaculum habitatoris sui dignitati congruat. Insinuat hoc Apostolus ad Rom. 8. *Vanitati, inquit, creatura subiecta est non volens, sed propter eum qui subiecit eam in spe; quia & ipsa creatura liberabitur à servitute corruptionis in libertatem gloriæ filiorum Dei.* & B. Petrus Epist. 2. cap. 3. *Novos celos & novam terram secundum promissam ipsius expectamus, in quibus iustitia habitat.* Idem colligitur ex cap. 21. Apocalypsis, & 65. Isaïæ. Denique totam creaturam innouandam, & pro suo captu ad statum incorruptibilem & gloriosum subuehendam, est communis Patrum & Sanctorum doctrina.

8 Prima autem rerum productio, quatenus ex nihilo in suas species & naturas cum perfectionibus naturalibus sunt conditæ, non tam misericordiæ, qua depellitur miseria, quàm bonitati seu benignitati, quæ fons est omnis boni creati, assignanda videtur. Cum enim creatura penitus non esset, non erat propriè misera, aut ulli malo subiecta: nam malum est privatio boni quod deberet inesse; unde supponit subiectum existens qui insit, & qui bonum contrarium inesse possit. Si tamen malum & miseriam non ita strictè accipiamus, sed generalius pro quouis positivo, privativo, aut negativo, à quo natura abhorret; sic *non-esse* non paruum est malum, nec modica miseria: est enim summa imperfectio, summusque defectus totum bonum exhaustiens, à quo omnis natura rerum vehementissimè abhorret. nihil enim natura ita refugit ac sui interitum. Vnde & animantia & homines gravissima mala perpeti malunt, quàm subire interitum, quasi hoc sit peius & miserabi-

Dd iiij

lius. Hoc modo triplex misericordia vel misericordiae opus statui potest.

Triplex misericordia.

9 Prima est, quares omnes, praesertim ratione praeditae, ex nihilo, in quo aeternum retrò velut sepultae delituerant, in suas naturas productae sunt. Deus enim in tanto defectu tantaque imperfectione (qua maior animo concipi nequit) illas videns, misericordia quadam commotus statuit imperfectionem illam tollere, easque ex nihili sui tenebris in lucem essentiae & vitae educere, naturam formare, speciem distinguere, suisque facultatibus & ornamentis instruere. Secunda est, qua rerum totam naturam statuit ad supernaturalem statum extollere. Tertia est, qua naturam humanam à statu supernaturali prolapsam tum in peccatum, tum in suas naturales misérias, tum in mortem aeternam, constituit reparare, & maioribus praesidiis supernaturalibus quam antea fulcire.

Prima misericordia.

Magna & admirabilis est misericordia prima, qua omnia ex profundo nihili educta, ad celsitudinem essentiae & naturae sunt euecta: infinite enim melior est essentia cuiusque quam acceperunt, quam

Secunda misericordia.

nihilum vnde emerferunt. Verum infinite praestantior est misericordia secunda, qua omnia ad supernaturalem ordinem eleuata: nam infinite praestantior est gratia quam natura, & status ille diuinus quam conditio naturalis, & communicatio bonorum diuinorum, quam omnia dona naturalia. Sed & hac misericordia infinite praestantior

Tertia misericordia.

est tertia, qua diuina natura copulata est humanae in vnam personam, per quam nobis praestita redemptio, remissio peccatorum, iustificatio, & omne bonum. De prima & secunda misericordia satis dictum est Libro ix. De Benignitate diuina, & Libro x. De Dominio proprietatis. Nunc dicendum de tertia.

C A P V T III.

De lapsu hominis: & cur homo potius quam angeli lapsi redemptus.

De tertia misericordia.

10 **P**ROLAPSA natura generis nostri in primo parente, fraude diaboli à statu supernaturali, & amissa iustitia originali ceterisque virtutibus, (fidem & spem excipio) subtrahita etiam singulari illa Dei protectione ac directione, & partis inferioris obedientia, &

immortalitatis dono, in miserrimum statum incidit; neque aliud restaabat, quàm vt sibi relicta, suo pondere & impetu instar fluminis cuiusdam de peccato in peccatum ruens, per varios anfractus errorum & dolorum in pelagus exitij sempiterni deuolueretur. Tanta enim erat ad malum pronitas, vt nihil ferè nisi peccare posset; tantus impetus, vt à nemine nisi à solo Deo posset sisti ac inhiberi ipsum verò malum tam atrox ac penitus inolitum, vt à nullo præterquam à Dei manu posset excindi.

II Deus igitur, cuius misericordiæ non est numerus, & bonitatis infinitus est thesaurus, intimis misericordiæ visceribus cōmotus, statuit nos ista multiplici miseria eripere, & rursus ad statum supernaturalē erigere. Verùm id nec ita conuenienter, nec satis fructuosè fieri poterat, nisi & pro peccato iustitiæ diuinæ æquiuales satisfactio exhiberetur, & fons quidam perennis ac inexhaustus, quo peccata, quotiescumque homines in ea inciderent, deleri possent, constitueretur. Parum enim fuisset, in pristinum gradum iustitiæ restitui, nisi etiam futuris lapsibus in tanta infirmitate & mali procliuitate fuisset consultū. At neutrum illorum à pura creatura præstari poterat; nulla enim pro homine liberando poterat offerre pretium æquiualens, nulla etiam fontem perpetuæ remissionis & iustificationis construere. Tanta enim est vel vnus peccati mortiferi malignitas, tanta in maiestatem illam infinitam iniuria, vt omnibus Sanctorum, Angelorum, & hominum obsequiis, laudibus, cultibus, præcibus, humiliationibus, pœnitentiis, afflictionibus ex æquo, & vt ita dicam, ad æquilibriū iustamque æqualitatem nequeat compensari, vt infra de Iustitia ostendetur. Cū igitur nullum remedium nec in terra, nec in celo malis nostris medendis, & bonis amissis recuperandis appareret; nec vllus Angelus aut vlla mens creata quidquam congrui auxilij posset inuenire; misericordia diuina inauditum, admirabile, ineffabile, incomprehensibile, omnibus sæculis, omnibus Angelis & hominibus obstupescendum excogitauit consilium; nimirum, vt Filius Dei, Sapientia genita, per quam facta sunt omnia, naturam nostram sibi copularet, & in ea ac per eam totum genus humanum repararet. Nisi enim reparator noster esset Deus, non posset exhibere pro offensione & iniuria à nobis in Diuinitatem commissa quidquam æquiualens: nec constituere perennem & indefectibilem reconciliationis thesaurum. Nisi esset etiam homo, cessaret meritum, cessaret satisfactio, cessaret exemplum, cessaret illa suaui &

*Difficultas:
redemptionis.*

*Duo erant
necessaria ad
nostram re-
parationem.*

*Malitia pec-
cati quomo-
do infinita.*

naturæ congruentissima prouidentia, qua res per ea quæ sui sunt generis gubernantur.

Cur homines
prius quàm
Angelos re-
stituit
Vnus Ange-
lus, si natura
spectetur,
æquiualeat
infinitis ho-
minibus.

12 Sed cur potius genus humanum quàm cœtum angelicum qui ceciderat, reparare voluit? Vnus enim Angelus, si natura spectetur, æquipollet infinitis hominibus. cuius signum est, quòd infiniti homines infinito temporis tractu non possent sibi tantam comparare sapientiam, quanta vel in vno est Angelico spiritu; imò nec centesimā quidem illius partem. Deinde, omnes totius mundi exercitus, & tota generis humani multitudo omnibus suis armis instructa, non posset vel vni Angelo resistere, aut eius vim sustinere. cur ergo naturæ tam eximie non est habita ratio?

Bernardus
Serm. 1. De
Aduentu.
Greg. lib. 4.
Moral. c. 9.

Multæ sunt causæ, quarum hæ præcipuæ. Prima, Quia homo fraude naturæ superioris in culpam prolapsus est; angelus sponte sua. Et quāuis superiores fortè induxerint inferiores, videbant tamen isti alios suos socios pestiferæ suasioni resistentes, eorumque exemplo debebant confirmari.

Bernardus
& Gregorius
suprà.

Secunda, Quia genus humanum, exceptis duobus primis hominibus, voluntate aliena absque proprio consensu lapsum est: angeli suo iudicio, suo arbitrio, & propriæ voluntatis electione peccarunt.

Gregorius:

Tertia, Quia ob perfectissimam cognitionem, & solutum animi impetum, peccatum illorum erat incomparabiliter grauius: sicut ob eandem causam illorum bona opera sunt maximè meritoria. Hominis notitia est multò obscurior, & affectus passionibus oblitus longè imbecilior. Vnde homini longa via & longum tempus merendi constitutum, Angelo breuissimum.

Lucæ 1.

Denique, Misericordiæ indoles est inclinare vbi maior miseria, abiectio, vilitas. *Deposuit enim potentes de sede, & exaltauit humiles.* Facile est Deo vilitatem naturæ cœlestium donorum præstantia compensare. Vt igitur nostrum genus, non vt angelos redimeret, mirabile illud consilium suscipiendæ carnis humanæ misericordia diuina iniuit.

Maximum
misericordia
opus.

13 Hoc igitur post lapsum est primum & maximum misericordiæ diuinæ in nos beneficium, vtpote infinitum, & aliorum multorum, quorum singula infinitæ sunt æstimationis, origo & fundamentum; quo maximè Deus infinitum suum in nos amorem & misericordiam declarauit. De quo Dominus ipse Ioan. 3. *Sic Deus dilexit mundum, vt Filium suum vnigenitum daret, vt omnis qui credit in illum non pereat, sed habeat vitam æternam.* Quis hoc animo voluens

voluens non obstupescat? quis tantæ benignitatis consideratione lacrymas contineat? quis in obsequium Dei vicissim se non libentissimè expendat? *Sic*, tam intensè, tam effusè, tam ardentè, tanta æstimatione, tanti illum fecit & appretiauit *Deus*, illa infinita maiestas, nullius egens, sibi sufficientissima, qui verbo creauit omnia, cui tot milliones seruiunt Angelorum, & qui momento temporis infinitos alios multò excellentiores seruos & cultores sibi ex nihilo poterat condere; *Mundum*, humanum genus, infimum naturæ rationalis terminum, brutis affine, terrenis addictum, cælestium inane, immundum, ingratum, inimicum, rebelle, in quo nihil dignum amore, plurima digna odio & supplicio. Obstupescere homo; angelicis spiritibus, tam sublimi ingenio & natura præditis in sua damnatione relictis, tibi vilissimo & nullius pretij vermiculo, à magno illo Numine tam immensum amorem & fauorem exhibitum. *Filium suum vnigenitum*, non Angelum, non Cherubinum, non Seraphinum, non filium aliquem adoptiuum, sed Filium suum vnigenitum, naturalem, consubstantialem, eiusdem maiestatis, potestatis, sapientiæ, excellentiæ, quem infinito dilexit amore, qui totam suam substantiam, vnà cum omnibus suis perfectionibus & thesauris bonorum ab æterno profudit. *Daret*, in Rectorem, in Doctorem, in exemplum vitæ; in Redemptorem, in pretium & satisfactionem pro peccatis; in thesaurum perpetuum iustitiæ & reconciliationis; in iuge Sacrificium, in Sacerdotem æternum; in panem vitæ æternæ, & alimentum immortalitatis, in pignus futuræ gloriæ; in Regem, Iudicem & remuneratorem viuorum & mortuorum; in gloriam & triumphum cælestis patriæ. *Daret*, ad vnionem nostræ naturæ, ad nuditatem & paupertatem, ad labores & incommoda huius vitæ, ad contumelias & persecutiones, ad alapas & sputa, ad flagella & spinarum punctiones, ad omne genus probrorum & dolorum, ad crucem & mortem, vt totius nostri generis peccata in se susciperet, eaque in suo, quasi illorum auctor ac reus, lueret corpore. *Vt omnis qui credit*. Totum hoc fecit vt nos ab exitio sempiterno, cui addicti eramus, eriperet, & æterna vita donaret: nec à nobis requirit aliud, quàm vt credamus in Filium, ei que obediamus.

Ec

Primum o-
pus miseri-
cordia caritatis,
incarnatio
Verbi.

14 **N**VNC singula misericordiarum huius beneficia considere-
mus. Primum igitur & fundamentum ceterorum, ut dice-
bamus, est *diuini Verbi incarnatio*, qua natura nostra per omnipoten-
tiam Dei supra omnem creaturam eleuata & attracta, Filio Dei sub-
stantialiter & hypostaticè adstricta est & vnita; ita ut iste homo cœ-
perit esse Dei Filius naturalis, verusque Deus impassibilis, immorta-
lis, æternus: & contrà Filius Dei verus Deus, cœperit esse verus ho-
mo passibilis, & mortalis. In hoc tria sunt perpendenda. Primum,
An fuerit necessaria. Secundum, Quomodo facta sit. Tertium,
Quantum hoc sit beneficium.

Necessitas
incarnatio-
nis Verbi.

Quod ad primum attinet: necessarium fuit diuinæ Incarnationis
mysterium ad reparationem nostram, non absolutè, quasi nulla alia
ratione posset nos liberare (poterat enim per absolutam & infinitam
auctoritatem suam, vel gratis omnia condonare & in pristinum sta-
tum restituere, vel tenui aliqua satisfactione, qualis ab homine præ-
stari poterat, acquiescere; vel Angelicas preces in ea re admittere)
sed ut ea modo optimo, Deique iustitiæ ac misericordiarum, & hominis
saluti congruentissimo perficeretur. In hunc sensum intelligendi Pa-
tres, cum dicunt, alia ratione hominem redimi nō potuisse; quia nul-
la fuit tam congrua, tam Deo digna. S. Leo epistola 83. *Quæ reconciliatio esse potest, qua humano generi propitiaretur Deus, nisi omnium causam mediator Dei hominumque susciperet?* & Serm. 1. De Natiuitate: *Talis natiuitas decuit Dei virtutem, & Dei sapientiam Christum, qua nobis & humilitate congrueret, & Diuinitate præcelleret. nisi enim esset Deus verus, non adferret remedium: nisi esset homo verus, non præberet exemplum.* Et Cyrillus lib. 5. Thesauri, c. 7. *Hanc [immortalitatem] quia nullus homo poterat dare, ipse Filius Dei increatus secundum naturam, necessario vō homo creatur propter nos.* & infra: *Quia imperfectum esse semper opus Dei non decuit, nec potuit aliter reparari quàm incarnatione Verbi, necessario Dei Filius homo factus est.* Imò sancti Patres contra Arianos & Nestorianos probant Christum hominem fuisse verum Deū, ex eo quod præ-
tium cōdignum pro nobis obtulerit, nosque redemerit; quod pecca-
tum & mortem sua passione destruxerit: apertè indicantes, ista alio
modo præstari nō potuisse. Cyrillus loco citato: *Quomodo Christus me-*

diator Dei & hominum erit, nisi verè sit Deus, & verè sit homo? & paulò pòst: Quomodo peccatum, quomodo mortem destruxit, si est creatura? Idem lib. 4. De Trinitate, pag. 2. *Christus non esset cōdignū pretium totius creaturæ redimendæ, neque sufficeret ad benè redimendam mundi vitam, etiamsi suam deponeret animam & sanguinem vt pretium pro nobis, nisi verè & Filius & tamquam ex Deo Deus.* Et S. Augustinus in Enchirid. cap. 108. *Nam neque per ipsum liberaremur vnum mediatorem Dei & hominum, hominem Christum Iesum, nisi esset & Deus.*

15 Fuit iste modus saluandi per Filium incarnatum congruentissimus. Primò, Diuinæ iustitiæ, idque triplici ratione. Primò, ratione solutionis debiti; quia cū non esset conueniens vt iustitia diuina maneret semper violata ac læsa per peccatum, nulla facta reparatione idonea tantæ iniuriæ, per Verbum incarnatum exhibita est plena & æquiualens satisfactio, quam diuina iustitia postulabat, quæ à nulla pura creatura præstari poterat, vt Patres locis citatis insinuant. Secundò, ratione manifestationis iustitiæ: quia sic ostensus est summus rigor & seueritas iustitiæ diuinæ, vt quæ ad remissionem peccati infinitum pretium & satisfactionem infiniti valoris exigat. Ostensum etiam quanta sit peccati malitia, vt quæ nullis creaturarum operibus quantumuis bonis compensari, sed solo Sanguine Filij Dei possit deleri. Tertiò, ratione modi spoliandi diabolum; quia conuenientiore modo superatus & spoliatus est, dum non potentia virtute, sed iustitiæ ratione suo dominatu exuitur, victus ab illa natura quam vicerat, & amittens omnium seruitutem, dum nihil sibi debentis persequitur libertatem. quod pulcherrimè explicat D. Leo Serm. de Natiuitate.

Fuit congruentissimus diuina iustitia.

16 Secundò, Fuit congruentissimus misericordiæ; quia nulla re magis charitas Dei in hominem & misericordia declarari potuit, quàm donando Filium, vt dominus ipse insinuat Ioan. 3. *Sic Deus dilexit mundum, vt Filium suum vnigenitum daret.* Nihil maius pro nobis facere potuit, nihil dare præstantius aut efficacius ad salutem. Videri poterat maior misericordia, si gratis peccatum condonasset, & omnes transtulisset in cælum; sed reuerà maior non fuisset. quia infinite amplius est dare Filium, quàm quoduis bonum creatum: & longè præstantior est hæc saluandi ratio, qua satisfit iustitiæ, quàm illa gratuita, qua absque satisfactione saluaremur. Si Rex deposito diademate suscipiat statum serui vt ipsum à morte liberet, longè maiorem illi charitatem & misericordiam exhibet, quàm si sola

Misericordia ostendenda.

auctoritate nihil pendens iustitiæ, morti eximat. Iustitia diuina instar feueri iudicis hominem tenebat captiuum vinculis peccatorum constrictum, vt eum morte æterna plecteret: accessit misericordia, & oblato diuini Sanguinis pretio, iustitiæ abunde satisfacit, & hominem redemit. Vnde Apostolus 1. Corinth. 6. *Empti estis pretio magno, glorificate & portate Deum in corpore vestro.* Denique quia hac ratione constitutus est homini perpetuus fons saluationis, semper patens ad ablutionem peccatorum, qui alia ratione constitui non poterat.

Sapientia & potentia declaranda.

17 Tertiò, Fuit etiam accommodatissimus declarandæ Dei sapientiæ & potentiae. Tale enim consilium non nisi ab infinita sapientia excogitari, neque executioni, nisi ab infinita potentia, mandari potuisset. Quid enim difficilius vel admirabilius, quàm Deum fieri hominem, & hominem Deum, & eidem personæ inesse ac tribui omnia quæ sunt diuinitatis, & omnia quæ humanitatis? Sic etiam ostensum est, deum non solum aliquas sui participationes, & vmbaticas imitationes ad naturæ vel gratiæ ordinem pertinentes, posse creaturis communicare; sed etiam totam suæ Diuinitatis plenitudinem illis infundere, & substantialiter vnire; ac proinde esse tres gradus seu ordines generales rerum, ordinem naturæ, gratiæ, vniõnis hypostaticæ.

Homini in salutem perducendo.

18 Quartò, Est conuenientissimus perducendo homini ad salutem. Primò, ad confirmandum in fide. Quis enim non firmissimè credat, quod Deus ipse nobiscum visibiliter versatus docuit & confirmauit? Vnde S. August. l. 11. De ciuit. c. 2. *Vt homo fidentiùs ambularet ad veritatem, ipsa Veritas Dei Filius homine assumpto constituit atque fundauit fidem.* Secundò, ad erigendam spem salutis. Nam vt ait idem Aug. lib. 13. De Trinit. cap. 10. *Nihil tam necessarium ad erigendum spem nostram, quàm vt demonstraretur nobis quantum diligeret nos Deus. Quid verò huius rei isto indicio manifestius, quàm quòd Dei Filius nostræ naturæ dignatus est inire consortium?* Et vt Apostolus ad Rom. 5. argumentatur, *Si cum adhuc inimici essemus, reconciliati sumus Deo per mortem Filij eius: multo magis reconciliati, salui erimus in vita ipsius.* Timidum est genus humanum, & diffidentiae obnoxium, cum se tam longè ab illo beatitudinis statu dissitum videt, & quid de se cogitet Deus, nescit. Sed quis desperet, cum Deum tanta & tam difficilia pro se fecisse videt, nec quidquam ampliùs ardui ad salutem suam ipsi patrandum restare? Non enim rursus carnem assumere, rursus laborare & pati

debet, vt te saluet. Nec dubitare debes quin benignissimè de te cogitet, qui tanta pro te adhuc inimico fecit, si ipse pro modulo tuo responderis. Cur enim vellet pretium Sanguinis sui in te esse inane, & labores suos irritos & cassos? Tertiò, ad excitandam charitatem. Quomodo enim tam inusitata & ineffabilis dilectio, qua dilexit nos, carnem nostram assumens, & Sanguine suo nos redimens, ad redamandum non excitet, si vel modicum perpendatur? Nullum sanè maius esse poterat amoris incentiuum, nullum potentius illicium. Quartò, ad incitandum studium omnium virtutum, quarum ille in vita sua dedit clarissima exempla. Ipse exemplo suo nos prouocat ad paupertatem, castitatem, obedientiam, ad honorem & sæculi contemptum, ad humilitatem, ad zelum animarum, ad labores pro illis suscipiendos, ad patientiam, ad studium orationis, ad vigilias, ad ieiunia; denique ad omne opus bonum. Quis tantum ducem non libenter sequatur? quis Deum ipsum exemplo præeuntem & hortantem imitari detrectet? Quintò, ad sanctificandum hominem, & deo coniungendum. Sicut enim omnes vnus inobedientia peccauerunt, & ab eodem nascendo peccatum & mortem contrahunt; ita conueniebat vt vnus obedientia omnes reconciliarentur, & ab illo spiritaliter renascendo sanctitatem haurirent & vitam. Vnde Apostolus ad Rom. 5. *Sicut per inobedientiam vnus hominis, peccatores constituti sunt multi: ita & per vnus obedientiam, iusti constituentur multi.* Atqui fieri non poterat vt vi obedientiæ vnus hominis reconciliarentur, & ab illo sanctitatem & vitam æternam haurirent, nisi ille esset Deus, qui est fons sanctitatis & vitæ. Id enim propter quod cetera sunt sancta, & viuientia vita spiritali, debet per se & vi sua esse sanctum & viuum. Hoc modo Deus vnum hominem sibi substantialiter vnians, & sanctum efficiens, per illum sanctificat ceteros omnes qui illi adhærent, & spiritum, qui in ipso est, ad illos extendit. Sic omnes illi adhærentes rediguntur ad vnum corpus, vt viuificentur ab illius spiritu, veluti vna mystica persona seu hypostasis vno capite, vno corpore, vno spiritu, sed multis membris constans. Vt enim ait Apostolus, *omnes vnum sumus in Christo*, sicut omnia membra sunt vnum corpus in homine.

Rom. 12.
1 Cor. 10.
& 1.

19 Quintò, Fuit iste modus congruentissimus perfectioni totius vniuersi, & gloriæ Sanctorum. *Perfectioni vniuersi*; tum quia homine assumpto, totum vniuersum quodammodò assumptum, & Diuinitati connexum. Nam in homine quodammodò est tota rerum

vniuersitati
testimonium.

vniversitas, quatenus in eo sunt omnes rerum gradus. Vnde & *μικρό-
τατος*, dictus est à Philosophis. Itaque omnes rerum gradus in illo as-
sumpti. Tum quia totum vniversum accepit caput & rectorem sibi
congruentem, nempe homogeneous, ac eiusdem naturæ, siue natura
corporea spectetur, siue incorporea. Tum quia sic vniverso additus
est supremus gradus communionis diuinæ. Cùm enim antea solum
constaret gradu naturæ & gratiæ, accessit gradus vnionis hypostati-
cæ, qui omnium est excellentissimus.

*Glorie San-
ctorum au-
genda.
Obiectum
secundarium
beatitudinis,
est Christi
humanitas.*

Gloria Sanctorum; quia hæc tam illustri opere mirificè est aucta.
Nam primatium post Diuinitatem beatitudinis obiectum, est huma-
nitas Christi, tam sublimi modo diuinitate refulgens. Plus enim inde
gaudij omnes Beati percipient, quàm ex tota Sanctorum societate, &
Angelorum innumerabili frequentia.

Ex his patet, vnionem hypostaticam multis de causis fuisse con-
gruentissimam, ac proinde necessariam, vt nostra reparatio modo
conuenientissimo fieret.

CAPUT V.

Quomodo facta sit hæc vnio.

*Modus quo
facta est in-
carnatio.*

20 **S**EQUITUR vt consideremus *quo modo facta sit*. Sed quis hoc
non dico verbis explicet, sed vel animo concipiat, quod etiam
intelligentiam Angelicam superat? Verùm etsi id perfectè à nobis in-
telligi nequeat, tamen potest propositis exemplis & analogico assen-
su adhibito aliquatenus apprehendi.

*Modus Ne-
storianorum.*

Nestoriani volebant illum hominem, & illius naturam humanam
ideò dici coniunctam diuinitati, quòd ipse esset *Diuinitatis templum
& tabernaculum*, in quo singulari modo diuinitas habitaret ac colere-
tur: & *vestimētum*, per quod ipsa se hominibus visibilem quodammo-
dò præberet; sicut Angeli assumpto corpore ex aëre tamquam veste,
ad exhibendos se mortalibus visibiles, vtuntur: & *instrumentum*, per
quod singulari modo Diuinitas operaretur, & *amicus* singulariter à
Deo dilectus, & vicissim Deum summè diligens. Itaque ponebant in-
ter Deum & humanam Christi naturam solam vnionem per modum
inhabitationis, & vestitus, & instrumenti, & amoris; ac proinde sta-
tuebant duas distinctas personas, humanam & diuinam, sicut & duas
naturas.

Refutatio.

Verùm etsi in vnione hypostatica isti quatuor modi eximiè re-

periantur & concurrant, non tamen sufficiunt: si enim non esset maior vnio, totum hoc mysterium, quod est salutis nostræ fundamentum, euerteretur. Sic enim Deus non esset factus homo, nec homo esset Deus, quod innumeris scripturis manifestè repugnat. Sic Christus, utpote purus homo, non potuisset nos redimere, & Deo reconciliare, quia nec pretium æquiualens exhibere; non potuisset peccatum & mortem sua morte destruere, neque in se credentibus sanctificationem impertiri, neque illis dare potestatem filios Dei fieri; quia hæc ad eum solum, qui est ipsa sanctitas & vita, & Filius naturâ, pertinent, ut ex Scripturis constat, & Patres fusè probant. 1. Ioân. 1. 2.
5. & 6.
Act. 4.

Denique simili modo coniungitur plurimis Sanctorum: sunt enim templa Dei, & organa operum mirabilium, & amici dilectissimi, & interdum se per illos præsentem exhibuit, ut cum in veteri Testamento loqueretur per Angelum. Debet ergo in Christo esse altioris rationis vnio, per quam iste homo non solum sit templum, & vestimentum, & organum, & amicus; sed etiam Filius naturalis, & æternus, & Deus ipse.

21 Eutychiani ut contradicerent Nestorianis, volentes tollere diuersitatem personarum, statuerunt vnâ tantum in Christo post vnionem naturam, fingentes Diuinitatem conuersam in carnem, stulta prorsus imaginatione, quasi Diuinitas possit in carnem (tamquam vapor quispiam tenuis in aquam) crassescere; aut sicut res subtilis in palpabilem transmutari; aut ita possit cum substantia carnis misceri & confundi, ut inde aliquid tertium, sicut ex elementis corpus mixtum, exurgat. Modus Euty-
chianorû.

Itaque & Diuinitatis mutabilis erit & mortalis: quod enim in aliquam naturam mutatur, suam exuit & amittit, alienam induit, vel aliena ei succedit. Caro quoque Christi non erit eiusdem naturæ ac nostra; sed vel phantastica, ut volebant Manichæi; & sic omnis Christi passio phantastica erit, & merum præstigium oculorum: vel cælestis indolis & impatibilis, ut Valentinus & Apollinaris; quo modo quoque crux & passio euacuatur. Denique sic Christus neque Deus verus erit, neque verus homo, cum neutram naturam verè sit habiturus. Has duas hæreses doctissimè refutauit S. Leo epist. 10. ad Flavianum, quæ recepta & approbata est ab Oecumenica Synodo Chalcedonensi.

22 Vtroque igitur errore extremo damnato, certissima fide tenendum in Domino nostro esse duas integras, inuiolatas, omnibusque Modus Or-
thodoxorû.

suis naturalibus proprietatibus & conditionibus absolutas naturas, humanam & diuinam; easque ita in vnam coaluisse personam, vt vnus idemque sit verus Deus, & verus homo; habeatque omnia quæ sunt Diuinitatis, & omnia quæ sunt humanitatis; & omnia quæ Filio Dei vero Deo conueniunt, conueniant & huic homini: & quæ huic homini conueniunt, tribuantur quoque Deo. Est enim iste homo Filius Dei, est ab æterno genitus ex Patre: est vnà cum Patre principium Spiritus sancti, est Sapientia Patris, & omnium Opifex; est immensus, est incommutabilis & æternus, est omnipotens: rursus Deus factus est homo passibilis & mortalis, Deus natus est ex Virgine, Deus passus est, crucifixus, mortuus, sepultus. Hoc modo in Christo est idiomatum vtriusque naturæ perfecta communicatio, cum humana natura omnia sua communicet Verbo, & diuina natura sua omnia communicet huic homini. Sic quoque Christi persona, etsi vnica sit & simplicissima, tamen vt in duobus naturis completè subsistit, habet vim duarum; ita perfectè operans per vtramlibet, quasi illam solum haberet. Ad hoc non sufficiunt illæ vniones supradictæ, sed requiritur alia infinitè excellentior, quæ explicari potest exemplo infusionis, ignitionis, & animationis.

*Explicatur
vnio illa ex-
pln.*

*Primò, exem-
ple infusionis.* Infusionis, vt si nobilissimo trunco pyri vnum ramum natura-
lem habenti, inferatur ramus pruni. Hic primò vtraque natu-
ra manet salua & integra. deinde ita vniuntur in vno trunco
veluti hypostasi, vt quodammodò fiat vna arbor, ratione vnus
trunci in quo subsistunt, quæ simul pyrus & prunus dici possit.
Tertiò, Truncus quoque ille est alteri ramo naturalis, alteri ex-
traneus: sicut hypostasis Verbi est naturalis Diuinitati, accessoria hu-
manitati. Quartò, Vnio quoque est quodammodò substantialis:
est enim continuatio quædam & connexio venarum & fibrarum
trunci cum venis & fibris rami insiti, ita vt succum ex illis attra-
hat. Quintò, Ratione huius vnionis dicere possumus, pyrum
producere pruna, & prunum pyra: & si ramus pruni exarescat,
pyrum quodammodò exaruisse. Denique, fructus pruni excellen-
tiam quamdam contrahent à succo tam nobilis trunci, sicut ope-
ra humanitatis à Verbo. Scio in hac comparisonem multa esse diffi-
milia, & quædam haud ita propriè dici; tamen hoc exemplum
non est contemnendum, cum in eo quædam adumbratio tanti my-
sterij possit notari, ex qua, sublati imperfectionibus, mens ad il-
lud melius contemplandum queat assurgere. Nam & ipse Dominus
seip-

seipsum vitem, & omnes ipsi insitos palmites vocat. At nec ipse vitis esset, nec palmitibus vim ferendi fructum daret, nisi humana natura, secundum quam vitis dicitur, radici illi cælesti, Verbo diuino insita esset. Vtuntur hac similitudine multi DD. in 3. ex Theodoretō Dialogo *Inconfusus*.

Ignitionis, vt in ferro candente, vel carbone ignito. Sicut enim ignis *Secūdo, ex-
plo ignitionis* totum ferrum penetrat, occupat, & ad suam puritatem ac nitorem attrahit, sibi que penitus adstringit & vnit: ita Diuinitas naturam humanam totam penetrat, & omnes eius particulas sibi copulat. Et sicut illa vnio ignis cum ferro est intima, vt vix alterum ab altero distinguiqueat, manente tamen naturæ & proprietatum distinctione: ita quoque vnio Verbi cum natura humana est penitissima; ita vt hæc Verbi diuinitate, (sicut carbo accensus) tota sit imbuta & refulgens, perseuerante tamen naturali discrimine & integritate. Rursus, sicut durate illa vnione ferrum est incapax ferruginis, nigroris & frigoris; ita humanitas incapax est peccati. Denique, sicut operatio ignis tribuitur ferro candenti, & contra (ferrum enim dicitur splendere, calefacere, vrere, accendere; & ignis potest dici secare, diuidere, penetrare, condensari; imperfectiones tamen ferri ignem non afficiunt:) ita in hoc mysterio ea quæ sunt Diuinitatis tribuuntur homini, & quæ humanitatis Deo, sic tamen vt imperfectiones humanitatis Diuinitatem non lædant. Vtitur hoc exemplo Basilii Hom. De humana Christi generatione. *Quomodo, inquit, Deus Verbum humana fragilitate non est correptus aut inquinatus? Facile respondemus, Sicut & ignis de ferri proprietatibus non accipit. Nigrum quidem est ferrum & frigidum; at tamen ignitum & candens ignis formam subit, & quamquam ex eo splendens, ignem tamen sua nigredine non inficit; itemque ardens flammam sua frigiditate non destruit, &c. Ignem hic intelligo ardorem illum, qui humidum primigenium & oleosum corporum mixtorum immediatè occupat (siue illud forma sit substantialis, siue accidentaria) & illud si euaporat, in flammam vertit; si consistit, in speciem rutilantem.*

Animationis. Sicut enim anima rationalis & caro vnus est homo; *Comparatio
unionis hy-
postatica cum
unione cor-
poris & ani-
ma.* ita (teste S. Athanasio in Symbolo) Deus & homo vnus est Christus. Maxima est distantia inter animam & carnem: anima enim est res subtilis, incorporea, simplex, viua, mobilis, pura, intelligens, immortalis, per se subsistens; caro est crassa, multiplex, impura, sordida, torpens, sensu & ratione destituta, corruptioni obnoxia: & tamen anima vi sua suoque contactu carnem extollit, & ad se attra-

Et

hit, sibi que substantialiter vnit, & vnus ex vtroque homo cōstat. Per hanc vnionem caro fit spiritalis, pulchra, viua, mobilis, & bonorum animæ particeps; ita vt omnis honor qui animæ deferatur, simul etiam deferatur carni. Rursus caro non gestat animam, sed anima carnem, & ipsa in anima veluti in sustentante recumbit; nō autem anima in illa. vnde illa ad hypostasim animæ eleuata & vnita videtur. Præterea, iste homo, verbi gratia Petrus, simul est anima & caro, vel vt magis propriè loquar, animalis & carnalis. Vt animalis (deducto nomine ab anima rationali) est incorporeus, immortalis, & ratione præditus; vt carnalis, est corporeus, mortalis, & ratione carens, &c Denique, quidquid operatur aut patitur caro, operatur vel patitur homo animalis: & quidquid operatur aut patitur anima, operatur vel patitur etiam homo carnalis. Simili modo, etiam si infinita sit distantia non loci, sed gradus & speciei, inter naturam humanam & diuinam, tamen Deus sua omnipotentia naturam humanam in infinitam celsitudinem supra omnem creaturam attollere, & ad hypostasim Verbi, (quæ naturæ humanæ & singulis eius partibus intimè tota præsens erat) insolubili & substantiali nexu adstringere & vnire potuit, ita vt iam non illa in se, aut per se, sed in Verbo, veluti ramus terrenus in cælesti trunco, & veluti corpus in regente & sustentante se anima subsisteret. Neque idcirco Verbum mutari, sed humanitas eleuari, ad Verbum attrahi, & modum quemdam inexistendi Verbo accipere debuit. sicut cum magnes attrahit & copulat sibi ferrum, non magnes, sed ferrum mutatur: cum Angelus assumit corpus, non Angelus, sed corpus mutationem patitur: cum cera infunditur sigillo, ipsa, non sigillum mutatur: denique in sanctissimo Eucharistiæ mysterio, cum species à corpore Dominico inuisibiliter sub illis existente assumuntur, (vt ita dixerim) & illi copulantur, vt ab eo separari nequeant, quamdiu saluæ permanent, & nobis illud visibile quodammodò & tractabile exhibeant; non ipsum corpus Domini, sed species ipsas credibile est mutari. Potuit itaque Verbum diuinum omnia penetrans, omnia sustentans, omnipotentis virtute sua naturam humanam apprehendere, & absque sui mutatione sibi adstringere, & vnione substantiali copulare, præsertim cum per se totum intimè præsens sit naturæ humanæ, & singulis eius partibus, multò magis quàm lumen aëri, vel anima carni. *Substantialem* illam vnionem voco, non quòd ad substantiam humanitatis pertineat, cum prorsus sit supernaturalis; sed quia non est res

*Ex mysterio
Eucharistia.*

aliqua à substantia illius omnino distincta, verum modus immediatus substantiæ, quo ipsa proximè vnitur Verbo ad vnum suppositum substantiale constituendum. Sic vnio carnis cum anima non est de substantia carnis, sed modus substantialis vel carnis, vel animæ, vel vtriusque. Et si Deus in materia cælesti aliquam animam collocaret, vnio illa esset supernaturalis, tamen substantialis.

23 Verum hoc maximè admirabile & incomprehensibile in hoc mysterio, quomodo Verbum diuinum absque vlla noua habitudine ad humanam naturam possit eam ita sibi adstringere, vt ratione illius vnionis verè dicatur & sit homo. Sed prouenit hoc ex infinitate Verbi, quod sicut in aliis, ita etiam in ratione hypostasis vim infinitam habet, qua substantiarum omnium existentias per modum hypostasis possit terminare, naturas ipsas actuales per se formaliter hypostaticè sustentando. Sicut enim intellectio diuina propter suam infinitatem in ratione intellectiois, ad futura contingentia; & volitio diuina propter infinitatem in ratione volitionis, ad omnia existentia quorum ipsa est causa, se extendit, idque absque accessione alicuius habitudinis realis ad illas: ita quæuis hypostasis diuina ob infinitam vim in ratione hypostasis, talis est, vt possit se ad quamlibet naturam terminandam & sustentandam, absque vlla sui mutatione, vel habitudinis intrinsecæ accessione, extendere & proferre. Sufficit enim illa habitudo virtualis eminentissima, quam ratione suæ infinitatis habet, ratione cuius non minùs perfectè vnitur, quàm si formalem, intrinsecam, & nouam habitudinem ad naturam humanam in assumptione acquireret. Recipit igitur ad se & in se Verbum diuinum naturam humanam, fitque eius hypostasis absque vlla sui mutatione, sola mutatione humanitatis, qua trahitur ad Verbum, & extensione seu habitudine virtuali Verbi, qua recipit & terminat humanitatem. Quare etsi Verbum diuinum nullius extrinseci sit capax vt subiectum quod forma aliqua imbuatur, (hoc enim est potentialitatis, defectus, & inopiæ, vnde repugnat puro actui;) est tamen capax omnium naturarum substantialium, vt hypostasis; quod est signum exuberantissimæ perfectionis. Et quamuis omnis substantia sibi relicta per se existat, nulli alteri insita aut inhaerens, sibi ipsa sufficiens hypostasis; tamen omnipotentia Dei potest illi dare modum quemdam inexistendi, quo formaliter existat in alio, præsertim in persona diuina.

24 Multa igitur in hoc mysterio totius misericordiæ pelago consideranda sunt miracula. Primum, Quod natura completa, quæ in

punctus distinctus in modo mysterij huius.

Miraculum huius mysterij demonstratur.

instanti formationis suæ per se alioquin substitisset, propriamque cōstituisset hypostasim, fuerit præuenta, accepto modo inexistenti, quo supra omnem creaturam eleuata existeret in Verbo. Secundum, Quòd Verbum ita naturam illam exceperit eam sustentans, eiusque inexistentiam terminans, vt tamen nullam subierit mutationem, nullam intrinsecus nouam contraxerit ad illam habitudinem, nullum ordinem, nullam *ῥοπήν* aut inclinationem. Sufficiebat enim infinita illa vis hypostatica, vt se ad illam naturam extrinsecus attraheret & veluti insertam, absque vlla sui mutatione velut terminus & basis hypostatica extenderet. Tertium, Quòd Verbum diuinum absque vlla noua habitudine ad naturam humanam factus sit verus homo, sitque inter naturam diuinam & humanam ratione vnionis in

Lib. 3. c. 8. Verbo mutua complexio seu *ὑπεχώρησις*, vt Damascenus ait. Hoc miraculum sequitur ex duobus prioribus. Sed aduerte quòd dupliciter quis possit dici homo. Primò, Per identitatem cum natura humana per se subsistente; quo modo quiuis purus homo dicitur homo. Nihil enim est quilibet homo purus, quàm natura humana indiuidua per se subsistens. Hoc modo Verbum non est homo, cum ratio hominis ipsi sit extrinseca. Secundò, Per vnionem humanitatis cum aliena hypostasi. Esse enim hominem generatim, est habere in se humanitatem, siue per identitatem quis habeat, siue per vnionem, vt hypostasis extrinseca. Verbum igitur est homo, quia habet humanitatem sibi substantialiter vnitam, tamquam eius hypostasis. Itaque etsi eadem sit humanitas in Verbo quæ in nobis, & Verbum æquè sit perfectus homo ac nos sumus; tamen modus habendi est diuersus. Nos enim habemus humanitatem per identitatem, Verbum per vnionem; nos naturaliter; illud supernaturaliter. Christus tamen, quia significat non nudam personam Verbi, sed suppositum ex persona Verbi & natura humana concretum, potest dici homo per identitatem, saltem partialem, quia naturam humanam includit.

25 Reliqua miracula sunt extrinseca, & debita tanto mysterio, veluti ex illo consecutaria. Primum, Quòd corpus in instanti perfectè formatum. Secundum, Quòd omnipotens virtus Spiritus sancti vicem virtutis seminalis suppleuerit. Tertium, Quòd anima illa beatissima in primo instanti creationis & infusionis sui, lumine gloriæ & omnibus cælestibus bonis eminentissimè fuerit repleta, adeò vt per temporum spatia nulla ei potuerit fieri accessio. Quartum, Quòd à virgine conceptus. Quintum, Quòd à vir-

gine natus absque virginalis claustris apertione, mirabili corporum penetratione, ex utero, veluti lumen per vitrum, effusus. Sextum, Quod gloria animæ in corpus non redundarit, sicut gloria Diuinitatis in animam, sed corpus manserit passibile. Septimum, Quod gaudium beatificum mœstitiæ animæ & dolorum acerbitates non excluferit. Ecce decem stupenda miracula in hac mirabili vnione, quorum singula longam merentur considerationem.

CAPVT VI.

Vtrum vnio hypostatica ponat aliquid creatum intrinsecum humanitati, nempe modum quemdam ex natura rei ab ipsa distinctum qui antea illi non inerat, ratione cuius dicatur vnica Verbo.

26 ANTE QVAM vlteriùs progrediamur, explicandum nobis parumper more Scholastico, vtrum vnio hypostatica ponat aliquid noui quod sit intrinsecum humanitati, ratione cuius ipsa dicatur vnita Verbo; an verò nihil tale ponat. Est enim hæc res magni momenti ad intelligentiam huius mysterij.

Quidam nihil tale ponendum putant, sed sufficere voluntatem diuinam, quæ cum sit omnipotens, facit quod vult. Vnde hoc ipso quo vult vt humanitas Verbo sit vnita eo modo vt Verbum sit homo, statim humanitas immediatè illi vnitur, absque vlla intrinseca sui mutatione, ita vt Verbum sit verus homo, & homo verus Deus. Fauet huic sententiæ Gregor. Ariminensis in 1. d. 28. quæst. 2. in Resp. ad 17. & 18. Argumentum. & Didacus Aluarez in 3. part. disput. 13. ad 7. art. quæst. 2. vbi ex professo refutat Suarem & Vasquezium ponentes modum quemdam vnionis creatum, quo formaliter humanitas Verbo vniatur.

Probatum Primò hæc sententia, Quia alioquin humanitas non immediatè & substantialiter vniretur Verbo; nam interueniret aliquid aliud creatum distinctum ab humanitate, nempe modus quidam humanitatis; quod videtur absurdum. debet enim Verbum esse vnictum humanitati omnino immediatè & proximè, alioquin non esset vnio substantialis; ipsaque mysterij dignitas postulat vt nihil creatum intercedat.

Secundò, Quia modus habet minimam & debilissimam entitatem, estque quid imperfectissimum. ergo non potest habere eam vim ut faciat hominem esse Deum, & Deum hominem. Confirmatur: Si enim nulla qualitas (quæ multò est perfectior omnibus modis) potest nos efficere gratos Deo natura sua sine noua Dei acceptatione & peccati condonatione, multò minùs tenuis modus poterit hominem ita vnire Deo, ut ex vi illius vnionis homo sit Deus & Deus homo: sic enim alicui rei creatæ connaturale esset facere hominem Deum.

27 Tertiò, Iste modus solùm inhæret humanitati, non Verbo; ergo etiam si possit vnire humanitatem Verbo, non tamen Verbum humanitati. Vel si Verbum sine vnione sibi inhærente potest vniri humanitati, cur non etiam humanitas sine tali vnione poterit vniri Verbo?

Quartò, si daretur talis modus, esset valdè difformis: nam qua parte inhæreret corpori, esset corporalis; qua parte animæ, esset spiritalis. Deinde, cum rebus modificatis debeat proportionari, valdè vilescet, nec respondebit dignitati Verbi.

Quintò, Humana natura non solùm debet vniri Verbo, sed Verbum debet illam terminare substantialiter & sustentare, & illa debet à Verbo dependere: sed vnio solùm vnum effectum formalem tribuit, nempe esse vnitum; non autem esse substantialiter terminatum, esse sustentatum, esse dependens. ergo non sufficit in hoc mysterio. Confirmatur: Quia vnio est extrinseca Verbo: atqui sustentare seu esse sustentans, est denominatio intrinseca Verbo; quia per suam intrinsecam subsistentiam sustentat seu facit subsistens, non minùs quàm subsistentia creata. ergo vnio non potest hunc effectum formalem Verbo tribuere, Confirmatur secundò: Quia vnio non est sustentatio & assumptio; ergo vnio non facit formaliter & secundùm se sustentans & assumens.

Sextò, Subsistentia creata immediatè sustentat naturam nullo modo medio: ergo etiam increata, quæ multo potentior ad sustentandum.

Septimò, Concilia & Patres docent vnionem factam *secundùm hypostasim* seu *secundùm subsistentiam*. Idem docet S. Thomas, cum ait, *unionem factam in persona Verbi*: ergo non est facta in aliquo modo vel re creata.

Octauò, Damascenus lib. 3. De fide cap. 6. dicit *Verbum esse*

vnitum carni medio mentis, ita vt mens inter Dei puritatem & carnis crassitiem media intercedat: ergo non est opus alio medio, quo menti vel carni vnietur, alioquin erit progressus in infinitum.

Nonò, His addi possunt alia argumenta, quibus Gregorius & alij probant, non dari vllam relationem vel modum respectuum distinctum ex parte rei ab entitate rei absolutæ.

28 Iuxta hanc sententiam fieri potest, vt iste homo nūc sit Verbum, nunc Pater, nunc Spiritus sanctus successiuè, sine vlla mutatione intrinseca humanitati per solam Dei voluntatem extrinsecam, Item, vt iste homo desinat esse Deus sine vlla sui mutatione.

Hac sententia mihi non probatur, & egregiè refutatur à doctissimis viris Francisco Suarez & Gabriele Vasquez in 3. parte; ab illo, *Refutatur hac sententia.* disp. 7. ab hoc, disput. 18. Cum enim hoc mysterium sit admodum difficile, per hanc sententiam redditur longè difficilior, & ita incomprehensibile, vt nulla similitudine declarari possit. Nullum enim potest dari exemplum in rebus creatis, vbi fiat aliqua noua vnio duorum realiter distinctorum (ita vt ex illis resultet vnum compositum) absque mutatione intrinseca saltem alterius extremi. Hoc enim videtur inuoluere contradictionem, vt statim ostendetur.

29 Ac primùm hac sententia ex eo refutari potest, quòd nitatur *Necessariò* duobus principiis quæ omnino falsa videntur: quorum alterum est, *videri ponentium modum* modos rerum non distingui ex parte rei à naturis vel rebus quas *intrinsecum humanitati.* modificant, sed sola ratione & apprehensione nostra. Negant enim etiam minimam distinctionem realem (qualem Suarez intermodum & rem statuit in Metaphys. disput. 7.) ac proinde solùm re- *Primò, Refutantur duo principia quibus hac sententia nititur.* linquunt distinctionem rationis. Quam sententiam, quod ad rem ipsam attinet, nullus doctorum (exceptis fortè paucissimis) admittit, etsi modo loquendi interdum admittere videantur. quis enim dicat, figuram sola ratione distingui à re figurata? & quando corpus ex sphaerico fit cubicum, non mutari realiter, sed sola consideratione nostra? quis motum localem sola ratione distingui à corpore quod mouetur, & alterationem à termino? Necessariò itaque. *Modi distinguuntur à rebus realiter incomplexè.* fatendum est, modos reales distingui aliquo modo realiter ab ipsis rebus, & aliquid rei ipsis addere, alioquin non essent veri modi, nec realiter afficerent, nec realem inducerent mutationem. Etsi enim non distinguantur distinctione reali completa, sicut res quæ à se mutuò per diuinam potentiam possunt separari, & separatæ conseruari: distinguuntur tamen distinctione reali incompleta; quia nec

stere in eodē spatio; unde ex nuda animæ præsentia nō afficitur corpus, nec anima afficitur ex nuda præsentia corporis; sed ulterius requiritur ut anima corpori uniatur substantiali quodam vinculo, ita ut anima passionēs corporis sentiat, & corpus ab illa vitam accipiat. Tertiò, Si anima existeret ante corpus, deinde uniretur corpori, maxima fieret in ipsa mutatio quoad modum operandi & patiendi ab obiectis & causis externis. ergo ille modus existendi ponit aliquid intrinsecum in anima: nisi enim esset quid intrinsecum, non induceret tantam mutationem. Confirmatur: Quia per unionem istam anima quodammodò corporatur, & corpus animatur: illa deprimitur ad infima, hoc eleuatur ad summa; tantaque est ista connexio, ut anima non possit se diuellere, nisi solutis dispositionibus corporis; nec ipsa sine summo dolore & horrore possit separari. Quæ omnia apertè indicant, istam unionem esse modum quemdam substantialem intimum ipsi animæ. Quod enim alicui conuenit per solam denominationem extrinsecam, non potest inducere tãtam mutationem, & statum tam diuersum, cū rem nullo modo in seipsa afficiat: sicut quod anima vel Angelus sit præsens huic vel illi corpori, nullam formaliter inducit mutationem in anima vel Angelo. Denique quod unio inter materiam & formam sit modus distinctus, probat fusè & eruditè Hurtado in sua Physica disp. 5.

*Responsio ad
n. v. ariorum,
modum non
distingui ex
parte rei.*

33 Respondent quidam, esse quidem aliquid reale positium in anima, non tamen esse quid distinctum ex parte rei ab ipsa essentia seu entitate animæ, sed solum distinguere ratione. Itaque fatentur, in anima & in aliis formis tam accidentalibus quàm substantialibus, ipsam unionem cum materia vel subiecto esse quidem verum modum positium se habendi, non tamen esse quid distinctum ex parte rei ab entitate formæ cuius modus dicitur, sed sola ratione distinguere.

Refutatur.

Verum hæc responsio seipsam euertit, & asystata continet. Si enim unio ex parte rei formas modificat, & certum modum existendi eis tribuit quem per suam nudam entitatem non habebant; quomodo fieri potest ut sola ratione ab ipsa entitate formæ distinguatur? quod enim sola ratione distinctum est, non potest realiter modificare & contrahere.

*Quod nō est
ullo modo
realiter di-
stinctum, non
potest reali-
ter modifica-
re.*

34 Dices, Differentiæ modificant genus, & personalitates diuinam essentiam, & tamen ibi nulla est distinctio ex parte rei.

Respondeo: Hæc ipsa instantia rem magis declarabit: differen-

tiæ enim quia non distinguuntur ex parte rei à genere, nō modificant genus in re, sed solūm vt hæc omnia obiciuntur nostris cōceptibus: sicut enim compositio ex genere & differentiis non fit ex parte rei, ita nec vnio, nec modificatio generis per differentias. gradus enim animalis non potest in aliqua natura existēte esse indifferens ad rationale & irrationale, vt accedente differentia rationali, modificetur & contrahatur ad constituendum hominem. Tamen vt existit obiectiuē in mente, est indifferens, & ita potest modificari per differentias nostra consideratione. At anima rationalis, prout existit in rerum natura per se, indifferens est ad vnionem & separationem; seu ad esse in corpore, & extra corpus: vnde ex parte rei potest modificari per ipsam vnionem. Quòd si vnio non esset aliquid distinctū ab entitate animæ, nō esset modificatio realis, sed solūm per conceptionem mentis, sicut natura humana in Petro modificatur per rationē indiuiduam Petri. Similiter in diuinis nulla est modificatio ex parte rei; quia personalitates non distinguuntur ex parte rei à natura diuina. Vnde pari modo, si vnio ipsa animæ non esset quid distinctum in re ab ipsa entitate animæ, nulla ibi esset realis modificatio. Nec obstat, quòd esse per se in anima separata, non dicat aliquem modum positium animæ superadditum secundū Scotum & quosdam alios: quia secundū illos est modus priuatiuus, non posituius. Inde tamen non sequitur, quin modus posituius vnionis aliquid reale superaddat entitati animæ. Idem dicendum de inexistētia omnium formarum, tam accidentalium quàm substantialium; hæc enim dicit modum quemdam positium vnionis ipsarum formarum non sola ratione, sed ex parte rei distinctum ab ipsis formis, etiam si fortē esse per se in illis non addat, nisi priuationem illius vnionis.

Differentia non modificat genus realiter.

Nec personalitates diuinae essentia.

Esse per se in anima separata, non fit modus posituius.

35 Confirmantur hæc omnia: Quia inter distinctionem realem perfectam & distinctionem rationis datur media, nempe realis imperfecta, quam modalem possumus appellare; quo modo distinguuntur omnes formæ ab vnione qua vniuntur materiæ vel subiecto, vt suprā ostensum est. Sanè ita hæc vnio distinguitur ab anima, vt cū vnitur corpori (si antea erat separata) longè maiorem mutationem subeat, quàm cera dum nouam formam accipit, aut corpus globosum dum formatur in cubum. Ex quibus omnibus manifestum videtur, vnionem animæ & aliarum formarum cum corpore vel subiecto, esse quemdam modum positium ipsis intrinsecum; & non sola ratione, sed ex parte rei distinctum ab ipsa-

Datur distinctio media inter realem & rationis.

stere in eodē spatio; vnde ex nuda animæ præsentia nō afficitur corpus, nec anima afficitur ex nuda præsentia corporis; sed vlteriùs requiritur vt anima corpori vnatur substantiali quodam vinculo, ita vt anima passionēs corporis sentiat, & corpus ab illa vitam accipiat. Tertiò, Si anima existeret ante corpus, deinde vniretur corpori, maxima fieret in ipsa mutatio quoad modum operandi & patiendi ab obiectis & causis externis. ergo ille modus existendi ponit aliquid intrinsecum in anima: nisi enim esset quid intrinsecum, non induceret tantam mutationem. Confirmatur: Quia per vnionem istam anima quodammodò corporatur, & corpus animatur: illa deprimitur ad infima, hoc eleuatur ad summa; tantaque est ista connexio, vt anima non possit se diuellere, nisi solutis dispositionibus corporis; nec ipsa sine summo dolore & horrore possit separari. Quæ omnia apertè indicant, istam vnionem esse modum quemdam substantialem intimum ipsi animæ. Quod enim alicui conuenit per solam denominationem extrinsecam, non potest inducere tãtam mutationem, & statum tam diuersum, cùm rem nullo modo in seipsa afficiat: sicut quòd anima vel Angelus sit præsens huic vel illi corpori, nullam formaliter inducit mutationem in anima vel Angelo. Denique quòd vnio inter materiam & formam sit modus distinctus, probat fusè & eruditè Hurtado in sua Physica disp. 5.

*Responsio ad
u. s. a. i. o. r. u. m.
modum non
distingui ex
parte rei.*

33 Respondent quidam, esse quidem aliquid reale positium in anima, non tamen esse quid distinctum ex parte rei ab ipsa essentia seu entitate animæ, sed solum distinguì ratione. Itaque fatentur, in anima & in aliis formis tam accidentalibus quàm substantialibus, ipsam vnionem cum materia vel subiecto esse quidem verum modum positium se habendi, non tamen esse quid distinctum ex parte rei ab entitate formæ cuius modus dicitur, sed sola ratione distinguì.

Refutatur.

Verùm hæc responsio seipsam euertit, & asystata continet. Si enim vnio ex parte rei formas modificat, & certum modum existendi eis tribuit quem per suam nudam entitatem non habebant; quomodo fieri potest vt sola ratione ab ipsa entitate formæ distinguatur? quod enim sola ratione distinctum est, non potest realiter modificare & contrahere.

*Quod nō est
ullo modo
realiter di-
stinctum, non
potest reali-
ter modificari.*

34 Dices, Differentiæ modificant genus, & personalitates diuinam essentiam, & tamen ibi nulla est distinctio ex parte rei.

Respondeo: Hæc ipsa instantia rem magis declarabit: differen-

tiæ enim quia non distinguuntur ex parte rei à genere, nō modificant genus in re, sed solum vt hæc omnia obiiciuntur nostris cōceptibus: sicut enim compositio ex genere & differentiis non fit ex parte rei, ita nec vnio, nec modificatio generis per differentias. gradus enim animalis non potest in aliqua natura existēte esse indifferens ad rationale & irrationale, vt accedente differentia rationali, modificetur & contrahatur ad constituendum hominem. Tamen vt existit obiectiuè in mente, est indifferens, & ita potest modificari per differentias nostra consideratione. At anima rationalis, prout existit in rerum natura per se, indifferens est ad vnionem & separationem; seu ad esse in corpore, & extra corpus: vnde ex parte rei potest modificari per ipsam vnionem. Quòd si vnio non esset aliquid distinctū ab entitate animæ, nō esset modificatio realis, sed solum per conceptionem mentis, sicut natura humana in Petro modificatur per rationē indiuiduam Petri. Similiter in diuinis nulla est modificatio ex parte rei; quia personalitates non distinguuntur ex parte rei à natura diuina. Vnde pari modo, si vnio ipsa animæ non esset quid distinctum in re ab ipsa entitate animæ, nulla ibi esset realis modificatio. Nec obstat, quòd esse per se in anima separata, non dicat aliquem modum positium animæ superadditum secundum Scotum & quosdam alios: quia secundum illos est modus priuatiuus, non posituius. Inde tamen non sequitur, quin modus posituius vnionis aliquid reale superaddat entitati animæ. Idem dicendum de inexistētia omnium formarum, tam accidentalium quàm substantialium; hæc enim dicit modum quemdam positium vnionis ipsarum formarum non sola ratione, sed ex parte rei distinctum ab ipsis formis, etiamsi fortè esse per se in illis non addat, nisi priuationem illius vnionis.

Differentia non modificans genus realiter.

Nec personalitates diuinae essentia.

Esse per se in anima separata, an sit modus posituius.

35 Confirmantur hæc omnia: Quia inter distinctionem realem perfectam & distinctionem rationis datur media, nempe realis imperfecta, quam modalem possumus appellare; quo modo distinguuntur omnes formæ ab vnione qua vniuntur materiæ vel subiecto, vt suprà ostensum est. Sanè ita hæc vnio distinguitur ab anima, vt cum vnitur corpori (si antea erat separata) longè maiorem mutationem subeat, quàm cera dum nouam formam accipit, aut corpus globosum dum formatur in cubum. Ex quibus omnibus manifestum videtur, vnionem animæ & aliarum formarum cum corpore vel subiecto, esse quemdam modum positium ipsis intrinsicum; & non sola ratione, sed ex parte rei distinctum ab ipsa-

Datur distinctio media inter realem & rationis.

Secundò, Quia modus habet minimam & debilissimam entitatem, estque quid imperfectissimum. ergo non potest habere eam vim ut faciat hominem esse Deum, & Deum hominem. Confirmatur: Si enim nulla qualitas (quæ multò est perfectior omnibus modis) potest nos efficere gratos Deo natura sua sine noua Dei acceptatione & peccati condonatione, multò minùs tenuis modus poterit hominem ita vnire Deo, ut ex vi illius vnionis homo sit Deus & Deus homo: sic enim alicui rei creatæ connaturale esset facere hominem Deum.

27 Teruò, Iste modus solùm inhæret humanitati, non Verbo; ergo etiam si possit vnire humanitatem Verbo, non tamen Verbum humanitati. Vel si Verbum sine vnione sibi inhærente potest vniri humanitati, cur non etiam humanitas sine tali vnione poterit vniri Verbo?

Quartò, si daretur talis modus, esset valdè difformis: nam qua parte inhæreret corpori, esset corporalis; qua parte animæ, esset spiritalis. Deinde, cùm rebus modificatis debeat proportionari, valdè vilescet, nec respondebit dignitati Verbi.

Quintò, Humana natura non solùm debet vniri Verbo, sed Verbum debet illam terminare substantialiter & sustentare, & illa debet à Verbo dependere: sed vnio solùm vnum effectum formalem tribuit, nempe esse vnitum; non autem esse substantialiter terminatum, esse sustentatum, esse dependens. ergo non sufficit in hoc mysterio. Confirmatur: Quia vnio est extrinseca Verbo: atqui sustentare seu esse sustentans, est denominatio intrinseca Verbo; quia per suam intrinsecam subsistentiam sustentat seu facit subsistens, non minùs quàm subsistentia creata. ergo vnio non potest hunc effectum formalem Verbo tribuere, Confirmatur secundò: Quia vnio non est sustentatio & assumptio; ergo vnio non facit formaliter & secundùm se sustentans & assumens.

Sextò, Subsistentia creata immediatè sustentat naturam nullo modo medio: ergo etiam increata, quæ multo potentior ad sustentandum.

Septimò, Concilia & Patres docent vnionem factam *secundùm hypostasim* seu *secundùm subsistentiam*. Idem docet S. Thomas, cùm ait, *unionem factam in persona Verbi*: ergo non est facta in aliquo modo vel re creata.

Octauò, Damascenus lib. 3. De fide cap. 6. dicat *Verbum esse*

Unitum carni medio mentis, ita ut mens inter Dei puritatem & carnis craftitiam media intercedat: ergo non est opus alio medio, quo menti vel carni uniatur, alioquin erit progressus in infinitum.

Nonò, His addi possunt alia argumenta, quibus Gregorius & alij probant, non dari ullam relationem vel modum respectuum distinctum ex parte rei ab entitate rei absolutæ.

28 Iuxta hanc sententiam fieri potest, ut iste homo nunc sit Verbum, nunc Pater, nunc Spiritus sanctus successivè, sine vlla mutatione intrinseca humanitati per solam Dei voluntatem extrinsecam, Item, ut iste homo desinat esse Deus sine vlla sui mutatione.

Hac sententia mihi non probatur, & egregiè refutatur à doctissimis viris Francisco Suarez & Gabriele Vasquez in 3. parte; ab illo, *Refutatur hæc sententia* disp. 7. ab hoc, disput. 18. Cum enim hoc mysterium sit admodum difficile, per hanc sententiam redditur longè difficilior, & ita incomprehensibile, ut nulla similitudine declarari possit. Nullum enim potest dari exemplum in rebus creatis, ubi fiat aliqua nova unio duorum realiter distinctorum (ita ut ex illis resultet unum compositum) absque mutatione intrinseca saltem alterius extremi. Hoc enim videtur involvere contradictionem, ut statim ostendetur.

29 Ac primum hæc sententia ex eo refutari potest, quod nitatur *Necessariò* duobus principiis quæ omnino falsa videntur: quorum alterum est, *videtur potest. autem modum* modos rerum non distingui ex parte rei à naturis vel rebus quas *intrinsecum humanitati.* modificant, sed sola ratione & apprehensione nostra. Negant enim etiam minimam distinctionem realem (qualem Suarez inter modum & rem statuit in Metaphys. disput. 7.) ac proinde solùm relinquunt distinctionem rationis. Quam sententiam, quod ad rem ipsam attinet, nullus doctorum (exceptis fortè paucissimis) admittit, etsi modo loquendi interdum admittere videantur. quis enim dicat, figuram sola ratione distingui à re figurata? & quando corpus ex sphærico fit cubicum, non mutari realiter, sed sola consideratione nostra? quis motum localem sola ratione distingui à corpore quod movetur, & alterationem à termino? Necessariò itaque. *Primò, Refutantur duo principia quibus hæc sententia nititur.* fatendum est, modos reales distingui aliquo modo realiter ab ipsis. *Modi distinguuntur à rebus realiter incomplete.* rebus, & aliquid rei ipsis addere, alioquin non essent veri modi, nec realiter afficerent, nec realem inducerent mutationem. Etsi enim non distinguantur distinctione reali completa, sicut res quæ à se mutuò per divinam potentiam possunt separari, & separatæ conservari: distinguuntur tamen distinctione reali incompleta; quia nec

sunt omnino idem quod res modificata, nec omnino diuersum: nam ita cum ea coherent, vt neque per diuinam potentiam separatim cōseruari, neque cogitatione sine re modificata concipi possint. Quo fit vt nō dicatur entitas distincta seu noua, sed modus entitatis: nisi hoc nomē *entitas* latè sumatur pro quouis reali, vt sæpè docet Suarez loco citato. Entitas enim, ex vsu Doctorum Scholasticorum, designat rem aliquam quæ per se concipi & consistere saltem per diuinam potentiam potest.

Diuina voluntas non sufficit ad physicā diuinitatis vnionē.

30 Alterum principium, diuinam voluntatem absque vlla externa operatione vel creaturæ mutatione posse facere, vt aliqua incipiant esse vnita, quæ antea non erant vnita; & contrà, vt desinant esse vnita, quæ antea erant vnita. Quod principium non puto apud aliquē Auctorem reperiri, aut aliquo exemplo posse declarari. Nec obstat illud quod assertur de omnipotentia Dei communicata creaturæ per solā Dei voluntatem, per quam ipsa creatura reddetur omnipotens absq; vlla sui mutatione intrinseca: quia hæc communicatio & vnio omnipotentia cum creatura non est realis & physica, (qualis est vnio Verbi cum humana natura, de qua nos agimus;) sed solum est moralis per extrinsecam assistentiam. vnde ad rem non facit. Fide enim certū est, vnionem naturæ humanæ cum Verbo, non esse solū moralem, qualis est illa vnio omnipotentia cum homine, sed realem & physicā. Deinde, si volūtas intrinseca Dei sufficit ad physicam & realem vnionem Verbi cum humana natura, nec opus est vllo nouo influxu externo; poterit totus mundus totaq; rerum creaturarum natura assumi hypostaticè à tribus personis diuinis, & rursus deferri ac separari absq; vlla sui mutatione, Deo solū sic volente pro hoc tempore, & pro alio nolēte. Item, omnis vnio formarum cum materia, & accidentiū cum subiecto, & partium inter se in toto, poterit referri in diuinam voluntatem. Si enim diuina voluntas sufficit, vt duæ res diuersissimæ, quæ nullam inter se habent proportionem, vniantur physica vnione absq; vlla ipsarum reali mutatione; multò magis sufficiens erit, vt duæ res quæ naturalem habent proportionem, physicè vniantur absque vlla sui mutatione: quæ omnia parum videntur consentanea veritati. Vnde cum hæc principia, quibus hæc sententia nititur, aliena à veritate videantur, nec ipsa vera esse poterit.

Refutatur exemplis.

31 Secundò refutari potest exemplis suprà allatis, & in primis animæ rationalis & carnis, quorum vnio est maximè similis vnioni hypostaticæ, vt docet S. Thomas lib. 4. Contra Gentes cap. 41. & colligitur

colligitur ex Symbolo Athanasij. vt enim ex anima & carne fiat homo, non sufficit animam esse intimè præsentem carni, sicut Angelus potest eidem carni esse præsens; sed vlteriùs requiritur peculiaris vnio & cohesio animæ cum corpore. quæ vnio est modus quidam se habendi ipsius animæ, quem vocamus informationem, qua ita coheret cum carne, vt non possit se ab eadiuellere, quàm diu saluæ manent carnis dispositiones. Idem cernitur in omnibus formis tam substantialibus quàm accidentalibus, in quibus ex natura rei distinguitur entitas formæ ab illo modo actualis inexistentiæ seu vnionis.

Verùm, quia hoc totum aliqui ex iis qui illam sententiam tenent, negant, & affirmant etiam in anima rationali cæterisque formis substantialibus & accidentalibus non requiri aliquem modum ex parte rei distinctum ab ipsarum entitate, vt insint & vniantur materiæ vel subiecto; sed sufficere ipsarum entitatem & intimam præsentiam qua præsentem sint suo susceptiuo, idcirco hoc magis confirmandum.

32 Confirmatur ergo Primò, Quia si intima præsentia formæ sufficit, nec requiritur vltior vnio: ergo hoc ipso quo anima erit præsens intimè corpori, necessariò corpus erit viuum, & anima illud animabit, imò nec Deus poterit impedire quin sit viuum & existat homo: quia non potest impedire effectum formalem. atqui hoc absurdum est: aliud enim est animam esse præsentem corpori; aliud, informare corpus. potest enim esse intimè præsens corpori non satis disposito (vt si cor planè sit frigidum) & tunc non informabit. Potest etiam subtrahi necessaria dispositio quando informat, (vt si subito totus calor euanescat) & tunc subito desinet informare; tamen Deus interim poterit eam conseruare in eadem præsentia. Item Angelus potest esse intimè præsens corpori, non tamen potest instar formæ vniri. Ergo hæc sunt diuersa, & vnio aliquid reale addit ipsi præsentie & entitati formæ. Secundò, Anima potest esse intimè præsens corpori prorsus frigido, & tunc naturaliter non poterit illud animare: diuina tamen virtute poterit illi vniri, & illud animare. Ponamus Deum illam animam isti corpori vnire, ita vt illud viuificetur ab anima: quo posito, vel tunc aliqua mutatio facta est in ipsa anima, vel nulla. Si nulla, quomodo opus fuit supernaturali virtute ad eam vniendam? quomodo potest iam viuificare, cū antea non posset? Si aliqua, ergo vnio dicit aliquid intrinsecum formæ distinctū à præsentia. præsentia enim animæ ad corpus nihil est nisi denominatio extrinseca à corpore exi-

*Vnionem formæ
materiæ cum
subiecto esse
modum realem
ex parte rei
distinctum.*

stere in eodē spatio; vnde ex nuda animæ præsentia nō afficitur corpus, nec anima afficitur ex nuda præsentia corporis; sed vlteriùs requiritur vt anima corpori vnatur substantiali quodam vinculo, ita vt anima passionēs corporis sentiat, & corpus ab illa vitam accipiat. Tertiò, Si anima existeret ante corpus, deinde vniretur corpori, maxima fieret in ipsa mutatio quoad modum operandi & patiendi ab obiectis & causis externis. ergo ille modus existendi ponit aliquid intrinsecum in anima: nisi enim esset quid intrinsecum, non induceret tantam mutationem. Confirmatur: Quia per vnionem istam anima quodammodò corporatur, & corpus animatur: illa deprimitur ad infima, hoc eleuatur ad summa; tantaque est ista connexio, vt anima non possit se diuellere, nisi solutis dispositionibus corporis; nec ipsa sine summo dolore & horrore possit separari. Quæ omnia apertè indicant, istam vnionem esse modum quemdam substantialem intimum ipsi animæ. Quod enim alicui conuenit per solam denominationem extrinsecam, non potest inducere tãtam mutationem, & statum tam diuersum, cùm rem nullo modo in seipsa afficiat: sicut quòd anima vel Angelus sit præsens huic vel illi corpori, nullam formaliter inducit mutationem in anima vel Angelo. Denique quòd vnio inter materiam & formam sit modus distinctus, probat fusè & eruditè Hurtado in sua Physica disp. 5.

*Responsio ad
u. v. ariorum,
modum non
distingui ex
parte rei.*

33 Respondent quidam, esse quidem aliquid reale positium in anima, non tamen esse quid distinctum ex parte rei ab ipsa essentia seu entitate animæ, sed solum distingui ratione. Itaque fatentur, in anima & in aliis formis tam accidentalibus quàm substantialibus, ipsam vnionem cum materia vel subiecto esse quidem verum modum positium se habendi, non tamen esse quid distinctum ex parte rei ab entitate formæ cuius modus dicitur, sed sola ratione distingui.

Refutatur.

Verùm hæc responsio seipsam euertit, & asystata continet. Si enim vnio ex parte rei formas modificat, & certum modum existendi eis tribuit quem per suam nudam entitatem non habebant; quomodo fieri potest vt sola ratione ab ipsa entitate formæ distinguatur? quod enim sola ratione distinctum est, non potest realiter modificare & contrahere.

*Quod nō est
ullo modo
realiter di-
stinctum, non
potest reali-
ter modifica-
re.*

34 Dices, Differentiæ modificant genus, & personalitates diuinam essentiam, & tamen ibi nulla est distinctio ex parte rei.

Respondeo: Hæc ipsa instantia rem magis declarabit: differen-

tiæ enim quia non distinguuntur ex parte rei à genere, nō modificant genus in re, sed solum vt hæc omnia obiciuntur nostris cōceptibus: sicut enim compositio ex genere & differentiis non fit ex parte rei, ita nec vnio, nec modificatio generis per differentias. gradus enim animalis non potest in aliqua natura existēte esse indifferens ad rationale & irrationale, vt accedente differentia rationali, modificetur & contrahatur ad constituendum hominem. Tamen vt existit obiectiue in mente, est indifferens, & ita potest modificari per differentias nostra consideratione. At anima rationalis, prout existit in rerum natura per se, indifferens est ad vnionem & separationem; seu ad esse in corpore, & extra corpus: vnde ex parte rei potest modificari per ipsam vnionem. Quod si vnio non esset aliquid distinctū ab entitate animæ, nō esset modificatio realis, sed solum per conceptionem mentis, sicut natura humana in Petro modificatur per rationē indiuiduam Petri. Similiter in diuinis nulla est modificatio ex parte rei; quia personalitates non distinguuntur ex parte rei à natura diuina. Vnde pari modo, si vnio ipsa animæ non esset quid distinctum in re ab ipsa entitate animæ, nulla ibi esset realis modificatio. Nec obstat, quod esse per se in anima separata, non dicat aliquem modum positium animæ superadditum secundum Scotum & quosdam alios: quia secundum illos est modus priuatiuus, non posituius. Inde tamen non sequitur, quin modus posituius vnionis aliquid reale superaddat entitati animæ. Idem dicendum de inexistētia omnium formarum, tam accidentalium quàm substantialium; hæc enim dicit modum quemdam positium vnionis ipsarum formarum non sola ratione, sed ex parte rei distinctum ab ipsis formis, etiamsi fortè *esse per se* in illis non addat, nisi priuationem illius vnionis.

Differentia non modificans genus realiter.

Nec personalitates diuinae essentia.

Esse per se in anima separata, an sit modus posituius.

35 Confirmantur hæc omnia: Quia inter distinctionem realem perfectam & distinctionem rationis datur media, nempe realis imperfecta, quam modalem possumus appellare; quo modo distinguuntur omnes formæ ab vnione qua vniuntur materiæ vel subiecto, vt supra ostensum est. Sanè ita hæc vnio distinguitur ab anima, vt cum vnitur corpori (si antea erat separata) longè maiorem mutationem subeat, quàm cera dum nouam formam accipit, aut corpus globosum dum formatur in cubum. Ex quibus omnibus manifestum videtur, vnionem animæ & aliarum formarum cum corpore vel subiecto, esse quemdam modum positium ipsis intrinsecum; & non sola ratione, sed ex parte rei distinctum ab ipsa-

Datur distinctio media inter realem & rationis.

rum formarum entitate. quibus positis, procedit argumentum ab exemplo animæ. Sicut enim ut existat homo, non sufficit animæ rationalis præsentia ad corpus, sed insuper requiritur peculiaris modus unionis in anima ex parte rei ab essentia animæ distinctus: simili modo multoque potiore ratione cogitandum est, ut ex Verbo & humanitate fiat Christus, & ut Verbum diuinum sit homo, non satis esse ut sit intimè præsens humanæ naturæ (omni enim naturæ creatæ intimè præsens est;) sed vlteriùs requiritur in humana natura aliquid creatum, ratione cuius ipsa dicatur substantialiter vnita Verbo potius quàm Patri vel Spiritui sancto: & ratione cuius Verbum dicatur esse verus homo, non Pater vel Spiritus sanctus. quod sanè eò magis hic interuenire debet, quò minor est proportio inter extrema quæ vniuntur, ut inter quæ sit infinita distantia. nisi enim sit aliquid in humanitate quod habeat peculiarem ordinem ad Verbum tamquàm ad suppositum terminans & sustentans, non potest animo concipi, cur Verbum nunc potius sit homo quàm antea: aut cur potius quàm Pater & Spiritus sanctus.

Quò minor est proportio inter extrema, eò magis requiritur modus unionis distinctus

3. Refutatio.

36 Tertiò refutari potest hoc Argumento fortissimo: Verbum nunc est verè & substantialiter homo, ante incarnationem non erat homo: ergo facta est aliqua intrinseca mutatio vel in Verbo, vel in humana natura: non enim potest fieri transitus realis de contradictorio in cōtradictoriū, nisi fiat mutatio saltem in altero extremo, atqui illa mutatio non est facta in Verbo, quia prorsus est immutabile; ergo in humana natura. Quæ ratio magis erit perspicua, si ponamus humanitatem illam extitisse ante assumptionem, & ita fuisse assumptam à Verbo. Ita enim ratiocinabimur: Hæc humanitas nunc est vnita Verbo hypostaticè, & antea non erat vnita: ergo facta est aliqua intrinseca mutatio non in Verbo, cū sit immutabile: ergo in humanitate; ac proinde in illa est aliquid reale creatum quod antea non erat, ratione cuius dicitur nunc vnita Verbo, cū antea non esset; & potius vnita Verbo quàm Patri vel Spiritui sancto.

Non potest fieri transitus in contradictorium absque ulla mutatione.

Responsio aduersarium per varias instantias. Prima, Ex motu locali

37 Ad hoc Argumentum conantur respondere allatis multis exemplis in quibus aliqua incipiunt esse vnita quæ antea non erant, absque vlla mutatione intrinseca. Primò, In motu locali, in quo, multorum sententia, non acquiritur aliquid intrinsecum, sed solà præsentia ad alium locum vel spatium: quæ præsentia nihil videtur esse aliud quàm denominatio extrinseca. Sicut ergo ut corpus incipiat esse in hoc loco in quo antea non erat, eique coniungatur,

non opus est vt fiat in ipso aliqua intrinseca mutatio, aut vt accipiat aliquid intrinsecum, quod antea non habebat; ita vt hæc humanitas incipiat esse vnita Verbo, non requiritur vlla mutatio intrinseca, aut aliquid intrinsecum illi quod antea non habebat.

Respondeo. Verum non esse quod assumitur. certum enim est, vt corpus incipiat esse in loco in quo antea nō erat, requiri aliquam rea- *Refutatur.*
lem mutationem intrinsecam per quam ad illum transferatur. Etsi enim obscurum sit, quid sit iste motus, certum tamen est, esse aliquid corpori intrinsecum ab illo modaliter distinctum. Vtrum autē terminus intrinsecus qui acquiritur isto motu, & dicitur ipsum *vbi*, sit aliquid distinctum, non est ita perspicuum. Quidam putant esse solam *Quidam putant ipsum vbi, seu esse hic vel ibi, esse solam denominationē extrinsecam.*
denominationem extrinsecam à spatio: sicut enim esse præsens huic vel illi corpori, est denominatio extrinseca; (potest enim hæc præsentia in me incipere & desinere absque vlla in me mutatione, sola mutatione alterius: ita etiam putant esse præsens ad hoc vel illud spatium, esse denominationem extrinsecam. 38. Sed verius est, hanc denominationem esse intrinsecam à modo positiui rei intrinseco. Primò, *Ipsam vbi est quid intrinsecū rei.*
Quia motus localis, cuius terminus est *esse hic vel ibi*, est aliquid rei intrinsecum & positiuum, ad sui productionem requirens vim motiuā in producēte. quis enim dicat, motum Solis, Lunæ, astrorum, non esse quidquam reale intrinsecum istis corporibus? si motus est aliquid intrinsecum, cur non etiam *esse hic, esse ibi*, quod propriè est terminus intrinsecus istius motus, & per illum producitur?

Dices: Terminus motus localis est, esse coniunctum vel præsens huic vel isti loco: atqui hoc nihil ponit in re nisi denominationem extrinsecam; sicut esse in his ædibus, in hoc cubiculo, est denominatio extrinseca.

Respondeo: Etiam si præsentia in loco reali, vel ad aliquod corpus, sit denominatio extrinseca; non tamen idcirco præsentia ad spatium ipsum est denominatio extrinseca: cuius euident signum est, quòd illa possit mutari, re manente in eodem spatio, nempe si domus destruat vel auferatur. hæc verò nullo modo possit mutari per mutationem alicuius rei extrinsecæ, sed solum per mutationem ipsius subiecti. ergo præsentia in hoc spatio erat aliquid intrinsecum rei. Si enim esset denominatio extrinseca, tolli posset sine vlla rei mutatione, per mutationem eius à quo denominationem accipit; sicut in omnibus aliis denominationibus extrinsecis cernitur: vt cum aliquid dicitur videri, intelligi, amari, esse dextrū,

sinistrum, antè, retrò. Omitto alias rationes quas vide apud Suarem tom. 2. Metaphys. disp. 51. num. 14. & sequentibus, & Petrum Hurtado, qui nouissimè scripsit, in Physica, disput. 14. & in metaphys. disp. 2. sect. 5. & 6. Idem docet Vasquez 1. p. disput. 188. n. 28. & Molina 1. p. q. 52. a. 1. disput. vnica, membro 5. denique Conimbricenses, Fonseca, & Toletus, qui omnes hanc sententiam tamquam certam tradere videntur.

*Obiectio
quorundam.*

Dices, Incredibile videri, rem quoties loco mutatur, subire tot nouas entitates, easque oriri & occidere. Confirmatur: Quia in quouis motu acquireret infinitos modos, & infinitos amitteret. Deinde, *esse nunc vel tunc, esse in hoc vel illo tempore*, nihil ponit intrinsecum in re; ergo neque *esse in hoc vel illo loco*. denique, si *esse hîc* est modus intrinsecus, eget influxu diuino conseruante. tollat Deus illum influxum, res adhuc manebit hîc: alioquin esset nusquam. ergo sine illo modo potest esse hîc.

Respondetur.

Ad Primum respondeo: Non esse incredibile, rem dum mutatur subire tot novos situs, quia non sunt propriè entitates diuersæ, sed diuersi modi eiusdem rei quæ cōtinuè situm mutat. Longè magis mirū est, ab obiectis innumeras subito diffundi species ad multa passuum millia, quæ millies quotidie intereunt, & millies renascuntur, vt experientia constat: cū tamen non sint tenues modi, sed veræ qualitates, quas deus seorsim conseruare posset. Ad Cōfirmationē: Id quod mouetur, non magis acquirit infinitos modos, quàm transit infinitas partes continui. Vnde sicut non est absurdum, sed necessariū vt transeat infinitas partes proportionales spatij continui; ita etiam non est absurdum, sed necessarium, vt acquirat infinitos modos instar partiū proportionalium se habentes; & simili ratione infinitos amittat. Idem vsu venit in omni mutatione successiua, etiam qualitatū.

Ad Secundum, neganda consequentia: Quia res potest subire varia tempora & illis coexistere sine vlla sui mutatione; ipsum enim tēpus cū cōcipiatur vt successiuum, accedit & recedit re immota permanente. non tamen potest subire varia spatia, aut illis coexistere, sine sui mutatione, quia cū spatium sit immobile, non potest accedere & recedere re non mota.

Ad Vltimum: Sicut iste modus est quid necessariò resultans ex re, hoc ipso quo res est indistans ab hoc spatio: ita influxus quo conseruatur iste modus, necessariò resultat ex influxu quo conseruatur res in illa indistantia. vnde re manente in illa indistantia, tolli

non potest influxus ille : sicut etiam influxus ille quo conseruatur figura rei, tolli non potest mera suspensione, re aliter non mutata : quia nihil est aliud quàm necessaria resultantia influxus conseruatiui rei sic limitatæ. Hæc breuiter contra illam denominationem extrinsecam, qua putant aliqui infringi vim rationis suprâ allatæ.

39 Verum, etsi concederemus totum quod prætenditur, nempe vt aliquid incipiat esse præsens huic spatio, non requirit in illo aliquid noui intrinseci, sed sufficere denominationem extrinsecam à spatio, non tamen id posset iuuare illam sententiam ; quia nulla extrinseca denominatio sufficit vt ex duobus fiat vnum substantialiter, seu vt humanitas vniatur Verbo hypostaticè, ita vt Verbum verè sit homo, & homo Verbum. substantialis enim vnio postulat aliquid intrinsecum saltem in altero extremorum quo vnum respiciat alterum, & ordinetur ad illud, vt in exemplo animæ & carnis ostensum est. Si enim vnio accidentalis, qualem ponebant Nestoriani, requirit aliquid intrinsecum in humanitate ; multò magis substantialis & hypostatica, quæ intima & firmissima est cohæsiō & conglutinatio.

40 Neque dici potest, sufficere voluntatem diuinam ad illam cohæsiōem: quia voluntas diuina non potest producere vel supplere effectus formales rerum sine ipsis formis, vel sine reali modo existentia illarum ; id enim implicat contradictionem: verbi gratia, non potest facere vt homo sit sine anima rationali, vel sine inexistētia animæ in carne, & in informatione carnis, quæ inexistētia seu informatio est quid distinctum ab anima, tamquam modus quidam se habendi ipsius animæ: vnde & potest abesse, vt patet cū anima separatur à corpore: tunc enim iste modus extinguitur & perit, sicut figura in multis corporibus perit, salua manente corporis substantia ; quia solum est modus quidam ipsius corporis. Pari modo fieri nequit, vt Verbum sit verus homo sine reali & peculiari modo inexistendi, quo natura humana illi peculiariter inexistat & cohæreat. Si esse hominem esset quid morale, sicut esse Regem, esse Pontificem; vel si humana aut diuina natura posse haberi per mortalem æstimationem & quamdam imputationem sicut haberi potest iustitia, sanctitas, filiatio Dei, & similia: sic sufficeret voluntas diuina, vt Deus possit dici homo, & homo Deus; etiamsi nulla facta esset mutatio intrinseca, nec vllus esset nouus modus aut respectus realis in humanitate ad Verbum: diceretur enim Deus homo affectu & se-

Voluntas diuina non potest supplere effectus formales rerum.

Voluntas diuina solum habet effectum morale.

cundum æstimationem moralem, nimirum quia ita hominem amat & æstimat, ut si fieri posset, cuperet esse homo; & hic homo diceretur Deus, quia ex tali amore & æstimatione accipit dignitatem quamdam diuinam, qua honoretur quasi Deus quidam ac Filius Dei, vel quia gerit vices Dei in seipso inhabitantis & per ipsum operantis. Verum non sic Deus factus est homo, aut homo Deus, sed propriè & physicè: ac proinde non sufficebat voluntas diuina, sed necessarius erat nouus modus physicus & realis in humanitate, qui peculiarem haberet ordinem ad Verbum, & quo formaliter ipsi Verbo vniretur.

Secundâ instantia, Ex lumine.

41 Secundò adfertur instantia, In lumine & candela: fieri enim potest ut lumen quod antea non pendebat ab hac candela, sed ab alia, vel à solo Deo, incipiat pendere ab hac candela, absque vlla vel luminis istius vel candelæ mutatione, sola Dei voluntate ita volente. Idem dici potest de lumine solis.

Dependentia ex causa efficiente, est modus rei: unde noua dependentia est nouus modus

Respondeo, & hoc exemplum verum non esse: quia quando hoc lumen incipiet pendere à candela, à qua ante non pendebat, accipiet realem mutationem subeundo nouum modum dependentiæ ab hac causa, ut fusè & eruditè docet Suarez in Metaphysica disput. 7. num. 17. & disput. 21. & Petrus Hurtado in Metaphys. disp. 2. sect. 6. Vnde verum non est, solam Dei voluntatem extrinsecam sufficere ut incipiat ab hac candela pendere.

Tertiâ, Ex intellectu

Tertia instantia, In intellectu posita, à solo Deo in intellectu passiuè tantum se habente; per hanc enim intellectiōem intellectus non intelliget. Si tamen Deus velit, intellectus incipiet intelligere absque vlla sui vel intellectiōis mutatione, sola Dei voluntate illa sic vniente.

Respondeo, etiam hoc exemplum verum non esse: quia intellectus non potest incipere intelligere per illam intellectiōem nisi in illam vitaliter influat; & illa ab intellectu vitaliter dependere incipiat. Vnde necesse est illam mutari, & consequenter etiam intellectum, quem illa afficit. longè enim aliter afficit intellectum, dum inest ei per modum vitæ, eumque reddit sapientem, beatum, &c. quam dum inerat per modum rei mortuæ, & nihil tale ei tribuebat.

Quarta, Ex Dei voluntate.

Quarta instantia, In Deo. Si enim ab æterno voluisset creare tres mundos, haberet quamdam volitionem quam modò non habet, idque absque omni sui mutatione.

Respondeo, hoc exemplum ad rem non facere. Primò, quia volitio

volitio libera in Deo non distinguitur nisi ratione ab eius natura, ac proinde non potest inducere mutationem realem & physicam, neque efficere ut Deus nunc dicatur aliter se habere quàm tunc haberet. Secundò, Quia mutatio locum non habet nisi ubi datur prius & posterius, ita ut dici posset, res nunc aliter se habet quàm prius habuit. atqui in æternitate hoc dici non potest: nullum enim datur instans temporis, in quo dici possit, Deum hanc volitionem quam modò habet non habuisse.

Quinta instantia, In Verbo diuino, quod ex non-sustentante fit sustentans humanam naturam absque vlla sui mutatione. *Quinta, Ex Verbo diuino sustentante.*

Respondeo, Non est necesse ipsum Verbum mutari, sed sufficit ut fit mutatio in altero extremo, nempe in humana natura. Simili modo cum Deus ex non-creante fit creans, ex non-iustificante iustificans, non est mutatio in Deo, sed in creatura.

Ex his patet, tertiam rationem esse omnino solidam, quæ etiam Occam, qui interdum videtur tollere modos, conuictus fuit in 1. dist. 3. q. 4. Eadem tamquam sufficiente utitur Vasquez in 3. par. tom. 1. disp. 18. & Suarez ibidem disp. 8.

42. Quartò refutatur hoc modo: Per vnionem hypostaticam Diuinitas non est imminuta, vel depressa, vel villo modo mutata, sed humanitas est exaltata & eleuata, ut passim tradunt sancti Patres. Leo Ser. 1. 3. & 4. De Natiuit. Damascen. lib. 2. De fide c. 17. & alij. Atqui hæc exaltatio fieri non potuit, nisi aliquid reale ponatur in ipsa humanitate, quod antè illi non inerat. Ergo, &c. Minor probatur: Quia nisi aliquid ponatur reale intrinsecum humanitati, per quod ipsa dicatur eleuari, non erit physica & realis exaltatio, sed solum moralis, vel per denominationem extrinsecam: sicut cum per collationem dignitatis Regiæ, vel per connubium cum Rege, dicitur aliquis exaltari, etiamsi nulla in eo mutatio facta sit, nec quidquam reale ipsi accesserit. Talis autem exaltatio non sufficit in hoc mysterio. Primò, Quia sic humanitas non aliter esset eleuata, quam diuinitas depressa vel exinanita; nec maior esset mutatio facta per hoc mysterium in humanitate quàm in Diuinitate; quod sanctis Patribus & cõmuni Fidelium sensui non est consentaneum. Sicut enim Diuinitati nihil accessit intrinsecum, sed solum dicitur exinanita per denominationem extrinsecam, vel moralem æstimationem: ita etiam humanitati nihil accessisset intrinsecum, & per solam extrinsecam denominationem diceretur exaltata, & vnita Verbo. *Ex eleuatione nature humana, qua sine aliquo extrinseco fieri nonquit.* *Non potest natura eleuari per aliquid omnino ipsi extrinsecum.*

Hh

*Internatu-
ram huma-
nam & di-
uinam est
infinita di-
stantia.*

Secundo, Quia cum inter humanitatem & Diuinitatem sit infinita distantia, non loci, sed gradus naturæ; necessariò debuit humanitas eleuari per aliquod donum intrinsecum, ita ut quasi proximè attingeret Verbum, eique immediatè posset vniri. Sicut enim quod loco distat, non potest vniri rei superiori, (ut si lapis vniendus esset soli) nisi re ipsa per motum sibi intrinsecū eleuetur ut attingat: ita quod distat naturæ gradu, nec habet sufficientem proportionem ut alteri vniatur, debet eleuari per intrinsecas dispositiones quibus alterum attingat, ut patet in materia, quæ ut animæ vniatur, debet variis dispositionibus eleuari. Multò magis id habebit locum in præsentī mysterio, cum inter extrema vnienda sit distantia infinita. Vnde o-

*Hæc eleuatio
dupliciter
cōcipi potest.*

pus erit singularissimo quodam dono, quo natura humana infinitè supra omnes creatas naturas eleuetur, & Verbo vniatur. 43. Potest autem hæc eleuatio dupliciter concipi. Primò, Ut natura humana per aliquod donum intrinsecum eleuetur ad proportionē cum Verbo, quæ sit distincta ab ipsa formali vnione, & prior naturā; sicut corpus iam perfectè formatum prius naturā est proportionatum animæ quā illi vniatur: posita enim hac proportionē & intima animæ præsentia, vnio naturaliter resultat. Secundò, Ut natura immediatè eleuetur ad ipsam vnionem, per actionem Dei supernaturalem productiuam illius modi in quo consistit ipsa formalis vnio; ita ut non sit opus alio præuio quo fiat proportionata Verbo. Hoc secundo modo putò hanc eleuationem factam, nec opus fuisse aliqua proportionē præuia, qua posita illa vnio quasi naturaliter resulter, vel sit debita: imò talem proportionem non puto possibilem. Quod si nulla proportio præuia possibilis est, vel ex hoc capite maximè opus fuit aliquo modo intrinseco quo natura formaliter eleuaretur, ut fieret simul proportionata Verbo & vnita. quò enim maior est distantia inter extrema, & minor proportio, eò maiori opus est potentia & influxu ut fiat vnio: qui influxus necessariò debet esse intrinsecus, saltem alteri extremorum.

*a Damasc. l. 2.
cap. 7. citans
Greg. Na-
zianz.
Non potest
deificari,
vngi, sancti-
ficari, si nihil
accipiat in-
trinsecum.
b Psal. 44.
Isaiz 61.
Danielis 9.
Act 4. & 10.
ad Hebr. 1.
Ioan. 10.
Rom 1.*

Denique, natura humana ita eleuatur ut deificetur, ut Patres a do-
cent. atqui deificari non dicit solū denominationem extrinsecam, sed aliquid intrinsecum, sicut animari, viuificari, informari. Simili modo natura humana, & ille homo (quatenus per hoc denotatur indiuiduum humanum præscindens ab hac & illa personalitate) dicitur vnctus Diuinitate, vel Spiritu sancto, & sanctificatus à Patre in Scripturis b, quæ sine aliqua vnione intrinseca non benè pos-
sunt concipi.

44 Quintò réfutari potest illa sententia : Si diuina voluntas sufficit ad substantialem vnionem naturæ humanæ cum Verbo; ergo non opus est vlla operatione sanctissimæ Trinitatis ad extrà: quod est contra communem doctrinam sanctorum Patrum, qui docent vnionem hypostaticam, quia est quid extrinsecum Deo, à tota Trinitate perfectam. Vel si opus est aliqua operatione externa, non magis sufficit ad hanc vnionem diuina voluntas, quàm ad alia opera externa, vt ad creandum mundum, iustificandos homines, &c. vbi voluntas nostro modo concipiendi applicat omnipotentiam ad operandum exterius. Si ita est, cur voluntas diuina dicetur potius sufficere ad hanc vnionem, quàm ad creationem? Vnde si dicant requiri operationem externam omnipotentia, non constanter loquuntur, & frustra totum referunt in voluntatem diuinam. Confirmatur: Quia ideò referunt hanc vnionem in voluntatem diuinam, ne cogantur admittere aliquam Dei operationem externam distinctam à creatione humanitatis Christi qua fiat ista vnio: ergo non requirunt illam eo modo quo requiritur ad creationem, nempe tamquam causam applicantem omnipotentiam ad operandum exterius; sed tamquam causam quasi formalem istius vnionis, & tamquam formale vinculum naturæ humanæ cum Verbo. Hinc dicunt, voluntatem diuinam, cum sit intimè præsens vtrique extremo, multò melius, immediatiùs & fortius posse illa vnire, & humanitatem ad Verbum determinare, quàm possit vllus modus creatus. Quo posito, manifestè sequitur, hanc vnionem non esse realem & physicam, (hæc enim fieri debet operatione externa physica & reali, cum terminus externus realis debeat fieri operatione externa reali;) sed moralem tantum: hæc enim sola potest fieri per nudam volitionem; quia volitio Dei est quasi ratio formalis illius vnionis; vel est ratio effectiua moraliter, si eam morali modo consideremus. Sicut si Deus velit me esse Regem, eo ipso ero Rex: si rursus velit vt non sim Rex, non ero; absque vlla mei mutatione reali. Si velit Petrum esse meum seruum, statim erit meus seruus: si rursus velit non esse, non erit, &c. In quibus omnibus voluntas diuina est quasi vinculum duorum (ita vt non sit opus alio reali vinculo) ex quo resultat quædam relatio vnionis moralis in vtroque extremo. Verùm nulla ratione dici potest, vnionem hypostaticam eo modo factam: quia sic non esset vnio realis & physica, sed moralis; nempe per affectum & amorem Dei: nec Verbum esset verè & propriè homo, sed solum vnione affectus, qui fuit error Nestorij.

*Quintare-
futatio, Non
est opus om-
nipotentia.*

*Sola morale
vnio potest
fieri per vo-
luntatem.*

45 Si dicant, voluntatem per se non sufficere ad hanc vnionem, sed vltcrius requiri operationem ad extrà, qua fiat hæc vnio; iam non consequenter loquuntur, vt ostensum est. Deinde, frustra ponetur talis operatio ad extrà, cùm nullus possit eius assignari terminus intrinsecus per eam productus: non enim per illam producit Verbum; neque etiam ipsa natura humana, vt iam suppono; hæc enim poterat esse ante vnionem. neque etiam terminus illius productionis est modus aliquis intrinsecus ipsius humanitatis; quia talis non datur in hac sententia. Quid ergo per illam producit? seu quis est terminus intrinsecus illius productionis?

Respondent, terminum productionis illius esse hoc compositum ex Verbo & humanitate. Sed contrà, istud compositum non potest secundum se totum esse terminus immediatus illius productionis: quia non secundum extrema quæ vniuntur, cùm hæc iam supponantur existentia; sed solum secundum vnionem præuiam, ex qua posterius ratione resultat hoc compositum. Sed hæc vnio non ponit aliquid reale creatum in extremis vnitatis, vt vult hæc sententia; ergo ad eam non opus est vlla reali productione ad extrà; sed sufficiet moralis quædam mutatio, facta solâ voluntate diuina (sicut vt homo dicatur omnipotens, Deo volente suam omnipotentiam illi applicare, & ponere in eius potestate; non opus est vlla reali productione vel mutatione) quod nullo modo est dicendum, vt iam ostensum est.

Ex quibus omnibus concludo, necessarium esse ponere aliquid creatum in humanitate Christi, ad cuius productionem requiratur omnipotentia; quo posito resultet vnum compositum ex Verbo & humanitate, nempe vnus Christus, Verbum, homo, & vt Græci loquuntur, Θεὸς Ἀπόστολος, Οὐ μόνος.

46 Sequitur nunc vt respondeamus ad Argumenta sententiæ aduersæ, posita num. 26. & 27.

*Ad primum
Argumentum.*

Ad Primum respondeo, negando sequi hanc vnionem non fore immediatam: non enim ille modus creatus ita intercedit, vt ipse immediate vniatur Verbo, & illo mediante humanitas, sicut quando duo connectuntur glutino. Falsa est hæc imaginatio, qua aduersa sententia multum niti videtur: ille enim modus non vnitur Verbo vt res quæ vnitur, sed vt ratio formalis qua ipsa humanitas vnitur Verbo. Itaque iste modus vnitur vt id quo, non vt ad quod; & sic non intercedit nec impedit immediatam vnionem Verbi & humanitatis, cùm sit ipsa immediata vnio amborum.

Ex quibus patet, humanam naturam prorsus immediatè vniri Verbo, ita vt inter essentiam humanitatis & personam Verbi non intercèdat aliquid vt id quod, seu vt res vnita; sed solùm vt id quo, seu vt ratio immediatæ vnionis cum Verbo. Hinc non opus est alio modo, quo iste modus vnatur Verbo: quia sicut per ipsum formaliter vnitur humanitas Verbo, ita etiam ipsemet eidem Verbo vnitur per seipsum. Simile cernitur in actuali inexistencia seu vnione omnium formarum tam accidentalium quàm substantialium. quæ vnio est modus quidam afficiens immediatè illas formas. hic enim modus non inest subiecto formæ, neque ei vnitur vt id quod, sed vt id quo: quia non habet se vt res vnita, sed vt ratio vnionis, seu vt formalis vnio.

47 Ad Secundum respondeo, modum quidem esse per se quid imperfectissimum in ratione entis, cùm nulla ratione possit per se conseruari sed totum esse ipsius sit actu aliud modificare: est tamen quid perfectissimum in ratione vnionis & connexionis qua duo diuersa inter se connectantur: non enim est possibilis perfectior vnio animæ & carnis ad constituendum vnum hominem, quàm sit modus ille quo anima reipsa informat corpus. neque per aliquid aliud perfectiùs anima vni potest carni, quàm per illum modum. Idem dico de reliquis formis, earumque connexionione naturali cum materia vel subiecto. Pari ratione modus ille vnionis hypostaticæ est quidem per se quid imperfectum in ratione entis, quatenus non potest per se existere: est tamen perfectissimus & sublimissimus in ratione vnionis; quia per se formaliter humanam naturam ita eleuat & vnit Verbo, vt ex illis duobus constituatur vna persona. Itaque hic modus, etsi per se sit parvæ entitatis, maximi tamen est momenti, quia facit vt homo sit Deus, & Deus sit homo. Absque hac imperfecta entitate, quam vocamus modum vnionis, nemo potest esse sanctus, nemo beatus, nemo videre Deum. Nihil enim iuuant formæ vel qualitates quantumuis sint excellentes, nisi inexistant & vniantur. Nullum potest esse compositum substantiale, vel accidentale, immò nullum corpus sine hoc modo. Etsi enim modus ille per se sit imperfectus, tamen res quam modificat vel connectit, est magnæ perfectionis. Itaque est conditio sine qua nulla res potest accipere vel habere aliquam perfectionem à sua entitate distinctam.

48 Nec obstat quòd quidam Doctores dicant, vnionem hypostaticam consistere in quadam relatione humanitatis ad Verbum di-

Modus vnionis est quid imperfectissimum per se formaliter in ratione entis, non in ratione vnionis.

Vnio formarum est maximimomenti in rebus.

Quo sensu quidam dicant hanc vnionem esse relationem.

uinum: quia omnis inexistencia in alio, & omnis vnio, est relatio quaedam essentialiter respiciens aliud tamquam suum terminum; siue illud sit subiectum, sicut modus inexistencie in accidentibus & formis substantialibus respicit subiectum, quod ab accidente vel forma substantiali informatur: siue sit suppositum, vt in mysterio Incarnationis. hæc tamen relatio non est quiddam resultans ex termino & fundamento, sed est modus relatiuus essentialiter ordinans ad aliud. Esse enim in alio, dicit ordinem ad illud: esse verò per se, nullum dicit ordinem. vnde Scotus vocat eam relationem extrinsecus aduenientem; alij relationem transcendentalem.

49 Ad Confirmationem, neganda consequentia: ideò enim nulla qualitas per se & præcisè vi suæ entitatis potest delere peccatum, quia malitia peccati est quid morale, quod non tollitur per se nisi modo morali, nempe condonatione libera Dei: nulla autem qualitas creata, cum se ipsam tantum coniungat subiecto, & ipsa sit bonum finitum, necessitare potest Deum vi sua ad peccatum condonandum. Modus verò vnionis hypostaticæ non tantum se ipsum vnit humanitati, sed etiam ipsam humanitatem vnit Verbo diuino, & conuersò vnit ipsum Verbum humanitati: & consequenter facit vi sua vt homo sit Deus, & Deus homo, ea proinde necessariò excludit peccatum. Vnde patet, isti modo hoc esse connaturale, & non habere id ex aliquo fauore vel acceptance Dei. alioquin iste homo non esset verè & physicè Deus, sed solum morali æstimatione & solo Dei fauore, vt suprà ostensum. Quare si hoc argumentum aliquid efficere, probaret Deum non posse esse hominem per aliquam vnionem creatam, sed per solam denominationem extrinsecam fauoris diuini. Sicut quia nulla est qualitas creata, quæ præcisè vi sua deleat peccatum, & faciat filios regni; rectè dicimus, hos duos effectus fieri potissimum fauore diuino: neque vllam qualitatem id posse facere, nisi quatenus diuinus fauor ei est connexus. Vnde remissio peccati & adoptio, magis est quid morale quàm physicum. vbicumque enim ob defectum causæ formalis creatæ interuenit voluntas diuina vt illum defectum suppleat, ibi non solum est aliquis effectus physicus, sed etiam moralis.

50 Ad Tertium: Etiam si iste modus realiter & intrinsecè solum afficiat humanitatem, non Verbum; tamen non solam humanitatem vnit Verbo, sed etiam Verbum humanitati. Sicut enim cum ma-

gnes ad se trahit ferrum, non solum ferrum iungitur & vnitur quodammodo magneti, sed etiam magnes ferro, ita cum Verbum diuinum sua omnipotentia trahit ad se naturam humanam, loco quidem presentem, sed naturæ gradu infinitè distantem, ita illam eleuat & ad se trahit, vt & ipsa Verbo, & Verbum illi immediatè & arctissimè vnatur. Vnde non est necesse vt fiat mutatio in vtroque extremo, aut vt modus vnionis sit in vtroque. Idem docet Vasquez in 3. part. disputat. 19. & multialij, de vnione animæ cum corpore, & omnis formæ cum materia vel subiecto; nēpe modum vnionis nō requiri nisi in altero extremo, nempe in forma. Cum enim de ratione istius modi sit, vt formam vniat cum subiecto; posito illo modo, necessariò forma manet vnita, etiam si in subiecto præter necessarias dispositiones nullus nouus modus concipiatur. Quæ sentētia vtrum in formis naturalibus vera sit, cum mutua videatur debere esse amicitia & complexio inter formam & materiam, &c. non est huius loci disputare. videri potest noster Hurtado in Physica, disp. 5. sect. 7. Hinc patet, non sequi: Verbum sine modo sibi intrinseco potest vniri humanitati, ergo etiam humanitas Verbo; quia necesse est illum modum esse in altero saltem extremo. Vnde cum Verbum illius non sit capax, necesse est vt sit in humanitate.

§ Ad Quartum: Etiam si hic modus, qua parte afficit corpus, aliquo modo identificetur corpori tamquam eius modus, & sic aliquo modo possit dici corporalis, nempe materialiter; tamen per se & formaliter est summè spiritalis & summè proportionatus summo Spiritui Verbo diuino. Vnde ita subtilis & sublimis est, vt à nullo intellectu creato vi naturali videri possit. Neque id incredibile videri debet: quia præsentia & inexistētia seu vnio animæ in corpore, etiam si sit modus rei indiuisibilis, & omnino spiritalis, tamen formaliter, vt multi volunt, est diuisibilis, quasi sit corporalis: vnio enim animæ cum brachio vel capite, non est vnio cum corde. Si Deus corpori Christi in Eucharistiæ mysterio potest dare modum spirituum, quo etiam ipsum corpus fiat indiuisibile instar spiritus: cur eidem corpori in Incarnatione non poterit dare modum spiritalem, etsi materialiter diuisibilem, quo vnatur Verbo? Denique vilitas carnis & improporatio non obstat quin possit immediatè vniri Verbo; cur vilitas modi illius obstabit, quò minus possit esse formalis vnio inter carnem & Verbum? perfectius enim est, vniri aliqua vnione intrinseca, quàm sola denominat-

*Quomodo
hic modus in
corpore sit
spiritalis.*

tionem extrinsecam, sicut quod est continuum, perfectius vnitur quàm quod est contiguum.

*Ista vnio
sufficit ut
natura dica-
tur assum-
pta, termi-
nata, susten-
tata à Verbo.*

52 Ad Quintum: Negandum est, vnionem istam non tribuere humanæ naturæ istos omnes effectus: hoc ipso enim quo tribuit ei esse vnitum Verbo, tribuit consequenter esse terminatum, esse sustentatum, esse dependens à Verbo tamquam sua hypostasi. Non enim hæc vnio est qualiscumque, sed est vnio naturæ ad hypostasim. hoc ipso autem quo natura vnita est Verbo tamquam hypostasi, eo ipso Verbum sustentat illam naturam, & terminat eius existentiam, & ipsa naturæ existentia dependet à Verbo: idque adeò necessariò ex vi illius vnionis sequitur, vt per nullam potentiam possit impediri.

*Verbum di-
citur susten-
tans naturā
humanā de-
nominatione
extrinsecam.*

Ad Confirmationem, negandum subsumptum: non enim denominatione intrinseca dicitur Verbum sustentare naturam humanam, sed extrinseca; cum in tempore ex sola creaturæ mutatione id ei adueniat, & nihil intrinsecum Deo in tempore aduenire possit. Sed inquit: Verbum per suam intrinsecam subsistentiam sustentat, & facit subsistens non minus quàm subsistentia creata; ergo est aliquid intrinsecum Verbo, ac proinde vnio non potest hunc effectum formalem tribuere. Respondeo: Etiam Deus per suam potentiam intrinsecam creat, & tamē creatio nihil dicit intrinsecum. Quod autem infertur de vnione; dico, solam vnionem naturæ ad Verbum tamquam ad suppositum sufficere vt Verbum dicatur sustentare naturam humanam: vnde etiā si vnio non se habeat in hac denominatione vt ratio formalis; habet se tamen vt conditio intrinseca requisita: sicut vt subiectum dicatur sustentare accidens, requiritur intrinsecè vnio seu inexistencia accidētis in subiecto, eaque sola sufficit. Ad secundam Confirmationē, concedo vnionem formaliter non esse sustentationem: est tamen necessaria conditio, & sufficit vt Verbum dicatur sustentare & terminare. Ipsa enim sustentatio se habet per modum actus secundi, & influxus personæ in naturam non tamquam causæ efficientis; sed nouo & ineffabili modo, instar subiecti cuiusdam absque imperfectione, vel potius instar suppositi: designat enim ipsam causalitatem Verbi, quam habet respectu naturæ, quæ non conuenit illi vllō modo nisi supposita vnione. Alio modo se habet assumptio: nam vnio si consideretur vt est in fieri, & procedit à Verbo tamquam causa efficiente, & ad ipsum terminatur, sic habet rationem assumptionis: assumere enim, est ad se sumere, & sibi vnire. Vnde tria includit; nempe, vnionem vt est in fieri, seu productionem illius modi; ordinem

nem ad Verbum tamquam ad causam efficientem, & ordinem ad idem Verbum tamquam ad terminum. Eadem vnio prout procedit à tota sanctissima Trinitate, non habet rationem assumptionis, sed vnitionis tantum & incarnationis actiue. hinc constat, quomodo solus iste modus vnionis ad omnes illos effectus sufficiat.

53 Ad Sextum respondeo Primò, Antecedens ex parte non esse verum: nam subsistentia creata non sustentat propriè naturam, sed potius ab ea sustentatur tamquam modus eius natura posterior. Verum propriè eius existentiam terminat, eamque reddit incommunicabile, sicut superficies terminat corpora, & facit ne aliis continuari possint, quamdiu ipsa manet actu. Deinde neganda consequentia: idè enim subsistentia creata vnitur naturæ se ipsa formaliter nullo alio modo interueniente, quia ipsa per se non est res perfectè distincta à natura, nec solida entitas, sed solum modus quidam se habendi ipsius naturæ, subsistentia autem diuina est res omnino distincta à natura: duæ autem res distinctæ vniri non possunt, nisi interueniat modus vnionis saltem in altera, quo formaliter cohæreant, & mutuò adhærescant, vt multis probat Suarez in Metaphys. disp. 7. & Hurtado in Physica disp. 5. Sola enim præsentia vel indistantia non sufficit ad veram vnionem & compositionem. Vnde etiam si Verbum habeat vim infinitam ad sustentandum, tamen sustentare per modum suppositi non potest, nisi natura per modum sibi intrinsecum ei vnatur.

Subsistentia creata non sustentat naturam, sed terminat, & reddit incommunicabile.

54 Ad Septimum, Neganda consequentia: perinde enim est ac si sic argumentareris: Ramus pomi vnitus est pyro in radice, vel secundum radicem; ergo non opus fuit vlla vnione præter radicem. Albedo & dulcedo vniuntur in subiecto; ergo præter subiectum non opus est aliqua vnione qua vniantur subiecto. Non enim vnio diuinæ naturæ & humanæ in hypostasi Verbi vllò modo excludit vnionem creatam naturæ humanæ cum Verbo, sed intrinsecè includit vel supponit. Nam cum dicitur vnio facta in hypostasi Verbi, hypostasis non habet se per modum vnionis vel connexionis, vt argumentum prætendit; sed habet se per modum tertiæ entitatis in qua duæ illæ naturæ vniuntur: sicut pyrus & prunus in vna radice, & duæ formæ in vno subiecto. Vnde hypostasis Verbi non est vnio duorum, sed vnitas, quia duo in ipsa ita concurrunt, vt ipsa eadem manens sit Deus simul & homo. Longè alia ratione humanitas dicitur vnita Verbo per modum creatum, vel secundum modum creatum: quia ille modus non se habet vt quid ter-

Vnio natura diuina & humana secundum hypostasin includit vnionem creatam humanitatis cum Verbo.

tium in quod duo diuersa concurrunt vt ei identificentur, sicut se habet hypostasis Verbi ad naturam humanam & diuinam; sed vt formalis connexio hypostasis Verbi cum natura humana: vnde committitur aperta æquiuocatio in verbo *vniri in aliquo*.

Ad Octauum: Non video quo modo hoc testimonium Damasceni possit hîc accommodari, nisi verborum specie; quo modo potius probabitur carnem non vniri Verbo secundum se & proximè, sed solum ratione animæ rationalis seu mentis; quàm animam non vniri Verbo, mediante modo creato. Itaque Verbum dicitur vniri carni mediante mente, non quasi non sit opus modo aliquo creato, quo vel mens vel caro immediatè vniatur Verbo, vt argumentum intendit: sed quia caro non habebat per se cōgruentiam vt assumeretur à Verbo, sed solum hanc habebat ratione animæ mente præditæ. Vide S. Thomam 3. p. q. 6. a. 1.

*Alia est ratio modorū.
alia relationum Prædicamentaliū.*

56 Ad alia Argumenta quæ ex Gregorio adferri possent, respondeo breuiter, Gregorium valdè confusè procedere, quasi eadem sit ratio modorum & relationum Prædicamentaliū, quæ posito fundamēto & termino resultare cogitatur. Etsi enim tales relationes non sint aliquid distinctū in re à termino & fundamēto vel ratione fundandi, vt similitudo, paternitas, fraternitas, &c. idque Argumenta Gregorij bene probent: nulla tamen ratione probant de veris modis rerū, qui inducunt verā mutationem, & fiunt perversam & realem productionem, sicut sunt omnes vniones formarū cum materia vel subiecto, omnes vniones partium inter se, omnes dependentiæ effectuum à suis causis efficientibus vel conseruantibus, omnes figuræ rerum, omnes motus locales, & similia, de quibus optimè noster Suarez in sua Metaphysica disp. 7. & 27. & Hurtado in Physica, disp. 5. & in Metaphys. disput. 2.

Ex his perspicuum videtur, in humana natura Christi constituentem quēdam modum supernaturalem creatum, distinctum aliquo modo ex parte rei à natura: quo posito, illa natura necessariò manet hypostaticè vnita Verbo, ita vt Verbum verè sit homo, & homo Verbum, ac Filius Dei: & quo sublato, necessariò tollitur illa vnio, & Verbum desinet esse homo. Ac proinde non esse veram sententiam, quæ statuit, ad vnionem hypostaticam non requiri aliquid creatum distinctum modaliter ab humanitate, quo ipsa Verbo vniatur, sed sufficere voluntatem diuinam: & per hanc fieri posse vt Verbum incipiat esse homo, & postea desinat esse homo, absque vlla intrinseca mutatione facta in humanitate.

CAPVT VII.

De magnitudine beneficij Incarnationis.

57. **D**IXIMVS de modo vnionis: sequitur vt beneficij huius magnitudinem perpendamus. Beneficij magnitudo ex tribus *Magnitudo beneficij Incarnationis.* æstimari potest. Primò, Ex magnitudine ipsius rei quæ datur. Secundò, Ex modo quo datur, vt cum magno labore vel incommodo. Tertiò, Ex effectu qui inde prouenit. Ex hoc triplici capite beneficium istud est immensum. Nam Primò, res ipsa quæ datur immensa est, nempe Filius Dei. Multum fuisset, si vel vnum ex supremis Angelis misisset, qui visibiliter nobiscum versaretur, nosque doceret, dirigeret, & ad salutem reuocaret, sicut cum Rex terrenus vnum ex suis Principibus ad solandos & liberandos captiuos mittit. Omni enim huiusmodi beneficio eramus indigni; sed quòd Filium miserit, eumque totum in nostrum bonum nobis donauerit, id omnem superat æstimationem. Secundò, Spectandus modus quo nobis datus est; quanto, vt ita dicam, incommodo, & humiliatione, & exinanitione ipsius Diuinitatis. *Cum enim in forma Dei esset, inquit Apostolus, semetipsum Philip 2. exinaniuit, formam serui accipiens, in similitudinem hominum factus, & habitu inuentus vt homo.* Si Monarcha terrenus ad liberandum mancipium à morte, suam maiestatem ad statum seruilem demitteret, & seruus serui causa fieret, quanti æstimaretur hoc beneficium, hæc misericordia & charitas? Longè sanè & incomparabiliter pluris ex illo modo, quàm ex commodo & vita serui. Pari ratione, quòd infinita illa maiestas nostræ salutis causa se tantopere demiserit, & nostram mortalitatem assumpserit, longè pluris est æstimandum, quàm tota salus nobis collata. 58. Minima enim Diuinitatis humiliatio infinitè pluris est, quàm vniuersum bonum creaturæ; quia hoc totum instar *Sap. 11.* est nihili ad illam celsitudinis infinitatem. *Quoniam tamquam momentum statera, sic est ante te orbis terrarum, & tamquam gutta roris antelucani quæ descendit in terram.* vnde nullum bonum creatum aut creabile tanti est, vt aliquam illius celsitudinis mereatur demissionem. Quòd igitur illa sublimitas nostram humilitatem subierit, non meritum nostrum fecit, non salutis nostræ dignitas promeruit, non iusta bonorum nostrorum æstimatio postulauit; sed misericordiz & charitatis diuinæ abyssus præstitit: cui complacuit tantis

impendiis creaturæ suæ misellæ & perditæ subuenire. Tertiò denique, si effectum & fructum spectes, hic quoque est infinitus. Nam complura beneficia infinitæ æstimationis nobis per mysterium Incarnationis siue per Verbum incarnatum sunt collata, de quibus nunc dicemus. Ex his constat, hoc beneficium triplici ratione esse infinitum, & infinitis laudibus, gratiarum actionibus, & obsequiis dignum.

Primo igitur misericordiæ beneficio, quod cæterorum est fundamentum, explicato, consideremus reliqua non omnino omnia, sed potissimum generalia, quæ infinitæ sunt æstimationis.

CAPUT VIII.

De beneficio Doctrinæ nobis per Verbum incarnatum collato.

Secundum
beneficium,
Doctrinæ ca-
lestis.
Tenebra
mundi ante
Christi ad-
uentum.

59 SECUNDVM itaq; beneficium est *Cælestis illa doctrina*, quam per se nobis impertiit. Vide quantis in tenebris mundus ante Domini aduentum fuerit, & quantis erroribus implicitus. Ignorabat mundus (paucis exceptis) suum & rerum omnium Opificem; ignorabat diuinam providentiam & gubernationem, fines bonorum & malorum, vitam scilicet æternam, & mortem æternam, cælum & infernum; ignorabat animæ immortalitatem, peccatorum malitiam, virtutum & bonorum operum dignitatem, regulam rectè viuendi; ignorabat viam vitæ, & cæcus per tenebras currebat in mortem, mortem secundam, mortem immortalem. Pro Numine colebat vel cælestia corpora, solem, lunam, astra; vel homines impios & damnatos, qui olim potentia vel industria aliqua excelluerant, adulteros, homicidas, deceptores, impuros, omnibus sceleribus inquinatos, Saturnum, Iouem, Martem, Mercurium, Venerem, & similes; vel horum statuas, & in statuīs dæmones salutis suæ hostes; vel animalia rationis expertia, & alia his scœdiora. Denique diabolus Princeps tenebrarum, tamquam huius mundi tenebri-cosi deus, omnes sub suo imperio & disciplina tenebat, secumque ad infernum & æternam noctem trahebat. O tenebras exitiales, & æternæ mortis æternique luctus præuias & socias! ô infelix sæculum ante Domini aduentum, tanto malo oppressum, quantumvis opibus, potentia, & eloquentia florens! ob quas tamen nugas quædam curæ & infelices animæ illud mirantur, & beatum prædi-

cant, stultè nimis & absurdè humana sunt ista, terrena & momentanea; nec hilum profunt ad vitam æternam, si doctrina Christi absit, si Christum Dei Sapienciam, & viam salutis ignores.

60 Dominus igitur nostri misericordia commotus cùm in mundum venisset, sua doctrina has tenebras dispulit, errores detexit, diaboli fraudes & tyrannidem aperuit, mundum illuminavit, Auctorem rerum omnium, eiusque providentiam, misericordiam & iustitiam ostendit, bonorum præmia, & æterna supplicia proposuit; denique totam salutis viam, hoc est in seipsum & sua instituta, clarissimè omnibus demonstraivit, & facillimam reddidit. Fecit autem hoc non per Angelum aliquem, vel Prophetam, sed per seipsum, aliquot annorũ tractu, ingenti labore, in fame & siti, in æstu & frigore, in multa corporis fatigatione, in variis locis, in oppidis, in viculis, in deserto, in montibus, in campestribus, terra & mari, publicè & priuatim, per domos & Synagogas, in Templo & in plateis, nunc multis, nunc paucis auditoribus. Neminem dedignabatur, nemini doctrinam cælestem subtrahebat, omnibus eam offerens, & passim etiam ingerens, & occasionem captans vbi opportunum iudicabat. Neque verò ob hominum duritiam, aut Pharisæorum calumnias & atroces in ipsum blasphemias, neque ob tormentorum & mortis metum (quamvis sciret hæc sibi propter suam doctrinam ab ipsis parari) vñquam destitit. Iam verò quàm benignè ad discipulorum & auditorum suorum captum se demisit, quàm aptè eorum ruditati sublimem illam doctrinam suam accommodavit, adhibitis exemplis, parabolis, similibus ex rebus vñtatis & humanis, vñsque sermone vulgari, absque verborum fuco, absque vanis lenociniis orationis. Quàm patienter eorũ ἀσέβειαν, inconsiderationem, ingenij crassitiem & tarditatem sustinuit? sapius eadem explicans, ad rudes & inconspèctas eorum interrogationes benignè respondens, distortas illorum apprehensiones corrigens, & mentem eorum terrenis assuetam, sensim ad cælestia capiendā familiariter instruens. Mirabile spectaculum, videre Sapienciam illam cum rudibus & infimæ sortis hominibus, cum piscatoribus & mechanicis assiduè versantem, ambulātem, sedentem, comedētem, loquentem, in illis erudiendis docendisque assiduè occupatam, & eorum captui suauiter in omnibus se accommodantem. Quis iam non libentissimè se, quantumvis sibi sapiens videatur, in rudibus erudiendis occupet, cùm videat id tanto studio ipsam Sapienciam incarnatam fecisse?

*Illustratio
per Christum.*

Quanto labor.

*Excellentia
doctrina
Christi quo
admodum.*

61 Denique, si ipsa doctrina spectetur, quàm hæc tota grauis, quàm seria, quàm aliena ab omni curiositate, nihil nisi quod sit utile salutis continens! quàm plana, & rudibus etiam ingeniis accommodata, ut omnes eius possint esse participes! quàm sublimis & inexhaustæ profunditatis, ut nullum ingenium sit tantum, quin semper in ea possit proficere! quàm pura, quàm omni ex parte perfecta, totum illustrans intellectum, omnem reformans affectum, omnem excludens iniquitatem, omnem dirigens operationem, omnem componens vitam, omnia interiora & exteriora hominis diuinæ voluntati & æternæ legi conformans! Vniuersa sacra Scriptura admirabilis est & diuina, ut pote ex Spiritus sancti illustratione profecta; sed multum eminet Euangelicus sermo, quem Sapientia incarnata suo ore deprompsit. Est enim & planior, & sublimior; ad intellectum illustrior, ad affectum potentior, ad gustum internum dulcior, ad conuersionem peccatorum efficacior, ad profectum iustorum & perfectionis culmen assequendum conuenientior. Vtitur enim Spiritus sanctus ingeniis hominum ut instrumentis, eorumque conditioni, quo ad elocutionem & modum apprehendendi, salua veritate eorum quæ enuntiari vult, se plurimum attemperat. neque enim consuetum illorum eloquendi aut concipiendi modum immutat, sed iis vtitur prout inuenit. quo fit ut magna sit varietas in sacris Scripturis, pro varietate ingeniorum quibus Spiritus sanctus vtitur. At instrumentum quo sermo Euangelicus est administratus, fuit humanitas Christi omni sapientia & eloquentia prædita; nihil scabri, distorti, obscuri, aut alicuius humanæ imperfectionis habens. quare poterat orationem suam optimè ad nostrum captum & vtilitatem, seruata sensus profunditate, temperare. Vnde certum est, hac doctrina nihil vel elocutione, vel conceptibus rerum, vel sententiarum vi & pondere excellentius, aut homini conuenientius ac salutaris posse cogitari, ex eaque facilè perspicui, auctorem longè maiorem homine fuisse. quo fit ut qui illam attentè legit, aut perpendit, mirè afficiatur, & summa tantæ sapientiæ capiatur admiratione. Consideremus pauperem quàm misis modis, & ad quantam perfectionem nos excitet.

*Quàm subli-
mis sit do-
ctrina Chri-
sti de mori-
bus.*

*Quo modo
Christus co-
mendat pau-
pertatem, ca-
stam, obedi-
entiam,
abnegationem
sui, dilectio-
nem inimico-
rum, man-
suetudinem,
& studium
orationis.*

62 Ad paupertatem & rerum terrenarum abdicationem: *Nisi quis renuntiauerit omnibus quæ possidet, non potest meus esse discipulus.* & Matthæi 19. *Si vis perfectus esse, vade, vende omnia quæ habes, & da pauperibus, & habebis thesaurum in cælo. & infra: Amen dico vobis: quod vos qui reliquistis omnia, & secuti estis me, centuplum accipietis, &*

vitam eternam possidebitis. Marci 10. Amen dico vobis, nemo est qui reliquerit domum, aut fratres, aut patrem, aut agros propter me & Evangelium, qui non accipiat centies tantum nunc in hoc tempore, & in seculo futuro vitam eternam. Idem habetur Luc. 18.

Ad castitatem: Matth. 19. Sunt eunuchi qui seipsos castraverunt propter regnum celorum; qui potest capere capiat.

Ad obedientiam & integram sui mortificationem: Si quis vult venire post me, abneget semetipsum, & tollat crucem suam, & sequatur me. Luc. 14. Si quis venit ad me, & non odit patrem suum, & matrem, & filios, & fratres, & sorores, adhuc autem & animam suam, non potest meus esse discipulus. Ioan. 12. Qui amat animam suam, perdet eam; & qui odit animam suam in hoc mundo, in vitam eternam custodit eam. Idem sapientius Dominus usurpavit.

Ad dilectionem inimicorum: Matth. 5. Ego autem dico vobis, diligite inimicos vestros, benefacite his qui oderunt vos, & orate pro persecutibus & calumniantibus vos, ut sitis filij Patris vestri qui in talis est; qui solem suum oriri facit super bonos & malos, & pluit super iustos & iniustos. Et alibi iubet, ut quoties frater in nos peccauerit, toties ei ignoscamus, etiamsi id centies vel millies accideret. Quis ante Domini doctrinam hæc sciuit, (paucos quosdam diuinitus illustratos excipio;) vel si quis sciuit, quis tam clarè, tam enucleatè tradidit? Quis dignitatem & utilitatem pauperatis, castitatis, abnegationis sui, dilectionis inimicorum ita explicuit, & homines tam efficaciter ad hæc concitavit?

Matthæi 18.

Ad studium orationis: Luc. 18. parabolâ iudicis iniqui docet oportere semper orare, & non deficere. & Luc. 11 idem ostendit parabolâ amici petentis ab amico tres panes, inde concludens; Et ego dico vobis, petite & dabitur vobis, querite & inuenietis, pulsate & aperietur vobis. omnis enim qui petit accipit, & qui querit inuenit, & pulsanti aperietur. Quod rursum alia similitudine pulcherrimè confirmat: Quis, inquit, ex vobis patrem petit panem, numquid lapidem dabit illi; aut si petierit auum, numquid porriget ei scorpionem? Si ergo vos cum sitis mali, nō estis bona data dare filiis vestris, quantò magis Pater vester celestis de celo dabit spiritum bonum petentibus se? Denique sæpè repetit, omnia nos impetraturos, quæ in nomine ipsius petierimus. Verùm quàm diuina & admirabilis est illa oratio, quam discipulos suos docuit, cuius vim alibi breuiter expendimus.

De summo bono lib. 4. cap. 1.

63 Omitto diuinas illas parabolas sapientiæ plenas, & alia quibus

Matth. 5 &
Luc. 6.

Pſalm. 77.
Matth. 13.

Sap. 13.

Sap. 19.

nos ad fiduciam diuinæ prouidentia, ad mortis contemptum, ad patientiam, māsuetudinem, humilitatem, temperantiam, cæterasque virtutes mirabiliter instruit. Omitto stupendam illam & carni paradoxam beatitudinum doctrinam, ad quam tota Philosophorum doctrina vix vmbrae instar obrinet. Quàm verè de se dixit Sapiencia illa: *Aperiam in parabolis os meum, eructabo abscondita à constitutione mundi!* Quis ergo neget, hoc beneficium doctrinæ infiniti esse pretij? Est enim fundamentum salutis, est radix immortalitatis & vitæ æternæ: sine hac doctrina omnis ars, omnis scientia, prudentia, eloquentia, industria vana est, & magis noxia quàm utilis: ad hanc omnis sapientia humana nox est, & meræ tenebræ. *Vani enim sunt omnes homines, in quibus non est scientia Dei. Et si quis erit consummatus inter filios hominum, si ab illo abfuerit sapientia tua, in nihilum computabitur.* Deinde si beneficij magnitudo pensetur ex modo & labore quo collatum est, etiam ex hoc capite hoc beneficium infinitè æstimandum, quod tanto labore, sudore, studio & incommodis Filij Dei nobis est præstitum.

CAPVT IX.

De beneficio Exemplorum omnis virtutis.

Tertium be-
neficium,
Exemplum.

Cur via vir-
tutis videan-
tur ardua,
& sæculi fa-
cile.

64 **TERTIVM** beneficium est, *Exemplum omnis virtutis*, quod nobis Sapiencia incarnata per seipsam præbuit. Non satis illi erat nos docere verbo, & omnis boni disciplinam diuino sermone suo mentibus nostris commendare, sed voluit etiam nos confirmare ac incitare suo exemplo, & ad omne virtutis officium præire. Multi enim alioquin dicturi erant, facile esse perfectam virtutem oratione tradere; sed nimis difficile, operatione & factis exhibere: hanc difficultatem non esse Dominum nostrum expertum, sed grauias nobis onera imposuisse, quæ digito suo ipse non tetigisset; sicque difficultate rei deterriti, salutarem doctrinam vel non fuissent complexi, vel semel susceptam abieciissent. Mens enim humana, cum inter naturas rationales sit infima, ac proinde carni mortali inserta, & sensibus addicta, nihil præter sensibilia & temporalia, vt honores, diuitias, voluptates perfectè apprehendit: spiritualia, vt pulchritudinem virtutum, & bona vitæ futuræ, obscurè & confusè. Hinc fit vt à spiritualibus moueatur parum & languidè, à sensibilibus multum & validè. motiones enim affe-

affectuum, cognitionis apprehensionem sequuntur. quare obiectis difficultatibus, & iis quæ carni molesta, homo facile retrocedit, & studium virtutis abiicit: molestias enim illas, utpote sensibiles & naturales, validè apprehendit, cùmque oriantur ex rebus obscuris & non satis per experientiam comprobatis, fingit eas centuplo grauiiores quàm reuerà sint, & ita facile ab illis vincitur. bonum enim imperfectè apprehensum, (quale est bonum virtutis & gloriæ cælestis) non tantum attrahit, quantum ingens molestiarum imaginatio deterret. In bonis autem sensibilibus persequendis (qualia sint opes, honores, & voluptates) etsi magnæ difficultates se offerant, mens tamen humana perstat: quia etsi illæ molestiæ per se deterreant, magis tamen bonorum speratorum vehemens apprehensio allicit, quorum ardens amor facit, etiam ipsas molestias longè quàm reipsa sint minores videri. Hæc est pænè tota ratio & prima origo, cur via virtutis, alioquin per se facilis & iucunditatis plena, videatur difficilis & amara; eccontrariò via sæculi, reuerà aspera & molestissima, videatur facilis & iucunda. Plus enim allicit fortis apprehensio bonorum sensibilibus, quàm deterreat imaginatio malorum illis annexorum: & plus deterret valida imaginatio molestiarum quæ studio virtutis inesse videntur, quàm apprehensio bonorum spiritualium, quæ in nobis valdè tenuis & obscura alliciat. Dominus igitur huius infirmitatis nostræ conscius, ut fortius apprehenderemus bonorum spiritualium excellentiam, & minoris æstimaremus difficultates annexas, exemplo suo in omnibus præire voluit, & sensibile exemplar omnis perfectionis nobis exhibere, ad quod assidue intuentes, totam vitam nostram conformemus.

65 Primùm igitur dedit nobis illustrissimum exemplum *paupertatis*, *humilitatis*, & *contemptus sæculi*, dum sibi parentes pauperes deligit, dum in stabulo nascitur, dum præsepio cunarum loco utitur, dum neque domum, neque supellectilem, neque locum ullum, ubi caput suum reclinet, possidet, dum ut mendicus eleemosynis piorum vivit, dum pauperes discipulos sibi sociat.

*Exemplum
paupertatis,
& aliarum
virtutum.*
Luc. 1. & 2.
Luc 9.
Psalm. 39.
& 108.
1. Cor 8 9
Matth 4 &
Ioan 1.
Matth. 19.
Luc 2.
Matth 17.
Philip. 2.

Castitatis, quia de virgine castissima nasci voluit, & ipse perfectissimè virginitatem seruauit, & omnes tantæ rei capaces ad eius excellentiam est hortatus.

Obedientiæ, subdens se parentibus, subiiciens Principibus, subiiciens Legi veteri, & obediens Patri usque ad mortem, mortem autem crucis.

Luc. 6. 12.

Orationis, crebrò rogans Patrem semotus turbis, & pernoctans in oratione Dei; præterquam quòd mens eius in omni tempore & loco per contemplationem, amorem, laudem, & gratiarum actionem Diuinitati excellentissimè esset coniuncta.

I. an. 25

Marc. 16. 38.

Zeli honoris Dei & salutis animarum, dum facto flagello eiicit è tèplo ementes & vendentes; dum totos dies vicos & oppida prædicans regnum Dei circumit, nulli parcens labori, nulli cedens iniuriis, in fame & siti, in æstu & frigore, in vento & pluuiâ, per aspera lutosâ, nudo capite, nudis pedibus, fatigatus laboribus, afflictus doloribus, affectus contumeliis, appetitus lapidibus, multis malis pro summis suis beneficiis exceptus. Denique, dum sponte se in mortē & omne genus tormentorum pro gloria Dei, & hominum salute tradit.

1. Petri 2.

Patientiæ & mansuetudinis, tum in tota vita, tum potissimum in passione. *Qui cum malediceretur, non maledicebat; cum pateretur, non comminabatur*, tradebat autem iudicanti se iniuste, qui peccata nostra ipse pertulit in corpore suo super lignum, qui etiam pro iis ipsis qui eum tot contumeliis & tormentis afficiebant, in mediis cruciatibus Patrem exorauit.

Simili modo dedit nobis exempla *modestie, grauitatis, maturitatis, sobrietatis, castigationis corporis, vigilantie, circumspèctionis in dictis & factis, benignitatis, affabilitatis, compassionis, misericordie*, & aliarum virtutum; eaque adeò perfecta & eximia, vt præstantiora animo concipi nequeant: nam tota vita exactè respondet doctrinæ, eique ad amissim est veluti commensa, tum ex parte obiecti, tum ex parte cognitionis. Cùm igitur doctrina Christi sit perfectissima, siue cognitionem spectes, qua ipse eam animo concipit; siue obiectum & rationem operandi, qua ipsius voluntas mouebatur ad operandum; etiam exempla vitæ perfectissima sunt, adeò vt præstantiora in singulis virtutum generibus dari nequeant.

Quantum
sit beneficiū
exemplorum.

66 Quantum autem sit hoc beneficium, ex eo primùm perspicipote, quòd parum efficax illa spiritalis & supernaturalis doctrina, in tanta naturæ corruptione & ad sensibilia pronitate, futura erat, nisi sensibilibus exemplis ad permouendos homines iuuaretur, vt supra ostensum est. Longe enim maiorem impressionem in animum faciunt viua exempla, quæ oculis videntur & manibus palpantur, quàm sublimis doctrina longè à sensibus remota. Vnde maximum fructum faciunt illi Concionatores, & Superiores, & animarum curatores, qui id ipsum quod docent & aliis imperant,

prius ipsi vita & moribus exprimunt: sicut è contrariò parum vel nihil fructus referunt, sed damnum potius inferunt, quorum vita suæ doctrinæ non respondet; & quod verbo student in proximis ædificare, exemplo destruunt; vna manu homines ad Deum allicientes, & altera repellentes. Nihil itaque vel certè parum sine exemplo actum erat in genere humano ad vitæ sanctitatem. Deinde, quòd hæc exempla tanti Filio Dei steterint. Ideò enim tot annis in terris nobiscum versatus est, ideò tot labores subiit, tot calumnias & acerbitates sustinuit, tam graua & indigna perpeffus est. Neque enim absoluendum pretium redemptionis nostræ, tot & tam diuturnis laboribus & perpeffionibus opus erat: vna enim precatio, vna Sanguinis gutta, ad totius mundi abluenda peccata ex se erat sufficientissima. Sed ad luculentissimum omnis virtutis & perfectionis exemplum exhibendum illa erant potissimùm necessaria: quamuis simul id illis subeundis non solum exemplum & imitationem, sed etiam redemptionem & solutionem nostri debiti spectauerit, vt propitiatio & redemptio nostra eò copiosior esset & redundantior. Ratio tamen exempli & imitationis videtur fuisse præcipua, cùm modum necessariæ redemptionis tantopere excefferit. Vnde passim Scriptura etiam passionem & crucem exempli causa ipsum subiisse docet. B. Petrus Epist. 1. cap. 2. *Christus passus est pro nobis, vobis* (etiam vobis qui non estis discipuli vel Apostoli) *relinquens exemplum, vt sequamini vestigia eius.* & cap. 4. *Christo igitur passo in carne, & vos eadem cogitatione armamini.* & Dominus ipse Matth. 20. cupientibus cum ipso regnare inter primos, *Potestis, inquit, bibere calicem, quem ego bibiturus sum?* & Apostolus Paulus passim Christum crucifixum, vt exemplar omnis sanctitatis imitandum proponit. Non ergo parum momenti exemplum vitæ Domini nostri ad salutem & perfectionem adipiscendam habere putemus, quod ipsi tot laboribus & doloribus constitit; sed potius illud fuisse necessarium: alioquin Domino non tantopere cordi futurum. 67. Hoc maximè omnes Sancti noui Testamenti intuiti sunt, & eos ad tantam sanctitatem euexit. Hoc martyria excitauit, hoc paupertatem, humilitatem, contemptum sæculi, virginitatem docuit; hoc omnium Religionum fons & origo; ex hoc omnia Sanctorum exempla, veluti ex prototypo sunt deducta. Quare sicut pictor, qui eximiam aliquam formam in tabula vult depingere, assiduè propositum habet exemplar quod vult imitari, ad illud creberrimè respectans, vt illi suā picturā, quantū fieri potest, alli-

Extravag:
Vnigenitus,
De peccatis.
& remissionem.

Psal 119 7.

Rom 8
Hebr. 11:

*Exemplum
Christi sem-
per ob oculos
habendum.
Galat. 2.*

milet: ita quivis Christianus, & maximè Religiosus, cuius tota professio est Christum imitari, Christi imaginem in se exprimere, atque adeò Christum induere, vt dicere possit cum Apostolo; *Vino autem non iam ego: vinit verò in me Christus*: debet Christi vitam & conuersationem semper habere præ oculis, eamque ita menti imprimere & imaginatione sibi repræsentare, vt hæc cælestis forma ex intellectu transeat pœnitus in affectum, & ex affectu in opus, totamque vitam externam; vt foris & intus simus omnino Christo similes, & vt sic dicam, Christi formes. Hæc enim est summa hominis Christiani perfectio, similem esse Christo Domino suo. Nam *non est discipulus supra magistrum; perfectus autem omnis erit, si sit sicut magister eius*. Tales fuere magna illa nomina Petrus & Paulus, cæterique Apostoli, & quicumque sanctitate vitæ eximij exitere.

Math. 10.

CAPVT X.

De beneficio Liberationis à peccato, & à morte aterna.

*Quantum
b. n. ficiū,
Liberatio à
peccato.
Peccati ma-
litiā infinita.*

68 **Q**UARTVM beneficium est *Liberatio à peccato*. Hoc quoque beneficium est immensum, siue malū spectes quod tollitur, siue modum & difficultatem qua sublatū est. Si enim ipsū malum consideres; sicut Deus est summū bonū, ita peccatū quod repugnat diuinę bonitati, est summum malum. Quare sicut Deus est bonū infinitum, ita quoque peccatum, immensum quoddā est malū. Crescit enim magnitudo offensionis ex magnitudine personæ offensæ: quò enim persona offensa dignior, eò iniuria est grauior. Si ergo persona sit infinite dignitatis, peccatū quoque malitiam quodammodò infinitam habebit. Hinc fit vt nulla pura creatura pro peccato mortifero ex æquo satisfacere possit, imò nec omnia Sanctorū opera vel vnum peccatū valeant compensare; adeò vt si in statera appensa fuerint, hinc quidem vnum peccatū mortiferū, inde verò tota bonorum operum, quæ vmquā ab Angelis vel hominibus facta sunt, collectio; longè præponderaturum sit peccatū. Tota enim illa collectio finitæ est bonitatis, & quasi nihil ad honorem tantæ maiestati debitum. at peccatū cū repugnet illi maiestati, infinitam quamdam malitiam continet; vt pote superioris ordinis in ratione mali, quàm sint opera iustorum in ratione boni; vt infra, cū de Iustitia agemus, ostendetur. Quam ob causam sancti Patres docent necessarium fuisse Filium Dei incarnari, vt pro peccatis nostris iustam satisfactionem &

pretium æquale diuinæ iustitiæ exhiberet, sicut suprà declaratum est. nullam enim puram creaturam id potuisse.

69 Ex quibus ulterius sequitur, omne peccatum mortiferum natu- Peccatum
mortiferum
secundum se
est irremissi-
bile.
ra sua, (se mota satisfactione Christi) de lege ordinaria esse irremissi-
bile: quia sine iusta satisfactione remitti non potest, iustitiæ diuinæ le-
ge id vetante; iusta autem satisfactio extra illam personæ diuinæ, dari
non potest. Itaque necesse est ut constituat hominem in termino, &
ipso facto æternis inferorum pœnis, absque vlla spe liberationis, ad-
dicat. quod insinuat S. Chryl. Hom. 22. in 2. ad Cor. cum ait: *Peccatū
ita se habet, ut mox atque patratum fuerit, sententiam ferat iudex.* hinc
peccatum dicitur *mors animæ*. Sicut enim mors constituit in termino,
eò quod vita semel amissa, nullis creaturæ viribus recuperari potest;
ita peccatum, cum tollat animæ vitam, quæ in nullius creaturæ ope
potest restaurari, hominem in termino & in æterna damnatione con-
stituet. Cuius etiam rei signum evidens habemus in angelis: hi enim
cum non haberēt redemptorem qui pro ipsis satisfaceret, & vim pec-
cati ad inferos statim trahentis suspenderet ac inhiberet; simulatque
peccarunt, statim ipso facto in termino sunt irreparabiliter constitu-
ti. Idem omnino in nobis fieret, nisi infinita Dei misericordia præ-
uenisset, inhibito peccati pondere in damnationem subito præcipi-
tante, eoque per sanguinem Christi perempto. Est enim peccatum Peccatum in-
stat ponderis.
veluti pondus quoddam immensum, creaturam infinito quodam im-
petu deorsum in infernum trahens, cui nulla vis creata, sed sola Dei
misericordia & omnipotentia potest obistere. Hi sunt *rudentes infer-* 2. Petr. 2.
næ, quibus angeli peccantes in tartarum detracti. Ex his constat, insu-
perabile & immensum quoddam malum esse peccatum; ac proinde
eius solutionem & deletionem infinitum quoddam beneficium.

70 Nunc si modum consideremus quo hoc malum sustulit, etiam ex
hoc capite beneficium hoc immensum esse reperiemus. Non enim
simplici condonatione, aut alio modo facili, sed difficillimo, & diui-
næ celsitudini quodammodo indigno id præstitit. Nam peccata to-
tius mundi in se suscepit, seque in natura humana, tamquam omnium
illorum reum diuinæ iustitiæ exhibuit, & Sanguine morteque sua,
quasi illorum auctor, ea luit, ut infra dicemus.

71 Quintum beneficium est *Liberatio à morte æterna*. Hoc benefi- Quintum
beneficium,
Liberatio à
morte æter-
na.
cium virtute continetur in priore: remissa enim culpa, tollitur
reatus pœnæ æternæ. Tamen hæc mala sunt distincta, & diuersi
ordinis, quamvis alterum ab altero pendeat: & Scriptura ea tam-

quam distincta proponit. Vnde etiam duplex est in illis tollendis beneficium: nec minores gratiæ sunt agendæ, quàm, si alterum ex altero non penderet. Eramus omnes per peccatum necessitate quadam morti æternæ, imò æternis inferorum incendiis addicti. Etsi enim peccatum originis per se non mereretur tormentum ignis, aliosque sensuum dolores; tamen cum ex hoc non remisso, necesse esset in multa peccata actionis, eaque mortifera, quibus æternus ille cruciatus deberetur, prolabi; non poteramus vlllo modo illa incendia euitare. Hæc sanè infinita quædam erat miseria, cui omnes miseriæ huius vitæ, etiam si in infinitum multiplicentur, non valent comparari: omnes enim istæ breues sunt & momentaneæ; illa verò (præterquam quòd omnia tormenta, quæ mortalis natura non dico perferre, sed vel sentire & capere ad breue tēpus potest, acerbitate longè superat) finem nullum habet.

Perpende quid sit, esse in illo teterrimo carcere, in illis horrendis tenebris, semotum ab omni luce, ab omni creaturarum amœnitate, ab omni solatio, in summis omnium sensuum cruciatibus, in acerrimis illis incendiis; ibi torreri, ibi ardere, idque non vnum diem, non vnum annum, non centum annos, non mille, non centum annorum millia; sed infinitos annorum milliones, quamdiu stabit orbis, quamdiu viuet Deus, absque vlla spe liberationis, absque vlla dolorum intermissione. Quis non dicat hanc miseriam esse immensam & incomprehensibilem? quare & infinitum fuit beneficium, quo illa miseria sublata. Ab infinita enim miseria eximere, infinita misericordia est, & beneficium immensum. Sed quomodo hoc beneficium contulit? Soluendo pœnas in suo corpore, quæ peccatis nostris debebantur; quæ ob infinitam personæ dignitatem facilè compensare poterant nostrarum pœnarum æternitatem.

CAPVT XI.

De beneficio Adoptionis.

*Sextum be-
neficium.
Adoptio.*

72 **S**EXTVM beneficium est, *adoptio filiorum*, & ius vitæ æternæ. Hoc beneficium est distinctum omnino à prioribus: non enim necessariò coheret cum remissione vel peccati, vel pœnæ æternæ, si naturas rerum spectemus. Cum enim Princeps condonat alicui, quem ex humillimo statu adoptarat in filium, crimen commissum, remittens iniuriam, indulgens pœnam, & abstergens infamiam,

non eo ipso rursus adoptat in filium, aut tribuit ius ad regnum: sed satis multum beneficij contulisse videtur, si eum tãtis malis liberatum patiatur vivere in proprio statu, quem ante adoptionem habebat. *Adoptio per se est distinctum beneficium à condonatione peccati,*
 Pari modo non erat necesse ut Deus, condonato peccato & supplicio illi debito, nos rursus in filios adoptaret, sed poterat relinquere in statu naturæ, & pro mercede dare statum Angelicum, qualis Angelis est naturalis. Præclarè enim adhuc nobiscum actum putassemus quòd tantis exempti malis possemus ad tam eximium statum, nostræ naturæ conditionem tantopere excedentem adspirare. Quanta enim res est, esse similem Angelis immortalitate, impassibilitate, agilitate, *αυταρκεία*, seu sufficientia sui, (qua quis sibi sufficiens, externis præsidij non indiget) exacta omnium rerum creatarum noticia? Negari non potest, quin magna in istis sit felicitas, & longè maior quam omnes honores, diuitiæ & voluptates huius vitæ, homini famissimo & omnibus naturæ præsidij sornatissimo possint adferre. Verum his contenta non fuit immensa illa bonitas, sed incomparabiliter maiora nobis præparauit. Non enim solùm condonat iniuriam peccati & poenam æternam, euehitque ad spiritualis naturæ sortem naturalem; sed rursus adoptat in filios, & ius regni cælestis & diuinæ hereditatis restituit, quæ naturali Angelorum felicitate infinitè est præstantior.

73 In quo beneficio quatuor consideranda. Primò, Status vnde euehit. Secundò, Status ad quem euehit. Tertiò, Bonum quod inde expectamus. Quartò, Medium quo id præstitit. Euehit enim nos cùm essemus inimici, omni beneuolentia, omni beneficio ac bono indigni, æternis supplicijs obnoxij & addicti. Euehit autem non ad statum aliquem mediocrem, non ad humanæ vel Angelicæ naturæ felicitatem, sed ad statum supremum ac diuinum, ut simus filij Dei, filij Regis æterni, hæredes Dei, coheredes Christi, consortes diuinæ gloriæ, & omnium diuinorum bonorum participes. Ex quo tantum bonum, tantum gaudium, tantam gloriam expectamus, quantam *nec oculus vidit, nec auris audiuit, nec cor hominis cogitando assequi potest.* Quanta distantia, quàm ingens interuallum inter statum ex quo erepti, & ad quem euecti sumus? inter infimum, quo infra omnem creaturam eramus depressi; & inter summum, quo supra omnem naturæ creaturæ excellentiam attollimur? inter statum inimici, & filij charissimi? Sanè negari non potest, quin immensum sit horum statuum interuallum, cùm gradus diuersi ordinis (quorum proinde disci-

men est incomparabile ac immensum) sint interiecti. Nam inter statum peccati, & statum nudæ innocentisque naturæ, est quoddam interuallum infinitum: pari modo inter statum innocentis naturæ humanæ & felicitatis Angelicæ: denique inter statum Angelicum & filiorum Dei. Tantum enim inter hos status est discrimen, vt nulla bonorum eiusdem ordinis appositione ab inferiore ad superiorem perueniri & ascendi possit. Qui enim est in statu peccati mortiferi, etsi absque fine diuitiis, honoribus, imperiis & regnis cumuletur, miserimus est, nec vñquam ei qui in statu naturæ innocenter viuit, felicitate cõparari poterit: peccati enim mortiferi malignitas nullis bonis opprimi potest, quin hominem vilissimum & infelicissimum faciat. Qui verò est in statu naturæ innocentis, numquam poterit ad perfectionem Angelicam pertingere, etiamsi absque fine bonis humanis, quorum scilicet natura illius, vi sua est capax, vt robore, agilitate, pulchritudine, sanitate, eloquentia, industria, experientia rerum, artibus liberalibus, mechanicis, Mathesi, Astronomia, & omne genus scientiis augeatur. Tota enim humanæ naturæ perfectio ad Angelicam comparata, est instar nihili, & veluti punctum ad cælorum immensitatem. Denique Angelica perfectio, etiamsi absque fine in suo ordine crescat, numquam statum filiorum & gloriam ipsis præparatam æquabit. Ex quibus constat quàm immensum sit interuallum inter statum illum è quo per misericordiam erepti, & illum ad quem euecti sumus; ac proinde quàm immensum sit beneficium istud adoptionis.

*Quomodo
adoptaris
in filios.*

*Per unum
hominem qui
Filius natu-
ralis, ado-
ptantur reli-
qui, & fiunt
filij adoptiui
Rom 8.*

74 Sed quo medio, qua ratione adoptionem nobis contulit? Ratione prorsus admirabili. Nam primò vñum hominem in filium naturalem assumpsit, tota Diuinitatis plenitudine in ipsum refusa & substantialiter vnita. per hunc adoptat, & filios Dei efficit omnes eos, qui illi homini per Fidem & Sacramenta, tamquam rami trunco, & palmites viti inseruntur. Statim enim vt quis inseritur & adhærescit Christo, à spiritu Christi, qui est eius Diuinitas, veluti animatur & viuificatur; ac proinde efficitur filius Dei: *Qui enim spiritu Dei aguntur, hi sunt filij Dei*, vt inquit Apostolus. Eodem enim spiritu viuunt quo Deus ipse, & quo Christus filius Dei naturalis viuit, etsi hic spiritus diuerso modo istis communicetur: personis enim diuinis communicatur per identitatem, idque vel immediata necessitate, vt Patri; vel per æternam generationem aut spirationem, vt Filio & Spiritui sancto, humanitati verò Chri-
sti

sti per hypostaticam vnionem, nobis per quamdam extensionem, qua mediante dono gratiæ iustificantis incipit esse noster spiritus, nostra vita, nos inhabitans, ornans, mouens, regens, & omnes vitales functiones Deo placentes in nobis ex citans & edens. Itaque hoc spiritu diuinæ personæ viuunt naturaliter, cū sit illarum esse & vita naturalis: humanitas Christi quasi naturaliter, propter substantialem vnionem: nos verò omnino supernaturaliter. Est enim vita nostra, vt ita dixerim, superuitalis, & essentia superessentialis. Cogita spiritum Christi esse veluti immensam quamdam animam, quæ angustiis istius humanitatis non coercetur; sed in omnem partem in infinitum quasi exundat. Itaque sufficiens est, vt non solum illum hominem, seu hoc indiuiduum, sed omnes etiam illos qui illi adhæserint viuificet, & consequenter filios Dei efficiat.

Eodem spiritu quo Deus viuit. etiam vnus, Christus quæ homo, & quilibet iustus.

75 Sumus igitur filij Dei propriè & formaliter, non tam per donum aliquod creatum, quàm per inhabitationem & possessionem spiritus diuinis viuificant & regentis animas nostras. Quod confirmatur Primò: Quia nullum est donum creatum habituale, cum quo, si per se præcisè spectetur, non possit consistere peccatum, si Deus, homine iusto peccante, pergeret illud donum conseruare, vt plerique Theologorum fatentur, at cum! filiatione diuina implicat consistere peccatum: aliquid ergo amplius continet quàm præcisè entitatem creatam illius doni.

per quid formaliter sumus filij Dei.

Deinde: Quia eminentissimum donum creatum in hac vita, videtur esse charitas: per hanc enim diligimus Deum supra omnia, omne bonum illi volumus, & affectu quodammodò conferimus, & diuinæ voluntati legique æternæ conformamur. Vnde etiam nulla videtur esse creata dispositio in homine, saltem in hac vita, quæ Deo possit esse gratior. atqui non est ea charitatis natura, vt per se & vi sua absque alia benigna ordinatione, faciat filium & hæredem eius qui diligitur, Non enim si diligo Regem, efficior mox filius Regis imò nec id ipsum ex natura rei mereor, aut dignus tanto munere efficior.

Tertiò: Quia filius constituitur per communionem eiusdem naturæ; atqui charitas præcisè non est communio naturæ diuinæ, cū sit donum creatum, & inclinatio quædam ad dilectionem, nec vllam ex Deo natiuitatē dicat. Quartò, Confirmatur ex Scripturis: Ioan. 1.

Dedit eis potestatem filios Dei fieri, his qui credunt in nomine eius, &c. quibus verbis amplius vult significare, quàm credentes posse Deum diligere; nempe posse illos inseri & incorporari Verbo incarnato, Filio Dei naturali, & ita accipere eundem spiritum, sicque nasci ex Deo. *Nasci* enim ex aliquo, est ex eo formam ipsi similem generatione trahere. Ioan. 6. *Sicut misit me vivens Pater, & ego vivo propter Patrem; & qui manducat me, & ipse vivet propter me.* quasi dicat: Sicut ego vitam accepi à Patre qui me misit; ita qui me manducat, vitam à me accipiet. nam vitam quam accepi à Patre, transfundam in eos qui me manducabunt, ut eadem vita & Pater, & ego, & ipsi vivant. Porro vita quam accepit à Patre, est ipsa Diuinitas, quam ut Verbum accepit per generationem æternam, ut homo per unionem hypostaticam. hanc in nos transfundit per donum gratiæ quod confert iis qui carnem ipsius manducat. Et infra: *Spiritus est qui vivificat, caro non prodest quidquam.* id est, Caro mea per se non dabit vobis vitam æternam, sed spiritus, id est, Diuinitas ipsi vnita, qui spiritus in vos transfundetur. Sed clarissimè Apostolus ad Rom. 8. *Quicumque spiritu Dei aguntur, ij sunt filij Dei.* mirum quia spiritus Dei iam est spiritus ipsorum, sicque sunt Deo similes & eiusdem naturæ participes. Idem declarat verbis sequentibus, vbi hunc spiritum vocat *spiritum adoptionis filiorum*, id est, per quem efficimur filij adoptivi. *Non enim, inquit, accepistis spiritum servitutis iterum in timore, sed accepistis spiritum adoptionis filiorum, in quo clamamus; Abba, Pater.* Ipse enim spiritus testimonium reddit spiritui nostro, quòd sumus filij Dei: si autem filij, & heredes; heredes quidem Dei, coheredes autem Christi: si tamen cõpatimur, ut & cõglorificemur. Manifestè autem loquitur de spiritu increato, per quem & Christus est Filius. reddit hic testimonium spiritui nostro, quòd sumus filij Dei; quia ex eo quòd spiritum Dei habemus (quem nos habere ex eius effectibus quos in nobis producit, coniciamus) cognoscimus nos esse filios. Idem adiuuat infirmitatem nostram, & postulat (excitat ad postulandum) pro nobis gemitibus inenarrabilibus ut ibidem dicitur. Et ad Galat. 4. *Quoniam autem estis filij, misit Deus spiritum Filij sui in corda vestra clamantem: Abba, Pater.* Non quòd prius sit esse Filium, quàm habere spiritum Christi, sed eo ipso quo dedit nobis spiritum Christi, facti sumus filij Dei. Idem significat Dominus Ioan. 17. in diuinissima illa oratione ad Patrem: *Vt, inquit, omnes unum sint, sicut tu, Pater in me, & ego in te,*

Ut & ipsi in nobis vnum sint. Vnum, inquam, non solum per affectum & concordiam, sed etiam per communionem eiusdem spiritus, ut omnes sint vnus spiritus. addit Dominus: Ego claritatem, quam dedi- sti mihi, dedi eis, ut sint vnum, sicut & nos vnum sumus: ego in eis, & tu in me, ut sint consummati in vnum, &c. Hæc consummatio consistit in eo, ut sicut Christus à Patre claritatem seu spiritum accepit, quo ipse omnino sanctus est & Filius Dei; ita ipsi per Christum eundem spi- ritum accipiant, quo sint filij Dei, &c. Simili modo dixit Apostolus 1. Corinth. 6. *Qui adhæret Domino, vnus spiritus est.* Omitto alia loca; nam passim Scriptura adoptionem filiorum dei explicat per commu- nicationem spiritus diuini, & spiritus Christi, vel per consortium di- uinæ naturæ. Itaque non sumus filij Dei formaliter & præcisè per a- liquid creatum, qua parte solum dicit entitatem creatam; sed per in- creatum spiritum Dei nobis donatum per Christum, siue per inhabi- tationem diuini Spiritus; sicq; deus ordine quodam nos ad se trahit, & redigit ad vnum corpus, & ad vnū caput, & ad vnā hypostasim, cui incorporamur, & cuius spiritu viuificamur. Est enim Christus ca- put omnium iustorum, & ipsi corpus eius, quod vitam & influxum vi- talem ab illo accipit. Rursus, Christus est omnium iustorum hypo- stasis cui omnes innixi, qui omnes sustentat, portat, & spiritus sui quē à Patre accepit, benigna protensione viuificat, & filios dei facit. Talis enim est spiritus Christi, ut angustiis humanitatis eius non continea- tur, sed exterius se extendat, & in immensum diffundat, ita ut om- nes, etiam si infiniti essent, viuificare possit.

76 Neque his obstat sententia eorum, qui dicunt nos fieri filios Dei per charitatem, sed mirè consentit, si rectè explicetur: charitas enim est vinculum quo spiritus Dei nobis vnitur, & in nobis permanet: nam vt 1. Ioan. 4. dicitur, *Qui manet in charitate, in Deo manet, & Deus in eo*, id est, manet in vnione cum Deo, & deus manet in ipso tamquam eius spiritus vitam ipsi impertiens. Similia habemus ea- dem Epistola, & Ioan. 14. 15. 17. Habet autem hoc charitas non vi sua naturali; dilectio enim per se non potest nobis dare possessio- nem boni dilecti, nec facere vt illud sit nostrum bonum, & intra nos constitutum; sed ex benigna Dei ordinatione, & largitione. Qui enim diligit Deum, hunc vicissim diligit Deus. Diligere au- tem, est velle alicui aliquod bonum, & ipso affectu illud dare. Bo- num autem quod Deus se diligenti vult, est bonum diuinum, seu spiritus diuinus. Quare cū dilectio Dei sit efficax, confert ei

Per charita- tem Spiritus Dei nobis cōmunicatur & vnitur.

Vnde chari- tas hanc vim habet.

spiritum suum ut in ipso inhabitet, ipsum vivificet & regat, & suo tempore beatum faciat. Itaque dilectio qua diligimus Deum, est veluti ultima dispositio, vel meritum de congruo alliciens Deum ad donandum spiritum suum nobis. Poterat sanè Deus ipsi qui ipsum diligunt, minus bonum rependere, sed ex infinita bonitate sua voluit dare seipsum. Cum enim veller seipsum communicare creaturæ, nec melior vlla ex parte creaturæ posset dispositio reperiri quàm dilectio, statuit infallibili lege omnibus ipsum dilectione supernaturali diligentibus dare spiritum adoptionis, & efficere suos filios. Cum autem dat nobis suum spiritum, non dat illum nudè absque aliquo dono creato; (alioquin nulla in nobis per iustificationem ex adoptione fieret interna mutatio & renouatio:) sed interuentu doni creati, cui ex ipsius ordinatione spiritus ipsius est veluti annexus & inseparabiliter coniunctus. Hoc autem donum est vel habitus charitatis, vel alius quidam, quem multi Theologi cum S. Thoma ponunt in essentia animæ, & vocant habitum gratiæ, dicuntque esse quamdam participationem & similitudinem essentiæ diuinæ: sicut enim dantur participationes diuinorum attributorum, sapientiæ, charitatis, sanctitatis, iustitiæ, misericordiæ: ita etiam dari quamdam participationem ipsius essentiæ diuinæ in se consideratæ, quatenus quodammodò cōcipitur ut prior attributis. quæ sententia est valdè probabilis, maxime si essentia animæ distinguitur à potentiis. Hoc ipso igitur quo Deus confert hoc donum, simul confert spiritum suum illi dono coniunctum, & sic efficimur filij Dei, & hæredes regni, digni vita æterna.

*Quid noui
confert ado-
ptio propter
donum crea-
tum.*

77 Dices: Spiritus Dei antea erat mihi intimè præsens; quid igitur noui mihi confertur in hac adoptione, præter donum creatum; & quam vim habet illa donatio, qua ipse spiritus diuinus dicitur nobis donari?

Respondeo, Cum quis adoptatur in filium Regis, quid noui ponit in illo ista adoptio & ὑποθεσία? Nihil sanè physicæ entitatis: ponit tamen nouam quamdam dignitatem & moralem excellentiam, ratione cuius nunc à Rege diligitur & tractatur ut filius, & ab aliis honoratur ut Princeps, & ius habet successionis ut hæres. Ante adoptionem erat ignobilis, obscurus & pauper, nullius amore vel honore dignus. Si tantam vim habet adoptio humana, absque vlla reali qualitate, quid non facere poterit adoptio diuina, etiam si nullam aliam qualitatem physicam inferat? longè enim est efficacior in suo ordine adoptio diuina quàm humana: nam hæc non ponit,

nec potest ponere spiritum adoptantis in adoptato, ut adoptatus ex illo viuat & regatur, sitque per illum dignus hereditate: illa verò id potest & facit, idque adeò efficaciter, ut etiam si fingeremus spiritum Dei non esse ubique, sed concludi cælo; ex vi adoptionis inciperet quasi per replicationem esse in adoptato, eumque cōstitueret filium Dei, & hæredem regni. Amor enim Dei est omnipotens, ac proinde *efficacia ad
nina ado-
ptionis* efficax eius quod vult. Sicut si Rex qui vult aliquem adoptare, esset omnipotens, poneret in illo animam suam, eumque hoc modo filium suum constitueret. Quo casu illa adoptio esset multò perfectior, quàm sit modò: adoptatus enim esset similis filio naturali, & eiusdem naturæ quodammodò particeps, cuius ipse adoptans.

78 Nec refert quòd diuinus spiritus antea illi præsens & intimus fuerit, quia non ideò minùs efficaciter donari, aut de nouo haberi potest; nam præsentia rei non impedit quò minùs de nouo haberi aut possideri possit. Antea enim etsi esset præsens, non tamen erat illius spiritus, nec illi tribuebat dignitatem filij aut ius regni. Quid prodest multarum opum præsentia, si tux non sunt, nec illarum præsentia tibi ius illis fruendi tribuat? Simili modo illa præsentia diuini spiritus parum prodest impiis, cùm ipsi inde nullam dignitatem aut fructum contrahant. Magnam itaque vim habet ista donatio, per quam etsi nulla qualitas creata interueniret, tantam dignitatem & tantum iuris consequeremur: nunc verò donum creatum cui spiritus diuinus est connexus, interuenit. Nec obstat quòd semel facta sit: millies fieri potest; quia semper nouum effectum conferet, nimirum nouum donum creatum gratiæ vel charitatis, quo fiat ut & perfectiùs spiritum Dei habeamus, & perfectiùs filij Dei simus, & semper ad maiorem gloriam & perfectiorem Diuinitatis fruitionem ius habeamus.

Ab hac dignitate adoptionis prouenit ferè rota nostrorum operum æstimatio, & ratio meritorum: sine hac enim nullum opus est meritorium vitæ æternæ ex condigno. Etsi enim sit secundum se supernaturale, tamen hæc conditio non est talis, ut excellentiæ visionis beatificæ, & bonorum ei connexorum sit commensura & proportionata: infinitè enim excellentior est illa visio omnibus huius vitæ actibus & operibus. Sicut enim *non sunt con-* *Rom. 8.* *digna passionibus huius temporis ad futuram gloriam, quæ reuelabitur in nobis:* ita nec actiones, si earum conditio realis & physica spectetur. Illa enim sempiterna est & quauis substantia creata solidior; hæc

*Vnderatio
meriti.*

momentaneæ & fugaces: illa omne malum excludit, & omnis boni possessionem continet; hæc etiam cum peccatis, saltem venialibus, & miseriis huius vitæ consistunt: illa est in supremo gradu perfectionis, adeò ut non sit possibilis aliqua vitalis actio perfectior; hæc etsi absque fine crescant in suo ordine, numquam ad illam excellentiam poterunt pertingere, ut patet in cognitione Dei quæ vel ex creaturis, vel per fidem, vel per reuelationem Propheticam haberi potest. Itaque etiam si omnia bona opera Sanctorum, quæ in hac vita fecerunt, colligantur in fasciculum, non tamen vni visioni beatæ & bonis illam consequentibus, vel in ratione perfectionis, vel in ratione meriti & iustæ mercedis, absque gratia & spiritu adoptionis, æquari poterunt. Vnde apparet quanta sit improporatio nostrorum operum ad illam gloriæ coronam. Indicat hoc apertè D. Fulgentius lib. 1. ad Monimum ca. 10. *Gratia, inquit, etiam ipsa (glorificatio) ideò non iniuste dicitur, quia non solum donis suis Deus dona sua reddit; sed quia tantum etià ibi gratia diuinæ retributionis exuberat, ut incomparabiliter atque ineffabiliter omne meritum, quamuis bonæ & ex Deo datæ, humanæ voluntatis atque operationis excedat.*

*Quomodo
opera nostra
sint super-
naturalia.*

80 Nec refert quòd opera nostra dicantur supernaturalia: quia sicut multi sunt gradus naturalium, ita & supernaturalium. Opera autem nostra videtur esse in supernaturalium operum ordine infimo. Sicut enim inter naturas rationales nostra natura infimum locum tenet, ita quoque actus naturales intellectus ac voluntatis nostræ inter actus naturales intellectus ac voluntatis naturæ rationalis infimum gradum obtinent. Similis ergo erit proportio inter actus supernaturales, si istæ naturæ per gratiæ dona eleuentur & operentur. Etsi enim dona gratiæ habitualia, qua nos & Angeli eleuamur ad statum supernaturalem, sint eiusdem speciei; longè tamen perfectius Angeli his donis vtuntur quàm homines, ac proinde eorum actus magis sunt supernaturales, & veluti colore gratiæ magis tincti, quàm actus hominum. Cuius etiam signum est, quòd ipsi minimo temporis spatio amplius sint promeriti gloriæ, quàm nos plurimorum annorum tractu: quod in solam graduum intensiorem referri non potest. Sic enim, verbi gratia, dilectio qua ipsi diligebant Deum, innumeris gradibus dilectionem qua homines Deum diligunt, superare debuisset; cum tamen credibile sit, illum actum, si graduum multitudinem spectes, non superasse dilectionis habitum. Referendum itaque erit in substantialem perfectionem actus, in quem donum gratiæ ob perfectiorem sui vsum

& applicationem in Angelis longè excellentiorem influxum habuit quàm in hominibus. Aliatamen fortè ratio est in visione beatifica, quæ pro diuersa perfectione potentia naturalis intellectus non videtur variari quod ad claritatem attinet; qua de re diximus in *Tractatu De summo bono* lib. 2. capite 9. Quod autem nunc volumus, est, nullam supernaturalem conditionem, quæ ipsis operibus per se insit, sufficere, vt illa meriti condigni rationem respectu visionis beatificæ sortiantur. Itaque prouenit id maximè ex gratia adoptionis qua sumus filij Dei, diuino spiritu præditi. Cum enim hæc gratia eleuet hominem in eam celsitudinem, vt visio beata ei iam sit debita, tamquam hæreditas diuina Dei Filio; etiam ipsius operibus bonis hanc tribuit excellentiam, vt digna tanto præmio censeantur. quid enim aliud functionibus filij Dei dignè respondeat? Insinuat hoc Concilium Trident. sess. 6. cap. 16. cum ait: *Cum enim ille ipse Christus Iesus tamquam caput in membra, & tamquam vitis in palmites, in ipsos iustificatos iugiter virtutem influat, quæ virtus bona eorum opera semper antecedit, & comitatur, & subsequitur; & sine qua nullo pacto Deo grata & meritoria esse possent; nihil ipsis iustificatis amplius deesse credendum est, quò minus plenè illis quidem operibus, quæ in Deo sunt facta, diuina legi pro huius vitæ statu satisfecisse, & vitam æternam suo etiam tempore, si tamen in gratia decesserint, consequendam, verè promeruisse censeantur; cum Christus Sator noster dicat: Si quis biberit ex aqua quam ego dabo ei, non sitiet in æternum; sed sicut in eo fons aqua salientis in vitam æternam.* Vbi per virtutem quam Dominus influit, intelligit non auxilium præueniens, aut gratiam congruam excitantem, vt quidam volunt; sed donum gratiæ habitualis, cui coniunctus est adoptionis spiritus. Quia auxilium præueniens, non est vna aliqua continuata virtus, nec iugiter infunditur, nec opus est vt singulos actus præueniat aut comitetur; nec singulos subsequitur, nec est necessarium vt opera sint meritoria. denique illud non est *fons aquæ salientis in vitam æternam.* Hæc tamen omnia optimè conueniunt in gratiam habitualem, quam Dominus iugiter influit, sicut sol iugiter lumen in aërem effundit, ob assiduam ex meritis & potentia Christi dependentiam.

Ioan. 4.

Itaque dignitas nostrorum operum prouenit ab hac gratia, non quæ præcisè est res creata, sed quæ spiritum Christi nobis communicat & connectit. Videns enim Deus spiritum & Filij sui in nobis delectatur obsequiis nostris, eaque magni æstimat, tamquam pro-

facta à filiis suis adoptiuis per spiritum adoptionis: sicut Rex longè pluris æstimat obsequium filij adoptiui (cui tamen suum spiritum communicare non potest) quàm famuli vel extranei, & maiore præmio dignum censet; idque tantummodò ex eo quòd illum iam acceptarit in filium. Cuius ratio videtur esse, quòd quò persona est excellentior vel charior, eò pluris æstimandum sit eius obsequium: quia per illud ipsa cum tota sua dignitate & amabili bonitate se illi subiicit, & in eius cultum ac honorem impendit. Vilitas autem personæ multum detrahit operis æstimationi: similiter si parum sit grata ei cui defert obsequium. Itaque cum esse filium Dei, eiusque præditum esse spiritu, tribuat homini summam excellentiam, faciatque Deo charissimum, sit ut opera eius & obsequia in Deum maximi æstimentur, & cōdigna censeantur vitæ æternæ remuneratione.

CAPVT XII.

De beneficio Theauri perpetui meritorum Christi.

*Septimum
beneficium,
Theaurus
meritorum.*

*Magnitudo
huius benefi-
cij.*

82 **S**EPTIMUM beneficium est *Theaurus perpetuus* & inexhaustus reconciliationis. Filius enim Dei ita negotium nostrum cum diuina iustitia composuit, ut non tantum semel nobis peccatorum fieret remissio, nec semel dumtaxat restitueretur adoptio, & ius vitæ æternæ amissum; sed centies, imò millies, vel potius infinities; nempe quotiescumque contingeret relabi, & per veram poenitentiam ad ipsum conuerti. quæ certè misericordia prorsus est inaudita & inæstimabilis. Quis vnquam Princeps ita fuit clemens aut misericors, ut paratus esset subito ignoscere crimina læsæ Maiestatis, vel aliàs capitalia, quotiescumque illa quis committeret, & veniam postularet? Vix enim reperias qui bis tēve vni eidemque in huiusmodi noxas relapso indulserit. Imò neque vnquam parens in filium adeò fuit indulgens, ut semper in gratiam reciperet, quoties post noua scelera in ipsum patrata veniam peteret. At Deus non solum semel indulsit; legem naturæ relaxans, & peccatum mortiferum natura sua incondonabile efficiens remissibile, & quodam modo veniale; sed etiam paratus est id millies facere: nec solum est paratus remittere, sed etiam thesaurum infinitum meritorum & satisfactionum construxit, vnde copia nobis suppeteret exhibendi æquiualens noxæ, & omnem iniuriam sarcindi.

Hic

Hic est *fons patens domui Iacob in ablutionem peccatoris & menstruata*: Zach. 13.
 hic est pretiosissimus thesaurus, ex quo nobis omnes diuitiæ spirituales & æternæ hauriuntur; hic est omnium bonorum inexhaustus oceanus. sine hoc nihil actum erat. Et si enim vna remissio vnaque adoptio infinitæ sit æstimationis, parum tamen nobis profuisset, si semel tantum vel bis potuisset nobis obtingere, adeò inconstans, infirma, & ad malum prona est voluntas nostra. Si angelis semel peccantibus, vel semel oblata fuisset facultas reconciliationis; infinitè id æstimassent, & infinito beneficio se putassent affectos. quanti nobis æstimandum erit, quibus sine fine peccantibus, sine fine, sine numero, sine limitatione offertur remissio, & constituitur thesaurus, unde satisfaciamus tot debitis tam immensis & infinitis? 83. Ratione huius thesauri Christus dicitur *interpellare pro nobis, & esse noster aduocatus apud Patrem*, non semel aut bis, vel decies aut centies, sed semper & assiduè: quia totum eius meritum semper est in conspectu Patris & totius Trinitatis, semper nobis misericordiam & gratiam flagitans. manet enim Christus apud Patrem in eadem benignissima erga nos mente, in qua fuit in hac vita, cupiens nobis sua merita secundum ordinem diuinæ prouidentiae prodesse. De hac interpellatione loquitur Apostolus ad Rom. 8. cum ait *Christum Iesum qui est ad dexteram Patris interpellare pro nobis*. & ad Hebr. 7. *Semper uiuens ad interpellandam pro nobis*. & S. Ioannes Epist. 1. cap. 2. *Si quis peccauerit, aduocatum habemus apud Patrem, Iesum Christum iustum*. loquuntur enim de interpellatione & aduocatione illa in qua omnem fiduciam collocare debemus, quæ fit per merita & preces quas fecit in vita mortali, quæ semper manent in conspectu & acceptance Dei: non autem per nouas aliquas preces quas offerat in cælo. In his enim fiduciam collocare non possumus, cum de illis nihil constet. Talibus autem precibus ei opus non esse ut huic vel illi venia, aut aliquod peculiare beneficium gratiæ præstetur, aut ut Sacrificium nostrum effectum habeat, ex eo constare potest, quod ipsi post resurrectionem *data sit omnis potestas in cælo & in terra*: ac proinde maximè in iis quæ ad salutem hominum pertinent, quos ipse suo Sanguine sibi acquisierat. Itaque ipse per se sua ordinaria potestate omnia illa præstare potest, nec eget oratione: Sancti quia per se non possunt omnia, egent oratione ut nobis impetrent; unde eos rogamus ut pro nobis orent, scientes non alia ratione posse nobis prodesse: Christum autem nefas est rogare ut pro nobis oret, quasi ora-

Rom. 8:
1. Ioan. 2.

Quomodo
Christus in-
terpellet pro
nobis.

Non inter-
pellat per
nouas preces.

Matth 28.

tione opus habeat sicut Sancti: sed rogandus ut misereatur, ut veniam, gratiam, & perseverantiam donet. Accedit, quod cum esset in vita mortali & statu merendi, omnia illi in particulari præuisa, non solum omnes homines nascituri, sed etiam omnia illorum opera, omnes occasiones & circumstantiæ rerum quibus aliquod gratiæ beneficium erat conferendum; unde in particulari poterat tunc mereri & petere ut sic omnia illa beneficia conferrentur. id autem re ipsa fecisse ex eo colligimus, quia hoc est longè perfectius & accommodatius completæ redemptioni, quàm si modò opus esset illi novis precibus apud Patrem.

Porro *semper interpellat*, quia eius merita non possunt exhaustiri, nec plenè unquam compensari, cum sint infinitæ æstimationis. Merita Sanctorum non sic interpellant pro nobis, quia pro nobis non valent ex condigno, sed solum pro ipsis, quibus iam plenè sunt compensata, excepta gloriosa Resurrectione, respectu cuius possunt dici interpellare. Unde ut Sancti pro aliis impetrent, opus est nova prece, quam Deus intuitu meritorum priorum, & maximè meritorum Christi (sine quibus non habent preces illæ sufficiètem dignitatem pro aliis) exaudit. Christus enim meruit ut preces quæ pro aliis fusæ non sunt condignæ ad obtinendum bonum quod petitur, à Deo exaudiatur. Ad hanc interpellationem (humano more rem concipiendo) multum facit quod Christus sit apud Patrem, & quod semper viuat, non amplius moriturus. Unde Scriptura has duas circumstantias notat. plus enim potest qui præsens est Regi, & in summa auctoritate, quàm qui absens, vel minoris dignitatis: & præsentia sui corporis in quo vestigia Vulnerum remanent, memoriam excitat eorum quæ gessit & perpassus est, & tacita ipsa specie petit mercedem. Similiter maior ratio haberi solet viuorum quàm mortuorum, & in viuo perseverare potest pristinus amor & benigna affectio iuuandi. Hanc rem benè tractavit Gabriel Vasquez in 3. par. disput. 82.

*Facilitas
hauriendi
ex thesauro
Christi.*

84 Ad cumulum huius effusissimæ misericordiæ accedit summa facilitas, qua hic thesaurus nobis applicatur & communicatur. Etsi enim longo labore, aspera pœnitentia, & multis cruciatibus corporis opus foret, nihil esset recusandum, nihil detrectandum; sed summis votis amplectendum quidlibet, ad tantum bonum obtinendum. Potuisset quidem, & meritò, diuina bonitas multas & diuturnas à nobis asperitates exigere, sed præ nimia dulcedinis suæ abundantia noluit; verum sola à nobis peccatorum displicentia

cum proposito mendationis requisita, externas quasdam cæremonias numero paucissimas, usu facillimas, virtute efficacissimas, forma decentissimas, significatione sanctissimas constituit, quibus hunc thesaurum, vnaque reconciliationem, adoptionem, & ius vitæ æternæ inclusit, vt eo ipso quo cæremoniis illis vtimur, ista omnia bona consequamur. Cùm enim illæ cæremoniæ externique ritus ex diuina ordinatione habeant annexa vel inclusa Christi merita, hoc ipso quo illas vsurpamus, illa merita nobis donantur, & quodammodò fiunt nostra, perinde ac si à nobis præstita essent.

85 His ditati, Primò quidem pro culpis omnibus mortiferis, & æterna pœna condignè satisfaciamus, omnem iniuriam Deo illatam ex æquo compensantes. Omnis quidem nostra satisfactio, & contritio, & dilectio, & quidquid demum à nobis etiam ex gratiæ auxilio præstari potest absque Christi merito coniuncto, infinitè abest ab ea dignitate & præstantia, quæ culpæ letali & pœnæ æternæ par esse, & ex æquo respondere queat. Vnde per illa condignè satisfacere non possumus: verum applicatione ista per Sacramenta, ex thesauro meritorum Christi facta, nihil deest nobis quò minus diuinæ iustitiæ condignam compensationem (vt pote ipsius Christi satisfactionem nobis donatam) possimus exhibere.

*Eff. Am Sa-
cramentorū.
Primò, Sa-
tisfactio pro
culpa & pœ-
na æterna.*

Secundò, Digni efficimur adoptione diuina, qua in filios Dei adoptamur; qua obtenta, iam vitæ æternæ regnique cælestis ius habemus. *Si enim filij Dei, & heredes: heredes quidem Dei, coheredes autem Christi*, vt Apostolus ad Rom. 8. ait. Nullum opus creaturæ etiam si supernaturale dicatur, si per se spectetur, tanti est pretij, vt hanc tam eximiam sublimationem possit ex dignitate promereri. Solus Filius Dei, cuius meritum infinitæ æstimationis, id potuit, qui etiam vt nos tanto bono digni efficeremur, suum meritum nobis communicauit.

*Secundò,
Adoptio.*

86 Tertiò, Meremur diuinam protectionem, qua nos tamquam filios protegat, & vsque in finem dirigat. Non enim satis erat peccata condonari, Deo reconciliari, in filios Dei & heredes adoptari; sed oportebat præter omnia ista, adesse nobis diuinam protectionem & directionem, per quam in finem vsque in statu filiorum aduersus omnes tentationes carnis, mundi & satanæ possemus perseuerare. Hæc itaque custodia & gubernatio diuina, ob idem Christi meritum nobis in Sacramentis collatum, est debita, non minùs quàm reconciliatio & adoptio. Hæc summatim sunt bona, quæ im-

*Tertiò, Pro-
tectio, &
directio.*

mediate ex Christi merito per Sacramenta summa facilitate consequimur, quorum singula infinitæ sunt æstimationis, ut ex iis quæ supra dicta sunt, satis constat.

*Benignum
Dei cōsiliū
in Sacramen-
tis instituen-
dis.*

87 Admiranda prorsus in hac re est diuina misericordia. Si enim ad huius thesauri applicationem & communionem, perfectam contritionem vel dilectionem Dei exegisset, sicut in veteri Testamento, pauci sanè Deo reconciliati & salui effecti fuissent: paucorum enim est ista tam perfecta animi comparatio, utpote egens multo lumine, multa gratia excitante, multoque conatu naturæ. Itaque ut via salutis omnibus pateret facilisque esset, & nemo asperitate remedij derreretur; rudi & imperfecta animi dispositione contentus thesaurum istum externis quibusdam ritibus, quorum usus cuilibet facilis sit & expeditus, inclusit; adeò ut nemo sit qui non facilè Deo reconciliari, & amissam salutem æternam, quamdiu est in hac vita mortali, recuperare possit; nec quidquam excusationis possimus prætere, si à salute exciderimus.

*Discrimen
nouæ Legis
& veteris.*

*Præcipua di-
gnitas nouæ
Legis.*

88 Atque in hoc maximè sita est nouæ Legis præstantia & discrimen à Lege veteri. Et si enim Lex noua præstet veteri, notitiæ perfectione, quòd in ea per Christi doctrinā sit clarior & distinctior rerum diuinarum, Messix, & cæterorum ad salutem pertinentium cognitio, quàm fuerit in veteri: tamen hæc non est primaria eius cōmendatio. Nulla enim notitia, nulla fides, quantumuis magna, vi sua à peccatis liberare potest. Principalis itaque nouæ Legis dignitas in eo sita est, quòd vim habeat delendi peccati, & reconciliandi Deo, restituendæque adoptionis & dignitatis amissæ, qua vi caruit Lex vetus. Hanc autem vim habet, quatenus continet Sacramenta, præscribitque illas caremonias & ritus externos, quibus thesaurus meritorum Christi est inclusus, nobisque applicatur & communicatur. Sanè nulla alia apparet ratio, qua Lex noua gratiam conferat, præter istam. Tolle Sacramentorum usum, noua Lex non magis habet vim iustificandi quàm vetus: loquor de Lege externa, non de spiritu dilectionis, quæ interdum D. Augustinus *nouam Legem* vocat. verum & hic Spiritus per Sacramenta confertur. Præcipuum itaque Legis nouæ beneficium in Sacramentorum ratione, quibus thesaurus ille diuinus meritorum Christi inclusus nobis communicatur, situm est. Vnde etiam diabolus hoc probè sciens, tanto studio per suos ministros hæreticos Sacramenta nititur euertere & exterminare.

89 In Lege veteri nulla erat externa caremonia, qua Christi satisfactio

Actio & meritum applicaretur, quia nondum erat re ipsa exhibitum, sed solum promissum. Itaque sola fide & spe apprehendi poterat, quorum actuum interuentu, accedente simul contritione, applicabatur ad iustificationem; vel potius Deus, intuitu solutionis & satisfactionis per Christum exhibendæ, dispensatoriè & ex benignitate peccata condonabat, & iustitiam impertiebat. Cum enim natura rerum postulare, ut prius exhiberetur satisfactio pro culpa & iniuria in Deum commissa, quàm peccator reciperetur in gratiam; Deus contraria ratione usus, in hac naturæ lege dispensauit; & propter satisfactionem Christi futuris temporibus exhibendam, peccatores fide & spe ipsum apprehendentes sibi reconciliauit; prius impertiens præmium, quàm oblatum esset meritum; prius condonans culpam, quàm rogata pro nobis esset venia; & prius laxans captiuum, quàm exhibitum aut promissum esset lytron. Itaque cum merita Christi nondum essent re ipsa, non poterant ita donari, & per externa elementa applicari, nec homines per illa digni fieri reconciliatione, sicut in nouo Testamento, quando re ipsa sunt præstita, & in acceptance diuina, veluti pecunia numerata & representata in arario Principis, manent reposita.

Cur Lex veterum non iustificaret.

Quomodo veteres iustificati.

90 Dices: Merita Christi sunt infiniti valoris; ergo si illa nobis donantur, debetur nobis infinitum præmium, vel saltem omnibus æquale, & æqualis omnium erit dignitas apud Deum, qui Sacramentorum sunt participes. Respondeo, id non sequi; quia etiam si nobis illa merita tota donentur, non tamen ita, ut totam vim suam in nobis exerant, sed secundum certam mensuram diuinitus præscriptam, & iuxta dispositionem cuiusque. Quidquid enim recipitur in aliquo, iuxta suscipiendæ dispositionem & capacitatem recipitur. Sicut etiam Spiritus sanctus donatur omnibus qui iustificantur, & illum habendo efficiuntur filij Dei. non tamen omnes æquè sunt sancti; quia etiam si totum singuli habeant, non tamen æquali modo; sed alij perfectiùs, alij minùs perfecte. Sic etsi omnes Beati totum Deum videant, non tamen omnes æquè sunt beati; quia non æquè perfecte illum vident. Sic etiam in rebus humanis eadem res perfectiùs & plenius haberi ac possideri potest, vel minùs plenè, iuxta modum & mensuram à donante præscriptam, & donatarij capacitatem. Simili ergo modo Christi meritum perfectiori vel minùs perfecto modo applicari, communicari, & haberi potest, etsi totum singulis communicetur.

Obiectio.

An meritum Christi habeat in nobis effectum infinitum.

91 Itaque quamuis infinitum sit, potest tamen non infinite com-

M m ii

Meritum
Christi ad
duos effectus
communica-
tur, & quo
discrimine.

municari. Communicatur autem ad duos potissimum effectus, ad *remissionem peccatorum*, & ad *adoptionem filiorum*. Ad priorem effectum communicatur quodammodò infinitè & absque mensura: nam ita nobis datur, ut eius communione efficiamur digni remissione omnium peccatorum, etiam infinitorum, si infinita à nobis commissa forent. Satisfacimus enim per illud pro omnibus peccatis, saltem quoad culpam & pœnam æternam: pro pœna tamen temporali non semper; unde quoad hanc est limitatio in applicatione: sed id prouenit ex insufficientia & imperfectione nostræ dispositionis, non ex circumscriptione aut defectu virtutis meriti Christi Sacramento annexi.

Ad posteriorem non ita applicatur ut efficiamur Deo infinitè grati, & digni infinito quodam adoptionis gradu, sed secundum certum modum diuinitus limitatum, & prout dispositio maior vel minor in nobis fuerit. Itaque meritum Christi, ut satisfactio, habet effectum in nobis quodammodò infinitum, quia respondet infinitis peccatis, illa ex æquo compensans & excedens: ut verò est meritum bonorum supernaturalium, habet effectum magis limitatum. Cum enim hæc communicatio meritorum non physicè (sicut in Christo) sed moraliter fiat per imputationem & acceptance; tota pendet in suis effectibus ex ordinatione sapientiæ diuinæ, Sacramenta sic vel sic instituentis, & merita Christi diuersis modis annectentis. Continent quidè omnia Sacramenta meritum Christi infinitum, sed illud applicant ad maiorem vel minorem effectum, pro ratione dispositionis: quauis ea quæ perfectiora & digniora sunt, cæteris paribus, ad eandem dispositionem maiorem gratiæ effectum conferant.

C A P V T XIII.

De Venerabili Eucharistiæ beneficio, ut est Sacrificium: & quomodo peragatur.

Optimum
beneficium,
Eucharistia.

92 OCTAVVM opus diuinæ misericordiæ est *sacratissime Eucharistiæ mysterium*. Hoc beneficium est prorsus admirabile, & maximè declarat immensam Dei in nos benignitatem & misericordiæ abyssum, non minùs quàm beneficium Incarnationis. Occuluit enim seipsum totum, corpus, sanguinem, animam cum omnibus donis & gratiis cælestibus, cumque tota Diuinitate sua mo-

do incomprehensibili sub speciebus panis & vini, nobisque hoc totum donauit tum in iuge sacrificium, tum in quotidianum alimentum immortalitatis. Suam Diuinitatem antea nostræ naturæ copulauerat, in hac se nobis socium, Doctorem, Ducem, Redemptorem, pretiū seu lytron præstiterat; sed omne genus contumeliarum, dolorum, acerbitatum, ad flagella, sputa, blaiphemias, crucem & mortem traderat; se totum in nostram salutem impenderat & expenderat; sed hæc omnia illius amoris & misericordiæ visceribus satis non fuere, nisi alio adhuc nouo, stupendo, omnibusque sæculis inaudito modo se totum nobis in Eucharistia relinqueret: ut quamuis visibilem præsentiam suæ humanitatis transferret in cælum, eandem tamen nobis inuisibili modo, realiter tamen & substantialiter, relinqueret in terra, ut semper nobiscum in hac mortali vita & in nobis esse, nos solari, & spiritum suum in nos transfundere assidue posset. O infinitum bonitatis & misericordiæ pelagus! ô incomprehensibile pietatis mysteriū: quæ mens vel Angelica tale aliquid vel ab infinita bonitate expectare potuisset?

*Eucharistia
data in Sa-
crificium, &
in alimentū.*

93 Reliquit seipsum in Sacrificium, omnibus aliis sacrificiis & hostiis abolitis. Cum enim hæc hostia sit infinitæ dignitatis, & Deo infinite grata, & omnium aliorum sacrificiorum perfectionem & vim eminentissimè contineat, non decebat alia sacrificia in noua Lege cum illa copulari. Itaque vnius huius Sacrificij perfectione, ut S. Leo ait, omnes aliarum hostiarum differentias impleuit. Sed breuiter hinc explicandum, in qua actione hoc Sacrificium consistat, & quomodo peragatur. Quidam putant, hoc Sacrificium consistere in oblatione illa verbali, quæ fit post consecrationem his verbis: *Vnde & memores Domine, nos serui tui, sed & plebs tua sancta tam beata passionis, &c. offerimus præclaræ maiestati tuæ de tuis donis ac datis hostiam puram, hostiam sanctam, &c. per consecrationem* verò non fieri oblationem, sed hostiam constitui in altari. Vnde illorum sententiā ita se habet *consecratio* ad hoc Sacrificium, sicut *Incarnatio* ad sacrificium crucis. Sicut enim Incarnatio non erat sacrificatio, sed per eam fiebat hostia, quæ postea in cruce erat offerenda: ita per *consecrationem* fieri hostiam, quæ statim in Missa illis verbis consecrationem sequentibus offeratur. Sed hæc sententia non videtur S. Scripturæ & sanctis Patribus consentanea: iisdem enim verbis & eadem actione nunc debet fieri oblatio, quibus facta est à Domino, ut aperte colligitur ex illis verbis, *Hoc facite in meam*

*Reliquit se
in Sacrificiū.*

*Serm 8. De
Passione.*

*In qua actio-
ne consistat
Sacrificiū.*

commemorationem. Illis enim præcipit suum Corpus & Sanguinē offerri eo modo quo ipse obtulerat, vt docet Concil. Trident. sess. 22. cap. 1. atqui ipse obtulerat sola consecratione: nam statim post consecrationē subiunxit illa verba, *Hoc facite in meā cōmemorationem.* nec v-sus erat illa verbali oblatione: ergo nec modò pertinet illa ad substā-tiam oblationis, seu Sacrificij; sed solū illis verbis indicatur quid ipsa consecratione fiat; sicut si Sacerdos in veteri Testamento, iugulato agno dixisset: Offerimus tibi Domine hunc agnum. Confirmatur: Quia per illam actionem fit sacrificium, per quam fit repræsen-tatio sacrificij crucis (nā ideò institutum est hoc sacrificium, vt per il-lud sacrificium crucis repræsentaretur, vt apertè docet Concil. illo ca. 1.) atqui repræsentatio sacrificij crucis fit per consecrationem qua Corpus & Sanguis seorsim constituuntur, non per illam verbalem o-blationem: ergo, &c. Idē apertè docet Greg. Nyssen. Oratione prima De Christi resurrectione: *Cū Corpus suū discipulis congregatis edendum, & Sanguinē bibendū præbuit: tunc apertè declarauit agni sacrificiū iam esse perfectum.* Rationem adfert: *Quia victima corpus non est idoneum, si ani-matum sit. quare cū Corpus edendum & Sanguinem bibendum dedit, iam victima arcano & inuisibili modo erat immolata.* Idem docet Iren. li. 4. Contra hæres. c. 32. Greg. Magnus lib. 4. Dial. c. 18. Auctor Sermonis De Cœna Domini, sub nomine Cypriani, & alij multi.

*Duebus mo-
dis concipi
potest Sacri-
ficiū consi-
stere in con-
secratione.*

Itaque non videtur dubitandum, quin hoc Sacrificium consistat in consecratione. Verū, qua ratione consecratio habeat rationem sa-crificij, nō ita facile est explicatu. 95. Duobus modis id cōcipi potest. Primo, Vt consecratio censeatur actio sacrificādi, quatenus per eam mutatur & conuertitur substantia panis & vini in Corpus & Sangui-nem Christi. quem modum explicuimus lib. 2. De iustitia ca. 38. dub. 2. Secūdo, quatenus per illam Christus mystico quodam modo oc-ciditur, dum per modum hostiæ occisæ seorsim vi verborum Corpus & Sanguis in altari exhibentur. & hic modus est facilior intellectu, magisque respondet ordinario sacrificandi modo, qui supponit ho-stiam, non producit.

*Verba con-
secrationis
sunt instar
gladij quo
hostia ma-
tratur.*

Iuxta hunc modum, peragitur hoc Sacrificium non malleo vel gladio materiali, vt olim vetera sacrificia; sed gladio verbi Dei, qui est omnipotens. Sicut enim olim fiebat sacrificium, quando gla-dio occidebatur hostia, nempe agnus, vel vitulus, & sanguis se-parabatur à carne, ita nunc fit Sacrificium, quando vi verborum consecrationis, Corpus & Sanguis Christi ponuntur seorsim
tam-

tamquam rei occisæ & immolatæ , Corpus sub specie panis , & Sanguis sub specie vini. Vnde verba consecrationis sunt instar gladij ; Corpus Christi , quod nunc est , in cælo viuum , est instar hostiæ viuæ & immolandæ ; Corpus vt positum sub specie panis, & Sanguis sub specie vini, se habent vt corpus & sanguis agni nunc immolati. Vnde se habent vt terminus immolationis seu actionis sacrificandi.

96 Hinc species panis & vini non habent se vt pars hostiæ viuæ vel immolatæ; non enim illæ offeruntur Deo per actionem sacrificandi: sed sunt quiddam necessarium ex parte termini immolationis, nimirum vt corpus & sanguis hostiæ possint ex vi verborum separatim poni, tamquam partes hostiæ immolatæ. Hæ tamen species pertinent ad rationem Sacramenti Eucharistiæ, quod constat specie externa visibili, & interna substantia Corporis & Sanguinis Christi ibi inuisibiliter latente. De ratione enim Sacramenti est, vt sit res vel ceremoniaper se sensibilis, habens vim sanctificandi suscipientem: de ratione verò hostiæ non est vt per se sensibilis sit, quia Deo offertur, cui nihil occultum; sed sufficit vt per aliud cui subest, nobis sensibilis fiat, vt sciamus ibi eam latere, & possimus eam contrectare. Pari modo extrinseca est huic hostiæ & sacrificio substantia panis & vini: quia hæc non offeruntur Deo instar hostiæ, sed vt materia hostiæ, vel sacrificij, non permanens, sed transiens; vel potius vt sub illis speciebus hostia per immolationem seu actum sacrificandi constitutatur. Vnde nec ipsa conuersio substantiæ panis & vini, qua parte continet defitionem ipsarum ad essentiam huius Sacrificij pertinet: quia posset fieri Sacrificium, etiamsi substantia panis & vini maneret, si Deus ita instituisset. Tunc tamen non fieret iisdem planè verbis quibus modò. manente enim substantia panis, falsum esset, *Hoc est Corpus meum*. sed dicendum esset: *Hic est Corpus meum: Hic est Sanguis meus*, id est, sub pane & vino. qua institutione posita, ex vi verborum ponerentur ibi Corpus & Sanguis seorsim tamquam partes hostiæ occisæ & immolatæ: & ita esset idem Sacrificium quod modò. Conuenientius tamen fuit ita institui, vt substantia panis & vini desineret esse, & in eorum locum succederet Corpus & Sanguis Christi, ne alia aliqua substantia rebus tam diuinis quasi misceretur, & simul sub illis speciebus existeret. Idem quoque necessarium fuit, vt per istas species aptè & propriè possent designari. Si enim substantia panis & vini maneret, non rectè diceretur: *Hoc est Corpus Christi*: vel, *Hoc est San-*

Species panis & vini non sunt pars hostiæ.

Pertinent tamen ad rationem Sacramenti.

Substantia panis & vini non pertinet ad rationem hostiæ vel sacrificij.

guis Christi. Nam externæ illæ species propriè solùm designarent substantiam panis & vini, cuius sunt naturalia accidentia & signa; non autem Corpus & Sanguinem Christi, quæ solùm ibi laterent sub panis & vini substantia; sicut anima sub substantia carnis, vel sicut dæmon in homine quem possidet.

Est hic sufficiens mutatio ad rationem in Sacrificij re-præsentationem.

97 Nec obstat veritati huius Sacrificij, quòd non fiat reipsa separatio sanguinis à carne: quia id est quasi per accidēs, propter cō comitā-tiam partium. Nam quantum est ex vi verborum fit vera separatio, & sub specie panis solum ponitur Corpus, non Sanguis: sub specie vini, solus Sanguis, non Corpus. Et hoc sufficit ad rationem huius Sacrificij: tum vt sit verum Sacrificium (fit enim circa hostiam, dum sic ponitur, sufficiens mutatio, qua protestemur Deum habere supremā in omnia potestatem;) tum vt sit Sacrificium commemoratiuum, re-præsentans nobis sacrificium crucis & mortem Domini. Qui plura hac de re desiderat, legat Gabrielem Vasquez in 3. part. disp. 222.

CAPVT XIV.

Ad quid datum sit nobis hoc Sacrificium, & quantam vim habeat.

Primo, Concessum a dignitate Religionis.

98 **D**ATVM est autem hoc Sacrificium potissimùm ad quatuor. Primò, Ad dignitatem Religionis Christianæ. Cùm enim hæc Religio sit eminentissima, decuit etiam illam ornari, vel potius perfici eminentissimo Sacrificio.

Excellentia Religionis Christianæ in septem rebus sita.

Consistit excellentia Religionis Christianæ potissimùm in septem rebus. Primò, In *sublimitate & certitudine doctrine.* Tradit enim certissima & eminentissima de natura diuina, de personarum processionibus, de prouidentia, iustitia, misericordia Dei, de mundi creatione & gubernatione, de finibus bonorum & malorum, de recta salutis via: quæ omnia Philosophis & aliis religionibus fuere prorsus incognita, vel incerta & ambigua. Secundò, In *perfectiōe & sanctitate Legis.* Vetat enim Lex Christiana omne vitium quantumuis paruum, quantumuis à Philosophis pro non vitio habitum; & dirigit ad summam perfectiōem, vt ad contemptum rerum caducarum, ad studium æternorum, ad amorem Dei, ad dilectionem inimicorum, ad reddendum pro malo bonum, ad ponendam vitam pro honore Dei, pro salute proximi, & quouis

virtutis officio. Vtrumque insinuat Propheta Psalm. 18. *Lex Domini immaculata, conuertens animas. Immaculata*, quia nullum omnino peccatum permittit, sed omnia omnino prohibet. *Conuertens animas*, quia omnis conuersio incipit à diuinæ Legis consideratione, & ad eam terminatur. Philosophi & aliæ religiones multa vitia & peccata vel ignorarunt, vel tamquam licita permiserunt. Tertiò, *In præstantia & efficacia Sacramentorum*. Habent enim vim delendi peccati, & constituendi nos filios Dei, heredesque æterni regni. Nulla vniquam religio cæremoniā aliquā habuit, quæ animos expiare, & cælestibus bonis ornare posset. 99. Quartò, *In excellentia Sacerdotij*. Nam Sacerdotium nostræ Religionis continet duplicem potestatem prorsus diuinam, ac etiam cælestibus spiritibus stupendam; nimirum, potestatem condonandi peccata, & consecrandæ Eucharistiæ, vt omittam aliorum Sacramentorum ministerium. Quanta res est, posse condonare peccata, liberare à morte æterna, sanctificare animas, efficere filios Dei, & tribuere ius vitæ æternæ? Quis hæc possit, nisi Deus ipse, vel diuina auctoritate præditus, cui Deus suum locum, suas vices, & suum veluti tribunal supremum concesserit? Magna potestas est posse illuminare cæcos, erigere claudos, excitare mortuos: sed longè maior potestas est posse illuminare animas, easque intus ita immutare, vt deiformes, & planè similes Diuinitati efficiantur, expulsa peccati caligine & morte. Potestas consecrandi etiam magis est stupenda, & meritò cum potestate creandi conferri, eique æquiparari potest, vt infra patebit. Nulla itaque dignitas, nulla potestas siue Regia, siue Imperatoria, nec ipsa quidem totius mundi Monarchia cum Sacerdotali potestate & dignitate vlla ex parte conferri potest. Quinto, *In excellentia Sacrificij*. Sacrificium enim est primum Religionis munus, vel potius complementum. Itaque decebat vt excellentissima Religio, qua nulla alia perfectior aut sublimior esse potest (quæ quidem naturæ humanæ sit accommodata) nobilissimum haberet Sacrificium, quale est Sacrificium Eucharistiæ, à quo ipsa Religio præcipuam suam excellentiam habet. Sextò, *In perpetua assistentia & gubernatione diuini Spiritus*, quo ita regitur & protegitur Ecclesia, vt neque in dogmatibus, neque in legibus possit errare, aut vniquam deficere & extinguī, iuxta illud Matthæi 16. *Portæ inferi non præualebunt aduersus eam.* & Matthæi 28. *Ecce ego vobiscum sum vsque ad consummationem sæculi.* Septimò, *Quòd omnia bona opera iustorum faciat esse merita*.

via vite æternæ. Ita statuit Dominus mera sua benignitate & liberalitate. potuisset enim aliter ordinare, nimirum, ut non essent meritoria, sed solum satisfactoria; vel ut sola excellentissima essent meritoria. Totum enim negotium meritorum & præmiorum, gratiæ & gloriæ, sicut & remissionis peccatorum, non oritur ex naturis rerum earumque iusta proportionem, aut lege naturæ (etsi huic aliquo modo consonum sit) sed ex libera, benigna, & liberali ordinatione Dei. Hæc obiter de excellentia nostræ Religionis, quam potissimum illustrat hoc Sacrificium.

*Secundo,
concessum
Sacrificium
Ad gratiarum
actionem.*

100 Secundò datum est hoc Sacrificium *Ad gratiarum actionem*, ut habeamus quo dignas Deo gratias perpetuò agamus pro ingentibus ipsius in nos beneficiis, maximè redemptionis. Tanta enim beneficiorum eius immensitas, tam insolitæ & inauditæ omnibus sæculis miserationes, singularem quoque & inauditam gratiarum actionem à nobis postulabant. At nulla poterat esse maior aut præstâtior gratiarum actio, quàm quæ oblatione huius Sacrificij perficitur: partim quia nihil præstantius aut gratius pro omnibus beneficiis acceptis offerri Deo poterat, iuxta illud Psal. 115. *Quid retribuam Domino pro omnibus quæ retribuit mihi? Calicem salutaris accipiam, & nomen Domini inuocabo:* partim quia nulla alia re magnitudinem beneficiorum eius magis commemorare ac referre poteramus. Testamur enim ipsum esse auctorem redemptionis & salutis nostræ, ipsum misisse Filium in carnem ad nos saluandos, & bonis omnibus cumulandos; ipsius voluntate pro nobis mortem suscepisse: ipsam quoque mortem Filij in eo Sacrificio commemoramus, & veluti ob oculos ponimus, dum Corpus & Sanguis seorsim sub specie panis & vini, tamquam hostiæ occisæ & immolatæ, vi consecrationis constituitur: iuxta illud Domini mandatum, *Hoc facite in meam commemorationem*, hoc est, ut Apostolus 1. Corinth. 11. explicat, in commemorationem meæ mortis & sacrificij crucis. Hac ratione istud Sacrificium vocatur *Eucharisticum sacrificium*, id est laudis & gratiarum actionis, & respondet holocaustis veteris Legis.

*Tertiò, Ad
impetrandum
auxilium
gratiæ.*

101 Tertiò, Ad impetrandum *auxilium gratiæ diuinæ*, protectionis, excitationis, directionis (hoc enim triplex auxilium est necessarium ad perseuerandum) & alia tum temporalia tum spiritualia beneficia ad salutem opportuna, ut ad pacem, victoriam, frugum abundantiam, sanitatem, negotiorum felicem exitum, & similia. Ad hæc enim omnia à Deo obtinenda, maximam vim habet istud Sacri-

cium, sed maximè ad auxilium diuinæ gratiæ, quia per se & directè ad salutem tendit. Alia non sunt absolutè petenda, sed solùm quatenus ipse nouit ea nobis fore ad salutem conducibilia. Hæc omnia tum ex sacro Canone Missæ, tum ex aliis Ecclesiæ precibus sunt manifesta. hac ratione hoc Sacrificium respondet hostiis pacificis veteris Legis.

102. Quartò, Ad *veniam peccatorum impetrandam* tum viuis tum defunctis, & ad iram diuinam placandam, flagellaque mundo impendentia auerrenda; qua ratione est *Sacrificium hilasticum*, seu propitiatorium, & respondet hostiæ pro peccato. Remissa culpa & pœna æterna per Sacramenta, & etiam culpis venialibus deletis, sæpè ingens debitum pœnæ temporalis restat luendum. Ad hoc in primis valet istud Sacrificium: applicat enim satisfactionem Christi, qua debitum illud soluatur & compensetur. Vnde non requirit vllam realē in eo pro quo offertur mutationem: nam condonatio pœnæ absque vlla hominis mutatione, postquam voluntas à culpa recessit, commodè fieri potest. Non enim fit per infusionem donorum, aut aliquam internam hominis renouationem, vt remissio culpæ, saltem mortiferæ, & fortè etiam venialis; sed per nudam condonationem extrinsecā, exhibita per aliquem pro reo congrua solutione. Delet etiam culpam, non tamen immediatè & sine mutatione peccatoris, sicut delet reatum pœnæ; sed mediante contritione ad quam per hoc Sacrificiū impetratur auxilium excitans, vt docet Concilium Trident. sess. 22. cap. 2. *Huius, inquit, oblatione placatus Dominus, gratiam (excitantem) & donum pœnitentiæ concedens, crimina & peccata etiam ingentia dimittit. Vna enim eademque est hostia, &c.* Hoc modo per istud Sacrificium fit remissio culpæ, non aliter: quia ad remissionem culpæ opus est pœnitentia.

*Quartò, Ad
veniam ob
tendam.*

Quintò, Habet etiam vim flagella temporalia, quæ peccatis hominum prouocantur, amoliendi, & vt ita dixerim, auerruncandi. Si enim id præcibus Sanctorum sæpè obtineri potest, quantò magis hoc Sacrificio, in quo id quod præ omnibus Sanctis Deo est acceptum, & ipse fons sanctitatis cum omnibus suis meritis offertur? Si vnica huius hostiæ oblatione Deus mundo perduto est reconciliatus, & flagellum æternæ damnationis illi impendens, amotum; mirum non est, si ob eandem hostiam sæpius oblatam, mundo iam reconciliato sæpè parcat, & flagella temporalia, quæ in multorum perniciem cederent, vel omnino condonet, vel temperet, vel suspendat ac differat.

*Quintò, Ad
flagella auer
tenda.*

Sextò denique, valet ad succurrendum aliis vitæ humanæ necessitatibus, ut docet Concil. Trid. suprâ: & constat tum ex usu Ecclesiæ, tum exemplis variis.

**Fructus Sa-
crificij laicis
sine patet.** 103 Quàm verò latè pateat huius sacrificij fructus, vel ex eo intelligi potest, quòd offeratur pro tota Ecclesia militante, & pro omnibus fidelibus defunctis. Nam in oblatione panis ita dicitur: *Suscipe sancte Pater, omnipotens æterne Deus, hanc immaculatam hostiam, quam tibi offero pro omnibus fidelibus Christianis viuis & defunctis, ut mihi & illis proficiat ad salutem in vitam æternam.* vbi per *immaculatam hostiam* nō intelligitur panis: quia panis nō est immaculatus ea puritate quæ Deo placeat: neque dici potest hostia, quæ rem viuam designat: sed intelligitur Corpus Christi, quod statim ex pane fiet. Itaque tantæ est virtutis hæc hostia oblata, ut omnibus prodesse possit. Et in oblatione calicis: *Offerimus tibi Domine calicem salutaris, tuam deprecantes clementiam, ut in conspectu diuinæ maiestatis tuæ pro nostra & totius mundi salute ascendat.* Et in prima Oratione Canonis dicitur offerri pro Ecclesia Catholica, & omnibus Orthodoxis, item pro omnibus Sacrificio præsentibus. Et in secunda Oratione post consecrationem, pro omnibus in Christo quiescentibus.

**Non solum
orationes, sed
ipsum Sacri-
ficiū sit pro
Ecclesiā.** Ex quibus manifestum videtur, non solum orationes pro Ecclesia, pro viuis & defunctis, & pro assistentibus Sacrificio fieri in Missa, sed etiam ipsum Sacrificium offerri pro iisdem, & fructum qui ex vi sacrificij quasi ex opere operato prouenit, ipsis communicari: ac proinde hunc fructum amplissimum esse, & latissimè patere. Quod etiam colligi potest ex Concilio Tridentino sess. 22. cap. 2. vbi dicit, *fructus oblationis cruentæ, quæ peracta est in cruce, vberrimè per hanc oblationem percipi.* At quomodo vberrimè percipiuntur isti fructus, si totus fructus quem vi sua habet, restringitur ad eum pro quo peculiariter offertur? Sacramenta instituta sunt ad sanctificandos singulos per realem & externam applicationem singulis factam: at hoc Sacrificium, cū vnicum sit & publicum Ecclesiæ Sacrificium, principaliter institutum est pro bono communi, & ipsa Ecclesia, cui applicatur ordinatione & præscripto Ecclesiæ in Liturgia expresso, cui Sacerdos se debet accommodare. Vnde in Canone dicitur: *In primis quæ tibi offerimus pro Ecclesia tua sancta Catholica;* quasi bonum Ecclesiæ principaliter in hoc Sacrificio intendatur. Deinde recensentur à Sacerdote illi, pro quibus ipse peculiariter intendit offerre. Quòd si, quando Sacrificium pro aliquo pri-

**Sacramenta
instituta pro
singulis, Sa-
crificiū pro
bono cōmuni.**

uatim offertur, nullus fructus istius oblationis, quē vi sua habet, perueniret ad Ecclesiam, vel defunctos, vel circumstantes, sed solus fructus precum; valdē angustus esset huius Sacrificij fructus, & parum commodi ex eo Ecclesia & defuncti perciperent. Tenetur itaque Sacerdos, accomodando se intentioni Ecclesiae, etiam pro bono Ecclesiae & defunctorum ipsum Sacrificium offerre, eiusque fructum, quem habet vi sua, & quasi ex opere operato, iuxta intentionem Ecclesiae ipsis applicare. Non tamen hinc sequitur, hac ratione futurum ut nihil remaneat fructus, quod possit applicare huic vel illi, pro quo peculiari intentione offert: quia non ita potest applicari ab homine Ecclesiae vel defunctis, ut nihil supersit; quia etiam pro priuatis viuorum necessitatibus est institutum, ita ut si illis peculiariter applicetur, etiam peculiari modo profit. Simili modo non ita potest applicari priuatis, ut nullus fructus remaneat qui possit applicari Ecclesiae vel defunctis: fructus enim Sacrificij tam amplius est, ut omnibus istis possit prodesse; & ita à Deo distributus, determinatus & taxatus pro causis tum communibus tum priuatis, habita ratione dispositionis personarum & communitatum pro quibus offertur, ut Sacerdos sua intentione non possit mutare, vel totum in vnum confundere. Etsi enim ex ipsius intentione pendeat, ut pro his vel illis fiat oblatio; tamen non pendet ex ipsius intentione determinatio fructus, quem quisque debet percipere. Alioquin vno Sacrificio posset quamuis animam liberare: imò, inquit Gabriel Vasquez ex Antonio de Corduba, totum Purgatorium euacuare.

Vasquez in
3 p. disp. 137.
n. 50.

124 Hinc colligunt multi DD. hoc Sacrificium vim habere quodam modo infinitam, quia non est determinatum ad certum numerum personarum. Siue enim loquamur de viuis in Ecclesia, siue de defunctis, siue de assistentibus Sacrificio; non minùs quisque particeps est fructus illius dum plures sunt, quàm cum pauciores: nec plus ad singulos peruenit cum pauciores sunt, quàm cum plures. Nisi enim ita res se haberet, non rectè Ecclesia præscriberet pro istis omnibus offerri: neque consultum esset interesse Sacro, ubi plurimi conueniunt; sed potius quisque deberet curare ut intersit ubi paucissimi, vel nulli, ut totum fructum circumstantibus deputatum habeat: quæ tamen aliena sunt ab usu Ecclesiae. Itaque quando generatim offertur pro aliqua multitudine, valdē credibile, non minùs fructus ex vi huius Sacrificij peruenire ad singulos, siue pauci sint in ea multitudine, siue multi. Idem non improbabiler sen-

Habet quodam modo vim infinitam.

tiunt iidem Doctores de illis pro quibus non generatim, sed peculiari intentione offertur (qui modus offerendi est efficacior pro singulis, quàm modus offerendi in genere; quia fit perfectior applicatio, & petitur vt singulari modo ipsis præ reliquis profit.) Singulos enim, etiam si plures sint, verbi gratia tres, quatuor, vel quinque, non minus fructus ex vi Sacrificij percepturos, quàm si pro ipsis solis oblatum fuisset. Ita Vasquez suprà, & Caiet. in 3. p. q. 79. 2. 5. vbi dicit, idem docere S. Thomam, quia docet, hoc Sacrificium ex se sufficere ad delendam qualemcumque pœnam peccatis debitam: tamen singulis prodesse secundùm propriam dispositionem. Eandem doctrinam tradit Caiet. tom. 2. Opusculorum, tractat. 3. q. 2. Eandem tenent Antonius de Corduba, Ruardus Tapper, & multi recentiores, vt refert Vasquez. Illi autem pro quibus hoc modo offertur, singuli percipiunt fructum ex vi Sacrificij secundùm propriam dispositionē. Optima autem dispositio est natus gratiæ cum peculiari deuotione & cooperatione ad hoc Sacrificium.

Non posse
plura stipen-
dia idcirco
per. ipi.

105 Hinc tamen non sequitur, posse Sacerdotem plura stipendia pro vno Sacrificio accipere: quia qui pro se curat Sacrificium offerri, totum fructum expectat, quem Sacerdos per Sacrificium conferte potest, iuxta receptum in Ecclesia morem: ac proinde non solū expectat fructum quem habet Sacrificium per se, sed etiam quem habet ex deuotione offerentis, & ipsa actione liturgica, qui fructus in plures distributus minuitur. Addo, quando Sacerdos pro aliquo, vel certa aliqua causa offerre tenetur, non debet sequi opiniones incertas, sed meliori modo quo potest, salua Ecclesiæ ordinatione, fructum Sacrificij applicare. Qui plura desiderat, consulat Auctores, qui ex professo hæc tractant, non enim mei instituti est hæc minute persequi.

C A P V T XV.

De venerabili Eucharistia, vt est alimentum & Sacramentum.

106 **N**ON solū *Sacrificium* seipsum Dominus nobis in Eucharistia reliquit, sed etiam in *alimentum*; non quod nos in nostram mutaremus substantiam mortalem, sicut alimenta terrena, & sicut manna, quod datum Israëlitis in deserto (cū ipse sit immutabilis,) sed quod nos in se quodammodò conuerteret, & ad
suam

suam traheret qualitatem, immortalitatis donum communicando. *Ex officio immortales.* Sicut enim potentissimum aliquod medicamentum intus assumptum à natura vinci nequit, sed eam victam & domitam sibi assimilât, suas ei proprietates impertiens: ita Corpus Domini in Eucharistiæ mysterio à nobis intrò assumptum, non potest à nostra natura mutari, sed sua vi corpora nostra immutat. suas ei proprietates, immortalitatem, claritatem, subtilitatem, & agilitatem inserens. Quod ut Dominus nobis inculcâret, sæpius Ioan 6. repetit, eum qui *manducat hunc panem, non moriturum, sed victurum in æternum.* Etsi enim videatur hominibus mori, tamen ea ratio moriendi non tam mors quàm somnus & quies est dicenda, cum ad breue tempus, imò ad modicum, & ad momentum sit duratura, & iusti mox velut è somno sint ad æternam lucem & vitam excitandi. Vnde passim in Scripturis vocatur dormitio, requies, somnus. & Dominus Isaïæ 26. *Vade popule meus, intra in cubacula tua, (sepulchra) clade ostia tua super te, abscondere modicum ad momentum, donec pertranseat indignatio.* illud enim *modicum* ad æternitatem collatum pro nihilo computatur.

107 Sed inquiet aliquis: Hoc immortalitatis & impatibilitatis donum etiam illorum iustorum corporibus communicabitur, qui Corporis Christi per Eucharistiam participes non fuere, ut sunt omnes Sancti veteris Testamenti. Respondeo, ita esse; sed duplici iure nobis illud donum competet, illis simplici. Nostra corpora immortalia erunt, tum ratione animæ beatæ, quæ tale corpus est promerita; tum ratione admissionis Corporis Christi corporibus nostris; quod vim habet ijs, quibus commiscetur, immortalitatem impertiendi: imprimit enim illis sanctitatem, & veluti vim quamdam, quæ semen est immortalitatis. vim moralem, non physicam intellige. At illorum corpora id solum ratione sanctitatis animæ obtinebunt.

108. Neque solum ad immortalitatem impertiendam corporibus, sed etiam ad spiritum Christi in nos transfundendum, hoc alimentum datum est; & hic est primarius eius finis & fructus. Cum enim caro Christi, quæ illo continetur, non sit nuda caro, sed Diuinitati, quæ est spiritus Christi, vnita; qui hoc alimentum sumit, eo ipso fit particeps spiritus Christi & Diuinitatis. Nam ut Dominus Ioannis 6. ait, *Spiritus est qui viuificat, caro autem non prodest quidquam:* id est, caro per se & vi sua non potest vitam æternam conferre, sed id facit vi spiritus seu Diuinitatis coniunctæ: sicut ferrum per se

*Mors iustorum
somnia bre-
uis.*

Obiectio.

*Quomodo
immortalitas
communica-
tur corpori-
bus iustorum.*

*Spiritus
Christi con-
tribuitur.*

*Consiliū Dei
mirabile.*

non potest accendere lignum, sed vi ignis qui ferro est intimè vnitus. Sic per hoc alimentum Christus caput nostrum communicat nobis suum spiritum suamque vitam, colligens omnes in vnum corpus & in vnam veluti hypostasim perfectam & completam; omnesque illi inserimur, & veluti incorporamur, sicut partes alimentum conuenienter intus applicitæ per meatus naturæ, incorporantur nobis, vnaque fiunt hypostasis nobiscum, cùm spiritus noster ad informandas & viuificandas illas se extendit. Vnde Apostolus 1. Corinth. 10. *Vnus panis & vnum corpus sumus omnes, qui de vno pane participamus. Vnus panis*; quia iste panis non à comedentibus in illorum substantiam conuertitur (sicut fit in pane terreno & corruptibili;) sed contrà, potius ipsos comedentes in seipsum conuertit, & vnum secum efficit, suas proprietates, suamque formam illis communicans. Mirum sanè consilium Dei! vt nos ad se attraheret, sui que spiritus & vitæ efficeret participes, in vno naturæ nostræ indiuiduo vnitur carni humanæ hypostaticè; deinde hanc carnem speciebus panis & vini conuestitam dat nobis in alimentum; & per illud alimentum nobis coniunctum & commistum, spiritum & Diuinitatem suam ei alimento connexam in nos transfundit, vt hoc modo nos omnes sanctificet, & ad suam vnitatem & vitam redigat. Nullus modus suauior, efficacior, admirabilior aut sapientior poterat excogitari.

CAPVT XVI.

*De miraculis quæ concurrant in Venerabili
Eucharistiæ Sacramento.*

*Miracula
huius beneficii
duodecim*

109 **A**D magnitudinem beneficii pertinet non solum res ipsa quæ datur, sed etiam modus dandi, seu miracula stupenda, omnem naturæ vim & consuetum rerum cursum excedentia, quæ in eo dando concurrunt. Nam & hoc ipsum ineffabilis est misericordiæ, quòd tale beneficium conferat, quod sine maximis miraculis conferri non poterat: quantum enim fieri potest, Deus causis vtitur iam constitutis, & ad miracula quasi inuitus descendit. Sunt autem in hoc mysterio tot & tanta miracula, vt meritò stupendū supra omnia miraculum dici possit. Præcipua horum duodecim numerari possunt; quorum duo spectantur circa substantiam panis &

vini, duo circa species, sex circa Corpus Domini & connexa, duo circa consecrantem.

Circa substantiam panis & vini primum miraculum est, quòd hæc substantiæ vi consecrationis funditus pereant, & veluti annihilentur: quamvis non solemus dicere eas annihilari, eò quòd hæc desitio ex intentione diuina non sistat in nihilo, sed dirigatur ad positionem

Circa substantiam panis & vini. Primum, Desitio.

- Corporis Christi: verum hoc ad modum loquendi spectat; nã quod ad rem attinet, nihil omnino substantiæ panis manet, non forma, non materia, non existentia, non gradus aliquis; sed totum ita funditus perit, ac si prorsus in nihilum redactum esset, nullo positiuo succedente. Nam quòd aliud succedat, non est ex vi illius desitionis (hec enim solum tendit per se ad nihilum & non esse) sed alterius actionis coniunctæ, qua ponitur Corpus Christi. Fit autem hæc desitio per se primò & intrinsecè, non actione aliqua positiua, (ea enim haberet terminum intrinsecum positiuum, non negatiuum;) sed subtractione influxus diuini, quo illa substantia in sua entitate & specie, secundum materiam & formam conseruabatur. Illo enim substantifico influxu subtracto & veluti cohibito, necesse est rem in nihilum relabi. Sic mundus in pristinum suum nihilum & tenebras æternas, vnde per creationem est eductus, recideret, si Deus vim suam cohiberet, actionem qua illi dat esse, abrumpendo, & radios influxus sui substantifici veluti retrahendo. Quomodo autem panis dicatur conuer- ti in Corpus Christi, infra explicatur.

110 Secundum miraculum est, eiusdem materiæ, corruptis speciebus, reproductio & restitutio. Constat enim speciebus sacramentalibus hominem nutriri corporaliter; & ex illis vermiculos gigni posse, & omnia ea confici, quæ præsentem substantiam panis & vini confici ex illis possent. Quod non ita intelligas, quasi species illæ per se subsistentes vicem materiæ substantialis in huiusmodi rebus præstare possint. Primò, Quia species accidentariæ non sunt capaces formæ substantialis recipiendæ, aut vnionis substantialis cum tali forma subeundæ. Secundò, Quia res ex illis genitæ non essent eiusdem substantiæ atquæ aliæ similes, vt pote carentes altera parte substantiali, videlicet vera materia; & vermiculus ex illis procreatus non esset physicus vermiculus, vt alij, sed potius (vt iã dixi) mathematicus. sed cum mutatio & corruptio specierum eò processit, vt substantia panis & vini cum ea amplius consistere non posset, & rem aliam gigni ex illis oporteret; eo ipso momento re-

Secundum, Restitutio materia.

Species non præstant vicem materie in generatione.

stituitur pristina materia, quæ & dispositiones illas hætenus sine subiecto existentes subiectiuè recipiat ac sustentet; & formam substantialem, quæ eodem puncto temporis vi dispositionum, aut formæ gignentis, aut causæ vniuersalis elicitur, excipiat, & vnā cum illa substantiam (verbi gratia vermiculum) constituat; perinde ac si materia panis nunquam subducta fuisset. Ita enim hæc omnia occultè & dextrè sapientia & omnipotentia Christi geruntur, vt nullis iudiciis externis deprehendi possit, quidquam vel antè defuisse, vel nunc de nouo substitutum; idque tum propter maius fidei meritum, tum ne cursus rerum naturalis, vt actio, passio, ortus, interitus interciperetur. Dicimus eandem potiùs materiā restitui quæ primò defuerat, quàm aliam substitui; quia id conuenientius est, partim ne mundus exhauriatur, aut vlla parte minuatur primæua sua materia (ea enim condita est, vt æternum perseueret, modico illo tempore, quod instar nihili est, dispensatoriè excepto;) partim quia hæc reproductio magis congruit reproductiōi & positioni Corporis Christi; vt sicut in hoc mysterio datur reproductio eius quod iam erat, & nunquam defuerat; ita etiam detur reproductio eius quod non erat, sed antè fuerat. Denique hoc est mirabilius, magisque consentaneum diuinæ sapientiæ & potentiæ, quæ sua admiranda in hoc mysterio peculiariter demonstrare voluit. Hæc duo supradicta miracula adèò sunt exotica, & à naturali causarum ordine remota, vt nunquam similia extra hoc mysterium sint facta, nunquam etiam facienda.

Circa species.
Primò, Per se
existere.
Tribus modis
id potest con-
siderari.

III Circa species prius miraculum est, quòd species illæ per se nulli subiecto innixæ consistent. Hoc autem tripliciter intelligi potest. Primò, Vt Deus illis accidentibus nouum esse, vel idem esse quod antè habuerunt, nouo modo veluti per replicationem seu reproductiōem restituat. Sed hic modus non est necessarius: nulla enim hic opus replicatione seu collatione eiusdem esse, aut actione productiua, quæ ad entitatem illorum accidentium intrinsecè terminetur; quia illorum esse nullo modo defuit, sed solum modum suum mutauit, in existentiam amittens: sicut nec in mysterio incarnationis, cùm humanitas Christi vnitur Verbo eique inexistere incipit, opus est vlla reproductiōe ipsius esse humanæ naturæ, vt quidam imaginantur; quod ex sequentibus clarius fiet.

Secundò, Vt conseruato eodem esse eademque entitate absque vlla reproductiōe, Deus nouo quodam influxu det illis accidentibus, subtracto subiecto, nouum modum positium quo per se

existant, quique modo inhærentiæ repugnet; sicut hypostatica ratio in substantiis ponitur modus positivus repugnans inexistentiæ, qua inexistant alieno supposito. Sed neque hæc ratio necessaria aut vera videtur. Vt enim forma aliqua à subiecto auulsa per se existat, non est opus ut habeat aliquem modum inhærentiæ repugnantem, seu qui contrario modo existentiam illius formæ modificet: sufficit enim ut illa forma, seu esse ipsius, absque modo inhærentiæ conseruetur. *Non est opus modo positivus per se existendi.* Cùm enim inhærentia accidentis sit modus quidam existentie & entitatis rei natura posterior, potest accidens in sua entitate suaque existentia absque illo modo diuinitus conseruari, ita ut nullus alius modus positivus repugnans modo inexistentiæ, ei superaddatur. Vnde cùm dicitur accidens per se existere, illud *per se*, præter entitatem accidentis solum denotat negationem inexistentiæ, non autem modum aliquem positivum inhærentiæ repugnantem. Deinde iste modus nihil iuaret ipsum accidens ad existendum, cùm sit posterior existentia, illam non fulciens, sed illi potius innitens; unde potius iuatur & pendet ab existentia accidentis, utpote modus illius, quàm existentia ab illo. Confirmatur; Quia neque effectivè iuuat, cùm in illam intrinsecè non influat, ut per se constat; nec formaliter, cùm sit posterior existentia accidentis.

Tertius modus, qui semper mihi placuit, est, Vt Deus tantummodo continuè influxum illum intimum, quo entitatem illius accidentis conseruabat. Eo enim continuato & non abrupto, permanebit accidens in suo esse, suaque specie & existentia, etiamsi subiectum subtrahatur, & modus inexistentiæ pereat. Ratio est, Quia entitas accidentis est natura prior isto modo inhærentiæ seu vnionis cum subiecto: sicut in substantiis entitas est prior natura quàm sit modus ille existendi per se; ipsa enim entitas secundum se est indifferens & capax vtriusque modi: potest enim entitas accidentis habere modum vnionis cum subiecto vel separationis; & substantia potest habere modum per se existendi, vel existendi in alia hypostasi, ut patet in mysterio incarnationis. Atqui id quod est prius natura, non pendet intrinsecè ab eo quod est posterius, sed solum ut habeat suum naturalem modum existendi. ergo sine illo conseruari potest, sola influxus prioris continuatione.

Confirmatur Primò: Quia ita se habet modus inhærentiæ ad entitatem accidentis, sicut modus existendi per se ad entitatem

substantiæ. atqui sublato modo existendi per se, entitas substantiæ conseruari potest sola continuatione prioris influxus, vt docet Suarez in Metaphys. disput. 15. sect. 9. & idem docet de anima rationali sublatis potentiis, & de materia, sublata omni forma. Ergo similiter entitas accidentis conseruari poterit sublato subiecto, & modo illo inhaerentia.

Confirmatur Secundò: Quia subiectum quò tale, nullum habet influxum effectiuum in accidens; sed solum illud in se suscipit, eoque imbuitur & penetratur, solus autem Deus totum influxum conseruatium confert. Vnde subiectum non iuuat intrinsecè & essentialiter ad conseruationem ipsius esse accidentis, sed solum est causa modi essendi, nempe inexistentiæ, cum sine subiecto modum hunc habere nequeat, vt qui intrinsecam vnionem cum subiecto dicat. Subiectum igitur requiritur, vt accidens naturalem suum existendi modum habeat, qui est inhaerere; non autem vt absolutè existat: nullum enim accidens est propter se, seu vt per se existat, sed vt aliud afficiat, ornet, & perficiat. itaque ex natura sua postulat inesse tamquam naturalem proprietatem. Addo, numquam expelli accidens à subiecto, numquam interire, nisi Deo concursum suum conseruatium subtrahente; qui si cum subtrahere nollit, sed continuare, nulla vis creata illud accidens exterminare posset. Vnde nec maximus ignis posset guttamaquæ frigida calefacere, Deo influxum suum, quo frigus illud intimè conseruatur, continuante & prosequente. Hæc intellige de accidente quod re ipsa à subiecto tamquam res à re, & non solum vt modus à re distinguitur; & de subiecto qua parte solum subiectiuè recipit. Nam si etiam effectiuè ad productionem & conseruationem accidentis concurrat, hic concursus à Deo per nouum influxum suppleri debet, vt illud accidens sine subiecto existere possit. Videri potest Scotus in 4. Sentent. d. 12. q. 1. Verum hæc res exactiùs à nobis discussa in Tractatu De summo bono Lib. 3. cap. 4.

Secundò, Re-
cipere im-
pressiones ex-
ternas.

112 Alterum miraculum circa species est, quòd ita passiones & impressiones aliarum qualitarum recipiant, perinde ac si panis & vini substantia subesset, & illæ species non per se, sed in substantia vel materia panis & vini existerent. Calefcunt enim species & frigescent, arescent & mucescent, similesque mutationes subeunt. Quomodo autem id fiat, duplex est sententia. Quidam putant, quantitatem esse immediatum subiectum qualitarum sensibilium & cæterorum accidentium; itaque omnes illas mutationes & im-

pressiones fieri in quantitate, ut in subiecto proximo, ac proinde in hoc mysterio hanc solam per se existere. Sed hæc sententia est difficilis. Nam ut omittam, multis non videri certum an detur talis quantitas, hæc sententia solam quantitatem ponit in materia prima, tamquam in immediato suo subiecto, qualitates solum mediata, quatenus insunt quantitati, quod difficile est creditu. Quid enim quantitatis indoli cum illis qualitatibus? Non enim quantitas habet ullam propensionem ad calorem, frigus, odorem, saporem & similia: neque ipsa dicitur calefcere aut frigescere, bene vel male olere; sed hæc omnia sunt affectiones materiæ. Confirmatur: Quia dispositiones ad formam substantialem, quarum vi ipsa educi dicitur è potentia materiæ, debent esse immediate in materia, eamque afficere & veluti tangere, alioquin quomodo vim suam in eam exerent? quomodo illam formæ aptabunt, & capacem facient?

Itaque mihi semper verius visum, non solam quantitatem, sed etiam illas qualitates hic per se existere, nullique subiecto inniti, ac proinde calorem & frigus & similes impressiones extrinsecus immixtas non recipi in speciebus tamquam in subiecto propriè, sed potius velut commistile in commiscibili, aut sicut penetrans in penetrabili. Ita enim illis penetratiue commiscentur, & mutuo nexu implicantur, ac si in eodem communi subiecto reciperentur. Quam sententiam non solum omnes Nominales sequuntur, qui non distinguunt quantitatem à re quanta, sed etiam noster Petrus Hurtado in egregio Opere Philosophico Physicæ disput. 6. §. 51. & sequentibus.

113. Dices: Ergo ignis calefaciens species, creat in illis calorem per se subsistentem. Respondeo, id impropriè dici creationem; quia ille calor ex natura sua non est forma per se subsistens, sed id habet præter vel supra naturam: alioquin etiam species dicentur creari, cum per se existere incipiunt. Creatio propriè solum est earum rerum, quæ natura sua tales sunt ut per se existant, ut sunt materia prima, cælestia corpora, & substantiæ spirituales, inter quas anima rationalis. Horum productio solum propriè est creatio ex nihilo, & vim infinitam in producente requirit. Quod si quis productionem accidentis independentem à subiecto, velit vocare creationem; nihil incommodi admittere quod infertur: quia id non facit naturali modo operando, qui postulat subiectum; sed supernaturali, hoc est supra naturæ leges. Addo, non requiri maiorem vim aut efficacitatem in agente creato ad producendam formam acciden-

Obiectio.

*An calor ibi
creatur.*

tariam sic existentem, quàm ad producendam illam in subiecto. Omnis enim vis quæ est sufficiens ad producendam formam in subiecto, est etiam sufficiens ad illam producendam extra subiectum, si Deus concursum suum utrobique æquè offerat & exhibeat. Ratio est; quia nihil positivum est in forma, dum extra subiectum existit, quod superet vim suæ causæ; itaque ab illa poterit produci quātum est ex vi causæ. Quòd autem nō possit reipsa extra hoc mysterium, inde est, quòd Deus non offerat alibi suum concursum, nisi applicato patiente, in quo forma illa modo sibi cōnaturali possit recipi & existere. alioquin si concursum præberet, etiam in vacuo & ignis suum calorem, & sol suum lumen diffunderet. quia tamen est supra naturæ leges & ordinem, concursus sic præbere; idcirco & operatio causæ creatæ sic operantis & effectus censeretur supernaturalis non substantiâ, sed modo. Porro in hoc mysterio Deus causis naturalibus, ut in has species agere possint, perinde suum concursum exhibet, ac si proprium & naturale subiectum susceptivum sibi applicatum haberent: idque ne extrinsecis signis mysterium hoc possit deprehendi, ad maius fidei meritum. Vtrumque etiam prædictorum miraculorum extra hoc mysterium numquam est factum, & credibile numquam futurum, ut huic mysterio sit peculiare. Plura hac de re diximus Tractatu De summo bono lib. 3. cap. 4.

*Circa Cor-
pus Domini.
Primò, Posi-
tio Corporis
Christi
Conc. Trid.
sess. 13 can. 1
Quomodo id
fiat.*

114 *Circa Corpus Domini* & illud comitantia, quæ speciebus occuluntur, primum miraculum est, Positio illa & constitutio Corporis & Sanguinis Christi in cælo existentis & permanentis, sub speciebus panis & vini; ita ut non minùs verè, realiter ac substantialiter hîc sit quàm in cælo. Certissima fide & firmissimè ita tenendum.

*Non actione
adductiva.*

Magna quæstio est, quomodo id fiat. Sed mirum non est, mysteria divina ingeniis humanis antecellere; generali tamen quadam ratione id potest utcumque intelligi. Quidam putant, id fieri actione *adductiva* tantummodò, qua Christus Corpori suo in cælis existenti, & ubi cæleste retinenti, conferat novum *ubi*, nempe sub speciebus panis, ratione cuius dicatur Corpus illud adductum huc absque actione vlla productiva illius. Sed parum placet hæc sententia. Primò, quia videtur contradictionem involvere, nec vlla ratione posse mente concipi. Quomodo enim istud *ubi* potest Corpori Christi conferri sub speciebus panis, nisi Corpus hoc prius natura adducatur, & illis applicetur, fiatque indistans? prius enim est, corpus esse indistans loco, quàm ipsum accipere aliquem respectum
vel

vel positivam habitudinem ad locum. Modus enim qui fit circum, supponit rei presentiam: sicut animo concipi nequit, formam accipere unionem cum materia, nisi prius concipiatur ut presens seu indistans materiae. Confirmatur Primò: Quia istud *ubi* non potest transferri in cælum, ut inde adducat Corpus Christi; sicut unio cum materia non potest transferri ad formam procul distantem, nec fieri aut creati extra materiam: ergo ipsum Corpus Christi prius debet adduci ad locum, in quo istud *ubi* residet (praesertim cum ratio ipsius *ubi* sit immobilis) ac proinde non adducitur Corpus Christi per collationem ipsius *ubi*. Confirmatur Secundò: Quia *ubi* per se non confertur vi aliqua causae efficientis, sed spontè & necessariò resultat ex presentia rei. unde prius requiritur praesentia Corporis Christi ad species. Per quam ergo actionem fit primò presens speciebus? Non per collationem *ubi*, ut dictum est: neque per motum localem, ut supponimus; quia Christi Corpus suum locum & suum *ubi* quod habet in cælis, non deserit. ergo per aliquam actionem substantialem, quæ ad substantiam Corporis Christi terminetur.

115 Dices, Istud *ubi* cum sit supernaturale, & tribuat corpori Christi esse sub speciebus, non produci per resultantiam naturalem; sed per peculiarem actionem diuinam. Verum sit ita, nihil id refert ad argumenti vim elidendam: nam actio diuina circa corpus aliquod non minùs supponit praesentiam corporis in illo spatio in quo ipsa fit, quàm naturalis resultantia. ergo prius natura Corpus Christi debet concipi presens huic spatio quàm operatio diuina intelligatur in illo producere istud *ubi* vel quemuis alium modum, qui natura sit posterior ipsa corporis substantia. Si prius natura debet concipi presens; ergo per aliquam Dei operationem iam factum est presens speciebus prius natura quàm in eo poneretur istud *ubi*: quæ operatio non potest esse alia quàm productiua substantiae corporis illius.

Confirmatur: Quia omnis actio seu operatio Dei in consecratione huius mysterij fit sub speciebus, non in cælo, aut alibi extra species, ut ex ipsis verbis colligitur: ibi enim est totus terminus illius operationis. atqui tota operatio quæ fit sub speciebus circa Corpus Domini, ponendo in eo aliquem modum, supponit necessariò & essentialiter praesentiam Corporis sub speciebus: praesentia enim omnis actionis vel passionis vel modi cuiuslibet, supponit tamquam prius natura praesentiam rei quæ modificatur, vel circa

quam versatur actio, aut recipitur passio. Itaque cum tota illa actio quæ fit sub speciebus, versetur circa Corpus Domini, supponit necessariò eius præsentiam. Oportet ergo ponere aliam operationem seu actionem qua factum est corpus illud præsens seu indistans speciebus: nam per illam actionem qua productum est in illo istud *vbi* positivum, non potuit fieri præsens; cum illa actio & terminus eius intrinsecus sit natura posterior illius præsentia.

Idem argumentum fieri potest de modo existendi illius Corporis: nam per consecrationem Corpori Christi non solum datur novum *vbi*, sed etiam novus modus existendi invisibiliter & indivisibiliter instat rei spiritualis, qui est intrinsecus ipsi substantiæ corporis & natura posterior: quia substantia corporis secundum se est indifferens ad hunc modum existendi, & ad modum suum naturalera, capax utriusque. Hic autem modus producitur sub speciebus, non extra; & ipsa productio est sub speciebus. ibi enim est actio, vbi terminus eius intrinsecus. Si hæc productio est sub speciebus, ergo iam prius natura ipsa Corporis Christi substantia debet esse sub speciebus seu indistans ab illis, ut in ea possit recipi operatio per quam producitur in ea iste modus existendi. Ergo necessariò ponenda est alia actio prior qua ipsa substantia Corporis Christi posita sit præsens speciebus. sicut si Deus substantiam solis, quæ in cælo est sub forma globosa & valde magna, vellet ponere in annullo sub figura quadrata valde parva, per operationem quæ fiat in ipso annullo; necessariò deberet substantiam solis prius natura poni præsens annullo, ut ibi possit talem figuram accipere. 116 Neque dici potest, actionem illam, qua substantia Corporis Christi facta est præsens speciebus, esse adductivam seu productivam solius *vbi*, quia prius natura est, corpus esse præsens seu indistans speciebus quàm in illo produci possit sub speciebus aliquod *vbi*, vel alium modum, ut ostensum est.

Hinc patet, siue consideremus productionem illius *vbi*, siue productionem istius modi existendi spiritualiter sub speciebus, semper supponi prius natura vel ratione præsentiam substantiæ Corporis Christi sub speciebus: ac proinde ponendam esse aliam actionem priorem, qua ipsa substantia Corporis Christi sit facta præsens speciebus: quæ non potest fingi alia quàm productiva; qua nimirum idem esse substantiale quod habet in cælo, conferatur eidem cum alio modo existendi sub speciebus: hæc enim actio non supponit ibi præsentiam substantiæ Corporis Christi, sicut omnis alia

actio producens in illa substantia aliquem modum qui sit natura posterior, sed illam facit.

117 Secundò non placet illa sententia: quia Fide tenendum est *Corpus Christi in hoc Sacramento Verè, realiter, ac substantialiter contineri*, sicut definitum est in Concilio Trident. sess. 13. can. 1. Vnde sequitur, illud in Sacramento tam verum, solidum ac integrum esse substantiale habere quàm in cælo. Si ita est, ergo per diuinam potentiam poterit conseruari sub Sacramento, etiam si desineret esse in cælo: sicut reipsa nunc manet sub modo suæ existendi naturali in cælo, etiam si omnino desinat vt est in Sacramento. At quo modo potest conseruari in Sacramento dum desinit in cælo, si non habet esse virtute duplex, sed solum nouum *vbi* quo sit in Sacramento? quomodo substantia Corporis Christi potest conseruari in Sacramento, nisi per nouum & substantificum influxum ibi fuerit positum, qui influxus possit continuari, etiam si desineret ille qui est in cælo?

Dices, Non posse diuina virtute conseruari in Sacramento, si ponatur desinere in cælo, eò quòd intrinsecam & essentialem dependentiam à se ipso habeat vt est in cælo. Verùm non puto id dici posse; quia sic in Sacramento non haberet esse solidum & absolutum, sed solum respectiuum & diminutum, sicut imago vel figura. Vnde Auctores illius sententiæ non audent id dicere; sed admittunt, in illo casu posse conseruari in Sacramento, ita vt si postea desinat esse vt est in Sacramento, desitutum sit per veram annihilationem: modò autem non esse annihilationem, eò quòd maneat substantia eadem in cælo. quæ in re planè incidunt in sententiam nostram, & recedunt à suis principiis.

118 Tertiò, Si solum fiat adductio Corporis Christi per collationem noui *vbi*, non erit hîc vera & propriè dicta *transsubstantiatio*, sed adductio localis: vt si vinum in vas aqua plenum immittatur, aquæ substantia ad vini infusionem desinente, non erit conuersio substantialis aut transsubstantiatio aquæ in vinum, etiam si vini substantia sub accidentibus aquæ ponatur. quare neque hîc erit transsubstantiatio, cum Christi Corpore species subeunte, ad eius introitum substantia panis desinit. Nec sufficit ad transsubstantiationem, quòd substantia panis desinat; quia non satis est terminum à quo desinere, sed necesse terminum *ad quem* simili modo incipere, scilicet quoad substantiam, vt in omnibus aliis substantialibus conuersionibus patet. vt cum succus terræ vertitur in herbam, cum

Transsubstantiatio.

languis in carnem, cum virga Moysis in serpentem, cum serpens in virgam, cum vxor Lot in salis statuam. Conuersio enim & omnis mutatio speciem habet à termino ad quem per se & intrinsecè tendit. Idem declarari potest exemplo proximè adducto. Quod ut melius intelligatur, notandum est, *transsubstantiationem*, & omnem conuersionem duabus simplicibus mutationibus constare: quarum altera est desinitio termini à quo, qui dicitur conuerti in aliud; altera est positio termini ad quem, in quem fit conuersio. Vtramque autem debere esse substantialem, si conuersio sit substantialis: nam ex mutatione substantiali & accidentaria non potest componi vna conuersio substantialis, idque in omnibus aliis conuersionibus substantialibus cernitur. Denique debet esse talis positio termini ad quem, ut ex vi illius terminus à quo desinat. Debent enim hi termini esse impossibiles, & sibi mutuò succedere, vel in eodem subiecto siue materia, ut cum fit solum conuersio secundum formas substantiales; vel sub iisdem accidentibus, ut cum tota substantia rei mutatur in totam, sicut in hoc mysterio. Si enim nihil maneret idem sub vtroque termino in quo fiat terminorum successio, non esset conuersio, sed vnius desinitio, alterius inceptio. Vnde necesse est ut alter alterum ab eo expellat. Et quamuis fortè hoc posterius (nimirum ut ex vi positionis termini ad quem desinat terminus à quo, substantia panis) possit habere locum in additione illa; non tamen illud prius, (ut constet duabus mutationibus substantialibus) & ita non poterit dici propriè transsubstantiatio, aut conuersio substantialis. vide Suarem Tomo. 3. disputat. 50.

Cōstat duabus mutationibus.

*Verior sententia.
Replicatio eiusdem esse.*

119. Verius igitur mihi semper visum, Christi Corpus poni sub speciebus per actionem productiuam, quam replicationem, vel re-productionem, vel collationē eiusdem esse substantialis appellare possumus, per quam idem esse quod habet in cælo, confectur & quodammodo reproduciatur sub speciebus, etsi cum alio essendi modo.

Deum id posse.

Quòd autem Deo istud sit possibile, dubitari non potest. Si enim quod periit, Deus restituere potest, & idem omnino reproducere; cur non possit secundò producere id quod mansit? Non enim existentia rei impedit quò minus rem illam secundò, & tertio, & decies, & centies, & millies alibi producere queat, idem esse & eandem existentiam conferendo. Cur enim exhausta sit potentia ad eam producendam, quia eandem semel produxit? Imò

probabile est, idem numero à causa naturali produci posse, si omnes eadem circumstantiæ, quæ illam ad huius individui procreationem determinarunt, concurrant; vt insignes DD. tradunt.

Sed quia naturaliter est impossibile, vt omnes eadem circumstantiæ quæ prius rem determinarunt, secundò concurrant, fieri etiam vi & lege naturali nequit, vt idem numero secundò producat. Verùm Deus ab istis circumstantiis non pendet, sed pro suo arbitrio determinat id quod ipsi est producendum; itaque quotiescumque libet, potest idem vel alibi, vel in eodem loco, sub eodem vel diuerso efficiendi modo producere. Vnde sequitur, ex vno homine efficere posse integrum exercitum. Sicut enim in ipsius sapientia & omnipotentia sunt infinita individua diuersa numero, cuiuslibet speciei: ita in eadem sapientia & potentia latet quodlibet individuum infinities; potestque ipse cuiuslibet individui infinitas, vt ita dicam, proferre replicationes; vt suprà Libro v. c. 2. De omnipotentia dictum est. Et quamuis res hoc modo replicata in seipsa, actu sit vna eademque; virtute tamen est multiplex. Nam multis æquipollet, & locorum spatiis, & operatione, & etiam inceptione & desitione. Implet enim loca distantia, & quodammodò à seipsa distat; non absolutè, sed vt ad diuersa loca est determinata. potest etiam diuersa in diuersis locis, atque etiam contraria operari; atque aded tantum efficere, quantum res numero diuersæ. Denique ex inceptione vel desitione in vno loco, non sequitur inceptio vel desitio in altero: neque si iuxta vnam replicationem desinat esse, necesse est etiam desinere secundum alteram. Vnde posita huiusmodi replicatione, fieri potest vt vna eademque res hoc loco caleseat, illo frigescat; hoc ascendat, illo descendat; hoc desinat & moriatur, illo incipiat & nascatur. qua de nouissimè benè scripsit P. Ægidius Coninck in erudito Opere de Sacramentis, quæst. 75. art. 4. dub. 3.

120 Hac sententia posita, quæ potentia diuinæ negari non potest, *Consuetaria* facile concipi potest, Primò, Quomodo in hoc mysterio sit vera *quadam.* transsubstantiatio; & substantiæ panis in substantiam Corporis Christi vera mutatio, & substantialis conuersio: quia substantificatiōe ita producit hūc Corpus Christi, vt ex vi illius productionis oporteat desinere substantiam panis. Producit enim vt sit ibi per modum substantiæ, non quouis modo, sed cum immediato ordine ad illa accidentia, tamquam illis proximè subiecta, absque tamen inhaesione; vt verè dici possit, Hoc est Corpus Christi.

Pp iij

sti, non panis terrenus: Hoc est Sanguis Christi, non vinum corruptibile. Dico, *ex vi illius productionis desinere*, non vi physica præcisè, quasi illa productio per se causet non esse substantiæ panis; sed ut subest intentioni producentis, qui tali modo intendit Corpus Christi ibi collocari. Ex eo enim quod vult ibi Corpus Christi collocare cum tali ordine ad accidentia, ut solum ipsum, non aliud per ipsa sensibile & designabile sit, necesse fuit desinere substantiam panis: quia hoc modo esse panis, & esse Corporis Christi, sub illis speciebus sunt termini repugnantes. Simili modo dum aqua conversa est in vinum in hydriis, productio vini non exterminavit aquam præcisè vi sua physica, sed ut procedebat ex intentione Christi desinentis substantiam aquæ conseruare, ut ibi non nisi vinum existeret. Idem cernitur quotiescumque in materia vel subiecto ad productionem vnius formæ altera desinit esse. illa enim desinitio non fit directè vi productionis alterius (posset enim Deus illas simul conseruare) sed fit subtractione influxus conseruatiui, ut possit esse actio in rebus, & effectus naturali modo existere.

Tertul. lib. 4. Contra Marcionem. **Ambros. lib. De iis qui myst. init. cap. 9. & li. 4. D. Sacram. cap. 4. Cypr. Serm. De Cæna Domini. Damasc. li. 4. De fide orthod. c. 14.** **121** **Secundo**, Rectè à Patribus dictum, Christi Corpus quotidie à Sacerdotibus *confici, fieri, effici, creari*. Actio enim illa est verè productiua substantialiter, adeoque efficax, ut si Christi Corpus non existeret secundum esse naturale, stante hoc mysterio producendum foret per illam ex nihilo; ut rectè docet Gabriel in Canon. lect. 40. & 46. & consentit Scotus in 4. d. 10. q. 4. cum fatetur, hoc mysterium potuisse institui diuinitus ante Christi incarnationem cum eadem virtute: & tunc Christi Corpus habiturum fuisse sub Sacramento verum esse substantiale, cum nondum haberet modum essendi naturalem; quæ sententia euertit actionem adductiuam, per quam id nullo modo fieri potuisset.

Tertiò intelligi potest quomodo Corpus Christi sit verè, realiter & substantialiter in Sacramento; ut Concilium Trident. definit, & non minùs propriè quàm in cælo. quod sanè in priore sententia concipi non potest, ut ostensum est.

Denique iuxta hanc sententiam intelligi potest, quomodo Christus sæpè in terris visibiliter quibusdam post ascensionem suam apparuerit; cum tamen non sit credibile, ipsum tunc deseruisse cælum, iuxta illud Act. 3. *Oportet illum cælum suscipere usque ad tempus restitutionis omnium*. ut cum apparuit Paulo eunti Damascum, cum Petro exeunti urbem Romanam, & multis aliis Sanctis. Hæc breui-

ter pro nostro instituto, de primo isto miraculo: qui plura desiderat, Suarez & Coninck consulat.

- Secundum miraculum est, *Positio anime Christi cum tota sua sanctitate, cum visione & amore beatifico*; demique cum omnibus suis ornamentis & dotibus naturalibus & supernaturalibus, sub iisdem speciebus. Non enim decebat corpus ibi esse sine anima, nec animam decebat esse destitutam suis bonis ac opibus. Ponuntur hæc omnia simili modo quo ipsum corpus, nēpe per reproductionem quamdam efficacissimam, non per nudam adductionem, vt ex suprā dictis facile probari potest. Dicuntur hæc ibi esse, non ex vi verborum, sed per concomitantiam. *Non ex vi verborum*: quia verba consecrationis non significant horum præsentiam, ac proinde ex vi suæ significationis eam non postulant ad sui veritatem. Illa enim formula, *Hoc est corpus meum*, non postulat ad sui veritatem vt corpus sit animatum aut inanimatum, vel vt ibi quoque sit sanguis; sed solum postulat vt sit corpus humanum constans ossibus & nervis, venis & arteriis, carne, & cute, & visceribus. Hæc enim sunt de ratione corporis humani, & constant distinctis formis partialibus, vt eruditè ostendit Hieronymus Dandinus in doctissimo Opere de anima, quæ sententia mihi semper placuit. *Per concomitantiam* verò ibi dicuntur poni, *Quia sunt ibi*, inquit Concil. Trident. sess. 13. cap. 3. *vi naturalis illius connexionis & concomitantie, qua partes Christi Domini, qui iam à mortuis resurrexit non amplius moriturus, inter se copulantur.* Quod non ita intelligo, quasi eo ipso quo Corpus Christi in cælo animatum existens, ponitur sub speciebus; per solam naturalem sequelam aut necessariam connexionem, absque alio peculiari influxu, eodem trahatur anima, & alia quæ corpori insunt: id enim verum non existimo. Primò, Quia alioquin etiam modus extensionis, quem corpus Christi habet in cælis, deberet esse in Sacramento; quod fieri non potest. Deinde, Quia positio hæc Corporis Christi fit per influxum substantificum, intimè, vt ita dicam, productiuum illius: atqui hoc ipso quo producit præcisè caro Christi, collato ei esse carnis sub speciebus, non producit anima, neque productio animæ resultat ex productione substantiæ carnis; sed opus est nouo & distincto influxu productiuo, qui ad substantiam animæ terminetur. Idem dicendum de omnibus realiter distinctis, quorum alterum non necessariò ex altero resultat. Omnia enim hæc egent distincto influxu ad sui replicationem, sicut ad sui creationem, aut primariam

Secundum
miraculum
circa Corpus
Domini, &c.

Quomodo
per concomi-
tantiam in-
telligendum

productionē. Ratio igitur, cur *per concomitantiam* dicantur ibi ista poni, est, quia illa naturalis connexio postulat illum influxum productiuum, quo hoc ipso quo corpus ponitur sub specie panis, ibidē quoque ponatur sanguis & anima, &c. & ita ex vi connexionis, non tamquam ex proxima & totali causa, sed vt ex causa remota aliam propinquiorem & sufficientem postulante. Cū enim Christus, vt inquit Concilium, non ampliū moriatur, nec partes eius sint separandæ, non potuit congruē corpus ibi poni sine anima, sed animam oportuit comitari, & simul poni vbicumque corpus poneretur. Pari modo non potuit poni sanguis sine carne, nec caro sine sanguine: vnde etiam caro est sub specie vini, & sanguis sub specie panis *per concomitantiam*. Non ergo tam necessitate physica quā morali constat hæc concomitantia, ne qua imperfectio aut aliquid minū dignum in glorioso illo corpore ponatur. Hoc igitur sensu non solum tota gloria illius corporis, sed etiam anima, & tota animæ sanctitas, sapientia & gloria est in hoc Sacramento *per concomitantiam*. Hoc tamen nihil detrahit perfectæ illorum præsentia, nec minū verē, realiter & substantialiter sunt ibi, quā substantia carnis, quæ ex vi verborum esse dicitur. nam æquē ad omnium horum præsentiam proprius & distinctus influxus productiuus requiritur.

Tertium miraculum circa Corpus Christi.

123 Tertium miraculum est *Positio vnionis hypostaticæ*, qua & caro & anima Verbo diuino vnita, & veluti surculus quidam insita est. Hæc omnino erat necessaria; quia ab ea caro præcipuam suam dignitatem & omnem vim sanctificandi habet, iuxta illud Domini Ioan. 6. *Spiritus est qui viuificat, caro autem non prodest quidquam.* sed de hoc suprā. Ponitur autem hæc vnio per propriam actionem productiuam, sicut & alia quæ *per concomitantiam* hîc esse dicuntur. Etsi autem Verbum diuinum vbique sit, vnio tamen corporis & animæ Christi cum Verbo non est vbique, quia corpus & anima Christi vbique non sunt, sed certo loco circumscripta. vnio autem est modus intrinsecus illorum, nec sine illis esse vllō modo potest. Itaque sicut anima & Corpus Christi propria actione poni debent in hoc Sacramento; ita etiam vnio illorum cum Verbo. Hinc sequitur etiam, Verbum diuinum in hoc Sacramento *per concomitantiam* esse: nimirum, non solum ratione suæ immensitatis, qua est in omnibus rebus, sed etiam ratione vnionis hypostaticæ, quæ peculiari ratione præsentiam Verbi requirit; vt etiam Concil. Trident. suprā disertē affirmat. Vnde vltcrius, ratione identitatis vel con-

connexionis cum Verbo, necesse est etiam Diuinitatem, & Patrem, & Spiritum sanctum ibidem esse. hæc enim omnia ipsa vnio hypostatica peculiari ratione secum trahit. Ad hæc tamen nullo modo se extendit actio illa productiua, vt per se notum est.

124 Quartum miraculum est, *Modus existendi* spiritualis ipsius Corporis cum omnibus suis corporalibus qualitatibus sub speciebus panis & vini. Corpus enim cum tota sua mole suisque qualitatibus diuina virtute supra conditionem corporalem eleuatur, & accipit modum existendi spiritalem, quo veluti in punctum contrahitur, & simul continuè per speciem ita diffunditur, vt instar substantiæ spiritualis sit totum sub tota specie panis, & totum sub singulis eius partibus; sicut anima rationalis est tota in toto corpore, & tota simul in singulis eius partibus: & natura Angelica est tota in totius spatij complexu, & tota in singulis spatij partibus. Duo enim ad modum existendi spiritalem, quem substantiæ incorporeæ habent, requiruntur, Alterum est, vt res tota sit veluti collecta in punctum indiuisibile, ita vt nihil illius sit, quod in illo indiuisibili non reperiatur. Si enim aliquid eius esset extra illud indiuisibile, quod etiam intra illud non sit, haberet potius modum existendi rerum corporalium, quarum est habere partem extra partem, quàm rerum spiritualium, quæ totam entitatem suam in punctum indiuisibile collectam obtinent. Alterum est, vt illud indiuisibile continuè sit extensum, vel diffusum, non per partes, (hoc enim est rerum corporalium; sed per suas, vt ita dixerim, totalitates; alioquin non posset aliquod spatium continuum simul totum & continuo modo occupare, quod etiam est contra modum existendi rerum spiritualium. Requiritur itaque vt totum sit intra punctum indiuisibile, & totum extra, absque tamè discontinuatione. Vtrumque horum reperitur in modo existendi quo Corpus Christi existit in hoc Sacramento: nam totum est sub quouis puncto indiuisibili, vel saltem sub quouis etiam minima, & ad sensum indiuisibili particula, & totum est continuè absque intercisione diffusum per totam specierum quantitatem; sicut substantiæ spirituales sunt diffusæ per totum spatium quod occupant.

Quartū miraculū circa Christi corpus.

Duo requisiti admodum spirituales.

Res spiritalis tota est in puncto, & tota extra.

Valdè stupendum & insolens est hoc miraculum, numquam aliàs factum, numquam faciendum extra hoc mysterium, vt res extensa per partes accipiat modum rerum spiritualium existendi inextensè; & cum substantia & existentia sit corporalis, modus tamen essendi sit spiritualis. Excludit quidem hic modus existendi

Q 9

306 DE PERFECT. DIVINIS LIBER XII.

Quomodo
ibi sit figura
Corporis
Christi.

figuram extrinsecam, & modum extensuum quem Christi Corpus habet in cælo secundum naturalem conditionem; (hæc enim dicunt ordinem & commensuram ad locum vel spatium:) non tamen excludit aliquid molis aut realis quantitatis illius corporis, nec figuram, ut ita dicam, intrinsecam, quæ in temperamento & dispositione ac continuatione partium intrinseca, ex qua naturaliter resultat figura externa, sita est. Figura enim extrinseca est ab intrinseca rei dispositione partiumque dispositione, maximè in viventibus, non ab extrinseca tantum formatione, ut in statuis signisque sculptis vel fufis. Est igitur ibi Corpus Christi sine partium commixtione aut confusione. Et si enim omnes simul & in eodem puncto sint, quælibet tamen retinet suum temperamentum, suam unionem, suam connexionem, suum ordinem, & omnem internam dispositionem, quæ à respectu & commensuram loci non pendet.

Quintum
miraculum
circa Corpus
Christi.

125 Quintum miraculum est, *multiplicatio*, ut ita dixerim Corporis Christi sub eadem specie, seu præsentia multiplex, & modus existendi multipliciter. Anima rationalis est quidem tota in singulis partibus corporis humani, non tamen totaliter, nec plenè, nec completè; sed imperfectè, & cum dependentia ab existentia in aliis partibus; & semel tantum completè est in toto. Vnde abscissa parte, non potest in ea conservari nisi nouo miraculo; quo tamen casu etiam incompletum esse, & veluti incisum, & in suas totalitates diuisum habebit. At Corpus Christi est sub singulis specierum partibus completè & totaliter, tamque perfectè quàm sub tota specie; nec existentia eius sub hac particula dependet ullo modo ab existentia sub particulis vicinis, sed sub singulis est modo perfectò & independenter ab aliis. unde facta diuisione, permanet sub singulis completè absque nouo miraculo. Habet autem hoc completum esse sub particulis singulis, quantumuis exiguis, antè & post earum separationem, sub quibus semota consecratione esset substantia panis.

An infinities
ibi sit.

126 Dices: Ergo Corpus Christi est ibi infinities, quia particulae in quas species illæ diuidi possunt, sunt infinitæ. Respondeo, non sequi, ibi esse infinities completè: quia valdè credibile est, non esse nisi semel completè sub vno minimo naturali. Vnde cum minima naturalia in hoc pane sint finita, finities quoque ibi erit Corpus Christi. *Minimum naturale* voco particulam ita paruum, ut si à toto separata existens diuidatur, non possit naturaliter eius substantia conservari, actione elementorum eam dissolvente. Vbi enim mo-

Est solum
semel cõpletè
sub quouis
minimo na-
turali.

mentum substantiæ panis non erat amplius diuisibile in duo, cur dicemus ibi Corpus Christi esse dupliciter, id est, secundum duas completas totalitates? Dicitur etiam potest, Christi Corpus non esse ibi nisi semel completè sub quauis particula sensibili: nam materia huius Sacramenti est panis sensibilis. Fateri tamen possumus, Corpus Christi ibi esse infinities incompletè, vel secundum incompletas, ut ita dicam, replicationes; quia sunt infinitæ partes designabiles, sub quibus totum illud corpus existit: sicut anima in corpore est infinities, id est, in infinitis particulis tota, sed incompletè: id enim modus existendi rerum spiritualium necessariò includit. Sicut enim corporalia habent infinitas particulas, etsi indeterminatæ quantitatibus secundum quas se extendunt per spatium, ita spiritalia suo quodam modo habent infinitas totalitates, quibus se continuè per spatium vel corpus diffundunt.

Non est ibi infinities completa, sed incompletè.

Differt multum hoc miraculum à præcedenti: non enim eo ipso quo aliquid accipit modum existendi spiritalem, accipit etiam illam existentia completæ multipliciter. poterat enim semel tantum sub vna specie se donare. Vnde nulla substantia spiritalis illam habet, sed solum Christi Corpus illam accipit admirabili illa vi replicatiua. Quæ in re considerata est immensa Christi in nos charitas, qui sub vna specie non semel tantum, sed millies se nobis dare voluit, ut dum illum sub aliqua specie sumimus, quodammodò millies sumeremus. Quæ dicta sunt de Corpore, intelligenda quoque de Sanguine, anima, horum dotibus, & vnione hypostatica: hæc enim omnia pariter cum corpore multipliciter illam accipiunt.

Discrimen huius modi à præcedenti.

127 Sextum miraculum est, *Corporis Christi ad corruptionem specie- rum desinitio in Sacramento.* Cum enim ab externo agente, vel interna qualitatibus pugna ita species euertuntur, ut sub illis amplius substantia panis conseruari non posset; eo ipso momento, quo desineret substantia panis, desinit etiam Corpus Christi. Non quòd Corpus Christi ab illis speciebus aliquam habeat naturalem dependentiam, sicut substantia panis; sed quia Deus tunc desinit continuare illum influxum, quo ibi Corpus Christi erat positum, & veluti productum. Sicut enim nouo influxu productiuo ibi erat positum, ita illius influxus inhibitione & suspensione ibi desinit. Vnde sicut ille influxus adeò erat efficax, ut per illum Corpus Christi posset produci ex nihilo, si alibi non esset; ita ratione suspensionis illius influxus desineret in nihilum, nisi alibi maneret.

Sextum miraculum circa Corpus Christi.

Verum quia alibi idem omnino esse permanet complerissimum, nihil damni aut incommodi ex hac desitione sub speciebus accipit, sicut nihil commodi accipit ex productione. idem enim Christo est esse semel, & esse millies; cum semel existens, omne bonum habeat plenissimè, & omnia possit, quæ existens millies. Hæc de miraculis circa Corpus Christi sub speciebus.

*Dico mira-
cula circa
consecra-
tam.*

128 Circa consecrantem primum miraculum est, tantæ multitudi-
ni hæc potestatem concessam; neque ad eam requiri vitæ sanctitatem,
aut veram fidem, neque ob vllam flagitiorum immanitatem illam
adimi. Si vni tantum in mundo esset concessa, quanta hic in omnium
esset admiratione? quanti ad illum vndique fierent concursus? quan-
to ab omnibus afficeretur honore? veluti quidam Deus haberetur in
terris, cui tam diuina esset auctoritas & potestas concessa. Nunc ef-
fusissima Dei bonitas non vini tantum, sed panem innumerabilibus
hanc potestatem contulit, & porro confert, etiam peccatoribus indi-
gnissimis, adulteris, homicidis, blasphemis, schismaticis, hæreticis.
qua in re veluti suæ dignitatis oblitus, sui honoris & reuerentiæ cu-
ram neglexisse videtur. Nam multitudo illa & indignitas ministro-
rum, cælestem illam potestatem, eiusque functiones & diuinissima
donâ quæ per illam mundo Deus impertit, fecit vilescere, & minùs
æstimari ab hominibus; sed Deus commodorum nostrorum intuitu
ita statuit, nimirum vt nobis vbique & semper hoc diuinum Sacrifi-
ciû, & æternitatis alimentum, etiam per indignos Sacerdotes copio-
sè suppeteret, neque ob eorum malitiâ nos tâto bono frustraremur.

Alterum est, facilitas conficiendi. Non enim opus est in-
genti labore ad rem tantam perficiendam; sed summa facilitate pau-
cis conficitur verbis. Quid facilius verbo? nullum signum exter-
num promptius & minori labore edi poterat, quàm verbum & bre-
uis locutio. Si aliquis pro arbitrio montes transferre posset, vel sic-
care maria, ciere ventos & fulmina, excitare mortuos, quamuis
ad id multa oratione, multisque cæremoniis vteretur, in summa
esset admiratione. At quid sunt ista ad magnitudinem huius my-
sterij, quod per se non minùs est arduum & ingens quàm cæli &
terræ creatio; & tamen tanta facilitate, tamque breui tempore ab
homine indignissimo perficitur. Mira prorsus est in his diuina mi-
sericordia & benignitas, omnique admiratione superior. Sed hæc
omnia, vt dictum est, sic constituit, vt omnia nobis ad salutem op-
portuna abundantissimè, absque labore, & quasi sponte suppedita-

rent: sicque immensitatem sui in nos amoris & misericordiae plusquam paterna viscera declararet, nosque vicissim ad se redamandum alliceret.

129 Hæc de præcipuis huius mysterij admirandis. Præter hæc facit etiam ad commendationem & miraculum huius mysterij, quod magnam habeat cum *mysterio Incarnationis* affinitatem. Sicut enim in mysterio Incarnationis Diuinitas inuisibilis vnita est humanitati visibili; ita in Eucharistia caro Christi inuisibilis vnita est speciebus visibilibus. Secundò, Sicut ex illa vnione vnus efficitur Christus; ita ex hac vnione cum speciebus vnum Sacramentum Corporis & Sanguinis Christi. Tertiò, Sicut per Incarnationem totum Verbum vnitum est singulis humanæ naturæ partibus; ita per consecrationem totum Christi Corpus singulis vnitur partibus specierum. Quartò, Sicut læsa & patiente humanitate Diuinitas manebat illæsa & impassibilis; ita passiones quæ fiunt circa species, non possunt Corpus Christi sub illis latens afficere. Quintò, sicut tamen ob vnionem illam Deus dicebatur pati, crucifigi, mori patiente humanitate; ita ob hanc vnionem, fractis & sumptis speciebus, dicitur frangi & sumi Corpus Christi. Facit enim hæc vnio quamdam idiomatum communionem. Sic etiam Corpus Christi dicitur videri, tangi, misceri; portari, ratione specierum, & hoc visibile rectè dicitur viuum, intelligens, sanctificans, ratione Corporis inclusi. Sextò, Sicut humanitas Christi non habebat ibi suum naturalem modum subsistendi, sed sustentabatur à Verbo; ita species non habent hîc suum naturalem modum existendi, sed continentur virtute Corporis Christi extra suum naturale subiectum. Septimò, Sicut nulla vis creata potest illam vnionem dissoluere; ita nec hanc, quàm diu species saluæ manent.

Analogia Eucharistia & Incarnationis.

CAPVT XVII.

De modo quo beneficia sua contulit.

130 SUPERIORIBVS Capitibus explicuimus oëto beneficia diuinæ misericordiae generalia infinitæ æstimationis nobis per Verbum Incarnatum præstita: nunc considerandus est modus quo Christus nobis supradicta beneficia contulit; quanto labore, quantis doloribus, acerbitatibus, incommodis: hoc enim summopere ad magnitudinem misericordiae declarandam facit. Si enim bene-

Modus conferendi supradicta beneficia considerandus.

Qq iij

ficiū non nisi maximis incommodis benefactoris collatum est, non minū æstimatur ex modo conferendi, quā ex magnitudine rei collatæ. Qui enim miseræ alienæ absque difficultate aut incommodo aliquo suo consulit, solū rem illam externam, quam illi donat, expendit: qui verò, vt succurrat, multos labores & dolores subire debet, non solū rem illam quam misero tribuit, quaque eius leuat miseriam, conferre censetur; sed etiam suos labores, sudores, afflictiones (quæ longè pluris æstimantur) in illum expendere. Ingens fuit benignitatis opus, quòd nos ex nihilo ad imaginem & similitudinem suam crearit, & ad statum diuinum euexerit; sed magna facilitate absque vllō suo incommodo, & quasi ex redundantia bonorum suorum id præstitit. Nulli in eo labores exantlandi, nulli perpetiendi dolores, nullæ difficultates tolerandæ. Ex immensitate bonorum parua dumtaxat scintilla delibata vel adumbrata est, & totum opus absolutum extitit. At perditos redimere, & ab exitio reuocare, non ita facile fuit; sed multa & varia incommoda, eaque grauissima subeūda illi fuere. Vnde S. Bernardus Tractatu De diligendo Deo col. 6. sic ait: *Si totum me debes pro me factō, quid addam iam pro refectō, & refectō hoc modo? Nec enim tam facile refectus quā factus. Nam qui me semel, & tantū dicendo fecit, in reficiendo profectō & dixit multa, & gessit mira, & pertulit dura; nec tantū dura, sed & indigna, &c.* Idem Sermone 20. in Cantica: *Super omnia reddit amabilem te mihi, Iesu bone, calix quem bibisti, opus nostræ redemptionis. Hoc, inquam, est quod nostram deuotionem & blandius allicit, & iustius exigit, & arctius stringit, & vehementius afficit. Multū quippe in eo laborauit Saluator, nec in omni mundi fabrica tantum fatigationis auctor assumpsit. Ille denique dixit, & facta sunt, mandauit, & creata sunt: at vero in hoc & in dictis suis sustinuit contradictores, & in factis obseruatores, & in tormentis illusores, & in morte exprobratores. Ecce quomodo dilexit? Vide eundem Serm. II. in Cantica.*

*Prima affli-
ctio in opere
redēptionis.*

*Acceptatio
reatus pec-
catorum.*

131 Prima difficultas in redemptionis nostræ opere fuit in acceptando peccatorum totius mundi reatu, & obligatione pro eis satisfaciendi. Cogita quanta sit illa scelerum colluies, quantum malitiæ pelagus & quā inexhaustum, quod totum mundum ab initio vsque ad finem inundat. Hoc totum clarè & distinctè oculis Christi obiectum, & simul humeris eius impositum, vt loco generis humani se veluti reum omnium istorum coram iustitia diuina susteret, & iustam satisfactionem sponderet. Quantum putas

in ea re illi puritati fuisse horrorem, quantam auersionem, & abominationem? Sicut si vestis aliqua foedissimis rebus vndique aspersa & inquinata corpori delicato & nitidissimo induceretur, illudque operiret & vndique contingeret, magnum adferret illi horrorem & afflictionem: ita peccatorum nostrorum reatus veluti quoddam operimentum ex infinitis abominationibus contextum, ab illa puritate assumptum & arctissimè applicitum ac inductum, maximum illi horrorem concitauit. hac veluti veste sordidissima indutus, se diuinæ iustitiæ tamquam reum pro nobis stetit, & profundissimè, tamquam si ipsemet omnia illa patrasset, humiliavit. Hanc culparum nostrarum in Dominum translationem multis locis insinuat sacra Scriptura Isaïæ 53. *Posuit in eo Dominus iniquitatem omnium nostrarum.* & paulò antè: *Verè languores nostros ipse tulit; & dolores nostros ipse portauit. Ipse autem vulneratus est propter scelera nostra.* & infra: *In scientia sua iustificabit ipse iustus seruus meus multos, & iniquitates eorum ipse portabit.* & paulò post: *Ipse peccata multorum tulit.* Hinc Dominus delicta nostra sua vocat, quia nimirum illa in se trāstulit. Psal. 21. *Deus, Deus meus, ut quid dereliquisti me: longè à salute mea verba delictorum meorum.* quali dicat; Ideò me dereliquisti, quia accusatio delictorum quæ in me transtuli, me saluari prohibet. Psalm. 39. *Quoniam circumdederunt me mala quorum non est numerus, comprehenderunt me iniquitates meæ.* & Psalm. 68. *Deus tu scis insipientiam meam, & delicta mea à te non sunt abscondita.* His & aliis locis sermo est de delictis & iniquitatibus ipsi impositis.

132 Petes, Vtrum etiam damnatorum hominum peccata in se suscepit, & pro illis satisfactionem exhibuerit? Respondeo, suscepisse, non quidem eo modo ut iam damnatis in posterum aliquid commodi posset prouenire, sicut iis qui tunc nondum erant damnati; sed quia præstitit id quod debitum erat diuinæ iustitiæ, ratione gratiæ & fauoris illis olim in vita prærogati. Deus enim intuitu satisfactionis Christi, & meritorum eius futurorum, dispensatoriè hominibus prioribus gratiam suam & remissionem peccatorum obtulit; ita ut per illos steterit, si non sint saluati. Vnde Christus postea hunc fauorem & gratiam præstitam, sua satisfactione veluti solutione compensare debuit, etiam si illi non amplius sint capaces in posterum vilius gratiæ aut boni.

Neque solùm in statu illo Rei suscipiendo difficultas fuit, sed etiam in acceptanda morte, pœnisque acerrimis, totoque satisfactionis

An pro damnatis satisfecerit.
Rom. 5. 6.
1. Cor. 16. 12.
2. Cor. 5. 15.
1. Ioan 2. 2.

Acceptatio mortis.

onere; præsertim cum hæc omnia clarissimè & distinctissimè tamquam præsentia oculis mentis ipsius obiicerentur. Nos quidem malorum huiusmodi impendentium apprehensione interdum parum commovemur: quia rudi modo & tamquam adhuc procul posita illa concipimus: verùm Dominus ab initio conceptionis non minus efficaciter & viuaciter ea concipiebat, animoque proposita habebat, quàm si præsentia oculis corporis intuitus fuisset; vnde non minus illorum consideratione moueri & affligi poterat, quàm si mox ea sibi subeunda vidisset. Quantam autem prædictorum malorum consideratio vim in animo, & quando ipse voluit permittere, etiam in corpore Domini nostri habuerit, colligi potest ex ijs quæ in horto, dum Patrem oraret, & calicem illum amarissimum deprecaretur, perpeffus est, vbi tantas ex hac apprehensione angustias, tantam naturæ luctam sustinuit, vt sanguineum sudorem copiosissimè effuderit. Cum enim natura tantam suppliciorum acerbicatem, & tantum peccatorum nostrorum pondus sibi imponendum summè refugeret, & è contrario charitas Christi, & obedientia paterna eam efficacissimè ad illa acceptanda & perpetienda propelleret, factum est vt ex hac agonia & veluti colluctatione, naturæ impetus victus sanguineum sudorem emiserit. Sanguis enim introrsum refugiens, mox summo impetu extrorsum ad superficiem repulsus, simul cum sudore per poros corporis foras largiter est effusus. Ex quo patet, & quantopere natura supplicia illa refugerit, & quanta vi spiritus naturam vicerit, eamque ad illa amplectenda impulerit, & quantum in vtroque natura illa innocentissima sit perpeffa.

Lucæ. 22.

Secunda afflictio, in dolore peccatorum, seu satisfactione interna.

133. Secunda difficultas fuit in dolore peccatorum. Dominus enim simulatque culpas nostras in se transtulit, seque reum loco nostro fecit, dolorem de illis maximum concepit, cumque tota vita sua continuauit, etsi non semper permiserit integrè in corpus redundare. Nam sicut is qui peccauit, primò se debet reum agnoscere, deinde concipere dolorem, quòd Deum offenderit, tertio, exhibere pro modulo suo satisfactionem: ita Dominus primò se veluti reum coram diuino tribunali loco nostro constituit; deinde dolorem internum grauissimum in se concitauit; tertio, ad externam satisfactionem, eamque variam processit. Est enim internus dolor animi, satisfactio quædam peccatorum prima & maximè efficax, vt quæ interius voluntatem commutet & corrigat, per quam voluntas retractat,

tractat, & quantum in se est, irritum reddit & infectum quod commisit, & simul se ipsa doloris acerbitate castigat & punit. Hinc etiam est primus actus pœnitentiæ ad delendum peccatum, & reconciliationem obtinendam maximè necessarius. Ratio dolendi Domino potissimum fuit duplex. Prior, iniuria diuinæ maiestati per peccatum irrogata. Altera, damnum humano generi inde proueniens.

Duplex ratio dolendi Domino.

• Cernebat ille perspicuè & in particulari peccata omnia, & quanta singulis infinitæ illi bonitati & maiestati fieret iniuria, quanta contumelia, quantus contemptus. Cernebat etiam quantum malum sit æterna damnatio, quam totum genus nostrum sibi per peccatum accessiuerat. Hinc dolor excitabatur acerrimus. Magnitudo enim

Magnitudo doloris animi in Domino nostro.

doloris seu tristitiæ sequitur magnitudinem mali, & perfectionem cognitionis, qua malum illud apprehenditur: atqui malum hîc erat maximum, tum in ratione culpæ (erat enim pelagus quoddam peccatorum, & abyssus malitiæ contra diuinum Numen) tum in ratione pœnæ. Quæ enim maior calamitas & afflictio fingi potest, quàm sit æterna damnatio? Apprehensio etiam perfectissima. Multò enim exactiùs & clariùs singula considerabat & ponderabat, quàm vlla creatura posset. Itaque oportuit & ipsum dolorem maximum esse, vt qui magnitudini mali & perfectioni apprehensionis responderit. Vnde non dubitauerim affirmare, hunc dolorem sufficientissimum fuisse ad vitam Domino millies eripiendam, si vim suam in corpus exercere permissus fuisset. Quòd enim magnitudo doloris animi seu

Dolor animi potest hominem interimere corde suffocato. 1. R. 8. 4.

mœlitiæ vitam intercipere & hominem occidere possit multis exemplis constat. Legimus enim quosdam vehementia contritionis subito extinctos; & Heli dolore captæ arcæ retrorsû cecidit & expirauit. Similiter & nurus eius dolore eiusdem cladis extincta est. Ita enim cor concluditur, refluxa ad ipsum sanguine cum spiritu, vt impedita naturali diastole & systole, multa fuligine collecta suffocetur. Sicut è contrariò in maxima lætitia ita subinde dilatatur, vt spiritu effuso & dissipato vita simul euanescat. At dolor quo Dominus noster de peccatis nostris doluit, longè maior fuit & intensiore & æstimatione, quàm vllus dolor qui in hominem cadere possit. Sed dispensatoriè factum est, ne vis eius in corpus se proferret, nisi quando & quantum Domino videretur. Habebat enim plenissimum omnium affectuum appetitus inferioris, & commotionis spirituum & sanguinis dominium. Fuit hic dolor continuus ab initio conceptionis vsque ad finem vitæ, sicut & apprehensio peccatorum; quamuis non sem-

Rr

per æquè in appetitum inferiorem & corpus permissus sit redundare; sed interdum plus, interdum minùs, prout occasiones exteriores, & tempus & locus postulabant. Maximè autem ei laxatæ habenæ in horto, quando sudorem sanguineum expressit, & reliquo passionis tempore nimirum vt pars inferior non solùm extrinsecus flagellis, spinis, cruce; sed etiam intrinsecus tristitia spontanea affligeretur: ficque cum externa satisfactione per passionem carnis, exhiberet simul internam per dolorem spiritus.

Tertia afflictio, Asperitas in satisfactione exteriori.
Primò, *Paupertas.*

134 Tertia difficultas fuit in *satisfactione externa*, ad quam præstandam multa & asperrima subiit. Primò, *Tolerantiam paupertatis*. Assumpsit enim statum paupertatis, qui secum multa desert incommoda, vt famem, sitim, frigus, æstus, labores, & commodorum huius vitæ inopiam. Nasci voluit à parentibus pauperibus, in loco alieno, in stabulo, exclusus & reiectus ab hospitibus communibus & vñtatis; reclinari non aliorum more in lectulo, in molli culcitra; sed in præsepio, in fœno, in stramentis animalium, inter animalia. Quæ maior paupertas animo concipi queat? Paulò pòst sæuiente persecutione Herodiana fugit in longinquas & ignotas oras, ibique peregrinus & contemptus degit annos aliquot. Quanta in illa fuga, in mansione peregrina, & in reditu paupertatis incommoda perpeffum putas? Postea adultam ætatem assecutus, pauperes discipulos & rudes sibi adsciuit, eorumque conuictu & consuetudine semper est vsus quàm diu inter mortales egit, mendicato victu & piorum eleemosynis ipsos & se sustentans. Denique tanta eius paupertas fuit, vt neque lectum, neque cubile, neque domicilium quò se reciperet, haberet. *Vulpes*, inquit, *foveas habent, & volucres calinidos; filius autem hominis non habet ubi caput suum reclinet*. Ipse tamen omnium erat Dominus, omnium auctor & largitor, si diuinam naturam spectes: si humanam, ad ipsum pertinebant omnia sublimis cuiusdam dominij iure, quod illi ratione vnionis hypostaticæ competeat. Sed *cùm diues esset, propter nos egenus factus est* (vsu & commodorum fruitione) *vt ipsius inopia diuities essemus*.

Matth. 8.

2. Cor. 8.

Secundò, Obedientia Legis.
Gal. 4.

135 Secundò, *Subiectionem & obedientiam Legis*. Factus enim est sub Lege, vt eos qui sub Lege erant, redimeret, vt adoptionem filiorum reciperemus, & ex seruis liberos, ac filios Dei efficeret. Erat autem in hac subiectione & magna molestia, & multiplex humiliatio. Molestia, ob circumcisionem, & ob alias multas steriles obseruantias populo illi duræ ceruicis & ingenij seruilis præscriptas. Humiliatio, quia

Lex ob duas potissimas causas data est. Primò, Vt múdo idololatria obruto populum illum ab illicitis cultibus auerteret, & partim timore pœnarum temporalium, partim innoxio illo cæremoniarum Legis exercitio detineret, ne æstu communis consuetudinis abreptus, in barathrú idololatriæ deuolueretur. Secundò, Vt carnalis populus & rerum spiritalium rudis, vñbris & figuris Legis informaretur ad mysteria Christi; vt quia nudam veritatem illorum capere non poterat, saltem in figuris & vñbraticis signis ea teneret, sicut pueris & rudibus spiritalia bona per sensibilia explicari solent. Vnde Apost. ad Galat. 3. *Lex, inquit, pædagogus noster erat in Christo.* Pædagogus, qui & timore supplicij homines ad illicita pronos compesceret, & rudes, puerorum instar, symbolicis typis ad Christi veritatem instrueret. Subiectio itaque Legis, signum erat & innatæ prauitatis & ruditatis. Magna itaque humiliatio fuit illi Sapientiæ & Sanctitati, Legi subiici, quasi ipsa illis imperfectionibus subiecta, & huiusmodi pædagogicæ indiga fuisset. Potuisset se meritò à Lege eximere, vt pote Legis auctor, Lege omni superior, ad quem præfigurandum & excipiendú Lex condita, in quo Lex omnis impletur, & vñbræ omnes euanescent, & salutaris veritas omnis aperitur, & omnis iustitia, sanctificatio, & redemptio repræsentatur. Sed sponte se illi subiecit, tum in satisfactionem, & redemptionem nostram, vt dictum est: tum ne Iudæi tamquam Legis præuaricatorẽ reiicerent, néve hanc speciẽ iustæ excusationis, suæ impietati & infidelitati possent prætendere.

139 Tertiò, *Obedientiam parentum*, & humilem illum obscurumque vitæ modum, quem vsque ad annum 30. ætatis suæ tenuit: *Venit enim Nazareth, & erat subditus illis*, inquit Euangelista. Erat ipse plenus sapientia, imò Sapientia ipsa gubernans & disponens omnia, & tamen tamquam insipiens & directione humana egens, subiicit se parentibus pauperculis, simplicibus; eorum imperium & ductum sequitur, in obscuro illo vitæ modo, tamquam aliquis è vulgo ignotus & inglorius, se continens; & parentem putatitium in arte fabrili rebusque externis, ad victum vestitumque conquirendum adiuuans. Non enim credibile est, tanto tempore otiosum vixisse, sed voluisse liberis dare exemplum quo modo parentibus suis obedire & auxilio esse debeant. Quàm mirabile erat, mundi fabrum & conditorem homini fabro seruire, instrumenta fabrilia porrigere, ex eius præscripto ligna secare, dolare, aptare, ferram ex aduerso reciprocare, trabes machinis attollere,

Tertiò, Obedientia parentum.
Lucæ 2.

R r ij

locare, componere, & alia, more famuli vel discantis, fabrilia obire. Quaputas modestia, qua promptitudine, qua mansuetudine? nimirum instar obedientissimi filij & famuli. Hæc omnia faciebat, Diuinitatis suæ maiestatem obtegens, serui formam dumtaxat præferens, in eaque humiliter homini plebeio inseruiens, & obedientiæ documenta proferens; ut omnem virtutem prius ostenderet exemplo quàm doceret verbo, & hac conuersationis suæ humilitate pro nostra superbia Patri faceret satis. Quàm longè ab his absunt mores nostri! qui, si quid præclari in nobis esse putamus, non valemus illud intra nos continere, sed importunè, opportunè effundimus, ostentamus, iactamus, & vanè gloriamur, quasi aliquid præ cæteris vel sciamus, vel possimus, vel simus; cum tamen nihil simus. Eandem conuersationis humilitatem etiam post sui manifestationem retinuit, adiunctis sibi rudibus & infimæ sortis discipulis, cum illis tamquam fociis, amicis & fratribus familiariter & assiduè agens, totamque regionem obiens, eorum imperitiam & mores incompósitos benignè tolerans, publicè & priuatim eos erudiens. Ecce quò se illa Sapientia demittit? quibus se accommodat? quomodo cum rudibus & insipientibus, tamquam similis illis, se gerit?

Quartò, Labor docendi.

137 Quartò, Sustinuit ingentes molestias in hominibus tum exemplo tum sermone erudiendis: magno enim labore corporis & fatione vicos, castella, ciuitates, totamque Palæstina regionem per tres annos & menses aliquot obiuit, prædicans regnum Dei, & viam salutis omnes docens, pauperes & afflictos consolans, morbos curans, daemones expellens, & eorum antiquam in corpora & animas tyrannidem euertens, & vitam æternam omnibus in se credentibus promittens; idque tanta assiduitate, ut vix aliquid temporis ad quietem vel corporis refectionem superpetaret, ut ex Euangelistis constat. *Mens*, inquit, *cibus est*, ut *faciam voluntatem eius qui misit me*. Quoties in hoc opere fatigatus est? quoties fame, siti, frigore & æstu afflictus? quoties post labores & sudores, vel sub dio in oratione pernoctauit; vel sub pauperculo tugurio, humanis destitutus commodis, pernoctem delituit? Non aderant deliciæ ciborum, quibus vires reficeret; non indusia munda aut vestes mutatoria, quibus sudore madenti corpori consuleret; non molles culcitrae, quibus membra defessa reclinarer; non luculentus focus, quo lassitudinem mitigaret; nec alia id genus consueta laborum solatia: sed his omnibus

Ioan 4.

salutis nostræ desiderio contemptis, laborum quidem meras molestias perferre voluit, remedia autem & solatia admittere noluit; tum ut pro nimia carnis nostræ indulgentia diuinæ iustitiæ satisfaceret, tum ut suo exemplo nos ad similes labores pro salute animarum subeundos, & commoda carnis contemnenda animaret.

- 138 Quintò; Sustinuit *probra & contumelias*; quantas nullus unquam mortalium. *Quæstio calumnia.* Etsi enim esset innocentissimus, purissimus, sanctissimus, atque adeò ipsa puritas & sanctitas; tamen à primariis Iudaicæ gentis viris infamatus est, & contumeliosè appellatus potor vini, publicanorum amicus, Legis euerfor, populi seductor, ambitiosus, perduellis, seditiosus, Samaritanus, præstigiator, blasphemus, Diuinitatis impius usurpator. Quid his dici potest atrocius aut ignominiosius? quid calumniosius? Nos qui innumera peccamus, & in omne vitium, in omnem infamiam pròni sumus, vix minimam calumniam sustinere possumus; turbamur, clamamus, protestamur: *Libera me*, inquit Propheta, *à calumniis hominum*, *ut custodiam mandata tua*; quia calumniæ sensum hominis maximè transuersum agunt & ad impatientiã impellunt. Ille in tanta innocentia & sanctitate, post tanta beneficia & mira opera ad eorum salutem gesta, patientissimè grauissimas illas calumnias & contumelias sustinuit; idque ab iis, quos è diaboli tyrannide eripere, ab æterna morte ad æternam vitam perducere, & filios Dei efficere conabatur. Neque solum contumeliis verborum, sed etiam factis contumeliosissimis affecere: capientes illum tamquam latronem & seditiosum, ligantes, velantes faciem, illudentes, alapis in faciem cædentes, còspuentes, alba veste induentes, flagellantes instar serui, spinis coronantes, arundine velut sceptro, & chlamyde coccinea tamquam veste regali per ludibrium (quasi regnum affectasset) ornantes: denique inter latrones crucifigentes, & in ipsa cruce felle & aceto potantes. Quid his cogitari possit acerbius, atrocius, contumeliosius? quid simile unquam in aliquem, etiam maleficum & regni insidiatorem, designatum? hæc omnia ille mansuetissimè, patientissimè & modestissimè tolerauit, sine querelis, sine clamoribus, sine imprecationibus, sine vindicta, sine comminatione; cum summa charitate & affectus dulcedine in eos qui amarissimo animo irrogabant, deprecans pro illis Patrem, & remissionem tantorum scelerum eis flagitans.

Rr ij

Sextò, Dolor 139 Sextò, Perpeſſus eſt dolores animi & corporis longè grauiſſi-
res animi & mos. *Dolores animi* naſcebantur ex conſideratione offenſionis di-
corporis. uinæ, & paucitatis ſaluandorum, & magnitudinis ingruentium tor-
 mentorum. Horum enim omnium clariffima & viuidiſſima appre-
 henſio dolorem in parte ſuperiore gignebat tantum, vt breui tem-
 pore mortem eſſet illaturus, ſi in partem inferiorem laxatis habe-
 nis reſundi permiſſus fuiſſet, vt ſuprà oſtenſum eſt. *Dolor corporis* e-
rat ex læſione corporis, quæ extrinſecus multis modis inferebatur.
cauſis. Primò, *Ipfâ legatione & vinculorum conſtrictione.* Captum enim ſæuiſ-
Conſtrictio. ſimè funibus conſtrinxerunt, ne poſſet effugere; experti enim erant
 ipſius potentiam, neque facile eſſe ipſum vi retinere; & Iudas mo-
 nuerat vt eum tenerent, & ducerent cautè. Deinde odium & rabies
 animi qua in Dominum ferebantur, eos impellebat, vt ſtatim ab
 initio comprehenſionis, tantum mali quantum licebat, illi inferrent.
 Itaque validis funibus, & etiam catenis (vt valdè credibile eſt) eum ar-
 ctiffimè vincierunt, brachiis poſt tergum colligatis, collo ſimiliter
 & medio corpore acriter conſtricto. Quantum autem ea res dolorē
 adferat, teſtantur aliquando rei extremo ſupplicio afficiendi; qui in-
 terdum tantum afflictionis ex ipſis vinculis, quantum ex ipſo genere
 mortis ad quod damnati ſunt, ſentiunt. Accedebat raptatio, impul-
 ſio, protrulio, dum huc illuc magno furore per vias impellitur; dum
 ex horto ad Annam, ab Anna ad Caipham, à Caipha ad Pilatum, à
 Pilato ad Herodem, ab Herode rurfus ad Pilatum, ab hoc ad crucē
 rapitur. Hæc enim arctè vincto ſupra modum dolores exaſpera-
 bant.

Flagellatio. 140 Secundò, *Flagellatione.* Fuit enim Dominus longè ſæuiùs fla-
 gellatus, quàm ſolent crucifigendi. Iuſſerat id Pilatus, partim vt
 gratificaretur Iudæorū Primoribus, quos ſciebat ſumma ipſius inui-
 dia flagrare, ac proinde hoc illis fore longè gratiſſimum: partim vt
 tam crudele ſpectaculum ipſorum odia exſatiaret, & furorem poſ-
 centium illum ad mortem compſceret. Itaque immaniſſimam &
 quæ inſtar mortis cenſeri poſſet, quæue maior ſalua vita vix poſſet
 ſuſtineri, cenſuit flagellationem adhibendam: ſicque dum vnā
 mortem nititur à Domino auertere, geminam ei irrogat; & illa ali-
 qualis beneuolētix Iudicis ſpecies, verſa eſt ei in augmētū ſupplicij.
Doloris acer- Quantam autem doloris acerbitem Dominus ex illa flagellatio-
bitat. ne ſuſtinuerit, quis æſtimet? Sanè dubitandum non eſt quin longè
 grauiorem dolorem ſenſerit, quàm quuiſ alius mortalium ex hu-

iusmodi supplicio perciperet. Quò enim temperamentum corporis est nobilius, & maior sensuum vigor, eò quoque dolor ex illato supplicio est acerbior. Hinc videmus, nonnullos, quibus tangendi sensus est acrior, ex attactu rei calidæ, vel ictu flagelli, intolerabilem percipere dolorem: alios, in quibus iste sensus est stupidior, ex iisdem rebus exiguum vel pænè nullum. Quare cùm ille sensus in Domino

- ob summam perfectionem temperamenti & spirituum fuerit exactissimus, necesse est dolorem quoque fuisse maximum, qui hominitali genere supplicij possit irrogari. Vnde valdè credibile est fuisse maiorem & actiorem, quàm vmquam aliquis Martyrum pertulerit. Et si enim supplicium ignis videatur immanius quàm flagellorum; tamen potest in aliquo tanta esse sensuum acrimonia, vt ipsi sint acerbiora, flagella, quàm aliis ignis incendia. Accedit, quòd doloris acerbitas ex flagellis vel igne in aliis si continuetur, obstupefaciat sensum, ita vt post breue tempus non tãtopere percipiatur; idque partim euanescentibus spiritibus in parte quæ affligitur; partim concurrentibus ad cerebrum humoribus, & principia neruorum occupantibus, vt spiritus, sine quibus non est sensio, diffundi nequeant. Quam ob causam apoplectici & comate affecti nihil sentiunt. At in Domino neutrum horum fuit: perstitit enim ille sensuum vigor ab initio vsque ad extremum, ipsa anima sua potentia vel Diuinitate corpus illud ita regente, & interiùs conseruante, vt plura pati posset: cuius signum est, quòd clamans expirauit. Non ergo sensim ita extremè debilitatus est tormentis, vt alij solent; sed retinuit vires aliquas supra naturæ conditionem, easque dum tempus fuit, simul effluere cum anima permisit. Quod etiam significat Dominus cùm ait: *Nemo tollit eam* [animam] *à me, sed ego pono eam à me ipso, & potestatem habeo ponendi eam: & potestatem habeo iterùm sumendi eam.* Vires ergo retinuit & vigorem sensuum vsque ad mortem, sicque non minùs supplicia in progressu & in fine quàm in principio sensit; sed toto tempore passionis summos & acerrimos dolores ex tormentis illatis percepit. Vnde meritò Isaias: *Vidimus eum despectum, & nonissimum virorum, virum dolorum, & scientem infirmitatem.* & Psal. 37. *Quoniam ego in flagella paratus sum, & dolor meus in conspectu meo semper.*

Ioan. 10.

Isaiæ 53:

Psal. 37.

Coronatio.

141 Tertiò, Coronatione. Domino enim flagellis immanissimè toto corpore conciso, & sanguine manante, ne vel caput doloribus liberum relinqueretur, coronam ex spinis acutis & robustis contextam (paliurum quidam fuisse putant, alij spinam marinam, horrendis

utraque aculeis) imponunt , & magna vi in caput adigunt, vt firmiter adhærescat. quæ in re & acerrimi fuere dolores, & summa ignominia. Dolores, quia cutis capitis, totumque pericranium in orbem cum suprema frontis parte spiculis coronæ confixa fuere & perorata. In istis autem locis sensus est acerrimus, vt experientia constat, cum vel leuiter pungitur. Quanti igitur dolores ex tot & tantis puncturis in capite tam sano, tam nobili temperamento, tanto sensuum vigore prædito. Accedebant percussiones sacri capitis, quibus aculei illi magis magisque adigebantur & infigebantur: *Percutiebat enim arundine caput.* Iam de ignominia quid dicam? nulla enim animo maior comprehendere potest, quàm quæ Domino hic irrogata. Coronatur Rex cæli & terræ ad publicam infamiam, tamquam iniquus & ambitiosus temporalis aucupator: coronatur spinis ad dolorem, quasi nulla alia corona dignus: induitur veste coccinea veteri ac sordida, veluti regali amictu: inseritur manui arundo in speciem sceptri, ad augmentum dedecoris. Denique tamquam regio habitu pulchrè instructus, per summum ludibrium adoratur genu flexo cum amara salutatione, *Aue Rex Iudeorum.* & mox ad extremum contemptum & vilipensionem, conspuitur in faciem, percutitur arundine in caput, cæditur alapis, protruditur pedibus, illuditur, blasphematur, & infinitis fannis, irrisionibus, sarcasmis, cachinnis cum ingenti strepitu & insolentia exagitur, tamquam omnium mortalium scelerosissimus, ambitiosissimus & vilissimus. Et quidem videntur hæc omnia milites suo arbitrato, Iudeorum instinctu, absque iudicis sententia fecisse: nimirum tam vilis tamque nihili æstimabatur, vt contra morem omnium tribunalium, libidini & licentiæ militari relinqueretur; quasi crimen ipsius tam grande esset, vt nihil atrocitatis vel ignominiae posset in eum à quoquam effundi, quod non mereretur, magnitudine sceleris omne supplicij & dedecoris modum excedente. Quàm verè de se per Prophetam dixit: *Ego vermis & non homo, opprobrium hominum & abiectio plebis.* Quis enim hominum post homines natos ita fuit aliquando tractatus? quis ita arbitrio carnificum concessus? quis vniquam reus in ipsa suppliciorum acerbitate tam inhumaniter illus, irrisus, exagitur? Omnes enim tunc miserari potius & compati, quàm illudere solent. Sed voluit Dominus, vt nobis præberet exemplum patientiæ, supra omne exemplum pati; & vt ostenderet nobis immensitatem nostrarum offensionum, supra omnem mensuram repræsentare satisfactionem:

Quar-

142 *Quartò, Crucis baiulatione.* Hæc fuit imposita & ad ignominiam, & ad tormentum. *Ad ignominiam:* quid enim potest esse ignominiosius, quàm damnatum ad infame genus mortis, cogi etiam ipsum supplicij instrumentum suis humeris deferre, nulla poenarum præcedentium habita ratione? quasi ipse indignus sit, qui vel à iumentis in ea re iuuetur, aut instrumentum destinatione supplicij & contagio personæ adeò maledictum & contaminatum, ut nemini præter fontem conueniret illud attingere. Vnde etiam cum Dominus sub pondere fatisceret, nullus Iudæorum admouit manum, tamquam metuens pollui ab infami ligno; sed quemdam gentilem Simonem Cyrenæum coegerunt post Dominum deferre. Et apud Romanos non nisi sceleratissimis seruis imponebant, quasi nemo tanti dedecoris nota esset afficiendus, nisi in quo summa conditionis vilitas cum summis sceleribus coniuncta foret. Idem ipsi voluerunt hac ratione significare in Domino. Summum itaque contemptum, summum dedecus continebat hæc baiulatio. *Ad tormentum:* ingens enim tormentum est, corpore toto flagellis secto, sanguine defecto, & capite tot spinarum aculeis confixo, tanto pondere asperæ trabis onerari, cogique tam longo itinere eam suis humeris deferre: neque lento passu incedere licebat, aut quietem subinde respirandi causa capere; sed vel fustibus vel stimulis (ut apud Romanos serui cum ad crucem adigebantur) impellebatur, vel funibus raptabatur, vel pedibus calcibusque protrudebatur ad properandum & sequendum comitatum. Ibat igitur mansuetus ille agnus sudore & sanguine madens, dehiscens præ labore & corporis contentione vulneribus, ibat tacitus & anhelus, mole crucis incuruus, & in terram depressus, in saxa & aspera offensans, & interdum sub pondere concidens, toto corpore grauiter colliso. Ibat inimicis cinctus, sicut ovis lupis; ipsis plaudentibus & insultantibus, crudelitate militari Dominum impellente, protrudente, raptante, & pugnis ac fustibus malè mulcente. Denique tanta fuit hæc afflictio, ut cum ulterius procedere non posset, alium ei substituere sint coacti, non misericordiæ affectu, non aliquo humanitatis sensu; sed ne viribus planè exhaustis, crucis supplicium sustinere non posset: nimirum ut hac breui relaxatione ad productius & maius supplicium seruaretur, quò rabies illa immensa, qua in ipsum ferebantur, posset exsatiari.

Crucis baiulatio.

Matth. 27.

Lipsius l. 1.

De Cruc.

c. 12.

Lipsius l. 1.

c. 6.

Crucifixio.

143 *Quintò, in ipsa crucifixione.* In hac quoque & summum probum, & summum tormentum; ut merito censeri possit om-

D. ut. 21.
Lipsius lib 1
De Cruce,
cap. 12.

nium suppliciorum maximum. Quod enim ad probrū attinet, nulum supplicium magis infame, aut magis abominandum: nam & apud Iudæos *maledictus*, id est, detestandus & execrabilis erat *Deo omnis qui pendet in ligno.* & apud Romanos non nisi infimæ sortis hominibus, id est seruis, iisque extreme sceleratis irrogari solet. vnde & *supplicium servile* vocatum est. Tormento quoque & sensu doloris cætera superat. etsi enim pœna ignis videatur acrior, crucis tamen longè est diuturnior, vt hac ratione etiam multis ignibus æquari possit.

Lipsius lib 2
De Cruce,
cap. 1.

Hinc veteres hoc supplicium peculiariter vocarunt *summum & supplicium supremum*, (quasi maius illo reperiri nequeat) & ignis supplicio prætulērunt. Dominus igitur noster, qui omnium probra & culpas in se transtulerat, vt copiosum exhiberet lytron, elegit supplicia & ad contumeliam probrosissima, & ad sensum doloris asperissima. Vestibus igitur in rupe Caluaria, publico suppliciorum loco, coram infinita hominum multitudine rursus exuitur, nudus cruci imponitur, coaptatur, extenditur, manus clavis validis vi malleorū transfiguntur, rumpuntur nerui, venæ, arteriæ, & vnà cum carne in foramina crucis adiguntur; fit magna sanguinis effusio, & brachiorum violenta ex neruorum punctione conuulsio. Hinc venitur ad pedes: trahuntur inieccto fune magna vi ad foramem paratum, fit corporis totius valida extensio, apparent costæ & ossa corporis diuulsa, dissiliunt sectæ cutis & carnis vulnera, rursus sanguinis copia effunditur; tandem malleorum ictibus sacri pedum tori clavis transuerberantur, crucique affiguntur, abruptis vnà cum carne neruis, venis, & arteriis, quorum ibi præcipuus concursus. Denique in altum erigitur, & solo non sine ingenti concussione depangitur; sicque tres horas colluctans extremis illis tormentis, viuus persistit. Quis æstimet doloris, quem Dominus hîc sustinuit, immensitatem? nam præterquam quod in manibus & pedibus maximè sensus, ob neruorum coitionem, vigeat; hæc non tam fuere incisa, quàm vi disrupta & diuulsa, & simul arctissimè compressa & affixa. Multò autem maior est dolor in diruptione & compressione, quàm in incisione. Deinde hic dolor, pondere corporis assiduè deorsum trahente, factus est sensim etiam auctior. Quò enim quis diutius pendet, etsi non perfossus clavisque affixus, sed solum ex brachio ligatus, hoc maiores sentit dolores, adeò vt tandem fiant intolerabiles, vt ex tortura reorum constat: sic enim malefici torqueri solent, vt crimen vel socios fateantur. Quantus ergo dolor erit manibus

pedibusque confixis, diruptis, affixis, & appressis immiti ligno, præsertim in tam sano corpore, in tam nobili corporis temperamento, tantaque sensuum perfectione & vigore? Accedit vulnerum totius corporis concisi diuulsio, apertio, & renouatio: accedunt spineæ coronæ ad crucem offensiones, quibus aculei impulsu latiores & profundiores fecere puncturas. Denique totius corporis instar chordæ in arcum valida extensio, ita ut omnia ossa, testimonio Prophetæ, dinumerari potuerint; quæ extensio vel sola ad summum tormentum sufficit, ut equulei testantur. Hos omnes dolores simul sustinuit, & quidem pro inimicis, & iis ipsis qui illos irrogabant; non ut ab illis aliquid commodi perciperet, sed ut debitum eorum, quod illi soluere non poterant, dependeret; & chirographum, quo morti & inferno obstrangebantur, deleteret; ut ab exitio æterno, cui iam pridem addicti erant, eximeret, & vitam, salutem, ac gloriam sempiternam conciliaret. Quid ad tantam benignitatem, ad tam inauditam & ineffabilem misericordiam addi potest, per quam non solum infinita mala à nobis depulsa, & infinita bona procurata, sed etiam tam miris tamque difficilibus modis, cum tanta Diuinitatis exinanitione, & ut ita dixerim, incommodo; cum tantis laboribus, doloribus, ac diuinorum bonorum expensis; exhausto in id pretio immenso, vita nimirum & sanguine filij Dei; idque pro ingratis & inimicis!

Psalmi 21.

CAPVT XVIII.

De particularibus beneficiis.

144 **H**ÆC de generalibus diuinæ misericordiæ beneficiis, quæ Particularia beneficia. ad omnes homines pertinent; nunc breuiter dicendum de specialibus, quæ cuique in particulari impensa. Inter quæ primo Primum, Quod nati ano gratia. loco ponatur, quod aureo hoc sæculo, nempe tempore gratiæ, nasci nos voluit, non tempore Legis veteris aut naturæ. Magna tunc erat Discrimen utriusque sæculi. rerum diuinarum ignoratio, magna gratiæ cælestis & donorum salutarium inopia. Dominabatur pænè toto orbe diabolus tamquam in proprio regno, & loco diuini Numinis colebatur. Hic pro suo arbitratu videbatur regere omnia. hinc fiebat ut paucissimi ex immenso mortalium numero salutem consequerentur, omnibus pænè in sempiternum exitium ruentibus. Infelix planè sæculum, & omnino ferreum, etsi deliciis carnis & diuitiis sæcularibus, huma-

naque gloria apud quasdam gentes, quæ Monarchiam obtinebant affluentissimum. Quid si tunc nati fuisset, & stadium huius vitæ nobis decurrendum fuisset, potuissimûsne in tantis tenebris, in tanta naturæ & morum prauitate, in tanta cælestis auxiliij inopia, & diaboli potentia, æternam mortem euadere, & salutem adipisci? Valdè credibile est, tam parvis præsidiis fultos, & tot machinis impulsos, lapsuros, & communis consuetudinis æstu abreptos in exitium præcipitandos. Præsciebat hoc Dominus, & præuenit nos ab æterno misericordix suæ benigno proposito, ex infinita hominum multitudine nos seligens, ac nostros natales vitæque cursum in tempus gratiæ reseruans. tempus, inquam, gratiæ, sæculum verè aureum, vel potius gemmeum, quo tenebræ infidelitatis discussæ, idololatria sublata, principatus diaboli depressus, cælum apertum, diuina misericordia patefacta, via salutis propalata: sæculum, quo tam eximium offertur Sacrificium, tam diuina participatur Hostia, & tam efficacia suppetunt Sacramenta; quo tanta est vbertas diuinæ gratiæ, tanta facilitas reconciliationis, tanta facultas merendi, tanta subsidia perseuerandi, tanta commoditas singulis pænè momentis cælestem augendi coronam: sæculum, quo melliflui sunt cæli, quo montes stillant dulcedinem, & colles lacte & melle manant; quo singulis horis exiguo labore & minutis operibus nostris possumus inæstimabiles & æternas diuitias accumulare. Magna itaque est felicitas, hoc æuo natum esse, magnum beneficium, pro quo infinitæ Deo gratiæ sunt agenda.

*Secundum,
Quod nati à
Christianis.* 145 Secundò, Quod nati à parentibus Christianis, & Christianè educati. Non minus est istud beneficium quàm prius. Quid enim profuisset nasci tempore lucis & gratiæ, si ipsi inter tenebras in medio infidelitatis inter Brasilijs, Indos, vel Caphros editi fuisset? Non enim fuisset participes lucis & bonorum huius æui aurei, sed in pristini sæculi miserrima sorte, hoc est, in ignorantia diuini Numinis & salutaris viæ, atque in omnium vitiorum colluie cum certissima damnationis æternæ expectatione mansissemus. Neque putet quis ex naturæ cursu potius quàm ex diuinæ prouidentix decreto & designatione prouenire, quod hic ex illo, iste ex alio parente nascatur, tali dispositione corporis talem animam non aliam postulante. Non ita est: nulla enim est dispositio in embryone, nulla qualitarum syndrome in corpusculo animando, cui non sint aptæ infinitæ animæ ex iis, quæ in thesauris diuinæ sapientiæ & potentiæ sunt reconditæ. Imò valdè verisimile est, quamuis dispositionem

*Ex diuino
bono, lacito
id prouenire.*

corporis humani completam in vtero cuius animæ rationali aptam esse; & posita tali dispositione, quamvis infundi posse. Quod probari potest Primò, Ex resurrectione. Maior enim est discrepantia inter dispositiones vltimas corporis nascentis & resurgentis, quam inter dispositiones vltimas omnium nascentium: atqui eidem animæ infundendæ aptæ sunt & congruæ non solum dispositiones corporis sui nascentis, sed etiam resurgentis: ergo etiam omnes dispositiones nascentium illi aptæ erunt, & ad eas infundi poterūt. Deinde, Sapientiæ 8. dicitur: *Puer eram ingeniosus, & sortitus sum animam bonam.* vbi Salomon tamquam singulare beneficium Dei refert, sortitum esse *animam bonam*, id est ingeniosam, & ad bonum procliuem, quasi eidem corpori potuerit infundi minùs bona, minùs ingeniosa. Ergo id non pendet ex dispositione corporis, sed ex Dei electione, qui pro suo beneplacito præstantiorem vel minùs præstantem animam infundit. Quòd enim animæ, etsi sint eiusdem speciei communis, multum inter se discrepent perfectione substantiali indiuidua, mihi valdè credibile. Idem dixerim de Angelis eadem specie communi comprehensis. Nam si inter corpora humana tanta est diuersitas, vt in tam innumerabili multitudine vix sit duo reperire vultu & temperamento planè similia; cur non idem putemus de multitudine animarum? Amat enim natura in rebus varietatem, & quantum potest, fugit paritatem. Cernere id est ferè in omnibus indiuiduis animantium & plantarum. An fortè spiritalis natura non est capax tantæ varietatis, quantæ corporalis? Meo sensu etiam longè maioris capacem dixerim, non solum in speciebus, sed etiam in eiusdem speciei indiuiduis, de quo alibi fortè erit dicendi locus. Tertiò, Sæpè videmus in pessimo corpore optimam animam, & in optimo corpore pessimam animam: homines enim vitiosi temperamenti, interdum sunt præstantis ingenij, & ad omnem virtutem expediti; & contrà nonnulli probissimi temperamenti, sunt stupidi, & ad virtutem minùs idonei. Non ergo conditio animæ sequitur corporis temperamentum, neque anima sui corporis temperamento ita est addicta & veluti commensa, vt non aliis temperamentis possit accommodari.

Ex his concludo: Cùm animæ omnes creentur à solo Deo, nulla creatura cooperante, formato in vtero materno corpusculo, posse Deum quamvis animam creare, & illi infundere; neque ad hanc vel illam animam creandam potiùs quàm ad aliam à dispo-

sitione corporis, sed à suo beneplacito determinari. Beneficium ergo ingens in eo recognoscendum, & misericordiae diuinæ imputandum, quòd non ab infidelibus, sicut alij innumerabiles; sed à fidelibus, & inter fideles nati sumus; vbi & Baptismum & Christianam institutionem consecuti, & viam salutis ab infantia edocti. Quantum est discriminis inter sortem barbarorum & Christianorum? Illi destituti cognitione Dei, & futurorum bonorum ac malorum, totiusque semitæ salutis æternæ ac mortis, destituti beneficio redemptionis Christi, in omni vitiorum fœditate volutantur, absque vlla prope modum spe damnationis æternæ euadendæ. nos autem per Baptismum abluti, & Christo insiti, facti sumus hæredes vitæ æternæ; & luce cælestis doctrinæ collustrati, nouimus viam salutis, & per illam, mirandis adiuti præfidiis, magna fiducia ad æternam vitam contendimus. Sanè beneficium hoc tam ingens est, vt nec verbis explicari, nec mente humana possit comprehendere.

praeservatio
ab hæresi.

2. Tim. 2.

146 Tertium beneficium, Quòd ab hæresi in primis, & aliis innumeris peccatis præseruati. Monuit Dominus, & post Dominum Apostoli, venturos *nonisimis temporibus seductores & falsos prophetas*, vt ab illis diligentissimè caueremus. Succreuerunt illi nostris temporibus vberrimè vt herba irrigua, diaboli fatu & cultura. Multa centena hominum millia ab illis seducta, & seducuntur indies plurimi. Ingentia sunt huius ætatis pericula, præsertim iis qui inter tale genus hominum degunt, & cum illis aliquando versantur. nam *sermo eorum vt cancer serpit*, integra regna breui peruadens, & instar flammæ omne bonum depascens, ipsis etiam fundamentis salutis penitus absumptis. Felices quos diuina misericordia ab hoc contagio præstitit immunes. Considera miseriam eorum qui in hoc barathrum ceciderunt: tenebras nefandas cælestem putant lucem, & lucem tenebras; errores exitiales veritatem salutarem, & ipsam veritatem censent errorem: præcipitium inferorum viam salutis vocant, & verum salutis iter mortis compendium: securos se putant vitæ beatæ, cùm certissima sit eorum damnatio, nisi perfidiam deponant: malum amplectuntur loco boni, & verum bonum instar mali detestantur. Denique eò magis insanabiles, quòd infinita quadam vel superbia vel vecordia sensum suum omnium sæculorum præteritorum & totius Ecclesiæ Catholicæ iudicio ante ponunt, tamquam ipsis solis sapere sit concessum, & sancti Patres Doctoresque prisci & neoterici sint fungi vel pepo-

nes. Ex magnitudine huius mali, & periculis huius aui, æstimanda est illius beneficii magnitudo, Deoque infinitæ gratiæ agendæ. Neque solùm quòd ab infidelitate, sed etiam, quòd ab aliis innumeris peccatis præseruati, in quæ nisi diuina misericordia singulari cura & prouidentia nos præuenisset & custodisset, eramus prolapsuri. Nul- lum enim peccatum facit homo, quod non faceret alius homo, nisi eum custodiret qui pro ipso factus est homo. Quid enim diabolus in nos in tanta naturæ imbécillitate & prauitate non posset, nisi diuina bonitas nostri miserta nos protegeret, & suæ gratiæ auxilio corroboraret & iuaret? Itaque diuinæ misericordiæ assignanda non tantùm opera bona quæ facimus, sed etiam effugia malorum quæ vitamus.

147 Quartum beneficium, Quòd à multis damnationis æternæ periculis erepti, & ad pœnitentiam & salutem reseruati. Cogita quoties gehennam sis commeritus, quoties iram diuinam & cæleste fulmen in caput tuum accerseris; & tamen Dominum tibi pepercisse, vitamque prorogasse, & tempus concessisse pœnitentiæ, quod aliis innumeris qui minora peccauerant est negatum. Sunt enim innumerabiles æternis incendijs addicti, qui tamen paucioribus quàm tu peccatis fuere obnoxij. Quid diuinæ clementiæ pro tanta rependes indulgentia? Toties enim ab inferorum faucibus liberasse censi debet, quoties te id merentem non præcipitauit, quoties tibi præ aliis infinitis te melioribus seu minùs malis pepercit, & culpas emendandi tempus concessit? Vide ergo ne illud Apostoli ad Rom. 2. in te locum habeat: *An diuitias bonitatis eius (Dei) & patientiæ & longanimitatis contemnis? ignoras quoniam benignitas Dei ad pœnitentiā te adducit? Secundum autem duritiā tuā & impœnitens cor thesaurizas tibi iram in die iræ & reuelationis iusti iudicii Dei, qui reddet unicuique secundum opera eius.* & illud Iob 24. *Dedit ei Deus locum pœnitentiæ, & ille abutitur eo in superbiam.* Quisque cogitet quoties id à se factum, & diuinæ misericordiæ parcenti se obstrictum æternum fateatur.

*A periculis
damnationis
ereptio:*

Rom. 2:

*Educatio in
literis.*

148 Quintum beneficium, Quòd in literis educatus, & insignem rerum diuinarum & salutarium notitiam adeptus. Hoc maxime pertinet ad Theologos: estque sanè magnum Dei beneficium, quòd non ad artem aliquam sordidam ac infimam, non ad quæstus emporicos, non ad militiæ sæua & periculosa exercitia, non ad vana & saluti inutilia vel noxia studia diuina prouidentia mentem tuam inflexerit; sed ad studia mobilium disciplinarum, ad animi

cultum & ornatum, qui rebus corporalibus longè antecellit. Philosophicæ enim disciplinæ mentem rebus humanis celsiorem, & ad omnem virtutem aptiorem reddunt, gradumque ad Dei cognitionem & amorem struunt, sed in his non stetit, vlteriùs te prouexit, & ad diuinorum eloquiorum intelligentiam, ad suorum mysteriorum & salutarium dogmatum scientiam perduxit; vt ea & distinctiùs conciperes, & clariùs cognosceres, & firmiùs crederes, & fortius retineres, & efficacius ad omnis operis boni praxim apprehenderes, vtque iam non solum crederes, sed etiam quodammodo videres Religionis nostræ veritatem & eminentiam, teque rectum & securum salutis iter tenere. Neque tibi soli saperes, sed etiam in alios hanc lucem posses transfundere, & omnes hæreseon errores illi aduersantes refutare & pessumdare. Hæc est vera illa sapientia, omni auro & gemmis pretiosior, omnibus honoribus & sceptis eminentior, cui nulla res huius mundi valet comparari; contra quam cetera quæ homines magni æstimant, diuitiæ, honores, voluptates carnis, in libella veritatis & diuini iudicij nullius sunt ponderis aut momenti, sed mera vanitas, & ipsa vanitate leuiora. Magnum itaque hoc est beneficium, paucioribus indultum, magni solatij, & fructus eximij.

Sacerdotiū.

149 Sextum beneficium, Quòd ad Sacerdotium noui Testamenti euectus. Hoc ad omnes Sacerdotes præcipuè pertinet. Nihil maius vmquam vlli creaturæ in cælo aut in terra collatum. Quid enim maius esse potest, quàm posse peccata remittere, iniurias dei condonare, impios Deo reconciliare, animas ex faucibus inferni eripere, ex filiis iræ filios Dei creare, spiritum adoptionis infundere, ius cælestis regni amissum restituere; & quod his omnibus est admirabilius, diuinissimam illam hostiam consecrare, Corpus & Sanguinẽ Christi (iuncta anima & vnione Verbi) conficere, & sui Conditoris, vt ita dixerim, esse conditorem & auctorem, aliaque stupenda, quæ huic mysterio implicata, patrare, & diuinum Numen humanis rebus conciliare. Nihil sanè his admirabilius aut grandius animo cõcipi potest: non enim minùs est mirabilis aut difficilis peccati remissio, impij sanctificatio, hominis deificatio, Corporis Christi consecratio, quàm cæli & terræ creatio; omnia enim infinitam virtutem & auctoritatem requirunt. Hæc tamen potestas non Patriarchis aut Prophetis, non Angelis aut Archangelis, non Cherubinis aut Seraphinis nobilissimis purissimisque spiritibus, non ipsi denique Dei Matri sanctissimæ concessa est; sed tibi
ni-

indigno, terreno, luteo, peccatori, præ aliis innumeris te melioribus diuina miseratione indulta.

Septimum beneficium sit pro Religiosis, Quòd ad Religionem ad- Statu Reli-
gionis.
ductus. Magnum est hoc & inæstimabile beneficium, quibus ea fors obtigit: est enim consilium Christi magni Doctoris nostri, prioribus sæculis absconditum; mundo quidem ignotum & paradoxum, sed sapientiæ & fructus plenissimum. Magni solatij est homini, si cōsciū sibi sit, quòd consilium Dei sit secutus. Verum de hoc beneficio satis dictum in Tractatu De statu vitæ diligendo, quæst. vltima.

CAPVT XIX.

Quid rependendum Deo pro tanta misericordia.

150 **E**XPOSITIS summatim generalibus & specialibus misericordiæ diuinæ in nos beneficiis (de præcipuis loquor) superest vt dicamus breuiter quid debeamus tantæ benignitati pro tot tamque inæstimabilibus & immensis bonis rependere, ne ingrati-
tudinis vitium incurramus; quòd sanè virium est pessimum & salutis peremptorium. Nam vt S. Bernardus Serm. 51. in Cantica ait: *Ingratitudo inimica est animæ, exinanitio meritorum, virtutum dispersio, beneficiorum perditio. Ingratitudo ventus urens, siccans sibi fontem pietatis, rorem misericordiæ, fluentia gratiæ.* Hoc vt euitemus, quatuor potissimum à nobis gratitudo, quæ ei rependamus, deposcit: *memoriam, amorem, seruitutem seu obsequium, & perpetuam cum gratiarum actione laudem.* Ingratitudi-
nis malum.

Quatuor re-
pendenda.
Hæc ordine ex virtute gratitudinis sequuntur, & per hæc quo potest modo beneficia accepta compensat.

Primum quod rependi debet, est *beneficij memoria*. Nihil sanè minus referri potest benefactori, quàm memoria beneficij, qua is qui accepit, illud sibi gratum esse, & à se æstimari ostendit. Vnde ingratiſſimus est, qui beneficij accepti ne recordatur quidem, aut ad memoriam aliquando reuocat. Indicat enim eo neglectu, se illud parui aut nihili ducere, nec mereri vt eius consideratione animum occupet. Tales sunt hodie innumeri, qui ita in rebus infimis sunt immerſi, & in omnia alia intenti, vt vix vmquam de diuinis beneficiis, nisi fortè obiter, cogitent; quasi hæc terrena & pereuntia sint maioris meriti quàm illa, quæ Dominus vel nobis contulit, vel pro nobis gessit, vel nobis promisit. O viles & cæcas animas!

Tc

itanè mundi huius præstigiis estis fascinatæ, vt tanta beneficia tam parui pendatis, & temporalia ista vana & plerumque noxia illis anteponatis? Sed cuique hîc considerandum non tam quid alij agant, quàm quid ipsemethac in re præstiterit, & quid præstare debeat; nimirum quàm parum diuina beneficia recoluerit; quàm rarò, quàm obiter de illis cogitarit, quàm parui æstimauerit, quàm in omnia alia intentus, in studia, in ludos, in honores, in sua commoda, in officia vel beneficia acquirenda; neque solùm se immemorem præstiterit beneficiorum, sed etiam maleficia & iniurias Deo pro illis rependerit. qui sanè summus est ingratitudinis gradus. Hæc vbi in se deprehenderit, doleat quam primùm, & emendet firmo proposito assiduæ commemorationis, vt nullus dies absque huiusmodi aliqua consideratione & gratiarũ actione effluat. Et quia nulla mens creata par est tantæ rei pro dignitate cõsiderandæ, ideò nõ segniter aut obiter, sed intētissima animi speculatione incūbendum, examinatis circumstantiis personarum, locorum, tēporum, finis, modi, mediõrũ, causarũ, effectũ, adhibitis exemplis & comparationibus similium & dissimiliũ, ratiocinatione, analogico ascensu, vt mens, quantũ fas est, magnitudinẽ beneficiorum Dei percipiat, sibi que ita informet animo, vt numquam excidant, fructumque vberimum ex suauissima illorũ memoria colligat.

Secundum,
Amor.

151 Secundum quod debemus rependere, est *amor* in benefactorum. Cũ enim nihil dignum in vicem tantorum beneficiorum re ipsa possimus præstare, par est vt saltem affectu compensemus. Hoc autem fit amore, qui bonum quod conferre non potest, vel gratulatur si adsit, vel optat si desit, vel procurat si potest. Sed quo modo hũc amoris ignem in nobis accendemus? Beneficiorum attenta & assidua commemoratione. Sicut enim solis radij speculo excepti, & in vnum collecti, calorem ingentem & etiam ignem excitant; ita diuina beneficia mente collecta, & attentius considerata, feruorem charitatis & amoris caelestem ignem in cordibus nostris accendunt. Vnde contemplatiui docent, non esse efficaciorẽ rationem ad extaticum amorem, quo mens à sensibus abducta in Deum veluti liquescit, pertingendi, quàm per diuinorum beneficiorum considerationem.

Amor fit
compensatio
per effectum.

Inconsidera
tione benefi
ciorum Dei
tria expen
denda.

152 In hac consideratione tria potissimũ expendenda; nostra indignitas, Dei eminentia, beneficiorum magnitudo. Et quamuis hæc suprà satis persecuti simus, hîc tamen breuiter, quasi per anacephalæosin, ob oculos ponenda.

Nostra indi
gnitas.

Primò, Nostra indignitas, tum ratione naturæ, tum ratione

peccati; nempe quòd ex nihilo, quòd ex nobis nihil sumus, quòd in nihilum semper propendamus, quòd infimus naturæ rationalis terminus, quòd bestiis affines & terrenis addicti, quòd mente cæci, & semper in malum proni; quòd filij iræ, inimici Dei, omni eius beneuolentia & fauore indigni; quòd æternæ mortis & inferno carceri ratione peccatorum nostrorum addicti.

• Secundò, Dei eminentia, cuius essentia, infinitas; magnitudo, *Dei eminentia.* immensitas; vita, æternitas; status, immutabilitas; cuius virtus, omnipotentia, amor, sanctitas; beneuolentia, vita æterna; ira, mors æterna: cuius imperio subsistunt omnia, cuius prouidentia omnia conseruantur, & in suos diriguntur fines; cuius palmo concluduntur omnia, & in nihilo suspensa continentur; cuius comparatione vniuersitas rerum est instar puncti, vel potius instar nihili. Hic igitur talis ac tantus nobis tam pusillis & tam nihili creaturis, tam indignis & ingratis tam immensa beneficia contulit.

153 Tertiò loco spectanda ipsa beneficia. Primò quidem, quòd cum non essemus, & æterno retrò tempore in tenebris non-entis delituissemus, sine vita, sine specie, sine esse, ex nihilo mirabiliter condiderit, quòd ad imaginem sui formarit, quòd diuinitatis & gloriæ suæ capaces fecerit, quòd hunc mundum, cum omnibus suis opibus, ornamentis & commodis in nostrum vsum, obsequium, & solatium fabricarit, quòd cælestes spiritus in custodes & pædagogos nobis assignauerit, quòd ad æternam vitam & gloriæ suæ consortium nos destinauerit, facillimis ad hoc attributis adminiculis. Deinde cum per peccatum à prima illa status felicitate in exitium lapsi essemus, quòd rursus nostri misertus, ab æterna morte redemerit, quòd ex inimicis filios Dei constituerit, quòd ius cælestis hæreditatis nobis instaurarit, quòd nostra causa formam serui induerit, & nostræ naturæ infirmitates suscepit; quòd tot tantosque labores, & dolores, & contumelias, & probra pertulerit, quòd vincula, flagella, sputa, alapas, coronam spineam, clauorum perfossionem, denique crucem & mortem cum infinito cruciatu sustinuerit; quòd immensum suorum meritorum thesaurum nobis ad perpetuam reconciliationem reliquerit, quòd Corpus & Sanguinem suum in Sacrificium propitiationis & in alimentum immortalitatis nobis legauerit, quòd tam facilibus & efficacibus salutis remediis (Sacramentis inquam saluberrimis) nos instruxerit. & hæc quidem omnibus sunt communia. *Beneficia diuina generalia.*

154 Postremò consideranda quoque particularia quæ cuilibet præ *Consideratio particulariū beneficiorum*

T r ij

innumeris aliis præstita; ut quod à parentibus fidelibus ævo isto beato sis natus, quod inter fideles & in fide orthodoxa educatus; quod salutis viam egregiè edoctus, quod ab hæresi præservatus, & à plurimis damnationis periculis ereptus, quod infinitis miserationibus præventus, quod Sacerdotio ornatus, quod ad Religionis portum (si fortè hæc tibi bona obtigerunt) adductus, & alia huiusmodi. Ecce breuiter & summariè catalogum beneficiorum Dei. Quanta se aperit in istis misericordiae abyssi! quàm immensum benignitatis & dulcedinis pelagus! quàm incomprehensibilis charitas! superant ista & singula eorum omne eloquium, omnem sensum, omnem æstimationem, omnem intelligentiam creaturarum omnium.

155 Ex horum cōsideratione excitabitur in nobis amor & desiderium Deo vicissim gratificandi, nosque totos in ipsius obsequium & honorē impendendi. Si enim tantus Dominus, tot tamque immensa beneficia, tã miris & arduis modis, nobis tã indignis & ingratis prærogauit, nullius sui commodi, sed nostri dūtaxat boni causa, ut nos ad gloriã suam eueheret; quid erit adeò magnum vel difficile, quod vicissim ad ipsius honorē cultūque augendum præstare non debeam?

Obsequium
perpetuum.
Decem titu-
li Deo ob-
stricti.
Primus,
Creatio.

156 Hinc sequitur tertium, quod ex gratitudine Deo rependere debemus, nempe *seruitutem & obsequium perpetuum*. Et quamvis plurimis titulis Deo nexi & obstricti simus, quibus ipse à nobis æternam seruitutem exigere potest, præcipui tamen sunt decem.

Triplici mo-
do à Deo de-
pendemus.

Primus titulus quo Deo seruitutem debemus est *ratione nostræ creationis*. Ipse enim nos ex nihili tenebris ubi ab æterno delitueramus, in lucem essentiae & naturæ eduxit: ipse ad *imaginem & similitudinem* suam formauit: ipse *ad seipsum* tamquam ad proprium nostrum finem nos condidit & ordinauit. Itaque in hoc titulo triplex ratio debiti continetur; quia triplici modo Deus est causa nostri esse & naturæ; & nos ab illo triplici modo dependemus, nempe tamquam à causa *effeetrice*, *exemplari*, & *finali*. Et hæc dependentia non est accessoria aut extrinsecus adueniens, qualis est dependentia huius domus ab hoc fabro, vel imaginis ab hoc pictore (poterant enim ista æquè ab aliis fieri) sed est omnino intrinseca & essentialis: adeo ut natura nostra sine hac dependentia ne concipi quidem animo aut intelligi perfectè possit. Vnde sequitur ex Creatione, nos essentialiter esse Dei; ac proinde nos ex vi essentiae nostræ eius seruituti obstrictos, idque triplici ratione & nexu. Primò, quia eius opus sumus & figmentum. Secundò, quia eius

Triplici ne-
xu obstricti
seruituti
Dei ex vi
nostræ essen-
tiæ.

imago & imitatio. Tertiò, quia ipse noster finis ad cui seruiendum conditi sumus.

157. Singuli isti tituli etiam per se & seorsim spectati, omnem à nobis seruitutem & omne obsequium postulant. Vt enim eius opus sumus, longè plus ille in nos iuris habet, quàm dominus in infirmum Singuli per se sufficiens ad omnem seruitutem. mancipium, & possessor in iumentum, & figulus in testam, & pictor in statuam, & quilibet opifex in suum opus. opifex enim solam externam figuram rebus arte factis tribuit, Deus verò vsque ad fundum penetrans rem totam in solidum producit, eique totum suum esse, totam naturam, speciem, & ornatum intrinsecum tribuit. Quare si dominus de suo iumento, & opifex de suo opere pro arbitrio statuere, & eo prout libet, vti potest: multò magis Deus de nobis & rebus creatis vniuersis. Potest itaque nos extollere & deprimere, percutere & sanare, affligere & consolari, occidere & viuificare, saluare & condemnare: nec quisquam ei dicere potest, Cur sic mecum agis? ipse enim iure suo & re sua vtitur, cùm ipsius plenissima subiectione, & absolutissimo dominio sint omnia. Hac ratione S. Scriptura passim rerum omnium dominium Deo tribuit, quòd omnia sint ipsius opera & figmenta. *Tui, inquit, sunt cali, & tua est terra, orbem terra, & plenitudinem eius tu fundasti: Aquilonem* Ps. 124. *& mare tu creasti.* & Apostolus Paulus: *Deus, qui fecit mundum & omnia quæ in eo sunt: hic cali & terra cùm sit Dominus,* &c. Act. 17.

Quatenus eius imago, ita ei subiecti sumus & seruire debemus, sicut imago suo prototypo. Vnde sicut totum imaginis officium, & totus eius vsus ac functio est, imitari & exprimere in se suum exemplar: ita totum officium hominis est imitari Deum, eiusque perfectiones, nempe sapientiam, charitatem, sanctitatem, mansuetudinem, patientiam, misericordiam & iustitiam, quantum fas est homini in se exprimere & repræsentare. Est enim homo imago Dei, non mortua, sed viua & sui arbitrij, in cuius potestate est magis vel minus exemplari suo se assimilare. Ex hoc titulo monet Dominus discipulos suos: *Estote perfecti, sicut & Pater vester celestis perfectus est:* Matth. 5. nimirum quia filius est imago patris: imago verò suum exemplar imitari & exprimere debet.

Denique, prout ipse finis noster est, etiam ei summam debemus seruitutem: quamuis nec ab ipso, nec ad ipsius similitudinem essemus conditi. Hoc ipso enim quo ex naturæ nostræ conditione ad eius seruitutem instituti sumus, ei seruire debemus non minùs.

*Servire Deo
quid.*

quàm corpus animæ, iumentum domino, vasculum possessori, instrumentum opifici. *Servire Deo* est ipsum cognoscere, timere, amare, honorare, laudare, servare eius præcepta, & omnia ad eius gloriam facere. Hic est finis noster, ad hoc instituti & conditi sumus. Non enim ideò facti sumus, aut in hanc vitam venimus, ut comedamus & bibamus; ut diuitiis, honoribus, voluptatibus huius vitæ ad momentum fruamur, (indigna sunt infima ista & transitoria, in quibus mens nostra summi & æterni boni capax occupetur;) sed ut Deum, bonum infinitum, cognoscamus & amemus, eiusque præcepta ad breue tempus servando, æternam beatitudinem, quæ in eius clara visione, amore, & fruitione sita est promereamur. Quod ita esse, ex eo etiam confirmari potest, quòd finis cuiuslibet rei sit perfectissima eius operatio. Quare cum cognoscere, amare & laudare Deum sit perfectissima operatio hominis tam in hac vita quàm in futura, (ut pote perfectissimæ potentiæ circa perfectissimum obiectum, & perfectissimo modo, nempe per fidem vel visionem;) perspicuum est id esse ultimum finem hominis.

*Perfectissima
ratio operatio
est eius finis.*

Ex quibus manifestum est, ex sola creatione nos triplici titulo naturaliter esse dei servos, eique omnem debere famulatum; ita ut nos totos eius obsequio mancipare debeamus, si huic debito utcumque velimus satisfacere. Primo, quatenus eius sumus figmentum & opificium: secundo, quatenus eius imago & imitatio: tertio, quatenus ad eius servitutem conditi ex natura nostra, tamquam ad proprium finem nostrum, sumus. Nulla potest fingi, aut animo concipi maior subiectio, nulla maior obligatio, nullum arctius aut penitius vinculum servitutis.

*Secundus,
Creatio mū-
di & Ange-
lica custodia.*

158 Secundus titulus generalis est, *ex creatione mundi, & deputatione Angelorum in nostrum obsequium*. Deus non solum hominem ad suam imaginem & ad sibi serviendum condidit; sed etiam condidit hunc mundum & omnia quæ in eo sunt, ad hominis usum & obsequium: insuper Angelicos spiritus, principes Regni sui, ad eius custodiam & directionem deputavit. Triplex hic continetur beneficium. Primum, quòd mundum totamque naturam corpoream in nostrum commodum fabricavit: non enim Angeli mundo egebant, cum absque tota natura corporali felicissimè possent vivere; sed hominibus ad innumeros usus erat necessarius. Secundum, quòd mundum nostra causa non solum fabricatus sit, sed etiam assidue laborare & nobis servire faciat. Nobis enim gy-

*Triplex hic
est beneficium.*

*Mundus ser-
vit homini,
& pro eo la-
borat assidue*

rantur cæli, splendet sol, lucent sidera, spirant venti, coguntur nubes, descendunt imbres, assurgunt montes, currunt flumina, mouentur maria, germinat terra, secundatur aqua, & parturit omnis rerum natura. Hæc omnia nostra causa, vt nobis seruiant & commodent, Deus sic esse, sic moueri & operari iussit. *Ille solem* Math. 5. *suum oriri facit super bonos & malos, & pluit super iustos & iniustos.* *Ille hominem constituit super opera manuum suarum.* Psalm. 8. *Omnia subiecit sub pedibus eius, oues & boves vniuersas, insuper & pecora campi: volucres cali, & pisces maris, qui perambulant semitas maris.* Tertium est, quod Angelos multò nobis præstantiores ad nostram destinarit tutelam.

159 Triplex hoc beneficium rursus de nouo triplici ratione à nobis ^{Triplicem} seruitutem ^{ratione} exigit. Si enim ille totam rerum naturam nostræ seruituti ^{exigit} mācipauit, omnis ratio postulat, vt vicissim nos totos illius obsequio ^{seruitutem} mancipemus. Si illius imperio & impulsu totus mundus sine intermissione pro nobis laborat, & nostris commodis noctes diesque seruit; par est vt nos illi tota vita sine intermissione seruiamus; præsertim cum eo ipso quo res creatæ nobis seruiunt, ipsemet nobis seruiat, & pro nobis assiduè in creaturis & per creaturas laboret. Ille enim sunt ^{Deus per} instrumenta, vt quæ omnem vim suam ab ipso habeant, & sine eius ^{creaturar} auxilio & cooperatione assidua nihil possint: ipse verò est principalis ^{pro nobis as-} motor, director & auctor omnium commodorum quæ nobis ex rebus ^{siduè labo-} creatis proueniunt. Itaque si Deus ipse continuò pro nobis laborat, vt nostris commodis seruiat: qua fronte nos illi seruire, & pro eius gloria laborare recusabimus? Denique, si etiam principes Regni sui nostris commodis seruire voluit; quod tandem genus seruitutis & obsequij ei non debeamus? præsertim cum hæc omnia in eum finem nobis præstiterit, vt nos ad suum obsequium alliceret. in hoc enim consistit omne bonum nostrum. Deo seruire, regnare est; & omnibus mundi regnis præstantius, & amabilius. Itaque omnis ratio, omnis æquitas postulat vt ei nos totos consecremus, qui vniuersam rerum naturam vnà cum cælestibus spiritibus in nostrum obsequium, commodum, & salutem mancipauit.

160 Tertiū titulus generalis est ratione *conseruationis*. Conseruatio enim rerum non minus beneficium est, quàm prima creatio, cum nihil sit aliud quàm creationis continuatio. Nam per illam operationem qua Deus omnia intimè continet & conseruat, continenter dat quod ab initio semel datum est. Non enim ita res factæ

^{Tertius;}
^{Conseruatio;}

sunt, ut possint per se consistere, sicut domus, & pictura vel statua semel facta, absente artifice per se stat: sed opus est continuo influxu quo singulis momentis detur quod semel datum est; alioquin omnia in nihilum evanescerent. Si ergo singulis momentis Deus confert totum illud bonum quod semel dedit: profectò singulis momentis nos obstringit ad suum obsequium. Non enim naturæ necessitate aut coactè, sed liberè & mera benignitate nos conseruat; cum singulis momentis potentia suæ manum qua nos sustentat, possit subtrahere, & sinere nos recidere in nihilum nostrum. Itaque libera illa tanti beneficii continuatio singulis momentis est instar noui beneficii, & nouam ac continuam seruitutis obligationem inducit. Quare ratione conseruationis non minùs toti sumus Dei, nec minùs ei subiecti, & ad eius seruitutem obstricti, quàm ratione creationis. Tres istos hæctenus commemoratos titulos complexus est S. Bernardus Serm. De quadruplici debito, his verbis: *Ecce in ianuâ est qui fecit celum & terram, & creator tuus est, tu creatura; tu seruus, ille dominus; ille figulus, tu figmentum. Totum ergo quod es, illi debes à quo totum habes; qui & te fecit & benefecit tibi; qui tibi ministrat siderum cursus, aëris temperiem, fecunditatem terræ, fructuum ubertatem. Huic reuerà totis medullis, totis viribus seruiendum, ne fortè indignationis oculo te respiciat, & despiciat, & conterat in æternum.* Hæc ille.

Quartus,
Liberatio à
triplici ser-
uitute.

161 Quartus est ratione liberationis à seruitute peccati, mortis, & diaboli. De hoc suprâ satis multa dicta sunt, quantum hoc sit beneficium, & quomodo ratione illius simus facti serui Christi, illique omnes nostras cogitationes, curas, studia, conatus, labores consecrare debeamus. Sanè etiamsi mille nobis vitæ, mille animæ, mille corpora suppeterent, & omnia in honorem Dei expenderemus, parum adhuc esset ad tanti beneficii compensationem.

Quintus,
Adoptio.

162 Quintus est, *Adoptio diuina*, & consequenter ius vitæ æternæ. Hoc quoque beneficium tanti est, ut nec infinitis obsequiis compensari valeat. Quid enim sunt opera nostra omnia ad excellentiam filiorum Dei, & ad tantam gloriam quæ ipsis est reposita? *Non sunt condignæ passionibus huius temporis* (inquit Apostolus) *ad futuram gloriam, quæ reuelabitur in nobis.* Etiamsi mille annis laborandum esset pro Christo, millies mors oppetenda, & subeunda martyrij tormenta; quid hoc totum esset ad æternam illam & beatissimam vitam, & gloriam filiorum Dei? Quidquid enim temporale est & transitorium, instar nihili est ad æternitatem. Itaque etiam

Rom. 8.

etiam hoc titulo omnia Deo debemus, & omnes vires ac functiones nostræ ipsius honori & cultui dicendæ. Accipit miles pensunculam annuam post diuturnos militiæ labores à Principe, & infinitis gratiis actis, reliquum vitæ ipsius dedicat obsequio, numquam non de Principis sui dignitate & imperio amplificando cogitans, paratus quibusvis periculis se obijcere, vbi de ipsius honore agitur: & nos adoptati à summo Rege, & ad cælestem hæreditatem vocati, non erimus solliciti de honore ipsius tuendo & amplificando? non totos nos illi addicemus & deuouebimus? Hæc duo beneficia significari etiam solent nomine *iustificationis*, quia iustificatio vtrumque complectitur; absolute tamen sunt distincta.

163 Sextus titulus est ratione *Incarnationis Verbi diuini*. Hoc im-
 mensum prorsus est, adeò vt licet infinitæ singulis suppeterent vitæ,
 omnes meritò traheret in sui famulatum: nam etiam infinitorum
 Angelorum & infinitorum hominum bona opera, seruitutes, cul-
 tus, honores, laudes, gratiarum actiones, huic vni beneficio paria
 esse nequeunt. Infinite enim maioris momenti est Dei illa humilia-
 tio, quàm totius creaturæ obsequium & bonum vniuersum. Itaque
 si tanta maiestas nostræ salutis causa ita se demisit, vt nostram na-
 turam, nostras infirmitates & misérias assumeret; quidnam tandem
 erit vel tam humile & abiectum, ad quod honoris ipsius causa nos
 non inclinemus; vel tam arduum, quod non aggrediamur; vel tam
 asperum, quod non amplectamur?

*Sextus, In-
 carnationis
 beneficium.*

164 Septimus titulus est ratione *laborum quos Verbum incarnatum pro
 salute nostra suscepit*; quibus mundum illustrauit, viam salutis docuit,
 & exempla omnium virtutum dedit. Obstrinxit nos Dominus labo-
 ribus & sudoribus suis, vt nos vicissim ipsius gloriæ nostros labores
 & sudores consecremus. Quid enim minus rependere possumus?
 Omnes omnium mortalium labores minimo Domini labore non
 sunt digni: nam omnis ipsius actio infiniti est pretij, immensi ponde-
 ris & ætimationis. Neque verò parui, aut pauci, aut breues fuisse
 labores illius, quos in salutem nostram exantlauit; sed maximi, in-
 numeri & assidui, præsertim triennio & trimestri postremo vitæ suæ,
 vt ex Euangelistis constat. Quis nunc inducat in animum vel con-
 queri, vel opinari se nimium pro honore Dei, pro salute proximo-
 rum laborare, cum videat Dominum nostrum tam ingentes & assi-
 duos labores cum tanta fatigatione corporis, tantisque incommo-
 dis, pro salute nostra subire? *Quid non suauè tibi, inquit S. Bernardus,*

*Septimus,
 Labores
 Christi.*

*Serm. De
 quadr. debi-
 to.*

V u

cum tibi collegeris omnes amaritudines Domini tui, & rememoraberis primum quidem illarum infatigabilium necessitatum, deinde laborum quos pertulit in prædicando, fatigationum in discurrendo, tentationum in ieiunando, vigiliarum in orando, lacrymarum in compatiendo, insidiarum in colloquendo: postremo periculorum in falsis fratribus, conuictionum, sputorum, colaphorum, irrisionum, subsannationum, exprobrationum, horumque similium, quæ in salutem nostri generis triginta tribus annis operatus & passus est in medio terræ.

Octauus,
passio.

165 Octauus est ratione *Passionis & mortis Christi Domini*. Sanguinem pariter & vitam cum immenso cruciatu salutis tuæ profudit; quid magni præstiteris, si vicissim in ipsius honorem, sanguinem & vitam exhauseris? quid enim est vita nostra ad vitam ipsius? vita vermiculi ad vitam Dei, quæ tamen posita est pro vita vermiculi? Sicut nihil ad aliquid nullam habet comparisonem, ita & vita nostra nullam habet ad vitam illius proportionem; cum illâ dignior, istâ inferior esse non possit. Cum ergo, inquit idem S. Bernardus, ei donauero quidquid sum, quidquid possum, numquid istud sic est sicut stella ad solem, gutta ad fluuium, lapis ad montem, granum ad aceruum? Non habeo nisi minuta duo, imò minutissima, corpus & animam, vel potius vnum minutum, voluntatem meam, & non dabo illam ad voluntatem illius, qui tantus tantillum tantis beneficiis præuenit, qui totum se totum me comparauit? alioquin si illam retinero, qua fronte, quibus oculis, qua mente, qua conscientia vado ad viscera misericordie Dei nostri, & audeo illius Sanguinis non guttas, sed vndas à quinque partibus corporis in meum pretium detorquere?

Bernardus
De quadruplici debito.

Nonus, Eucharistia.

166 Nonus est ratione *Eucharistiæ*. Hoc beneficium simpliciter infiniti est pretij, & nos totos, nostraque omnia vicissim postulat antidoron. Si enim Deus se totum dedit nobis, non solum in socium, in amicum, in magistrum, in exemplum, in redemptorem, in pretium & lytron, in hostiam & sacrificium; sed etiam in cibum & potum, in alimentum vitæ æternæ, ut sit in nobis, & nos in se transformet, suoque spiritu viuificet, & immortales ac beatos corpore & animo efficiat; cur non debeamus in vicem nos totos in eius famulatum expendere? aut quid excusationis poterimus obtendere, si aliò cogitationes & studia nostra conuerterimus? quid amplius potuit nobis conferre? quibus modis arctius nos sibi obstringere, aut amorem & obsequium nostrum vehementius sollicitare & exigere? Ipse tantæ maiestatis Dominus in salutem mei pusilli vermiculi tam multis, tam miris modis se impendit & expendit, & ut ita dixerim exhaustit; & ego ipsius gloriæ, cultui, & obsequiis me

non impendam? Etiam si infinitas haberem animas & vitas, omnes iam essent obnoxiae, omnes iure naturae illi addictae.

167 Decimus est *Thesaurus meritorum Christi*, & infinitae miserationes inde nobis impensae. Quanti hic valeat ad salutem, optimè nouit diabolus, qui tanto studio tantisque viribus per suos ministros haereticos nititur vascula illa, quibus ille nobis applicatur, (Sacramenta dico) euertere. Ex hoc thesauro est omnis nostra satisfactio, omnis reconciliatio, iustificatio, adoptio, & omne ius gloriae. Quoties à peccatis resurgimus, toties hic thesaurus nobis communicatur, ut per illum Deo pro iniuria satisficiamus, & adoptionem amissam redimamus. Quantum est hoc beneficium, ex quo nobis tot & tanta beneficia? Omnis iustificatio est immensi pretij: quoties itaque iustificati sumus à peccato, tot accepimus immensa beneficia. Quòd si vel vni beneficio, quod immensum sit, pares esse non possumus, etiam si omnium hominum & Angelorum bona opera rependeremus; quomodo tot eius miserationibus, quibus nos toties iustificauit (hoc est, toties à peccato, à morte aeterna, & diaboli tyrannide eripuit, toties pro nobis diuinæ iustitiae debitum nostrum persoluit, toties spiritum adoptionis & ius regni aeterni restituit) vllò modo respondere poterimus? Quis ista considerans, putabit se aliquid pro Deo fecisse, vel labores suos poterit magni pendere? *Quis*, inquit S. Bernardus Serm. De quadr. debito, *amplius grunnet, dicens: Nimiùm laboramus, ni-* Bernardus
suprà.
miùm ieiunamus, nimiùm vigilamus; cum nec millesimæ, imò nec minimæ parti debitorum suorum valeat respondere? Parum est quod sumus, quod habemus, quod possumus, & hoc totum iam illi debitum ob creationis beneficium. Quid ei pro tot aliis immensis beneficiis rependemus? Nihil superest, nisi ut millies, imò infinities, nostra duo minuta replicemus, eadem semper offerentes, & infinitis nominibus nos illi debitores & seruituti eius addictos confitentes. His addi potest consideratio beneficiorum particularium, quæ in singulos priuatim collata, de quibus suprà Cap. 18.

Ex his constat, quantis titulis & nominibus Deo simus obstricti, eique omnem debeamus seruitutem: ac proinde nisi ingrati & indigni eius misericordia esse volumus, nos totos eius honori & obsequio ad dicere & consecrare debere.

168 Quartum quod Deo rependere debemus, est *gratiarum actio*, *laus* & *benedictio*. Et quamuis hæc in obsequio & cultu, cui nos in tertio addiximus, contineri videantur; tamen quia in his spectatur

QUARTUM,
GRATIARUM
ACTIO.

peculiare officium gratitudini proprium, ideò aliquid de eis seorsim dicendum.

Laus.

Laus est deprædicatio excellentiæ alterius, præsertim in factis. Propriè enim laudamur ex iis quæ subsunt nostræ libertati. Sic Deus passim in Scripturis laudatur ex operibus iustitiæ & misericordiæ, & ex opere creationis & gubernationis. hæc enim sunt libera & excellentissima opera. Interdum etiam extenditur ad excellentias naturales (quamvis hæc potius honore quàm laude sint dignæ iuxta Aristotelem) vt cùm quis laudatur ab ingenio, à nobilitate, à robore corporis, à pulchritudine. Sic Deus aliquando à magnitudine, ab omnipotentia, à sapientia, à sanctitate, à bonorum omnium plenitudine laudatur. Laus diuina carmine concepta vocatur *Hymnus*.

Psalm. 150.
& 144. item
136. 143.
135.

Benedictio.

Benedictio nihil est aliud quàm boni imprecatio: vt cùm quis voto & verbo alteri benè præcatur. Continet duos actus, alterum voluntatis, quo vult ei bonum; alterum intellectus, quo illud bonum, quantum potest, confert. Est enim locutio practica interna vel externa, qua & exprimit affectum, & facit quod optat, si subest eius potestati: si non subest, tunc est inefficax, non defectu affectus, sed potestatis. Nostra *benedictio* erga Deum est inefficax, non defectu voluntatis & amoris, sed vel potestatis, vel etiam quia totum illud bonum quod ei imprecamur, possidet: & tunc habet vim gratulationis. *Gratulatio* enim est expressio & significatio gaudij, quod quis haurit ex eo quòd amicus aliquod bonum sit consecutus, vel iam possideat. Quòd si bonum sit extrinsecum, & nondum obtentum, vt cùm cupimus vt omnes mortales illum cognoscant, timeant, ament, colant & laudent, tunc si vera est *benedictio*, debet esse efficax, quantum in nobis est, nimirum vt vi illius incitemur ad illud bonum pro virili nostra promouendum. Dei verò erga nos *benedictio* semper est efficax, & confert totum quod imprecatur: quia facultas suppetit ad omne quod vult, & verbum eius ad quiduis efficiendum sufficit. Sicut si Rex, in cuius manu sunt omnes opes & dignitates regni, dicat; Esto tu Comes, ille sit Dux, ille Gubernator talis loci, tu posside tot millia annua, eo ipso illi hæc bona consequentur.

Gratulatio.

Gratiarum actio.

Gratiarum actio est professio beneficij accepti ad benefactorem directa in quamdam compensationem. Agere enim gratias, nihil est aliud quàm profiteri gratiam beneficij, (id est, te gratis absque tuo merito, ex dono & liberalitate benefactoris accipere;) idque vt

ipsi hanc laudem & veluti honorem pro accepto beneficio quasi rependas. Vnde etiam est genus quoddam honoris, quo te quodam modo benefactori humilias, & eius quamdam excellentiam profiteris. Quam ob causam etiam cum vilitata & communi honoris exhibitione fieri consuevit, verbi gratia, aperiendo caput, inclinando corpus, &c.

169 His explicatis, dico nos debere Domino Deo nostro gratiarum actionem infinitam; nempe infinito tempore in futurum, infinito affectu & significatione gratitudinis, & infinita cum animi demissione. Ratio est, quia beneficia eius & sempiterna sunt, & infinitæ æstimationis, tum in seipsis, tum ratione modi quo nobis sunt collata; & nos illis infinitè quodammodò indigni. Simili modo debemus illi infinitam laudem & benedictionem, infinitum amorem & obsequium, tum quia infinito amore, obsequio, benedictione & laude ob infinitam suam perfectionem in se dignissimus est; tum quia ipsius beneficia ex parte sua hanc infinitam compensationem postulât, quamvis ex parte creaturæ ea præstari non possit. Infinitè itaque in omnibus absumus ab eo quod ipsi est debitum, seu ab eo quod ipse ex parte sua meretur. Vt tamen ex parte nostra præstemus quod possumus, animos nostros ad laudes diuinas crebrò excitemus, & cum Propheta dicamus: *Benedic anima mea Domino, & omnia quæ intra me sunt, nomini sancto eius. Benedic anima mea Domino, & noli obliuisci omnes retributiones eius. qui propitiatur omnibus iniquitatibus tuis, qui sanat omnes infirmitates tuas. qui redimit de interitu vitam tuam, qui coronat te in misericordia & miserationibus, qui replet in bonis desiderium tuum.* & alibi: *Exaltabo te Deus meus rex, & benedicam nomini tuo in seculum, & in seculum seculi. Per singulos dies benedicam tibi, & laudabo nomen tuum in seculum, & in seculum seculi:* & quæ sequuntur, ubi laudes diuinæ maiestatis, misericordiæ & benignitatis pulcherrimè exequitur. Rursus Psal. 88. *Misericordias Domini in eternum cantabo; in generationem & generationem annuntiabo veritatem tuam in ore meo, &c.* & Psal. 33. *Benedicam Dominum in omni tempore, semper laus eius in ore meo, &c.* 170. Et quia admodum exiguum est quod per nos possumus, conemur supplere per amicos, & accersamus in societatem Angelicos spiritus, caelestia corpora, sublunaria omnia, & vniuersam creaturam animatam & inanimam, vt nobiscum & pro nobis Deo de infinita ipsius in nos misericordia gratias agat, eumq; laudet & benedicat. Sic Propheta David multis locis miro affectu, & veluti diuino

Quanta gratiarum actio Deo debita.

[Psal. 101.]

[Psal. 144.]

amore ebrius, omnem naturam creatam, quæ in cælo & quæ in terra ad laudem Dei prouocat. vt Psal. 148. *Laudate Dominum de cælis, laudate eum in excelsis: laudate eum omnes Angeli eius, laudate eum omnes virtutes eius: laudate eum sol & luna, laudate eum omnes stellæ & lumen:* & quæ sequuntur. Et socij Danielis in fornace Babylonica.

Dan. 3.

Quomodo
ratione ca-
rentia Deum
laudant.

Benedicite omnia opera Domini Domino, laudate & superexaltate eum in sæcula. Benedicite Angeli Domini Domino, benedicite cæli Domino, &c.

Laudant creaturæ ratione carentes Deum, tum quia sunt veluti voces quædam, potentiam, sapientiam & bonitatem Conditoris sonantes; tum quia naturam rationalem sua specie ad laudem & benedictionem excitant; denique per Protopopæiam affectu nostro illis rationem & intelligentiam beneficiorum Dei vouente, dicuntur ad laudem prouocari. Sæpissimè autem Propheta Dauid excitat homines ad laudem Dei. Psalm. 32. *Exultate iusti in Domino, rectos decet collaudatio. Confitemini Domino in cithara, &c.* & Psal. 46. *Omnes gentes plaudite manibus, iubilate Deo in voce exultationis,* & quæ sequuntur: vbi omnem creaturam ad gaudium & exultationem excitat ob aduentum Domini. Vide etiam Psal. 94. 95. 97. 104. 105. 106. 107. 110. 116. 117. 132. 133. 134. 135. 149. 150. Ex quibus discimus, quo affectu & quibus modis Deum laudare, & benedicere, & gratias agere debeamus.

Peruiliu de-
uotis.

Circa quæ notandum est, non esse inutilem aut fœmineam deuotionem, si desideres vt vniuersa creatura tecum & pro te Deum laudet, gratias agat, benedicat; aut vt tu ipse tantum Deum ames & laudes, quantum simul omnes Beati in cælo; vel si optes tibi mille vitas, mille corpora, quæ in honorem Dei expendas, vt eius beneficiis aliquo modo respondeas. Sunt enim huiusmodi affectus, etsi inefficaces & rei impossibilis, summi meriti, & signa summi in Deum amoris ac gratitudinis; quia ex quadam redundantia amoris sequuntur, animo in huiusmodi vota præ affectus ardore exæstuante. Sicut enim summæ malitiæ esset tales affectus assumere in malum; ita maximæ charitatis & meriti est excitare in bonum. Quare valdè expedit iis qui pietati sunt dediti, vt in huiusmodi affectus & pia vota mentem exercent: ex tali enim amoris excessu processere multa ex iis quæ ex Psalmis attulimus. Verùm ad hunc non peruenitur, nisi attentata diuinæ bonitatis & diuinorum beneficiorum consideratione. Hæc de Misericordia, eiusque operibus, & debito nostro erga illam snt dicta.

CAPVT XX.

De Patientia Dei, Mansuetudine, & Clementia.

172 **S**EQVITVR NUNC VT aliquid de *Patientia, Mansuetudine & Clementia* Dei dicamus: hæ enim perfectiones vel in misericordia continentur, vel ei penitus sunt annexæ. Quod enim Deus non statim vlciscatur iniurias, sed patienter ferat & expectet emendationem, est ex affectu misericordiae. Vt autem melius explicentur, vtendum exemplis humanis. Agimus de *patientia*, non quæ in doloribus, sed quæ in perferendis iniuriis versatur. Sicut igitur inter homines Rex quispiam dicitur *patiens*, qui moderatè fert iniurias, & continet se ab ultione quam faciliè posset inferre: ita Deus *patiens* dicitur, quia iniurias sibi ab hominibus irrogatas perfert ultione cohibita. Superata autem diuina patientia omnem humanam infinitis interuallis: nam & iniuriæ quæ ipsi inferuntur, infinitè sunt maiores *Dei patientia infinita.* quàm quæ hominibus; & ipse omnes eas distinctissimè videt, cum in eius conspectu & præsentia fiant; & acerrimè sentit, & in promptu habet vindictam, & tamen se cohibet, perferens amaritudines & absinthium peccatorum nostrorum. In conspectu eius sunt ex vna parte immensa beneficia quæ in nos congeffit, & stupenda facta quæ *Simul in conspectu Dei sunt omnia beneficia quæ ipse in nos, & omnes iniuria quæ nos in illum refundimus.* pro nobis gessit; ex altera parte simul videt ingratitude nostram, & omnes iniurias quæ per vniuersam terram in ipsum loco gratiarum actionis regeruntur, idololatriam, magiam, blasphemias, hæreses, perfidiam Iudaicam, Mahometicam, Religionis sacræ euerfiones, doctrinæ salutaris peruersiones, sacrorum profanationes, mysteriorum irrisiones, seruorum suorum persecutiones: periuria, homicidia, adulteria, fœdas libidines, rapinas, furta, pauperum oppressiones, denique omnium suorum mandatorum & institutorum violationem & contemptum. Videt etiam Christianorum animos terrenis addictos, cælestium bonorum incurios, beneficiorum immemores, ingratos, elatos, rebelles mundo & carni mancipatos, diuinorum præceptorum negligentes, ad pœnitentiam difficiles, ad omne opus bonum ignauos, & plurimos ex illis, omnibus vitiis & sceleribus coopertos, ipsisque Ethnicis longè deteriores. Hæc omnia videt clarè, distinctè, & sapientiæ suæ libella trutinat iniuriarū istarum pondus immensum; & quamuis doloris capax non sit, sentit tamen eas accerrimè, imò infinitè, & ad vindictam

prouocatur. Cernit enim rei indignitatem, suamque maiestatem, & infinitam beneficentiam à sua creatura vilipendi, cohibet tamen iram & manum, etsi mille fulminibus & mille tartaris armatam. Neque solùm abstinere à vindicta, sed etiam continuat pristina beneficia, vniuersam naturam, cælestem & terrenam nostris commodis seruire faciens, & ad pœnitentiam nos benignè expectans, & insuper excitans, monendo per prædicatores externos, per inspirationes internas, per Angelicum ministerium, per creaturarum speciem, per Scripturæ lectionem, ostentatis præmiis, intentatis suppliciis, propositis exemplis, obiectis terroribus, immissis infirmitatibus, & inflictis variis huius vitæ flagellis, vt ad ipsum redeamus, & misericordiæ ipsius fruamur bonis. Quid hac patientia admirabilius? Quis vmquam Regum iniurias sibi irrogatas vel à subditis, vel ab hostibus, cùm vindicandi potestas suppeteret, ita patienter sustinuit? Vix quemquam ab omni memoria antiquitatis reperiatis, qui post secundam vel tertiam condonationem, ad vindictam non prorumperet, non ampliùs ferens rei acerbiter. Et quid, obsecro, sunt iniuriæ in hominem ad iniurias Dei? nimirum cētum denarij, vel potius minutum vnum; ad decem millia talentorum, calculus ad montem, gutta ad Oceanum. quò enim maiestas læsi est maior, eò iniuria atrocior: & talis est proportio inter iniurias, qualis inter eos qui iniuria sunt affecti.

*Patientia
Christi.*

174 His adde patientiam illam quam in suscepta natura præstitit, dum seruilem induit formam, & nouem menses moratur in vtero, dum nascitur in stabulo, dum circumciditur, dum quæsitus ad necem fugit in Ægyptum, dum latet vsque ad annum trigessimum humili specie, plebeio habitu, conuersatione vulgari; nihil magni præ se ferens; dum baptizatur à seruo, dum ieiunat & tentatur ab hoste, dum rudes associat discipulos, dum recipit peccatores & cum eis manducat, dum vicos & castella obiens docet populos & sanat infirmos, dum fatigatur, dum famem, sitim, frigus, æstum, imbres perpetitur; dum crebris iniuriis appetitur, dum conuitiis & contumeliis afficitur, dum discipulorum lauat pedes, dum capitur, constringitur, cæditur, irridetur, despuitur, flagellatur, coronatur spinis, perforatur clauis, affigitur cruci, sociatur latronibus, & velut seductor, & diuinæ humanæque maiestatis perduellis, morte turpissima & acerbissima afficitur: & in his omnibus non contendit, non reclamauit, non contradixit; sed tamquam ovis coram

coram tondente non aperuit os suum, & insuper etiam pro suis tor-
toribus Patrem rogauit: qui in hominis figura latens, nihil de impa-
tientia hominis mutuatus est. Hinc vel maximè Pharisei Dominum
agnoscere debuistis: patientiam huiusmodi nemo hominum perpe-
traret. Hæc est suprema omnis patientiæ forma: hac nihil sublimius
animo concipi potest. Quare velut perfectissimum exemplar, ad
omnes huius vitæ molestias æquanimiter tolerandas, nobis semper
ob oculos versari debet.

175 *Manfuetudo* parum differt à *patientia*, quæ in iniuriis cernitur. *Manfuetudo.*
Sicut enim patientiæ est, in iniuriis cohibere vindictam; ita manfue-
tudinis, reprimere iram, quæ est vindictæ appetitio. Atqui in Deo
parum vel nihil ira & vindicta differunt. vnde quidquid de patientia
dictum est, etiam ad manfuetudinem pertinet. Itaque dicitur Deus
mansuetus, quia iniuriis non facilè exasperatur in iram, non excandef-
cit in furorem, sed pristinam animi dulcedinem & serenitatem reti-
nens, fontes suæ benignitatis & beneficentiæ ob nostram ingrati-
tudinem non obturat.

176 *Clementia* cernitur in ignoscendo, dum quis ex animi benigni-
tate reo pœnas commeritas vel condonat, vel multùm imminuit. *Clementia.*
Itaque est pars misericordiæ, vel potius ipsa misericordiæ virtus in adæ-
quatè concepta, quatenus nimirum respicit miseriam, quæ ex pœna-
rum inflîctu nascitur. Sicut igitur *misericordia* Dei est infinita, ita etiã
clementia, quia malum quod ipsa relaxat, immensum est.

Opera clementiæ sunt, quotidianæ condonationes & castiga-
tiones, vt cùm vel æternas vel temporales pœnas peccatoribus
remittit; cùm varios morbos, pestem, famem, bellum, damna for-
tunarum, orbitatem, aliasque calamitates & flagella immittit, vt
à malo reuocet. Sunt enim hæ correptiones leues & momenta-
neæ tendentes ad emendationem, ne in sempiternam miseriam rua-
mus. Sicut cùm pater virga castigat charissimum filium regni hæ-
redem vt à malo absterreat, & dignum regno efficiat; non crude-
lis, sed verè clemens dicendus est: sic Medicus amaras potiones
exhibet vt grauiores morbos vel depellat vel præcaueat. Magnæ
clementiæ est, ingens malum commutare in exiguum, pœnam
ignis in ictum virgæ vel multam vnius nummi. Commeriti su-
mus peccatis nostris æternam mortem; Deus misertus nostri com-
mutat hanc pœnam in temporalem, loco illius inferens morbum,
paupertatem, exilium, aut similem calamitatem; quæ nullam cum

æterna illa habet proportionem. Per hanc simul & clementer punit peccata præterita, ut illorum amaritudinem non nihil gustemus; & incitat ad poenitentiam, dum eius manum sentimus, & absterret à malo in futurum, dum timemus ne similia nobis obueniant. Est enim ista correptio & clemens mali præteriti vindicta, & præsentis medicina, & futuri præcautio 177. Quanta igitur in istis flagellis clementia! quanta benignitas & suauitas affectus diuini! Quid enim sunt omnes huius vitæ afflictiones ad ea quæ commeriti sumus? ad tot gehennas & incendia peccatis nostris debita? & tamen clementiâ Domini per illas leues & breues molestias, omnes inferorum poenas & æternitatem illam redimimus, & curamur à peccatis, & ad gloriam cælestem præparamur. Ut enim ait Apostolus 2. Cor. 4. *momentaneum & leue tribulationis huius, supra modum in sublimitate æternæ gloriæ pondus operatur in nobis.* Ex quibus constat, quanta sit tribulationis utilitas. vnde etiam passim in Scripturis tantopere commendatur. quæ breuitatis causa prætermitto, illud tantum monens cum Salomone Proverb. 3. *Disciplinam Domini, fili mi, ne abiicias; nec deficias, cum ab eo corripieris. Quem enim diligit Dominus, corripit; & quasi pater in filio complacet sibi.* quasi dicat, affectu planè paterno id facit, ut illum ab æterno interitu vindicet, & dignum hæreditate cælesti reddat. Itaque cum gaudio & gratiarum actione disciplina Domini excipienda.

CAPUT XXI.

Recollectio precatoria de Misericordia.

Psalm. 88.

Psalm. 12.

178 **M**ISERICORDIAS Domini in æternum cantabo. miserationes eius magnas & stupendas, antiquas & nouas, quarum non est numerus. *Misericordia enim Domini plena est terra, & miserationes eius super omnia opera eius.* Tu, Domine Deus meus, primitus de nihili tenebris in lucem essentiae, in speciem & naturam nos eduxisti, in naturam eximiam, inextiminabilem, vultus tui signaculo insignitam, & maximis ornamentis cumulatam; nimirum v notitiam aliquam & sensum tui ac bonorum tuorum habere possemus. Ornasti sensuum vigore, quo totum hunc mundum corporeum, & omnia quæ in illo continentur (in quibus potentiae, sapientiae, &

pulchritudinis tuæ vestigia mirè elucet) possemus comprehendere & discernere. Ornasti mente & rationis iudicio ad notitiam veri, ad iudicium boni & mali, ad ascensum & anagogen ex sensibilibus ad intelligibilia : ornasti memoria ad recordationem præteritorum, ne semel percepta effluerent, ne nouo semper opus esset ad intelligendum labore : ornasti voluntate ad fugam mali & sequelam boni, ad fruitionem finis obtenti, & in primis vt tibi summo bono, & amore coniungamur, & fruitione inhæreamus. Omitto corporis ornamenta.

179 Hæc prima euectio, hæc prima misericordiæ tuæ beneficia, magna, inæstimabilia, sed rudimenta & initia maiorum. Non enim in his constitit effusissima benignitas tua, sed vlteriùs progressa est ad perficiendum opus suum, & ad omne imperfectum nostrum exterminandum. Adiecit itaque euectionem secundam, ad secundum gradum priore multò eminentiorem nos efferens; nimirum ex statu naturæ in statum gratiæ & filiorum Dei, qui omni statu naturæ, quantumuis perfecto & sublimi, est longè sublimior, vt qui nulli substantiæ creatæ naturalis, aut naturali dignitati debitus esse possit. Nulla enim creatura per naturam suam potest esse Filius Dei, heres regni, possessor Spiritus sancti. Hoc nobis secundæ misericordiæ tuæ influxu collatum, hoc in gradu secretorum tuorū facti participes, & conscij arcanorum à sæculo reconditorum; & supernaturali fide, spe ac charitate tibi coherentes, omnibus rebus creatis facti sumus superiores. Sicut enim in rebus humanis summa quædam dignitas est esse filium Regis, & hic ipse titulus etiam hominem infimæ sortis facit omnibus venerandum & suspiciendum, omnesque illum beatum prædicant; ita esse filium Dei, & heredem regni cælestis in toto vniuerso est status summæ dignitatis, facitque hominem etiam Angelicis spiritibus venerandum, qui nisi ad similem dignitatem euecti essent, meritò possent illi tantum honoris fastigium inuidere. Hanc ob causam vnus iustus, *vnus timens Deum, melior est, & pluri* Eccl. 16. *apud Deum æstimatur, quàm mille* (id est innumerabiles) *impij.* A quocumque abfuerit hæc filialis dignitas, in nihilum computabitur, etiamsi omnibus naturæ ornamentis sit cumulatus.

180 Sed neque hîc misericordiæ tuæ largitas se continuit, verùm ad tertium eumque altissimum statum euexit; nimirum à statu gratiæ & filiationis inchoatæ, ad statum gloriæ & filiationis completæ.

Dona enim gloriæ infinitè sunt excellentiora quàm dona gratiæ, quibus in hac vita filiis tuis frui conceditur. Ibi enim est clara visio, hîc fides & obscuritas; ibi possessio summi boni, hîc spes & desiderium; ibi fruitio, hîc expectatio; ibi securitas, hîc anxietas; ibi triumphus, hîc pugna. Quamvis enim nunc simus filij Dei, & ius regni habeamus, nondum tamen illud possidemus, nōdum de eo sumus securi, & possum⁹ excidere; nondum nostræ mortalitatis miseriis liberati, nondū ignorantia & tenebræ nostræ depulsæ, nondum pronitas ad malum inflexibili rectitudinis regula firmiter castigata. Lōgè igitur excellentior & sublimior est ille gloriæ status, quàm status gratiæ præsentis vitæ, si bona utriusque spectentur. Hæc fuit tertia & præstantissima naturæ nostræ subuectio, hic supremus bonorū gradus, in quo omnis miseria & imperfectio depellitur. Ad hunc misericordiæ tuæ immensa benignitas nos destinavit, ut in eo mortalitas nostra absorbeatur, omnis miseria evanescat, omnis inopia & defectus euacuetur, omnis dolor & omnes lacrymæ abstergantur, & in consortio bonorum & diuitiarum tuarum in consummata gloria & gaudio constituamur. Huc cæli & terræ fabricatio, huc totius creaturæ conditio, huc omnium tuorum operum molitio spectat: omnia enim *propter electos*, propter gloriam filiorum tuorum, nimirum ut quàm plurimos ad gloriam & consortium regni tui adduceres.

181 Verum cum obtento secundo gradu ad hunc tertium nobis esset nitendum, omnibusque præsidiiis essemus instructi, ut cum summa facilitate & iucunditate possemus ad illum conscendere; heu! nostrā vecordiā (parentis inquam nostri, in cuius arbitrio omnia nostra erant constituta) ordini directionique misericordiæ tuæ nos subtraximus, & à te auersi in exitium sempiternum præcipitauimus. Et sanè longè optabilius fuisset nos in nostrum antiquum nihilum recidere, quàm æternis incendiis, quæ nullo modo iam euadere poteramus, addici. Nihil supererat opis, nihil subsidij ab vlla natura creata; quia à nulla iustitiæ tuæ condigna satisfactio pro crimine nostro poterat repræsentari. Actum prorsus videbatur de genere nostro, nec vlla spes salutis in posterum superesse, cum ecce tu, Deus meus, misericordia mea, nostram perditionem miseratus, rursus succurristi, sed admirando planè & inaudito consilio, omnibusque sæculis obstupescendo; nimirum, ut Filius tuus tibi consubstantialis & coæternus nostram naturam assumeret, & homo passibilis similis nobis effectus, diuinæ iustitiæ nostro

nomine suis cruciatibus suaque morte satisfaceret.

182 Nostram igitur ille naturam apprehendens, & arctissimè in vnitatem personæ sibi adstringens, nascitur ex virgine, prodit in mundi huius tenebras, nostræ mortalitatis excepturus miseras, famem & sitim, frigus & æstum, nuditatem & pauperiem, labores & fatigationes, probra & contumelias, persecutiones & insectationes, mœrores & dolores, acerbitates & cruciatus, crucem denique & mortem. Nascitur in stabulo ut pauper & peregrinus, pannis inuoluitur & fasciatur ut infans, vagit ut mortalis, circumciditur ut Legi subiectus, fugit ut inuolidus, latet ut imbecillis; vitam agit ut obscurus, parentibus obedit ut subditus, conuersatur ut homo vulgaris, tempus manifestationis suæ expectans: quo appetente, baptizatur à seruo quasi peccator, ieiunatur in deserto, tentatur à diabolo, rudes sibi adoptat discipulos, sensimque eos erudit ad perfectionem; obit totam cum eis regionem, salutis viam docens populos, sanans infirmos, consolans afflictos, oppressos à diabolo liberans, peccatores iustificans, ignorantiae tenebras discutiens, mundum illuminans, miraculis coruscans, & Diuinitatis suæ veluti stricturas quasdam mortalibus ostentans, ad vitæ emendationem & salutis curam omnes excitans.

183 Tandem post cælestem doctrinam impensam, post tot miracula & virtutum exempla, expleturus opus redemptionis nostræ, se totum nobis in pretium expendit, & vitam cum sanguine nostræ salutis profudit, morte ignominiosissima pariter & acerbissima suscepta. O quàm indebita miseratio, quàm gratuita & probata dilectio, quàm inopinata dignatio, quam stupenda dulcedo, Regem gloriæ pro vilissimis mancipiis, iisque suis inimicis, assumere formam serui, tot suscipere labores & dolores, ipsam denique crucem sustinere ac mortem! Quis umquam parens simile quid fecit pro liberando filio, aut filius pro parente, aut amicus pro amico, quale fecit Deus pro homine, Creator pro creatura, suprema maiestas pro vermiculo?

184 Sed neque hîc stetit illius misericordiarum omnes enim suas actiones & passionis pro nobis susceptas, omniaque merita per totam vitam patrata in vnum collegit, & ex illis thesaurum nobis perpetuæ reconciliationis construxit, quem Sacramentis inclusum nobis instar legati opulentissimi reliquit. Mirabilem planè thesaurum, diuitias infinitas, quibus tam facillè & mors sempiterna redimitur, & re-


gnum cæleste, æterna gloria, & possessio Diuinitatis comparatur. Denique vt infinito in nos amoris suo nihil reliqui faceret, Carnem & Sanguinem, quæ pro nobis impenderat in lytrum seu pretium redemptionis, nobis reliquit & in Sacrificium, quo iustitiam ipsius nobis propitiemus; & in alimentum, quo in vitam æternam reficiamur.

185 Vicisti, Domine, misericordiâ tuâ omnia exempla, vicisti omnia ingenia, & omnem expectationem creaturarum omnium. Quis ista considerans, non vicissim amet te? quis non sit paratus se totum in tuum obsequium & honorem addicere ac impendere, qui tam multis modis te ipsum totum in nostram salutem impendisti & superimpendisti? Quid enim sunt obsequia nostra ad beneficia tua, ad actiones & passionem tuas, & vita nostra ad vitam tuam? gutta ad mare, calculus ad montem, pulvisculus ad globum terræ, imò adhuc longè minus; quia finiti ad infinitum nulla proportio. Quid ergo rependimus tibi, cum vitam nostram & omnia nostra tibi consecramus, præsertim cum tot aliis nominibus & titulis hæc tibi sint obnoxia & debita? Debet quispiam decem millia talentorum Principi ex furto, & alia decem millia ex damno dato, & alia ex mutuo, & tantumdem ex emptione, habet tantum minuta duo: an Princeps ille putabit duobus minutis sibi pro tot debitis tam ingentibus satisfactum? minimè gentium. 186 Sed hæc est bonitas & misericordia tua. Et si tanta & tot nominibus tibi debeamus? tamen si duo nostra minuta, animam scilicet & corpus, obsequio tuo tradimus, acquiescis, & satis tibi factum putas, maiora non exigens; & tamen ea ipsa in re non tibi prosumus, sed nobis cōsulimus. Servire enim tibi, regnare est; & omnibus relictis tibi soli vacare, soli inhærere, summum bonum nostrum.

187 Væ mortalium cæcitati, quæ hæc non considerat! Illumina tenebras meas, lux mea, vt magnitudinem misericordiæ tuæ, & multitudinem miserationum tuarum cognoscam, & cognitam æstimem, & suis appretiis momentis, quantum fas in tenebris huius vitæ, eaquæ mihi semper ob oculos versentur, vt anima mea tāta benignitate, tātisque beneficiis prouocata, vicissim inflammetur in amorē tui, seque totam tibi deuoueat & consecret. Seruiat tibi omnis vita mea, intēta sit in gloriam tuam omnis cogitatio, omnis fortitudo, omne studium, omnis actio mea. Exhaustantur in tuum obsequiū omnes vires animi ac corporis mei, vt aliquid saltem tuo rependam amoris, nec

omnino ingratus coram te inueniar. 188. *Benedic anima mea Domino, Psalm 102.*
& omnia quæ intra me sunt, nomini sancto eius. Benedic anima mea Do-
mino, & noli obliuisci omnes retributiones eius: qui propitiatur omnibus
iniquitatibus tuis, qui sanat omnes infirmitates tuas: qui redimit de interi-
tu vitam tuam, qui coronat te in misericordia & miserationibus; qui replet
in bonis desiderium tuum, quando renouabitur ut aquile inuentus tua.
Benedicite pariter mecum Domino omnes Angeli & Archangeli,
omnes Principatus & Potestates, omnes Virtutes & Dominationes,
omnes Throni; Cherubim quoque atque Seraphim: benedicite, lau-
date & superexaltate illum in sæcula, quia fecit nobiscum misericor-
diam suam. *Laudent illum celi, terra, mare, & omnia quæ in eis sunt lau-*
dent & superexaltent in sæcula. Illi honor, illi benedictio, illi gratiarum
actio ab omni creatura, in omni loco dominationis eius, in omnes
generationes sæculi sæculorum Amen.





D E
P E R F E C T I O N I B V S
M O R I B V S Q V E
D I V I N I S
L I B E R X I I I .
D E I V S T I T I A E T I R A D E I .

C A P V T P R I M V M .

De varia Iustitiæ acceptione, & quadruplici debito.

*Iustitia duo
involuit, de-
bitum & æ-
qualitatem.*

*Varia iusti-
tiæ acceptio.*

*Quadruplex
debitum.*

IXIMVS de *Misericordia* eiusque operibus & be-
nificiis; sequitur ut dicamus de *Iustitia & seueritate*
Dei, eiusque effectis in rebus creatis. Nomen *iustitiæ*
duo involuit, *debitum & æqualitatem*: in eo enim ratio
iustitiæ consistere videtur, quod præstet ad æqualita-
tem id quod debet, & suo opere totum debitum exhaustiat. Vnde ubi
vel non est debitum vllum, vel nulla æqualitas aut proportionis
ratio (ut cum quis ex liberalitate & omnino gratis aliquid alteri con-
fert, vel supra infra meritum & ius illius) ibi ratio *iustitiæ* locum
non habet. Cum autem variis modis possit aliquid esse *debitum*, fit ut
varia quoque sit *iustitiæ* ratio: ex parte autem æqualitatis non varia-
tur; quia omnis *iustitia* ad perfectam æqualitatem inclinat, quantum
quidem assequi potest. quod si non assequitur, id non ex ratione
ipsius virtutis, sed ex defectu facultatis subiecti provenit.

2 Potest autem aliquid dici *debitum* quatuor modis. Primò, Ra-
tione naturalis congruentiæ & connexionis cum altero. quo modo
dici-

dicitur *debitum* singulis rebus, quod est necessarium ad naturalem earum perfectionem, verbi gratia, certa quantitas, figura, temperamentum, instrumenta, cooperatio, vires, prout cuiusque natura postulat. Huic debito respondet iustitia quædam generalis, quæ nihil est aliud quàm affectus tribuendi cuique rei, quod ei ad perfectionem naturæ est debitum seu necessarium. Et hæc iustitiæ ratio est perfectissimè in Deo respectu omnium creaturarum; quia in eo est voluntas conferendi singulis quod eis secundum naturam congruit, idque ad exactam æqualitatem: & hoc etiam modo S. Dionysius lib. De divinis nominibus cap. 8. *iustitiam* Deo tribuit. Satis tamen improprie hic voluntatis affectus eiusque executio *iustitia* vocatur; quia etsi illæ perfectiones dicantur debitæ creaturis, Deus tamen non est illis debitor (sicut nec figulus vasi luteo debitor est, vel pictor imagini) sed solum est debitor sibi ipsi, seu suæ sapientiæ, ut iuxta huius præscriptum, & prout tantum artificem decet, operetur; ut pulchrè docet S. Thomas 1. p. q. 21. a. 1. qua ratione dicimus pictorem, qui imaginem quam cœpit, imperfectam relinquit, lineamentis vel coloribus congruentibus omissis, iniuriam facere non operi, sed arti suæ & nomini. Dicuntur itaque illæ perfectiones debitæ, quia necessariae ad rerum complementum, & perfectum statum. Hinc enim sequitur, opificem debere illas conferre, si velit res à se conditas esse completas secundum naturæ conditionem, & sapientiæ suæ præscriptum. Sed hoc nihil est aliud quàm debere sibi ipsi, suo decreto & sapientiæ.

Primò, Quia congruit naturæ, eique debetur ut sit perfecta in suo ordine. Iustitia generalis. Ista iustitiæ ratio est perfectissimè in Deo.

3 Secundò dicitur aliquid *debitum* ratione obligationis legis; quò modo in natura rationali debita est conformitas tum affectus, tum operis cum lege æterna. Itaque secundo modo *iustitia* vocatur voluntas quæ hanc conformitatem vult & procurat, & per eam legi satisfacit. Vnde huius iustitiæ opus est omnis actus virtutis, quatenus est conformis legi. Hoc modo *iustitia* passim accipitur in S. Scriptura; & ab ea homines dicuntur iusti, quia conformes affectu legi æternæ, & præstant opere quod illi legi debent. Vtrum autem *iustitia* sic accepta distinguatur in nobis à charitate & obedientia, & à virtutum collectione, dubitari potest: nam in ista tria rectè hoc nomen competit. Virtutum enim collectio reddit hominem eiusque affectus & actiones legi conformes, similiter obedientia & charitas; sed ex diverso motivo: nam charitas excellentiori modo id præstat, nimirum, quia id Deo gratum est; obedientia, quia id debitum præcepto Superioris: ceteræ virtutes ob pro-

Secundò, Ratione obligationis legis. Conformitas affectus & operis cum lege est debita in natura rationali.

An sit distincta à charitate, obedientia, & virtutum collectione.

priam honestatem, quæ pro diuersitate materiæ diuersa se offert. Ex triplici itaque motiuo potest hæc conformitas operum cum diuina lege procedere, charitatis, obedientiæ, & virtutum particularium. His addi potest motiuum quartum, nempe, quia debitum legi, non vt lex connotat obligationem impositam à Superiore, sed vt dicit regulam rectè operandi, & dictamen rectæ rationis; voluntas enim & omnes actiones ab ipsa dependentes, debent rectæ rationis iudicio & sententiæ conformari. Illi itaque affectus, quo hæc conformitas in omnibus motibus & actibus liberis appetitur & procuratur, quædam iustitia est; quæ tamen ab affectu generali honesti non videtur distingui.

*Iustitia hæc
est perfectissi-
mè in Deo.*

4 Etiam iuxta hunc secundum modum *iustitia* perfectissimè est in Deo: nam voluntas diuina ab intrinseco & ex sua essentia est perfectissimè & completissimè conformis legi æternæ, ac proinde iusta ac recta; imò est ipsa iustitia & rectitudo per se subsistens, omnis iustitiæ ac rectitudinis regula. Et si enim voluntas diuina nostro modo concipiendi dirigatur à lege æterna, non tamen id ita accipiendum, quasi per se sit indifferens & informis, sicut omnis voluntas creata per se informis est, iustitiæ & iniustitiæ capax: sed id fit propter essentialem ordinem istarum potentiarum & actuum earum, ratione cuius voluntas essentialiter supponit intellectum, & actus voluntatis actum intellectus: quia non potest concipi voluntas exire in actum, nisi proposito per intellectum obiecto, in quod tendat. Vnde necesse est idè concipi in Deo, quatenus istæ potentiæ inter se, & actus earum inter se ratione distinguuntur. Itaque lex æterna dicitur dirigere voluntatem, quatenus vel proponit rectitudinem in quam voluntas feratur: vel est ipsa rectitudo obiectiua mente concepta & voluntati ostensa, quod ego verius existimo: quia lex non est actus intellectus, sed obiectum & regula quædam practica intellectu concepta, & voluntati proposita, vt patet in omnibus legibus & regulis humanis. Vnde cum lex dicitur esse *dictamen rationis rectæ*, per *dictamen* non est intelligendus actus intellectus, vel iudicium rationis, sed obiectum seu regula practica ratione concepta, iudicata ac probata. sed de hoc alibi plura.

Simili modo dicimus Prudentiam dirigere ceteras virtutes, cum tamen ipsæ per se rectæ sint, nec possint in vllum actum prauum exire. Porro sicut voluntas creata, cum non sit recta nec conformis legi æternæ aut rationi rectæ per essentiam suam, efficitur recta in actu primo per habitum virtutis superadditum, & in actu secundo

per operationem illius habitus, dum illo utitur: ita voluntas diuina considerata ut in actu primo, per essentiam suam est recta & adæquatur conformis legi æternæ in actu primo tamquam suprema & vniuersalis virtus per se subsistens; & considerata in actu secundo, per eandem suam essentiam est recta & conformis legi æternæ in actu secundo, qui nihil est aliud quam complacentia & amor rectitudinis lege æterna contentæ, & per intellectum propositæ. Actus enim primus & secundus hîc non distinguuntur ex parte rei distinctione actuali, sed solum virtute. Nam est vna eademque simplicissima rectitudo formalis duplicem vim habens, nimirum actus primi, quatenus præstat in Deo (semotis imperfectionibus) quod habitus virtutum in voluntate creata; actus secundi, ut præstat in ipso id quod virtutum operatio in creatis. Simili modo intellectus diuinus per se consideratus ut in actu primo, est ipsa sapientia in actu primo: ac proinde incapax omnis erroris & omnis ignorantie, quia ipsa sapientia non potest esse errori vel ignorantie obnoxia. Ratione verò actus sui est sapientia in actu secundo, omne verum & intelligibile penetrans, comprehendens & ambiens. Hic tamen actus secundus non distinguitur in Deo ab actu primo, nisi ratione & virtuali discrimine. Omnis itaque iustitia huiusmodi, & rectitudo siue obiectiua, siue formalis, est in essentia diuina tamquam in fundamento & prima radice omnis veri & boni, omnis legis ac regulæ, & virtutis omnis; in intellectu obiectiue tamquam in proponente, & consequenter tamquam in regula & mensura quatenus mediante ipsius actu regula rectitudinis concipitur & proponitur: in voluntate formaliter ut virtus & iustitia vniuersalis, tum in actu primo, tum in actu secundo. Commendatur hæc iustitia Dei in S. Scriptura omnibus illis locis, quibus laudatur eius sanctitas & rectitudo: quia re verà nihil est aliud quam sanctitas omnem virtutem & bonitatem moralem formaliter & eminenter complectens.

Tertiò dicitur aliquid *debitum* ratione promissionis factæ alicui, præsertim sub conditione alicuius operis, qua promissione ius aliquod tribuitur non tamen perfectæ iustitiæ. Sic sæpè Dominus promittit aliquid seruo, quod tamen si non præstet, non potest accusari propriè iniustitiæ, sed solum inconstantie & leuitatis in promissis rescindendis, quodque fidem promissorum non seruet. Similes promissiones innumeræ interueniunt in conuictu humano. Sic parentes multa promittunt liberis, ut mores eorum forment, &

Ratione promissionis.

domini seruis, & artifices mechanici iis qui aliquod opus ab eis fieri postulant. Huic debito respondet virtus quædam, quæ dicitur *fidelitas*, cuius munus est præstare quod promiseris, eo nomine quia promisti, etiamsi alteri nullum ius perfectum sit acquisitum. Decet enim virum prudentem, constantem, & rationem sui honoris habentem, implere quod promisit, & dicta sua verificare. hæc virtus passim in Scripturis vocatur *iustitia & veritas*, estque in Deo perfectissimè: quia omnia quæ promisit, exactissimè præstat. nulla est in eo inconstantia, nulla leuitas, nulla obliuio, nulla pœnitentia promissorum, si nos conditionem promissioni adnexam præstiterimus. Hinc in Scripturis tantopere Dei veritas & iustitia commendatur.

*Iustitia que
dicitur veri-
tas, in Deo
perfectissimè.*

*Psal. 39. 44.
56. 84. 88.
110. &c.*

*Ratione ius-
tus perfelli.*

6 Quartò dicitur aliquid *debitum* alteri ratione iuris perfecti, cui nisi satisfiat, censetur fieri iniuria. Hoc magis propriè & strictius deberi dicitur; quia in altero existit ius perfectum, quod non est in potestate & arbitrio alterius, qui debitor dicitur. Nascitur autem hoc debitum ex duplici capite. Primò, Ex rei alienæ acceptione, ut fit in contractibus, damnis & iniuriis illatis. Quid enim interest, rem alterius tibi usurpes an vastes? Vnde qui rem alienam destruit, vel famam honorémve lædit, non minùs est debitor, quàm qui rem aufert & sibi seruat. Secundò, Ex officio distribuendi certa quadam proportionem bona communia. Hinc duplex oritur iustitiæ forma huic duplici debito respondens: quarum altera dicitur commutativa, & satisfacit debito priori; altera distributiva, quæ satisfacit posteriori. Iustitia commutativa considerat quid & quantum debeat alteri ratione rei acceptæ, aut damni vel læsionis irrogatæ, & hoc totum iubet refundi, ut inter datum & acceptum, inter læsionem & compensationem fiat æqualitas. Distributiva considerat proportionem quam singulæ partes communis habent ad bona vel onera communia, & iuxta hanc proportionem singulis distribuit. ut eadem sit proportio inter ea quæ distribuuntur, quæ est inter conditiones eorum, quibus fit distributio. Onera enim distribuenda iuxta proportionem facultatum, officia & beneficia iuxta proportionem aptitudinis, subsidia, iuxta proportionem inopiæ. Itaque illa constituit æqualitatem rei ad rem, hæc constituit æqualitatem proportionis ad proportionem. Vtrum autem violatio iustitiæ distributiæ per se obliget ad restitutionem, alibi dictum est, neque ad hunc locum pertinet.

CAPVT II.

*Vtrum Iustitia respiciens Ius perfectum sit
proprie in Deo.*

7 **H**IS positis, quæritur, Vtrum hoc genus iustitiæ propriè sit in Deo. Quidam affirmant. Primò, Quia pactum sub conditione operis inducit obligationem iustitiæ præstito opere: atqui inter Deum & hominem intercedit pactum sub conditione operis. promittit enim illi vitam æternam, si seruet mandata: Matth. 19. *Si vis ad vitam ingredi, serua mandata.* ergo opere perfecto obligatur lege iustitiæ ad vitam æternam conferendam. Secundò, Deus in S. Scriptura comparatur conductori, homo operario conducto, vita æterna mercedi & denario diurno. imò ipsa vita æterna vocatur *merces bonorum operum*. quæ omnia indicant debitum lege iustitiæ. Tertiò, Rursus vita æterna vocatur *corona iustitiæ, & brauium*, & vita præsens *stadium*, & bona opera *cursus in stadio*: atqui brauium & corona debetur lege iustitiæ ei qui cursu vicerit. Quartò, Christus ex rigore iustitiæ meruit sibi gloriam corporis, & omnem honorem quem post resurrectionem accepit, & generi humano remissionem peccatorum (si tamen Christo per Baptismum inferantur) ergo in Deo est obligatio iustitiæ respectu Christi, ac proinde est capax huius obligationis & strictæ iustitiæ.

An hoc genus iustitiæ sit in Deo.

Prima sententia affirmat

Matth. 20.

Matth. 5.

Luc. 6.

1. Cor. 3.

2. Tim. 4.

1. Cor. 9.

Philip. 2.

8 Alij verò negant: quia obligatio strictæ iustitiæ imperfectionem quamdam supponit vel inuoluit in eo qui obligari dicitur, quæ in Deo non reperitur, nimirum aliquid esse extra eius dominium & plenam potestatem. Verum non puto hîc esse discrepantiam quæ ad rem pertineat, sed solum de nominis usurpatione. Itaque vtendum distinctione. Si enim nomen *Iustitia* accipiatur strictè; vt ab Aristotele eiusque sectatoribus solet accipi, vt significat virtutem quæ supponit obligationem ad alterum, qui perfectè alter est, hoc est, qui est sui iuris, ita vt non sit veluti pars aut possessio eius qui dicitur obligari; sic non est propriè iustitia in Deo. Ratio est, quia in Deo non potest esse obligatio ad aliquem qui sit sui iuris, seu quæ orta sit ex iure quod is qui suus est, sui que mancipij, in ipsum habeat. cuius vltior ratio est; quia omne ius quod creatura potest competere in aliquem, est in dominio Dei, & quidem magis

Secunda sententia negat.

Iustitia strictè accepta apud Aristotelem.

In Deo non pot. esse stricta obligatio ad alterum: ac proinde nec in iustitia strictè accepta apud Aristotelem.

Y y iij

perfectè quàm in dominio creaturæ; ac proinde ratione huius iuris non potest Deus censerì strictè obligatus creaturæ tamquam alteri, sed potius est obligatus sibi, suæque ordinationi & promissioni, quàm ulli alteri, ut S. Thomas generatim affirmat 1. p. q. 21. a. 1. ad 3. & 1. 2. q. 114. a. 1. Deinde non solum omne ius creaturæ est in dominio Dei, sed etiam ipsa creatura secundùm se totam, idque non contractu aliquo vel accessoria servitute, sed naturaliter & essentialiter; ita ut nec ipse Deus possit eam sui iuris facere, vel extra suum dominium collocare. Vnde sequitur, Deum de illa & omni eius iure posse statuere pro suo arbitrio tamquam de re sua absque vera in illam iniuria: ac proinde in ipso non esse obligationem strictæ iustitiæ; & consequenter nec iustitiam strictam, quæ huiusmodi obligationem supponit. Confirmari id potest ex Aristotele lib. 5. Ethic. cap. 6. ubi docet non esse obligationem iustitiæ patris ad paruulum filium, & domini ad seruum; eò quòd non sint omnino distincti. Nam filius est veluti pars quædam patris, & seruus est instrumentum & res domini: nemini autem in seipsum est ius iustitiæ, aut ratio iniuriæ. *Ius, inquit, vel domini in seruos, vel patris in liberos, non est idem atque hæc, sed tamen simile. Neque enim cuiquam in sua iniustitiæ locus esse potest absolute: atqui possessio seu mancipium, & liberi vsque eò dum parui sunt, nec à patre seiuncti, partis instar sunt. seipsum autem nemo cupit ledere. non est igitur cuique in seipsum iniustitiæ locus.* Vnde sequitur, multò minùs esse obligationem iustitiæ inter Deum & creaturam: quia hæc cum vniuersis bonis & iuribus suis plenissimè & essentiali subiectione est in dominio Dei. Secundò, Quando is qui promittit aliquid sub conditione operis, non id facit commodi sui causa, sed solum ob commodum operantis, ut eum ad præstandum debitum officium, vel ad aliud bonum adducat, non obligatur lege iustitiæ; non enim intendit tam arctè se obstringere, sed solum lege veritatis & constantiæ: sicut cum parens filio, ut eum ad studia literarum adducat, promittit pulchram vestem; vel dominus mancipio, si feritatem exuerit, pecuniam: atqui Deus non exigit à nobis bona opera in commodum suum, sed solum in commodum nostrum, ut nos per illa reddamus idoneos in quos ipse suam beneficentiam effundat largiendo regnum. ergo non intendit se nexu iustitiæ nobis obstringere.

Aristoteles.

Cur Deus à
nobis exigit
bona opera.

9 Dices: Deus in bonis operibus spectat gloriam suam, & hac ratione exigit illa in suum bonum. Sed etsi ea in honorem Dei ce-

dant, & Deus à nobis honorari velit, ratio tamen proxima & propria cur ea velit à nobis fieri, non est vt ipse inde aliquid honoris caperet; sed partim quia naturæ lege sunt ipsi debita, partim vt nos per ea idonei reddamur, quibus ipse sui ipsius suorumque bonorum cōsortium impertiat. Hac enim prima fuit intentio illius exuberantissimæ bonitatis, nempe Diuinitatis & beatitudinis suæ nos efficere participes. Ad hunc finem illam ex nihilo condidit, & omnibus ornamentis ac præsidis congruis instruxit. Vt autem conuenienti modo id fieret, oportuit vt ipsa quoque creatura se ad tantum bonum disponderet, & illo se dignam pro suo modulo præstaret. Ob hanc causam exiguntur opera bona, non vt per ea Deus honorem acquirat, pro quo veluti in compensationem nobis rependat regnum: ipse enim bonorum nostrorum non eget, pleni sunt cæli & terra gloria eius; & omnis creatura sua specie illum laudat & honorat, cū ipsamet sit clarum potentia, sapientia, bonitatis, prouidentia ipsius testimonium. parua admodum est, quæ per opera nostra fit accessio. Exigit quidem à nobis obedientiam ac honorem, sed sicut pater à filiis, in bonum nostrum, & quia iure naturæ hæc debita. Ea enim est naturalis conditio naturæ nostræ, vt sine his perfecta aut bona esse nequeat; & his contraria cederent in damnum naturæ, & Dei iniuriam. Nec obstat quòd *omnia propter semetipsum operatus sit Dominus*; quia omnia tandem ad gloriā ipsius tamquam ad vltimum finem necessariò referuntur. Sed de hoc plura infra, cū de vltimo fine tractabitur. Cū igitur Deus opera bona exigat solum in commodum nostrum, & quia iure naturæ debita, & perfectioni naturæ necessaria; qua fronte nos poterimus pro eis mercedem exigere tamquam lege iustitiæ nobis debitam, quasi aliquid indebitū in gratiam Dei fecerimus, quod tantum bonum stricto iure mereatur?

10 Tertiò, Obligatio iustitiæ commutatiuæ non habet locum, vbi debitor nihil accipit à creditore nisi suum. Qui enim pro re sua aliquid promittit, videtur gratis promittere, cū non intendat aliquid non suum acquirere, sed solum suam liberalitatem declarare. Atqui Deus nihil à nobis potest accipere nisi quod ipsius est, & quidem multò magis ipsius quàm nostrum, cū omnia opera bona sint ipsius dona, & omnem suam æstimationem ab ipsius gratia contrahant; quomodo ergo possumus illum vinculo iustitiæ nobis obstringere? Nec refert, quòd promissione gratuita possim alteri fieri debitor lege iustitiæ: quia id verum est respectu eius qui

*Deus à nobis
nihil potest
accipere nisi
quod ipsius
est.*

mihi pleno iure non subest, & cum intendo me tam arctè obstringere. Verùm non præsumitur talis obligatio, quando promissio fit pro re aliàs debita. Vide S. Thomam 1.2.q.114.a.1.

Quartò, Si esset obligatio iustitiæ, veram nobis iniuriam faceret, redigendo nos in nihilum: & si nos ad sui visionem non admitteret, sed extra se quamdam beatitudinem naturali statui Angelorum similem tribueret, possemus de iniuria conqueri; & si esset tribunal, litem intendere, & per sententiam iudicis compellere. Quæ non videntur consentanea summo iuri & dominio quod in creaturam habet.

II Quintò denique, Si quis rectè consideret, non est propriè pactum vel contractus reciprocus inter Deum & hominem, sicut inter conductorem & operarium; sed deus apud se constituit benè operantibus dare consortium regni, malè operantes addicere pœnis inferorum, & hanc suam ordinationem nobis reuelavit, vt nobis consulamus. Hęc ordinatio nobis reuelata & acceptata, vocatur pactum & conuentio, cum tamen eius vis non pendeat ab acceptance nostra, sicut fit in veris pactis. Simile est cum Princeps generalem facit legem, qua statuit, vt in viros bonos officia & honores Reipublicæ conferantur, in improbos supplicia: quæ lex non est propriè pactum siue contractus, quamuis ob quamdam similitudinem ita rectè vocari possit, quando consideratur vt singulis applicata & acceptata. quod maximè locum habet in S. Scriptura, quæ talem generalem ordinationem hominibus manifestatam idiotismo Hebræo vocat *pactum, fœdus, testamentum*, &c. præsertim post acceptance. Sicut enim in pactis duorum voluntates conueniunt in vnum, vt vterque præstet quod sibi vicissim promittunt; ita & hîc. Deus enim sua ordinatione promittit regnum, si homo seruet mandata; & vicissim homo acceptando cultum Dei, proponit & promittit (absque tamen intentione inducendi sibi nouum vinculum) seruare mandata, vt regnum promereatur. Vnde si peccet, dicitur violare fœdus quod spondit, & pactum quod Deus ipsi proposuit, & ipse acceptauit. Hæc tamen omnia solum indicant similitudinem & affinitatem cum veris pactis, nec sufficiunt ad inducendum vinculum strictæ iustitiæ: alioquin homo lege iustitiæ commutatiuæ teneretur seruare mandata, & omnia eius peccata essent contra iustitiam commutatiuam, sicut ea quæ contra vera pacta committuntur. Ex his satis manifestè liquet, in Deo non esse obligationem strictæ iustitiæ erga homines; ac pro-

inde

nde neque iustitiam illam, quæ talem obligationem supponit, & perfectum ius alterius respicit. quod non solum de commutativa, sed etiam distributiva intellige: hæc enim non minus distinctionem & stricti iuris rationem inter debentem & cui debetur requirit, quàm illa, ut quidam volunt: vel si hoc non placet, satis est quod per hanc honorum communium fiat distributio: Deus autem non communia sed sua distribuit.

2. Ex quibus intelligi etiam potest, inter Christum & Diuinitatem non intercessisse strictæ iustitiæ rationem, cum nec talis obligatio seu debitum stricti iuris interuenerit. Si enim Christus consideretur ut homo, sic totus erat in dominio Dei, & Deus de omni ipsius iure potest erat disponere: si ut Deus, nemini ad seipsum est obligatio iustitiæ. Deinde ius quod Christus habet erga Deum, competit ei ratione humanitatis: per hanc enim solam & distinguitur à Diuinitate, & meriti ratio ei conuenit, & potuit cum Diuinitate pacisci; ac proinde ius erant illam acquirere. At quidquid ei competit ratione humanitatis, est in dominio Diuinitatis, sicut & ipsa humanitas: ergo non potest inuocare obligationem iustitiæ. Præterea, inter Christum & Diuinitatem non interuenit proprii nominis pactum, alioquin Christus leuè iustitiæ Patri obstrictus fuisset subire mortem: at non ex iustitiæ, sed obedientiæ debito mortem subiit, iuxta illud Apostoli ad Phil. 2. *humiliauit semetipsum factus obediens usque ad mortem.* Vnde & Dominus sæpè insinuat, se mandato Patris pro hominibus mortem operetere, &c. Denique æstimatio operum Christi maxima ex parte erat Diuinitate.

*Diuinitas
n. n. est obstricta Christo
obligatione
strictæ iustitiæ.*

*Ioan 10 18.
item c. 12. 49.
c. 14 31.*

Rectè tamen Christus dicitur satisfecisse secundum iustitiæ rigorem; quia obtulit pretium secundum iustitiæ rigorem sufficiens, imò excedens, quod Diuinitas acceptauit. Sicut qui pro captiuo offert principii lytrum, quod longè pluris sit quàm debitum captiui, dicitur illum redimere secundum iustitiæ rigorem, quamuis Princeps non neatur acceptare, aut possit illud pretium alia aliqua ratione exigere, & sibi vindicare. Nam in huiusmodi locutionibus magis æqualitas rerum quàm obligatio personarum consideratur.

*Christus secundum iustitiæ rigorem
satisfecit pro nobis, & nos redemit.*

Si verò hoc nomen *iustitia* sumatur paulò latiùs, ut passim accipitur in Scriptura (quæ acceptio etiam & satis propria est, & vulgò sitata) sic ponenda est iustitia in Deo, & quidem perfectissimè. vulgò enim *iustitia* dicitur, cum operi congrua merces integrè additur, siue eis qui reddit sit obstrictus nexu iustitiæ, siue solius

*Iustitia latiore ratione
ut nihil imperfectionis
includit, est in Deo.*

2 Tim. 4.

fidelitatis: & siue is cui redditur, sit sui iuris, siue in potestate reddentis. non enim in usu istius nominis vulgò tam spectatur vis obligationis, quàm æqualitas & congruentia rerum quam iustitia efficit. Sic Deus dicitur *iustus index*, quia mercedem statutam integrè soluit tum in bonis, tum in malis. Sic Apostolus ad Hebræos 6. ait: *Non enim iniustus Deus, ut obliuiscatur operis vestri, & dilectionis, quam ostendistis in nomine ipsius, qui ministrastis sanctis, & ministratis.* insinuans fore *iniustum*, si non remuneraret. Loquitur autem de operibus bonis, non per peccatum mortificatis, & rursus per poenitentiam viuificatis, ut quidam volunt (nulla enim vel umbra esset iniuriæ, etsi horum obliuisceretur) sed de iis, quæ numquam fuisse mortificata, ut colligitur ex Concil. Trident. sess. 6. cap. 16. Hæc enim tenetur remunerare ratione suæ promissionis: sicut dominus si seruo promisit mercedem aliquam pro opere aliàs debito, tenetur illam soluere, non obligatione strictæ iustitiæ, sed promissionis & fidelitatis. Verùm cum duplex sit promissio; alia merè gratuita, alia remuneratoria, nimirum quæ fit sub conditione operis; illa obligatio, quæ ex promissione remuneratoriæ præstito opere nascitur, maior est, & obligationi strictæ iustitiæ similior, quàm illa quæ oritur ex promissione merè liberali, nullum opus requirente. Vnde ius illud quod iusti per bona opera habent ad regnum, est maius, quàm id quod ex merè liberali promissione nascitur: & consequenter, obligatio quæ est in Deo ad remunerandum, maior est quàm obligatio omnino gratuitæ promissionis, minor tamen quàm strictæ iustitiæ, sed medio quodam modo se habet. Hinc fit ut in Deo sit quædam iustitiæ ratio medio modo se habens inter strictam iustitiam & fidelitatem gratuitæ promissionis, qua reddit cuique quod operibus cuiusque ex ipsius promissione est debitum. Talis enim iustitia nullam imperfectionem includit, cum non supponat ullam obligationem strictam ad alterum, qui sit sui iuris, & continet omnem perfectionem, quæ in iustitia stricta reperitur. Nam omnis perfectio iustitiæ in eo sita est, quòd cuique integrè tribuat id quod ei aliquo modo debitum est. Non enim perfectio iustitiæ pendet ex perfectione debiti vel obligationis cui satisfit; sed ex perfectione æqualitatis quam inducit, dum omnibus quidquid aliqua ratione debitum est, etsi minima, ad exactam æqualitatem tribuit. Confirmatur ex Dionysio De diuinis nominibus cap. 8. ubi sic ait: *Iustitia Dei celebratur, ut omnibus ea quæ meritis cuiusque conueniunt, distribuens, &*

ed congruentem mensuram, & pulchritudinem, & ordinem, & dispositionem, omnesque distributiones & classes iuxta eam quæ verè est iustissimam definitionem cuique determinans, & omnibus propria cuiusque operationis auctor existens. Cuncta enim diuina iustitia ordinat, & suis terminis circumscribit, & omnia ab omnibus mera & impermixta custodiens, omnibus rebus, quæ cuique pro sua dignitate congruunt, largitur. Quibus verbis generalem illam iustitiæ rationem ad omnia creata se extendentem, & cuique congruentia exactissimè & cumulativè tribuentem describit, quæ omnem iustitiæ modum ac formam complectitur. Quatenus enim constituit æqualitatem inter præmium & meritum, tribuens cuique præmium meritis ipsius cōgruens, eatenus habet formam iustitiæ commutatiuæ: vt verò constituit æqualitatem inter proportionem præmiorum & proportionem meritorum, efficiendo vt ea sit proportio inter præmia, quæ est inter merita (hoc enim ad pulchritudinem illius regni pertinet, estque etiam per se à Deo intentum) habet formam iustitiæ distributiæ. Eandem formam seruat, si spectetur quatenus singulis naturis rerum distribuit ornamenta & qualitates prout cuique congruit. Denique quatenus condignis pœnis vindicat peccata, est iustitia vindex. Conueniunt autem hæ tres formæ, quòd per eas tribuantur singulis ea quæ cuique pro suo modo sunt congrua & debita. Hac itaq; ratione hæ tres formæ sunt in Deo perfectissimæ. Verùm quia potissimùm hîc agitur de iustitia vindice, quomodo ea Deo conueniat, paulò fusiùs explicandum.

CAPVT III.

Vtrum in Deo sit propriè Iustitia Vindex.

DISTINXIMVS suprà quadruplex debitum, & cuique propriam iustitiæ rationem aptauimus, & quo modo in Deo reperiatur ostendimus. Quatuor illis debiti acceptionibus seu rationibus potest addi quinta, qua aliquid dicitur *debitum in pœnis*. 14. Pœna enim dicitur debita crimini, hoc est criminoso, non quòd ipse ad eam ius aliquod habeat, sicut cùm alicui dicitur deberi præmium: sed quia illi congruit, estque necessaria vt rectus ordo per eum violatus instauretur. Vnde etiam debita est Reipublicæ, cuius ille criminosus est pars, & cuius legem violauit. Huic debito respondet virtus quædam quæ *iustitia vindex seu vindicatrix* dicitur, & residet

Debitum in pœnis.

Iustitia vindex.

Z z ij

in eo qui Rempublicam gubernat. Lex enim est bonum publicum, quod peccato violatur. Vnde vindicta, quæ est castigatio peccati, & violati boni publici quædam instauratio, ad eum solum pertinet, cui boni publici cura commissa.

*Distinguitur
à iustitia
commutativa.*

Dices, hanc virtutem non videri distingui à iustitia commutativa, quia gubernator Reipub. lege iustitiæ commutativæ tenetur fontes plectere. Deinde in vindicta spectatur æqualitas rei ad rem; nimirum pœnæ ad culpam, & sicut per culpam læditur Respub. ita per pœnam fit ei compensatio quædam & restitutio, vel satisfactio. Respondeo, in eo similem esse iustitiæ commutativæ, quod constituat æqualitatē inter rem & rem, & compenset quodammodo læsionem irrogatam. Discrepat tamen, quia non supponit strictam obligationem ad hanc compensationem faciendam, sicut fit in iustitia commutativa. Nec obstat quod Iudex & Gubernator teneatur lege iustitiæ pœnam infligere: quia hæc obligatio est ex peculiari contractu vel quasi contractu cum Republica. Duplex enim obligatio potest in Iudice considerari: prior erga reum, ad eum puniendum; altera erga Rempub. cui est obstrictus per officium vel pactum, ut eius administret fontes plectendo. Illa est iustitiæ vindicativæ, hæc iustitiæ commutativæ: sed vno actu utrique satisfacit: hoc ipso enim quo fontem secundū legem iustitiæ vindicativæ punit, obligationi qua tenetur Reipub. satisfacit. Itaque iste actus est elicitus proximè à iustitia vindicativa, imperatus à iustitia commutativa, vel etiam legali. Est enim veluti debitum quoddam quod solvit Reipublicæ, & quo consulit bono communi, in cuius executione dirigitur lege iustitiæ vindicativæ; cum hoc sit opus huic iustitiæ proprium, & proximè ad eam pertinens. Quod autem hic affectus sit virtus in eo qui publica potestate fungitur, perspicuum est: est enim bona pars iustitiæ, à qua Iudices iusti dicuntur, & ratione cuius magna laude sunt digni: nam instaurare ordinem iustitiæ violatum, est per se bonum & honestum, & magnum Reipub. ornamentum: denique sine vindicta scelerum bonum Reipub. maximum (quod est legum observatio) constare nequit.

*Hic affectus
in Magistratu
esse virtutem.*

*Esse in Deo
iustitiam
vindicativam.*

15 Porro hanc virtutem propriè esse in Deo, ex eo colligitur, quod nullam imperfectionem in suo conceptu inuoluat aut supponat, sicut iustitia commutativa, aut distributiva strictè accepta: non enim requirit strictam obligationem in vindicante cui satisfaciat, ut patet in Repub. libera, & in Principe supremo, qui potest pœ-

nam condonare. Quòd si aliquando talis obligatio reperiatur (vt in Iudicibus inferioribus, & Gubernatoribus) hæc prouenit ex peculiari contractu vel obligatione erga Rempub. vel eos quibus ius dicere tenentur; estque planè extrinseca huic virtuti. neque in Deo locum habere potest, cum ipse officium (vt ita dixerim) gubernandi mundi non à mundo, sed à se habeat. Itaque neque reo, neque mundo obstrictus est nexu iustitiæ ad peccata plectenda, sed solum sibi ipsi; quia decet valdè ipsius iustitiam & sanctitatem, & quia ita statuit ad suam gloriam, & bonum vniuersi. Neque verum est quod quidam dicunt, ad vindictam requiri doloris acerbicatem, aut damnum illatū, quod inflictione pœnæ emendetur, & veluti sarciat; quia sufficit publicā legem & maiestatem legislatoris esse violatam; etiamsi inde nullum aliud incommodum sit secutum. hoc enim per se satis magnum malum est, vt pœna compensari debeat.

Ratio vindictæ non postulat vt vindex dolorem aut dānum senserit.

16 Quòd etiam in Deo hæc virtus excellentissima sit, ex multis intelligi potest. Primò, quia prouidentia diuina & mundi gubernatio constat operibus misericordiæ & iustitiæ vindicatiuæ: quidquid enim Deus facit circa creaturas, vel est opus misericordiæ & benignitatis erga hominem, vel iustitiæ peccatorum vindicis. & hoc modo intelligi potest illud Psalm. 34. *Omnes viæ Domini misericordia & Veritas.* Itaque iustitia vindex occupat dimidiam, vt ita dixerim, prouidentię & gubernationis diuinæ partem.

Essa virtutis excellentissimam in Deo.

Deinde, ipsa est causa omnium ferè bonorum operum quæ sunt in mundo, & salutis electorum. Si enim non esset vindicta peccatorum, pauci admodum præstarent se dignos cælo, pauci virtutem colerent, sed propè omnes in cæno vitiorum volutarentur. Perinde enim est vindictam non esse, & prouidentiam vel Numen non esse. at hoc inducere in animum, est fons infinitorum malorum, vt Psalm. 13. insinuatur: *Dixit insipiens in corde suo, Non est Deus, non est peccatorum vindex. quid hinc secutum? Corrupti sunt & abominabiles facti sunt in studiis suis, non est qui faciat bonum, non est usque ad vnum.* Sicut sublata iustitia vindicatiua è Republica, omnia essent plena latrociniiis & sceleribus contra iustitiam civilem; (vt meritò dixerit Aristoteles, solem è mundo tollere, qui iustitiam tolleretur) ita sublata vindicta diuina, omnia essent plena sceleribus, saltem occultis, aduersus omne genus virtutum: longè enim ampliùs minis & suppliciis terrentur homines à flagitiis, & ad officium virtutis incitantur, quàm beneficiis & promissis alli-

Est causa bonorum pœnæ omnium & salutis humana.

Plal. 110.

ciantur. Plerique etiam eorum qui nunc virtutem colunt, rebus illius vitæ contenti essent, nec multum promissione futurorum mouerentur, nisi metu maioris mali, vindictæ inquam diuinæ, vrgerentur. *Initium sapientiæ timor Domini*, inquit Scriptura, hoc est, caput & summa totius sapientiæ est, nosse diuinam iustitiam, eiusque timorem semper præ oculis haberet: quantumvis enim in virtute quis profecerit, sapè tamen eget hoc stimulo; tum vt ad bonum se excitet, tum ne ad malum in tentatione declinet. Itaque sapientissimè facit, qui hunc timorem numquam deponit. Præstat autem hoc bonum ipsa iustitia vindicatrix, non per modum principij elicentis, sed per modum obiecti terrentis & monentis, vt malum, quod ipsa intendat, euadamus.

*Compensat
iniuriâ Deo
illatam, &
instaurat or-
dinem.*

17 Tertiò, duo alia bona hæc iustitia efficit, idque velut principium directè eliciens, ob quæ eminentissima virtus censerì meritò debeat: alterum est, iniuriæ diuinæ compensatio; alterum, violati ordinis in vniuerso instauratio. Duo enim mala peccato perpetrantur; alterum, iniuria Dei, dum peccator ipsum contemnit, & se illi quodam modo præfert, sibi plus sumens, & Deo detrahens; alterum, perturbatio recti ordinis, dum se diuinæ subiectioni subtrahit, & publicæ rectitudinis statum peruertit. Maximum malum est contemptus & iniuria in Deum, quo nullum maius animo concipi potest: ingens quoque malum est recti ordinis perturbatio in suprema natura creata, nimirum rationali. Sicut si elementa mutatis suis sedibus permiscerentur, vel se supra cælos efferrent, ingens esset perturbatio, & grande malum mundi, at maior est & horribilior perturbatio, cum natura rationalis, quæ præstantissima est, (ob quam totus iste mundus est conditus, vt eius seruiat obsequiis) se sui Conditoris subducit gubernationi, suo arbitrio viuere volens, se illi opponens, & quodammodo præponens. Vtrumq; malum emendatur per iustitiam vindicatricem. Dū enim peccatori debita pœna infligitur, iniuria Deo irrogata quodammodo compensatur: nam qui contra voluntatem suam aliquid ab altero est passus, satisfactionem quamdam accipit, dum videt illū vicissim contra suam voluntatem pati: & qui ab altero contemptus est, illius pœna & depressione honoratur. Præterea, dum pœna infligitur, violatus ordo instauratur. Nam qui se diuinæ gubernationi subtraxerat, suo arbitrio agere volens, iterum eidem subiicitur, dum pati cogitur arbitrio Dei. 18. Sicut igitur inordinatio illa quam peccatum inducit partim contra Deum, partim contra rectam

partium vniuersi dispositionem, est maximum malum & maxima in mundo deformitas: ita iusta vindicta, qua vtraque ista in ordinatio quodammodo tollitur vel emendatur, est maximum quoddam bonum & summa pulchritudo in vniuersi istius amplissima Republica. Quid enim pulchrius & rectissimo ordini iustitiæ congruentius, quàm vt qui Deo iniuriam agendo irrogauit, is patiendo (cùm aliter non possit) ei satisfaciat; & qui se contra Deum extulit, à Deo infra se deprimatur; & qui voluntati & affectui nimium indulsit, ea quæ voluntati & affectui sunt aduersa sustinere cogatur; & qui subduxit se gubernationi misericordiæ, incitat in seueritatem iustitiæ? Accedit, cùm omnis inordinatio, quæ est in elementis & vniuersa natura corporea, orta sit ex peccato, (si enim peccatum non fuisset, singulari prouidentia tota natura rerum fuisset cohibita ne homini esset noxia aut molesta;) correctæ inordinatione peccati per iustam vindictam, omnem quoque perturbationem, quæ occasione peccati in reliquis erat, sublatum iri, eaque omnia suum congruentissimum ordinem & statum consecutura. Ex quibus perspicuum est, iustitiam vindicatricem, quæ in iusta vindicta tantum bonum spectat, & directè præstat ac perficit, esse præstantissimam in Deo virtutem. Hinc crebrò in S. Scriptura sicut Dei misericordia, ita etiam iustitia ac seueritas nobis proponitur & commendatur, & variis modis describitur, vt eam benè apprehendamus, eaque perterriti à peccatis auocemur, Psalm. 75. *Vouete, & reddite Domino Deo vestro omnes qui in circuitu eius offertis munera. Terribili, & ei qui aufert spiritum Principum, terribili apud omnes Reges terra.* & Psalm. 96. *Nubes & caligo in circuitu eius, iustitia & iudicium correctio sedis eius. Ignis ante ipsam præcedet, & inflammabit in circuitu inimicos eius. Illuxerunt fulgura eius orbi terræ; vidit & commota est terra. Montes sicut cera fluxerunt à facie Domini, à facie Domini omnis terra. Annuntiauerunt cali iustitiam eius, & viderunt omnes populi gloriam eius, &c.* Matth. 12. *Dico autem vobis, quoniam omne verbum otiosum, quod locuti fuerint homines, reddent rationem de eo in die iudicij.* Denique sæpissimè ingeminatur nobis in Scriptura, *redditurum Dominum unicuique secundum opera ipsius.* Omitto loca plurima, quibus seueritas Dei & magnitudo vindictæ describitur, vt Isaia ultimo, Ioël. 2. Sophon. 1. Malach. 4. Matthæi 24. Apocalypsis 6. &c.

*Pulchritudo
operis iusti-
tiæ vindictæ.*

Verùm quia vtilissima est diuinæ iustitiæ consideratio, (cùm per hanc maxime à peccatis absterreamur, & ad bonorum operum.

studium ac tolerantiam malorum huius vitæ præstandam impellamur,) tria nobis hic potissimum tractanda sunt. Primum, De præcipuis diuinæ iustitiæ operibus. Secundum, De multitudine & magnitudine pœnarum, quas diuina iustitia peccatoribus infligit. Tertium, De grauitate peccati, ob quam tantas pœnas meretur.

CAPVT IV.

De primo diuinæ Iustitiæ opere.

SICVT magnitudo diuinæ misericordiæ ex operibus cognoscenda est, ita etiam magnitudo seueritatis & iustitiæ vindicis. Causa enim inuisibilis & abdita in Deo, non potest à nobis melius quàm ex effectis & operibus cognosci, nec virtus quàm ex suis functionibus. Porro opera diuinæ iustitiæ in particulari sunt innumera, possunt tamen ad decem generalia reuocari.

Strages Angelorum.

Primum sit strages Angelica, cùm tot Angelorum myriades ob vnum peccatum cælo deiecit, & diuina hæreditate spoliatos in tartarum deturbauit, æternis suppliciis cruciandos. Vbi considera, Deum nullam rationem habuisse nec multitudinis eorum innumeræ; nec pulchritudinis eximix, qua cæteris omnibus creatis antecellebant; nec excellentiæ naturæ, quæ Diuinitatis erat imago simillima; nec magnitudinis ingenij, quo omnes rerum naturas penetrabant & comprehendebant; nec totius illius boni quod ex salute eorū prouenisset; non visionis beatæ, qua ipse semper in mentibus eorum resplendisset; non amoris, quo illum super omnia amassent, ac omne bonum illi vouissent, & æternum fuissent gratulati; non laudis & hymnorum, non gratiarum actionis, quibus in omnem æternitatē illum celebrassent; non suæ gloriæ quam ipse ex tot beatis spiritibus in seipsum æternum erat percepturus. Pari modo non curauit mala, quæ ex eorum damnatione sciebat obuentura, nimirum æternas in Diuinitatem blasphemias & contumelias, pertinacem gloriæ diuinæ oppugnationem, humani generis lapsum, & totius mundi peruersionem, quam ipsi furore tanti supplicij perciti, erant inuecturi. Hæc omnia nihili fecit, tanta bona contentus perdere, & tantis malis locum dare, vt eorum peccatū vindicaret 21. Poterat omnia ista mala præcauere, & omnia supradicta bona saluare, si vel vnius horulæ spatium ad pœnitentiam illis concessisset. Nemo enim ex illis fuisset, quem non statim pœnit-

tuisset

tuisset facti, omnes subito minùs consideratum affectum fuissent de-
testati. quanto putas cum dolore? quàm acri & incensa contra seip-
sos ira? quanta humilitate petiissent veniam, & suam in Deum accu-
sasset ingratitudinem? quanto ad ipsum feruore animi fuissent con-
uerſi? Sed tam vehemens & velox ira Dei fuit, vt nemomentum qui-
dem illis concesserit; sed in ipso flagranti delicto, nihil tale suspican-
tes, sententia damnationis veluti fulmine ictos, cælo præcipitauit, &
æternis inferorum pœnis sine vlla spe remissionis addixit. O incom-
prehensibilem diuinæ iustitiæ seueritatem! ô sententiam terribilem
& intolerabilem! ô infelices spiritus! quid vobis in mentem venit
ita salutem vestram prodigere? quid magnæ illi luci, qua predici era-
tis, obstitit, quò minùs attenderetis ad damna tanta & tormenta pec-
cantibus impendentia? nimirum intenti nimium pulchritudini ve-
stræ à Deo recens acceptæ, & illius cæco amore capti, in superbiam
elati estis, bonisque vestris, tamquam à vobis ea haberetis, flagitio-
sè intumuitis, obliti Conditoris vestri. Quis ista perpendens non
exhorrescat, & cum timore ac tremore salutis suæ non inuigilet? Si
enim *qui seruiunt ei non sunt stabiles, & in Angelis suis reperit prauita-
tem; quanto magis hi qui habitant domos luteas, qui terrenum habent fun-
damentum à tinea peccati, quæ ex concupiscentia nascitur, consumen-
tur, & æterni ignis fient pabulum, nisi misericordia Dei adiuti, om-
ni studio peccatis restiterint? Si angelis suis, Regni sui Principibus,
semel dumtaxat peccantibus non pepercit, sed inferni rudentibus de-
tractos in tartarū tradidit cruciandos; quid fiet hominibus vilissimis &
ingratissimis, post infinita beneficia tot peccata perpetrâtibus nisi se-
ria & celeri pœnitētia, vitæque correctione irā impēdētē auerterint?*

Colligitur
ex Damasceno lib. 1.
De fide c. 3.
Scor. in 2.
d. 7. & aliis,
qui ex elec-
tione ne-
gant in spi-
ritibus nasci
immutabile
adhæſionem

Iob 4.

2. Peti 2.

CAPVT V.

De secundo opere Iustitiæ diuinæ.

22 **S**ECVNDVM opus iustitiæ vindicis fuit punitio peccati Adami, quæ etiam admodum terribilis fuit, & multiplex. Nam Primò, ipse cum tota sua posteritate spoliatus fuit gratia diuina, ac iure regni cælestis, immortalitate, Paradiso, & tota felicitate illius sta-
tus. Ecce quantis bonis & huius vitæ & futuræ, quàm innumerabi-
les homines ob vnius delictum spoliantur? Si ob crimen perduel-
lionis Princeps virum nobilem, & omnem eius posteritatem priua-

Punitio pec-
cati Adami.

Primò, Pri-
uat omnibus
bonis illius
status.

Aaa

ret suo favore, & nobilitate, & omnibus dignitatibus, honoribus, officiis, & opibus illi collatis, mitteretque in exilium miserabile, egestate & multis calamitatibus conficiendos, omnesque indignos omni sua gratia in posterum censeret vellet; grauis admodum pœna videretur. At tantò est maior pœna peccati Adami, quantò meliora sunt bona quibus priuat, & peiora mala quibus obicit, & plures numero quos perstringit; quantoque peius est ad cœlestia & æterna, quàm ad temporalia & terrena indignum ac inhabilem esse. Ex hoc tamen exemplo æquitas huius pœnæ utcumque intelligi potest.

*Secundò,
Ene tit ordi-
nem prioris
providentia.*

23 Secundò, Evertit totum illum providentiæ ordinem & gubernandi rationem, quam ex se constituerat, & mundo præparauerat: longè enim alia quàm sit modò, fuisset rerum gubernatio, si peccatum non extitisset. Omnia sic administrata fuissent, vt homini nihil officeret, nihil molestiam aut mœrorem adferret, nihil ad peccandum sollicitaret, sed omnia illi & oblectationem & obsequium præbuis-
sent, & ad salutem fuissent auxilio. Non illum frigus afflixisset aut æstus, non fames aut sitis, non paupertas & nuditas, non morbus & infirmitas, non senectus & mortis necessitas, non passionum turbidi motus, non carnis aduersus spiritum rebellio, non ignorantia & mētis stupor, non propensio ad malum, & languor ad bonum, non mille huius vitæ sollicitudines & dolores; non fuissent illi creaturæ in laqueum & muscipulam, in ruinam & damnationem. Omnia hæc incōmoda per suauissimam illam providentiæ rationē, quam Deus tunc præparauerat, impedirentur. Sed propter peccatum Deus hanc providentiam sustulit, & res suis motibus ferri, & in hominem vndique interiùs & exteriùs scuire permisit, nulla ratione malorū habita quæ inde homini erant obuentura. Quare isto providentiæ repagulo subducto, omnia illa mala, tamquam agmine factò, in genus humanū vnà cum mortalitate irruerunt. Sicut si Princeps, qui singulari cura regnum in pace & omni felicitate conseruabat, ob scelus Præfecti curam illam deponeret, tutamen regni auferret, & frænum, quo continerentur hostes omnes qui regno nocituri erant, laxaret, permittens illud incendiis, cœdibus, & intestinis cladibus concidere, & ad extremam deuolui miseriam. Indicat hoc Scriptura Sapientiæ i. docens omnia à Deo condita esse salutaria, nec nocitura fuisse homini, nisi peccato suo id commeruisset.

*Tertiò, Per-
mittit tyrannidi
diaboli.*

Tertiò, Permisit Deus ob hoc peccatum totum ferè genus humanum tyrannidi diaboli. Antea nihil ille in mundo habebat iu-

ris, nemini poterat nocere, nec vñquam potuisset, si innocentia perstitisset, nec homines illum, vt modò faciunt, metuissent, sed instar canis vel serpentis contempsissent & abegissent. Sed postquam primi parentes nostri à Deo recesserunt, & diaboli suggestioni potius quàm diuino mandato morem gesserunt, magna ei potestas permessa est, qua sensim totam pœnè posteritatem in suam seruitutē pertraxit. Vnde factum vt toto ferè orbe per aliquot annorum millia, tamquàm princeps mundi, & Deus huius sæculi habitus sit & cultus, & etiam num multis locis colatur. Iustum enim est, vt à quo quis victus est, eius seruituti subiici sinatur; nec meliorem sortem tandem consequatur, quàm is cui se subiecit. Ingens sanè hoc erat pœna, tam immani tyrannide premi, qua & in omne genus vitiorum pro ipsius arbitrio impellebantur, & in eandem simul trahebantur cum ipso dānationem. Magnum esset supplicium, si Princeps ob vnius culpam regnum permitteret vastari à latronibus, eorumque seruituti subiici: sed adhuc maius & acerbius, si simul statueret, vt illi qui latroni seruissent simul cum latrone paribus tormentis consumerentur. Simile cogita in Deo, qui ita mundum diaboli permisit tyrannidi, vt eos qui ipsi morem gerunt, vnà cum ipso æternis incendiis addici velit.

Ioan. 14. 30.
&c. 16. 11.
2. Cor. 44.

25 Quartò, Permisit infinitam hominum multitudinem ruere in æternum exitium. Etsi enim esset præsciens tanti mali secuturi, si iustitiam originalem & providentiam illam primam subtraheret; nihilominus non curauit, quasi in vindicando illo peccato tantam cladem parui fecerit. Sicut cùm Princeps alicuius potentis inobedientiam vindicaturus, nihil de pœna vult remittere, etiamsi videat inde totius regni secururam vastitatem, & maximam partem inter-
necione delendam.

Quartò, Per-
missi maxi-
mam partem
ruere in exi-
tium.

Ex his vtcumque intelligi potest, quanta & quàm inæstimabilis fuerit iustitiæ diuinæ seueritas in primorum parentum peccato vindicando.

CAPVT VI.

De tertio opere diuinæ Iustitiæ.

26 **T**ERTIVM opus fuit cataclysmus generalis, quo totus mundus (exceptis octo hominibus) deletus, & omnes hominū labores opesque euerse. Magna videtur vindicta, cùm ciuitas aliqua

Tertium,
Catacly-
smus.

opulenta funditus eueritur ædibus incensis, & omnibus qui eam incolabant internecione deletis. At ibi non aliqua ciuitas aut regnum, sed totus terrarum orbis cum omnibus suis incolis, opibus & ornamentis deletur. Erant homines illius æui omnibus naturæ dotibus ornatissimi, procera statura, optimè formato corpore, ingenti robore, summa audacia, rei bellicæ peritissimi, temperamento firmissimo, vitam & ætatem florentem in multa sæcula producentes: erat etiam eorum maxima & innumerabilis multitudo, totumque parè orbem occupabant; adeò vt valdè credibile sit tunc longè plures homines extitisse, quàm hoc nostro sæculo extent. Cùm enim diuissimè uiuerent, & corpore essent firmissimo, omnesque propagationi essent intenti, & multi plures acciperent vxores, fiebat vt intra trecentos vel quadringentos annos in multas diffunderentur myriades, & singuli magna possent implere regna, nouis assiduè subnascentibus & veteribus non denascentibus, sed simul ad septingentos, octingentos, vel nongentos annos perseverantibus. Itaque plurimi ex maioribus videbant maximas prouincias à sua stirpe occupatas, & ducentas vel trecentas hominum myriades ex se procreatas. Si enim ex vno Iacob intra trecentos annos tot procreati fuere, vt exercitū sexcentorum millium virorum à viginti annis & supra confecerint, præter mulieres & paruulos (quorū numerus facilè duplo maior erat) cùm tamen homines vix septimam partem illius prioris ætatis attingerent: quantam existimabimus multitudinem sæculo illo primæuo per annos 1656. procreatā, cùm homines vitæ adeò essent diuturnæ, & aliis subnascentibus priores non nisi post multa sæcula deficerent? 27. Deus tamen infinitam istam multitudinem, & omnia illorum ornamenta, quæ tanti sunt apud homines, nihili fecit, & omnes internecione, immensa vi aquarum supernè demissa sustulit. Cui enim deest timor Domini, quantumuis humanis excellat præsidiis & ornamentis, nihili apud Deum æstimabitur. *Si quis fuerit consummatus inter filios hominum, si ab illo abfuerit sapientia tua* (timor Domini) *in nihilum computabitur*, inquit Sapiens. qua de re multa habentur Sap. 9. & Baruch. 3. Mirus profectò erat iste puniendi modus, & mirificè declarans diuinam potentiam, cui omnis creatura seruit, & infinitæ rationes suppetunt nos castigandi.

Multitudo
hominum il-
lius ætatis.

Exodi 12.

Vnde tanta
aqua rum vis.

28 Sed vnde tanta aquarum copia? Quidam putant magnam terræ vel aëris portionem in aquam fuisse conuersam. Sed quibus experimentis huiusmodi conuersio probari possit, non est facile osten-

dere. Alij. aquam cauernis terræ inclusam sursum erupisse, & terræ superficiem inundasse, & hos esse fontes abyssi magnæ, quos ruptos Scriptura memorat. Verum & hoc difficile est creditu: illa enim aqua non nisi vi, & contra naturæ suæ impetum sursum propelli poterat; nec cauernæ illæ vacuæ relinqui, sed aëre impleri, & firmissimè concludi debebant, ne aquæ refluerent. Itaque vim adferri assidue naturis elementorum oportebat vt diluuium fieret, & factum consisteret. At longè conuenientius erat, vt hæc omnia secundum propensionem & impetum naturalem elementorum fierent. Deinde, si aqua erupisset è terra, non effecisset pluuiam, sed exundationem. At Scriptura apertè indicat, fontes abyssi magnæ, & cataractas cæli effecisse pluuiam: *Rupti sunt, inquit, omnes fontes abyssi magnæ, & cataractæ cæli apertæ sunt, & facta est pluuiæ super terram quadraginta diebus & quadraginta noctibus.* Itaque fontes abyssi magnæ non sunt aquæ subterraneæ, sed sublimes & cælestes, quæ solæ pluuiam efficiunt. Confirmatur: Quia aquæ subterraneæ non poterant sursum ascendere & effundi nisi initio inundationis, cum terræ superficies necdum erat aquis cooperta; non autem postea cum cæpit tota circumdari: quia aëri qui in locum aquarum subiret, omnis aditus tunc ad illas cauernas erat interclusus. At Scriptura indicat, fontes abyssi magnæ non esse conclusos nisi completo iam diluuiio, & cessantibus pluuiis: *Clausi sunt, inquit, fontes abyssi, & cataractæ cæli, & prohibita sunt pluuiæ de cælo.* Itaque fontes abyssi non sunt aquæ subterraneæ. Nec est necesse ad istas angustias confugere: sat magna aquarum copia supra cælos, vt S. Scriptura loquitur, præparata erat. Eò enim abyssus magna pro maiori sui parte translata est, vt ex 1. cap. Geneseos colligitur. Ibi eius fontes quærendi, vbi & cæli cataractæ. Creauit Deus initio maximam vim aquarum, vndique terram altissimè ambientem, quam S. Scriptura dicto cap. 1. Geneseos *abyssum* vocat. Huius maximam partem secundo die posuit supra firmamentum, dum eam in vaporem subtilissimū extenuatam, supra mediam regionem per vastissima spatia circumquaque dispersit & expandit. Hoc modo diuisæ sunt aquæ quæ supra firmamentum sunt, ab aquis quæ sub firmamento. Hæ abundè sufficiebant ad diluuium efficiendum, vt non opus fuerit vel alia elementa diuina virtute in aquam conuerti, vel aquas subterraneas sursum educi. Fuerunt igitur hæ aquæ quæ olim extenuatæ & per immensam aëra diffusæ erant, rursus densatæ, & ad primæuam reductæ conditionem, applicatis ad hoc causis ido-

Gen. 7.

Qui sint
fontes abyssi
magna.

Gen. 8.

374 DE PERFECT. DIVINIS LIBER XIII.
neis, vnde suo pondere in terras circumquaque ruerunt, non simul & confertim, sed sensim, vt miseris mortalibus daretur locus pœnitentiæ, vt D. Chrysostomus Homil. 25. in Genesim notauit.

29 Pluit itaque per vniuersum orbem quadraginta dies, & quadraginta noctes, & sensim ita excreuit aquarum copia, vt tandem culmina montium quindecim cubitis superaret, vndique cingens & operiens orbem terræ, sicut sphaera superior inferiorem: ad quod efficiendum, tanti temporis per totum orbem pluuia, si quis benè consideret, abundè sufficiens videri possit, cum fuerit vehementissima. Itaque nullus erat effugij locus, cum nusquam pedem figere, nusquā se tenere possent, pondere corporis ad ima deprimente, & aquarum vi spiritum intercipiente. Et quamuis multi arcas, tabulas, vel arbores natantes (vt fieri solet in naufragijs) apprehenderent, tamen tandem partim inedia, partim labore & fluctuum impetu victi & fatigantes obruti sunt, aquis centum quinquaginta diebus antequam inciperent minui terras obtinentibus. Poterant octo vel decem dies sufficere ad omnes extinguendos; nihilominus ad centum quinquaginta productum est hoc diluuium, vt iræ diuinæ magnitudo illa claudis continuatione declararetur. Eo tempore expleto, cœperūt aquæ decrescere, adeò vt post septuaginta dies cacumina montium apparere inciperent, & post alios centum quatuor iam terra esset exsiccata, ita vt Noë cum omnibus animantibus egredi arcam, & commodè per terram ambulare posset. Itaque quadraginta diebus diluuium creuit, centum quinquaginta stetit, & centum septuaginta quinque imminutum est & absumptum, ac proinde anni spatium tota res peracta. Porro illa aquarum imminutio facta est vi spiritus siccantis, & aquam rursus in vaporem extenuantis, & rursus per immensos aëris tractus supra mediam regionem, vnde venerat, dissipantis. Hanc vim non naturalem, sed diuinitus impressam fuisse, credibile est, & ipsa sacra Historia indicat. Nullus enim ventus tam breui tempore tantam aquarum copiam haurire, aut ita extenuare vi sua naturali potuisset.

CAPVT VII.

De quarto Iustitia diuina opere.

30 **Q**UARTVM iustitiæ diuinæ opus cernitur, cum inusitatis *Inusitata clades.* modis supra communem rerum cursum vastantur vrbes, populi, regna, vel igne cælitus demisso, vel terra dehiscente, vel maris incurfu, vel spiritualis naturæ ministerio. Sic Sodoma & Gomorra, Adama & Seboim cum vicinis locis ignis sulphurei imbre deletæ sunt, *Domini* (inquit Scriptura) *pluit super Sodomam & Gomor-* Gen. 19: *rham sulphur & ignem à Domino de celo, & subuertit ciuitates has, & om-* Punio So- *nem circa regionem, vniuersos habitatores urbium, & cuncta terra vi-* domorum. *rentia.* In quo supplicio multa sunt considerata, quæ seueritatem diuinæ iustitiæ nobis insinuant. Primò, Quòd igne sulphureo cælitus demisso puniti, qui vel ipso aspectu est maximè horribilis, colore fusco & ex obscuro flauescente, odore teterrimo, ardore maximè penetrabili, contagio & adhesionem pertinaci. Vnde Scriptura diuina ignem inferni sulphureum esse multis locis insinuat, vtpote ad torquendū *Ignis sulphureo.* impios aptissimum. Est in locis subterraneis huius materiæ maxima copia: nam præter ipsum sulphur merum, quo terra abundat, plurima alia quæ effodiuntur sulphur habent admixtum. In aëre verò facile concrefcit, vt ex fulminibus constat, quæ planè sulphurea esse, res afflatæ testantur. Facile fuit Deo, ministerio Angelorum materiam inflammabilem, halitumque pinguem per aëris vastitatem diffusum subito colligere, eumque in sulphur liquidum densatum inflammare, & impetu instar nimbi vel torrentis deorsum mittere. Sic *Psalm. 18.* *pluit super peccatores laqueos, ignis, & sulphur, & spiritus procellarum* Apoc 14. 19- & 20. *pars calicis eorum.* *Isa. 30.* & 34- *Psalm. 10.*

Secundò, Quòd subito & ex inopinato oppressi, cum adhuc in *Subito oppressi.* ætate suis vel somno sopiti, vel suis impuritibus dediti volutarentur: nam manè sole oriente hæc clades illata, cum eadem nocte rota ciuitas à minimo vsque ad maximum, vt ait Scriptura, ad ædes *Gen. 19.* Lot congregata nefandum crimen in hospites ipsius patrare conata fuisset. Itaque valdè verissimile est, nullos vel paucissimos ex illis saluatos. Cum enim omnes essent improbissimi, & timore diuini Numinis destituti, (nam in omnibus illis locis non reperiuntur vel decem iusti; & si qui fortè erant, eos ad familiam Lot

pertinuisse putandum est) difficillimum fuit in tanto terrore & tam repentina clade veram concipere cōtritionem qua Deo reconciliaretur. In diluuiō concessa longa mora, & pœna non erat tā atrox, vnde facilius poterant pœnitentiam agere: hīc nullæ datæ induciæ, sed repentiē horrendo & acerrimo supplicio extincti. Quod etiam insinuat Ieremias cap. 4. & Lamentationum, cū ait, *Sodomam subuersam in momēto, & non cepisse in ea manus*; hoc est, non fuisse captam & euersam ab hominibus, sed vi diuina subito deletam.

*Etiam par-
uuli deleti.*

32 Tertiō, fuisse hoc incendio inuolutos non solum adultos, siue viros, siue feminas, sed etiam pueros & infantes (nolente Domino sobolem inuisæ gentis superesse) animantia quoque & cætera terræ bona. Adeō displicet illi peccatum, vt non solum in auctores, sed etiam in eorum proles & substantiam vniuersam deficiat, omnibus è medio sublatis. Sicut enim Deus amat pios, & propter illos omnia quæ ad illos pertinent, fouet & protegit: ita odit impios, & illorum causa sapē ea quæ ad illos pertinent, subuertit, vel sua protectione destituit.

*Acrimonia
incendij, &
amplitudo.*

Quartō, Hoc incendium adeō fuisse vehemens & vastum, vt per septuaginta duo milliaria in longum, & nouemdecim in latum (quod ex Iosepho & aliis Auctoribus colligitur) se extenderit, & intra terram penetrarit; eaque profundē exusta magnum sinum veluti maris alueum in ea effecerit; qui mox aquis cōfluentibus impletus, ingentem lacum constituit variis notis & nominibus celebrem. Est enim in eo bituminis è fundo ebullientis maxima copia (vnde & *lacus asphaltites* dictus est) quod ex mistione illa sulphuris & reliquæ materiæ de cælo lapsæ vi ignis concreuisse est credibile. Aquæ sunt spissæ, fœtidæ, sordidæ, & adeō malignæ excessu quodam falsi & amari, vt nihil in eis viuere possit, sed necesse sit breui emori quidquid viuens per Iordanem inuectum, vel fortē iniectum aliunde fuerit. vnde & *mare mortuum* appellatur est. Exhalat assiduē, tamquam os infernale, tetrum & pestilenter vaporem, quo vicina omnia tam montana quàm campestria afflata, per viginti circiter passuum millia in solitudinem redacta & veluti exusta cernuntur. hinc *mare solitudinis* dictum est. Itaque nihil ibi crescit præter arbores quasdam, quarum aliæ sunt planè steriles & squalidæ, aliæ ferunt fructus quosdam externa specie instar pomorum, qui vbi carpuntur, mox in fauillam cum ingenti fœtore faceffunt.

*Nota infer-
nales illius
loei.*

Quinto,

33 Quintò, Considerandum est peccatum ob quod ira diuina tan-
topere in illos exarserit, & regionem antea instar paradisi amœnam, *Propter quod*
vt Scriptura testatur, in lacum stygium, & squalorem infernalem *peccatum sua*
conuerterit. Etsi enim multis peccatis fuerint obnoxij, præcipuum *puniti.*
tamen ob quod ita puniti fuere, erat præpostera libido, vt ex cap. 19.
Genesis colligitur; vbi solùm illud refertur. Idem apertè indicatur *Gen. 13.*
in Epistola Canonica S. Iudæ, cùm ait: *Sicut Sodoma & Gomorrha, &*
finitimæ ciuitates simili modo exfornicatæ, & abeuntes post carnem alterã,
factæ sunt exemplum, ignis æterni pœnam sustinentes. Vnde & no-
men crimini ab illa vrbe inditum. Aptè huic peccato talis pœna con-
stituta: nam ardor sulphuris congruebat ardori impuræ cõcupiscen-
tiæ, & teterimus illius odor infamæ fœditati, quæ in hoc peccato
continetur. Vnde S. Gregorius lib. 14. Moralium cap. 10. in illa ver-
ba cap. 18. Iob, *Aspergatur in habitaculo eius sulphur*, dicit per sulphur
peccatum carnis designari. *Quid est aliud sulphur nisi fomentum ignis?*
Verumtamen sic ignem nutrit, vt grauisimum factorem exhalet. Rectè i-
gitur in sulphure peccatum carnis accipitur, quod dum peruersis cogitatio-
nibus quasi quibusdam factoribus mentem replet, æterna ei incendia præ-
parat: & dum factoris sui nebulam in mente reproba dilatat, contra eam
flammis subsequens quasi nutrimenta subministrat. Hinc ostendit,
conuenienter Sodomæ peccatum igne sulphureo punitum fuisse, vt
pœna culpæ responderet. Legimus etiam in Historia Peruana, gentē
quandam giganteæ magnitudinis huic flagitio deditam, simili modo
igne cælesti fuisse absumptam: descendisse enim è cælo specie visi-
bili iuuenem instar solis splendentem, qui fulminibus supernè in
eos vibratis omnes deleuerit; ita ex traditione maiorum narrare in-
colas, & etiamnum reperiri vestigia adustionis tum in saxis, tum in
ossibus eorum qui extincti. Et nostra memoria in Pegu Indiæ
Orientalis cùm populus esset innumerabilis, & aliquot millioni-
bus capitum censeretur, variis cladibus ad maximam paucitatem
est redactus: cuius causa non videtur alia, quàm quòd huic sceleri
præ cæteris populis fuerint addicti. Quòd si Deus istud peccatum
adeò seuerè in infidelibus illis, eius iustitiam & præcepta ignoran-
tibus, vindicauit, & in ipsa vindicta tot iræ suæ vestigia impressa
reliquit; quid expectandum Christianis, qui post tot beneficia di-
uinitus accepta, post notitiam diuinæ voluntatis, post tot ultionis
exempla, ab illo non abstinent? Tanta profectò eos manet tor-
mentorum acerbitas, vt acrimonia supplicij Sodomorum illius com-

Eiusdem
meminit Io-
sephus à
Costa lib. 1.
c. 19. De na-
tura noui
Orbis.

paratione levis meritò videri possit, si iusto examine pensentur.

Num 16.

4. Reg. 17.

Hiatus terra

*Qui designatur per istos
murmuratores.*

34 Alia exempla plurima diuinæ seueritatis per ignem in hac vita scelera mortalium punientis adferri possent; vt quòd in seditione Core ducentos quinquaginta viros immisso igne absumpserit, & postridie rursus ob murmur in Moysen & Aaron quatuordecim millia & septingentos similiter igne, tamquam fera quadam vel satelite immisso, deleuerit: quòd ad iussionem Eliæ duo duces quinquagenarii, vterque cum sua turma, caelesti igne perempti sint: vt omit tam innumera quæ apud profanos Scriptores habentur. Hiatus terræ eiusque tremoribus maximæ clades sæpè propter peccata vrbibus & regionibus illatæ. Sed præ ceteris notabilis fuit punitio Dathan & Abiron, qui ob murmur contra Moysen & Aaron, repentè disrupta & dehiscente terra, cum suis tabernaculis & omnibus ad ipsos pertinentibus absorpti descenderunt viui in infernum, vt Scriptura Numerorum 16. narrat. Fuere isti typus schismaticorum & hæreticorum nostrorum, qui se ab obedientia capitis, quod Deus in Ecclesia constituit, subduerint, eique detrahentes, & auctoritatem eius calumniantes, se illi opponunt, tamquam ipsi sint electi à Domino, qui populum Dei doceant & regant. Vnde non minor his vindicta à Domino expectanda. Si enim qui in cultu & regimine illo typico & umbratili se populi Ducibus à Deo delectis opposuere, tam horrendè puniti fuere; quid fiet his qui in veritate & luce Euangelicæ erigunt se aduersus Vicarium Christi, & sibi auctoritatem regendi docendique in Ecclesia Christi arrogant? non est dubitandum, quin incomparabiliter maiora sint horum tormenta futura quàm illorum qui Moyse resisterunt, etsi non in hac vita, vt illi, dehiscente ima tellure absorbeantur. 35 Paruū videbatur plebi illorum peccatū, neque tantam meruisse vindictam; vnde murmurabant contra Moysen & Aaron, quasi ipsi à Domino præter meritum talem pœnam impetrassent, eosque tamquam interfectores populi Domini accusabant. Sed hæc murmuratio adeò displicuit Domino, vt mox ignem in populum immiserit, qui repentè quatuordecim millia hominum & septingentos absumpsit: & nisi preces supplicationesque Moysis & Aaronis interuenissent, longè maior clades interfectorum fuisset. Optimum sanè documentum multis frigidis & insipientibus nostri æui Catholicis, qui peccatum hæreseos parui æstimant, neque vindicta graui aut infamia dignum censent: hæreticos si politicam quam-

dam honestatem seruent, viros probos & honoratos iudicant, nec eos hæreticos, sed *viros religionis reformatæ*, & hæresim *religionem reformatam* vocari volunt. Hos nimirum manet ignis ille qui murmuratores illos causam Dathan & Abiron excusantes vel extenuantes corripuit.

CAPVT VIII.

De plagis Aegyptiacis.

36 **S**ED mirè Deus suam potentiam ac seueritatem, clementia tam mentem temperatam, ostendit in tam multiplici & acerba Pharaonis & Aegyptiorum castigatione, qua eorum duritiam frangere, & ipsos ad obedientiam cōpellere studuit. Describit eam Moyses Exodi 7. 8. 9. 10. 12. Dignissima sanè est consideratione, vt homines intelligent, quàm varij & mirabiles Deo suppetant modi, quibus & peccata impiorum castiget, & iustos ab eorum oppressione vindicet.

Plaga Aegyptiaca.

Prima plaga, Conuersio aquae in sanguinem.

Exodi. 7.

Prima plaga fuit, aquarum in sanguinem conuersio. Cùm enim Aaron mandato diuino fluminis aquam virga percussisset, repente omnia flumina & riui, omnes paludes & lacus Aegypti, & omnes aquae quae per totam illam regionem in cisternis, vasis ligneis aut faxeis continebantur, versa sunt in sanguinem. Hinc omnes pisces mortui, & summa corruptio cum incredibili foetore, putrefacta tanta sanguinis copia, secuta est: non enim potest sanguis diu extra venas, quae illius conseruandi vim habent, consistere quin putrescat. At quanta ista res erat? quàm immensa in illa magna regione aquarum copia, quam Nilus fluuiorum facilè omnium maximus, tam longo tractu, in tot diuisus alueos interluit & rigat? Et hac omni momento temporis, ab eo loco vbi Aegyptum attingere incipit, vsque ad mare, in verum sanguinem versa; & assidue omnis aqua Nili ex Aethiopia veniens eo ipso quo Aegyptum attingebat, aqua esse desinebat, & sanguis fiebat, ac permanebat donec in mare deuoluta pristinam naturam reciperet. Durauit ea res per septem dies; quo factum est, teste Philone l. 1. De vita Moysis, vt Aegyptij omni aquarum dulcium solatio destituti, maxima siti fuerint afflicti, & plurimi siti enecti iacerent in triuijs, non sufficientibus domesticis ad sepulturae officia. Quòd si quis tentaret tam horrendo potu solari malum, confestim acri dolore viscerum corripiebatur, vt refert

Bbb ij

Iosephus libro 2. antiq. Israëlitarum verò etsi omnis aqua pariter apud illos in sanguinem versa esset (nam id per totam Ægyptum commune erat, vt Scriptura testatur) nihil tamen inde incommodi in vsu illius sentiebant: nam eo ipso quo ipsi bibere tentabant, repentè in aquam dulcem, qualis ante fuerat, conuertebatur. Ex his facile est considerare, quanta vel in hoc vno diuini flagelli ictu miracula extiterint, quantum diuinæ potentia & iustitiæ specimen, quàm multiplex impiorum afflictio.

37 Huic successit altera non minùs molesta, nimirum ranarum. Cùm enim iussu Domini Aaron extendisset manus super aquas Ægypti, statim ex omnibus fluuiis, riuibus & paludibus Ægypti emerfit infinita ranarum copia, quæ totam operuit terram, omnes occupans campos, omnes vias, omnia oppida, vndique penetrans, in domos, in cubicula, in lectos, in penum, in furnos, in ollas & mensas, in esculenta & poculenta, omnia suo contagio inquinans & fœdans. Nemo nec domi consistere, nec foras egredi valebat, omnibus locis hac colluie coopertis. Torquebat omnes sensus, oculos deformi & abominabili specie; aures, ingratissima & assidua coaxatione, nares ingenti fœtore, gustandi & tangendi sensum suo contagio inquinando omnia & fœdando. Erant enim homines oblitæ hac lue omni ex parte, vt nullum esset effugium. Itaque fractus Pharaon spondet abeundi copiam, vt hoc malo liberetur, & postridie ad preces Moysis, omnis illa ranarum multitudo, quam nulli exercitus, nulla hominum vis aut industria delere potuisset, repentè per totam Ægyptum extincta est, ita vt ne vna quidem superesset. quo viso, impius ille Rex redit ad priorem animi obstinationem, & promissa sua rescindit,

38 Quare Dominus tertiam plagam immisit quæ fuit sciniphum. Cùm enim Aaron iussu Domini virga sua puluerem percussisset, omnis pulvis terræ per totam Ægyptum versus est in sciniphum infinita examina, quæ instar nebulae totum impleuere aërem, ipsis etiam solis radiis sua multitudine constipata interceptis. Ecce novum genus calamitatis prorsus intolerabile; quod si diu durasset, omnes Ægyptios vel perdidisset, vel solum vertere coëgisset. Erant sciniphes culicum genus minutissimum, spiculo viuo eoque acutissimo cutem terebrans, & proboscide sanguinem exugens. His aër plenus erat, & omnia loca infesta & operta. Inuolabant in faciem, in os, in oculos, in aures, in nares, nulla requie concessa; odiosissimo tinnitu ferientes auditum, & acri punctione vexantes cutim,

tabo suo totum corpus quâ poterant attingere in tumorem attollentes. Affligebat hoc malum non solum homines, sed etiam iumenta, quæ abruptis vinculis tamquam æstro percita ferebantur per agros, obuia quæque sternentia. Remedium nonnullum erat abdere se in aquas. Ditiore quoque conopœis & flabellis molestiam solari conabantur.

Quarta, Muscarum omne genus

39 Itaque persistente in obstinatione Rege, addidit Deus plagam quartam, immisso omnium muscarum vel insectilium genere: quarum quædam horrendum in modum pungunt, ut etiam largum sanguinem ex iumentis eliciant. Harum infinita multitudo Ægyptum & universas Ægyptiorum domos inuasit omnia suis sordibus inquinâs & corrumpens, animalia & homines acribus puncturis & alarum molestissimo strepitu infestans, nec usquam quietem capere permit- tens. Grauiſſima ea res fuit Ægyptiis. Vnde Pharao iterum fractus missionem spondet, ut ista plaga depellatur. Quare dum Moyses Domino supplicat, repente omnes illæ muscarum nubes sublatae sunt, ita ut ne una quidem super fuerit.

40 Verum cum ille flagello submoto rursus falleret promissa, Deus quintam plagam irrogat, pestem animalium, qua vno tempore omnes equi, & asini, & cameli, & boues, & oves quæ in agris erant, per totam Ægyptum periere, exceptis iis quæ erant filiorum Israël. Hæc enim ab illa clade fuere immunia. Magna profectò ista castigatio fuit quæ bonam partem opum Ægyptiacarum perdidit; & insuper terribilis, cum Ægyptij meritò formidare deberent, ne similem Deus pestem in ipsos immitteret. Nam pestis animalium solet esse prænuntia mortalitatis hominibus impendentis.

Quinta, Pestis animalium.

41 Sed neque hoc flagello meliores effecti sunt. Itaque sextam Deus plagam infert, hominum & quæ supererant iumentorum corpora scabie grauiſſima exulcerans. Nam iussu diuino cum moyses coram Rege vnum vel alterum cinerum manipulum in cælum spargeret, ecce subito per totam Ægyptum miro quodam puluere aer impletus est; qui in hominum & animalium decumbens corpora, sua acrimonia & vi caustica cutim attollebat in vesicas, subtilioribus carnis partibus in aquosam materiam colliquatis; quæ deinde humore putrescente & cute exesa in vlcera & sordidam feruentemque scabiem faceſſebant. Erat hoc malum molestissimum pariter & foedissimum, adeo ut ne magi quidem eo afflicti possent coram Moyse consistere. Hinc Deuteronomij 28. inter cætera ma-

Sexta, Scabies.

la quæ legis præuaricatoribus minatur Moyses, ponitur & istud, *Percutias*, inquit, *te Dominus ulcere Aegypti, scabie quoque & prurigine, ita ut curari nequeas.*

Septima,
Grando.

Exodi 9.

42 Post hæc, cum nec sic quidem resipiscerent, infert septimam valdè terribilem, grandinem ingentis ponderis fulminibus permixtam, qua omnia viuentia & arbuta, quæ foris erant, protrita, confRACTA, vel consumpta fuere. Cum enim mandato Domini Moyses virgam in cælum extendisset, subitò *Dominus dedit tonitrua & grandinem, ac discurrentia fulgura super terram: pluitque Dominus grandinem super terram Aegypti. & grando & ignis mista pariter ferebantur: tantæque fuit magnitudinis, quanta antè numquam apparuit in vniuersa terra Aegypti, ex quo gens illa condita est. Et percussit grando in omni terra Aegypti cuncta quæ fuerant in agris ab homine vsque ad iumentum, cunctamque herbam agri percussit grando, & omne lignum regionis confregit.* Erat hæc plaga non solum valdè detrimentosa, qua tot mortales extincti, & tantæ opes deletæ; sed etiam supra modum horrenda. Primò, Nam Ægyptus tonitruorum, fulminum, & grandinum est insolens: non enim ibi coguntur nubes nisi modicè, idque iuxta mare ad leuem quamdam irrorationem, vt Philo scribit. Deinde, Quia hæc tum fuere longè maiora, densiora & diuturniora, quàm alibi euenire solent; vt meritò omnes extremum exitium metuerent. Grādine enim, tamquam saxeo nimbo, non solum omnia quæ in agris erant tenebrosa, sunt confRACTA; sed etiam testa vehementer afflicta: fulmine verò solidiora quæque dissipata. Tertiò, Quia videbant fulmina grandini permixta ferri, nec tamen vi fulminis grandinem liquefcere, aut grandinis copia & frigore fulminis vim restingui. quod miraculum tum Philo libro De vita Moysis, tum S. Scriptura c. 16. Sapientia commemorat. *Nix, inquit Scriptura, & glacies sustinebant vim ignis, & non tabescebant; vt scirent quoniam fructus inimicorum exterminabat ignis ardens in grandine & pluuia coruscans.* Hæc plaga, ita perterrituit Regem, vt vocato Moyse & Aarone hanc vocem illi expresserit: *Peccavi etiam nunc; Dominus iustus; ego & populus meus impij: orate Dominum, vt desinant tonitrua Dei, & grando, vt dimittam vos, & nequaquam hic ultra maneat is.* Deprecante Moyse, omnia repente conquievere, vt constaret hæc omnia diuino nutu regi.

Exodi 9.

Octaua Lo-
mista.

43 Quiete concessa; Rex pristinam induit contumaciam: quare octaua plaga inuecta est, locustarum immensum agmen. Cum enim Moyses iussu Dei virgam in aërem extendisset, subitò ventus

Australis incubuit vehementissimus, per totam diem noctemque inualescens, qui sub diluculum aduexit locustarum infinitam multitudinem instar nubis expansam, quæ vniuersam terram occupauit & contexit. Hæc quæ grando & fulmen reliqua fecerat, vastauit omnia, adeò vt nihil virens relictum sit in arboribus aut herbis terræ in cuncta Ægypto. Penetrabat quoque agminatum in domos, in cubacula, in lectos, in penum, omnia suo contactu adurens, & sanie cōmaculans. Assultim se vibrabant in faciem, in caput, in manus & crura, diros morsus inferentes, vt insinuat Sapiientiæ 17. Quare rursus Pharaon, Moyse & Aarone accitis, confessus peccatum suum, *Rogate*, inquit, *Dominum Deum vestrum, vt auferat à me mortem istā.* Exod. 10. Egrediusque Moyse rogauit Dominum, qui mox flare fecit ventum Occidentalem vehementissimū, & arreptam locustam proiecit in mare rubrum, ita vt ne vna quidem in cunctis finibus Ægypti remanserit.

44 Verum sublato hoc malo, cum Rex animum obstinasset, immisa est plaga nona. Extendente enim Moyse iussu Dei manum in cælum, factæ sunt tenebræ horribiles in vniuersa terra Ægypti tribus diebus. *Nemo vidit fratrem suum, nec mouit se de loco in quo erat.* In hac plaga multa sunt admiranda. Primò, Quòd tenebræ illæ tantæ fuerint, vt essent palpabiles, nimirum aëre crassis vaporibus & nubibus atris ita constipato, vt & lumen cæli penitus excluderet, & præ spissitudine tactu percipi posset. Deinde, quòd hæ tenebræ non affecerint Hebræos Ægyptijs permixtos, sed solos Ægyptios: nam, vt ait S. Scriptura, *ubicumque habitabant filij Israël lux erat.* Tertiò, Quòd hæ tenebræ tantū horrorem Ægyptijs attulerunt, vt toto triduo se loco mouere ausi non fuerint; sed tamquam vinculis constricti perstabant singuli eo loco vbi eos tenebræ oppresserant, quod etiam apertè habetur Sapientiæ 17. *Vna catena tenebrarum omnes erant colligati, & longæ noctis vinculis tenebantur in carcere sine ferro reclusi.* Quartò, Quòd ab igne nihil solatij percipere licuerit, vt eodem cap. 17. dicitur, cuius causam Philo refert in crassum vaporem, & turbinem ventorum, qui illum accendi non permetteret. Quintò, Quòd miris interim fuerint exagitati terroribus, spectris horrificis per tenebras se offerentibus, & variis sibilis ac sonis inde emissis. Vide cap. 17. Sapientiæ.

45 Cum hæc plaga tres dies & noctes continuata fuisset, diuina miseratione cessauit, ne miseri inedia & horrore contabescerent.

Decima Clades primogenitorum.

Verum Rege in sua impietate & contumacia persistente, tandem Dominus cladem decimam, eamque omnium acerbissimam irrogat. Media enim nocte, misso Angelo, vna hora occidit omnes primogenitos, à primogenito Regis qui iam cum patre regnabat, usque ad primogenitum vilissimæ ancillæ pistrinariæ; & omnia primogenita animantium. Nulla domus erat sine funere, sine luctu & eiulatu, precepto eo quod in quaque erat præstantissimum & charissimum. Tantus hinc ortus est clamor, tanta comploratio per totam Ægyptum quanta nec antè fuit umquam, nec postea futura est, ut S. Scriptura ca. 11. Exodi testatur.

Hæc calamitas eorum contumaciam fregit: metuebant enim, ne si diutius refragarentur, sicut vno ictu Deus omnes primogenitos peremerat; ita reliquos geminata plaga ad internecionem deleteret. Permittunt ergo Israëlitis abitum & urgent, commodatis vasis aureis, argenteis, & pretiosa suppellectile ad sacrificij, quod facturi erant Domino, celebritatem. Verum paulò post redeunt ad ingenium, poenitetque concessæ facultatis. Ingens enim damnum videbatur, regnum tantis priuari seruitijs.

Divisio maris.

Igitur Rex contracto repente exercitu persequitur abeuntes, & tertio die assequitur montibus & mari interclusos. Putabant Israëlitis actum de sua salute, & poenitebat egressum tentasse, quia nusquam patere videbant effugiū. Sed Dominus in vltima illa desperatione mox adfuit, cuius mādato cum Moses virga sua Mare rubrum percussisset scissum est à littore Ægyptio ad littus oppositum in duas partes, aquis in dextrum & sinistrum ingenti spatio hiatusque discedentibus, & certo limite instar murorum consistentibus nudato latè alueo tamquā valle inter duos montes. Non enim putandum est, exiguum fuisse hoc diuortium, quo tantum spatij datum, quantum trecentis hominum myriadibus cum infinita pecorum & iumentorum copia turmatim incedendo satis erat ad transitū quatuor vel quinque horis expediendū. Latitudo itaque huius semitæ ut minimū fuerit mille passuum, longitudo duodecim millium. Facta hac maris divisione, ad vesperam immisit Dominus ventum vrentem, qui humidum maris alueum siccaret, lutumque duraret ad commoditatem transeuntium, quod ubi paucis horis fuisset perfectum, post medium noctis ingressi sunt maris alueum, & ad alterum littus euasere sub aurotam. Sequitur mox Pharaon cum suo exercitu, pænè inhærens postremo Israëlitis agmini, nisi Angelus in columna ignis præcedere solitus,

solitus, se in posteriorem partem recipiens medium interposuisset, tenebras offundens Ægyptiis ne præcedentes cernerent, & lucem præbens Israëlitis, ut inoffensè iter facerent. Cùmque Israëliti agminis postremi in littus oppositum cum rebus suis euassissent, & iam totus Ægyptiorum exercitus esset in mari; Moyse iussu diuino manum suam ad mare extendit; & ecce montes illi aquarum, qui antea instar murorum utrimque solidi steterant, cœpere liquefcere, & quasi subductis repagulis deuolui, immenso cum fragore in consuetum alueum ruentes. quo audito, Ægyptij perterriti parant fugere, sed mox aquis validè confluentibus & collisis, vndique inuoluti obruti-
que sunt, adeò ut ne vnus quidem euadere potuerit, qui tantæ cladis *Interitum Ægyptiorum.*
in Ægyptum perferret nuntium.

47 Tot plagis, inquit Philo, Ægyptiorum obstinata peruicacia castigata & punita est, quarum tamen nulla Hebræos, quamuis in eisdem oppidis, vicis, domibus commorantes, attigit; terra, aqua, aëre, igne, præcipuis naturæ partibus conspirantibus, ut impossibile esset effugere. quod maximè mirum fuit, ab iisdem rebus vno eodemque loco ac tempore alios seruari, alios interimi. Fluvius versus erat in sanguinem, at non Hebræis: his enim haurientibus, fiebat potabilis. Rana ex aquis in terram subrepentes, fora, villas, domos impleuerant; solos Hebræos deuitabant, ac si scirent discernere qui puniendi essent, qui minimè Non sciniphes, non cœnomyia, non locustæ, quæ arboribus, saxis, animalibus, hominibus vastitatem intulerunt, ad hos aduolant: non imbrium, grandinum, fulminum continuata vis ad hos vsque peruenit. Exulcerationem molestissimam ne in sōnis quidem senserunt; cùm densissimæ tenebræ offunderentur aliis, ipsi in diurna puraque luce degebant; cùm interirent Ægyptiorum primogeniti, nemo Hebræus periit: & meritò, quando ne pecudum quidem pestis ad horum greges vlla venerunt contagia. Nec aliud videri poterant illo tempore quàm spectatores alienarum calamitatum, ex quibus vtilissimam pietatis doctrinam perciperent. Numquam enim tam manifestum bonorum & malorum iudicium extitit, alteris exitium, alteris salutem adferens. Ita Philo.

48 Hæc breuiter de plagis Ægyptiorum dicta sint; in quibus Deus mirificè suam potentiam & iustitiam, multa tamen clementia temperatam, declarauit: sensim enim eos afflixit, concessis inter afflictiones induciis ad respirandum, & flagello subinde variato & adau-
cto, ut perspecta eius admirabili potestate, qua tot ei suppetunt ca-
Ccc

Itigandi formæ & generæ pœnarum, Numinis ipsius timorem conciperent, Ex illis enim liquet, quomodo omnia elementa, atque adeò omnis creatura eius nutibus ad vindictam impiorum, & ad iustorum solatium deseruiat; nihilque tam vile aut imbecillum in rebus existere, quo non possit humanam superbiam & potentiam domare. Denique Ægyptus typum gerit mundi, Ægyptij impiorum, Pharaon Antichristi, Moyses Christi, Israëlitarum iustorum: plagæ illæ decem designant plagas futuras tempore nouissimo, quibus mundus affligetur: demersio Ægyptiorum in mari, demersionem impiorum in infernum: transitus Israëlitarum in terram promissionis, transitum iustorum in cælum.

49 Ad hoc genus extraordinariæ vindictæ referenda sunt infinita alia exempla, tum publica tum priuata, quibus Deus modis inusitatis supra communem rerum cursum peccata mortalium omnibus sæculis castigauit: vt cum exercitum Sennacherib centum octoginta quinque millium hominum vna nocte per Angelum interfecit; cum tot gētes Chananaeorum & tam innumerabilem populum cum vxoribus & paruulis interneccione deleuit; cum maximas clades Asotidis & quatuor aliis Philisthinorum oppidis propter detentam Arcam intulit; cum quinquaginta millia plebis vrbis Bethsames simul percussit, quod ausi fuissent vel oculos in Arcam conicere; cum sub Davide ob numeratum populum septuaginta millia hominum triduo petente sustulit. Denique, nullum est sæculum quo non aliqua in omnibus penè regnis huiusmodi publica exempla cernantur diuinæ seueritatis. Priuata verò quibus aliqui seorsim horrendis modis cum sempiterno animi interitu sunt diuinitus puniti, innumera extitere, & quotidie penè variis locis noua succedunt.

CAPVT IX.

De quinto opere Iustitiæ diuinæ.

Quintum
specimen di-
uinæ iustitiæ
in castigatio-
nibus ordi-
narijs.

50 **Q**VINTVM diuinæ iustitiæ specimen elucet in ordinarijs & quotidianis castigationibus, quæ secundū cōmunem rerum cursum à diuina prouidentia directum inferuntur; nimirum peste, fame, bello, latrocinijs, ferarum & noxiarum bestiarum populationibus, ventorum procellis, aquarum eluisionibus, terræ motibus, imbribus, siccitatibus, incendijs, naufragijs, alijsque modis

plurimis. Plenus est mundus calamitatibus per istas causas irrogatis, quas à manu diuinæ iustitiæ prouenire putandum est. Isa. 45. *Ego Dominus, & non est alius, formans lucem, & creans tenebras, faciens pacem, & creans malum.* vbi *malum* vocat omnem calamitatem & afflictionem. Amos 3. *Si erit malum in ciuitate, quod Dominus non fecerit.* quasi dicat, Minimè. vnde scitote, omnem afflictionem quæ vobis obuenit, esse à Deo, qui vestra peccata castigat. Et quidem quòd bellorum clades diuinæ sint imputandæ iustitiæ, docet passim Scriptura: hoc enim flagello Deus Iudæorum peccata plerumque vindicauit, vsus ad hoc opera Regum vel populorum vicinorum, vt Assyriorum, vel Chaldæorum, vel Ægyptiorum, vel Romanorum, per quos extremis cladibus sæpè affecti fuere. Sic decem tribus postquam à Regibus Syriæ multis calamitatibus attritæ fuissent, & nihilominus in sua prauitate persisterent, tandem iusto Dei iudicio ab Assyrijs penitus sunt excisæ, omnibus vel interfectis, vel in perpetuam seruitutem abductis. Sic tribus Iudæ & Benjamin, quæ solæ ex duodecim supererant, à Chaldæis postea vastatæ sunt, & in Chaldæam translatae, vbi septuaginta annis duram seruitutem pertulere. Quæ poena pro præteritis peccatis depensa, Dei beneficio liberi in patriam sunt remissi, & rursus in magnum populum & regnum creuere, opibus & delicijs affluentes. Verùm cum rursus se peccatis deditissent, nihil nisi terrena sapientes, & cælestem Messia doctrinam aspernati, ipsum discipulosque eius interemissent; tandem traditi sunt Romanis excidendi. 51. Quantis autè calamitatibus per multos annos ab illis fuerint affecti, vix animo comprehendi potest. Cùm enim extra Iudæam plurimis locis habitarent, vbique expositi fuere furori populari, vbique cadebantur impunè, spoliabantur bonis, impetebantur sordibus & saxis, omnibus exosi, omnibus ludibrio; nec quemquam capiebat eorum miseratio. In ipsa verò Iudæa affligebantur à Præfectis & milite Romano, qui maximas illis clades inferebant. Cumque huiusmodi miseras longo tempore varijs locis essent perpeffi, tandem obfessa est Ierosolyma: quo tempore vastati agri, abacta pecora, exustæ villæ, inuenta fames grauissima dirâ peste commitata, adeò vt & domus & plateæ cadaueribus replerentur, deficientibus viuis ad officium sepulturæ. Flos iuuentutis varijs dimicationibus concisus, virgines & matronæ militari licentiæ expositæ: denique ferro & flâma vastata omnia, tot palatijs & augustissimo templo solo equatis, & ciuib⁹ qui supererāt cum vxorib⁹ & liberis vel in-

Per bella cō-
stigantur à
Deo.

Philoin
Flaccum, &
in legatione
ad Caium.

perfectis vario mortis genere, vel in servitutem morte acerbiorē abreptis, vel sub hasta venditis, vel ad triumphum & spectacula reservatis. In sola vrbe Ierosolyma per tempus obsidionis mortui aut cæsi decies centena millia, capti nonaginta septem millia. Omitto numerum eorum qui antea variis locis vel per tumultum popularem, vel per Romanorum Præfectos interempti. Porro, sicut Iudæos propter sua peccata bellorum calamitatibus afflixit, ita etiam Ægyptios, Tyrios, Idumæos, Moabitas, Syros, Assyrios, Chaldaeos, vt clarissimè Scriptura docet; vt hinc intelligamus, omnia bella, omnesque seditiones nihil esse aliud quàm iræ diuinæ flagella: opibus enim & deliciis, quas longa pax & prosperitas adducit, mens humana corrumpitur, & diuini Numinis oblita in omnem vitiorum turpitudinem diffluit. Itaque Deus bellum immittit, cuius acerbitate & præterita peccata castigentur, & futuris fomenta subtrahantur, & Dei notitia ac timor mortalibus inferatur, vt ad ipsum confugere; vitamque emendare compellantur. Denique hac ratione quoque impeditur ne numerus impiorum inualecat: nam cum longa prosperitate genus humanum excreseat ultra modum, & veluti arbor in opimo solo, inutilium & impiorum hominum multitudine tamquàm frondibus & stolonibus luxuriet, Deus hac falce bellorum, vt peritus frondator, noxiam fruticum siluam resecat, frondemque inutilem distringit, luxurie castigata, vt quod superest, non optimatur, sed iniquo liberatum onere idoneum fructum proferat. 52. In hunc finem excitauit subinde magna quædam Imperia & Monarchias, quæ sine maximis bellis & gentium cladibus nec constitui poterant, nec conseruari, vt Assyriorum, Persarum, Græcorum, & Romanorum. Quæ tamen ipsa rursus propter peccata tum Principum qui ea tenebant, tum populorum quibus ea constabant, deleta sunt. Assyriorum enim euersum est à Persis, Persarum à Græcis, Græcorum à Romanis, Romanorum (excepta portiuncula quæ superest) partim à Barbaris, partim à subditis sese in libertatem vindicantibus. Cum enim aliqua Monarchia diu continuatur, qui præsent, nimium attollunt animos, intoleranda superbia, suum statum & potentiam non diuinæ providentiæ, sed suæ & maiorum suorum prudentiæ & virtuti assignantes. Vnde in omnem licentiam effusi, pro sua libidine, tanquam nemini rationem reddituri, gerunt omnia. Populi quoque subiecti, longa pace corrupti, peccata peccatis accumulunt. Itaque Deus vult Monarchiam in vna natione esse perpetuam,

Isaias à c. 13.
vsque ad 25.

Jerem. 45. &
46.

Jerem. c. 46.
& seqq.

Ezech. c. 25.
& seqq.

Amos.
Nahum.

Monarchia
ad puniendā
peccata
Dan 7.
Zachar. 6.

fed subinde mutari, & ex vna in aliam transferri. Quo fit vt quædam gentes olim bellicosiffimæ, & quæ hõnam orbis partem subegerunt, iam fint imbelles, alijs prædæ expofitæ, vt intelligant, non fua virtute, fed diuina ordinatione fe aliquando magnum Imperium tenuiffe.

13. Porro; ficut bellorum cladibus Deus humanum genus cafti- *Per alias ca-*
gat, & effufam eius luxuriam compescit, ita etiam, fame, incendijs, *lamitates.*
naufrajs, & alijs modis his fimilibus; fed maximè peste, qua breui tempore interdum oppida & Regna ita exhaurit, vt vix quarta pars hominum fuperfit. Salutaris omnino falx, ad fuperfluam & noxiam frondem ac fruticem refecandam. Manifeftiùs autem iftæ plagæ à diuina prouidentia inferuntur, quàm bellorum clades: Deus enim ifta flagella directè potefte velle, & per fe immittere, quia per caufas naturales absque culpæ interuentu inferri poffunt. Bella autem plera- *Aliter bella,*
que, nimirum quæ iniufte fufcipiuntur, etfi absque peculiari diuinæ *aliter alia*
prouidentia permiffu non gerantur, non tamen directè à Deo funt *clades à Deo.*
volita aut decreta, fed permiffa tantùm in vindictam peccatorum. Omnes enim dæmones & impij Reges funt veluti feri quidam leones, parati genus humanum perdere, vel fuæ tyrannidi fubijcere. Verùm ita virtute diuina continentur, vt nihil nocuenti cuiquam inferre poffint nifi Deo annuente, & veluti habenas quibus coërcentur remittente. Cùm ergo Deus aliquod Regnum propter peccata vult *Quomodo*
punire, vim illorum compreffam relaxat quantum & quàm diu ipfi *Deus utat*
videtur, finitque illos veluti turbines quofdam Regnum illud inua- *impj ad pu-*
dere, eique bellum inferre; & fimul illud Regnum priftina prote- *nitione alio-*
ctione deftituit, vt fe tueri non valeat. Cùm autem fatis pœnarum *rum permif-*
dederit, rurfus habenas fenfim contrahit, & vim aduerfariam magis *finè.*
magisque coërcet, & fimul protectionis fuæ dexteram ad illud Regnum extendit, res omnes ita difponens, vt calamitas finem capiat, & pax defiderata fequeatur. Huius rei apertiffima exempla habemus in Scripturis, præfertim in libris Iudicum, Regum, & Paralipomenon: denique pleni funt libri Prophetarum, hunc efle diuinæ iuftitiæ morem.

CAPVT X.

Res humanas ministerio spirituum regi.

54 **V**ERVM vt melius hæc percipiantur, considerandum est, vt res humanæ à diuina prouidentia ministerio Angelico regantur. Rectus enim ordo habet, vt inferiora à superioribus administrantur, vt hoc modo nexu quodam inter se gradus rerum sint deuincti, & inferiora quamdam superiorum participationem consequantur. Sic elementa & rerum ortus caelestium corporum motu, & mentes humanæ à mentibus Angelicis gubernantur. Hæ regnis & populis præfunt, eosque conseruant, & à multis tuentur incommodis. Hæ diaboli vires comprimunt, insidias & machinationes quibus homines perdere nititur, auertunt, sana consilia suggerunt, animos adspirant, timores excutiunt. Denique omnia ita temperant, vt inter tot insidias, inter tot hostium visibiliũ & inuisibilium pericula, inter tot calamitatum causas quibus natura humana vndique cincta est, & interius exteriusque obfessa, possint homines, si velint, rectè viuere, & ad salutem æternam adspirare. Verum, cum ipsi diuinis beneficiis quibus omnes fruuntur, ingrati, à lege diuina rectæque rationis norma recedunt, Numinisque oblit, ad omnem vitiorum turpitudinem se prostituunt, merentur hoc beneficio Angelicæ protectionis destitui. Itaque diuinæ iustitiæ decreto sensim hæc protectio subtrahitur, & diabolo, qui antè veluti ligatus erat, vires relaxantur ad vindictam, nimirum vt per sua membra, hoc est per impios Principes vel hæreticos, bella aduersus illud regnum moueat, aut seditiones concitet, & præsidia quibus illud se tueri potuisset. euertat, magnamque in eo confusionem rerum inducat: quo fit vt illud regnum fiat imbecillum, sine animo, sine consilio, sine viribus, sine idoneis Ducibus, sine successu, & ita implicetur difficultatibus, tum externis tum domesticis, vt non possit se euoluere. Si quid boni consilij ab aliquo suggeritur, ab alio captiosis ratiunculis euertitur, neque qui præfunt tantum luminis habent, vt inter noxia & salutaria possint discernere. Si qua occasio rei benè gerendæ se offert, ea vel non aduertitur, vel exigui sumptus causa negligitur, vel nescitur quomodo ea sit vtendum. Pericula impendentia non præuidentur, vel vana spe aliqua, aut fallaci persuasione parui penduntur, Irrepunt proditores, qui statum rerum & secreta pandant hostibus.

4 Reg. 6. 17.
Dan. 10.
Gen. 48.
Tob. 12.
Psalm. 90.
Hebr. 1.
Matth. 18.

Propter peccata subtrahitur hæc protectio.

*Demoni-
antur ha-
bena.*

*Effectus qui
Angelica
protectione
subtrahitur se-
quuntur in
Regno.*

Inter Proceres odia suscitantur & inimicitiae privatae, quibus ut indulgeant, alter alterius conatus & successus etiam cum damno publico studet impedire. Aerarium impensis parum necessarijs absumitur; nascuntur seditiones militares, quibus posteaquam provincia est vastata, & vires hostiles adauetae, infinita vis pecuniae, qua bellum geri poterat, est profundenda, ut damna inferre desinant. Denique, dum omnes suis student commodis, nec cuiquam bonum publicum est cordi, omnia ad extremam vergunt perniciem. Exempla huius rei habemus plurima. Legatur Iosephus De bello Iudaico, & Historiae Imperij Orientalis.

§§ Econtrario hostibus etsi longè magis impijs & sceleratis, per quos Regnum istud est puniendum, omnia feliciter succedunt; crescit animus, augentur vires, opportuna capiunt consilia, occasionibus uti norunt, euentus habent felices, magna inter Primores concordia, nemo alterum nititur euertere, nemo publicam causam priuatis miscet odijs; denique ita succedunt omnia, ac si Deum suae causae fautorem ac directorem haberent, cum tamen eorum causa sit iniusta, & intentio impia, & nihil minùs quàm Deum cordi habeant. Vnde, quaeso, tantum discrimen, nisi quia Regnum quod propter sua peccata est castigandum, Angelico patrocinio, quo antea protegébatur & regebatur, nunc destituitur, & suis dumtaxat viribus consilijsque relinquitur? Hostes verò iuantur à daemonibus, quibus propter illius Regni peccata vires laxatae. Ab his tanquam ducibus diriguntur & animantur: & res provinciae quae castiganda est, turbantur, ac varijs difficultatibus implicantur. Maximam vim habet in bellis Ducum pericia & industria, adeò ut totus ferè successus & victoria vniuersa hinc pendeat. Vulgò dicimus, meliorem esse exercitum ceruorum duce leone, quàm leonum duce ceruo. Si tantum potest vnius Ducis industria, quantum poterunt tot daemones, qui rerum bellicarum sunt peritissimi, quibus facile est suis copijs consilia suggerere, timorem adimere, animos excitare, occasiones ostendere, obstacula remouere, & econtrario in copijs aduersis consilia perturbare, metum iniicere, occasiones praescindere, discordias excitare, proditores inserere. Miris enim modis possunt vim phantasticam mouere, à qua omnes humani affectus, omnesque perturbationes, timores, animositates, insuper consilia & actiones dependent. Itaque populus puniendus est, instar ouium sine pastore, militum sine Duce, & veluti corpus sine sanguine, sine spiritu, sine vigore, sine anima.

*Cur hostibus
omnia succedant ex voto.*

*Daemonibus
permittitur
ut sint duces
impiorum.*

destituti denique sunt spirituum superiorum assistentia & gubernatione; Qui vero puniuntur sunt, pleni sunt vigoris & animorum, instructi auxilio spiritualis nequitiae, cuius praesentia animantur, reguntur, & aguntur. Hinc facile aduersarios vincunt, & omnia in suam potestatem redigunt, non tam sua virtute, quam Ducum suorum inuisibilibus ope, quibus id Deus permisit ad illius Regni castigationem. Hoc pacto maximae Monarchiae exorta; hoc modo Assyrij, & Persae, & Alexander Magnus, & Iulius Caesar, & Vandali, & Gothi, & Longobardi, & Turcae, & Tamerlani, in tantam crevere potentiam; alij celerius, alij lentius, Deo id permittente ad mortalium castigationem. Neque enim credibile est, illos impios aliter fuisse a Deo adiutos quam permissione, qua diabolo vires laxatae; & protectionis Angelicae subtractione. Haec enim duae causae abunde sufficient. Nam illa permissio sufficit ad illos reddendos fortes, & haec subtractio ad alios reddendos infirmos, ut ex dictis constat.

Potentia impiorum unde crescat.

56 Porro sicut Imperium & potentia impiorum crescit malorum spirituum ope, ita cultorum Dei potentia bonorum spirituum auxilio saepe creuit, & maximos successus habuit. Sic enim filij Israel tot gentes deleverunt, & eorum Regna obtinuerunt. Sic David & Machabaei tot & tam mirabiles victorias caesis hostibus reportarunt: sic Constantinus, Theodosius, Carolus magnus, Carolus Marcellus, & multique alij Christiani Principes mirabiliter hostes superarunt, & maximos exercitus conciderunt, paucis & suis desideratis. Haec enim non sine Numinis ope contigisse res ipsa per se fidem facit, & Historia testantur. Comprimebatur diaboli potentia, ut minus posset aduersarios iuvare, & res Christianorum perturbare, & ex altera parte augebatur Angelica protectio & opitulatio, qua Christianis & bona consilia, & audaces animi inspirabantur, & caetera ad rem bene gerendam opportuna disponebantur: hostibus vero iniiciebatur metus, eripiebantur sana consilia, interceptiebantur occasiones & alia praesidia boni successus. Quod autem haec saepius nostro saeculo contingant, in causa sunt Christianorum peccata: ex his enim quasi lege naturali iustitiae sequitur, ut protectio & gubernatio divina, quae ministerio Angelorum ipsis impendi conuenit, minuat, & sensim magis magisque crescente peccatorum cumulo, subtrahatur, cui subtractioni simul coniunctum est ut viros ad nocendum relaxentur diabolo, quem suae passionis merito Dominus ligauerat ne Ecclesiam iret perditum.

Peccata Christianorum sunt causa imbecillitatis

Ex

Ex quibus iam necessario sequitur, ut impiorum potentia diabolico fulta praesidio crescat, & Christianos sensim subiiciat, Religionemque labefactet, & multis locis extinguat.

57 Verendum omnino ne pauca illa quae Ecclesiae supersunt, etiam ab impiis occupentur. Saeculo currente quintodecimo, amissimus Imperium Orientis, in quo tot insulae & insignes prouinciae, omnibus in potestatem Turcarum redactis. Saeculo sextodecimo maxima pars Septemtrionis, in qua multa Regna & vrbes nobilissimae nobis perijt, haeresi occupante omnia; cuius contagio non parum ceterae quoque Christiani orbis prouinciae paucis exceptis, inquinatae sunt. Adeo haec pestis inualuit & crescit indies, ut nisi diuina bonitas sua prouidentia illam stiterit, velut flamma hoc saeculo decimo septimo videatur peruasura omnia. Crescente enim indies peccatorum mensura, crescit quoque diaboli & impiorum potentia, & minuitur Christiano orbi protectio diuina: & per ipsa peccata animi hominum ad haeresim & atheismum disponuntur. Itaque facile est diabolo, partim potentia & successibus suorum, partim artificio & fraudibus exterius per suos ministros adulterando verbum Dei, interius per seipsum peruertendo phantasiam, mentes mortalium licentiae carnali deditas ad illud barathrum pertrahere. Sicut enim arida stipula facile concipit admotum ignem, ita mens humana carni addicta, & caelesti protectione destituta, facile corripit propositam haereticas doctrinam.

Ex his perspicuum est, quomodo Deus peccata hominum per bella vindicet, & quomodo per impios castiget suos cultores, olim Iudaeos, modo Christianos. Item, cur impiorum plerumque potentia sit maior quam eorum qui Deum colunt, & hi ab illis opprimantur: haec enim omnia ad inuisibilem potestatum gubernationem, opitulationem, vel desertionem referenda esse, innumeris Scripturis & exemplis ostendi potest (de quibus alibi opportunior erit locus dicendi) diuina iustitia, mediantibus decretis & permissionibus, propter hominum peccata sic statuente.

C A P V T XI.

De mensura peccatorum quae vindictam antecedit.

58 **N**UNC considerandum est, quando Deus vindictam inferre soleat: non enim commisso peccato statim punire consuevit; alioquin iam pridem exhaustum esset genus humanum, & paucis-

D d d

Cui Deus
non statim
inferat vindi-
ctam.

Rom. 2.

simi salutem consequerentur. Differt itaque sæpè in longum tempus vt pœnitentiam agant, & supplicium impendens auertant. Imò multis in hac vita grauem aliquam afflictionem non immittit, etsi sceleribus infinitis ipsum offenderint; sed totum reseruat in futurum, si-
nens illos interea thesaurizare sibi iram in diem iræ. Breuis enim admodum est vita humana, ac proinde vltio non potest multum differri. Verùm Regna, prouinciæ, vrbes, & magni hominum cõuentus (ob assiduam eorum qui gignuntur & morientibus substituantur accessionem) non intercidunt, sed plurimis sæculis perseuerant. Itaque consentaneum est diuinæ iustitiæ, vt subinde peccatis eorum valde excrecentibus, in hac vita communi aliquo calamitatum flagello castigentur; tum ne nimis diuturna impunitate, peccandi licentia in immensum augeatur, & ad alias quoque nationes horum exemplo serpat; tum vt omnibus timor diuini Numinis, ac cura vitæ emendandæ iniiciatur.

Certa men-
sura peccato-
rum Regnũ
puniendũ
constituta.

59 Constituit itaque diuina iustitia singulis Regnis & Prouincijs certam quandam mensuram certo peccatorum numero & grauitate finitam, quam vbi peccando impleuerint, grauem aliquam vindictam generatim infert, siue bello, siue peste, siue fame, siue alijs modis, vno vel pluribus, prout ipsi placuerit, & peccatorum magnitudo postulauerit. Colligimus hoc ex Scripturis. Genesis 15. *Generatione quarta reuertentur huc; necdum enim completæ sunt iniquitates Amorrhæorũ*: nimirum vt exscindatur, & semen tuum eorum regionem obtineat. Hoc enim factum est post quadringentos annos, tunc enim & illorũ & cæterarum gentium Chanaan completa est mensura iniquitatis, & Israëlitis traditi sunt vastandi. Matth. 23. *Et vos implete mensuram patrum vestrorum.* quasi dicat, Illi occiderunt Prophetas quos Deus ad eos mittebat, & sic magnum impietatis cumulum sibi struxerunt: vos occidite (per concessionem dictum intellige) Dominum Prophetarum, vt mensuram eorum impleatis, qua impleta sequetur vindicta, per quam & illorum & vestra impietas puniatur. quod insinuant illa verba sequentia, *Vt veniat super vos omnis sanguis iustus, qui effusus est super terram, à sanguine Abel iusti vsque ad sanguinem Zachariæ filij Barachie, quem occidistis inter templum & altare. Sanguis iustus*, hoc est pœna & suppliciũ pro effusione sãguinis iustorũ, nempe Prophetarũ quos ipsi vel patres eorum occiderant. Sic cùm esset impleta mensura quæ decreto diuinæ iustitiæ primæuo mundo erat constituta, inductum est diluuium; quod significat Scriptura Gene-

neſis 6. cùm ait : *Cumque vidiffet Deus terram eſſe corruptam (omnis quippe caro corruerat viam ſuam ſuper terram ;) dixit ad Noë : Finis vniuerſæ carnis venit coram me : repleta eſt terra iniquitate à facie eorum, & ego diſperdam eos cum terra.* Ideò nimirum venit finis & excidium primi orbis, quia meſura eius impleta erat ; quæ meſura ſita erat in vniuerſali omnium (exceptis pauciſſimis) corruptione per omnia vitiorum genera, inaximè per libidines, crudelitatem, ſuperbiam, & (vt valdè credibile eſt) per idololatriam. Similiter finis & excidium generale ſecundi orbis erit, quando meſura impietatis eius erit impleta ; quæ conſiſtet in vniuerſali corruptione (ſi puſillum fidelium gregem, qui tunc reperietur, excipias) per eadem vitia, ſed maximè per hæreſes, atheiſmum & Numinis contemptum. Sic impletâ meſurâ Sodomorum & Gomorrhæorum, Dominus eos deleuit ; quod ſignificatur illis verbis Genetiſis 18. *Clamor Sodomorum & Gomorrhæ multiplicatus eſt, & peccatum eorum aggrauatum eſt nimis : descendam & videbo utrùm clamorem qui venit ad me, opere compleuerint : an non eſt ita, vt ſciam.* Grauiâ peccata vindictam clamant, quæ dum multiplicantur, creſcit clamor, tandemque fit intolerabilis auribus diuinæ iuſtitie, nempe quando ad eam meſuram peruenerunt, ultra quàm Deus non ampliùs ſibi tolerandum ab æterno ſtatuit. Sæpè tamen etiam completâ meſurâ non ſtatim ad vindictam prorumpit, ſed lentè procedit, tamquam inuitus pœnam irroget, præſertim quando de extremo exitio agitur. Quod inſinuant ea verba, *Descendam, & videbo*, &c. quibus etiam inſtruit Iudices, grauiâ crimina quæ famâ defert, non eſſe ſtatim credenda, nec vindicanda, niſi rei veritate benè explorata ; vt pulchrè docet S. Gregorius lib. 19. Moralium cap. 23. Denique hæc meſura indicatur omnibùs illis Scripturæ locis, quibus prædicatur inſtare excidium alicuius nationis : vt cùm dicitur onus Babyloniſ, onus Moab, onus Damafci, onus Ægypti, onus Tyri, & ſimilia, quibus pleni ſunt Prophètarum libri.

60 Quæ autem cuique Regno vel Prouinciæ meſura conſtituta ſit, latet inſcrutabili diuinorum iudiciorum abyſſo, neque alicui creaturæ niſi per reuelationem innotefcere poteſt : nulla enim eſt certa lex aut regula, vnde id poſſit conijci. Supremus ille orbis moderator pro ſuo arbitrio ſtatuit, vſque ad quem gradum & quamdiu peccata cuiusque nationis ſint toleranda ; quando & quomodo vindicanda. Et quidem plerumque minùs tolerat pec-

*Varijs Regnis
& populis
varia meſura.*

*Fidelium pec-
cata minus
tolerat, quā
infidelium.*

cata fidelium quā infidelium. Primò, Quia fidelium peccata ple-
rumque sunt grauiora, partim ob maiorem diuinæ voluntatis, futu-
ræque mercedis & vindictæ cognitionem; partim ob maiorem in
Deum ingratitudinem. Secundò, Quia castigatio fidelium non est
ad perditionem, sed ad emendationem & salutem. Plurimi enim per
huiusmodi communes afflictiones à peccatis & æterno exitio in
quod ruebant, auocantur, & salutem assequuntur, qui alioquin in
prosperitate erant perituri. Vnde potius est paterna correptio, quā
iudicialis punitio, & *κόλασις* potius quā *πρωμία*, iuxta Aristotelis
doctrinam. At infidelium castigatio magis tendit ad perditionem. et-
si enim Deus illam irroget vt vitam emendent; tamen, cū vera fi-
de sint destituti, non norunt ea vti ad salutem: itaque parum illis ad-
fert commodi. Tertiò, Quia cū ipsi post hanc vitam æterna pœ-
na sint plectendi, Deus finit illos diutius frui huius vitæ commodis,
& magis cum illis, quā cum fidelibus dissimulat; præsertim si om-
nem honestatem & pudorem penitus non abiecerint. Denique in-
fideles & hæretici sunt plerumque instrumenta quibus Deus fideles
castigat: vnde tolerat illos etiam in hunc finem, & permittit cresce-
re in magnam potentiam. Habent tamen hi quoque suam mensu-
ram & terminum, cū satis diu fideles affligerint, & peccata pecca-
tis sine fine, sine metu Numinis, cumulauerint; tunc & ipsis flagel-
lum imminet, quo vel omnes, vel bona pars eorum dispereat. Sic
cū Assyrij & Chaldaei populum Dei & alias nationes sæpius affli-
xissent, tandem & ipsorum Regna cum maxima mortalium strage
euerfa sunt. Idem Vvandalis, Hunnis, Arrianis, & alijs huiusmodi
Ecclesiæ flagellis ac pestibus accidit. Idem nostris quoque hæreticis
eueniet, qui modò ad castigandam superbiam, iactantiam, luxuriam,
acediam, aliaque Catholicorum peccata, ad tantam assurgere poten-
tiam permissi sunt. Cū enim Deus eorum malitia & viribus satis
usus fuerit ad fidelium castigationem, & mensura peccatorum fuerit
impleta, etiam excidentur, & in ignem æternum tanquam palmites
præcisi & omnino inutiles projicientur.

61 Ambulat itaque diuinæ iustitiæ flagellum in orbem, & transit
de Regno ad Regnum, prout cuiusque mensura completur, nec
vnquam ferè à peccatorum vltione conquiescit. Nullum enim est
tempus, quo non in aliquo populo aut provincia grassetur & sæ-
uiat. Vnde Psalm. 74. *Dixi iniquis: Nolite iniquè agere; & delin-*
quentibus: Nolite exaltare cornu: nolite extollere in altum cornu ve-

*Vide Isaiam
à cap. 13. vf-
que ad 23.
Ieremiam
cap. c. & 51.
Ezech. c. 38.
& 39 & alios.*

strum; nolite loqui aduersus Deum iniquitatem: quia neque ab Oriente, neque ab Occidente, neque à desertis montibus (tibi expectandum auxilium) quoniam Deus iudex est. hunc humiliat, & hunc exaltat; quia calix in manu Domini, vini meri plenus mixto: & inclinavit ex hoc in hoc, verumtamen fœx eius non est exinanita, bibent omnes peccatores terre. Calix iste est flagellum diuinæ iustitiæ, quod cuique infligitur cum mensura peccatorum eius impleta fuerit. Sicut enim calix plenus fortissimo vino, non diluto, sed multis rebus calidissimis & venenis mixto, grauissimos visceribus & capiti dolores adfert: ita calix iræ Dei omne genus calamitatis continens, acerrimos cruciatus excitabit. Hunc calicem nunc huic genti, nunc illi inclinatur, & volentes nolentes bibere cogit ad satietatem & vomitum. Verum fœx & sedimentum reseruatur in finem, quia calix æternæ damnationis, quem omnes peccatores vltimò haurient, erit omnium acerbissimus.

Vide pulcherrimum locum Ieremix 25 à versu 15. vsque ad 30.

62. Ad mensuram peccatorum cuiusque Regni, primò & maximè pertinent peccata communitatis, in quæ nimirum ipsa Respublica, vt corpus quoddam politicum, consentit: hæc enim propriè sunt peccata ipsius corporis; vt cum Respublica consentit in admissionem hæreseos, in expulsionem Sacerdotum, in bella iniusta. Eòdem referenda, quæ Principes vel magistratus auctoritate publica fulti committunt: hæc enim ipsa Respublica, cuius isti sunt veluti Commissarij aut Officiales auctoritatem à Repub. habentes, committere censetur. Deinde quæ passim ab omnibus, vel saltem à maiore populi parte impunè committuntur. Quod enim à maiore parte Reipub. agitur, ab ipsa Repub. fieri censetur, etiamsi à singulis seorsim, & non vt constituunt vnum corpus, fiat; vt cum populus maiori ex parte deditus est ebrietati, libidini, lucris iniustis, cum parum curat res sacras, & quæ ad salutem animæ pertinent, terrenis totus immerfus. Denique, etiam, peccata cuiusque in particulari aliquo modo ad hanc mensuram referuntur. Sicut enim quisque est membrum Reipublicæ, & coniunctus cum alijs constituit ipsum corpus Reipublicæ; ita peccata cuiusque priuati pertinent ad communem cumulum, eumque, aliorum peccatis coniuncta, constituunt & augēt. 63. Hinc fit vt interdū propter vnus peccatum totus populus puniatur, nimirum cum cuius peccatum mensuram communitatis explet. Sicut enim in numeris quælibet species accedente vnitate vltima constituitur, ita quælibet peccatorum mensura à Deo definita vltimo aliquo pec-

Quæ peccata ad mensuram hanc pertinent.

Vnius peccatum interdū mensuram impler communitatis.

cato veluti termino intrinseco completur. Sic propter peccatum Dauidis populum numerari iubentis, punitus fuit vniuersus Israël & Dá vsque Bersabee, occisis peste intra triduum septuaginta millibus hominum. Et propter peccatum Achan, qui contra præceptum diuinum aliquid de anathemate vsurparat, punitus fuit exercitus, & in fugam actus, cæsis triginta sex viris: nec potuisset iste quidquam in posterum efficere, aut hostibus suis resistere, nisi auctor facinoris sublatus fuisset, vt ibidem habetur. In huiusmodi tamen euentis, non solum illud peccatum vltimum illius hominis; sed etiam præcedentia tum eiusdem, tum aliorum illius populi punita fuere. Non enim ob solum peccatum Dauidis Deus tot millia hominum sustulit; sed per cladem, etiam populi peccata vindicata fuere, quæ iam ita accumulata erant, vt vindictam celerem mererentur. Permisit itaque Deus Dauidem incidere in istud peccatum superbiæ, quo mensura Israël erat implenda, & vindicta irroganda. Significat id Scriptura cum ait: *Et addidit furor Domini irasci contra Israel, commouitque* (commoueri permisit à diabolo) *Dauid in eis dicentem: Vade, numera Israel & Iudam.* Sæpè enim Dominus propter peccata populi permittit flagitia Principum, quibus vel tyrannicè populus ipse gubernatur, vel in bella & seditiones coniicitur, vel mensura peccatorum eius impletur, vt vltio diuina subsequatur. Pari modo *propter peccata populi facit regnare hominem hypocritam*; & dat Principes insipientes, imbelles, effeminatos, qui nec sciant, nec possint populum regere, vel aduersus hostes tueri. Exempla plurima habemus in Scripturis, & Historijs humanis.

64 Ex his perspicuum est, qua ratione non sit iniquum, totam multitudinem propter vnius peccatum puniri. Non enim hæc ita ob vnius peccatum plebitur, quasi ipsa per se (saltem pro maiori parte) tali pœna ratione suorum peccatorum digna non sit, (id enim non esset diuinæ iustitiæ consentaneum;) sed quia vnius peccatum (nimirum quo communis mensura impletur) est causa cur hoc tempore potius quàm alio, pœna communitati debita irrogetur, & non in aliud tempus differatur. Sæpè tamen fit vt aliqui in ea communitate tali supplicio per se non sint digni, qui tamen communi malo propter coniunctionem vitæ & habitationis inuoluuntur. Sicut enim in corpore naturali membrum quodlibet est particeps commodorum & incommodorum ipsius corporis; ita in corpore politico quodlibet membrum, etiamsi causam cum aliis

non dederit, communis prosperitatis & calamitatis est consors. Neque aliter iuxta ordinariam rerum legem fieri potest, ob commorationem iustorum cum iniquis, quibus sunt permixti, & in quorum medio degunt. Itaque respectu talium, illa afflictio non tam est pœna, qua eorum peccata vindicentur, quàm exercitatio virtutis & patientiæ ad maiorem gloriam. Nemo tamen facilè in animum inducat, se talem afflictionem non esse commeritum: hoc enim est quod Dominus grauitè in S. Iob reprehendit, qui tantam se calamitatem nō commeruisse contendebat. Nemo enim animi sui statum, utrū amore an odio dignus sit, plenè nouit: nemo peccatorum pondera & mensuras, quantumque pœnarum respondeat singulis, cognoscit.

Delicta, inquit Propheta, *quis intelligit? ab occultis meis munda me.* Psal. 18.

Quamuis enim Deus hanc calamitatem non immittat tibi ad peccatorum vindictam, sed ad patientiæ probationem; non tamen hinc efficitur, te illam non esse promeritum, aut Deum non potuisse illam iustè pro peccatis tuis irrogare. nam etiam quædam venialia ad hoc sufficiunt. Si enim post hanc vitam nonnulla venialia grauissimis & diuturnis purgatorij ignis supplicijs iustè puniuntur, cur non in hac vita quibusuis calamitatibus, quæ pœnis purgatorij longè sunt mitiores, vindicari possint?

65 Hoc quoque dignissimum est consideratione, quòd quòd plures sunt impij homines in aliqua Repub. Christiana qui impunè peccant, eò celerius impletur mensura, & grauior velociorque illi ex-
*Cur celerius
vel tardius
impetratur
mensura.*
 peccanda vindicta: hi enim maledictionem sibi debitam secum ad Rempub. cuius fiunt membra deferunt, eiusque illam faciunt participem. Deinde, sicut Princeps aliquis non potest benè affici erga ciuitatem quæ propter aliquod lucellum recipit & iuuat eius hostes qui ipsum contumelia afficiunt: ita Deus omnium Princeps & Dominus, non potest amare Rempub. quæ solius commodi temporalis causa, nulla habita ratione iniuriarum quæ ipsi inferuntur, aut periculi contagionis quod ciuibz impendat, hostes ipsius admittit & fouet. Itaque multas & graues calamitates non solum spirituales, sed etiam temporales illi imminere non est dubitandum.

66 E contrariò, quòd plures sunt iusti & sancti in Republica, eò tardius mensura impletur, & longius punizio differtur. Benedictio enim & fauor cælestis qui ipsis debetur, in Rempub. quæ eos fouet
*Multitudo
iustorum dif-
fert vindictam.*
 redundat; parcitque Deus toti corpori intuitu aliquot nobilium membrorum quæ ipsi chara sunt; & propter aliquot bonos benè

Tres causa
ob quas Deus
differt puni-
tionem im-
piorum in-
tritus iusto-
rum.

Gen. 18. 32.
Num. 19.
v. 46. 47.
Psalm. 105
Luc. 13.

Eccli. 16

Eccli. 21.

facit plurimis. Et si enim maior pars Reipub. sit praua, & iram celestem mereatur; tamen Deus manum sustinet, & ultionem suspendit: partim ne simul cum impijs iustos, quorum ipsi vita est accepta, tollat è medio: partim iustorum flexus humilitate & deprecatione: denique quia iustorum labore & studio sperandus est fructus, & multorum ex illa iniquorum colluie conuersio. Confirmari hæc possunt exemplis. Si enim in Sodomis vel decem iusti reperti fuissent, ipsorum gratia Deus toti illi multitudini pepercisset. Si Moyses sapè Dominum non exorasset, & iram eius in populum accensam auertisset, longè plures & grauiores clades populus in deserto accepisset. Sic in parabola Euangelica precibus & sponfione agricolæ arbor infructuosa & iam succidenda, seruata est in alterum annum. Omitto alia innumera huc pertinentia, quibus declaratur, maxima commoda, etiam temporalia, iustorum causa indignis collata, & maximas calamitates his impendentes auersas. Itaque viri iusti & sancti, veluti columnæ quædam, sua præsentia sustentant Respublicas & Regna, quæ iam olim pondere peccatorum suorum concidissent, nisi huiusmodi fulcra intra se habuissent. Imò iam pridem mundus periisset, nisi iustorum meritis, orationibus, & expectatione fructus, qui ipsorum opera ex impijs colligendus est, conseruaretur. *Melior est, & pluris à Deo æstimatur, unus iustus quàm mille impij*, qui nihil sunt nisi stipula, palea, zizania, ignis æterni pabulum: nam vt Ecclesiasticus inquit: *Stuppa collecta synagoga peccantium, & consummatio eorum flamma ignis.*

Hæc de quinto opere diuinæ iustitiæ sufficiat. Hactenus potissimum egimus de supplicijs corporalibus, quæ propter peccata Deus in hac vita infligere solet: sequitur vt dicamus aliquid de pœnis spiritalibus.

CAPVT XII.

De sexto Iustitiæ opere, quod est punizio spiritalis, & in primis de subtractione auxiliij interioris.

67 **S**EXTO cernitur diuina seueritas in punitione spiritali: quæ etsi vulgò non ita æstimetur, quia sensibus non percipitur; tamen longè magis est metuenda quàm omnis afflictio corporalis. Sicut enim bona spiritalia incomparabiliter sunt præstantiora bonis omnibus quæ sub sensum cadunt: ita illorum damna longè pluris sunt æsti-

æstimanda; quàm omnia bonorum corporalium detrimenta. Accedit, quòd hæc pœna ad pœnam æternam sit proxima dispositio. Sicut enim salus æterna pendet ex bonis spiritalibus, quæ in hac vita obtinentur; ita miseria æterna sequitur ex horum bonorum inopia & amissione.

Nota

Consistit autem hæc pœna spiritalis potissimum in quatuor malis: Primò, In subtractione gratiæ iustificantis, & totius boni quod hanc gratiam consequitur. Secundò, In subtractione auxiliij interni. Tertio, In subtractione auxiliij externi. Quartò, In excacatione & obduratione. De Primo dicemus infra cap. 28. & 29. de cæteris dicendum hoc loco. Secundum ergo malum erat, Subtractio auxiliij interni ad salutem opportuni; in subtractione etiam imminutionem intelligo: non enim confertim & tota simul fit hæc subtractio, sed sensim, peccatis sensim crescentibus. Cùm homo est iustus, debitum est ei hoc auxilium, & Deus largè illi tamquam amico & filio suppeditat, ut commodè possit diuinam hæreditatem consequi. Amissa autem iustitia per peccatum, non debetur ei hoc auxilium ampliùs, cùm ius omne ad vitam æternam, ad quam hoc auxilium perducit, amiserit, sitque reus æternæ mortis, & possit statim in barathrum præcipitari. Vnde Deus ordinariè incipit consuetam curam & opem quam antea impendebat, subtrahere, nam iustitiæ ordo postulat, ut non tanta sit ei cura de salute hominis, cùm ipsi post tot beneficia factus est ingratus, inobediens, & inimicus; quanta fuit cùm erat amicus, & obediens filius. Hinc fit ut qui semel mortiferè peccat, sæpè in eo peccato diu maneat, & in idem sæpius vel in alia labatur, priusquam resurgat: quia nimirum diuina opitulatio per peccatum est imminuta. Quod etiam magis constabit, si explicuerimus quidnam nomine auxiliij interni intelligatur.

Punitio spiritalis sita in quatuor rebus.

68 Tria hoc nomine continentur: *Excitatio, Directio, Protectio*. *Excitatio* sita est in tribus; in illuminatione mentis; in applicatione phantasiæ ad cogitanda salutaria, ut assiduè animo obuersentur; & in affectione pia voluntatis. Animus humanus etiam in fidelibus & iustis magnas in rebus spiritalibus patitur tenebras, & obscuro confusoque modo eas apprehendit. Itaque ut possit eas sic concipere & informare animo ut affectus moueatur, sæpè opus est inspiratione diuina qua mens illustretur, ad eas congruenti & illustri modo concipiendas. Verùm, non satis est hanc illustrationem semel atque iterum esse factam; quia mens statim suo pondere ad terrena co-

Auxilium internum triplex. Ad excitationem tria pertinent, illuminatio mentis, applicatio phantasiæ, & affectio voluntatis

E e e

gitanda deuoluitur. Cùm enim à sensibus functio eius pendeat, solum ea quæ sub sensum cadunt (quibus natura consuevit) sponte sua cogitat, & intus secum familiariter versat. Hinc fit vt nisi ferè assiduè iuuetur, difficultates in spiritalibus cogitandis & tædia sentiat, nec diu in illis versari possit: sunt enim illa supra eius naturalem captum & consuetudinem. Vnde opus est auxilio quo eius phantasia corroboretur, eleuetur, & applicetur ad ea quæ diuina illustratione rectè cognouit, facile & congruenter ad affectum imaginanda; vt quasi assiduè menti obuersentur, vel saltem exiguo conatu illa in promptu habeat. Nam affectus noster rebus spiritalibus non mouetur, nisi illæ congruo modo sint apprehensæ: non possunt autem facile sic apprehendi, nisi diuina illustratione accedente: nec ea apprehensio diu potest durare, nec esse nobis facilis & expedita, nisi ad sit diuina opitulatio, qua phantasia ad hoc applicetur & iuuetur. Hoc auxilio suppeditante, facile est terrena contemnere, & cælestia sectari, & heroica virtutum opera capessere, vt in Apostolis est videre. Sicut enim qui assiduè terrena animo voluunt, vt honores, opes, voluptates, tamquam res eximias & amabiles ea concipientes & imaginantes, non possunt ea non amare & persequi: ita etiam qui bona spiritalia cognoscunt, & crebro eorum excellentiam considerant, phantasia ad hoc promptè & facile obsecundante, non possunt ea non amare, & contemptis terrenis omni studio ambire. Sanè apprehensio & consideratio vilitatis rerum temporalium, & præstantiæ spiritalium, est fons omnis perfectionis; & cui ea est vehemens & quotidiana, is nullam vel exiguam in via spiritali difficultatem sentiet. Amor enim vehemens qui ex tali apprehensione nascitur, facile omnes difficultates superat, earumque acerbicatem sua dulcedine temperat, vel etiam obruit. Sic e contrariò apprehensio illa, qua mens cæca mortalium, res temporales concipit tãquam dulces, magnas, splendidas, amabiles, est causa omnis mali & perditionis. Ex quibus patet quãti hæc excitatio sit momenti: cùm tota ferè perfectio, & omnis profectus spiritalis hinc pendeat. Sicut enim Protectio tuetur nos à peccatis, ita Excitatio promouet in bono, & adducit ad perfectionem.

69 Alterum est *Directio*. Hoc nomen accipitur dupliciter. Primò, Respectu salutis æternæ; & sic omne Dei auxilium est directio: nam per omne auxilium dirigimur ad salutem. Secundò, Respectu executionis alicuius boni propositi, quomodo hinc accipimus: estque solum illud auxilium quod ad executionem dirigit & iuuat. Cùm enim

executio à multis rebus externis sæpè pendeat, quæ non sunt in hominis potestate; maximè ad eam opus est diuino auxilio, quod directionem propriè vocatus. Ratione huius auxilij dicitur Ieremix 10. *Scio Domine, quia non est hominis via eius; nec viri est ut ambulet, & dirigat gressus suos.* & Prouerb. 16. *Cor hominis disponit viam suam, sed Domini est dirigere gressus eius.* Hæc directio potissimùm in tribus sita est: in amotione impedimentorum, in oblatione occasionum exequendi, & in consilij salubris inspiratione. Verbi gratia, in proposito Religionis ingrediendæ, vel alterius rei arduæ ad Dei gloriam conficiendæ, varia impedimenta obijci solent, quæ humano consilio sæpè non possunt amoueri vel peruinci. Deus itaque res ita disponit, vt ista impedimenta tollantur, & vt occasiones se offerant, facile & suauiter rem conficiendi; & in rebus perplexis, vtile consilium per se, vel per homines aut Angelos suggerit, viasque suauiter exequendi ostendit.

*In tribus
præcipue con-
sistitur.*

70 *Protectio* ad multa se extendit. Primò, vt præseruemur à peccatis, præsertim mortiferis. Secundò, vt custodiatur in nobis semen sanctæ inspirationis. Tertiò, vt bonum propositum non euertatur. Quartò, Vt executio non impediatur. Denique, Vt multa huius vitæ pericula euitentur. Itaque hæc reliquas gratias, totâque animæ salutē, & ipsam quoque vitam corporalem tuetur. Consistit autem potissimùm in tribus. Primò, in compressione potentia diabolicæ, ne ipse nos tentet supra vires, vt ex Apostolo 1. Corinth. 10. vers. 13. colligitur. Facile enim illi esset, totum mundum omnesque iustos peruertere, si totam vim suam artesque omnes expromere concederetur: *Non est potestas super terrâ quæ comparetur ei.* Vnde nouissimis temporibus cum solutior erit, ita grassabitur, vt nisi tempus persecutionis accideret, etiam electi sint peruertendi, & pauci vel nulli saluandi: vt ex verbis Domini Matth. 24. constat. Secundò, In auersione variarum occasionum & tentationum, quæ nobis à Diabolo, mundo vel carne obuenirent; quibus Deus videt nos negligentia nostra succubituros, si permetteret nos illis inuolui. Itaque eas benignè submouet, res ita disponens vt non eueniant; vel si euenierint, aliquid aliud intercurrat, quod earum progressum impediatur, vel cogitationes nostras aliò transferat. Tertiò, In auxilio opportunè exhibito, ad eas cum inciderint vincendas. Ita enim iuuat Protectio, vt nihil damni ab insidijs hostium alijsque causis ad malum allicientibus patiamur, sed in omni conflictu perstemus illæsi.

*Protectio in
tribus sita.
In compressi-
one damo-
ni.*

Iob 41.

*In auersione
tentationum*

*In auxilio
quo vincan-
tur cum in-
ciderint.*

Ecc ij

*Necessitas
diuinæ prote-
ctionis.*

*Prece: Ecclē-
sia quibus
diuina pro-
tectio implo-
ratur.*

71 Quanta verò sit diuinæ protectionis necessitas, perspicuum est, considerata tum nostra, tum hostium nostrorum conditione. Magna enim est nostra ad bonum imbecillitas, ad malum procliuitas, magna ignorantia, magna negligentia: infinitis ad vitam rebus est opus, quibus conquirendis assiduè sumus intenti, non adeò interim de salute solliciti. E contrariò, maxima est diaboli potentia, maxima astutia & industria, maxima vigilantia; & his omnibus ad nihil aliud incumbit, nisi ad nostrum exitium. Infinitæ quoque sunt carnis & mundi ad malum illecebræ. Quanta igitur nobis opus protectione, ut illius vim & insidias, horum laqueos & decipulas euadamus? hinc Ecclesia passim suis in præcibus diuinam protectionem tam sedulò implorat, orans cum Propheta: *Custodi nos Domine ut pupillam oculi, sub umbra alarum tuarum protege nos. & : Familiam tuam quesumus Domine, continua pietate custodi, ut quæ in sola spe gratiæ celestis innititur tua semper protectione muniat*: alijsque modis plurimis. Denique nihil æquè ac ista protectio est nobis necessarium, nam debet hoc protectionis auxilium esse assiduum. Sicut enim paruulus vel infirmus per loca salebrosa incedens, semper est in periculo cadendi, nisi assiduè aliquis ei adsit qui eum custodiat & sustentet: ita homo etiam iustificatus, ob infirmitatem & multas peccatorum occasiones, ac insidias diaboli, semper est in periculo peccandi, nisi diuinitus custodiatur. Itaque hoc auxilium etiam singula bona opera nostra antecedere, comitari & subsequi debet, ut & illa facere, & facta conseruare possimus. Ex quibus constat, quanti hæc protectio sit momenti, & quantum periculi nobis eius imminutio adferat.

*Hoc triplex
auxilium
enituit in
Sanctis.*

72 Hoc triplex auxilium in omnibus Sanctis & maximè in Apostolis enituit, eosque ad culmen perfectionis euexit, & ut res maximas feliciter conficerent, effecit. Protectio enim, à peccatis alijsque multis periculis seruauit, & reliquas gratias ac dona diuina in ipsis est tutata. Excitatio animos ad diuina extulit, & in ijs ita corroborauit, ut multis non minùs facile fuerit viuere supra se in spiritu iuxta celsitudinem gratiæ, & habere conuersationem suam in cælis, quàm nobis facile est viuere politicè iuxta rationem humanam inter homines. Assistebat enim illis virtus diuina, mentem ad cælestia eleuans, & phantasiam corroborans, ut illustri & uiuido modo diuina conciperent, & magna facilitate absque tædio in illorum consideratione versarentur. Ex illa autem valida mentis & phantasie impressione, spontè sequebatur in voluntate & appe-

titu inferiore vehemens commotio ad opera heroica præstanda, difficultatesque omnes superandas. Directio effecit, ut res maximas Dei gloriam & salutem animorum spectantes ad felicem exitum perducerent.

Voco hæc auxilia interna, non quod omnia homini inhæreant, (nam compressio diaboli, impedimentorum sublatio, occasionum ingestio sæpè extra hominem fient;) sed quia occulta sunt, & inuisibili modo exhibentur, & sæpè interiùs intra hominem administrantur: unde meritò dicuntur interna, maximè comparatione facta ad alia quæ exterius & visibiliter exhibentur, de quibus statim dicemus.

73 His explicatis, dico triplex auxiliū internum, quod tanti est momenti, per peccatum iusto Dei iudicio sensim subtrahi & imminui. Crescentibus enim peccatis, minuitur diuina protectio, neque Deo ita curæ est, ut eum à peccatis in posterum custodiat. unde non ita dæmonem coërcet, sed sinit varijs modis hominem tentari, & ab alijs quoque rebus varias peccatorum occasiones ingeri. neque tantas in pugna vires suggerit. hinc fit ut maiores difficultates homo in resistendo indies sentiat, & in alia ac alia peccata miser corruat, nouis accessionibus quotidie suum onus cumulans. Imminuitur etiam excitatio: rariores enim sunt diuinæ inspirationes, rariores & languidiores bonæ cogitationes, & piæ commotiones. Euanescit omne bonum spiritale, & mens tota rebus terrenis immersa volutatur in cœno carnalium voluptatum; & nisi singularis Dei miseratio præueniat, necesse est illum semper in peius ruere. Denique minuitur directio, vel potius tota tollitur. Vbi enim nullum est bonum propositum, non habet locum auxilium quo dirigatur ad executionem. His tamen addiderim, numquam ita subtrahi omne auxilium internum diuinæ protectionis vel excitationis, quin homo, si faciat quod in se est, per præsentem dispositionem quam habet, vel quam Deus ei in necessitate confert, possit tentationi occurrenti resistere, ita ut non necessariò ei consentiat. Si enim non posset vllò modo resistere, neque auxilium ad resistendum petere & obtinere, non peccaret illo consensu, ut modò suppono: de quo alibi satis à nobis dictum est. Verùm multis peccatoribus hæc resistantia est adeò difficilis, ut re ipsa numquam eam sint præstituri, nisi copiosior gratia eos præueniat; quia nolunt sibi vim inferre, nec extremum virium suarum impendere ut tentationibus resistent.

*Totum hoc
auxiliū
minuitur
peccatis.*

*Numquam
ita subtrahitur
omne auxilium,
quin possint
petere
auxilium
necessariū
ad resistendum.*

*Tract. de
Gratia
efficaci & de
Prædestinatione.*

Ex his satis constat, quomodo auxilium internum propter peccata iusto Dei iudicio subtrahatur, & quanti hæc pœna in negotio salutis sit momenti.

CAPVT XIII.

De subtractione auxilij externi.

*Subtractio
auxilij ex-
terni.*

74 **T**ERTIA pœna spiritalis est, Subtractio auxilij externi. Hoc auxilium potissimum in sex rebus situm est: in *prædicatione verbi diuini sanæque doctrinæ*, in *Sacramentorum usu*, in *Sacrificio missæ*, in *precibus sanctorum ac piorum*, in *bonis monitoribus & consiliariis*, Denique in *tribulationibus & flagellis*. His ferè modis & adminiculis externis Deus utitur ad homines à peccatis abstrahendos, & ad salutem perducendos. Sed inter hæc, tria priora maximam vim habent, adeò vt tota pænè salus ex illis pendeat *Fides* enim (quæ est totius boni spiritalis & salutis fundamentum) nascitur ex auditu verbi Dei: *Iustificatio* perficitur, augetur & conseruatur Sacramentorũ usu: *Sacrificio* ira diuina mundo placatur, flagella impendētia auertuntur, pœnæ peccatorũ relaxantur, interna gratiæ auxilia obtinentur, & demonum impetus coërcentur. Ex quibus patet, quanti hæc bona sunt momenti. Deus tamen propter peccata Christianorum sæpè ista subtrahit, & oppida, prouincias ac Regna præsidij istis destituit, dū iusto iudicio permittit vt in hæreticorum redigantur potestatem, qui ministros Ecclesiæ, vnà cum ipsis sanam doctrinam, vsum Sacramentorum, Sacrificium sacrosanctum, omnemque Religionem ac veram pietatem exterminant, inæstimabili profectò damno. Millies præoptanda erat fortunarum iactura, liberorum orbitas, perpetua seruitus, & patriæ totius euersio. Et tamen ea est mortalium vecordia, vt hæc detrimenta parui faciant, modò temporali pace & vilibus huius vitæ bonis frui sinantur. Meretur sanè huiusmodi punitionem Catholicorum tepor & oscitantia, qui ita terrenis sunt addicti, vt de cælestibus istis donis parum sint solliciti. Hanc pœnam minatur Dominus Matthæi 21. cum ait: *Auferetur à vobis regnum Dei, & dabitur genti facienti fructus eius.* & Amos 8. *Ecce dies veniunt, dicit Dominus & mittam famem in terram; non famem panis, neque sitim aque, sed audiendi verbũ Domini.* Hæc fames est apud hæreticos, quia est sũma veritatis inopia, cum tamen omnes dicant se eam sitire & quærere.

Præter hæc, interdum Deus subtrahit Sanctorum preces, vel eas statuit non exaudire. Ieremiæ 7. *Tu noli orare pro populo hoc, nec assumes pro eis laudem & orationem, & non obstitas mihi, quia non exaudiam te.* similia habentur Ieremiæ 15. & Ezech. 14. Deinde bonos consiliarios & monitores: Ieremiæ 15. *Curauimus Babylonem, & non est sanata: derelinquamus ergo eam, quia peruenit usque ad celum iudicium eius.* & Isaïæ 3. *Ecce dominator Dominus exercituum aufert à Ierusalem & à Iuda validum & fortem, omne robur panis, & omne robur aquæ, prophetam, & ariolum, consiliarium, & sapientem de architectis, & prudentem eloquij mystici.* Denique aufert tribulationes & flagella, quibus homines resipiscerent, & permittit eos frui prosperitate præsentis ad breue tempus tamquam à cura sua repulso, & quasi desperatos. Oseæ 4. *Non visitabo super filias vestras cum fornicatae fuerint, neque super nurus vestras cum adulterauerint.* Psal. 72. *In labore hominum non sunt, & cum hominibus non flagellabuntur; ideò tenuit eos superbia, operati sunt iniquitate & impietate sua, &c.* innumerabiles enim prosperitate pereunt, qui flagellis saluarentur.

CAPVT XIV.

De Excacatione & Obduratione.

76 **Q**UARTA pœna spiritalis est *excacatio & obduratio*. Hæc est *Excacatio*. extrema & maxima pœnarum huius vitæ, & maximè formidabilis, ut quæ ordinariè post se trahat æternum exitium, & illud grauissimum. Sita est *Excacatio* non solum in *subtractione diuina illuminationis*, sed etiam in *positiua iudicij peruerfione*. unde hæc duo ad illam requiruntur. Ratione prioris fit ut salutaria non intelligant, vel non apprehendant, saltem eo modo quo apta sunt affectum mouere. Itaque neque ex concionibus, neque ex colloquiis piorum, neque ex lectione sacra fructum referunt. Ratione posterioris fit ut peruerfè de rebus ad salutem spectantibus iudicent, approbantes falsa pro veris, pestifera pro salutaribus, tenebras pro luce, mala pro bonis: & econtrariò, vera ac salutaria detestantes ut falsa & nocentissima, & lucem serenam ut tenebras cimmerias. De talibus dicitur Isaïæ 5. *Vae qui dicitis malum bonum, & bonum malum: ponentes tenebras lucem, & lucem tenebras: ponentes amarum in dulce, & dulce in amarum.* Hanc cæcitatem cordis manifestè videmus in Iu-

*In quibus
clare appa-
reat cecitas
mentis.*

daïs, & in nostris hæreticis. Cùm enim tota Scriptura clarissimè ostendat Christum ea specie & forma qua Euangelistæ eum descripserunt, & eius regnum, vt modò floret; Iudæi tamen non agnoscunt, sed illum apprehendunt vt impostorem, eius miracula vt opera satanæ, eius doctrinam vt blasphemiam, eius religionem vt superstitionem. Simili modo hæretici, etsi certissimis notis vera Christi Ecclesia, tamquam ciuitas supra montem posita, omnibus considerare volentibus sit conspicua; ipsi tamen eam pro tali non agnoscunt, sed satanæ synagogam reputant; & Christi Vicarium concipiunt vt Antichristum, Sacrificium Missæ & cultum Sanctorum, vt execrabilem idololatriam, Sacramenta vt vacuas caeremonias vel inuentiones humanas, purgatorium & indulgentias vt figmenta Sacerdotum ad quæstum comparata, vota monastica vt superstitiones, bonorum operum merita vt iustitiam Pharisaicam, & alia huiusmodi plena delirij & insanæ mentis. Sicut enim ob peruersam organorum aut medij dispositionem fit, vt quis amicum concipiat vt inimicum, & candidum vt rubrum vel fuscum, & dulcia tamquam amara, & pulchra tamquam distorta; sic ex praua dispositione animi & phantasiæ accidit, vt quis pessimè de rebus ad salutem pertinentibus iudicet.

*Causa efficiens ex-
cæcationis est
partim Deus,
partim dia-
bolus, partim
homo ipse.*

77 Causa efficiens excæcationis, qua parte sita est in diuini luminis priuatione, est *Deus*, qui iusto iudicio, peccatis hominum id exigentibus, subducit lumen, quo menti humanæ ad rerum salutarium cognitionem solet affulgere, parcius ac rariùs illud impertiens, & radios suos, ne in illam animam incurrant, veluti cohibens, propter illius indignitatem. Qui enim ab illo sole assiduè se auertunt, & in tenebras peccatorum abdunt, tenebras luci præferentes; indigni planè sunt, in quos sol ille rationalis radios suos immittat; præsertim cùm mens per peccata fiat terrena, tenebricosa, ac inepta ad illud purum lumen excipiendum. Qua parte verò sita est in iudicij peruersione causa excæcationis, est partim *diabolus*, partim *ipse homo* per suam malitiam.

3. Reg. 22.
1. Paral. 18.

Diabolus quidem, quia Deus propter peccata remittit ei habenas, & permittit vt animos hominum deludat & seducat. Colligimus id manifestè ex Scripturis 3. Regum 22. & 2. Paralip. 18. Cùm puniendus esset Achab ob plurima scelera sua, permisit Dominus diabolo, qui est spiritus mendacij, vt deciperet prophetas ipsius, & prophetarent illi prospera, quibus ille fidem habens periit, occisus à Syris. *Dedit* (inquit Michæas) *Dominus spiritum mendacij in ore*

om-

omnium prophetarum tuorum: nimirum ut ipsi decepti te decipiant, & inducant ad bellum in quo cadas & succumbas. 2. ad Cor. 4. *Quod si etiam opertum est Euangelium nostrum, in ijs qui pereunt est opertum; in quibus Deus huius sæculi excæcavit mentes infidelium, ut non fulgeat eis illuminatio Euangelij gloriæ Christi, qui est imago Dei.* Insinuat causam cur doctrina Euangelij, quæ tam manifestis argumentis & signis probatur, quibusdam qui hæc omnia vident & audiunt, adhuc sit operta, sic ut eam tamquam fabulas reiiciant; nimirum quia diabolus, qui tamquam Deus toto pænè orbe colebatur, eorum mentes excæcavit. 2. ad Thess. 2. *Eò quod charitatem veritatis non receperunt ut salvi fierent; ideò mittet illis Deus operationem erroris ut credant mendacio.* Operationem erroris vocat operationem diabolicam tum internam tum externam, qua fit ut error illis pro veritate placeat: quam punitionem meruerunt, quia veritatem perspicuè sibi propositam odio habuerunt & repudiarunt.

78 Sed quibus tandem modis diabolus iudicia hominum pervertit, & quidnam in illis efficit? Sex ferè modos reperio quibus id facit. Primus est, Interiùs concitando humores & spiritus, vnde fiat ut imaginatio longè aliter res apprehēdat quàm reverà sint; ut patet in phreneticis, & melancholiæ morbo affectis: maximè enim imaginatiis apprehensio ab humorum & spirituum qualitate & commotione pēdet. Sic effecit ut cultum Eucharistiæ & Sanctorum firmiter apprehendant & iudicent esse abominandam idololatriam. Secundus est, Auertendo mentem à consideratione eorum per quæ possit instrui, & veritatem assequi. Sic diabolus semen verbi diuini in terram humani cordis seminatum aufert, iuxta parabolam Euangelicam Luc. 8. mentem ad alia diuertendo. Simili modo facit ut libros Catholicorum non legant, vel si legant, non expendant. Tertius est, Excitando in homine varias passiones, præsertim cupiditatis & odij, quæ maximè rationis iudiciū perturbant, ut experientia docet. Sic odio Christi, Scribæ & Pharisei ipsius doctrinam repudiarunt, nec innumeris miraculis, quæ & ante Christi mortem, & in morte, & post mortē viderunt, neque Scripturis eidentissimis conuerti potuerunt. His tribus modis utitur diabolus passim cum hæreticis, & facit ut leuissimæ coniecturæ, & aperta sophismata, quæ sunt contra doctrinam Catholicam, videantur illis clarissimæ demonstrationes: & econtrariò, perspicuæ demonstrationes, quas Catholici contra eorum errores adferunt, appareant nullius momenti, & sophismata mera-

*Quomodo
diabolus iudicium
hominis per-
vertat.*

Fff

Rursus vt sanctorum Patrum in sacram Scripturam interpretationes, reputent inuentiones humanas ; suas verò imaginationes apertum Scripturæ sensum, & ipsam veritatis medullam. Denique, tãta in ple-
risque in Religionis negotio est iudicij perturbatio , vt dum aliquid ex fidei principiis apertè concluditur , vim & consecutionem formæ syllogisticæ, quæ tamen lumine naturali est perspicua , non capiant ; vt sæpè non sine admiratione & animi dolore aduerti. Quartus est, Per varia visa aut verba interiùs phantasiæ obiecta , siue in somnis, siue in aliqua mentis à sensu alienatione , quæ videantur esse reuelationes. Quintus est, Per exteriores apparitiones, vel signa sensibilia à dæmone ad aliquid homini persuadendū obiecta. His duobus modis non vtitur passim cum omnibus, sed potissimū cum primariis quibusdam suis amicis, & electis organis, quales sunt hæresiarchæ, & hæreseon ministri, pseudoprophetæ & pseudoapostoli noui Euangelij; Anabaptistæ quoque & Svvenckfeldiani huic deceptionis modo valdè obnoxij. Sextus est, Per præstigias & falsa miracula, quibus homines potissimū extremis temporibus seducentur.

Cur hereticorum difficultis conuersio.

79 Ex his facile est cognoscere, cur ad eò difficulter hæretici conuertantur. Nam præterquam quòd interno lumine sunt destituti, diabolus detinet mentes eorum per falsas imaginationes & prauas affectiones, vt non capiant ea quæ dicuntur, prout reuerà sunt, sed prout illis per prauas illas dispositiones apparent: vnde non possunt de illis rectè iudicare, nisi priùs impedimenta illa semota fuerint; hæc enim reddunt illos omnis boni iudicij in rebus fidei quodam modo incapaces. Iraque conandum primò vt pertinaciam & affectus deponant, anticipatas imaginationes ac opiniones aliquantisper semouendo: deinde, vt auxilium diuinum ad inuestigandam veritatem sedulò implorent, & se paratos ad eam amplectendam offerant, quibus obtentis, tum demum cum bona spe fructus ad conferendum de singulis articulis venietur.

Malitia hominis.

80 Altera causa excæcationis ex parte peruersionis iudicij, est ipsa malitia hominis, qua se ipsum voluntariè excæcat, non solùm meritoriè per peccata præuia (propter quæ priuatur illustratione diuina, & permittitur illusioni diabolicæ) sed effectiuè & proximè. quod fit dupliciter. Primò, Quatenus consentit in noxias passiones odiorum & cupiditatum, quibus excæcatur, easque in se fouet. Secundò, Quatenus ob leuem aliquam ratiunculam vult pertinaciter inhærere anticipatæ apprehensioni ; & ea quæ illi aduersantur,

recusat considerare & excutere: nimirum sic se sponte auertens à luce veritatis, & eligens tenebras. Etsi enim diabolus magnam in phantasiam eorum qui excæcantur, potestatem habeat; non tamen eam ita perturbat (Deo id minimè permittente) vt vsus rationis pænitus impediatur, siue vt non possint aduertere se parum solidè procedere: alioquin nec in ipsa excæcatione, neque in iis quæ per mentis excitatem faciunt, peccarent; quod Scripturis manifestè repugnat: sed eatenus dumtaxat, vt non sine magna difficultate rectè & prudenter in eo negotio, in quo excæcati dicuntur, rationis lumine vti possint. Itaque consensus in errorem & pertinax adhæsiō est adhuc libera: similiter auersio animi à consideratione & examine veritatis omnino libera permanet.

Ex his perspicuum est, aliter Deum, aliter diabolum, aliter ipsum hominem excæcationis dici causam. *Dens* enim solū est causa *negatiuè*, *permissiuè*, & *per occasionem*. *Negatiuè*, quatenus propter peccata subtrahit, seu non impertit interna vel externa auxilia, quibus homo illuminaretur, vt suprà explicatum est. *Permissiuè*, quatenus permittit diabolo vt per se suaque membra homines decipiat, eorumque mentes peruertat. *Per occasionem*, quatenus positiuè vel permissiuè est causa aliquarum rerum, ex quibus homines occasionem recipiunt errandi, vel in concepto errore se firmandi. Sic aliqui excæcantur prosperitate; vt hæretici, cū ex successu suarum machinationum putant Deum sibi fauere, & redduntur pertinaciores. Item Scripturis, dum ex quibusdam sententiis in speciem ipsorum errori fauentibus, putant à se stare verbum Dei.

Diabolus est causa directā & positiua, nimirum directè intendens & operans per se & sua organa ad hominum excæcationem. Non tamen efficaciter potest eam efficere absque hominis consensu, sed solū ad eam disponit: ipse verò homo suo consensu perficit, dum veritatis dilectione & consideratione reiecta, eligit errorem suis passionibus, prauis affectibus, & imaginationibus congruentem.

Excæcationem sequitur *obduratio*: quod enim excæcatio est in intellectu & iudicio, hoc obduratio est in voluntate & affectu. 81. Nam quemadmodum ex illuminatione diuina sequitur in voluntate promptitudo quædam ad obsequendum Deo, & amplectendum quod ille inspirauerit: ita ex mentis cæcitate sequitur durities quædam & obstinatio in malo, per quam salutaribus monitis & diuinis inspirationibus resistitur. quamuis & in ipsa excæcatione obdu-

*Discrimen
inter causas
excæcationis.
Dens excæcat
negatiuè,
permissiuè,
& o. casualiter.*

*Diabolus
quomodo sit
causa excæcationis.
Homo suo
consensu per-
ficit excæca-
tionem.*

Obduratio.

In excacatio-
ne includitur
quædam ob-
duratio.

ratio quædam intrinsecè contineatur, quatenus quis affectum aduersus veritatem obdurat, nullis rationibus aut declarationibus locum relinquens. Consistit obduratio infirma & obstinata affectus ad aliquod malum, propter speciem quamdam boni, adhæsiōe; qua fit ut neque externis monitis, neque internis inspirationibus, neque flagellis, neque promissis dimoueri possit, sed velut saxum se ad omnia obduret & impenetrabilem præstet, nisi maiore quadam vi diuinitus impellatur. De his dicitur Ecclesiastæ 7. iuxta multorum interpretationem, *Considera opera Dei, quod nemo possit corrigere quem ille despexerit.* & Iob 12. *Si destruxerit, nemo est qui ædificet: si incluserit hominem, nullus est qui aperiat.* Quibus verbis summa difficultas indicatur, qua tales conuertuntur; & raram quamdam singularemque Dei opitulationem esse ad hoc necessariam.

Causa obdu-
rationis.

82 Causa obdurationis, eadem quæ excacationis, & eodem modo. Deus itaque obdurare dicitur negatiuè, permissiuè, & per occasionē. Vnde non tantum dicitur obdurare, quia non impertit gratiam qua cor emolliretur, ut quidam DD. subinde dicere videntur; sed etiam quia permittit diabolo ut variis modis homines seducat, & in malo obstinatos reddat, ut suprâ explicatum est. Deinde, quia quædam facit vel permittit, etsi ob alium finem, vnde homines obstinandi se in malo occasionem accipiunt.

Diabolus autem directè est causa obdurationis, variis modis hominem ad eam disponendo, de quibus satis dictum est. Ipse verò homo sua malitia propriè est causa illius effectrix, quatenus sponte malum eligit, & firmiter ei vult in hære, omnibus monitis & inspirationibus contrariis repudiatis.

Ex his intelligi potest, quomodo quædam peccata dicantur pœna præcedentium peccatorum: ad Rom. 1. *Propterea Deus tradidit illos in reprobum sensum.* vbi Philosophi in pœnam idololatriæ dicuntur traditi in passionem ignominie. Et Iudæi in pœnam repudiati Christi, sunt excacati, ad Rom. 11. Hoc enim non ita intelligendum, quasi Deus in vindictam præcedentium peccatorum velit hominem incidere in alia peccata, aut in hunc finem non det auxilia efficacia, aut præcipitet hominem in illa, ut Calvinus docuit lib. 1. Instit. cap. 18. sed quia non confert illam gratiam quam aliàs contulisset qua peccatum fuisset impeditum; & simul permittit diabolo ut grauius tentet, phantasiam perturbet, &c. Ex qua denegatione gratiæ & permissione sequitur per accidens ut in aliud

peccatum incidat, in quod alioquin non incidisset. Itaque dicitur peccatum pœna peccati, quia sequitur ex eo quod verè & propriè est pœna, nempe ex denegatione auxiliij efficacis & permissione.

CAPVT XV.

*Pœnam spiritalem sæpè non condonari cum aliis pœnis,
& etiam in peccatis venialibus locum habere.*

83 **P**RÆTER ea quæ de pœna spiritali dicta sunt, tria valdè sunt notanda. Primum est, Deum, etsi pœnitentibus semper remittat culpam & pœnam æternam, & sæpè etiam temporalem, in quam æterna fuit commutata, præsertim interueniente debita satisfactione, vel Indulgentiarum beneficio; non tamen semper condonare pœnam spiritalem constitutam in aliqua particularium auxiliorum denegatione, vel afflictionum internarum permissione: sed sæpè intuitu præcedentium peccatorum, nimirum vt ea vindicet, huiusmodi pœna vti. Idem dico de permissione pœnæ corporalis & afflictionis externæ. Etsi enim directè hanc pœnam non infligat, sæpè tamen ob præcedentia peccata (quamuis aliàs condonata) permittit afflictiones corporales, quas alioquin auertisset, si talia peccata olim à nobis patrata non fuissent. Exemplum habemus in Dauide, cui etsi adulterium cum Bethsabæe, & cædes Vriæ, quoad culpam & pœnam directè debitam, fuisset condonata (præsertim post insignem illam pœnitentiam) ita vt ne Purgatorij quidem vlla pœna deberetur; tamen diu postea ipse ob illud peccatum à Deo punitus fuit rebellione Absalom, & nefando incestu, quo ille vxores patris sui coram omni populo incestauit. Hæc enim Deus permisit in illius peccati vindictam, vt apertè ei Nathan prædixerat. Sicut ergo Deus illud peccatum postquam omnino remissum erat, (si culpam & pœnam directè infligendam spectes) adhuc tam grauitè puniuit, pœna vt ita dicam permissiua; ita sæpè post similem condonationem & satisfactionem, quæ non solum culpa, sed etiam debitum pœnæ exhaustum est, punit peccata indirectè aliqua pœna spiritali, nimirum subtrahendo, seu non impertiendo tantum protectionis, vel excitationis, vel directionis auxilium, quantum alioquin præbere constituerat, si hoc peccatum non commisisses: permittendo etiam aliquas tentationes & afflictiones interiores, vel scrupulos, quos alioquin non permisisset.

*Non semper
condonari
pœnam spi-
ritalem cum
temporali.*

2. Reg. 12.

Fff iij

Aliud enim est condonare culpam & pœnam directè debitam; aliud impertiri omnes pristinos fauores, omnia beneficia quæ antè animo conceperat, omnemque familiaritatem. Itaque illud sine hoc facile potest consistere, estque id etiam moribus hominum sapientissimorum conforme. Etsi enim Princeps subdito qui grauiter offendit, omnem pœnam condonet, eumque ad suam amicitiam admittat; tamen sæpè fit, vt non tanta benuolentiæ signa ei exhibeat, nec tantis beneficiis eum afficiat quantis statuerat illum ornare, si non offendisset. Idem sæpè accidit inter amicos. Manet enim alta mente reposta offensionis indignitas, etsi non ad odium, & ad malum aliquod rependendum (quo sensu intellige illud Ezechielis 18. *Si impius egerit pœnitentiam ab omnibus peccatis suis, &c. omnium iniquitatum eius quas operatus est, non recordabor*; nimirum ad damnationem, vt verba sequentia indicant:) at certè ad minuendam curam commodorum illius, & beneficentiæ fontes non nihil cohibendos. Vnde vel ob hanc causam sapientissimè dictum est à Sapiente: *De propitiato peccato* (*ἐξιλασµὸς*) *noli esse sine metu*. Etsi enim constaret esse ita condonatum, vt nihil amplius tibi pœnæ restet luendum; tamen non constat, te propter illud non puniendum pœna permissiua vel negatiua, ex qua grande malum potest prouenire: hæc enim pœna sæpè est occasio damnationis. Innumeri enim cum maioribus auxiliis peruenissent ad salutem, qui cum minoribus excidère: quibus fortè maiora illa præparata erant & conferenda fuissent, nisi peccata aliqua grauia interuenissent, per quæ prima illa dispositio fuisset mutata & inuersa. Idem dico de tentationibus. Plurimi enim saluati fuissent, nisi certis quibusdam tentationibus Deus eos pulsari permisisset, per quas fuisse ad interitum pellecti; quas ille tentationes non permisisset, nisi id prioribus peccatis meruissent.

Eceli. 5.

NOTA.
 peccatum
 mortale etiam
 condonatum
 sæpè postea
 est occasio
 damnationis.

2. Cor. 7.

Nemo itaque securum se putet, sed *cum timore ac tremore*, vt Apostolus monet, *salutem suam operetur*, pristinas negligentias nouo feruore redimens, & priora peccata quibus Deum offendit, magnis pro gloria Dei & salute proximi officiis compensans, & assiduis precibus veniam & misericordiam flagitans: Sicut enim peccatis meruit vt Deus ei peculiaria quædam auxilia subtraheret, & tentationes aliquas, spiritualesque afflictiones obuenire sineret: ita studio bonorum operum, & orationis assiduitate obtinere potest, vt noxiæ tentationes auertantur, & maiora auxilia, quibus ad salutem dirigatur aptissimè, conferatur.

84 Hæc pœna non est ordinaria, nec certa aliqua lege statuta, sed arbitraria. Non enim Deus cum omnibus ea vitur, sed adhibet illā vbi & quando vult, & prout ipsi placuerit. Quibusdā enim post maxima peccata statim confert maiora auxilia, vt vbi abundauit iniquitas, ibi abundet gratia; nec sinit illos magnis tentationibus concuti. Aliis confert auxilia minora, & multis tentationibus premi sinit. Aliis verò non minuit auxilia, sed permittit graues tentationes, vel scrupulos molestissimos, vel alias afflictiones, variosque dolores & angores. Et hæc omnia propter peccata præcedentia iam condonata.

Imò, quod magis mirum est, propter peccata parentum sæpè huiusmodi pœnis afficit posteros, vel minora illis gratiæ auxilia largiendo, vel variis afflictionibus & tentationibus exponi sinendo. Exempla habemus in filiis Iudæorum ad fidem conuersis, etsi in perfidia paterna non fuerint instituti; & in filiis pessimorum hæreticorum, præsertim Ministrorum. Sæpè enim Deus ob immania scelera parentum ita est offensus, vt erga eorum posteros minùs videatur esse liberalis & beneficus, non tanta illis impertiens gratiæ munera, quanta aliàs impertiret; vel in varias tentationes & calamitates incidere permittens; vt hîc quoque verum sit, Deum *visitare peccata patrum in filios, vsque in tertiam & quartam generationem*; & meritò orauerit Tobias: *Nere-miniscaris delicta mea vel parentum meorum*. Sic propter peccata patrū *cæcitas est in Israel, vsque dum plenitudo gentium intrauerit*. Nec obstat quod apud Ezechielem Dominus vetet illud Prouerbum: *Patres comederunt vnam acerbam, & dentes filiorum obstupefcunt*. & expresse dicat: *Filius non portabit iniquitatem patris*. Agitur enim ibi de morte spiritali & pœna æterna, vt patet ex toto illo capite, & illis verbis: *Ecce omnes anime, meæ sunt, vt anima patris, ita anima filij mea est: anima quæ peccauerit, ipsa morietur*. quæ de re vide Gabrielem Vasquez 1. 2. disput. 135. cap. 2. Iudæi enim per illud prouerbum non tantum significabant, Deum propter peccata parentum punire filios priuatione vitæ & felicitatis temporalis, quod verum est; sed etiam priuatione vitæ spiritalis, & felicitatis futuræ: quod hîc falsum esse ostenditur. pœnam enim quæ peccato propriè debita (qualis est mors spiritalis, & damnatio) solum infligi ipsi peccatori, non filiis aut parentibus.

85 Aliud consideratione dignum est, non solum mortifera, sed etiam venialia peccata sæpè à Deo puniri peculiarium auxiliorum subtractione, & variatum tentationum afflictionumque interna-

Propter peccata parentum interdum filiis minuitur auxilium gratia.

Exod. 10.
Num. 14.
Tobias 3.
Isaiz 6.
Ioan. 12.
Rom. 11.
Ezech. 18.

Peccata venialia puniuntur pœna spiritali.

rum & externarum permissione. Qui enim negligenter Deo seruit, nec est sollicitus ut omnes eius offensionculas, quantum per fragilitatem humanam licet, caueat; meretur ut deus vicissim non tantam eius curam gerat, non tantis eum beneficiis foueat. Æquum enim est, ut ita se Deus gerat erga nos postquam illius notitiam adepti sumus, sicut nos gerimus erga illum, iuxta illud Psalm. 17. *Cum sancto sanctus eris, & cum viro innocente innocens eris: & cum electo electus eris, & cum peruerso peruerteris.* Idem cernitur inter homines. Multæ enim parvæ offensionculæ amici in Principem, animum eius ab amico alieniorem reddunt, & efficiunt ut minora beneficia & rariùs cōferat. Hinc peccatis venialibus duo tribuuntur effectus; nimirum quòd charitatis feruorem minuant, & ad mortifera disponant, sicut passim Theologi docent. Nam feruorem minuant, tum quia abundantiora auxilia, quibus ad feruidos actus virtutum opus est, subtrahunt; tum quia difficultatem, quam mens patitur cum se ad diuina erigere conatur, augent. Crescit enim hæc difficultas partim auxiliorum imminutione, partim inordinata affectus nostri ad terrena adhesionem. Disponunt ad mortifera triplici ratione. Primò, Quia auxilia per illa minuantur. Secundo, Quia tentationes increlescere sinuntur. Tertiò, Quia consuetudo in parvis ad maiora disponit. Qui sæpè committit furta parua, incitatur ut oblata occasione tandem furtum committat magnum: qui voluptates illicitas sectatur paruas, proniorem se reddit ad magnas. Actuum enim repetitio auget prauam inclinationem, & tollit sensim metum offensionis; unde oblato obiecto graui, in quo maior species utilitatis aut voluptatis appareat, facillimè trahitur. Magna itaque est habenda venialium cura, à quibus tantum mali impendet. Pulchrè S. Augustinus lib. De decem chordis cap. 11. *Non est (peccatum veniale) bestia sicut leo, ut vno morsu guttur frangat; sed bestia plerumque minuta, si multe sunt, necant. Si proiciatur quispiam in locum publicibus plenum, numquid non moritur ibi? Quàm minuta sunt grana arenæ: si arenæ amplius in nauem mittatur, mergit illam ut pereat. Quàm minute sunt guttæ pluuiæ? nonne flumina implent, & domos deliciunt? Ergo ista nolit contemnere.* Hæc intellige ratione dispositionis modo iam explicato.

venialia minuant feruorem dupliciter, subtrahendo maiora auxilia, & ponendo impedimēta.

Disponunt ad mortifera triplici ratione.

S. Thomas 1. 2. q. 88. a. 3.

Augustinus.

Obteperem diuini auxilij.

86 Tertium consideratione dignum est, Non solùm ob peccata, sed etiam ob teperem & neglectum quemdam diuinarum inspirationum, qui tamen per se non sit peccatum, diuina auxilia ple-

plerumque minui. Cui enim Deus magna auxilia offert, & res magnas inspirat; si ille vel angustia animi, vel affectu commodioris vitæ negligat, & eo nomine quod non sint præcepta, nolit consentire diuinæ vocationi; meretur in posterum huiusmodi destitui, & minoribus dumtaxat iuuari: meretur vt Deus non tanta illum cura tueatur, non tantis præueniat excitamentis, non tantis dirigat successibus. hinc multæ tentationes, multæ afflictiones corporales & spirituales, multaue salutis pericula. Vnde magni rerum spiritualium magistri periculosum censent neglectum diuinarum inspirationum, & tempore in progressu spiritus, eoque referunt minas illas Spiritus sancti Apocal. 3. *Quia tepidus es, & nec frigidus, nec calidus: incipiam te euomere ex ore meo.* & illud Psalm. 94: *Hodie si vocem eius audieritis, nolite obdurare corda vestra.* & illud Prouerb. 1. *Quia vocaui, & tenuistis; extendi manum meam, & non fuit qui respiceret, &c. Ego quoque in interitu vestro ridebo.*

CAPVT XVI.

*De septimo Iustitiæ opere, nempe Christi
Passione & morte.*

87 SEPTIMO cernitur iustitiæ diuinæ seueritas in magnitudine pretij & satisfactionis quam pro peccato exegit. Nullæ hominum lacrymæ, nulli gemitus, nulla pœnitentia, quantumuis grauis & diuturna, illi satis fuere: nullæ cælestis Curie preces ac supplicationes, etiamsi ipsa multorum millium annorum luctus ac pœnitentias (si id fieri potuisset) pro homine subeundas detulisset, aut etiam se totē in sacrificium expiando illius peccato obtulisset. Nihil horum satis illi fuit, nihil hæc omnia æstimauit ad peccatum condonandum: sed miram & omnibus sæculis inauditam, omnibus sapientibus incognitam, omnibus mentibus obstupendam satisfactionem exegit, nimirum vt Filius naturam nostram assumeret, & in ea mortem pro nobis pateretur, suoque Sanguine crimen nostrum dilueret. Nulla alia lege nobis condonare statuit, certus æternum irrogare supplicium mortalibus omnibus, ni talis pro eis victima caderet, & tale lytrum illis redimendis repræsentaretur. Violauit decretum Regium infimum aulae mancipium, & reum mortis peragitur; suplicat pro illo Regi tota Curia, & omnes regni Ordines, tot Episcopi & venerabiles Prælati, tot Princi-

Vide Anselmum lib. 1.
Cur Deus homo cap. 21.
& S. Leonem Serm. 1 & 5. de Passione Domini.

pes, Duces, Comites, Nobiles, & illustres viri: nec tamen Rex mouetur, sed perstat in sententia mortis, nisi filius vnicus, Regni hæres, delicix & gaudium totius Curix, mancipij statum assumat, & mortem pro eo mancipio subeat. Quis ad hanc tam inauditam seueritatẽ non obstupesceret? quis in manus istius Regis incidere non formidaret? Talem & longè maiorem seueritatem præstitit Deus. In finitè enim amplius est, exigere mortem Filij Dei pro condonando peccato humani generis, quàm exigere mortem filij Regis pro remittendo peccato mancipij. Similiter infinitè amplius est, Filium Dei assumere formam serui, quàm filium regis demittere se ad statum mancipij.

88 Ostendit itaque Deus in hoc opere infinitam iustitiæ suæ seueritatem dum tantum & tale lytrum exegit, nec vlllo alio quantumuis magno contentus esse voluit. Ostendit simul infinitam charitatis & misericordiæ suæ dulcedinem; quatenus ipsemet, vt nos ab æterno exitio liberaret, hoc ipsum lytrum gratis nobis donauit. *Sic enim* (ipso Filio testante) *Deus dilexit mundum, vt Filium suum vni genitum daret, vt omnis qui credit in ipsum non pereat, sed habeat vitam æternam.* Itaque opus nostræ redemptionis simul est infinitæ seueritatis, & infinitæ dulcedinis, infinitæ iustitiæ & infinitæ misericordiæ, diuersa nimirum consideratione: in eoque *miseri cordia & veritas obuiauerunt sibi, iustitia & pax osculatæ sunt.* Verùm de hoc opere satis multa diximus. Lib. De misericordia.

Ioan. 3.

Opus redem-
ptionis est
op. u. infinita
seueritatis,
& infinita
misericordia.
Psal. 84.

89 Ad iusticiam quoque pertinet, quòd non satis esse voluit ad salutem, Christum pro nobis dependisse pretium, & repræsentasse lytrum: sed insuper oporteat illud nobis certo modo applicari, non tantum per fidem, (vt hæretici volunt) sed etiam per Sacramenta, quæ sunt veluti vascula pretium Sanguinis Christi inclusum continentia. Itaque dum hæc fuscipimus, efficimur illius pretij participes, & propter illud iustificamur. Deinde per bona opera, & mandatorum obseruationem, iuxta illud Saluatoris nostri: *Si vis ad vitam ingredi, serua mandata.* Si post Baptismum in peccatum incidimus, vult nos agere pœnitentiam, & fieri illius in nos ipsos vindices & ultores: aut certè post hanc vitam grauius sustinere tormenta, vt peccati amaritudinem, saltem ex parte, degustemus. Si omnis pœna pariter cum culpa statim ad primum cordis gemitum remitteretur, nesciremus quantum fellis & veneni mellita peccati superficies intus regat. Ob eandem causam voluit nos multis miseriis corporis, & afflictionibus animi esse subiectos, vt ex modi-

Matth. 19.

Agenda pœ-
nitentia vt
gust. mus pec-
cati amari-
tudinem.

cis peccati condonati reliquiis discamus, quàm immane supplicium illi debeatur, & post hanc vitam propter illud sit homini irrogandum, si antè remissum non fuerit.

CAPVT XVII.

*De octauo opere diuinæ Iustitiæ, quod consistit
in pœnis Purgatoriij.*

90 **O**CTAVO cernitur diuinæ iustitiæ seueritas in pœnis purgatoriis, quibus post hanc vitam pro suis peccatis, etiam quoad culpam & pœnam æternam condonatis, animæ iustorum castigantur; nisi fortè antèa per lacrymas & opera pœnitentiæ Deo plenè satisfecerint. Verùm paucorum est ea puritas. Itaque mox ut à corpore sūt egressæ, rapiuntur sub terram, longissimo tractu viarum, per loca tētra & tenebrosa ad pœnalem specum igne sulphureo æstuantem, animarum reatum carcerem & ergastulum. Hic miris exercentur pœnis, & luunt præteritæ vitæ delicias, millecuplo ampliùs dolorum & amaritudinis sustinentes, quàm ex rebus huius sæculi voluptatis ac dulcedinis umquā perceperunt. Sunt enim illius ignis tormenta omnibus illis quæ homo mortalis in hac vita sustinere potest grauiora, & sæpè ad multos annos producuntur.

*Purgatorium
sub terra.*

*Pœna Purgatoriij grauior
res omnibus
pœnis huius
vitæ.*

De grauitate testatur S. Augustinus in Psal. 37. v. 1. *In hac vita purges me, & talem me reddas, cui iam emendatorio igne non sit opus. & infra: Dicitur enim, Ipse saluus erit, sic tamē quasi per ignem. Et quia dicitur, Saluus erit, cōtemnitur ille ignis: ita planè quamuis salui per ignem, grauior tamen erit ille ignis, quàm quidquid potest homo pati in hac vita.* Idem pœnè iisdem verbis docet Ruffinus in eundem Psalm. S. Greg. versic. illū primum Psal. 73. (qui est tertius inter Pœnitentiales) explicans, sic ait: *Quasi dicat: Scio futurum esse, ut post huius vitæ exitum alij flammis expientur purgatoriis, alij sententiam subeant æternæ damnationis. Sed quia illum transitorium ignem omni tribulatione æstimo præsentī intolerabiliore, non solum in furore æternæ damnationis opto non argui, sed etiam in ira transeuntis timeo correptionis purgari. Beda in eundem versiculum: Nec immeritò tantum timet hanc correptionem (purgatoriij ignis) quia attendit eam esse grauiorem, quàm quidquid umquam passi sunt latrones, vel sancti Martyres. Eucherus Lugdunensis Hom. 3. de Epiphania, & passim Patres Latini, qui veros & acerrimos ignes ibi ponunt.*

Ggg ij

*Diuturnitas
pœnarum
Purgatorij.*

*In Vita
S. Mariz
Oigniacensis,
per Iacobum
à Vitraco.
Cardinalē.*

De diuturnitate. dubitandum non est, plurimos ibi ad multos annos detineri, cum anniuersaria defunctorum in Ecclesia institui perpetua videamus, & Sacrificia quotidie offerri pro ijs qui ante aliquot sæcula defuncti. Legimus etiam in probatis reuelationibus, quosdam vsque ad diem iudicij ibidem detinendos: quod sanè admodum horrendum est. Omnium pœnarum, quas humana natura experiri hætenus potuit, grauissima est pœna ignis. Verum non potest in hac vita esse diuturna: statim enim dissoluit corporis temperamentum, & harmoniam qualitatum, vitæ conseruandæ necessariam; quo factò, anima tamquam vinculis soluta euolat, & corpus manet absque dolore & omni sensu. Post hanc vitam poterit esse diuturna, & etiam sempiterna, tam in anima separata, quàm corpori iuncta. Cum enim ipsa anima non possit mori, utpote simplex spiritus per se subsistens, nec amittere sensus sui vigorem & viuacitatem; potest quantumuis magnam pœnam, & quantumuis longo tempore sustinere.

Tormentum ignis in hac vita tantos adfert dolores, ut etiam si ad breuissimum tempus, ad horæ quadratē dureret, summam apud omnes excitet commiserationem, quamuis qui illud patiuntur, suis sceleribus sint commeriti; ut videmus, cum tales publicè in foro tota ciuitate spectante comburuntur. Quid si ergo, duraret hoc supplicium aliquot horas, vel diem integrum? quid si mensem vel annum? quid si decem vel centum annos, Deo animam in corpore retinente, nec permittente corpus dissolui? Non est dubium, quin tale spectaculum toti orbi incredibilem incuteret horrorem, & omnes ad commiserationem commoueret: nec quisquam facile reperiretur, qui auderet aliquid committere, propter quod vidisset & sciret tanto tēpore pœnam ignis sustinendam. At post hanc vitam non solum erit diuturnior, sed etiam in plurimis longè acrior & vehementior, quàm possit esse in corpore mortali. Potest enim diuinā potentiā augeri in duplū, in quadruplum, in decuplum, in centuplum, & sic deinceps sine termino, pro grauitate vel multitudine delictorum, quorū pœnæ restant luendæ. Quæ consideratio ingentem omnibus terrorem incuteret, scilicet in mentem demitteretur. Si enim simplex ignis dolor intolerabilis est, quantò intolerabilior erit, si in decuplum vel centuplum auctus fuerit? Denique tempus breue in grauissimis doloribus videtur esse longissimum. Testis ille miles, qui cum horam tantum unicam fuisset in Purgatorio, putauit se ibi fuisse annos plurimos: de

quo S. Antoninus 4. parte, titul. 14. cap. 10. §. 4.

92 His accedit, quòd tormenta in hac vita si continuentur, paulatim mitescant, & minùs sentiantur. Primo aggressu sentiuntur maximè, & dolor est vehementissimus; sed paulò pòst incipiunt dissipari spiritus animales, (qui necessarij sunt vt anima in corpore sentiat) & temperamentum corporis dissolui: atque ita dolor minùs sentitur. In altera vita non mitescunt continuatione, nec doloris sensus vlla ex parte minuitur, quia anima nuda non eget spirituum ope vt sentiat dolores, sed ipsa per se immediatè omnem vim tormentorum excipit, Deo singulari modo cum ipsis causis concurrente.

Itaque triplici ex capite ibi dolores sunt longè maiores quàm in hac vita, nimirum ratione durationis, ratione acrimoniæ seu intentionis, & ratione perseueratiæ in eodem statu, seu æqualis perceptionis ipsius animæ. Quare meritò dicunt sancti Patres, tormenta illa esse grauiora quàm ea quæ vel latrones vel Martyres passi sunt, vel quisquam mortalium in hac vita pati queat.

Ex triplici capite dolores post hanc vitam sunt maiores quàm in hoc sæculo.

93 Quanta ergo est illa Dei seueritas, qua in suos amicos, in suos filios, & Regni sui heredes ita sæuit, in loca teterrima illos procul à suo conspectu ablegans, & tanto tempore tantis cruciatibus subiiciens? Quis vñquam ita suos tractauit hostes? quis inimici sui etiam iuratiissimi non moueatur misericordia, si eum vel ad quadrantem horæ in medio ignis colligatum tenuerit, flammis vñdique corpus eius vsque ad viscera depascentibus? Sed alia sunt iudicia Dei, alia hominũ. Sicut eius misericordia est infinita, ita etiam iustitia est infinita: sed in hoc sæculo est locus misericordiæ, in futuro soli iustitiæ. Hic facile Deus nostris afflictionibus vel spontè susceptis, vel patienter toleratis, commouetur ad ignoscendum; & millesima parte soluti debiti acquiescit, reliquam summam liberaliter expungens: ibi verò durus exactor nouissimum extorquet quadratè, nec magis suppliciis miserorum commouetur, quàm si viscera sint ei ferrea. Et meritò: nam qui oblatam misericordiam, & facilem redimendæ pœnæ rationem hic neglexerunt, digni sunt vt sentiant rigorem iustitiæ. Suæ fatuitati assignent, quòd in hanc calamitatem deuenerunt. Accedit, quòd hac ratione intelligant quantum intersit inter id quod debetur peccato secundum legem iustitiæ, & id per quod Deo hinc possumus satisfacere interuentu misericordiæ.

Mira Dei seueritas in amicos & filios, tamen iustissima.

94 Porro duplici affliguntur pœna, sensus & damni. Pœna sensus

Duplici pœna affliguntur, a mni & sensus.

G g g iij

est ab igne, qui ut diuinæ iustitiæ est instrumentum, potest affligere animas corpore exutas, non minus quam corpori inclusas. Anima enim est quæ sentit, dolet, affligitur, non corpus, et si ipsa sit in corpore. Si ergo corpore vestita, igne affligi potest, cur non etiam nuda, præsertim cum sic immediatius ab igne tangatur? verum de hoc infra pluribus.

*Dolor ex pœ-
na damni,
quadruplici
consideratio-
ne.*

Pœna damni consistit in eo, quod ob culpam earum Regni possessio differatur, quodque magnos æternæ gloriæ thesauros, quos facile consequi potuissent, neglexerint. Si aliquis adoptatus à Rege, in ipso puncto quo aditurus est Regni possessionem, eiiceretur ob aliquam culpam in exilium, donec illam variis suppliciis plenè lisset; quantum inde conciperet dolorem? quantum ingemisceret se culpam illam admisisse, & pro ea tempestiuè non satisfecisse? Ita animæ iustorum cum se à gloria parata eo momento quo conferenda erat, vident repelli, & in teterrimum exilium ablegari, donec pro antiquis culpis integrè satisfaciant, incredibili sauciantur dolore. Quantus enim ille sit dolor, ex eo coniici potest, quod ex quadruplici cōsideratione nascatur. 95. Primò, Quod videant se tanto priuari bono, idque eo tempore quo illo fruendum erat. Apprehendunt acerrimè illius boni immensitatem, & simul illud ardentissimè desiderant. Secundò, Quod videant id fieri ob suam culpam. Tertiò, Quod neglexerint pro illa culpa suo tempore satisfacere, cum facillimo negotio redimi poterat, & tantas nunc cogantur sustinere calamitates. id enim non parū incendit doloris acerbiter. Quartò, Quod ingentes æternorum bonorum thesauros, & cælestis gloriæ gradus, quos facile consequi potuissent, sua culpa & tepore neglexerint. Hæc omnia viuacissimo modo apprehensa ingentem dolorem excitant, ut etiam in damnis humanis experimur, cum ista quatuor concurrunt. Itaque credibile est, illum animi dolorem longè esse maiorem, quam homines in hac vita ex damnis temporalibus concipere possint: quia bonum illud longè est excellentius, & apprehensio actior, & desiderium ardentius; & hæc omnia assidua, numquam interpellata, noctes diesque vrgentia. In doloribus huius vitæ crebra interruptio, per somnum, per colloquia amicorum, per varias mentis distractiones. Accedit, quod diuina iustitia de industria faciat, ut damna sua etiam acrius apprehendant, quam per se facerent, ut maiori dolore vrantur. Ideò enim fit hæc dilatio, & hoc tempore exilium, ut etius dolore purgentur, & pœnas pristinarum culparum luant. Secus

erat in Patribus antiquis Limbo detentis: non enim ob culpam aliquam personalem ibi detinentur glorię exortes, sed ob conditionem naturę, pro cuius debito pretium nondum erat exhibitum. vnde nondum venerat tempus, quo gloria illis esset debita.

CAPUT XVIII.

De plagis nouissimis, nono Iustitię opere.

96 **N**ONO cerneretur iustitię diuinę seueritas in multiplici plaga, quę antecederet vniuersale iudicium. Sicut Ægyptij multis & asperis plagis afflicti fuerunt ob impietatem, vt resipiscerent, priusquam demergerentur in profundum maris, & doleretur omnes: ita mundus antea grauissimis afficietur flagellis, quàm extrema seueritas (qua omnes impij demergentur in barathrum inferni) in illum stringatur. Pari modo ante excidium Iudaicum, multa per septennium præcessere prodigia & signa horrida, & cælestes terrores, iram Dei Iudaico populo impendentem denuntiantes: multa bellorum clades, pestilentię, fames, incendia, direptiones, quibus grauissimè fuerunt exagitati. Vtriusque nationis calamitas & excidium typus est excidij mundi: nam Ægyptus mundum mysticè designat: & Ierusalem impia, spiritaliter est Sodoma & Ægyptus: vt in Apocal. cap. 11. habetur. Vnde & ipse Dominus de excidio Iudaico tractans, simul miscet ea quę pertinent ad excidium mundi, ita de vtroque differens, vt apertè insinuet illum huius esse typum, & hunc in illo adubrari & præfigurari. Quo autem ordine ista euentura sint, non est ita certum. Quædam longiore tempore extendentur, & simul cum aliis extabunt, vt bellum & fames; alia aliis succedent, alia semel fient, alia subinde reperentur. Nobis satis erit præcipua recensere.

Plaga Ægypti: prius plaga nouissima.

Ioseph l. 7: d. Bello Iudaico c. 12. Baronius ad annū Christi 68.

Matth. 24. Marc. 13. Luc. 21.

97 Primum ergo, appetente Antichristi aduentu, orbis agitabitur maximis bellis & seditionibus. Nam exciso Imperio Romano, omnia redigentur ad decem Reges, qui vt omnia ditioni suę subiiciant, Prouincias omnes & Regna grauius affligent, maximisque bellis atterent. De bellis insinuat Dominus Matth. 24. & Luc. 21. cum ait: *Cum audieritis prælia & seditiones, nolite terreri: oportet primum hæc fieri, sed nondum statim finis. Surgat enim gens contra gentem, & regnum aduersus regnum.*

Bellar.

Quod autem Imperium Romanum penitus sit excidendum, &

Romanum
Imperium in
decem Reges
diuidendum.

omnia Regna in decem Reges diuidenda, colligitur ex Scripturis & Patribus. Ac primum signatur id per decem digitos pedum statuæ, quæ in somnis ostensa Nabuchodonosori, Daniel. 2. Huius enim statuæ pedes erant ferrei, & desinebant in decem digitos pedum ex parte ferreos, & ex parte fictiles. Tibiæ ferreæ denotant Monarchiam Romanam; quæ sicut ferrum omnia comminuit & domat, ita omnia alia Regna domuit & subiecit. & sicut duæ sunt tibiæ, ita duplici Imperio constitit, Occidentali & Orientali. denique, sicut tibiæ desinunt in decem digitos pedum, tamquam in extremum & terminum tibiarum, & totius statuæ: ita Imperium Romanum desinet in decem Reges, in quos omnes Monarchiæ & Imperia huius mundi terminabuntur. Illis enim deletis, nulla amplius Monarchia expectanda, præter regnum Sanctorum & Monarchiam Christi, quæ omnia obtinebit.

Nec obstat, quod post illos decem Reges Antichristus orbis Monarchiam obtinebit: tum quia ipsius Monarchia erit admodum brevis; tum quia septem ex illis simul cum Antichristo, & sub ipso regnabunt, & cum ipso interficientur, ac proinde cum ipsis Monarchia huius mundi cessabit. Idem Reges designantur decem cornibus quartæ bestię, quæ in visione ostensa Danieli cap. 7. Quarta enim bestia, quæ erat terribilis, & omnia comminuebat, designat quartam Monarchiam, ut ibidem habetur; quam constat esse Romanorum: & decem cornua illius, decem Reges sunt, ut ibidem Angelus Danieli exposuit, nempe in quos Monarchia illa desinet. Idem apertius habemus Apocal. 17. in quem locum vide Riberam.

Eadem est communis SS. Patrum sententia, ut testatur S. Hieronymus in cap. 7. Danielis; ubi refutata Porphyrij expositione, sic scribit: *Ergo dicamus, quod omnes Scriptores Ecclesiastici tradiderunt, in consummatione mundi, quando Regnum destruendum est Romanorum, decem futuros Reges, qui orbem Romanum inter se diuidant, & undecimum surrecturum Regem parvulum, qui tres Reges de decem Regibus superaturus sit, id est Aegyptiorum Regem, & Africa, & Aethiopiæ, sicut in consequentibus manifestus dicemus: quibus interfectis, etiam septem alij victori colla submittent.* hæc ille. Ex quibus patet; sub finem mundi toto penè orbe maxima fore bella.

Terræ motus
Ilibius l. 2.
c. 24

98. Secundò, *Erunt magni terræ motus per loca.* Hi motus tanti erunt, quanti numquam antea. Itaque non solum multæ ciuitates his subuertentur (quod sæpè aliàs factum legimus in Historiis) sed etiam

iam montes & insulæ suis locis mouebuntur, & innumerabilis hominum & animalium multitudo opprimetur vel absorbebitur. De hoc terræmotu sic scribit Ioannes in Apoc. ca. 6. *Et vidi cum aperuisset sigillum sextum, & ecce terræmotus magnus factus est, & sol factus est niger tamquam saccus cilicinus, & luna tota facta est sicut sanguis: & stelle de celo ceciderunt super terram, sicut ficus emittit grossos suos cum à vento magno mouetur: & calum recessit sicut liber inuolutus, & omnis mons & insula de locis suis mota sunt.* Ingens hic terræmotus erit ante aduentum Antichristi, vel saltem ante eius Regnum, & simul habebit coniuncta signa cælestia ad maiorem terrorem mortalibus incutiendum. Neque incredibile videri debet, quod hic de montibus & insulis dicitur: narrat enim Plinius, L. Martio & Sext. Iulio Coss. *in agro Mutinensi duos montes vi terræmotus inter se concurrisse crepitu maximo assultantes & recedentes, inter eos flamma fumoque in calum exeunte interdum spectante è via. Aemilia magna equitum Romanorum, familiarumque, & viatorum copia.* Addit Plinius: *Non minus mirum ostentum & nostra cognouit ætas, anno Neronis Principis supremo, pratis oleisque intercedente via publica in contrarias sedes transgressis in agro Marucino.*

Lib. 2. c. 81.

Similia nouissimis temporibus euentura indicat apertè Psalmista cum ait: *Propterea non timebimus dum turbabitur terra, & transferentur montes in cor maris. Sonuerunt & turbata sunt aquæ eorum, (id est aquæ maris,) conturbati sunt montes in fortitudine eius (Dei.)* Quod enim loquatur de temporibus nouissimis, quando omnes gentes ad spectu prodigiorum maximè turbabuntur, & Regna concident, & Antichristi exercitus delebitur, manifestum est. Neque semel tantum, sed sæpius magni terræmotus fient illis temporibus, ut ex Apoc. patet. Maximum omnium describit S. Ioan. c. 16. qui fiet tempore Antichristi, cum septimus Angelus phialam suam effuderit. *Facta sunt, inquit, fulgura, & voces, & tonitrua, & terræmotus factus est magnus, qualis nunquam fuit, e. quo homines fuerunt super terram, talis terræmotus sic magnus,* Græcè *τὸ πικρὸν τοῦ σεισμοῦ ἔπει μὲν* ætæ. congeminat verba, ut exprimat eius insolitam magnitudinem. Hoc terræmotu, ut ibidem ait, ciuitas magna, nempe Ierusalem, ubi erit sedes Antichristi, scindetur in tres partes ingenti hiato, & multe ciuitates impiorum corruent. Insulæ suis locis mouebuntur, vel mari tegentur, & montes plurimi cōcident ac soluentur. Sic sensim orbis terrarum vastabitur, & ad extremam vilitatem disponetur.

Psalm. 45.

*Obscuratio
solis, &c.*

99 Tercia plaga erit, Horrenda species & *obscuratio solis & luna*, & *lapsus stellarum* de caelo. qua de re Ioan. cap. 6. & 8. & Dominus Matth. 24. Marci 13. & Lucæ 21. Maximum ea res incutiet horrorem videntibus, ita ut arescant & contabescant præ timore, & expectatione malorum quæ superuenient vniuerso orbi, ut Dominus apud Lucam ait: *Nam, inquit, virtutes calorum commouebuntur*, id est, sol, luna, & stellæ de statu suo deturbabuntur. Stellæ cadent de caelo, nempe quoad apparentiam, & hominum existimationem; quia de summa aëris regione cadet multæ ignitæ facies instar stellarum. Loquitur enim Scriptura vulgari modo, non Philosophico.

*Conturbatio
maris.*

Quarta plaga erit, *Ingens conturbatio maris*, partim per tempestates & procellas, quibus ita agitabitur, ut sonitus fluctuum procul in mediterraneis cum ingenti horrore audiat: partim ex terræmotu, quo etiam mare ipsum ab imo fundo vnâ cum insulis concutietur, & aqua in sublime attolletur. Hinc plurima naufragia, & multarum insularum & regionum maritimarum submersiones: quibus fiet, ut ad

Circa annū
Domini 90
sub Pelagio
II teste
Platina.

tempus, donec mare se recipiat, aquis tegantur. Si enim vnus Tiberis, qui exiguus est fluuius, aliquando ita exundauit, ut aquæ mœnia vr̄bis Romæ transcenderent, & se per illam in vr̄bem infunderet: quæ clades non expectanda ex vastissimis fluminibus, & ex ipso mari in illa summa totius naturæ turbatione, quando orbis terrarū pugnabit pro

Lucæ 21.

Deo contra insensatos? Indicatur hæc plaga à Domino, quando ait: *Et in terris pressura gentium præ confusione sonitus maris & fluctuum*: vel ut Græcè habetur: *Καὶ ὅτι τῆς γῆς σμυροὴ ἰσχύει ἐν ἀπορίᾳ, καὶ ὁ ὁρῶν τὴν θάλασσαν αἰσάλλει*. id est, *Et in terra pressura seu angustia Gentium præ consilij inopia, sonante mari & fluctibus*. vbi indicatur, istam animi perplexitatem magna ex parte prouenturam ex maris agitatione, quæ terris cataclysmum minabitur.

*Pestilentia
& fames.*

Quintò, *Erunt pestilentia & fames*. Quantum vtrumque sit malum, patet in excidio Ierosolymitano, vbi paucis mensibus peste & fame consumpti supra nongenta millia. Pestis oriri solet tum ex terræmotu, halitu venenato, qui ex visceribus erumpit, aërem inficiente; tum ex bellorum miseriis, tum ex eluionibus, postquam aquæ defluerint: denique non deerunt tunc temporis multæ causæ quibus aër inficiatur. Fames sæpè pestem comitatur, vel eam sequitur, deserta per pestem agricultura. Eamdem faciliè multis modis inducere potest Deus, quando ipsi visum. Malum hoc peste acerbius: nam longo tempore cruciat antequam occidat,

aded vt vix vllum fit illi comparandum. Hæ plagæ bona ex parte præuenient Regnum Antichristi: nam Dominus insinuat, *hæc esse initia dolorum & malorum*, quæ nimirum erunt sub illius Regno. Itaque sequentur multæ aliæ, quas Dominus breuiter complexus est cùm ait: *Terroresque de celo, & signa magna erunt*. Hæ in particulari recensentur in Apocalypsi. Matth. 24.
Marci 13.
Luc. 11.

100 Sexta ergo plaga sit, *Plaga grandinis & ignis*. Cadet enim grando variis locis mixta sanguine & fulminibus, quibus in terram delatis tertia pars terre, & tertia pars arborum, & omne fœnum viride comburetur. Quod non ita intelligendum, quasi in singulis regionibus tertia comburenda sit, sed quod in variis locis orbis erit aliqua exustio, ita vt omnibus simul collatis possit videri tertia pars exusta. Similis ferè fuit plaga Ægyptiaca septima, in qua etiam fulmina grandine mixta ferebantur, & vastabant omnia quæ foris erant, de quo supra Cap. 8. Plaga grandinis & ignis
Apoc. 8.
Exod 9.
Sap. 19.

Septima erit, *Mons ardens*, nempe ingens massa pinguis materiæ in aëre concreta & accensa, quæ instat montis ardentis ruet in mare: quo fiet vt tertia pars maris vertatur in sanguinem, & tertia pars piscium moriatur, & tertia pars nauium intereat. Credibile est hanc massam primò in sublimi, & in initio lapsus, instar montis ardentis coniunctim apparituram oculis hominum: deinde in progressu spargendam in varias partes, vt variis locis mare inficiat. Non minùs mirabilis fuit pluuia ignis sulphurei, qua regio Pentapolis deleta; de qua supra Cap. 7. non est putandum, vi huius montis ardentis tertiã partem maris vertendam in sanguinem, vel colorem sanguineum: sufficit vt sit signum quo mortalibus incutiatur timor, & vt ad eius præsentiam illa mutatio in mari diuina virrute subitò peragatur, sicut in plagis Ægyptiacis: cùm enim aqua fluminis virga Moysis esset percussa, statim omnis aqua Ægypti versa est in sanguinem: cùm puluis eadem virga percussus esset, omnis puluis Ægypti versus est in sciniphes, &c. cùm Moyses manipulum cinerum sparsisset in aërem, per totam Ægyptum ortæ sunt in hominibus pustulæ. Apoc. 8.
Exod 7 & 8

Octaua erit, *Ingens Cometes ardens*, qui delapsus in terram inficiet tertiam partem fluminum, & fontes aquarum, reddetque aquas instar absynthij amaras, ita vt non sint potabiles. Apoc 8.

Nona erit, *Obscuratio solis, lune & stellarum*, secundum tertiam partem, perinde ac si pro tertia parte paterentur eclipsim. quæ res erit horrenda visu, & maximum terrorem mortalibus inferet. Obscuratio
solis secundã
tertiam par-
tem.
Apoc. 8.

101 Decima erit, *Plaga locustarum*, à quibus vexabuntur impij per quinque menses. Istæ locustæ egredientur de fumo putei abyssi. Hic Interpretes multum laborant, & ferè ad Metaphoras vel Allegorias confugiunt. Quidam enim per *locustas* intelligunt hæreticos, alij exercitum Barbarorum. Verum, ut reliqua quæ de istis locustis dicuntur, accommodentur, non parum laborandum, multaque violentè torquenda. Non video, cur non possit de peregrino genere locustarum accipi. Itaque totus hic locus sic videtur posse intelligi: Virtute diuina profundissimum hiatum alicubi in terra vel montibus aperiendum, unde immensa vis fumi exeat; sicut sæpè ex montibus ardentibus (& nominatim ex Vesuvio monte Campaniæ) tanta fumi & cinerum copia per multos dies eiecta est, ut ad ducenta vel trecenta passuum millia, & amplius, omnia obscuraret. Quæ de re scribit Dio in Tito. Primum in monte Vesuvio & regione finitima interdum & noctu magnum numerum hominum inusitatae magnitudinis in aëre visum vagari, qui sine dubio dæmones erant gigantum specie, portendentium cladem impendentem: mox consecutam maximam siccitatem, & graues terræmotus: auditos quoque sonitus subterraneos tamquam tonitrua: deinde mare fremere cœpisse, & omne cælum resonare, & repentè ingentem fragorem exauditum, quasi montes simul conciderent. Tum verò exiliisse primum imensos lapides, deinde magnam copiam ignis fumique, ita ut omnem aërem obscuraret, & solem occultaret. Unde plerisque persuasum fuisse; mundum in chaos redigi, atque igne consumi: tantam enim fuisse copiam cineris, ut terram, mare, atque ipsum aërem compleret, maximo illato damno hominibus, prædiis, & pecoribus: omnibus piscibus & volucribus peremptis, & duabus urbibus Herculano & Pompeiis, populo sedente in theatro, penitus obrutis. Postremò, tantam fuisse cinerem, ut inde peruenerit in Africam, Syriam, & Ægyptum; introierit etiam Romam, eiusque aërem compleuerit, & solem obscurauerit, ac demum grauem pestilentiam excitauerit. hæc ille. Accidit hoc circa annum Domini 81. sub tempus Autumni. Similia accidere ante paucos annos in India Occidentali, & non ita pridem in Insula S. Georgij, quæ est vna ex illis quas *Terceræ* vocant.

Ex quibus constat, in terræ visceribus multa & immania latere incendia, quæ iam compressa tenentur, ut tunc, cum orbis vastandus erit, erumpant, & prout omnia fumo & cinere infestent, de-

inde simul cum igne conflagrationis terram exurant. Vnde patet, non esse incredibile, quod de fumo putei abyssi diximus. Nec obstat quod infernus a Ioanne vocetur aliquando *puteus abyssi*; quia non solus Infernus, sed omnis hiatus profundissimus, cuius non est reperire fundum, dicitur abyssus, & puteus, vel fouea abyssi, id est, puteus abyssalis, Græcè *ὁ πύθος ἡλύος*. Adde, non esse incredibile, hiatus illum vsque ad inferos extendendum, cum paulò post ingens hiatus, quo omnes impij absorbeantur, vsque ad inferos sit aperiendus. Verùm de his plura infra, cum de Inferno agetur. Iam quod ad locustas attinet, facile erit durante isto fumo diuina virtute procreari peregrinum genus locustarum, quod è fumo exeat, & omnia longè lateque occupet, sicut olim immensa agmina, primò ranarum, deinde locustarum, postea sciniphum, postremò muscarum, totam Ægyptum occuparunt, idque repenti, diuina virtute ea animalia formante. Simili modo agri Philistinorum subito effuderunt infinitam vim murium. Quod ad formam earum attinet, non opus est ut facies earum planè sint similes faciei humanæ, aut eiusdem magnitudinis: sufficit esse rudem similitudinem qualis reperitur in simiis, & quibusdam aliis. Idem censendum est de capillis seu cirris earum, & dentibus. Nullum ferè est genus animalium, in quo tanta formarum peregrinarum varietas, quanta in locustis.

102 Vndecima erit, *Solutio quatuor demonum*, qui mox vbique terrarum bella concitabunt, quibus orbis ita atteretur, ut facilè tertia pars hominũ sit interitura. Repræsentatus est Ioanni in visione exercitus equestris in quo ducenti milliones equitum. Vbi per equos intelligit milites, per sessores seu equites, dæmones qui regent & incitabunt ipsos milites in prælia. Equorum caudæ sunt similes serpentibus, & habent capita. Vbi puto indicari gladios militares, qui instar caudatũ retrò extant, & capulos instar capitis habent: vel pedissequos & ministros militum, qui plerumque sunt pessimi, & instar serpentum occultè nocent, incendiis, furtis, venenis, aliisque modis. De ore equorum procedit ignis, fumus, & sulphur. Non facile est explicare, quomodo hæc tria ex ore militum seu equorum procedent, & quo modo igne, fumo, & sulphure occidetur tertia pars hominũ. Existimo planè hîc indicari bombardas militum, & ignem pulueris sulphurei. Dum enim milites iaculantur, ita admovent ori instrumentum, ut ore ignem & fumum sulphureum emitte videantur. Et hoc modo obiecta sunt animo S. Ioannis in visione. Hinc facilè intelligitur, quo-

Solutio quatuor demonum, & bella grauisissima.

Apoc 9.

H h h iij

modo his tribus tanta clades sit illata. His bellis creditur ex-
cinda Roma, de qua suprà diximus: & Antichristus, deletis tri-
bus Regibus ex decem, nempe Rege Æthiopie, Lybie, & Ægypti,
peruenturus ad Regnum, reliquis septem spontè se illi deditibus.
Durabunt enim hæc bella longo tempore, nempe vsque ad Mo-
narchiam Antichristi. Vnde non est mirum, tantum nume-
rum militum Ioanni representatum. Nam si toto orbe multis an-
nis bella gerantur, non est incredibile ducentos milliones homi-
num armari.

*Vulnus fauū
ac pessimum.*
Apoc. 16.

Duodecima plaga erit *Vulnus seuum & pessimum* in homines qui
adharebunt Antichristo. Hæc videtur prima, quæ constante Mo-
narchia Antichristi inferetur. Similis plaga fuit illata Ægyptiis, de
qua suprà Cap. 8.

*Conuersio
maris in
sanguinem.*
Apoc. 16.

103 Decimatertia erit, *Conuersio maris in speciem sanguinis atrii*,
qualis est hominis mortui, per quam etiam pisces omnes maris
morientur.

*Conuersio
fluminum in
sanguinem.*
Apoc. 16.

Quartadecima est, *Conuersio fluminum & fontium in sanguinem*.
Sicut enim in Ægypto omnis aqua versa est in sanguinem, & omnes
pisces mortui sunt: ita per totum orbem, totum mare & omnia flu-
mina vertentur in sanguinem, & omnes pisces morientur. Quod
enim tunc in Ægypto accidit, est typus eius quod fiet in orbe illo tē-
pore. Sicut tamen in Ægypto conuersio illa non durauit nisi ad octo
dies, ne homines perirent siti; ita etiam credibile est, istam conuersio-
nem non valdè diu duraturam, ne omnes pereant; sed post aliquod
tempus ista elementa restituentur suæ naturæ, sicut factum in Ægy-
pto. Credibile etiam est, fidelibus hanc plagam aquarum non nocitu-
ram, sicut non nocuit Israëlitis in Ægypto, vt suprà Cap. 8. ostensum
est: fiet enim hæc plaga in ultionem sanguinis sanctorum, quem im-
pij illis temporibus effundent. Quod ad pisces attinet, non est neces-
se reuiuiscere, cum mundus breui sit interiturus: & fortè non deerunt
pisces in stagnis, lacubus, & viuariis. nam de his aquis non dicitur,
quòd in sanguinem conuertentur.

Æstus solis.
Apoc. 16.

Decimaquinta est *Plaga æstus*. Dabitur enim soli vis affligendi ho-
mines æstu & igne: quo fiet vt homines grauissimè æstuent, & præ
impatientia blasphement Deum.

*Vlcera &
dolores.*
Apoc. 16:

Decimasexta est, *Ingentes dolores & ulcera*, quæ immittet Deus in-
primarios Antichristi alleclas, eiusque curiam; ratione quorum erit
magnus mœror in Regno eius.

104 Decimaſeptima, Siccatio fluminis Euphratis, & *Congregatio Regum Antichriſto adherentium in prælium*, ad delendos omnes qui Antichriſto nolent adherere. Hoc certè ſine illi conuenient; ſed Deus ſua prouidentia id permittet, vt illa multitudo impiorum ſimul pereat, & tranquillitas detur Eccleſiæ, ad multorum, qui vel illa perſecutione ceciderunt, vel adhuc infideles ſunt, conuerſionem. Congregatio exercitus Antichriſti. Apoc. 16.

Dices: Quid opus erit tanto exercitu ad debellandos Chriſtianos, cum hi pauciſſimi ſint futuri illis temporibus? Reſpondeo, Paucos futuros reſpectu impiorum, abſolutè tamen fore valdè multos. Si enim in ſola Ægypto ex Hebræis erant ſexcenta millia virorum à vigefimo anno & ſupra, præter pueros & mulieres; quantum numerum putamus fore Chriſtianorum (quorum typus erant illi Hebræi) toto orbe? Vnde, ſicut ad Hebræos iſtos in ſeruitutem retrahendos congregauit Pharaon omnes vires totius Ægypti, ita Antichriſtus ad ſubiiciendos ſibi Chriſtianos congregabit vires totius Orbis, quæ ipſi parebunt: & ſicut Pharaon cum omnibus ſuis periit obrutus mari, ita Antichriſti exercitus peribit obrutus igne cæleſti, vt oſtenſum Ioanni.

Decima octaua erit, *Ingens terræ motus cum grandine, tonitru, fulmine, & vocibus articulatis in aëre*, quibus terror magnus incutiat impiiis. Hac terræ violentiſſima concuſſione non ſolùm plurimæ ciuitates impiorum corruent, ſed etiam multi montes concident, & inſulæ aquis operientur, vt non appareant. De hoc dictum ſuprà. Maximus terramotus. Apoc. 16.

Decima nona erit, *Clades illa*, in qua Antichriſtus & eius pseudo-propheta viui deſcendent in infernum, & eius exercitus cum Regibus ipſi adherentibus igne cæleſti & grandine conſumentur; vt colligitur ex Ioan. cap. 19. & 20. & Ezechielis cap. 39. Non obſtat quòd Ioannes cap. 19. dicat, hunc exercitum interficiendum *gladio qui procedit ex ore ſedentis ſuper equum*, id eſt, Chriſti: quia iſte gladius non erit alius, quàm ignis & grando quæ ex ore Chriſti procedent: quia imperio Chriſti de cælo deſcendent, & exercitum illum impiorum delebunt. Deletio exercitus Antichriſti. Apoc. 16.

105 Hæ ferè ſunt plagæ quas Ioannes deſcribit, & affirmat nouiſſimis temporibus irrogandas. In quibus non ſolùm elucet iuſtitia, ſed etiam miſericordia: quia paulatim, & cum ea moderatione adhibentur, vt peccatores poſſint reſipiſcere, & agere pœnitentiam. Nec ſemper durant, ſed aliæ aliis ſuccedunt, vt aduertant eſſe

432 DE PERFECT. DIVINIS LIBER XIII.
manum diuinam, non causas naturales, aut fatum aliquod stella-
rum.

*Plagas istas
ad litteram
accipiendas.*

Quod autem istæ plagæ non solum Allegoricè seu mysticè, sed etiam historicè & secundum litteram sint intelligendæ, optimè ostēdit Ribera. Nihil enim ferè est in omnium illarum descriptione, quod non commodè secundum litteram possit accipi. Neque quidquam illarum fidem superare, esseque incredibile, iudicabit quilibet qui diligenter expendet it plagas Ægyptiacas, & subuersionem Pentapolis, & mare mortuum ex incendio illo sulphureo relictum; denique Arcam Noë, & diluuium vniuersale. Sanè plagæ Ægyptiacæ & subuersio Pentapolis solum fuit figura & adumbratio quædam plagarum temporis nouissimi, quando subuertetur mundus. Si alia contigere in typo, quid poterit videri incredibile & nimis magnum in exemplari & veritate? Quare, cum regula communis Theologorum sit, à proprietate verborum non esse recedendum, nisi aliquid absurdi vel repugnans rationi contineant; dubitandum non videtur, quin ista ferè omnia secundum litteram & historicè sint intelligenda. Accedit, quod nisi ita dicamus, fatendum erit, Ioannem nihil ferè de externis plagis illorum temporum prædixisse, sed luisse ænigmatibus, idque vel in rebus iam peractis & orbi notissimis, nimirum in describenda Iudæorum euerfione; vel in futuris, vt in Romanorum & Gentium conuersione. Vnde probare non possum nuperam quamdam expositionem, iuxta quam maximæ plagæ non sunt plagæ in homines, sed destructio peccatorum, & conuersio hominum. verbi gratia, Cum dicitur cecidisse Babylon, indicatur, ciues Babylo- nis desisse esse idololatrias, & conuersos ad fidem. Cum dicitur *Babylon incensa igne*, significatur accepisse Spiritum sanctum. Quando de exercitu Gog & Magog dicitur: *Descendit ignis de celo, & æuorauit eos*, indicatur eos operatione Spiritus sancti conuersos ad fidem: & alia innumera huius generis satis frigida, dura, & violenta. Non video quid vtilitatis habere queat ad ædificationem Ecclesiæ rerum notissimarum descriptio adeo ænigmatica, vt nemo illam possit intelligere.

106 Mirabitur fortè aliquis, quæ fieri possit, vt homines impij qui adhærebunt Antichristo, visis tot portentis & plagis, persistent in sua malitia & in persequendis fidelibus, & non timeant Deum, nec resipiscant. Verum consideret ille similia contigisse in Ægypto, & quidem magis continuè magisque aperte à manu Dei per Moy- sen,

sen; & tamen Pharaonem cum populo suo permansisse in obstinatione contra populum Dei. Non minor, sed maior potius erit obduracy impiorum illius temporis non enim credent hac à Deo irrogari, sed fatali necessitate, & mundi quodam morbo euenire, qualia etiam sensere Stoici: vel si credant à Deo inferri, non tamen idcirco conuertentur, sed irascentur in illum, eumque blasphemabunt, quòd tantas calamitates inferat, vt apertè pluribus locis testatur Ioannes. Maximam vim in eorum animis habebit diabolus, qui tunc solutus erit.

CAPVT XIX.

De tempore quod supererit vsque ad excidium mundi.

107 **D**E CIMO & vltimò cernetur iustitiæ diuinæ seueritas in extremo Iudicio, cuius nobis forma breuiter describenda cum iis quæ ipsum antecedent & sequentur. Qua in re nobis sex consideranda sunt. Primum, Tempus quod vsque ad excidium mundi à cæde Antichristi supererit. Secundum, Ignis quo mundus vastabitur. Tertium, Mortuorum resurrectio & congregatio. Quartum, Aduentus Iudicis, eiusque sententia. Quintum, Executio sententiæ. Sextum, Pœnarum grauitas & æternitas.

Quod ad Primum attinet; Interfecto Antichristo, & eius exercitu cum præcipuis persecutoribus deleto, dabitur Ecclesiæ magna tranquillitas; & qui per loca deserta erant dispersi vel abdit, redibunt ad sedes suas; & qui ceciderant vi persecutionis, resurgent: & Religio Catholica rursus incipiet efferre caput, & publicè florere. Vtrum autem non ita diu post illam cladem impiorum sit futurum Iudicium, an adhuc ad aliquot annos extrahendum, dubium est inter Doctores. Quidam putant solum ad quadraginta quinque dies differendum: propter verba Danielis cap. 12. vbi cum Angelus indicasset Regnum Antichristi duraturum mille ducentos nonaginta dies, id est tres annos cum medio, & insuper diebus tredecim, addit: *Beatus qui expectat & peruenit vsque ad dies mille trecentos triginta quinque.* qui numerus dierum superat priorem (qui est Regni Antichristi) diebus quadraginta quinque. Hinc colligunt multi Interpretes, inter quos S. Hieronymus in illum locum Danielis, hoc numero dierum indicari tempus, quod occiso Antichristo supererit mundo; quo expleto, quia Sanctis reddenda præ-

Tranquillitas Ecclesiæ post eadem Antichristi.

Sententia multorum, mundum solum duraturum 45. dies post eadem Antichristi.

mia, idcirco *beatum* dici eum, qui ad terminum illius temporis pervenerit.

*Refutatur
hæc senten-
tia.*

108 Verum multis non placet hæc interpretatio. Primò, Quia nihil est quod cogit illum locum sic accipi: non enim minus accipient præmium qui antè mortui fuerunt, quàm qui vsque ad terminum illorum dierum vixerint. Vnde non videtur Angelus loqui de Iudicio & præmij collatione, sed potiùs de tranquillitate & felici statu Ecclesiæ, quo potietur, hostibus eius vbique interemptis, & infidelibus vndique ad eam accedentibus. Itaque *beatus erit qui tunc vixerit*: quia absque timore poterit Deum publicè colere: & si lapsus fuerit, poterit resurgere: si infidelis, facilè poterit conuerti, doctrina fidei vbique disseminata per illius temporis Concionatores. Secundo, Quia valdè credibile est, Deum concessurum plus temporis, ut Iudæi & alij infideles, quos ipse iam tot plagis, prodigiis ac terroribus ad fidem disposuit, possint instrui & conuerti; & vbi conuersi fuerint, Deum colere, eique gratias agere. Hoc enim pietati & misericordiæ diuinæ valdè consentaneum. Idcirco enim tot prodigia præmilit, & Antichristum cum suis deleuit, ut qui prostrati fuerant, possint resurgere, & omnes infideles conuerti. Hinc Lirani & Dionysius Carthusianus in cap. 5. Epist. prioris ad Thessalon. docent, occiso Antichristo, eiusque falsitate detecta, totum mundum ad Christum conuertendum; ita ut longè plures sint fideles quàm infideles. Tertiò, Quia si deletio Antichristi solùm quadraginta quinque dies supersessent, certò posset præsciri dies Iudicij futuri, idque statim ab initio Regni Antichristi, quod sapientibus Ecclesiæ viris non erit ignotum. Hoc autem videtur repugnare sententiæ Domini Matth. 24. *De die autem illa & hora nemo scit, neque Angeli celorum, nisi solus Pater.* Hinc Dominus eodem capite indicat, aduentum suum ad Iudicium fore prorsus inopinatum, sicut diluuium; & se venturum quando homines minimè putabunt, sicut fur venit noctu. Idem dicit Apostolus 1. ad Thessal. 5. *Cùm dixerint pax & securitas, tunc repentinus eis superveniet interitus, & non effugient.* Denique Ezechielis 39. dicitur, cæso exercitu Gog & Magog (quem passim Doctores volunt esse exercitum Antichristi) tantam fore multitudinem cadauerum, ut Israëlita, id est, fideles, per septem menses sint occupandi in illis sepeliendis: & tantam copiam armorum & lignorum, ut septem annis sint ea combusturi ad focum domesticum, nec opus sit alia ligna. Ex quibus verbis valdè probabiliter colligi potest, saltem ad septem

annos postea mundum duraturum. Vix enim aliter verba Ezechielis accipi possunt, vt Barradius Tomo 3. lib. 9. cap. 7. & Ribera in cap. 20. Apocal. num. 72. num. 72. ostendunt.

109 Nec obstat illud quod ait Dominus: *Cum venerit filius hominis, putasne inueniet fidem in terra?* loquitur enim non de extremo Iudicio, sed de eo tempore quo veniet ad faciendam vindictam in maxima illa fidelium oppressione tempore Antichristi, quando clamabunt ad illum die ac nocte, vt colligitur ex adiunctis: tunc enim non diu patientiam habebit, sed citò veniet; quia non sinet illam persecutionem durare nisi tres annos & dimidium: quibus expletis, faciet vindictam delendo persecutores. Et hoc est quod dicitur Matth. 24. *Nisi breuiati fuissent dies illi, non fieret salua omnis caro: sed propter electos breuiabuntur dies illi.* Eo tempore ita dominabitur impietas, vt rari sint futuri veri fideles comparatione multitudinis impiorum. Et sanè nisi hunc locum sic exponamus, vix apparet quomodo cum ijs quæ ibi de clamore electorum & vindicta dicuntur, cohæreat. Accedit, quòd hic aduentus erit inchoatio quædam & veluti præparatio vltimi aduentus. Eamdem insinuat Barradius, addens, post illam vindictam fideles fore plurimos, & ferè totum mundum ad fidem conuertendum.

Post Anti-christi mortē verisimile est mundum adhuc 7. annis duraturum. Lucæ 18.

CAPVT XX.

De igne quo conflagrabit orbis.

110 **E**XPLETO tempore quod Deus post illam cladem ad conuersionem peccatorum definiuit, sequetur ignis conflagrationis. Dubium tamen est, Vtrum ignis iste quo mundus conflagrabit, antecedit Iudicis aduentum, an secuturus sit. S. Augustinus lib. 20. De ciuit. cap. 16. & 30. apertè indicat, hunc ignem secuturum Iudicis aduentum & sententiam. Sed communis ferè sententia Doctorum est, hunc ignem antecessurum ipsum personalem aduentum & comparitionem Iudicis. Probatur primò Psalm. 96. *Ignis ante ipsum præcedet, & inflammabit in circuitu inimicos eius. Montes sicut cera fluxerunt à facie Domini, à facie Domini omnis terra. Annuntiauerunt celi iustitiam eius, & viderunt omnes populi gloriam eius.* Hic primò ponit ignem omnia exurentem, deinde Iudicis apparitionem. Quòd autem iste Psalmus sit de secundo Domini aduentu, quo iudicabit orbem, patet ex Apostolo ad Hebræos 1. Rur-

Ignis præcedet iudiciū.

sus Psal. 49. *Ignis in conspectu eius exardescet, & in circuitu eius tempestas valida. Aduocabit cælum desursum, & terram discernere populum suum.* Hic rursus ignis præcedit, & Iudicium sequitur. Isa. 66. *Ecce Dominus in igne veniet, & quasi turbo quadrigæ eius, reddere increpationem suam in flamma ignis; quia in igne Dominus diiudicabit.* Dicitur Dominus *venturus in igne*, id est, cum igne, quia ignem præmittet, & per ignem tamquam per suum satellitem delere incipiet hanc mundanā ciuitatem, sicut olim deleuit per aquam: & hoc sensu dicitur *iudicaturus sæculum per ignem*. Idem ex eo confirmari potest, quod plurimi iustorum non omnino puri ab omni labe vel reatu peccati, egebunt expiatione, ac proinde per ignem erunt expiandi, ut indicat Apostolus 1. Cor. 3. Hæc autem expiatio fieri debet ante sententiam Iudicis, ut planè purgati possint cum aliis rapi obuiam Christo in aëra, & statim post sententiam cælum conscendere: non enim conuenit ut post sententiam purgentur. Idem communiter sentire videntur Patres, & ipsemet Augustinus libro 50. Homiliarum Homil. 16. quando ex Apostolo docent, *opus cuiusque igne probandum.* Debet ergo hic ignis præcedere Iudicium.

Triples effectus huius ignis. Primus est, Omnia corpora mixta dissolvere.

111 Porro effectus huius ignis erit triplex. Primò, Dissolvere omnia corpora mixta in elementa. Cum enim omnia illa ad vsum temporalis vitæ hominum condita sint, cessante illa vita nulli erunt v sui, ac proinde resoluenda sint in sua principia ex quibus compacta, & suis elementis restituenda. Itaque exuretur terra profundissimè, & omnia opera quæ in ea sunt: exurentur montes, & montium fundamenta: dissoluentur omnia saxa & metalla, & rupes instar ceræ liquefcent: exuretur mare, ita ut consumatur quidquid in eo est terrenum vel concretum: denique exuretur quidquid in aëre est materiæ inflammabilis. Hæc omnia manifestè colliguntur ex Scripturis. 2. Petri 3. *Adueniet autem dies Domini tamquam fur, in quo cæli magno impetu transibunt, elementa vero calore soluentur, terra autem & quæ in ipsa sunt opera, exurentur.* Per cælos intelligit superiorem aëris partem, vapore & halitu inflammabili plenam. Hi cæli magno impetu, vel ut Græcus habet, cum stridore (ὥς ἰσθὺς) instar procellæ ardentis transibunt. De iisdem cælis paulò post ait, *Per quem cæli ardentes soluentur.* Per elementa significat mare & interiorem aëris partem; de quibus ibidem: *Elementa ignis ardore tabescent.* quibus verbis indicat, quidquid in illis est concretionis, soluendum. Quòd autem per cælos non intelligantur illi cæli, in quibus sol, luna, & stellæ; sed superior aëris portio pingui halitu

Qui cæli ardebunt.

plena, docet S. August. lib. 20. De Ciuit. cap. 18. & probatur ex verbis S. Petri *Latet, inquit, eos hoc volentes, quòd celi erant prius, & terra, de aqua, & per aquam consistens Dei verbo, per qua ille tunc mundus aqua inundatus periit.* Sensus est, Nolunt aduertere, olim (cùm Deus conderet mundum) *cælos fuisse constitutos ex aquis*, nimirum quando fecit firmamentum in medio aquarum, & diuisit aquas quæ sunt super firmamentum, ab aquis quæ sub firmamento, extenuando infinitam vim aquarum, & diffundendo per superiores aëris regiones, quod factum die secundo: & *terram fuisse constitutam per aquam*, quando aquas quæ sub firmamento congregauit in locum vnum, & per medium aquarum apparuit arida. Vtrumque factum Dei verbo seu imperio. Vbiaduertendum, illud *de aqua*, seu vt Græcus textus habet, *ex aqua*, videri referendum ad cælos, & *per aquam* ad terram, idiotismo Hebræo, qualem habemus Psalm. 67. vers. 9. & Psalm. 112. vers. 5. & alibi. Sequitur: *Per qua ille tunc mundus aqua inundatus periit.* Per qua, Græcè δι' ὧν, id est per quos cælos, nimirum quando cataraçtæ celi apertæ sunt, & pluit quadraginta diebus & quadraginta noctibus. Ex quibus patet, cælos illos, quorum aquis mundus periit, esse superiorem aëris regionem, infinitis aquis in auram extenuatis grauidam. Ac proinde eadem regio, seu idem cælum aëreum & aqueum debet intelligi, quando dicit, *cælos qui nunc sunt, eiusdem verbi imperio repositos reservari igni in diem Iudicij.* Repositi sunt imperio diuino, quia cùm in terram essent quoad partem aquosam effusi, rursus sunt restituti in suum locum, vbi instar thesauri repositi, (την θησαυρον ὕδατος) reseruantur igni. Simili modo Psalm. 32. dicitur: *Ponens in thesauris abyssos.* Nec obstat quòd dicat *cælos*, non *cælum*, quasi loqueretur de multis; id enim preuenit ex Hebraismo, in quo cælum caret numero singulari.

112 His adde alia Scripturæ loca. Deuter. 32. *Ignis succensus est in furore meo, & ardebit vsque ad inferni nouissima, deuorabitque terram cum germine suo, & montium fundamenta comburet.* Vnde patet, ignem profundissimè penetraturum intra terram, & etiam ipsos montes, eorumque imas partes consumpturum. Loquitur de igne qui succendetur die nouissimo, qui erit dies iræ & furoris Domini, ardebitque vsque ad inferni nouissima; quia continuabitur in corporibus damnatorum. Psalm. 96. *Montes sicut cera fluxerunt à facie Domini, à facie Domini omnis terra.* De eodem ita scribit S. Ephraim

Sermone de iis quæ post crucem reuelanda sunt: *Quomodo tunc*

Iii iij

Explicatur
locus S. Petri.

Gen 1.

Gen. 7.

Ephraim.

Mare exu-
retur.

Ignis iste a-
get ut instru-
mentum Dei.

Secundus ef-
fectus ignis
erit iustorum
purgatio.

fratres mei charissimi sustinebimus, quando igneum videbimus fluuium ab ortu solis vsque ad occasum cum furore manantem, & instar ferocis aspe-rique maris, montes & valles deuorantem, terram omnem, & quæcumque in ea sunt, exurentem? De mari exurendo non habemus locum expres- sum; colligitur tamen ex verbis S. Petri, cum dicit, *elementa ignis ca-lore soluenda*. est enim quid valdè mixtum & impurum, vnde debet dissolui & purgari. facile erit Deo per ignem accendere & dissoluere quidquid in mari est inflammabile. Hinc Apocal. 21. facta renoua- tione mundi, dicit Ioannes: *Et mare iam non est*. non quòd elemen- tum aquæ sit abolendum (cùm ad constitutionem mundi pertineat tamquam vna ex principalibus eius partibus:) sed quia hoc mixtum quod propriè *mare* dicitur, non amplius erit, nec aqua, quæ est por- tio istius mixti, alueo eodem continebitur, ita vt speciem maris præ- beat: sed erit limpida in iat crystalli, terramque vndique operiet, si- cut tempore diluuij, vt multi volunt: vel si non totam operiat, alia eius erit dispositio & forma quàm modò sit, cùm nauigationi & aliis vsibus nostræ mortalitatis inseruit. Hippolytus Oratione De con- summatione sæculi: *Fluuius igneus egrediens cum furore instar maris sæ- ui, exuret montes & colles, & mare delebit, & æthera inflammatione dis- soluet. Delebit mare*, non consumendo aquarum naturam, sed pur- gando, sicut dictum est. Aget enim hic ignis non solum vna natu- ræ, sed vt instrumentum diuinæ potentia; sicut ventus quo siccatae aquæ diluuij, Genes. 8. Itaque non mirum, si possit breui tempo- re terram profundissimè exurere, montes, saxa & metalla dissolue- re, & in ipsis aquis quidquid admistum est, absumere. Fient hæc om- nia incredibili fragore & strepitu, saxis ignitis & cinere in aërem al- tissimè eiectis, flamma fumo permixta in cælum exeunte, torren- tibus sulphuris, & liquatorum vi ardoris saxorum passim decur- rentibus. Si enim hæc omnia interdum in vno monte ardente fiunt, idque cum tanta elementorum perturbatione, vt mundus periturus videatur: quid fiet, cum tot montes & tota terra ab imo ar- debit?

113 Secundus effectus erit, purgare iustos, qui aliquid labis, culpæ vel reatus poenæ habuerint. Indicatur hoc aperte 1. Corinth. 3. *Si quis autem superædificat super fundamentum hoc, aurum, argentum, lapides pretiosos, ligna, fœnum, stipulam; vniuscuiusque opus manife- stum erit. Dies enim Domini declarabit, quia in igne reuelabitur: & vniuscuiusque opus quale sit, ignis probabit. Si cuius opus manserit*

quod superædificauit, mercedem accipiet. si cuius opus arserit, detrimentum patietur: ipse autem saluus erit, sic tamen quasi per ignem. Loquitur hic Apostolus de igne extremi Iudicii, non metaphorico, sed vero. Nam <sup>Exponitur locus Apo-
stoli.</sup> *dies Domini* in vero igne, id est cum vero igne, & per verum ignem reuelabitur, & adesse cognoscetur. Hic ignis probabit cuiusque opus. Si enim *opus tuum* fuerit sicut *aurum, argentum, lapides pretiosi*, nihil habens materiæ inflammabilis, id est, nihil quod dignum castigatione; nihil incommodi ex illo igne senties, sed mercedem statim accipies. Si verò tuum opus fuerit vt *lignum, fœnum, stipula*, quæ apta sunt vt igne conflagrent, detrimentum patieris: quia ardebit opus tuum, hoc est, ipse operans propter illud igne mulëtabitur. Ipse tamen tandem saluus eris, sed quasi qui per ignem transiuit. Est similitudo accepta ab iis, qui super idem seu simile fundamentum construunt sibi domum ex diuersa materia, quam postea ignis inuadit.

Nec obstat, quòd quidam exponant hunc locum de igne Purgatorij: quia etsi Apostolus primariò & expressè tantùm loquatur de igne extremi Iudicii; tamen tacitè & secundariò etiam agit de igne Purgatorij, & hunc in illo vult intelligi. Sicut enim in extremo Iudicio ignis ille publicus probabit opera singulorum qui tunc viuent; aliorum dum eos non attinget nec lædet, aliorum dum eos affliget: ita in Iudicio particulari ignis Purgatorij, qui iam occultus, singulorum opera probabit. Nam eos qui omnino puri, non attinget; qui verò aliquid labis habuerint, affliget. Vide P. Cornelium, qui fusè & eruditè hunc locum Apostoli explicat.

Multi Patres existimant, omnes, quantumuis sanctos & puros, per hunc ignem transituros, & probandos. Origenes in Psalm 36. Ambrosius in eiusdem Psalm. Lactantius lib. 7. cap. 21. Basilii in cap. 4. Isaia. Sed hoc propriè non est verum, nisi de sanctis qui tunc viuent, quos ignis ille vel non attinget, vel si attinget, non affliget. Nisi forte quis dicat, tempore resurrectionis hunc ignem omnia occupaturum, vt sancti nec resurgere, nec Christo occurrere nisi per ignem possint, qui tamen ab igne non lædentur.

114 Eandem sententiam de purgandis iustis docet S. August. Homil. 16. De resurrectione libr. 50. Homiliarum. *Hi qui tēporalibus pœnis digna gesserunt (de quibus Apostolus dicit, Si cuius opus arserit, detrimentum patietur; ipse autem saluus erit, sic tamen quasi per ignem.) per fluium igneum, de quo Propheticus sermo memorat (& fluius Daniel. 7. igneus currebat ante eum) per fluium inquam igneum, & vada fer-*

uentibus globis horrenda transibunt: quanta fuerit peccati materia, tanta erit & transcundi mora: quantum exegerit culpa, tātum sibi ex homine vindicabit quedam flammæ rationalis disciplina: & quantum stulta iniquitas suggesserit, tantum sapiens pœna defeniet. Vbi notandum, hunc ignem quasi ratione præditum, singulos cruciaturum plūs vel minūs, pro culpæ vel reatus quantitate: quia aget vt instrumentum diuinæ iustitiæ, manu potentia illius applicitum, vt etiam docet S. Thomas in 4. d. 47. versus finem. vbi dicit, omnes quidem tam bonos quàm malos hoc igne perimendos, & in cinerem vertendos; sed bonos, in quibus nihil purgandum nullum dolorem sensuros: malos grauitè cruciandos, bonos verò in quibus aliquid purgandum, sensuros cruciatum ex illo igne plūs vel minūs, pro meritorum diuersitate. Idem modò seruatur in igne Purgatorij. sc̃uit enim ignis ille in eos qui purgantur pro delictorum grauitate, & reatus magnitudine.

Tertius effectus, Mundi lustratio & expiatio.

115 Tertius effectus erit, Mundi expiatio. Est enim hic mundus veluti templum Diuinitatis, quod Deus ad suum cultum & honorem condidit & sanctificauit. Hoc templum per infinita hominum & demonum peccata, per spurcitas carnales & spiritales multis sc̃culis fuit inquinatum: vnde priusquam renouetur ad statum gloriæ, expiandum erit. quæ expiatio sicut olim facta est per quam, ita nunc fiet per ignē, qui aptissimus est ad hunc effectum.

Verum ignis conflagrationis omnes perimet.

116 Sed dubium est, Vtrū hoc igne omnes homines, qui tunc viui reperientur, sint perimendi, & in cineres vertendi. Plerique recentiores affirmant. Primò, Quia sine grandi miraculo non possent viui conseruari. Secundò, Quia Scriptura multis locis docet, omnes debere mori, ac proinde nulla videtur ratio cur tunc non moriantur. Tertiò, Quia sic omnes poterunt simul resurgere. Hæc sententia est facilis intellectu, & rationi humanæ valdè consentanea. Negantem tamen partem sequuntur multi Patres & graues Auctores, qui docent, multos fore viuos quando mortui resurgent, & Dominus comparebit in Iudicio: vnde sequitur, eos non esse igne illo perimendos. Ita Hieronymus Epist. 148. ad Marcellam, vbi dicit id esse perspicuum ex verbis Apostoli 1. ad Thessal. 4. Epiphanius hæresi 64. pag. 288. Chrysostomus, Theodoretus, Theophylactus, Oecumenius, in illum locum Apostoli: S. Augustinus libro 2. De peccatorum meritis c. 31. & ad Dulcitium q. 3. Ambrosius in 1. ad Corinth. cap. 15. & in cap. 4. prioris ad Thessalon. Anselmus ibidem, & multi recentiores, inter quos Iosephus à Costa, qui

qui hanc quæstionem exactè tractauit lib. 4. de Antichristo per multa capita.

Duo sunt loca Scripturæ quibus hæc sententia videtur euinci. Prior est 1. ad Corinth. 15. v. 51. ubi in textu Græco & Syro sic habetur: *Ecce mysterium dico vobis: non omnes quidem dormiemus, sed omnes immutabimur: in momento, in ictu oculi, in nouissima tuba (canet enim tuba) & mortui resurgent incorrupti, & nos immutabimur.* Dixerat antè Apostolus, carnem & sanguinem regnum Dei possidere non posse, nempe secundum qualitatem terrenam & corruptibilem, in qua illam accepimus à primo homine terreno; sed debere illam mutari, & reddi incorruptibilem. Deinde explicat quomodo hoc futurum sit: Et si enim, inquit, non omnes simus dormituri, id est, morituri; tamē omnes debemus immutari corpore, & fieri immortales, non egentes amplius cibo, potu, somno, &c. nam in ictu oculi, in nouissima tuba fient hæc duo, & mortui resurgent incorrupti, & qui tunc reperientur viui, immutabuntur corpore, & induent incorruptionem. Loquitur enim Apostolus iuxta hanc lectionem, non de omnibus hominibus, sed de iustis, qui regnum cælorum possidere debent. Hoc modo hunc locum legunt & intelligunt ferè omnes Patres iam citati, estque hoc sanè magnum arcanum antea ignotum. Neque huic sententiæ obstat nostra lectio, quæ sic habet: *Omnes quidem resurgemus, sed non omnes immutabimur.* Quæ etsi in Græcis exemplaribus non reperiatur, teste Hieronymo Epist. 152. in fine: tamen est antiquissima, & à plurimis Patribus probata, & nobis amplectenda. Hæc enim intelligenda est de omnibus tam iniquis, quàm iustis, qui tunc mortui erunt. Agitur enim de mortuis seu dormientibus, ut de illis non contristemur, nec desperemus; ut patet ex Apostoli scopo. Verum autem qui tunc viuent, debeant mori, ita ut egeant etiam resurrectione, ibi non quæritur. Vnde nostra lectio non repugnat superiori sententiæ.

Locus Apostoli 1. Cor. 15 expenditur.

117 Alter locus est 1. ad Thessal. 4. *Hoc enim vobis dicimus in verbo Domini, quia nos qui viuimus, qui residui sumus in aduentum Domini, non praueniemus eos qui dormierunt; quoniam ipse Dominus in iussu & in voce Archangeli, & in tuba Dei descendet de cælo; & mortui qui in Christo sunt, resurgent primi. Deinde nos qui viuimus, qui relinquimur, simul rapiemur cum illis in nubibus obuiam Christo in aëra, & sic semper cum Domino erimus.* Hunc locum S. Hieronymus pro hac sententia putauit esse perspicuum: nam Epist. 148. ad Marcellam

Locus Apostoli 1. ad Thessal. 4. expenditur.

K k k

1. Cor. 5.

ita scribit : *Ex ipsius loci continentia sciri potest, quòd qui in aduentu Saluatoris fuerint deprehensi in corpore, in ijsdem corporibus occurrent ei : Vt qualia corpora mortuorum surrectura sint, in talem substantiam etiam viuorum corpora transformentur. Vnde dicit in alio loco Apostolus : Propter quod nolumus exspoliari, sed superuestiri, vt absorbeat^r mortale hoc à vita, ne scilicet corpus ab anima deferatur, sed anima habitante in corpore fiat inclitum, quod antè fuit inglorium.* hæc ille. Et in Epist. 152. citat pro hac sententia Diodorum Tarsensem Episcopum, Theodorum Heracleotem, & Apollinarium: qui etiam apertè docent ex hoc loco, in aduentu Domini multos fore qui non moriantur, sed solùm immutentur. S. Augustinus q. 3. ad Dulcitium dicit, se aliter hunc locum intelligere non posse. *Quantum, inquit, ad verba Apostoli pertinet, videtur asserere, quosdam in fine sæculi, adueniente Domino, cùm futura est resurrectio mortuorum, non mortuos sed viuos repositos in illam immortalitatem, qua ceteris sanctis datur, repentè mutandos, & simul cum illis rapiendos in nubibus.* Nec aliquid aliud mihi visum est, quoties de his verbis volui cogitare. hæc ille. Addit tamen, se optare audire sententiam doctiorum, qui id benè possint conciliare cum aliis Scripturæ locis, quibus significatur, omnes debere mori, &c. Eandem sententiam de viuis non morituris apertè tradit lib. 2. De peccat. merit. c. 31. Eiusdem sententiæ est Epiphanius Hæresi 64. Chrysostomus, Theodoretus, Theophylactus, Oecumenius in Epistolam priorem ad Corinthios cap. 15. & in hunc locum Apostoli. Idem tenent multi recētiore, Caietanus, Faber Stapulensis, Erasmus, qui quidem omnes nō solū docent fore vt aliqui tunc viuant, sed etiam vt absque vlla morte commutentur, & superuestiantur immortalitate. De quo paulò post dicemus.

Confirmatur
ex verbis
Apostoli.

118. Confirmatur expendendo verba Apostoli. Si enim omnes qui nouissimis temporibus viuent, ante Domini aduentum igne sint perimendi, nec Dominus vllos viuos, sed omnes mortuos immediatè ante resurrectionis tempus inueniet, & simul omnes dormient, & simul à mortis somno excitabuntur; nulla erat ratio cur Apostolus tam grauitè in verbo Domini testaretur, eos qui tunc viuent, non præuenturos ad gloriam & immortalitatem eos qui tunc erunt mortui. Si enim debent mori & dissolui sicut alij, cur deberent præuenire eos qui diu antea fuerant mortui? Verùm si Dominus multos reperiat viuos, suberat causa suspicandi eos solos corpore beandos, relictis ijs quorum corpora planè erant resoluta

& dissipata. Ad quam suspicionem amouendam Apostolus graui-
 mis verbis ex diuina reuelatione protestatur, tantum abesse vt mor-
 tui in Christo sint relinquendi in morte quoad corpus, vt viui qui
 tunc reperientur, non sint ante eos in corpore glorificandi; sed illos
 primùm resurrecturos corpore immortali, deinde viuos simul cum
 illis rapiendos obuiam Christo in aëra. Vbi non ponit ordinem in-
 ter resurrectionem iustorum & iniquorum, vt quidam volunt; quia
 nulla facta erat mentio iniquorum, neque id ad rem propositam fa-
 ciebat: neque inter resurrectionem iustorum, & eorumdem raptum:
 quia per se clarū est, debere eos prius resurgere in corpore, quàm in
 corpore raptantur: sed inter resurrectionem iustorum qui erant
 mortui, & raptum iustorum qui erant viui, quasi dicat: *mortui resur-*
gent primi, vel vt est in Græco, *primùm*: deinde vbi illi resurrexerint,
 tunc hi qui erunt viui simul cum illis raptantur obuiam Christo in
 aëra, & ita non præuenient illos ad gloriam. Vbi autem & quando
 illi sint immutandi, hîc expressè non dicit; sed apertè indicauit 1. ad
 Corinth. 15. nempe id futurum eo momento, quo fiet mortuorum
 resurrectio, *in iectu oculi, in nouissima tuba, & mortui resurgent incorru-*
pti, & nos immutabimur. Quòd enim illud, *in iectu oculi*, referendum
 sit ad vtrumque membrum, apertè indicat tam in Latîno, quàm in
 Græco, particula copulatiua bis posita. Vnde non videtur proban-
 dum, quòd S. Augustinus lib. 20. De ciuit. c. 20. & alij ipsum secuti
 existimant futuram hanc immutationem in raptu: conuenit enim,
 fieri in terra ante raptum, dum alij resurgunt, vt simul omnes im-
 mortalitatem accipiant, & simul obuiam Christo raptantur, per in-
 trinsecam gloriofi corporis dotem.

Eodem mo-
 mento fiet
 mortuorum
 resurrectio
 & viuorum
 immutatio.

Denique hæc sententia confirmari potest ex eo quòd Christus
 passum dicitur *iudicaturus viuos & mortuos*. Nihil enim aliud illa
 verba præ se ferunt, quàm tunc multos fore viuos, qui numquam
 fuerint mortui. *Mortui* enim ibi dicuntur, qui antè mortui fuerant,
 etiam si nunc resuscitati viuant. *Viu* ergo dicuntur qui mortui
 nondum fuerant. Indicat hanc rationem S. Augustinus ad Dulci-
 tium quæst. 3.

119 Ad ea quæ in contrarium obijciuntur, respondetur. Ad pri-
 mum, Fateor id fore magnum miraculum, quòd iusti illo igne
 non perimantur: sicut quòd tres pueri illæsi seruati in fornace Ba-
 bylonica. Sed omnia tunc miraculis plena erunt. Ipse ignis & ope-
 ratio eius miraculum erit; & omnia signa Iudicium præcedentia

Miraculo
 confut. bñ-
 tæ iusti ne
 igne laedantur.

miraculosa erunt, ut pote vim causarum naturalium excedētia. Idem ferè miraculum ponunt multi Auctores contrariæ sententiæ: nam docent, iustos quidem igne consumendos, sed absque vilo dolore, idque propter locum Apostoli 1. ad Corinth. 15. de quo supra: cui tamen magis consentaneum est ut non consumantur, alioquin damnum per ignem paterentur.

Re/p ad
Scripturas.

Rom. 5.

2. Paral. 6.
Psal 13.
Rom. 2.
Rom. 5.
1. Cor. 15.

Ad secundum dici potest, iuxta Patrum illorum sententiam, non esse necessarium ut omnes moriantur re ipsa, sed sufficere ut omnes qui sunt ex Adamo, necessitati moriendi sint subiecti. Sic *omnes* dicti *mori in Adamo, mortem in omnes pertransisse*. Nec ob stare illud Psalm. 88. *Quis est homo qui viuet, & non videbit mortem?* Primò, Quia loquitur de hominibus illius temporis, ut colligitur ex verbis quæ sequuntur. *Eruet animam suam de manu inferi*: quibus idem significatur. Nunc enim post Christi mortem iusti non ampliùs ad inferos descendunt. Secundò, Quia huiusmodi locutiones vniuersales plerumque patiuntur exceptionem, præsertim quando ipsa Scriptura aliis locis exceptionem illam indicat. Quid enim magis vniuersè dictum, quàm *omnes esse peccatores, omnes peccasse: neminem esse super terram qui non peccet*: & tamen scimus B. Virginem excipiendam. Similiter non ob stare illud Apostoli: *Sicut in Adam omnes moriuntur, ita & in Christo omnes viuificabuntur*. Quia sicut omnes ex Adamo contrahunt necessitatem moriendi, & re ipsa ad mortem tendunt; ita per Christum accipient immortalitatem & incorruptionem, etiamsi re ipsa mortui non fuerint. *Viuificari* enim non solum dicitur quod à mortuis excitatur, sed etiam quod à periculo mortis eripitur, & in vita conseruatur, ut ex plurimis versiculis Psalm. 118. constat: multò magis quod ad immortalitatem traducitur. Denique non ob stare illud Apostoli 1. Corinth. 15. *Insipiens, tu quod seminas non viuificatur nisi priùs moriatur*. Non enim vult probare Apostolus, omnes debere mori & putrescere sicut semen, sed facile esse Deo, eos qui mortui sunt & putrefacti excitare, & dare corpus gloriosum & incorruptibile.

Ex his patet, hanc Patrum sententiam non repugnare Scripturis, cum hæ conuenienter possint exponi. Vnde etiam S. Thomas 1. 2. q. 81. a. 3. indicat eam esse probabilem; & Magister in 4. distinct. 43. vtramque habet pro æquè probabili, nec esse humani iudicii hanc questionem definire.

120 Nihilominùs cum S. Augustino & multis aliis sentio probabi-

lius, & Scripturis congruentius, etiam hos saltem momentanea morte defunctum iri; non quidem in aëre dum rapiuntur, (debent enim ante raptum esse beati & immortales;) sed in terra eodem tempore quo mortui ad resurrectionem disponentur, ut simul omnes immortalitatem consequantur, ut supra ostensum ex 1. ad Corinth. 15. Illo enim breuissimo tempore quo corpora mortuorum formabuntur, etiam illorum corpora immutabuntur. Debent enim tolli omnes sordes & humores superflui, qui per totum corpus diffusi, & singulis membris ac partibus conferri congruentissimum temperamentum, optimæ qualitates & figuræ, noui spiritus, & omnia ita aptari, ut consonent animæ gloriosæ. Anima quoque ipsa debet particulare Iudicium subire, & præmium accipere lumen gloriæ. Quæ omnia ut fiant, conueniens est ut anima non sit corpori connexa, sed ad breuissimum tempus ab eo separata. Corpore autem ritè sic præparato, in momento anima, quæ loco non distabit, illi vnietur, & illud reddet gloriosum. Itaque hîc non interueniet vlla mors sensibilis, aut quæ exterius aliquod signum mortis præ se ferat; sed videbitur sola immutatio, & gloriæ superuestitio, non expoliatio aut dormitio: re tamen ipsa erit ibi mors & resurrectio. Hoc modo videntur omnes Patres & Doctores, qui tunc aliquos viuos fore existimant, optimè posse conciliari. Valdè enim credibile est, illos talem modum moriendi non intendere negare: estque valdè rationi consentaneus, & optimè congruit verbis Apostoli.

Omnes aliquo modo morituros.

Anima illorum qui immutabuntur debet subire Iudiciū particulare, & accipere præmium.

CAPVT XXI.

De Resurrectione mortuorum, eorumque congregatione in locum Iudicij.

121 **D**V RANTE mundi incendio fiet resurrectio mortuorum, eorumque ad locum Iudicij congregatio. Resurrectio autem fiet hoc modo: Cum Dominus incipiet descendere de cælo, præmittet Angelos cum tuba, ut mortuos excitent, & conuocent ad Iudicium. Hac tuba personante, statim in ictu oculi omnes mortui tamquam à somno excitati resurgent, & comparebunt super terram, & celerrimè in locum Iudicij transferentur. Vbi aduertendum est, ad resurrectionem istam tria requiri. Primò, Ut particularæ materiæ ex quibus corpus est formandum, in vnum locum conge-

Tria ad resurrectionem requiruntur.

Kkk iij

An rimores
colligendi per
Angelos.

I. Cor. 15.

runtur. Secundò, Vt corpora formentur. Tertiò, Vt anima vniantur. Primum passim Doctores tradunt peragendum per Angelos. Quod non parum difficultatis habet. Primò, Quia omnium pænè corpora in millies mille particulas resoluta erunt, quarum aliæ erunt in Oriëte, aliæ in Occidente, aliæ apud Antipodes, aliæ in mari, aliæ permixtæ nubibus: ita vt innumeris locis vel vnus corporis particule sint colligendæ. Hoc ita esse patet, quia corpus humanum constat materia humida & sicca. Totum humidum, & simul bona pars sicciabit in vapores, qui sparguntur per totum orbem: siccum quod superest rursus millies rigatum per pluuias & siccatum, sensim totum absumitur, & in auras dissipatur: vel terram impinguans facessit in herbas & gramina, quæ postea carpuntur à bestiis: hæc rursus comeduntur, vel putrescunt in terram, & similiter in vapores abeunt, qui toto orbe per ventos deferuntur. Itaque cum particule etiam vnus corporis tam innumeris locis sint dispersæ, non videntur ab aliquo Angelo tam breui tempore posse congregari. Totum enim tempus resurrectionis, simulatque insonuerit tuba, adeò breue erit, vt vix percipi possit; vt satis indicat Apostolus cum ait: *In momento, in ictu oculi mortui resurgent.* Græcè ἐν ἀτόμῳ, ἐν ἰκτὺ ὀφθαλμοῦ, in indivisibili, in ictu oculi. Quibus verbis significatur, illud tempus fore adeò breue, vt non possit percipi ab homine eius duratio seu extensio, sed videatur instar momenti. Loquitur autem Apostolus de toto resurrectionis opere, quod fiet simul atque insonuerit tuba; & non de sola corporis formatione, vel vnione animæ. Deinde non solum innumeris locis erunt illæ particule dispersæ, sed etiam innumeris modis variatæ; & per innumeras rerum formas & species transfusæ. Vnde nullum inerit vestigium vnde cognosci possit, an ad aliquod corpus pertineant, an non: aut ad quod corpus, quàmve animam sint referendæ. Tertiò, Multæ etiam ad plurima corpora pertinebunt, vt constat ex anthropophagis, quorum innumerabilis multitudo in mundo omnibus pænè sæculis fuit: quomodo Angeli scient cui corpori illæ restituentur, & quomodo dispensandæ inter tam multos.

Vbi notandum est, anthropophagiam iuræ nature esse illicitam tū ob alias causas, tum quia inducit confusionem corporum, miscendo in vno corpore partes materiæ corporalis, aliis corporibus in resurrectione debitas: tum quia impedit perfectam identitatem quæ alioquin esse deberet inter corpus quod cecidit, & quod resurgit. verbi gratia, Cyclops aliquis in Brasilia à puero carne humana edu-

catus comederit centum homines siue solus siue cum aliis : ex quibus tempore mortis extent in corpore ipsius centum libræ materiæ corporalis diffusæ per omnia membra. hæ centum libræ sunt aliis corporibus debitæ, & in illa deberent distribui, si in substantiam corporis Cyclopici conuerterentur non fuissent : nunc autem non possunt integræ restitui illis corporibus, quia corpus Cyclopi non potest destitui tanta materia corpori suo necessaria : nam debet ita resurgere, ut quantum fieri potest sit idem quod cecidit, & quod resurgit : unde necesse erit maiorem partem illius materiæ ipsi restitui ; minore portione in alia corpora, quæ comesta ab eo fuere, distributa. Hinc fiet ut in ipso sit mixtio & confusio particularum quæ ad alia corpora pertinebant : & alia corpora careant multis particulis sibi alioquin debitis. quod si omnes sint anthropophagi, similis erit in ipsis confusio : in qua quantum singulis restituendum qui comesti fuerint : & quantum ipsi qui comedit, sola diuina sapientia, non Angelica statuere potest. Attigi hanc rem breuiter in Opere De Iustitia lib. 4. cap. 3. dubit. 2. ubi inter alias rationes cur esus humanæ carnis esset illicitus, dixi quod per eam magna ex parte confunderetur distinctio corporum in resurrectione. quod quidam heterodoxi in Austria non intelligentes, frustra reprehendere sunt ausi, ut mihi retulit nobilis & ampliss. vir Carolus de Outselar Consiliarius : verum ex his quæ nunc diximus, faciliè intelligent. Quod autem quidam putant, particulas illas in seipsis quasi multiplicandas, ut integrè in diuersis corporibus esse possint, sicut Christi corpus in augustissimo Eucharistiæ mysterio est in pluribus locis ; absurdus est quàm ut refutatione egeat.

Quartò, Multa quoque in corporibus eorum qui vel mutili vel manci fuerunt, erunt supplenda ; quod credibile futurum ex ijs particulis, quæ aliquando eidem corpori iunctæ fuerunt, & postea per calorem naturalem diffusæ : quomodo Angeli has cognoscent & seligent ? Omitto alia multa, quæ in hanc sententiam dici possent.

122 Ex quibus patet, etiamsi Angeli seruire possint in quibusdam cineribus colligendis, (quod satis est ad Doctorum illorum sententiam sustinendam ;) non tamen in omnibus particulis quæ ad corporis totius constitutionem pertinebunt. Itaque valde credibile est, hoc totum virtute diuina peragendum, cui omnes illæ particule notissimæ : quæ omnes illas ex infinitis locis, etsi infinitis rebus permixtæ sint, potest imperceptibili tempore in vnum locum

colligere, sicut partes illæ, ex quibus corpus Adami, compactum & formatum à solo deo coactæ. Nec obstat, quòd Dominus dicat se *missurum Angelos cum tuba, qui colligent electos à quatuor ventis*, (vnde colligunt quidam Doctores collectionem cinerum per Angelos faciendam) quia non loquitur de collectione cinerum, sed electorum iam resuscitatorum, qui ex omni plaga mundi resurgent. Hæc tamē collectio cinerum seu particularum ex quibus corpus formandum, non fiet in puncto temporis Mathematico: nihil enim opus est tam stupendo miraculo. Si enim fieret in puncto, vel transferrentur illæ particulæ per medium, vel sine medio. Per medium transferri nequeunt; quia eodem temporis puncto deberent esse in omnibus locis mediis, & simul in termino. quod sine replicatione & quasi multiplicatione illarum fieri nequit. Neque etiam sine medio transferri possunt, nisi in termino à quo desinant conseruari, & in termino ad quem eodem temporis puncto reproducantur. Quæ omnia etsi Deo possible, tamen minimè necessaria. Itaque sufficit vt in tempore fiat hæc translatio seu collectio, quod tamen ob breuitatem fit imperceptibile.

Collectio cinerum non fiet in puncto temporis, sed tempore breuissimo & imperceptibili.

123 In quem verò locum sint hæ particulæ congregandæ, incertum est. Credibile, congregandas ad monumenta, vel si non habuerunt monumenta, in eum locum vbi plus materiæ illius corporis remanserit. Posita hac materiæ collectione, subito diuina virtute omnia corpora formabuntur, & accipient dispositiones animæ suæ congruētes. Non tamen fiet hæ formatio in instanti, quia requirit motum localem, sed tempore imperceptibili, in cuius ultimo instanti in quo ipsa formatio complebitur, vnietur anima corpori, & complebitur resurrectio. Vnde si resurrectio accipiatur pro vnione animæ cū corpore, fiet in instanti: si autem accipiatur pro tota illa operatione, qua particulæ colliguntur, & in corpus humanum formabuntur, sicut passim accipi solet, fit in tempore, sed breuissimo & imperceptibili.

Formatio corporum non fiet in instanti.

Petet aliquis, Vtrum non solùm corpus, sed etiam singula membra, viscera & artus debeant formari ex iisdem particulis materiæ, quibus antea constiterunt? S. Augustinus in Enchiridio cap. 89. putat id non esse necessarium, exemplo statuæ quæ refusa est eadem, etiam si membra eius non iisdem materiæ partibus constent: simili modo sufficere, vt sit eadem materiæ massa, qua corpus constabit, etiam si membra non iisdem constent. Verùm contrarium tenendum est: alioquin non essent eadem ossa, eadem venæ, artæ-

Singulis membris sua constituitur materia.

riæ,

riæ, nerui, eadem viscera, eadem membra, idem pectus, idem caput, eadem pellis, eadem caro; non enim eadem esset materia illarum partium post resurrectionem, quæ antè fuit: ac proinde non esset idem numero corpus organicum, etiamsi totum corpus sit ex eadem materiæ massa. Deinde, nulla est ratio cur singulæ particulæ non restituantur suis membris & locis, cùm Deo id æquè sit facile, & planè necessarium sit ad perfectam identitatem corporis resurgentis. Non enim si materia sit diuersa, erit verum dicere, eadem numero membra, eadem ossa, eandem carnem resurrecturam; quod Scripturis non est consentaneum. nam Iob 19. dicitur: *Rursum circumdabor pelle mea, & in carne mea videbo Deum meum: quem visurus sum ego ipse, & oculi mei conspècturi sunt, & non alius.* Loquitur de pelle, carne & oculis quæ tunc habebat. Statua refusa non est eadem numero, sed specie tantùm, nam forma diuersa numero, & membrorum materia similiter. Denique non solùm singulæ particulæ materiæ suis membris & locis restituentur, sed etiam formæ eadem partiales: alioquin non esset eadem numero caro, idem os, idem cerebrum, &c. Formas etiam accidentarias credibile est easdem fore, quantum conditio corporis ad incorruptibilem & gloriosum statum perfectè reformati patitur: omnes enim resurgent perfecti & integri, etiamsi hîc fuerint mutili: omnes in statu perfectæ ætatis, in quo creati primi parentes. Nulli ibi corpore pusillo, vt nani, vel infantes: nam id prouenit ex defectu materiæ, vel virtutis seminalis, vel ætatis, estque magnæ naturæ imperfectio. Oportet vt illud opus, quod proximè solius Dei manu plasmabitur, sit omnino perfectum, absque vllò naturæ defectu, non solùm in electis, sed etiam in reprobis: vt docet D. Thom. in 4. d. 44. etsi in electis credibile sit, etiam naturalia fore magis eximia quàm in reprobis.

125 Tria supradicta opera, nempe collectio cinerum, formatio corporum, vnio animarum cum suis corporibus, & consequenter resurrectio, peragentur ad nouissimæ tubæ sonitum, vt constat ex Apostolo 1. Corinth. 15. quitalis erit, vt statim ab omnibus toto orbe exaudiatur. Nam immediatè ante resurrectionem incipiet, & post resurrectionem continuabitur saltem tam diu, vt ab omnibus iam excitatis exaudiri possit: nam vt Dominus ait Ioan. 5. *Omnes qui in monumentis sunt audient vocem filij Dei*, id est, omnes mortui audient vocem quæ imperio Christi ab Angelis die nouissimo edetur; & omnes qui audierint, viuent, id est, statim vitam in corpore

*Sonitus tubæ
audietur à
mortuis.*

accipient, & sic resurgent. Vbi etiam indicatur, mortuos audituros hanc vocem ante resurrectionem, & per hanc vocem auditam excitandos ad vitam. Caietanus in hunc locum, putat sermonem esse metaphoricum, vt mortui dicantur audire, non quòd sint percepturi illam vocem, sed quia instar audientium, voci obediunt, & resurgent. Sed verius videtur, mortuos audituros hanc vocem ante resurrectionem, non auribus corporis, sed vi animæ, quæ etiam suum auditum habet, quo voces percipere & audire possit; sicut Angeli & dæmones voces audiunt: alioqui non benè intelligi potest, quid sibi velit illud, *& qui audierint, viuent: ταυτολογία*, si sic exponas, qui obedierint voci, viuent. taque mortui corpore, ratione animæ dicuntur audire. Ad hunc auditum subito animæ sistentur suis corporibus, tamquam vi istius vocis impulsæ, & eadem celeritate ipsa corpora componentur, & animæ vnientur; & ita eandem vocem etiam auribus corporis percipient. Hinc colligimus, hanc vocem fore causam resurrectionis non physicam, sed moralem: nam ex vi diuini decreti habebit sibi annexam & quasi vnitam diuinam potentiam, eamque applicabit ad hunc effectum producendum. Simile fuit in voce Domini, cùm Lazarum excitans dixit: *Lazare, veni foras*; vel cùm adolescenti, *Adolescens, tibi dico, surge*; vel puellæ, *Talitha cumi. Puella surge*. Per hanc enim vocem, omnipotentiam suam ad hunc effectum applicauit, & ipsi mortui per animam hanc vocem percipere.

Vocetuba
fiet congregatio electo-
rum;

126 Hac voce congregabuntur electi ex omni parte orbis ad locum ipsis destinatum in Iudicio, sicut olim apud Iudæos sono tubarum solet fieri congregatio: quod statutum à Domino Numeror. 10. Indicat id Dominus Matth. 24. cùm ait: *Mittet Angelos suos cum tuba, & voce magna, & congregabunt electos eius à quatuor ventis, à summis calorum vsque ad terminos eorum*. At quomodo congregabunt eos, nisi conuocando tubarum sono? Non enim opus erit eos transferre, cùm dote corporis gloriosi spontè possint Christo obuiam occurrere, & rapi in aëra. *Congregabunt eos à quatuor ventis*, id est ab Oriente & Occidente, Meridie & Septentrione, hoc est, ex omni orbis parte; nam vbique fiet resurrectio. Idem significatur illis verbis: *A summis calorum*, &c. Græcè ἀπ' ἀκρων ὀρεων, id est, *ab extremis celis*; ἀκρæ enim significat extrema quælibet, siue sint summa, siue infima, siue dextra, siue sinistra. Noster Interpres passim vertit *summa*; vt Deuter. 4. 32. Psal. 18. 6. 7. Marc. 13. 27. Vnde sensus est: *Congregabunt electos ab extremis ca-*

lorum usque ad terminos eorum: id est, quotquot ab vno extremo usque ad alterum inuenientur. Porro idem est, *ab extremo cali, & ab extremo terre*, ut patet ex Marco loco notato: quia cælum videtur coniungi terræ in horizonte, & superficies terræ vndique ad cælum extendi. Loquitur enim Scriptura populariter, non Philosophicè.

127 Petes, Vtrum plures sint futuræ tubæ, an vna tantum, qua omnes excitentur? Plures fore docet Chrysostomus 1. ad Thessal. 4. Oecumenius ibidem, & S. Anselmus in Elucidario. Hoc puto verius; nempe, plures fore per orbem (etsi fortè vno loco tantum sit vna) ut vbiq; mortuis supra caput intonet: nam etiam apud Antipodes audiri debet. Deinde si vnica foret, non nisi longo tempore sonus eius per orbem deferri posset; ut patet ex tonitru, & bombo tormentorū. Atqui simul vbiq; exaudiri debet, ut simul fiat omnium resurrectio & immutatio viuentium.

*Plures erunt
tubæ per or-
bem.*

Dices, Miraculo vbiq; simul exaudiendam; nam etiam apud inferos audietur. Respondeo, Non auribus corporis ibi audiendam, sed spiritali modo, sicut à demonibus audiuntur inuocationes magorū: ad quod opus non est sonum procul deferri. Deinde, idem probari videtur verbis Domini suprà allatis: *Mittet Angelos suos cum tuba & voce magna, & congregabunt electos eius*. Si vna tantum erit tuba, non opus erit mittere multos Angelos, quia vnus solus sufficiet qui tubā inflabit: nam per tubam fiet electorum congregatio. Itaque plures erunt tubæ, & plures Angeli, qui ad iussu Archangeli eodem momento vbiq; terrarū tubas suas inflabunt: sicut ad iussu præfecti in naui omnes remiges simul in remos cōsurgūt. Hanc enim similitudinem insinuat Apostolus 1. ad Thessal. 4. cū ait: *In iussu, & in voce Archangeli, & in tuba Dei descendet de celo. In iussu*, Græcè *ἐν κελεύσματι*, quod propriè significat imperium & adhortationem præfecti in nauibus, ut remiges in remos alacriter incumbant. Vtrum autem huic tubæ coniungenda sit vox articulata: *Surgite mortui, venite ad Iudicium*, incertum est. Vtraque pars suos habet Auctores. Caietanus, Iansenius, Maldonatus, & multi alij negant. Ipse enim tubæ sonus hoc ipsum sufficienter significabit, ut non sit opus alia voce: sicut etiam significabit aduentum Iudicis. Nec obstat illud, *cum tuba & voce magna*: quia illud & non habet vim copulæ, sed expositionis. & textus Græci habent, *cum tuba vocis magnæ*. Quod verò ad reprobos attinet, opus erit pluribus Angelis: quia, ut Do-

Matth. 13. minus ait: *Exibunt Angeli, & separabunt malos de medio iustorum: nimirum ut transferant ad Iudicii locum. quod breuissimo tempore ab vno peragi nequit. Itaque ad congregandos electos, solum opus erit Angelis illis qui tubas inflabunt: ad reprobos verò, quia seipso transferre non poterunt, opus erit aliis qui illos transferant. Quidam putant hos transferendos per dæmones. Sed reus reum sistere nō solet: nec ipsi possent tanta celeritate. Fiet ergo per Angelos Iudicis ministros ac satellites, non sine speciali diuinæ potentia auxilio, ut res celerrimè transigatur.*

Vallis Iosaphat locus Iudicii.
Act. 1. 11.

Matth. 13.
& 24.
Apoc 14.

128 Quod ad locum attinet in quo congregandi reprobi, communis sententia Patrum & Doctorum est, esse vallem Iosaphat, quæ est iuxta montem Oliueti prope Ierusalem. Colligitur ex c. 3. Ioëlis. *Ecce, inquit, in diebus illis, & in tempore illo cum conuertero captiuitatem Iuda & Ierusalem (id est, cum Iudæi fuerint conuersi:) congregabo omnes gentes, & deducam eas in vallem Iosaphat: & disceptabo cum eis ibi super populo meo, & hereditate mea Israel.* Et infra: *Consurgant, & ascendant gentes in vallem Iosaphat: quia ibi sedebo ut iudicem omnes gentes in circuitu.* Quibus locis agi de extremo Iudicio, manifestum est ex toto illo capite: agitur enim ibi de temporibus nouissimis quibus conuertentur Iudæi, & exercitus impiorum cum Antichristo delebitur, & erunt signa in sole, luna, & stellis; & messores Angeli falcem in messem immittent, & vindemiam vineæ humani generis facient, & torcularia impiorum sanguine ac suppliciis redundabunt. Quæ omnia ad extrema tempora pertinere, etiam ex Euangelio & Apocalypsi constat. Itaque in valle Iosaphat fiet hæc congregatio. Congruit id etiam aliis mysteriis; nimirum, ut in illa regione ipse iudicet omnes, vbi pro omnibus ipse iniquè iudicatus: ibique conspiciatur eius maiestas, vbi antea visa est eius abiectio & humilitas: ut ibi descendat de cælo, vnde ad cælum ascendit; & sic totum opus salutis nostræ eodem loco quo inceptum & prouectum est, compleatur & terminetur. Indicarunt id ipsum Angeli, quando Dominus ad cælum ascendit. Denique Iudæa in medio terræ. Non tamen existimandum, omnem illam multitudinem hac valle continendam: satis est ibi meditullium constitui, etiamsi per plurima milliaria in omnem partem se diffundat.

Act. 1. 11.

129 Dices: Iosaphat idem est quod *Dominus indicauit*; ergo quiuis locus Iudicii potest dici vallis Iosaphat, quia est vallis in qua Dominus iudicabit. Respondeo: Si etymon spectemus, verum est. Si-

mili modo quivis locus in quo Christus nasceretur, posset dici Beth-lehem, id est *domus panis*; quia Christus est panis: non tamen idcirco dubium erat vbi Christus nasciturus esset; quia eo nomine peculiari-ter certum oppidum vocabatur. Quare cum Scriptura dicat Iu-dicium futurum in valle Iosaphat, & vna tantum sit vallis quæ sic peculiariter appellatur; de illa id intelligendum. Alioquin plurimæ Scripturæ per nomina Hebraicorum interpretati, nem-eludi poterunt, vel incertæ reddentur. Vide Iosephum à Co-lla lib. 4. De temporibus nouissimis c. 13. & 14. vbi etiam hanc sen-tentiam confirmat, ex cap. 14. Zachariæ. Indicat enim Zacharias montem Oliuarum (iuxta quem vallis Iosaphat) scindendum in quatuor partes, vt fiat maxima planities, in qua excipiantur iu-dicandi.

CAPVT XXII.

De comparitione Iudicis, eiusque sententia.

130 **T**RIA nobis hîc sunt explicanda: maiestas Iudicis, reorum discussio, & sententiæ prolatio. Quod ad primum attinet; simulatque omnes iudicandi congregati fuerint, reprobi quidem in valle Iosaphat, electi verò in aère, incipiet in sublimi comparere Iu-dex sensim descendens cum summa potentia & gloria, circumdatus nubibus. Colligitur ex verbis Domini: *Tunc videbunt Filium hominis* Match. 24. *venientem in nubibus cali cum virtute multa & maiestate.* item: *Cum ve-* Cap. 25. *nerit Filius hominis in maiestate sua, & omnes Angeli cum eo, tunc sedebit super sedem maiestatis suæ, & congregabuntur ante eum omnes gentes.* Ea-dem habentur apud Marcum & Lucam. Idem insinuauit Dominus Marci 13. *cum staret coram Concilio Iudæorum iam comprehensus Verumta-* Lucæ 21. *men, inquit, dico vobis, a modo videbitis Filium hominis sedentem à dex-* Matth. 26. *tris virtutis Dei, & venientem in nubibus cali.* Vbi tangit duo loca Scri-pturæ, quæ hanc eius gloriam declarant: quorum alter ex Psalm. 109. alter ex cap. 7. Danielis. idem multis aliis Scripturæ locis insinuatur. 131. Ex quibus septem circumstantiæ colliguntur, quæ multum ad Iudicis maiestatem facient.

Primo, Quod signum Crucis illustri & augusta specie apparebit in cælo. indicat hoc Dominus, cum ait: *Tunc parebit signum Filij* Septem cir-
cumstantiæ
ad maiestatem
Iudicis por-
tinentes.
Matth. 24.
hominis in cælo. per quod signum omnes fere Patres & Doctores

intelligunt *signum Crucis*: qui planè est sensus Ecclesiæ, quæ in Officio canit, *Hoc signum crucis erit in cælo cum Dominus ad iudicandum venerit*. Quidam putant, ipsam crucem in qua Dominus pependit, diuinitus instaurandam, & ibi apparituram. Verùm ad hoc opus esset multis miraculis, quæ sine necessitate non sunt multiplicanda. Deinde, hæc minor est quàm vt toti orbi possit esse conspicua. Tertiò, nõ apparebit vt adoretur, (ad quod ea quam Dominus suo cruore consecrauit videretur aptior;) sed vt maiestatem Iudicis repræsentet, & iniquos confundat & redarguat. Denique, non dicitur *CruX Christi* apparitura in cælo, sed *signum crucis, signum Filij hominis*. Vnde verisimilius est, ex aëre vel nubibus formandam ingentem quamdam & lucidam Crucis figuram, quæ ab omnibus conspici lōgissimè possit. Multi Patres dicunt illam fore splendidiorẽ sole. Hoc signũ vel ante ipsum Iudicem aduentantem ab Angelis deferetur, sicut ante Imperatorem labarum & insignia Imperij deferri solent: vel certo loco fixa in cælo ante Iudicis aduentum cōspicietur, vt omnibus sit indicio ipsum mox adfuturũ. Multa hæc CruX significabit. Primò, Iudicem per crucem sibi hanc gloriam & potestatem iudiciariam comparasse. Secundò, Ipsum pro salute omniũ crucem sustinuisse; ac proinde esse inexcusabiles, qui tantam misericordiam neglexerũt. Hinc maximè turbabuntur Iudæi & Gentiles, qui Christo & sectatoribus eius crucem improperebant, & eos persequabantur. Tertiò, Omnes Crucifixi cultores & amatores iam esse exaltandos, & omnes eius ossores deprimendos. Non est dubitandum, quin hæc apparitio sit futura valdè mirabilis, & magnos motus animorum, præsertim in impiis, excitatura; cum Dominus speciatim huius rei meminerit, & addat; *Tunc plangent omnes tribus terræ*, nempe omnes iniqui aspectu Crucis exulcerati & perturbati.

Thomas
V Valdensis
10m 3. c. 158.

Chrysost.
Theophyl.
Euthymius.
Ephræm.
Methodius.

In corpore
glorioso.

132. Secundò, Quòd Iudex apparebit in corpore glorioso, supra solis fulgorem splendido. Insinuatur id, vt quidam volunt, Isaia 24. *Erubescet luna, & confundetur sol, cum regnauerit Dominus exercituum*. quasi dicat, Ita vincet maiestas & splendor Christi splendorem solis, vt sol meritò possit erubescere. Puta tamen alium esse istius loci sensum, & Prophetam loqui de obscuratione istorum luminarium instante Iudicio. Idem indicatur apud Euangelistas, cum dicitur *Venturus cum maiestate*; id est, cum gloria: Græcè enim est, *μετὰ δυνάμεως ἡ δόξης πολλῆς*, cum potestate & gloria multa. quam gloriam noster Interpres sæpè claritatem vocat. Et sanè si iusti tam-

quam sol fulgebunt in regno Dei, multò magis ipse Dominus iustorum.

Tertiò, Quòd veniet comitatus omnibus Angelis, vt apertè habetur apud Matthæum: *Cùm venerit filius hominis in maiestate sua* (in gloria sua) & omnes Angeli cum eo. idem significatur cùm dicitur *venturus cum virtute multa, siue cum potestate magna*; significatur enim exercitus Angelicus cum quo descendet, qui erit innumerabilis. Valde credibile est, Angelos omnes apparituros in corporibus splendidis; alioqui hæc Christi gloria & potentia non posset videri ab impiis, quorum tamen causa præcipuè exhibebitur; neque externam eius maiestatem, (quam describere vult Scriptura) ille exercitus auge-
Cum omni-
bus Angelis:
Matth. 25.
Omnes An-
geli in corpo-
ribus splen-
didis appare-
bunt.

ret. Cùm ergo innumerabilis sit Angelorum multitudo, longè late-
que supremas aëris regiones vndique per multa millia miliarium vs-
que ad cælos ipsos replebunt, & immensi exercitus speciem præbe-
bunt. His accedet ex parte dextra innumerabilis multitudo electo-
rum in corporibus gloriosis, qui omnes similes erunt Angelis. Vnde
impij in terris eos ibi cum Angelis videntes dicent: *Ecce quomodo* Sap. 5:
computati sunt inter filios Dei, & inter Sanctos fors illorum est. Filios Dei
& Sanctos vocant Angelos, quos cum Iudice viderunt descenden-
tes. His omnibus tamquam ministris & satellitibus Dominus cinctus
erit. Ab his omnibus tamquam Dominus, & Rex, & Deus adorabi-
tur, iuxta illud Psalm. 96. *Et adorent eum omnes Angeli eius*, quod in se-
cundo aduentu adimplendum indicat Apostolus ad Hebr. 1.

133 Quartò, Quòd venturus cinctus nubibus. Hoc multis locis
Scriptura commemorat, tamquam ad maiestatem Iudicis mirificè
faciens, vt Danielis 7. *Aspiciebam in visione noctis, & ecce cum nubibus*
cæli quasi filius hominis veniebat. Idem habetur apud Matthæum,
Marcum, & Lucam. Idem Dominus coram concilio ex Daniele
produxit. Denique, sicut cùm ascendit in cælum, nubes eum sus-
cepit; ita in nubibus descendere debet. Putant aliqui, has nubes fore
procellosas, ignem & fulmina iaculantes, iuxta illud Psalm. 49:
Ignis in conspectu eius exardescet, & in circuitu eius tempestas valida.
quam sententiam probat Barradius, si dicamus, partes superiores
harum nubium fore splendidas, inferiores procellosas, igne & fulmi-
nibus grauidas.
Cinctus nu-
bibus.
Act. 1.

Quintò, Quòd sessurus in sede maiestatis sue, vel vt Græcus ha-
bet, *in throno gloriæ suæ*: Matth. 25. Christum in Iudicio sessurum
in throno Scriptura multis locis docet: Daniel. 7. *Aspiciebam dones*
Sedebit in
throno auzi-
ssimo.

throne posui sunt, & antiquus dierum sedet. hinc Danieli ostensi duo throni iudiciorum, alter pro antiquo dierum, quo significatur Deus Pater, vel ipsa Diuinitas in tribus personis subsistens, & inuisibiliter iudicans; alter pro Filio hominis cui Pater omne iudicium dedit, nempe ut visibiliter iudicet. Apoc. 20. *Vidi thronum magnum candidum, & sedentem super eum, à cuius conspectu fugit terra & celum, & locus non est inuentus eis.* Hoc dupliciter intelligi potest. Primò, tantam fore maiestatem & gloriam sedentis in illo throno, ut quidquid est in cælo, & in terra, comparatione illius sit instar nihili. quod verum est, si Diuinitas eius consideretur. Secundò, tantam fore eius maiestatem & potentiam, ut ad eius imperium terra & cælum sint peritura, amissa pristina forma, seu specie externa, & in nouam commutanda, iuxta illud Apoc. 21. *Et dixit qui sedebat in throno: Ecce noua facio omnia.* Forma huius throni erit augustissima, qualis decet maiestatem tanti ludicis.

Matth. 25.
Omnes ante
illum con-
gregandi.

134 Sextò, *Quòd ante illum*, id est, coram illo, congregabuntur omnes gentes, nimirum omnes, quotquot ab initio mundi vsque ad finem toto orbe extiterunt. Neque solùm omnes gentes, sed etiam omnes dæmones. itaque tota natura rationalis ibi aderit. Idem multis aliis Scripturæ locis habetur. Psal. 85. *Omnes gentes quas cumque fecisti, venient, & adorabunt coram te Domine, & glorificabunt nomen tuum.* ad Rom. 14. *Omnes stabimus ante tribunal Christi. scriptum est enim: Vno ego, dicit Dominus, quoniam mihi flectetur omne genu, & omnis lingua confitebitur Deo.* Neque solùm aderunt omnes homines, sed etiam omnes dæmones: nam & hi quoque publicè iudicandi. Insinuatur id Psal. 109. *Donec ponam inimicos tuos scabellum pedum tuorum.* Omnes inimici Christi (inter quos dæmones imprimis) tunc erunt subiecti pedibus eius instar scabelli: omnes ut Rei pedibus Christi substrati iacebunt, ipse in sublimi solio sedebit ut Iudex. Tunc in nomine Iesu

Philip. 2:

omne genu flectetur, celestium, terrestrium & infernorum (id est, omnes illum & homines, & dæmones, & Angeli sancti adorabunt) & *omnis lingua confitebitur illum esse in Gloria Dei Patris.* id est, illum esse filium Dei, & consortem gloriæ paternæ. Tunc implebitur illud quod dixit

Matth. 26.

Dominus Caiphæ & Concilio Iudæorum: *Videbitis Filium hominis sedentem à dextris virtutis Dei*, id est, in ea gloria, ut iudicetis illum esse consortem eiusdem throni & potestatis. Mirabile spectaculum, in sublimi aëre videre in corpore glorioso sedentem in throno splendido, circumfusus innumeris Angelorum legionibus totum hemisphæ-

sphærium usque ad cælum occupantibus, stipatum ad dextram immenso beatorum hominum exercitu, qui omnes instar solis splendebunt: infernè in terra ad sinistram, infinitam multitudinem damnandorum humi prostratam, gementem, ululantem, vociferantem, quæ superficiem terræ longè lateque occupabit; furentibus in eos dæmonibus, & omnem rabiem suam in miseros illos effundentibus. Valdè enim credibile, etiam dæmones in corporibus apparituros: vel quia alioqui ab impiis videri non possent, vel quia pertinet ad Christi gloriam & impiorum confusionem ut videantur.

135 Septimò denique, ad gloriam Christi Iudicis faciet, quòd ipse non iudicabit alienos subditos, sicut Proreges & Gubernatores à supremo Principe constituti; sed proprios seruos: omnes enim & Angeli & homines eius serui sunt. Angeli tam boni quàm mali triplici titulo. Primò, Ratione creationis; & sic sunt serui Christi, quatenus ipse est Deus & creator omnium. Secundò, Ratione vnionis hypostaticæ: per hanc enim iste homo secùdum naturam humanam factus est omnium Dominus per excellentem potestatem & ius eminentissimum inter omnia iura & potestates quæ infra ius Diuinitatis cogitari possunt. Tertiò, Ratione meriti, quatenus se humiliando usque ad mortem crucis, meruit exaltari supra omnia, & fieri omnium Dominus & Iudex, ut Apostolus ait ad Philip. 2. & ad Rom. 14. v. 9. & 11. non quòd alia sit dignitas aut potestas quam habet ex vi vnionis hypostaticæ, alia quam accepit ex merito suæ humiliationis & obediëntiæ; sed quia hanc duplici titulo habet, & ex merito accepit ius exercitium, ut indicatur illis verbis Matth. 28. *Data est mihi omnis potestas in celo & in terra.* & ad Philip. 2. Homines verò sunt subiecti Christo quadruplici titulo: nam præter hos prædictos est titulus redemptionis, quatenus pro illis pretium Sanguinis sui dedit, ut eos à morte liberaret, & sibi seruos efficeret. Itaque iudicabit proprios seruos, & propria auctoritate quam à se habet, nempe à sua persona & suo merito. Hæc de gloria Iudicis.

*Suos subditos
ut seruos iu-
dicabit, non
alienos.*

*Angeli tri-
plici titulo
serui Christi.*

*Homines
quadruplici.*

136 Sequitur ut dicamus de iudicandorum discussione. Sicut inter homines, Iudice sedente pro tribunali, adductis illis qui pœna vel præmio afficiendi, proponuntur facta singulorum publicè coram omnibus, ut omnes ea intelligant, & videant sententiæ æquitatem: ita in magno illo & supremo tribunali publicè proponentur omnium facta, dicta, cogitata, quæ præmio vel pœna digna; ita ut

*Discussio iu-
dicandorum.*

M m m

omnes & singuli de quouis intelligere possint, quid boni vel mali tota vita fecerit. Hæc manifestatio vocatur discussio & examē Iudicis, quia pariet illam notitiam in omnibus, quæ per examen & multas interrogationes obtineri solet, & multò maiorem. Est quidam hæc res valdè stupenda, tamen de ea nullo modo dubitandum, cùm multis locis tradatur in Scripturis. Dan. 7. *Iudicium sedit, & libri aperti sunt.* id est, Iudex sedit, & mox omnium conscientiarum patefactæ, seu omnium opera, quorum sibi homo nunquam fuit conscius. In quem locum S. Hieronymus: *Conscientiarum & opera singulorum in utramque partem, vel bona vel mala omnibus reuelabuntur.* Apoc. 20. *Vidi mortuos, magnos & pusillos, stantes in conspectu throni; & libri aperti sunt: & alius liber apertus est qui est vita: & iudicati sunt mortui ex ijs quæ scripta erant in libris, secundum opera ipsorum.* Hic ponuntur duo libri, qui nunc quidē clausi, sed tunc aperientur, nempe, Liber vitæ & Liber conscientiarum. Liber vitæ est, in quo continentur nomina eorum qui vitam æternam obtinebunt, & eorum bona opera. hic liber est memoria diuina, in qua ista omnia singulari modo descripta. Iste liber aperietur eo ipso quo omnes saluandi resurgent in corporibus gloriosis, & rapiuntur obuiam Christo in aëra, ibique Iudici ad dexteram adstant: hinc enim omnes certissimè cognoscent quinam sint electi, & destinati ad vitam æternam. Liber conscientiarum nō est vnicus sicut liber vitæ, sed multiplex, pro multitudine iudicandorum: singuli enim ex propria conscientia & ex ijs quæ ipsi in sua conscientia scripserunt iudicabuntur. Denique Apostolus 1. ad Corinth. 4. *Itaque nolite ante tempus iudicare;* (nempe de ijs quæ nunc occulta sunt) *quoadusque Veniat Dominus, qui & illuminabit abscondita tenebrarum, & manifestabit consilia cordium; & tunc laus erit unicuique à Deo. Illuminabit abscondita tenebrarum;* id est, ea quæ nunc latent veluti in tenebris, (eò quòd à nobis sciri non possint) pone in lumine vt ab omnibus videri possint, sicut colores & formæ rerum quæ noctu latent in tenebris, sole illustrantur, & omnibus fiunt conspicuæ.

137 Petes, quomodo id fiet? Respondeo: Illuminando mentem cuiusque, tum circa propria facta, tum circa aliena; vt docet S. Augustinus lib. 2. De Ciuit. cap. 14. Ad quod requiritur primò, vt quilibet reducat in memoriam omnia bona & mala quæ nunquam fecit, cum omnibus circumstantiis necessariis. Secundò, Vt mentem illuminet ad ea secundum iustitiæ rationem æstimanda, vt quisque clarè intelligat quid mereatur. Tertiò, Vt singulos etiam illumineat

Hieronym.

Duo libri in Iudicio, liber vitæ & conscientiarum.

Quomodo Deus illuminabit abscondita tenebrarum. Augustin.

ad quorumvis aliorum opera cognoscenda & æstimanda, quæ perinde illi obiicientur, ac si ipse ea perpetrari vidisset, eaque haberet in recenti memoria: obiicientur enim cum suis circumstantiis, sicut re ipsa gesta fuerunt. Neque solum opera externa, sed etiam internæ cogitationes & volitiones, vt apertè indicat Apostolus cùm ait, *Manifestabit consilia cordium*. Itaque patebunt omnes rectæ & prauæ cogitationes, omnia desideria, omnes intentiones ex quibus opera externa prodierunt: non tamen ista videbuntur intuitiue, præsertim cùm præterierint, & modò non extent; neque tam sublimis illustrationis modus est necessarius; sed eo modo cognoscentur, quo cognoscimus ea, quorum perfectam habemus recordationem, vt cùm quis vidit prælium, vel quid aliud exterius geri, in eo manet quædam notitia habitualis per quam postea sibi ponit idem ob oculos mentis perinde ac si præsens intueretur: vnde sicut recordatio similis est notitiæ intuitiue, quia rem ponit ob oculos cum circumstantiis loci, temporis, personarum, &c. ita hæc notitia eidem similis erit. Vt autem quis recorderetur suarum cogitationum vel desideriorum præteritorum, non est necesse vt illa intuitiue viderit, vel secundum specificam essentiam cognouerit; sed satis est vt ea confuse apprehenderit, sicut solemus actus nostros internos apprehendere: ex tali enim apprehensione manet quædam notitia habitualis, quam vocamus memoriam, per quam possumus post longum tempus eadem rursum actu cognoscere recordando. Similis notitia inferetur mentibus singulorum circa omnes actus etiam internos aliorum, ita vt quilibet possit clarè cognoscere, quid boni vel mali quisque patrarit. Hac manifestatione posita, non opus erit aliis scriptis vel testibus: ipsa enim conscientia & lumen internum, quo quisque videbit sua scelera, accusabit ipsum, & simul contra ipsum testabitur & reum peraget, ita vt exterius non audeat negare. quod apertè insinuat Apostolus ad Rom. 2. cùm ait: *Inter se inuicem cogitationibus accusantibus, aut etiam defendentibus, in die cùm iudicabit Deus occulta hominum*. Deinde sicut cuique sua peccata patebunt, ita etiam toti mundo manifestæ erunt & toti mundo notoria, perinde ac si in conspectu omnium essent patrata. Vnde sicut in iis quæ toti mundo & ipsi Iudici sunt notoria, nullus est locus tergiversationi, ita nec ibi erit. Denique videbit clarè, omnes cognoscere internam accusationem, qua consciëntia propria ipsum accusat & condemnat. Nullus modus efficacior conuincendi reum, & omnem tergiversationem adimendi potest excogitari.

Non videbuntur intuitiue: sed sicut ea quæ sunt in memoria.

Etiam peccata electorum erant manifesta.

138 Petes secundò, Vtrum etiam peccata electorum, quæ per pœnitentiam deleta fuerint, tunc ab omnibus sint conspicienda. Magister in 4. d. 43. probabilius putat non conspicienda: quia par est, ut ea quæ hîc recta per pœnitentiam fuerunt, ibi quoque recta sint. sed contrarium est Scripturis conformius: Matth. 10. *Nihil opertum quod non reuelabitur; & occultum quod non sciatur.* Ecclesiastæ ultimo: *Cuncta quæ sunt, adducet Deus in iudicium, siue bonum sit, siue malum.* hîc nulum opus malum excipitur. & Apostolus 1. ad Corinth. 4. *Nolite ante tempus iudicare quoadusque veniat Dominus:* ubi indicat, tunc de omnibus certò posse iudicari, de quibus modò non potest. Rationem addit, *quia tunc Dominus illuminabit abscondita tenebrarum.* non quædam tantum, sed omnia, ut de omnibus possit iudicari. Fauet etiam ratio: Quia omnia illorum bona opera sunt manifestanda, ac proinde illorum pœnitentia, & confessio peccatorum, & austeritas vitæ in satisfactionem pro peccatis suscepta. hoc enim necessarium est, ut intelligatur iudicij æquitas. Deinde manifestari debet misericordia & gratia quam eis Deus præstitit in hac vita, per quam datum est illis à peccatis resurgere, & salutem consequi: hoc enim maximè pertinet ad gloriam Dei, ut sciatur, totum electorum bonum potissimum ex ipsius provenire gratia. Neque hinc aliquo pudore afficientur (quia hunc beatitudinis status excludet) sed magis seipsos humiliabunt, & omnia sua bona Dei misericordix adscribentes, eidem gratias agent.

Probatio sententia.

139 Facta plena discussione & operum manifestatione, proferet Iudex sententiam. Primò in electos, qui erunt ad dexteram in sublimi, audientibus & videntibus omnibus reprobis: *Venite benedicti Patris mei, possidete paratum vobis regnum à constitutione mundi, ut habetur Matth. 25.* Hæc sententia sensibili voce ferenda à Domino, ut passim Doctores tradunt; tum ut à reprobis intelligatur, tum quia iudicium inter homines sensibili modo fieri convenit, qui solus naturæ humanæ accommodatus. Iudex enim apparebit visibilis, & thronus erit visibilis, & iudicandi erunt visibiles, & sonitus tubæ quo excitabuntur & vocabuntur ad Iudicium, erit sensibilis; cur etiam sententia ipsa non sit sensibilis? idem dicendum de sententia quæ feretur in reprobos. Quod etiam colligitur ex verbis Isaia: *Labia eius repleta sunt indignatione, & lingua eius quasi ignis deuorans.* Et infra: *Et audiam facies Dominus gloriam vocis sue, & terrorem brachij sui ostendet in comminatione furoris, & flamma ignis deuorantis.* & Psalm. 67. v. 35. *Ecce dabit voci sue vocem*

Isaia 30.

virtutis, id est, faciet ut vox sua magnam vim habeat, non solum mortuos excitando, sed etiam eos iudicando.

140 Vocat *benedictos Patris sui*, quia à Patre dilecti, & ad æternam vitam electi, nempe propter mandatorum custodiam, & in bono perseverantiam, iuxta illud: *Si quis diligit me, sermonem meum servabit, & Pater meus diligit eum, & ad eum veniemus, & mansionem apud eum faciemus.* & rursum: *Qui diligit me, diligitur à Patre meo.* Loquitur enim de benedictione, non quam olim acceperunt in donis gratiæ, sed de futura in gloria, qua se dignos per eius auxilium præstiterunt, (quam & reprobi habere potuissent, si divinæ gratiæ, sicut facile poterant & debebant, fuissent cooperati) ut opponatur maledictioni quam sibi reprobi accersuerunt. *Possidete paratum vobis regnum.* κληρονομήσατε, tamquam hæreditatē possidete, nempe quia filij Dei estis. *Si enim filij, & hæredes.* Itaque regnum cæleste duplici titulo Rom. 8. lo iustis dabitur, ut apertè insinuatur in hac sententia: nimirum ut hæreditas filiis, ut patet ex verbo κληρονομήσατε; & ut merces vel præmium benè operantibus, cum additur; *Esuriini enim, & dedistis mihi manducare, &c.* Insinuatur etiam firmitas & perpetuitas regni in verbo illo *possidendi hæreditatem.* Nomine *regni* intelligitur cælum & omnia bona, quibus in cælo fruuntur Sancti, visio & fruitio Dei, societas Sanctorum, dotes corporum, affluentia bonorum omnium. *A constitutione mundi.* Vbi indicatur, mundum esse conditum propter gloriam Sanctorum, ut ipsi in æternum sint beati in cælo, & participes bonorum diuinorum. Porro tribus modis paratum est Sanctis regnum: Primo, ab æterno in prædestinatione diuina. idè enim SS. Trinitas ab æterno in diuino & arcano suo consistorio consilium cepit condendi mundi, & homines in mundo, ut eos faceret participes suæ beatitudinis, & omnium suorum bonorum & gaudiorum in cælo. Secundo, in creatione, quando non solum iste mundus inferior, sed etiam cælum supremum, quod Empyreum vocatur, & sedes est Beatorum, conditum est. Tertio, per mortem Domini, per quam cælum usque ad illud tempus clausum, est patefactum, iuxta illud Ioannis 14. *Vado parare vobis locum.* Hac sententia prolata, mirabitur Sanctorum lætitia & gratiarum actio. Omnino credibile est, omnes in genua vel etiam in faciem procubituros, ut Iudicem adorent, eique gratias agant, quòd tantum bonum ipsius potissimum meritis & Sanguine eis obuenerit; ut ex iis quæ Apocalypsis 5. & 7. habentur, colligi potest.

Tribus modis Sanctis paratum est regnum.

141 His peractis, conuertet se Dominus terribili vultu ad impios ad sinistram in terra positos, & dicet: *Discedite à me maledicti in ignem aeternum, qui paratus est diabolo & angelis eius.* Duplex hinc poena indicatur, qua mulctabuntur impij, nempe poena damni, cum dicitur: *Discedite à me;* & poena sensus, cum dicitur, *In ignem aeternum, Maledictos* vocat, quod ipsi suis iniquis operibus se dignos & obnoxios maledictioni & suppliciis perpetuis reddiderint. Non dicit *maledicti Patris mei*, sicut antè dixerat, *benedicti Patris mei*, sed *maledicti* absolutè, quia maledictio à Deo originem non traxit, sicut benedictio: nam Deus non fuit iniquis causa prauorum operum, quibus sibi maledictionem accersuerunt, sicut iustis fuit causa bonorum operum, quibus benedictionem meruerunt; sed ipsi sibi, cooperante diabolo, causa totius mali fuerunt, iuxta illud Osee 13. *Perditio tua Israël, tantummodò in me auxilium tuum. Qui paratus est diabolo & angelis eius.* Hoc dicit, non quod etiam hominibus impiis ignis iste paratus non sit; sed quia primò paratus est diabolo & angelis, idque ante prauisionem peccatorum hominum. Vnde etiamsi homo non peccasset, nihilominus ignis iste præparatus mansisset, & æternus. Deinde, quia non statim homini peccanti paratus est ignis iste, sicut peccanti diabolo paratus fuit; quia concessum homini tempus poenitentiae, qua possit hunc ignem euadere, quod diabolo negatum. Hinc longo tempore solus diabolus cum angelis suis huic igni addictus fuit; nam primi homines multis sæculis viuebant, nec ante mortem ei addicebantur.

Vtrum causa addentur voce.

142 Petes, Vtrum istis duabus sententiis etiam voce addentur causæ, *Esuriui enim*, &c. Multi sic putant, quia Dominus Matth. 25. ista addit. Sed verius puto, hæc spiritali modo proferenda. Primò, Quia fortè inter Christianos (ad quos solùm istæ causæ pertinent) pauci sunt qui propter defectum operum misericordiae corporalium damnentur; cum nemo ad illa teneatur sub peccato mortifero, nisi in extrema & graui necessitate proximi. quæ rariùs ita occurrit vt hunc vel illum in particulari grauitè obliget. Secundò, Quia innumeri saluabuntur, qui ista bona opera non fecerunt, vt infantes, Religiosi, & pauperes. Tertiò, Quia multa sunt alia operum bonorum genera illis præstantiora, vt oratio, ieiunium, opera misericordiae spiritalia, vsus Sacramentorum, martyrium, ob quæ iusti saluabuntur. Nulla autem est ratio cur minùs laudabilia voce proferentur, præstantioribus silentio præteritis. Si dicas, omnia proferenda; non videtur probabile, quia res

esset infinita, præsertim cū alijs alijs bonis operibus fuerint excellētes. Denique, generalis bonorū & malorum commemoratio non sufficit vllō modo ad cognoscendā sententiā vtriusque æquitatē in particulari. Quare puto sufficere, vt hæ & aliæ causæ, ob quas hi saluantur, illi damnantur, spiritali modo præferantur, per ipsam operum omnium manifestationē, quæ præcedet sententiā, & durabit etiam post sententiā, ita vt omnes clarē intelligāt causas in particulari, ob quas quisque saluetur vel damnetur, & quantū præmij vel supplicij mereatur. Sicut enim in tribunali humano, lectis criminibus reorum, de quibus ipsi manifestē conuicti, fertur voce brevis sententia qua omnes simul condemnantur, ita in isto Iudicio vniuersali, postquam omnium operum manifestatio præcesserit, voce proferet Iudex vnā sententiā, quæ omnes iustos comprehendat, & aliam quæ omnes iniquos. Quanta verò pœna vel præmio quisque dignus sit, non intelligetur ex ipsa sententia externa, sed ex operum manifestatione, & interna reuelatione. Nec refert, quòd Dominus Matth. 25. formā Iudicij describens, meminerit potius operum misericordiæ, quàm aliorum: id enim fecit, vt homines, præsertim plebeios, qui ad maiora & spiritualia parum sunt comparati, in hac vita ad ea excitaret, vt quæ sint vtilissima ad obtinendam remissionem peccatorum, & ad conseruandam augendamque iustitiam. hæc autem ratio cessat in extremo Iudicio, quia tūc homines non erunt ampliùs ad opera misericordiæ excitandi.

*Probabilius
causas istas
vix non pro-
ferendas.*

143 Petes, Vtrum etiam paruuli qui sine Baptismo obierunt, ibi sint futuri, & quam sententiā habituri. Quidam putant eos ibi non futuros, ne sciant quid agatur & mœrorem concipiant, videntes gloriam Sanctorum, ad quam ipsi quoque conditi. Respondeo. Non videri dubitandum, quin ibi sint futuri. si enim cum alijs resurrecturi, cur non etiā cum alijs iudicandi? Colligitur ex Apostolo ad Rom. 14. *Omnes stabimus ante tribunal Christi.* & ad Philip. 2. *Vt in nomine Iesu omne genu flectatur, celestium, terrestrium, & infernorum.* hîc omnes creaturæ rationales tribus ordinibus comprehenduntur; vnde non potest tam innumerabilis multitudo excipi: longè enim plures erunt tunc illi, qui in ætate paruula sine remedio obierint, quàm modò toto orbe simul extant homines. Ad hunc enim numerum pertinent omnes qui ante vsum rationis per sex millia annorum inter infideles mortui, vt eos omittam qui apud Indos, vel apud Christianos in vtero vel ante Baptismum perierant. Itaque credibile est, hunc numerum facillè ad mille millions & ultra

*An paruuli
ibi futuri.*

*Durades in
2. d. 33. q. 3.*

excursurum. Si tanta erit multitudo, ubi abscondetur, si ibi non comparabit? quomodo impediatur ne scire possint quid in Iudicio agatur? non enim erunt ratione destituti. Quare dicendum est, ipsos ibi futuros, & omnia visuros & intellecturos quæ gerentur: audient enim tubam, & simul cum aliis in ætate perfecta cum perfecto iudicio & sensibus integris resurgent. Congregabuntur in vnum locum, seorsim tamen ab impiis, quia ad eorum sortem non pertinent, videbunt Iudicis maiestatem, eumque adorabunt: videbunt Sanctorum & impiorum congregationem, eorumque bona & praua opera cognoscent: audient sententiam Iudicis in utrosque, sibi que gratulabuntur quod non sint de impiorum numero: agent Deo gratias quod ante vsum rationis abrepti; quia longè maxima pars eorum, si ad ætatem venisset, in eandem damnationem incidisset, præsertim infidelium filij. Itaque non murmurabunt contra Deum, sed magnopere se illi obstrictos sentient, quod periculis tantorum malorum exempti fuerint. Excipient & ipsi sententiam Iudicis, sed benignam; qua, etsi à visione Dei & cælesti regno excludentur, tamen statum naturæ dignitati congruentem assequantur, quo contenti & læti, in omnem æternitatem viuant, & Deum laudent. 144. Congruit enim diuinæ bonitati, ut imaginem suam quæ nihil propria voluntate in ipsum peccauit, bonis ordinis naturalis excellēti modo perficiat in illa communi totius naturæ renouatione. Si enim terram, aquam, aërem, & cælestia corpora miro modo ornabit & extollet, prout congruit illi statui: cur non etiam animas istorum, quæ longè omnibus corporibus præstantiores? etsi enim peccatum originis reddat illos indignos gloria cælesti, quæ in visione Dei consistit; non tamen gloria & donis inferioribus ad ordinem naturæ pertinentibus. Vnde mihi fit verisimile, illos habituros insignem notitiam non solum rerum corporalium, sed etiam spiritualium, & cognituros vtrumque clarè & distinctè essentiam animæ suæ; & etiam naturas Angelicas, etsi non tam perfectè: videtur enim consentaneum, ut in illa renouatione ita illustrentur; ut proximè ad Angelicam perfectionem in cognoscendo accedant, & dono renouationis ita eleuentur, ut supremum inferioris attingat infimum superioris. Quod etiam ex eo confirmari potest: nam hoc ipso quo illæ animæ à corpore separatæ fuerunt, acceperunt notitiam intuitiuam spirituum; etsi non ita claram & distinctam, qualis est in Angelis: alioquin nec se ipsas cognoscerent, nec socias, sed planè essent instar cæcorum in altero sæculo. atqui hæc notitia

*Perficiuntur
in ordinem na-
turali.*

*Cognoscent
naturā ani-
mæ suæ clarè
& distinctè,
Angelos mi-
nus perfectè.*

in

in renouatione non auferetur, sed perficietur in illis, sicut & ceteræ perfectiones. Confirmatur secundò, Quia cùm sint conditi vt cognoscant, ament & laudent suum Conditorum, neque meriti sint priuari iis donis quibus id naturali modo præstent; non videtur dubitandum quin Deus illos ad hoc perficiet, illustrando intellectum, vt illum cognoscant ex rebus creatis. Vnde vt hæc cognitio possit ad perpetuum amorem & laudem Creatoris deseruire, oportet vt sit valdè insignis; ac proinde vt etiam insignem rerum corporalium & spirituum notitiam habeant, per quam ad excellentem Dei cognitionem assurgant. Et quamuis in hoc statu, dum sumus in corpore mortali, non possimus quidquam intelligere, nisi sub quodam idolo corporali: alia tamen erit ratio in statu illo immortali, vbi omnes vires perficientur, vt perfectas habere possint operationes: ille enim modus intelligendi est miserrimus, vt pote confusissimus, & hærens in externa superficie & accidentibus sensibilibus, ita vt nullius rei etiam minimæ naturam distinctè & clarè possimus intueri. Itaque longè perfectior in illa renouatione dabitur, vt innumerabilis ille infantium populus in suo ordine non sit otiosus, ne frustra in mundo esse videatur; sed vt ex cognitione sui & aliarum rerum creatarum, Auctorem suum & mundi totius illustri modo cognoscant, & cognoscendo ament, & laudent, & gratias ei de beneficiis acceptis in omnem æternitatem agant: vt sic Deus non solum in cælo, sed etiam in terris; nec tantum modo supernaturali & diuino, sed etiam naturali & humanæ naturæ accommodato, semper glorificetur. Hæc sanè sunt valdè rationi consentanea, & consona diuinæ bonitati. 145. Si enim, vt passim docent Doctores in 2. d. 33. diuina prouidentia ita cum illis agat, vt nullum sentiant mœrorem ob amissionem regni cælestis, eò quòd sua propria voluntate non peccauerint: cur non credamus ipsos excellenti modo perficiendos in ordine bonorum naturalium, infra dotes in substantia supernaturales, vt Deum cognoscere, amare, & in æternum laudare possint? quid enim aliud agant in illo statu aliis omnibus negotiis cessantibus? Confirmantur hæc omnia ex Doctores Scholasticis. S. Thomas in 2. d. 33. q. 2. a. 2. dicit eos *non parum participaturos de diuina bonitate & naturalibus perfectionibus, & fore coniunctos Deo naturalium bonorum communionem, & ita habituros gaudium de ipso ex cognitione & amore naturali.* Item amplectitur sententiam eorum qui docent, eos habituros perfectam cognitionem eorum quæ naturali cognitioni subiacent. Lyranus in cap. 4.

Ecclesiastæ, explicans illud, *Et iudicavi utroque feliciorum qui necdum natus est; dicit, eos habituros vitam iucundiorum quam in hoc mundo naturaliter haberi possit: & ita sentire omnes Doctores.* Scotus in 2.d. 33. q. 1. probabile censet, eos omnium rerum naturalium cognitionem habituros longè maiorem quam omnes Philosophi habuerunt. Marsilius in 2. q. 19. a

*Non habebūt
proprie beati-
tudinem na-
turalem.
August.
Ep 106. &
Hæres 88.*

5. dicit eos amatuos Deum super omnia. Idem plerique recentiores. Neque hinc sequitur, illos habituros beatitudinem naturalem, aut (ut aliquando asseruit Pelagius) illos fore beatos extra regnū cælorum; quia labes peccati obstat, quò minùs beatitudinem naturalem obtinere dicantur, etsi fortè omnia alia bona illius status habeant. Quod ad Pelagium attinet, is putavit eos verè beatos fore visione Dei, etsi extra regnum cælorum; quod est hæreticum. Nec obstat quòd aliqui veteres duriùs de paruulis senserint, & maximè S. Fulgentius De fide ad Petrum, cap. 27. quia res non erat adhuc satis discussa, nec pœna debita peccato originali satis cognita.

*Non erunt in
specu obscu-
ro.*

Quo verò loco futuri sint, incertum. Valdè credibile est, non fore concludendos in specualiquo profundo, horrido, & tenebricoso: in tali enim loco, resumpto corpore, sine graui afflictione, quam non sunt commeriti, esse non possent. Deinde cauitas ista deberet esse maxima, & latior amplissimo Regno, ut tanta multitudo commodè & absque compressione in ea posset habitare. Facile erit Deo, in mundi renouatione eis locum congruum, nimirum lucidum, amœnum, & satis capacem, etiam intra terram (si opus est) præparare. Non deerit diuina benignitas naturæ ad suam imaginem conditæ, quæ nulla sua propria culpa bonis cælestibus est exclusa, ad obtinenda ea quæ excellentiæ illius naturæ sunt consentanea, ut ipsum læta & contenta in æternum veneretur & laudet. Vnde etsi dicantur damnati, quia cælesti gloria ad quam erant conditi, in æternum sint priuati; tamen credibile est, eorum statum longè feliciorum ac lætiorum fore, quàm sit alicuius hominis mortalis in hac vita. Hæc obiter de paruulorum iudicio.

C A P V T XXIII.

De sententiæ executione & mundi innouatione.

146 **L**ATA sententia, statim sequetur executio: nam cum Iudex sit omnipotens, sermo eius est efficax. Hæc executio cōsistet potissimum in duobus: nam & ignis quo mundus ardebit, summa vi

irruet in damnatos, eosque inuoluet vndique; & statim maximo hiatu sub pedibus eorum aperiet se terra vsq; ad inferos, & tota illa multitudo in illum simul cum igne inuolvente præcipitabitur. Totum hoc fiet cum immenso fragore & strepitu, tum ignis corripientis, tū terræ dissolutantis, tum hominum cadentium & exclamantium. Colliguntur hæc omnia satis manifestè ex Scripturis; Psalm. 96. *Ignis ante ipsum (Iudicem) præcedet, & inflammabit in circuitu inimicos eius;* nimirum post latam sententiam. Psalm. 139. *Cadent super eos carbonēs, in ignem deycies eos, in miserijs non subsistent. Cadent,* quia ex alto vi sententiæ Iudicis in eos ignis cum carbonibus ardentibus immittetur, quo in ignem inferni deiiciantur. Psalm. 93. *Vt mitiges ei à diebus malis, donec fodiatur peccatori fouea.* Loquitur Propheta de extrema illa fouea, in quam cadent omnes peccatores in die Iudicij, vt ex sequentibus versiculis colligitur. Hanc foueam quisque sibi peccando fodit. Psalm. 10. *Pluet super peccatores laqueos, ignis, & sulphur, & spiritus procellarum pars calicis eorum.* Vbi insinuatur, hunc ignem fore sulphureum, & instar procellæ vehementissimæ impijs incubiturum, sicut in Sodomis accidit. Matth. 13. *Mittet Angelos suos, & colligent de regno eius omnia scandala, & eos qui faciunt iniquitatem; & mittent eos in caminum ignis.* Quibus verbis etiam indicatur, Angelos hunc ignem immissuros, & per illum impulsuros impios in tartarum.

Ignis inuoluet reprobos: terra vsque ad inferos debiscet.

Porro diuina virtute fiet, vt breui tempore ad terminum perueniāt; alioqui facile quatuor aut quinque horis opus foret, vt naturali pondere tantum spatium absoluant, quod putatur esse minimū mille leucarum. Simulatque ad terminum peruenerint, terra firmissimè se claudet, & in omnem æternitatem clausa manebit: ita vt nullus damnatorum possit vniquam exire, vel ad superiora emergere. Spectabunt hæc omnia non solum Beati, sed etiam paruuli qui sine Baptismo defuncti, & iustitiam diuinam admirabuntur, seque felices ducunt, quòd tantis malis in æternum sint exempti.

Diuina virtute statim erunt in termino.

147 His peractis, mundoque ab omni inquinamento peccatorum per ignem expiato, repentè diuina virtute fiet mundi renouatio. Sicut enim resurrectio corporum facta est quasi in momento, ita etiam fiet mundi renouatio tempore imperceptibili. Huius renouationis multis locis S. Scriptura meminit. Isaia 65. *Ecce ego creo celos nouos, & terram nouam: & non erunt in memoria priora, & non ascendent super cor.* Tanta enim erit illorum pulchritudo & suau-

Renouatio mundi fiet subito.

tas, vt priora omnia quasi nihili æstimentur. 2. Petri 3. *Novos celos & novam terram secundum promissa ipsius expectamus, in quibus iustitia habitat.* Apoc. 21. *Vidi celum novum, & terram novam: primum enim celum & prima terra abiit, &c. & infra: Et dixit qui sedebat in throno: Ecce nova facio omnia.* Idem indicat Apostolus ad Rom. 8. *Ipsa creatura liberabitur à servitute corruptionis in libertatem gloriæ filiorum Dei.*

Quomodo
fiet renoua-
tio.

Non erit im-
mutatio sub-
stantiæ in cæ-
lis & ele-
mentis.

Petes, Quomodo hæc renouatio fiet? Respondeo: Hæc renouatio non fiet per interitum substantiæ cælestium corporum & elementorum, & creationem substantiæ nouæ præstantioris, vt quidam putant. Si enim renouatio corporum, quæ fiet in resurrectione, non abolēbit priorem substantiam corporis humani (etsi ea tota terrena & per se vilissima sit) sed eandem restituet, & vestiet gloria seu qualitatibus gloriosis supra naturæ cōditionem: multò minùs renouatio quæ fiet in cælis & elementis, quæ per se pura, simplicia & incorruptibilia sunt, eorum substantiam abolere debet. Confirmatur ex Apostolo ad Rom. 8. vbi dicit, *creaturam* (cælestia corpora & elementa) *esse subiectam vanitati & seruituti; & sub hac seruitute ingemiscere & expectare reuelationem gloriæ filiorum Dei, vt & ipsa liberetur ab illa seruitute.* atqui si deberet interire, non expectaret illud tempus, quia non appetit suum interitum: nec ipsa haberet spem libertatis gloriæ filiorum Dei. Denique pertinet ad Opificis dignitatem, vt mundus quem initio condidit, non pereat secundum substantiam, quasi minùs benè factus; sed manente eadem substantia, eleuetur ad statum supernaturalem, sicut & ipsa corpora humana. Idem docet S. Augustinus lib. 20. De Ciuit. Dei cap. 14. *Peracto Iudicio tunc esse desinet hoc celum & hæc terra, quando incipiet esse celum novum & terra noua. Mutatione namque rerum, non omnimodo interitu transibit hic mundus. Vnde & Apostolus ait: Præterit enim figura mundi huius. Figura ergo præterit, non natura.* Et S. Hieronymus in cap. 65. Isaia. *Novos celos & nouam terram videbimus. Non dixit Petrus, alios celos & aliam terram, sed veteres & antiquos in melius commutatos.* In eadem sententia sunt plerique Patres Latini, & ferè Doctores Scholastici, & satis innuatur in Scriptura Psalm. 148. *Statuit ea in æternum, & in seculum sæculi: præceptum posuit, & non præteribit.* id est, constituit vt celum, sol, luna, stellæ, & aquæ cælestes permaneant in omnem æternitatem: hoc decreto suo sanxit, cuius decreti vis numquam desinet. & Ecclesiastæ 3. *Didici quod omnia opera, quæ fecit Deus, perseverent in*

August. n.

Hieronym.

perpetuum. Nec obstat illud Psalmi 101. Ipsi (cæli) peribunt, tu autē permanes; & omnes sicut vestimentum veterascent, & sicut opertorium mutabis eos, & mutabuntur: tu autem idem ipse es, & anni tui non deficient. hoc enim intelligendum de interitu secundum externam speciem, non secundum substantiam, ut colligitur ex iisdem verbis: quia vellis & operimentum quod inuertitur, non mutatur substantiā, sed specie externa. *Veterascent cælum temporibus nouissimis, quia sol obscurabitur, & fiet niger ut saccus cilicinus, luna sanguineo colore suffundetur, stellæ diffluere videbuntur, cælum instar membranæ inuolui, &c.*

*Quomodo
cæli vetera-
scent.*

Simili modo illud Domini intelligendum: *Cælum & terra transibunt, verba autem mea non præteribunt.* 148. Renouatio itaque ista non

Matth 24.

consistet in mutatione essentiae, sed status & qualitatum, (sicut renouatio corporis humani) ita ut planè aliud cælum & alia terra esse videatur. Nam primò cessabit motus cælorum, ac proinde vicissitudo diei ac noctis, hiemis & æstatis, æstus & frigoris, ortus & interitus; eritque semper eadem cæli & terræ facies, eadem serenitas & pulchritudo: aberunt nubes & venti, pluuia & grādines, niues & glacies. Deinde lux solis, lunæ, & astrorum mirificè augebitur, iuxta illud Isaï 30.

*Erit alia fa-
cies rerum,
ita ut omnia
videantur
noua.*

Erit lux lunæ sicut lux solis, & lux solis erit septemplex sicut lux septem dierum. quem locum Doctores cum S. Hieronymo passim intelligunt ad litteram de hac innouatione, in qua lux lunæ futura sit instar lucis solaris quæ nunc est, & lux solis septuplo maior quàm sit modò; ut indicant illa verba, *Sicut lux septem dierum.* quod non potest commodè intelligi, nisi de luce septem dierum in vnum collecta, seu de luce in septuplum aucta. Hinc orbes cælestes & elementa mirum in modum illustrabuntur, & planè aliam speciem induent.

Credibile etiam est, innumeram stellarum multitudinem, quæ modò non apparet, tunc vi lucis illius apparituram, ut nouorum cælorum exhibeat speciem: non enim lumen solis obfuscabit lumen stellarum, sed augebit, ita ut omnes reddat conspicuas. Nec obstat quòd modò illas obfuscare videatur: quia reverà non obfuscant eas in se, sed solum nostro adspectui propter imbecillitatem oculorum: magna enim lux ita implet & obruit sua specie oculorum aciem, ut minorem lucem videre nequeat: tunc autem vis oculorum erit ita valida, ut à magna luce non obruatur, sed simul cum ea plurimas paruas luces distinctè cernere queat. Simili modo sonus magnus (qualis est campanæ propinquæ) ita implet nunc aures, ut simul paruos sonos audire nequeant; tunc autem poterunt.

*Stellæ innu-
mera appa-
rebunt.*

*Quomodo
nunc lumen
maius obfu-
scet lumen
minus.*

Aqua putatur futura limpida instar purissimi crystallo, terra fulgida instar auri, vel perspicua instar vitri; idq; valdè profundè, nimirum vsque prope tartarum, vt insinuat S. Thomas in 4. dist. 48. quæst. 2. art. 4. Denique omnia per hanc innouationem eam pulchritudinem assequuntur, quæ respondeat gloriæ Sanctorum, seruata tamen proportionè inter ipsa corpora: quò enim sublimiora sũt, eò maiore gloria decet ea vestiri.

CAPVT XXIV.

De Inferno & pœnis inferorum.

149 **I**NFERNUM vocamus locum damnatorum, in quo pœnas pro suis peccatis in corpore & anima sunt daturi. De quotria nobis tractanda. Primò, vbi sit. Secundò, quanta eius amplitudo & capacitas. Tertiò, quæ sint ibi pœnarum genera. De primo, certum est infernum esse sub terra. Est communis sententia Doctorum & Sanctorum, & communis fidelium sensus. Idem senserũt Philosophi antiqui & Poëtæ, qui huius rei meminerũt. Probatur ex Scripturis; Numerorum 16. *Dirupta est terra sub pedibus eorum, & operiens os suum deuorauit illos, descenderuntque viui in infernum aperti humo.* Psal. 105. *Aperta est terra, & deglutiuit Dathan, & operuit super congregationem Abiron.* Psalm. 54. *Veniat mors super illos, & descendant in infernum viuentes.* & ad Ephes. 4. *Quòd autem ascendit, quid est, nisi quia & descendit primũ in inferiores partes terræ. vbi inferos vocat inferiores partes terræ, τὰ κατώτερα μέρη τῆς γῆς.* Sunt ergo inferi, ad quos Dominus descendit (vt in Symbolo dicitur) in imis terræ regionibus. Deniq; Matthæi 12. *Sicut fuit Ionas in ventre ceti tribus diebus & tribus noctibus, sic erit Filius hominis in corde terræ tribus diebus & tribus noctibus.* In corde terræ, id est, apud inferos, ad quos Dominus descendit, vt animas sanctorum Patrum inde eriperet. Idem luculentè tradunt Patres. Tertullianus lib. De anima, cap. 55. *Inferos Plato. velut gremium terræ describit in Phædone, quò omnes labe mundialium sordium confluendo, & ibidem desidendo exhalent, &c. Nobis (Christianis) inferi non nuda cauositas, nec subdinalis aliqua mundi sentina creduntur, sed in fossa terræ & in alto vastitas, & in ipsis visceribus eius abstrusa profunditas.* Explicat hîc Tertullianus communem Christianorum sententiam, quam deinde probat ex dicto loco Matth. 12. *Siquidem, inquit,*

Christum in corde terra triduum mortis legimus expunctum, id est, in recessu intimo & interno, & in ipsa terra aperto, & intra ipsam cavato, & inferioribus adhuc abyssis superstructo. quod postremum addit, quia infernus damnatorum est infra Limbum patrum, ad quem Christus descendit. Hinc concludit: Habes regionem inferum subterraneam credere. Idem in Apologetico cap. 47. Si gehennam comminamur, qua est arcani ignis subterraneus ad poenam thesaurus, de eabinnamur. Loquitur de Ethnicis, qui rident inferorum poenas. S. Hieronymus in cap. 4. Epist. ad Ephes. Inferiora terra infernus accipitur, ad quem Dominus noster Saluatorque descendit, &c. Quod autem infernus in inferiori parte terre sit, & Psalmista testatur, dicens: Aperta est terra, & deuorauit Dathan, & operuit super congregationem Abiron. &c. Idem in cap. 2. Ionæ: Sicut cor in medio est animalis, ita infernus in medio terre esse perhibetur. S. Augustinus lib. 2. Retract. cap. 24. In libro 12. Genesios ad litteram cap. 33. De inferis magis mihi videor docere debuisse, quod sub terris sint, quam rationem reddere cur sub terris esse credantur siue dicantur, quasi non ita sit. Ibi determinat id de quo & in Genesi, & lib. 2. De ciuitate cap. 16. dubius fuerat nec mirum dubium fuisse, cum certissimum putaret non esse antipodes, ut patet lib. 16. De Ciuitate cap. 9. Chrysostomus in Epist. ad Ephesios: Descendit ad infimas partes, post quas non est aliquid aliud. Omitto alios Patres & Doctores Scholasticos, qui indubitanter eandem sententiam tradunt. Idem ipsum nomen inferorum, & modus loquendi quo dicimur descendere ad inferos, indicant, & ratio manifesta conuincit: nusquam enim extra terram conuenienter poni potest. Aer enim & aqua non sunt idonea, in quibus carceres tenebrosi struantur, cum sint corpora fluxa, lucida, amica naturæ humanæ. Deinde, sicut domicilium Beatorum erit in supremo & nobilissimo loco; ita carcer damnatorum debet esse in infimo & ignobilissimo, ut longissimè absint à cælo. Vnde ulterius sequi videtur, esse in centro mundi. Infimum enim terræ, est centrum mundi. nisi enim ponatur in centro, non aberit vndique longissimè à cælo; quod tamen ipsa ratio postulare videtur. Quod non ita intelligas, quasi infernus sit in puncto isto quod dicitur centrum: sed quod sit in medio terræ, ita ut centrum terræ & mundi sit centrum inferni. Idem apertè colligitur ex Patribus: nā Chrysostomus ait, Christū descendisse ad infimas partes terra, post quas non est aliquid aliud. Descendit ergo ad specū illum qui est in medio; nam post se infra mediū terræ nihil est aliud. Nec obstat

Hieronymus.

Augustinus.

Chrysost.

Infernus est in medio terra finis.

quòd Christus non descenderit ad infernum damnatorum, sed ad Limbum patrum, *inferioribus abyssis*, id est inferno damnatorum, *est superstructus*, ut Tertullianus inquit, & communiter tradunt Scholastici Doctores: quia istæ cavitates cùm vicinæ sint, instar vnius reputantur, & communi nomine *inferi* vocantur, qui dicuntur esse in medio, ratione maioris & celebrioris partis. Idem colligitur ex testimonio Hieronymi in caput 2. Ionæ, qui dicit *infernum esse in medio terre, sicut cor est in medio animalis*. atqui cor verè est in medio animalis, quantum fieri potest. Huic sententiæ etiam fauet modus loquendi Scripturæ, cùm ait Christum fore *in corde terre*, sicut Ionas in ventre ceti. atqui Ionas erat in infima cavitate ceti; ergo &c. Item, cùm descensum Christi opponit ascensui per extremos terminos: nam Christus ita ascendit super omnia, ut congruè ulterius non posset: ergo ita descendit infra omnia, ut ulterius non posset. Denique nulla est ratio in contrarium quæ urgeat. Iuxta hanc sententiam cogitandum est, terram in sui medio habere vastissimam cavitatem, cuius centrum sit centrum terræ & mundi, & hanc cavitatem esse carcerem infernalem.

Quanta inferorum capacitas.

150 Habemus ubi sit infernus; nunc dicendum de eius capacitate. Certum est hanc debere esse tantam, ut possit capere innumerabilem multitudinem damnatorum, quæ facta supputatione hominum qui simul viuunt in mundo, & habita consideratione sexaginta sæculorum, quibus mundus putatur duraturus, facile ascendit ad vicies vel tricies mille millones: quæ sanè multitudo exiguo loco cõcludi nequit, præsertim cùm ibi quoque sit magna copia ignis sulphurei, ut infra ostendemus. Ribera in caput 14. Apoc. putat amplitudinem inferorum insinuari istis verbis: *Et misit Angelus falcem suam acutam in terram, & vindemiauit vineam terræ, & misit in lacum iræ Dei magnum: & calcatus est lacus extra civitatem, & exiuit sanguis de lacu usque ad frenos equorum per stadia mille sexcenta. Lacus iræ Dei magnus, est infernus, vel stagnum infernale ignis & sulphuris, cuius fit mentio Apoc. c. 19. v. 21. & c. 10. v. 9. & 14. Vnde sunt peccatores, qui ibi tamquam vitiæ in torculari prementur & torquebuntur. vnde Apoc. 19. v. 15. infernus vocatur torcular vini iræ Dei omnipotentis. Quare nullo modo probanda explicatio illius, qui per *vitis* intelligit sanctos Martyres; & per *lacum iræ Dei magnum*, tormenta quæ tyranni eis inferebant. Sanguis designat tormenta impiorum apud inferos. Diffusio sanguinis per stadia mille sexcenta non videtur aliud posse significare, quàm spatium*

Sententia Ribera de magnitudine inferni.

tium loci, per quod tormenta & homines torquendi se extendent. Conficiunt autem ista stadia milliaria Italica (quæ mille passus seu quinque millia pedum continent) ducēta: leucas Hispanicæ seu Belgicæ quinquaginta, assignatis quaternis milliariis in singulas leucas. Vnde structura inferorum iuxta Riberam ita concipienda erit, ut cogitemus infra terram esse vastissimam cavitatem, cuius planities seu solum ita extendatur, ut latitudinis eius diameter sit centum leucarum, ambitus trecentarum, in cuius medio sit stagnum amplum ac profundissimum igne & sulphure plenum, in quod maximi quique peccatores, ut hæresiarchæ, hæresum propagatores, tyranni, & alij similes sint demergendi: reliqui verò qui paucioribus peccatis inquinati, sint futuri extra hoc stagnum circumquaque per totam illā planitiem horridam dispositi. Hoc modo concipit Ribera. Sed habet hic modus nonnulla incommoda. Primò, Quia si tanta sit vastitas inferorum, ut planities eius habeat quadringenta milliaria Italica in diametro, seu ut à puncto eius medio quaquaversum in omnem partem sint ducenta milliaria Italica, siue quinquaginta leucæ magnæ, non erit multò minor Italia. 151. At frustra tribuitur ei tanta vastitas, cum minimè sit necessaria; nam vigesima pars huius spatij sufficit, etiam si duplo plures essent damnati. nam valdè credibile est, eos non ita disponendos per illa loca, ut possint pedibus insistere, & huc illucque discurrere; sed colligendos in cumulum instar carbonum vel lignorum ardentium, ut Scriptura indicat: quo posito, non erit opus tanto spatio. Secundò, Quia angustia carceris & compressio mutua reorum non parum facit ad pœnarum acerbicatem, sicut econtrà laxitas ad mitigationem. atqui omnia ibi erunt acerbissima. Tertiò, Quia si tantam habeat planitiem (quantumvis ea sit aspera, & plurimis fossis ac hiatibus interrupta) non erit in medio nec in corde terræ; sed valdè procul à medio distabit, nec longissimè aberit vndique à cælo, cum tamen contrarium magis videatur S. Scripturæ & rationi consonum, ut suprà ostensum. Denique, cum terræ elementum natura sua sit solidum & infimum, credibile est, Deum in ea non maiores fecisse vacuitates & cavitates æternas, quàm sit necesse ad finem ipsi propositum. Addo, stagnum ignis & sulphuris complecti totum infernum: nam Apoc. 20. v. 15. dicitur de omnibus reprobis: *Qui non est inuentus in libro vitæ scriptus, missus est in stagnum ignis.* Idem vers. 14. dicitur de diabolo.

*Structura
inferorum
iuxta Riberam.*

*Non opus est
tanta vastitate.*

Ob has & alias rationes probabilius videtur, infernum non ha-

O o o

bere solum seu planitiem, in quo damnati possint ambulare vel consistere; sed esse cavitatem in medio terræ (sicut suprà diximus) in cuius cavitatis medio sit stagnum sulphuris ardentis, cuius sæpè mentionem facit Scriptura, ita vt centrum stagni, centrum inferni, & centrum terræ sit vnum idemque; sulphureo illo stagno circa centrum se in orbem colligente.

152 Quod ad magnitudinem illius cavitatis attinet, etiamsi diameter eius esset solum vnius leucæ seu quatuor milliarius Italicorum, hoc est pedum viginti millium, satis capax esset, non solum ad omnia damnatorum corpora excipienda, sed etiam ad multitudinem decuplo maiorem: nam etiamsi singulis corporibus damnatorum demus sex pedes quadratos (qui abundè sufficiūt) tamē vna leuca (id est mēsurā viginti millium pedum) cubicata seu cubicè multiplicata, capere poterit plusquam octingenta millia millionum corporum: cū tamē certum videatur, facta subductione, non futuros centies mille miliones. Itaque tanta cauitas abundè sufficeret corporibus damnatorum, & adhuc superesset magna vacuitas. Verū quia ibi quoque ingens stagnum ignis & sulphuris, & dæmones omnes ignitis corporibus includētur, fortasse erit capacior. Sit ergo diameter duarum leucarum, seu octo milliarius Italicorum, tunc superficies concaua terræ ambiens infernum erit sex leucarum. Vnde facile poterit cauitas inferni in medio sui continere stagnum, cuius profunditas sit vndique vnius mediæ leucæ, quanta vix vsquam est profunditas maris, & supererit adhuc media leuca vacua inter concauam superficiem terræ, & superficiem stagni. Sanè hoc spatium sufficiens erit, etiamsi multitudo damnandorum centuplo maior foret. Vnde credibile est, spatium inferorum minus fore. Nec obstat locus Apocalypsis: quia illa mille sexcenta stadia referri possunt ad spatium, quod impij occupabunt tempore Iudicij, quando pœna æterna per sententiam Iudicis illis irrogabitur. tantum enim spatium satis erit ad tricies mille miliones hominum in terræ solo consistentium excipiendos, vt ex supputatione constat. Hæc de loci amplitudine.

*Signū ignis
& sulphuris
apud inferos.*

153 Nunc dicendum de pœnis & instrumentis pœnarum. Porro Doctores duplicem pœnam in damnatos statuunt, sensus & damni. *Pœnam sensus* vocant eam, quæ à causis extrinsecis infertur, vt à loci conditione, ab igne, sulphure, tenebris, odore teterrimo, horrissono planctu, dæmonum immanitate. Omnes isti dolores & afflictiones ab istis causis immediatè prouenientes, siue in corpore, siue

Duplex pœna, sensus & damni.

in natura spiritali, ad pœnam sensus pertinent. Similiter tristitia *Tristitia ad*
 animi immensa, quæ ex consideratione istorum malorum nascetur, *pœnam sen-*
 dum assiduè cogitabunt ista fore æterna, nec ullam esse spem ali- *sus pertinet,*
 quando euadendi. *Pœna damni* dicitur priuatio æternæ gloriæ & om- *quodam*
 niū bonorū quibus Beati in eternū fruuntur. Prius dicemus de iis quæ *modo ad pœ-*
 ad pœnā sensus pertinent, postea de pœna damni. Vnde primò quæri- *nam damni.*
 tur, Vtrū ibi sit verus ignis. Secundò, Vtrū frigus. Tertiò, Vtrū veri *Quinque*
 vermes corporales. Quartò, Vtrū tenebræ, fumus, fletus, stridor dē- *dubia expli-*
 tium. Quintò, Quomodo damnati sint dispositi apud inferos. *cantur.*

Quod ad Primum attinet; Calvinus, Beza, & multi Calvinistæ *Sententia*
 putant ibi non esse verum ignem, aut sulphur, aut tenebras; sed hæc *Caluini &*
 omnia & alia quæ in Scripturis dicuntur de pœnis inferorum, Meta- *Beza*
 phoricè accipienda, & nihil aliud designare, quàm miserum statum *An ibi sit*
 impiorum; quorum miseriam totam in eo ponunt, quòd apprehen- *verus ignis.*
 dant Deum sibi iratum. Hanc apprehensionem mirè verbis exagge-
 rant, vocantes eam maximè formidabilem abyssum, vt aliquid vi-
 deantur dicere, cum re ipsa inferos & veram pœnam impiorum è me-
 dio tollant, & nihil relinquant nisi vanam apprehensionem & panicos
 terrores. Si enim Deus nihil ipsis mali infert, parum curant ipsius
 iram, nec habent cur inde perturbentur aut timorem concipiant; si-
 cut in hac vita non curarent iram ipsius, nisi putarent illum grauiam
 posse inferre supplicia, ea quæ re ipsa illaturum nisi resipiscant. Verum
 hanc eorum hæresim fusè refutat Franciscus Feuardentius lib. 14.
 Theomachia Calvinistica, à c. 9. vsque ad finem.

Horum ergo relicto errore, dicendum, certum esse ibi fore verum *Esse ignem*
 & corporalem ignem: vbique enim Scriptura sacra de pœnis infero- *corporeum.*
 rum loquens, meminit ignis, ignem inculcat & minatur, & in ipsa
 sententia Iudicis, pœna ignis exprimitur; quod apertum est signum,
 esse verum ignem: quando enim aliquid Metaphoricè dicitur, non
 semper eodem modo exprimitur, nec iisdem verbis, sed quod vno
 loco dicitur per Metaphoram, alibi propriis exprimitur verbis. De-
 inde, hoc igne corpora sunt vrenda: nulla ergo est ratio, cur non de
 vero & corporali igne loca Scripturæ intelligantur. Probatur hæc sen- *Probatur ex*
 tentia ex Scripturis: Matth. 25. *Discedite à me maledicti in ignem æter-* *nono testa-*
num, qui paratus est diabolo & angelis eius. *mento.*

Dices: Diabolus est incorporeus, ergo ignis qui ipsi paratus est,
 debet esse incorporeus. Respondeo, Negando consequentiam,
 quia non datur aliqua substantia, incorporea instituta ad vrendos

spiritus, sicut datur ignis corporeus ad vrenda corpora. Omnis enim substantia hoc ipso quo est incorporea, est intelligens, & naturæ Angelicæ. Ignis autem corporeus etiam ad puniendos spiritus est aptissimus, quia diuinitus potest illi spiritus alligari & pati dolores ex eius præsentia, sicut anima dum est in corpore, ut infra dicemus. Vnde meritò ignis corporeus etiam dæmonibus præparatus est. Confirmatur: Quia homines qui in illum mittentur, corpore constabunt, ac proinde ipse quoque ignis corporeus esse debet; ignis enim incorporeus corporibus non congruit. Sic Matthæi 3. dicitur. *Omnis arbor quæ non facit fructum bonum, excidetur, & in ignem mittetur.* & infra: *Congregabit triticum suum in horreum, paleas autem comburet igni inextinguibili.* rursum Matth. 13. Dominus id ipsum confirmat, adhibita duplici parabola. Primò, zizaniorum. *Sicut, inquit, colliguntur zizania, & igni comburuntur: sic erit in consummatione sæculi. Mittet filius hominis Angelos suos, & colligent de regno eius omnia scandala, & eos qui faciunt iniquitatem; & mittent eos in caminum ignis. ibi erit fletus & stridor dentium.* Per scandala intelliguntur omnes illi, qui aliis sunt causa peccandi, vel imperio, ut Tyranni; vel doctrina, ut hæretici; vel consilio, ut mali consiliarij; vel exemplo, ut illi qui suo facto alios ad malum excitant vel animant. Per eos qui operantur iniquitatem, intelliguntur ceteri peccatores qui non aliis, sed sibi tantum causa peccati fuere: hi omnes tamquam zizania in fasciculos collecti, in ignem æternum mittentur. 155. Secundò, Id ipsum confirmat proposita parabola sagenæ missæ in mare, & ex omni genere piscium congregantis. Sicut enim piscatores, pertracta sagena in littus, seligunt bonos pisces à malis, & bonos colligunt in vasa, malos abiiciunt: sic erit, inquit, in consummatione sæculi: exhibunt Angeli, & separabunt malos de medio iustorum, & mittent eos in caminum ignis: ibi erit fletus & stridor dentium. Marci 9. *Si scandalizauerit te manus tua, abscide illam; bonum est tibi debilem introire in vitam, quàm duas manus habentem ire in gehennam, in ignem inextinguibilem: ubi vermis eorum non moritur, & ignis non extinguitur.* Idem repetit bis, agens de pede & oculo. Gehennam explicat per ignem inextinguibilem, & statim repetit, *Vbi ignis eorum non extinguitur;* ut intelligamus esse verum ignem, qui numquam possit extinguui, sed semper ardeat & vrat. Addit in fine: *Omnis enim igne salietur, & omnis victima sale salietur.* ubi insinuat rationem cur peccatores igne cremandi sint. sicut enim omnis victima, quæ Domino secundum præscriptum Legis

offerebatur, sale aspergenda erat & salienda, iuxta illud Levit. 2. versu 13. *Quidquid obtuleris sacrificij, sale condies*: ita omnes peccatores, cum sint futuri veluti victima quæ iustitiæ diuinæ sacrificabitur, igne veluti sale condiendi & saliendi erunt. Comparat peccatores victimæ, & ignem sali: multis enim locis Scriptura sacra punitionem impiorum vocat sacrificium & victimam. Isaïæ 34. *Victima Domini in Bosra, & interfectio magna in terra Edom.* Ieremiæ 46. *Victima enim Domini exercituum in terra Aquilonis iuxta flumen Euphraten.* Ezechielis 39. *Conuenite, properate, concurrite undique ad victimam meam, quam ego immolo vobis, victimam grandem super montes Israël.* Sicut enim victimæ occiduntur & cremantur in honorem Dei ad peccata expianda, & iram diuinam placandam: ita tota iniquorum multitudo æterno igne cremabitur, & Deo quodammodò sacrificabitur, ut eorum peccata suppliciis, quantum fas est, expientur, & ira diuina hac quasi satisfactione conquiescat. Rectè etiam ignis comparatur *sali*. sicut enim sal vim quamdam igneam habet, teste S. Hilario, quæ vrit & conseruat corpora: ita ignis vrit corpora damnatorum, sic tamen ut numquam ea consumat, sed semper integra seruet ad pœnas. Apocalypsis 14. *Si quis adorauerit bestiam, (id est, si quis consenserit Antichristo,) cruciabitur igne & sulphure in conspectu Angelorum sanctorum, & ante conspectum Agni: & fumus tormentorum eorum ascendet in secula seculorum.* & cap. 20. *Qui non inuentus est in Libro vite scriptus, missus est in stagnum ignis.* cap. 21. *Timidis autem, & incredulis, & execratis, & homicidis, & fornicatoribus, & veneficis, & idololatriis, & omnibus mendacibus, pars illorum erit in stagno ardenti igne & sulphure, quod est mors secunda.*

Can. 5. in
Matthæum

156 Eiusdem ignis sæpè mentio fit in veteri Testamento. Deuteronomij 32. *Ignis succensus est in furore meo, & ardebit vsque ad inferni nouissima; deuorabitque terram cum germine suo, & montium fundamenta comburet.* Loquitur de igne qui succenderetur in die Iudicij, quando Dominus furorem suum contra peccatores declarabit: (præteritum enim accipitur pro futuro, more Prophetico,) qui ignis non solum terram & montium fundamenta comburet, sed etiam peccatores inuoluet, & ardebit vsque ad inferni nouissima, seu vsque ad voraginem inferiorem, ut habent Hebræa, *וַיִּשְׂרֹף הָאֵשׁ אֶת-הָאָרֶץ* *Had sceol tachthith.* Ex quibus manifestum est, ignem quo mundus exuretur & quo impij in inferno cruciabuntur, esse eiusdem rationis. Iudith 16. *Dabit ignem & vermes in carnes eorum, ut urant;*

Confirmatur
ex veteri
Testamento.

sur, & sentiant usque ad sempiternum. Similis locus est Ecclesiastici 7. *Humilia valde spiritum tuum; quoniam vindicta carnis impij, ignis & vermis.* Psalm. 10. *Pluet super peccatores laqueos, ignis, & sulphur; & spiritus procellarum pars calicis eorum.* & Psalm. 20. *Pones eos ut clibanum ignis in tempore vultus tui: Dominus in ira sua conturbabit eos, & deuorabit eos ignis.* Sensus est: Eo tempore quo Dominus iram suam declarabit, hoc est in die Iudicij, omnes inimicos suos igne inuoluet, ita vt ipsi instar clibani ardeant, & mox eos ad inferos precipitabit, vbi æterno igne inuoluentur. *Conturbabit eos.* עֲבַלְהֶם *Ieballehem, deglutiet eos.* dicitur Dominus deglutire suos inimicos, quia faciet vt à terra deglutiantur. Hieronymus vertit, *precipitabit eos*, quod idem est. *Et deuorabit eos ignis:* non quidem sic vt pereant, sed vt ab igne vndique inuoluantur, & absorpti ab igne videantur. Psalm. 139. *Cadent super eos carbones, in ignem deicies eos, in miseriis non subsistent.* *In miseriis non subsistent* Hebr. בְּמִסְרֵי מוֹתָם בִּמְהֵרָה *Bemahamoret baliacum* id est, *In foueas profundas ne resurgant.* & ita quoque vertit Hieronymus. vbi indicatur, ignem in quem deiciuntur, esse in profundissima fouea, è qua nemo possit emergere, quæ est ipse infernus. Isaia 30. *Preparata est ab heri Topheth à rege preparata, profunda, & dilatata: nutrimenta eius ignis & ligna multa: flatus Domini sicut torrens sulphuris succendens eam.* Hæc sententia à S. Hieronymo & veteribus intelligitur de loco inferorum, qui à Deo summo Rege & Iudice iam olim præparatus est diabolo & omnibus ei adhaerentibus. Hic locus & profundus est, vtpote in terræ visceribus; & dilatatus, vt tot corporum sit capax. *Nutrimenta eius ignis*, nempe sulphureus, quem locus iste intra sua viscera continet, & *ligna multa*, damnatorum corpora, quæ instar lignorum aridorum ardebunt. Peccatores enim in Scriptura vocantur *ligna arida*. Si quæras qua vi ignis iste succendetur, respondet Propheta, *Flatus Domini tamquam torrens sulphuris succendens eam.* id est, vis diuina perinde Topheth seu gehennam succendet, ac si torrens sulphuris ardentis in eam infunderetur. Idem apertè docet Tertullianus locis suprâ notatis, & S. Augustinus libr. 21. De Ciuit. cap. 10. etsi dubitet de illa flamma, de qua Lucæ 16. dicitur, *Crucior in hac flamma:* tamen absolutè definit, ignem infernum esse corporeum. *At gehenna*, inquit, *quod etiam stagnum ignis & sulphuris dictum est, corporeus ignis erit, & cruciabit corpora damnatorum.* S. Gregorius lib. 4. Dialogorum cap. 29. *Ignem gehennæ corporeum esse non ambigo, in quo certum est corpora cruciari.* Nec obstat

Ezech. 17.

44.

Marc. 11 20

Lucæ 23. 31.

Tertullian.

August.

Gregorius.

quòd idem Gregorius lib. 15. Moral. cap. 14. dicere videatur, *ignem gehennæ esse incorporeum*. est enim error Typographicus, omiſſa negatione, ita enim legendum: *At ignis gehennæ, cum non ſit incorporeus, &c.* Ut benè notauit Feuardentius libr. 14. Theomachiæ Calvinisticae cap. 13. idque manifeſtum eſt tum ex ipſius contextus diſcurſu, tum ex eo quòd dicat hunc ignem exurere reprobos corporaliter. Opponit autem hunc ignem noſtro igni; quòd noſter cùm corporeus ſit, debeat aſſiduè foueri nouis fomentis appoſitis; ille verò, etſi non ſit incorporeus, non debeat foueri, ſed ſemel ab initio conditus, durat inextinguibilis. Denique eadem eſt omnium Scholaſticorum ſententia. Neque diſſentit Damascenus, cùm lib. 4. De fide orthodoxa cap. ultimo ait, *impios & peccatores projiciendos in ignem æternum non materiale, qualis eſt apud nos, ſed qualem nouit Deus*, ut benè notauit Clichthoueus, & D. Thomas in 4. d. 44. q. 3. artic. 2. ad 1. non enim eſt *materialis, qualis eſt apud nos*; quia non eget aſſiduè noua materia qua alatur, nec conſumit corpora quæ vrit, nec lucet, nec extingui poteſt. Si Damascenus putaret eſſe incorporeum, diceret eſſe ἀσώματον, ἢ πῦρ ἁπλόν, vel abſolutè ἀύλον. Denique cùm impios corpore indutos velit in hunc ignem coniici, non potuit ſentire eſſe incorporeum: quomodo enim corpora coniici poſſunt in ignem incorporeum, & ab illo vri ac torqueri? Ex his aliſque locis plurimis tum Scripturæ ſacræ, tum ſanctorum Patrum, lucis meridiana clariuſ eſt, Primò, apud Inferos eſſe verum ignem corporeum, qualis eſt apud nos, (etſi alias quaſdam proprietates diuina virtute ſit habiturus) quo impij cruciabuntur. 157. Secundò, Ibidem quoque eſſe ſulphur & ignem ſulphureum, patet Pſalm. 10. *Effo ignem* Iſaiæ 30. Apocalypſis 14. 20. & 21. Idem confirmatur ex eo, quòd *ſulphureum* Sodoma & finitimæ ciuitates igne ſulphureo ſint ſubuerſæ, Genef. 19. de quibus ait S. Iudas, quòd *ignis æterni pœnam ſuſtinentes, facti ſint exemplum orbi*; manifeſtè indicans, ignem ſulphureum eſſe æternum: loquitur enim de pœna, quæ toti mundo fuit conſpicua, quæ æterna non fuit; ſed ignis ſulphureus, cuius pœnam ipſi ſuſtinebant, æternus eſt, quamuis non idem numero. Eſt etiam ſulphur aptiſſimum punitioni impiorum, tum propter vim igneam qua facilè & vehementer exardescit; tum propter odoris tetri acrimoniam, quæ foetori peccatorum congruit; tum quia ſuffitu in expiationibus domorum ſulphur adhiberi ſolet, ut inquit Plinius lib. 35. c. 15. Inquinarunt peccatores domos ſuas, nempe animam & carnem

ſulphur aptiſſimum in ſupplicio impiorum.

suam, peccando dum viuerent. Vnde conueniens est, vt Deus igne sulphureo hasce domos, quantum fas est, expiet, & quodammodò sanctificet. Supplicium enim peccatorum, est genus quoddam expiationis & purgationis. Huius quoque rei signum est, quòd infinita vis sulphuris partim semper ardentis, partim non ardentis sub terra lateat, vt ex thermis & montibus ardentibus, qui plurimi sunt per orbem, manifestum est: nam & thermæ sulphur olent, & ignes montium sulphurei sunt. Ipsa quoque fulmina, quæ iræ diuinæ sunt symbola, igne sulphureo constant, & sulphur olent. Hæc de igne & sulphure.

*Verum apud
infernus sit
frigus.*

158 Sequitur nunc, vt videamus utrùm ibi quoque sit frigus: multi enim tum ex antiquis tum ex recentioribus putant, ibi etiam esse asperissimum frigus, vt impij ex stagno ignis transferantur in stagnum niuis, & hinc vicissim rapiantur in stagnum ignis, idque perpetua quadam vicissitudine. Fundamentum huius sententiæ sunt ista verba

Iob 24. *Ad nimium calorem transeat ab aquis niuium, & vsque ad inferos peccatum illius.* Ita sentit sanctus Hieronymus in c. 10. Matthæi, explicans illum versiculum: *Sed potius timete eum, qui potest & animam & corpus perdere in gehennam.* Duplicem, inquit, esse gehennam, *namque ignis & frigoris, in Iob plenissimè legimus.* Beda in Commentario illius loci Iob

Hieronym.

Beda.

24. *Quasi duas gehennas Iob dicere mihi videtur, ignis & frigoris, per quas diabolus, hæreticus, & homo impius commutetur.* Hos duos secuti sunt

Pineda.

Augustinus.

multi alij, quos recenset Pineda in illum locum Iob, tribuitur etiam Augustino lib. De triplici habitaculo, vbi cap. 2. sic habetur: *Principalia duo sunt tormenta in inferno, frigus intolerabile, ignis inextinguibilis.* Sed verisimilius est, librum illum non esse Augustini, cum non habeatur in Indiculo, & stylus valdè discrepet, et si Auctor sit pius

*Non esse ibi
frigus.*

& eruditus. Non solet Augustinus de huiusmodi arcanis ita absolute pronuntiare, præsertim Scripturis tam parum fauentibus. Contrariam sententiam tenent plerique Theologi recentiores cum Dominico Soto in 4. d. 50. a. 4. & Abulensi q. 559. in cap. 25. Matthæi, quod probari potest Primò, Quia Scriptura nusquam, vbi de inferno agit, meminit frigoris, sed tantum ignis. Secundò, Si stagnum niuis vel aquæ gelidæ apud inferos, cur diues Epulo petiit guttam aquæ ad refrigerandam linguam. Tertiò, Illa vicissitudo non esset tormentum, sed solatium: quis enim in medio ignis constitutus, non aspiret ad stagnum aquæ niualis ad extinguendum ardorem? Etiam bestia, si ambusta incendium euaserint, se in aquas conii-

Luc. 16.

ciunt,

ciunt, vt aliàs vidimus. Quartò, Frigus non habet vim torquendi, sicut calor, quia inducit stuporem, ita vt absque magno cruciatu inferat mortem, vt patet in illis qui frigore moriuntur. Quintò, Quomodo illud stagnum niuis vel aquæ immenso calore, qui ibi est, non incalescit? an fortè procul distat à stagno ignis? Quomodo tam infinita multitudo transfertur ab hoc in illud? Omitto alias rationes, quæ facilitè cuius rem attentè consideranti occurrent. Itaque verius puto, non esse ibi tale frigus. Ad locum Iob respondeo, iuxta nostram versionem esse imprecationem pœnæ temporalis in adulteros. *Maledicta, inquit, sit pars eius* (hæreditas, possessio) *in terra, nec ambulet per viam vinearum,* sed in locis desertis procul ab omni amœnitate & fertilitate. *ad nimium calorem transcat ab aquis niuium;* vratur æstu & gelu, affligatur omnibus huius vitæ incommodis: & *vsque ad inferos peccatum illius.* pœna adulterij duret illi vsque ad sepulchrum, vel donec rapiatur ab inferno. Potest sic verti ex Hebræo: *Aestus & calor rapiunt aquas niuis, sepulchrum peccatores:* & tunc sensus est: Sicut terra æstuans & calor absument aquas niuales, ita infernus eos qui peccauerunt. Vide plura apud Pinedam.

*Explicatur
locus Iob.*

159 Tertiò quæritur, Vtrùm ibi sint vermes rodentes corpora damnatorum. Multi affirmant. quibus fauent aliquot Scripturæ loca. Iudith. 16. *Dominus vindicabit in eis, in die Iudicij visitabit illos: dabit enim ignem & vermes in carnes eorum, vt vrantur & sentiant vsque in sempiternum.* Loquitur de inimicis populi Dei. Similis locus est Ecclesiastici 7. *Memento ira, quoniam non tardabit. Humilia valdè spiritum tuum, quia vindicta carnis impij, ignis & vermis.* Isaia ultimo: *Vermis eorum non morietur, & ignis eorum non extinguetur.* Idem ter repetitur à Domino Marci 9. Sed probabilius est, non esse ibi vermes corporales qui rodant corpora; sed nomine vermis indicari conscientia morsum & perpetuam accusationem: ita S. Hieronymus in caput vltimum Isaia, Ambrosius in c. 14. Luca

*Vtrum ibi
sint vermes
corporei.*

*Hieronymus.
Ambrosius.
S. Thomas:
Augustinus.*

in fine, D. Thomas in 4. d. 50. q. 2. a. 3. & alij passim DD. S. Augustinus libr. 21. De Ciuitate cap. 9. fusè hanc rem discutiens, vtramque partem censet probabilem, magis tamen propendet in nostram sententiam. Ratio cur non videantur ibi vermes corporei ponendi, est, quia cum omnis morsus bestiarum ad dolores ac morsus ignis sit lusus, vel parui momenti, non videtur operæpretium vilissimas bestiolas nouo miraculo facere immortales in acerrimo igne, vt hominem crucient, præsertim cum morsus vermium sit exi-

guus, & molestiam potius adferat quàm acrem cruciatum. Vnde potius serpentes & dracones ponendi fuissent, si bestia aliqua ibi ad cruciandos homines esse debebant. Verùm tantum tormentum adfert ignis sulphureus, præsertim in arcto conclusus, vt nihil vel à vermibus, vel à malleis & incudibus, vel à niue & glacie addi posse videatur. Accedit quòd, cùm toties in Scriptura, dum agitur de pœnis impiorum, *ignis & vermis* coniungantur, necesse sit per *vermem* aliquid magni denotari, quod cum igne totum supplicium nobis exhibeat: hoc autem non est aliud quàm conscientia remorsus & accusatio, qui, vt notat S. Thomas rectè, dicitur *vermis*, quia nascitur de putredine peccati, & rodit animam, sicut vermis corporalis de putredine carnis, & rodit carnem. Hic in eo consistit, quòd assiduè conscientia sua ipsos accusabit & condemnabit, quòd suis peccatis æternam gloriam, quam facilè potuissent obtinere, amiserint, & æterna supplicia incurrerint. Hinc geminus nascetur dolor, qui immensa quadam acerbitate cor eorum tamquam vermes infestissimi corrodet; nimirum, quòd sua stultitia tantum bonum neglexerint, & in tanta mala se præcipitauerint. Hæ accusationes seu cogitationes, & hi mœtores, vermes sunt acerbissimi, quorum morsus est præcipuum damnatorum tormentum: plus enim illos affligit apprehensio æternitatis tanti boni sua culpa amissi, & tanti supplicij contracti, quàm solitarius ignis. Itaque nisi per vermem duplex illa cogitatio & duplex dolor inde nascens intelligatur, non plenè à Domino Marci 9. nec vsquam alibi impiorum pœna descripta erit, sed præcipua pars omissa. Nec obstat, quòd hæ cogitationes sponte videantur sequi ex ipsa sententia damnationis; quia etiamsi aliquo modo sponte sequantur, tamen nisi aliquid aliud accedat, non erunt ita perfectæ ac continuæ, nec ita affligent. Vnde Deus peculiari influxu facit, vt damnati clarè & assiduè ista apprehendant, nec mentem possint ab his cogitationibus auertere quò autem clarior est apprehensio, eò dolor erit maior, ac furor & rabies in seipsos acrior. Ad testimonium Iudith respondet S. Thomas, *carnem* accipi pro anima: commodiùs dixisset, *carnem* phrasi Hebræa ibi accipi pro toto homine. Sensus est: Cùm Dominus iudicabit orbem, & impij resurrexerint, dabit ignem & vermes in carnes eorum, id est, in ipsos carne indutos, vt vrantur igne, & sentiant vermium istorum morsum in sempiternum. Simili modo dicitur: *vindicta carnis impij*, id est, ipsius impij carne induti, *ignis & vermis*. Ignis pro carne, *vermis* pro animo,

*Vermis est
conscientia
remorsus.*

*Vermis iste
consistit in
gemma cogitatione &
gemma mœ-
tore.*

S. Thomas.

*Explicatur
locus Iudith.*

Eceli. 7.

cuius tamen dolor in carnem redundat, quia *spiritus tristis exsiccat ossa*. Simili phrasi Apostolus ad Corinthios dixit: *Nullam requiem habuit caro nostra, sed omnem tribulationem passi sumus: foris pugna, intus timores*. Vbi timor ponitur pro afflictione carnis, id est hominis in carne passibili constituti. Et alibi; *Caro & sanguis regnum Dei non possidebunt*, id est, homo carne passibili indutus. Omitto alias quorundam expositiones.

160 Quartò, Vtrum ibi sint tenebræ & fumus, fletus & stridor dentium. Respondeo, hæc omnia ibi sine fine affluere. *De tenebris habemus* Iob 10. ubi infernum vocat. *Terram miserie & tenebrarum, operam mortis caligine, ubi sempiternus horror inhabitat*. Ecclesiastici 21. *Via peccantium complanata lapidibus, & in fine illorum inferi, & tenebræ, & pœnæ* Matthæi 8. *Filij regni (Iudæi increduli) eiicientur in tenebras exteriores, ibi erit fletus & stridor dentium*. Hic infernus per tenebras exteriores denotatur. Idem repetitur Matthæi 22. & 25. *Vocantur exteriores, qui sunt extra locum conuiuij, & totum regnum* Sanctorum. 2. Petri 2. *Quibus caligo tenebrarum reservatur*. Loquitur de seductoribus. Meritò priuantur omni luce corporali, qui lucem spiritalem & diuinam contempserunt. Nec obstat quòd ibi erit ignis: quia ignis sulphureus parum lucet, & ea ipsa lux non læta, sed pallida & mœstitiæ plena; *suoque repercussu* (teste Plinio) *pallorem dirum præsentibus suffundit*. Has tenebras augebit atra nebula seu fumus sulphureus, quo omnia erunt plenissima. Vnde Apocal. 14. *Et fumus tormentorum eorum ascendet in secula seculorum*. Idem repetitur Apocal. 19. non tam assiduè nouus fumus ascensurus est, sicut apud nos; sed sicut materia eius, nempe sulphur, numquam consumeretur; ita nec fumus ipse, sed semper conseruabitur, & semper ascendet, & sursum tendet quantum poterit. Credibile etiam est, eodem fumo ingentes excitandas procellas; de quibus Psalm. 10. *Ignis & sulphur, & spiritus procellarum pars calicis eorum*. & in Epistola Iudæ, quibus *procella tenebrarum seruata est*; nempe cum sursum tendens, vndique à summis inferorum partibus repellitur. his vehementiùs exardescet ille ignis. Isa. 30. *Flatus Domini, sicut torrens sulphuris, succendens eam*. Erit etiam ibi fletus, gemitus, & ululatus immensus, absque tamen lacrymarum effusione, vt docet S. Thomas d. 50. q. 3. a. 3. quia non fiet humorum resolutio. cuius ratio est, non quia absque motu cæli, (qui tunc cessabit) nulla poterit fieri alteratio, vt ipse existimat: sed quia Deus non permittet corpora dissolui, vt semper pati

De tenebris, fumo, fletu, &c.

Tenebre exteriores.

Lib. 35. c. 15.

S. Thomas.

queant. Neque ad fletum requiritur lacrymarum effusio, sed sufficit ea oris, oculorum & totius vultus perturbatio ac dissolutio cum eiulatu & vociferatione, quæ in amarissimè flentibus esse solent. *Fletus* iste index erit summæ tristitiæ, *stridor dentium* summi doloris, quem sentient ex igne. Sicut enim sunt duæ partes præcipuæ afflictionis damnatorum, nempe summa tristitia animi, ex apprehensione tanti boni amissi & tanti mali contracti; & summus dolor corporalis, ex igne & aliis causis externis: ita quoque duplex est signum externum huius afflictionis, *fletus* & *dentium stridor*. Illa duo indicauit Dominus per *vermem* & *ignem*, hæc verò cum ait, *ibi erit fletus & stridor dentium*.

De situ &
dispositione
damnatorum.

161 Superest vt aliquid dicamus de dispositione & situ damnatorum. Quidam ponunt ibi vastissima spatia, quæ ad multas leucarum centurias extendantur, per quæ damnati raptentur & discurrant. sed nihil opus est tanta loci amplitudine, vt supra ostensum: nam ex Apocalypsi constat, omnes mittendos in stagnum ignis sulphurei. sic enim ibi habetur: *Qui non inuentus est in Libro Vitæ scriptus, missus est in stagnum ignis*, nempe sulphurei, vt patet ex antecedentibus & sequentibus. Dicitur *stagnum* ratione materiæ liquidæ, nempe sulphuris liquati & ardentis. Itaque omnes erunt in hoc stagno. Idem patet ex cap. 21. vbi dicitur; *Timidis autem, & incredulis, & execratis, & homicidis, & fornicatoribus, & veneficis, & idololâtris, & omnibus mendacibus, pars illorum erit in stagno ardenti igne & sulphure: quod est mors secunda*. Hic omne genus peccatorum addicitur stagno sulphureo. quare cum multa millia millionum ibi futura sint, non poterunt in illo stagno seorsum disponi, (opus enim esset plusquam centum leucis:) sed necesse erit alios super alios coaceruari, sicut cùm magna copia pisciculorum vel fabarum in ardenti oleo frigitur. hoc etiam est conueniens diuersitati peccatorum, vt quò quisque grauius peccauit, eò sit profundior in stagno, & grauiore prematur pondere incumbentium: quò minùs grauius, eò minùs sit depressus, & minori pondere grauetur. Idem confirmatur ex aliis Scripturæ locis. Ecclesiastici 21. *Stuppa collecta synagoga peccantium, & consummatio illorum flamma ignis*. Collecta, quia instar stuppæ in cumulum colliguntur; & paterfamilias Matth. 13. iubet zizania colligi in fasciculos ad comburendum. Isa. 24. *Congregabuntur in congregatione vnus fascis in lacum: & claudentur ibi in carcere: & post multos dies visitabuntur*. Loquitur de damnatis, quos dicit in vnum colligendos, & instar vnus

Apoc. 10.
Omnes erunt
in stagno
ignis & sul-
phuris.

fascis in lacum inferni mittendos, unde numquam sint exituri, sed quantumvis multum temporis accipias, adhuc eorum poenam (hoc enim designat illud *visitabuntur*) duraturam. Rursus Isaia 30. comparantur *lignis multis, seu aceruo ingenti lignorum ardentium*. Quod si hoc stagnum ponatur in centro, (quod supra verisimilius esse diximus) etiam ex hoc capite, necessarium erit alios super alios accumulari, quia nullum habebunt fundum cui insistant, ut bene notauit Sotus d. 45. a. 2. recteque illud stagnum dicetur *abyssus inferorum*, quia fundo carebit. De magnitudine huius stagni supra diximus, abundè satis magnum esse, si diameter sit vnus leucæ seu 20000. pedum, sic enim ambitus erit trium leucarum. Tale stagnum facile capiet omnia damnatorum corpora, ita ut omnia in stagno esse possint. tanto tamen corporum accessu non parum vndique intumescet, dilatabitur & eleuabitur, iuxta illud Isaia 5. *Dilatabit infernus animam suam*, id est seipsum vel stagnum suum, quod est veluti anima eius, ut pote præstantior pars, ac veluti medulla, & intima viscera. Totum hoc stagnum cum omnibus corporibus iniectis ardebit, eritque tota illa iniquorum congeries ardens tamquam victima Domino & holocaustum pro peccato, quod sacrificium numquam cõplebitur, sed semper peragetur coram Domino & omnibus Sanctis; sicut ipsum peccatum semper expiabitur, & nunquam erit expiatum. Hinc non solum ignis foris applicabitur corporibus ut suo contactu cruciet, sed ipsa etiam corpora ardebunt, sicut in holocaustis fieri solet. Insinuatur Isaia 30. *Nutrimenta eius (Topheth) ignis & ligna multa: sicut torrens sulphuris, succendens eam*. Ligna illa non sunt aliud quàm corpora iniquorum, qui fuerunt ligna arida. Hinc peccatores comparantur arbori infructuosæ excindendæ & in ignem mittendæ, & stuppæ collectæ, & fasciculis zizaniorum, quæ omnia igni iniecta ardent. & Psalm. 20. *Pones eos ut clibanum ignis in tempore vultus tui*, nimirum ut ardeant sicut ligna in clibano. *Deuorabit eos ignis*. Omnia ista apertè indicant ipsos arduos instar materiæ quæ accenditur. Vnde stagnum sulphuris ardentis non tam erit necessarium ut igne torqueantur, quàm ut in poenis suis sepeliantur, iuxta illud, *Sepultus est diues in inferno*. ita ut nullum eius possit extrinsecus accedere refrigerium, nec possint aliquid levaminis accipere à libera respiratione vel clamore, qui in magnis tormentis naturaliter adhiberi solet ad doloris aliquantulum solatium. Huc referri potest, quod 1. Regum 2. in Cantico Annæ dicitur: *Impij in*

Magnitudo
eius stagni.

Mat. 3. & 7.
Lucæ 3.
Eccli. 21.
Matth. 13.

Lucæ 16.

tenebris conticescent. quod intellige de ijs, qui profundius demersi erunt: qui enim saltem capite extabunt, clamare poterunt; quales fortè erunt, qui minùs grauius peccarunt. Quòd si omnes ita demergantur, vt nullus supernè exret, compescentur omnes clamores, & omnes blasphemiz vocales, eritque ibi magnum silentium: quod non parum augebit ipsorum tormentum, dolore intus sæuiente, nec valente per vocem erumpere. Hæc de pœna sensus.

Pœna damni 162 Pœna damni consistet in priuatione æternæ gloriæ, & omnium bonorum ac gaudiorum quibus Beati fruuntur, vel quæ aliquo modo possidebunt. Damnum hoc duplici ratione est infinitum; tum quia est amissio boni infiniti, tum quia durabit in infinitum. Hinc sequetur immensa quædam tristitia, quam ex consideratione tanti damni concipient. Sicut enim gaudium quod Beati ex possessione sempiterna tantorum bonorum percipient, erit ineffabile, ita tristitia quam damnati percipient ex æterna priuatione eorumdem bonorum, ineffabilis erit, ad cuius augmentum non parum faciet ea consideratio, quòd illa bona facile potuerint obtinere, & sua culpa amiserint.

Triplex afflictio in damnatis.

Consideratio æternitatis maximè augebit tristitiam.

Itaque generatim triplex erit afflictio in damnatis. Primò, Erunt summi dolores sensuum, totiusque corporis interiùs & exteriùs. Secundò, Erit summa animi tristitia ex consideratione tantorum malorum in quæ inciderunt. Tertiò, Erit summa tristitia ex consideratione bonorum quæ amiserunt, supra omnem autem modum affliget illos consideratio æternitatis, & quòd nullo vnquam tempore horum malorum erit finis, vel aliqua saltem mitigatio. Hinc sequetur desperatio, furor, & maledictio, qua & seipsum, quòd sibi tantorum malorum causa fuerint; & Deum qui ipsos condidit, & parentes qui genuerunt, & dæmones qui seduxerunt, & socios qui allexerunt, & omnem creaturam maledicent.

CAPVT XXV.

De pœnarum æternitate, & quæ ratione iustè pro vno peccato mortifero Deus infligat pœnas æternas.

Quatuor articuli Fidei maximè difficiles.

163 **Q**VATVOR sunt mysteria nostræ sanctissimæ fidei maximè difficilia creditu menti humanæ; mysterium Trinitatis, Incarnationis, Eucharistiæ, & æternitatis suppliciorum. Vnde plurimæ circa hæc fuerunt, & adhuc sunt hæreses. Quam ob causam diuina

quoque prouidentia curauit ea maximè confirmari & stabiliri, partim testimoniis Scripturarum, partim definitionibus Conciliorum, partim miraculis & sanctitate vitæ eorum qui hæc dogmata propagarunt. Verùm, omiſſis cæteris, agamus de pœnarum æternitate. Hæc negant omnes athei, & qui animam mortalem faciunt, quorum plerique etiam sunt athei. Verùm hi omnes pœnas quæ post hanc vitam infligantur, è medio tollunt, cùm tollant eum qui infligit, vel cui infligantur. Negant quædam Anabaptistarum sectæ, vt quidam *Auctores* de illis scripserunt. Ethnicis etiam, quando ad fidem conuertendi, valdè difficilis est creditu. Valdè enim videtur abhorrere à recta ratione, & à benignitate ac misericordia Dei, propter peccatum quod momento transit, infligere pœnas æternas ad cõ atroces. Negauit olim Origenes, & docuit, omnes animas impiorum & dæmones post aliquot sæcula liberandos, & Angelicæ luci ac felicitati restituendos: nimirum quando per ignem & supplicia inferorum plenè fuerint expiati. Verùm hanc felicitatem putabat non fore perpetuam, sed rursus post aliquot sæcula in miseriam commutandam: longo enim sæculorum decursu fore vt tædio diuinæ contemplationis affecti, peccato se contaminent; ob quæ rursus detrudantur in corpora; in quibus si iniquè vixerint, demergendos in ignem tartari; quo expiati, rursus cælo & diuinæ contemplationi restituantur. Hanc vicissitudinem felicitatis & miseriæ in omni creatura rationali statuebat æternam, ita vt infinities eadem animæ, & ijdem dæmones sint futuri nunc beati, nunc miseri. Refert S. Hieronymus Epistola ad Pammachium contra errores Ioannis Ierosolymitani, & S. Augustinus De Hæresibus cap. 43. & alij Patres.

*Bulengerus
lib. 2 contra
Anabaptist.
cap. 15.*

*Origenis error
de æterno
circulo felicitatis &
miseriarum.*

R. f. u. i. a. n. t. e.

Multa absurda continet hæc doctrina, quæ non est huius loci operosè refutare: euertit enim fundamentum religionis Christianæ, & omnes diuinas promissiones eneruat, & ad nihilum pænè redigit pretium Sanguinis Christi, & omnia salutis nostræ remedia. si enim æterno quodam circulo voluemur per miseriam & felicitatem, & numquam planè liberi erimus à tyrannide peccati, quid magni nobis Christus per suam passionem contulit? quid magni nobis post hanc vitam expectandum? nam etiam cùm videbimur aliquid felicitatis habere in cælo, erimus verè miseri expectatione futuri lapsus & malorum impendentium. Sanè longè melius & optabilius erat numquam extitisse in rerum natura, quàm semper tyrannidi peccati & tantis malis esse obnoxium & expositum.

Denique, si circulus iste Origenis admittatur, concedendum erit, Christum debere infinities pati, ut animæ quæ de nouo in corpora relegatæ fuerunt, redimantur; infinities quoque futuram resurrectionem, & Iudicium vniuersale. Omitto alia absurda, quæ hæc sententia secum trahit.

*Pœnas im-
piorum fore
æternas.*

164 Nunc breuiter ex Scripturis ostendamus has pœnas sempiternas fore, nec vllam vllò vñquam tempore sperandam liberationem. Iudith 16. *Dabit ignem & vermes in carnes eorum, ut urantur & sentiant vsque in sempiternum.* Psalm. 48. *Introibit vsque in progenies patrum suorum, & vsque in æternum non videbit lumen.* semper erit in tenebris & afflictione; nullam percipiet vñquam consolationem. Psalm. 91. *Nimis profunde facta sunt cogitationes tuæ, decreta tua de hominibus, &c. Vir insipiens non cognoscet, & stultus non intelliget hæc. Cùm exorti fuerint peccatores sicut fœnum, & apparuerint omnes qui operantur iniquitatem, ut intereant in sæculum sæculi: tu autem Altissimus in æternum Domine.* quasi dicat: Tunc apparebit consilium tuum, & cogitationes tuæ; nempe quòd omnia condideris & sic constitueris, ut impij æterno supplicio, iusti æterna donentur gloria. Isaia 66. *Vermis eorū non morietur, & ignis eorum non exstinguetur.* quæ verba ter repetuntur à Domino Marci 9. Ex quibus perspicuum est, cùm in aliis locis ignis dicitur *æternus*, vel supplicium *æternum*, id *æternum* non posse accipi pro longissimo aliquo tempore finito, ut volebat Origenes, sicut interdum accipitur in Scripturis: sed de vera æternitate, quæ nullum habet finem. *Vermis enim qui non morietur*, in æternum viuet, & numquam finem habebit: & *ignis qui non exstinguetur*, siue qui inextinguibilis est (ut Marcus habet) sine fine ardebit. Daniel. 12. *Multi de his qui dormiunt in terra puluere, euigilabunt: alij in vitam æternam, & alij in opprobrium ut videant semper. Ut videant*, id est, ut sentiant, experiantur, sustineant opprobrium æternum. Matth. 3. *Paleas comburet igni inextinguibili.* & cap. 25. *Discedite à me maledicti in ignem æternum, &c.* & infra: *Ibunt hi in supplicium æternum, iusti autem in vitam æternam.* Sic ergo supplicium illorum erit æternum, sicut vita horum erit æterna. Atqui vita iustorum erit propriè æterna, ita ut nullum vñquam finem habeat, ut patet tum ex Symbolo, in quo credimus *vitam æternam*; tum ex plurimis Scripturæ locis, quibus præmium iustorum dicitur *hæreditas incorruptibilis, immarcescibilis, æterna; ubi non erit amplius mors aut luctus*, & similia. Ergo supplicium iniquorum erit propriè æternum; ita ut numquam sit

1. Petri 1. 4.
1. Cor. 5. 1.
Apoc. 21. 4.

ter-

terminandum. 2. ad Thessalon. 1. *Qui pœnas dabunt in interitu æternas à facie Domini, & à gloria virtutis eius, cum venerit glorificari in Sanctis suis, & admirabilis fieri in omnibus qui crediderunt. Denique Apoc. 14. Si quis adoraverit bestiam, (id est, Si quis consenserit Antichristo, vel præcursoribus eius hæreticis) cruciabitur igne & sulphure in conspectu Angelorum sanctorum, & ante conspectum Agni, & fumus tormentorum eorum ascendet in sæcula sæculorum, nec habent requiem die ac nocte. Omitto alia loca plurima. Eandem veritatem tradunt omnes Patres: nec quidquam ferè est, quod æquè vel in Scripturis vel in Patribus inculcetur, atque præmiorum & pœnarum post hanc vitam æternitas.*

165 Verùm difficile videtur intellectu, quæ ratione tanta pœna iustè peccato mortifero respondeat. Vnde variæ adferuntur huius rei causæ. Prima est, quia etsi actus peccati re ipsa brevis fuerit & citò transierit, affectu tamen peccantis fuit æternus: vellet enim peccans, (si fieri posset) semper in suavitæte & oblectatione, quam peccando percipit, permanere. ita S. Gregorius lib. 4. Dial. c. 44. *Vellet, inquit, sine fine vivere, ut posset sine fine peccare: districtus autem Index corda pensat, & affectus, non facta. Ad magnam ergo iustitiam iudicantis pertinet, ut numquam careant supplicio, qui in hac vita numquam voluerunt carere peccato. Hæc ratio continet bonam & utilem congruentiam, non tamen satisfacit intellectui; quia multi peccant, qui talem affectum non habent, sed solum ad breve tempus cupiunt oblectationem vel commodum ex peccato, cum proposito abstinendi in posterum. Nec refert, quòd si semper eadem circumstantiæ manerent, semper vellent peccare: quia sicut re ipsa eadem circumstantiæ non manent, ita neque re ipsa talem voluntatem habent, neque ea dere cogitant. Deinde, etiamsi in omnibus qui peccant esset talis affectus, quo cuperent semper vivere, ut semper possent voluptatibus peccatorum frui, (qui sanè est in multis;) hic tamen affectus est inefficax, neque potest æquari affectui æterno, aut peccatis quæ æterno tempore committerentur, ac proinde ex hoc capite non potest mereri pœnam æternam. Vnde alij DD. causam huius referunt in naturam peccati mortalis, quod tollit principium vitæ spiritualis, nempe charitatem, & infert mortem animæ. Vnde sequitur, esse irreparabile; & consequenter, mereri pœnam æternam. Ita S. Thomas 1. 2. q. 87. a. 3. quem sequuntur multi alij. Cuius rationis vis consistit in eo, quòd omne peccatum mereatur puniri, donec sufficiens pro eo exhibeatur satisfactio.*

*Quæ ratio
peccatum mor-
tiferum me-
reatur pœ-
nam æternam.*

Quo; vel donec peccator reparet ordinem quem peccando violauit, conuertendo se per charitatem ad Deum à quo se auertit. Atqui is qui peccauit mortiferè, nullo vñquam tempore potest exhibere sufficientem satisfactionem, nec potest instaurare ordinem quem violauit. Ergo meretur puniri sine fine. Hæc ratio probabilis est, habet tamen non modicam difficultatem: quia etiam si rectè crimen puniatur, donec reus plenam exhibeat satisfactionem, quando eam exhibere potest, & non vult; eò quòd tunc peccatum suum liberè continuet, & sit contumax: tamen nulla ratio vel æquitas postulat vt semper puniatur, quando nullo modo potest satisfacere, vel iniuriam damnùmve illatum compensare. Quis enim dicat, eum qui commisit furtum, vel mutilauit aliquem membro, debere tamdiu flagellari & torqueri, quamdiu non sarcit damnum, cum non sit in eius potestate illud sarcire?

Propter peccata quæ cū mittuntur in inferno, non continuatur pœna.

166 Dices: Dammati semper peccant, & numquam abstinere à peccando, ergo merentur semper puniri. Respondeo: Etiam si semper peccent, non tamen punientur ob illa peccata, cum sint extra statum merendi & demerendi; sed solum punientur propter actum peccati quem fecerunt in vita, quem vellent se numquam fecisse, & vehementer de eo dolent, quatenus tantorum malorū ipsis causa extitit, & si possent, omnibus modis cuperent pro eo satisfactionem iustā exhibere. Quòd autem semper peccet, id prouenit ex desperatione; quia sciunt se nūquam liberandos: ac proinde iam supponitur pœna æterna propter solū actum præteritum decreta. Quidā vtuntur hac ratione, qua putant perspicuè cōcludere: Omnis pœna infligitur propter culpam; ergo tamdiu durare debet pœna, quādiu perseverat culpa: atqui culpa post hanc vitam numquam remittitur in inferno, ibi enim nulla est pœnitentia; ergo nec pœna finiri debet. Verū neque hæc ratio satisfacit; nulla enim æquitas postulat, vt reus tamdiu puniatur, quamdiu non recipitur in gratiam, vt patet in rebus humanis, ex quibus philosophari debemus de diuinis: non enim tanto tempore punitur reus, quia manet in culpa habituali, quam non potest deleere; sed quia per actum suum meruit tamdiu puniri. potest autem pœna peccato debita exhaustiri & finem habere, etiam si ipse maneat despectus & vilis in Republica. Neque dubium est, quin Deus posset aliquod peccatum non mortiferum condignè punire, etiam si culpa seu macula peccati non condonetur, vt quando veniale coniungitur cum peccato mortifero. Pari modo nulla æquitas postu-

lat, vt quia Deus non statuit dare gratiam damnatis qua pœnitentiam agant, idcirco debeant in æternum puniri: non enim ideò puniuntur in æternum, quia non agunt pœnitentiam, aut quia Deus non statuit illis dare auxilium; sed ideò non statuit eis dare auxilium, quia eorum peccatum quod olim fecerunt, postulat æternam pœnam; & consequenter, vt in perpetuum eis denegetur auxilium, quo salubriter possint pœnitere.

167 Itaque fatendum est, ipsum peccatum per se tantam pœnam mereri, non quia deleri non potest, sed quia per se tantam malitiam continet, vt æterna castigatio secundum legem iustitiæ ei respondeat.

*Peccatum
mortiferum
per se mere-
tur pœnam
æternam.*

Quod confirmatur, Quia peccatum mortiferum per se meretur aliquam pœnam quæ illi ex æquo respondeat; & talis pœna à Deo cognoscitur. hæc autem vel est finita, vel infinita. Non finita, quia alioquin aliquando foret exhaurienda; & quidquid vltius pœnæ irrogaretur, esset suprâ condignum, & excederet limites iustitiæ. Ergo infinita: ac proinde ipsum peccatum secundum se, & ratione propriæ malitiæ, præcisa consideratione illa, an sit debile an indebile, meretur pœnam infinitam duratione. Quod vt melius intelligatur, explicandum est capite sequenti, in quo consistat malitia peccati.

CAPVT XXVI.

*In quo consistat malitia peccati, & quo modo mereatur
pœnam infinitam, seu æternam.*

168 QVOD ad priorem partem attinet, communior Doctorum sententia est, malitiam peccati consistere in quadam priuatione, idque ob duas potissimum causas. Primò, quia hoc sancti Patres passim insinuant. Secundò, quia si malitia consisteret in aliquo positivo, Deus esset auctor peccati, quod dictu nefas. Verùm id diuersis modis explicatur, præsertim à recentioribus, adeò vt quinque vel sex modi explicandi & sententiæ reperiantur: non enim conueniunt, nec in assignanda bonitate illa, in cuius priuatione cōsistat malitia peccati, nec in subiecto in quo immediatè sit illa priuatio, nec in modo explicandi illam priuationem: nam multi dicunt non esse priuationem, sed negationem.

Primus modus explicandi est eorum, qui dicunt, malitiam peccati commissionis (de hoc enim hîc agitur) consistere in priua-

*Varij modi
explicandi
hanc senten-
tiam.*

Qq q ij

tione rectitudinis debitæ inesse ipsi actui, qui peccatum dicitur verbi gratia, malitiam furti consistere in eo, quod iste actus accipiendi alienum careat rectitudine iustitiæ; malitiam fornicationis in eo, quod careat rectitudine temperantiæ seu castitatis. Vnde bonitatem, in cuius priuatione seu absentia consistit malitia, ponunt in honestate virtutis oppositæ, subiectum autem huius priuationis statuunt ipsum actum.

Secundus modus est eorum, qui priuationem illius bonitatis ponunt non immediatè in ipso actu peccati, sed in voluntate volente operari circa tale obiectum; vt ideò furtum sit malum, quia priuat hominem bonitate iustitiæ.

Tertius modus est eorum, qui non constituunt malitiam peccati in priuatione honestatis oppositæ, sed in priuatione conformitatis cum lege diuina: & hanc priuationem collocant immediatè in ipso actu peccati. Iuxta quam sententiam ideò furtum est malum, quia caret conformitate cum lege diuina, *Non furaberis.*

Quartus modus est eorum, qui ponunt malitiam in carentia perfectionis necessariæ, vt actus sit conueniens subiecto.

Quintus modus est eorum, qui rem verbis adhuc magis inuoluunt, & dicunt, formale peccati commissionis consistere in sola exclusionem perfectionis actualis bonitatis, quæ opposito actui virtutis inesse deberet ex vi præcepti negatiui prohibentis actum prauum.

Omnes hi modi explicandi mihi videntur alieni à mente SS. Patrum & S. Thomæ, & à veritate, quod sigillatim conabor ostendere. Vnde

*Malitia peccati non est priuatio rectitudinis de-
bitæ actui.*

Dico primò, Malitia formalis peccati non est statuenda in priuatione rectitudinis, quæ debeat inesse actui. Probatur primò. Quia nulla rectitudo debita est actui peccati, verbi gratia, volitioni furandi, mœchandi, occidendi, blasphemandi, odio Dei, &c. cum talis actus nullius rectitudinis sit capax: nulla enim ratione, nullâve potètia fieri potest, vt talis actus interior voluntatis (qui per se & immediatè peccatum est) rectè fiat; & ipsa malitia ita est illi intrinseca, vt posita libertate nullo modo possit ab eo separari. Hinc absentia talis rectitudinis considerata in actu, nō est priuatio boni, sed mera negatio. atqui ob negationem seu absentiam boni, cuius res non est capax, non potest dici mala, sed solùm minùs bona. Brutum enim non potest dici malum, quia caret bono rationis; nec dolor malus, quia caret bono voluptatis: sed solùm hac ratione possunt dici minùs bona.

Respondent quidam, Etiam si nulla rectitudo sit debita isti actui, *Responsio quorūdam.* quatenus est talis speciei, & versatur circa tale obiectum in specie; debita tamen est illi quatenus consideratur in genere ut actus humanus & liber; ea enim ratione est capax rectitudinis, & priuationis oppositæ: ac proinde malitia eius poterit consistere in priuatione rectitudinis debitæ illi actui, ut est actus humanus. Sed contrā, Iste actus secundum nullum gradum in ipso existentem est capax rectitudinis, neque rectitudo virtutis illi gradui illius est debita; ac proinde non potest dici malus quod desit ei rectitudo debita. Nec refert quod actui libero, quatenus liber est, debita sit rectitudo: quia hoc debitum non est in ullo actu particulari, sed in ipsa voluntate quæ tenetur & debet ponere rectitudinem in suis actibus: quod si non faciat, in ipsa erit priuatio rectitudinis, non in actu.

Refutatur.

Secundò probatur: Si tota ratio malitiæ peccati consistit in priuatione rectitudinis quæ actui debebat inesse, ergo tota ratio cuius odium Dei est malum, est, quia caret bono amoris diuini, seu honestate quæ est in amore diuino: & consequenter, is qui odit Deum, non plus peccat, quàm qui non amat, cum debet amare. Non enim potest plus peccare, quàm sit malitiæ in actu. atqui in actu tota malitia est absentia amoris, seu bonitatis quæ in amore cernitur: ergo odium Dei non poterit esse maius malum, quàm sit absentia amoris. Numquam enim effectus formalis potest esse maior ipsâ formâ seu ratione formali à qua prouenit. atqui absurdum est dicere, odium Dei non esse maius malum quàm sit defectus amoris; & voluntatem blasphemandi non esse maius peccatum, quàm defectum laudandi.

Tertiò, Idem probatur à simili in malis naturalibus: dolor enim non tantum dicitur malum animantis, quia caret bono voluptatis, sed etiam, & maximè, quia per se naturæ repugnat, eamque malè afficit. Longè enim alia sentitur afflictio, & aliter natura afficitur dum adest dolor, quàm cum solum deest voluptas. Sicut longè aliud est, esse amarum, quàm carere dulcedine; esse dolorificum, quàm esse priuatiuum voluptatis. Idem dicendum de errore & similibus. Ergo pari modo etiam in malis moralibus, non solum est priuatio honestatis oppositæ, sed etiam positua, repugnantia, quæ rationi & naturæ rationali, ut liberè operanti, repugnet. Ob has rationes quidam fatentur, malitiam peccati non consistere in priuatione rectitudinis quæ debeat inesse ipsi actui, qui nullo modo est capax illius; sed dicunt, debere inesse ipsi operanti.

seu voluntati: & hæc erat secunda sententia. Contra quam

Non consistit in priuatione rectitudinis qua debeat inesse operanti. 170 Dico secundò, Malitia peccati commissionis non consistit in priuatione rectitudinis, quæ debeat inesse ipsi operanti. Probatur primò: In operante numquam est priuatio rectitudinis debita, nisi quando tenetur benè operari. cùm enim non tenetur benè operari, non est illi debita vlla actualis rectitudo; ac proindè absentia illius non est priuatio, sed mera negatio. atqui omnia ferè peccata commissionis admittuntur extra illud punctum temporis quo est obligatio benè operandi; ergo illa vel non sunt peccata, vel eorum malitia non consistit in priuatione rectitudinis, quæ deberet inesse operanti. Secundò probatur, huc applicando rationem secundam suprà positam. Hinc enim sequetur, odium Dei non esse malum, nisi quia ab homine excludit bonitatem actus amoris: nec maius peccatum esse, odisse Deum, quàm non amare quando est amandus: quod manifestè falsum est & absurdum. Tertiò idem confirmatur ex iis quæ dicta sunt in tertia ratione. Dolor enim, error, & tristitia, dicuntur mala naturæ sentientis & intelligentis, non solùm quia priuant eam voluptate, veritate & gaudio: sed etiam quia per se & natura sua repugnant naturæ rationali, eamque malè afficiunt. Idem ergo dicendum de malis moralibus: nulla enim est ratio, si in physicis detur malum positivum, cur non etiam in actibus moralibus. Quartò, Priuare rectitudine debita subiecto, vel operanti, non est ratio formalis intrinseca actui malo, sed solùm est quid extrinsecum, nempe effectus formalis secundarius; sicut priuatio frigoris in aqua non est quid intrinsecum calori, sed effectus eius secundarius, qui ipsi calori in eodem subiecto coniungitur. Vnde sequitur, non idèò actum esse malum primariò, quia priuat bonitate virtutis; sed idèò priuare, quia malus est: ita vt prius sit actum esse malum, quàm inducere in subiecto priuationem, cùm priuatio sit effectus malitiæ eius. Confirmatur: Idèò enim actus peccati priuat bono virtutis, quia disconueniens seu repugnans rationi: atqui eadem est ratio cur sit malus primariò, nimirum quia repugnans rationi. ergo quia malus, priuat; non autem idèò primariò malus, quia priuat. Itaque ratio mali in actu est prior ratione priuationis, quæ est in subiecto: & consequenter non consistit primariò in illa priuatione, sed in aliquo alio. Dico primariò, quia non est negandum quin possit etiam dici malus ratione huius priuationis quam inducit: rectè enim dicitur malum, quod inducit priuationem boni. Sed hæc non est primaria &

intima eius malitia. Sicut dolor dici potest malus, quia priuat bono voluptatis: hæc tamen non est primaria eius malitia, nam per se est subiecto disconueniens, & malè illud afficit, vt experientia docet.

171 Quidam, vt defendant, malum etiam in naturalibus consistere solum in priuatione vel negatione, dicunt dolorem esse malum animalis non præcisè ratione suæ perfectionis positivæ, sed quia caret perfectione, quæ necessaria est vt sit conueniens animali. Idem dicere debent de omnibus rebus, quæ per suam entitatem positivam alteri malæ dicuntur. Contra quam sententiam.

*Non consistit
in carentia
conuenientiæ*

Dico teritiò: Tota malitia talium rerum, quæ alicui malæ dicuntur, non consistit in eo quòd careant perfectione necessaria, vt eidem sint congruæ & conuenientes. Est contra quartam. Probat: Quia alioquin maximus dolor non esset maius malum quàm minimus: nam vterque æquè caret perfectione quæ est necessaria, vt sit conueniens animali. Similiter vnus error non erit maius malum intellectus quàm alius, quia vnus non magis caret perfectione veritatis quàm alius; & hoc peccatum non erit maius illo, quia æquè caret perfectione virtutis, quæ necessaria vt actus sit conueniens. loquor de peccatis quæ sūt contra eandem virtutem. Secundò, Quia iudicio communi hominum numquam æstimatur magnitudo mali ex eo quòd illa res, quæ mala alteri dicitur, careat perfectione aliqua qua sit conueniens alteri; sed vel ex præstantia boni quo priuat, vel ex repugnantia quam habet cum subiecto, & afflictione quam infert. ergo tota malitia rei non consistit in carentia illius conuenientiæ. Tertiò, Longè maius malum est animanti, affligi doloribus, quàm carere qualitate aliqua vel bono, positivo conuenientiæ; ac proinde malitia doloris non consistit in sola carentia perfectionis necessariæ vt sit conueniens animanti, sed aliquid amplius addit. Confirmatur: Quia alioquin tota ratio mali consisteret in eo, quod est non esse bonum: idem enim est, carere perfectione per quam sit alteri conueniens, & non esse bonum. atqui commune iudicium hominum id refutat. His adde, hanc carentiam perfectionis necessariæ vt res sit conueniens subiecto, esse meram negationem, quæ necessariò fundatur in aliqua ratione positiva, per quam repugnat ei esse conueniens: ac proinde malitia consistet in illa ratione positiva, quæ est fundamentum istius negationis, & prior ratione. Denique nihil potest dici malum ob negationem, sed solum minus bonum. Hæc ergo sententia vera esse non potest.

Non consistit
in priuatione
conformita-
tis cum lege
diuina.

171 Dico quartò: Malitia peccati non consistit primariò in priuatione conformitatis cum lege diuina. Est contra tertiam sententiam. Probatur primò: Actus peccati non est capax illius conformitatis; ergo non potest dici malus, quia priuatus est hac conformitate: nihil enim potest dici malum ex eo quòd non habeat perfectionem, cuius non est capax; alioquin lapis erit malus, quia caret ratione, sensu, vita. Secundò, Conformitas cum lege diuina in omnibus præceptis negatiuis consistit formaliter in negatione actus; nihil enim à nobis exigunt illa præcepta, quàm vt abstineamus ab opere malo, vt patet in præcepto *Non occides, Non furaberis, Non adorabis deum alienum, &c.* hæc enim per se præcisè non exigunt aliquem actum positium, præsertim qui sit virtutis, sed solum omissionem operis vetiti: & per illam omissionem sumus sufficienter conformes legi prohibenti. Quo posito, sequitur, malitiam peccati commissionis consistere in priuatione negationis: quia conformitas cum lege prohibente est negatio actus mali. atqui priuatio negationis non fit formaliter nisi per aliquid positium: ergo malitia peccati consistet in aliqua ratione positua. Vnde hæc sententia seipsam elidit. Tertiò, In illa conformitate negatiua nihil est boni moralis, vt per se patet; quia *non furari, non occidere*, nihil habet boni moralis, cum sit mera negatio actus mali: ergo eius priuatio & absentia non potest actum reddere formaliter malum. Denique quis dicat hominem idcirco solum malè facere occidendo, furando, blasphemando, quia non est conformis legi diuinæ hæc prohibenti? vel quia non occidere, non furari, non blasphemare est bonum?

Si dicas, hanc conformitatem cum lege diuina prohibente, non consistere præcisè in abstinendo ab opere malo, sed in voluntate abstinendi, in qua voluntate est bonum morale. Contrà: Quia lex diuina prohibens non requirit per se positiuam voluntatem abstinendi, sed solum abstinentionem operis mali; & quamuis sæpè talis voluntas interueniat, nõ est necesse vt sit moraliter bona: potest enim quis concipere voluntatem abstinendi ab opere malo propter aliquid indifferens, verbi gratia, ne incurrat periculum mortis vel infamiae, &c. & ita non erit in illo actu aliqua bonitas, cuius priuatio actum peccati reddat malum.

172 Dico quintò: Ratio formalis peccati non consistit in sola carentia reſtitutionis debitæ ab operâte. Hæc propositio parum differt à secunda: sed quia à quibusdam modus loquendi non nihil mutatus

tus est, ideò eam sub hac forma proponimus. Probatur primò: Illa reſtitutio debita ab operante, vel debita eſt illi aſtui qui dicitur malus, vel alicui alteri. Non aſtui malo; quia hic non eſt capax reſtitutionis, ac proinde nulla reſtitutio eſt ei debita. Non etiam alteri aſtui; quia hic aſtus non poteſt dici malus ex eo, quòd in alio aſtu teneor operari benè, & non operor: verbi gratia, Nemo dixerit me malè agere furando, quia careo reſtitutione, quam teneor ponere in alio aſtu: vel malè agere blaſphemando, quia careo reſtitutione laudis diuinæ. Denique longè peius eſt odium Dei, blaſphemia, & ſimilia peccata poſitiua, quàm carentia reſtitutionis debitæ ab operante, nēpe amoris & laudis diuinæ. His accedit, quod plerumque dum quis peccat, nullam debeat ponere reſtitutionem, honeſtatem, aut virtutis aſtum, ſed ſolùm teneatur abſtinere ab opere ſeu voluntate mala: ac proinde nulla ſit in illo carētia reſtitutionis debitæ, quæ reddat aſtum malum.

173 Dico ſextò: Ratio formalis peccati commiſſionis non eſt poſita in ſola excluſione bonitatis aſtualis quæ oppoſito aſtui virtutis ineſſe deberet ex vi præcepti negatiui prohibentis aſtum prauum. Eſt contra vltimum modum explicandi hanc negationem. Probatur primò: Quia ex vi præcepti negatiui prohibentis aſtum prauum, nulla debet ineſſe bonitas oppoſito aſtui virtutis; ergo malitia moralis non conſiſtit in excluſione illius bonitatis. Conſequentia eſt manifeſta. Antecedens probatur: Nam præceptum negatiuum *Non furaberis, Non occides*, non poſtulat, vt aſtui qui furto vel homicidio opponitur, inſit aliqua honeſtas virtutis; ſed ſolùm vt abſtineas ab aſtu furti & homicidij, non curando quomodo aſtus oppoſitus fiat, ſiue ex affectu virtutis, ſiue ex affectu boni indifferentis, &c. Secundò, Bonitas aſtualis, quæ eſt in aſtu iuſtitia quo quis reddit alteri quod ſuum eſt, non ineſt illi ex vi præcepti negatiui prohibentis furtum, vel rei alienæ detentionem; ſed ex vi proprii obiecti & affectu illius, vt per ſe notum eſt: neque etiam ex vi illius præcepti tenetur operans in ſe vel in ſuo aſtu aliquam aſtualem honeſtatem ponere, ſed ſolùm tenetur ab opere malo abſtinere. Tertio, Si tota malitia aſtus prauſ conſiſtat in ſola excluſione aſtualis bonitatis virtutis oppoſitæ; ergo odium Dei non eſt maius malum, quàm defectus & abſentia amoris: & blaſphemia non eſt maius malum quàm abſentia laudis, vt ſuprà oſtenſum. Denique, Vel intelligenda eſt iſta ſententia de excluſione bonitatis aſtualis ab aſtu peccati, vel ab ipſo operante. Neutrum dici po-

test; ergo, &c. Non prius; quia actus peccati non est capax bonitatis actualis. Non posterius; quia inde sequeretur, odisse Deum non esse maius malum quàm non amare.

*Duplex ma-
lum, natura
& moris.*

174 His refutatis, explicanda est vera sententia. Pro qua notandum est, duplex esse malum, naturæ & moris. Malum naturæ seu naturale, est, quod naturæ, ut rationem naturæ habet, est dissentaneum, eam malè afficit, vel etiam tollit, siue sit quid priuatiuum, ut cæcitas, surditas, ignorantia, mors; siue quid positiuum, ut dolor, tristitia, error. Et quamuis potissimum locum habeat in natura sentiente & rationali, quæ bonum & malum suum sentire potest; tamen etiam suo modo in sensu carentibus & rebus inanimis reperitur. Est enim malum & bonum plantarum, gemmarum, terrarum, & similium; non solum quatenus considerantur ut veniunt in usum hominum, sed etiam secundum propriam speciem. Bonum enim cuique rei censetur, quod illi conueniens est, eamque secundum conditionem naturæ suæ perficit: malum, quod illi repugnat, vel dissentaneum est naturæ, eamque malè afficit.

Malum moris dicitur, quod est dissentaneum naturæ rationali, quatenus est agens liberum, seu quod est contra regulam rectæ rationis: ut sunt omnia peccata, siue commissionis, siue omissionis.

Ex quibus patet, quod sicut in genere mali naturæ reperitur malum positiuum & priuatiuum, ita etiam in genere mali moris; adeo ut in hæc duo membra ex æquo diuidatur. Sicut enim ratio boni consistit in eo quod est esse alicui conueniens: ita ratio mali in eo quod est, esse disconueniens. Potest autem aliquid esse disconueniens dupliciter. Primò, tamquam priuatio boni debiti; sicut cæcitas, surditas, &c. Secundò, tamquam quid positiue repugnans naturæ, eamque contra naturam disponens & afficiens, ut dolor, error, qualitatium exuberantia. Idem cernitur in malo moris: potest enim dupliciter quid esse disconueniens homini ratione utenti; nimirum per modum puræ priuationis, sic ommissio operationis quando deberet quis operari, est quid disconueniens, & per modum positiuæ operationis, ut sunt omnia peccata commissionis.

175 Notandum secundò, Malum tam naturæ quàm moris rursus duplex esse: aliud enim est purum malum absque vlla admixtione boni, ut quævis priuatio boni debiti naturæ, vel operationi seu agenti libero; ut cæcitas, surditas, infirmitas, ommissio boni operis præcepti: hæc enim etsi necessariò sint, connexa rei bonæ, nempe subiecto quod per se bonum est; tamen in se nihil boni habent, &

mala sunt, quia subiecto sunt disconuenientia, & illud suo modo malè afficiunt, dum formaliter ipsius bonum tollunt. Nulla verò negatio malum censendum est: quia etsi nihil boni in se habeat, tamè quia nulli bono est disconueniens, quasi malè afficiens illud & priuās bono debito, reuerà malum non est, sed solùm non bonum. Sicut carere ratione, non est malum bruto, quia non priuat illud vno bono quod ipsi sit conueniens, sed est naturalis ipsius conditio. Multò minus aliquod ens positium potest esse purum malum: quia in re fœdè hallucinati sunt Manichæi, qui ponebant duo regna, & duo rerum principia, nempe regnum seu terram lucis cum suis elemētis & principibus, qui omnes erant per se suamque substantiam boni: & regnū seu terram tenebrarum cum suis elementis & principibus tenebrarū, qui omnes per se suamque substantiam erant mali. Ex horum conflictu factam esse commixtionem lucis & tenebrarum, & sic conditū mundum. Hos variis locis refutat S. Augustinus tom. 6. & alij sancti Patres, ostendentes omnem substantiam esse per se bonam; & malū nihil esse aliud, nisi priuationem & absentiam boni, vbi loquuntur de puro malo, ad mentem Manichæorum.

*Manichæi
vult error.*

August. heresi 46. & cōtra Epist. fundamenti, & lib. contra Fortunatū. Epiphanius heresi 66.

Aliud non est purum malum, sed dicitur malum, quia etsi in se aliquid boni sit, tamen alteri malum est, & malè ipsum afficit. Sic dolor dicitur malum animantis, & tristitia, & error, quia quodlibet horum non solùm impedit bonum subiecti, sed etiam per se est disconueniens, & prauè disponit subiectum. Simili modo calor potest dici malum aquæ, non solùm quia excludit frigus, quod est eius bonum, vtpote conueniens eius naturæ; sed etiam quia per suam entitatem posituiam ei est disconueniens. Simili ratione omnis actio praua, etiam præcisa liberrate, mala dicitur, quia per se est disconueniens naturæ rationali, ita vt honestè fieri vel appeti nequeat seclusâ ignorantia. Nec refert quòd omnia ista in se aliquid boni habeant, & bona sint; quia quod in se bonum est per modum entis positui, potest esse malum alteri per eandem entitatem qua sibi bonum est. Est enim sibi & in se bonum, quatenus habet omnem perfectionem debitam sibi secundum suam speciem. Est malum alteri, quatenus per eandem perfectionem est alteri dissentaneum & repugnans, & malè illum afficit.

Notandum tertio, Rationem & magnitudinem mali æstimari non solùm ex bono quo priuat suum subiectum, vel ex repugnantia quam habet ad subiectum vel operantem; sed etiam ex damno

vel iniuria quam infert alteri, ut patet in peccatis iniustitiæ, & omnibus aliis quæ in alterum committuntur. His positis,

Malitia peccati non consistit in aliqua physica vel reali ratione.

176 Dico septimò: Etiam si actus prauus secundum suam entitatem physicam sit aliquo modo malus, non tamen præcisè ratione illius entitatis est peccatum formaliter, ac proinde ratio formalis peccati non consistit in aliqua entitate vel ratione physica ipsius actus. Prior pars, quòd talis actus non solum ratione alicuius priuationis, sed etiam per se aliquo modo malus sit, est communis sententia DD. & patet ex dictis in secunda Notatione, & ex ipsa mali definitione, quòd est, esse dissonum ac repugnans naturæ. Hinc talis actus per se dicitur malum & peccatum obiectiuè, vel materialiter & fundamentaliter. Altera pars, quòd actus prauus ratione suæ entitatis præcisè non sit peccatum formale, neque habeat malitiam formalem peccati ratione cuius imputetur ad culpam, probatur: Quia si ille actus desinat esse liber, vel desinat cōsideratio rationis circa malitiam, etiam desinet esse peccatum, & tamen nulla realis mutatio facta erit in ipso actu. Esse enim liberum & non liberum in actu, sunt denominationes extrinsecæ à causa sic vel sic disposita, nō solum in actibus externis, sed etiam internis ipsius voluntatis, ut modò suppono. Sicut rationem aduerte re vel non aduerte re quale illud sit quod voluntas vult, est extrinsecum actui voluntatis. Hinc manifestè sequitur, malitiam formalem peccati non consistere in aliquo positivo physico. Et hoc potissimū est quod DD. intendunt, qui confugiunt ad priuationem, ne Deum faciant auctorem peccati.

Non consistit in aliqua relatione reali.

177. Dico octauò, Actus prauus non est etiam peccatum aut malus moraliter ratione alicuius relationis vel ordinis realis, ac proinde malitia peccati non consistit in aliqua relatione reali. Probatur: Quia actus qui dicitur peccatum, siue sit interior voluntatis, siue exterior, ad tria comparari potest, ad quæ aliquam relationem habere videtur; nimirum, ad operantem, ad legem prohibentem, & ad obiectum. Ad nullum autem horum habet relationem realem. Non ad operantem; quia etiam si dependentia actus ab operante sit aliquis modus vel ordo aut relatio realis, tamen in hac præcisè non consistit formalis malitia peccati, sed in dependentia actus, quatenus est liber & cognitus, quæ sunt denominationes extrinsecæ actui. Nulla autem relatio realis potest fundari in denominatione extrinseca, ut in eo quod est, esse cognitum, volitum, liberum, dextrum, sinistrum, &c. ratio enim fundandi extrinseca, vel

Relatio realis non potest fundari in denominatione extrinseca.

accepta ab eo quod est extrinsecum fundamento, non potest in fundamento ponere, vel ei adferre relationem realem intrinsecam. Non etiam ad legem prohibentem; quia esse prohibitum lege, est denominatio extrinseca in actu: unde non potest fundare relationem realem in actu. Deinde ipsa ratio legis non est quid reale, sed rationis, nempe regula practica mente concepta. Unde repugnantia quæ repugnat actus huic regulæ, non potest fundare relationem realem; præsertim cum actus possit incipere & desinere esse contra legem, absque vlla sui mutatione, sola mutatione facta in lege, vel in libertate voluntatis, vel in consideratione intellectus: ut si lex incipiat esse; vel si cum esset, abrogetur, actu adhuc durante. Si voluntas incipiat liberè influere in actum, vel cum antea liberè influeret, desinat liberè influere, actu continuo, &c. Denique non habet etiam actus relationem realem ad obiectum quatenus prauum est; quia quod obiectum sit prauum, plerumque provenit à quibusdam circumstantiis extrinsecis, quæ nihil ponunt in obiecto. Acceptio enim rei alienæ, etsi ordinem realem habeat ad rem illam quatenus est res expetenda, hac tamen ratione non est mala; sed solum est mala, quatenus est acceptio rei alienæ domino invito. atqui quod res sit aliena, aut quod dominus sit invito, non est quiddam in ipsa re, sed solum denominatio extrinseca à iure & voluntate alterius: ac proinde in acceptione non est aliqua relatio realis ad rem ut aliena est. Idem cernitur in actu fornicationis, adulterij, contumeliæ, blasphemiæ, &c. quod enim hæc fornicatio sit soluta, vel alteri iuncta matrimonio, nihil reale in illa ponit: ac proinde non potest in actu (quo ipsa cognoscitur voluptatis causa) esse ratio alicuius relationis realis. Malitia quoque contumeliæ & blasphemiæ fundatur in significatione verborum, quæ nihil reale ponit in verbis. Idem locum habet etiam in actibus internis, qui tendunt in obiecta sua, quatenus sunt delectabilia vel utilia, non autem quatenus debitis circumstantiis carent. Unde ad illas nullum ordinem realem habent.

*Ordo actus
ad obiectum
quatenus
prauum, non
est realis.*

178 Hinc patet falli Caietanum 1. 2. q. 18. a. 5. dum putat, habitus & actus vitiorum tendere in obiectum formale contrarium obiecto formali virtutis, & ab eo accipere speciem positivam & realem physicè contrariam habitibus & actibus virtutum. Virtus enim tendit in suum obiectum, quatenus honestum seu consentaneum rectæ rationi: unde esse tali vel tali modo consonum rectæ rationi, est obiectum formale eius in qualibet materia, & in tendentia ad

*Sententia
Caietani re-
futatur.*

Rrr iij.

tale obiectum, consistit bonitas moralis actus, supposita eius libertate; estque hæc tendentia quid reale & physicum in actu, speciem ei tribuens simul moralem & physicam. Vitium verò non tendit in suum obiectum, quia inhonestum vel rationi dissonum, aut quia caret debitis circumstantiis; (imò optaret vitiosus totum esse rationi consonum, & abesse circumstantias prauas;) sed quia delectabile, vel utile, vel honorificum: & hinc accipit suam speciem physicam & realem, quæ consistit in reali ordine ad tale obiectum, ad circumstantias prauas, aut inhonestatem obiecti, vel quatenus ipsum rationi dissonum, non habet vllum ordinem realem; quare nec inde accipit aliquam speciem realem & physicam. Vnde manifestum est, habitum virtutis & vitij, verbi gratia, temperantiæ & intemperantiæ, non habere physicam repugnantiam; similiter nec actus: quia non tendunt physicè in obiecta formaliter contraria. Si tamen habitus & actus vitiorum considerentur secundum esse morale, quatenus subsunt libertati & considerationi seu regulæ rationis, sic habent repugnantiam cum virtute; quia tendunt in obiectum, quod spectatum cum illis circumstantiis, est rectæ rationi & obiecto virtutis contrarium, & ab illo sic spectato speciem moralem & malitiam accipiunt: quæ tamen species non est quid physicum in actu vel habitu, sed solum quid morale, proueniens ex interpretatiua tendentia in obiectum prauum, & in ipsam obiecti prauitatem. Hoc ipso enim quo sciens & volens fertur in obiectum prauum seu inhonestum, censetur velle inhonestatē & turpitudinem actus, etsi ipsam actu formali vellet abesse: & ratione huius tendentiæ habet speciem moralem, & consequenter malitiam, quæ in actibus internis voluntatis in hac tendentia constitui potest. ideò enim mali sunt, quia in obiectum regulæ rationis repugnans feruntur: neque id sententiæ S. Thomæ repugnat, ut infra patebit. Hinc fit ut species moralis sit accidentaria speciei naturalium actus, tum habitus prauus: secus in actibus & habitibus bonis, ut dictum est. Ex his manifestum est, in actibus prauis non posse reperiri vllam relationem vel modum realem, in qua eius malitia formalis possit constitui.

179 Dico nonò: Formalis malitia peccati non consistit in aliqua priuatione propriè dicta, quæ sit in ipso actu, neque in aliquo reali positivo, sed in priuatione quadam morali, nempe in recessu à regulæ rationis, & in auersione à Deo. Prior pars constat ex refutatione aliarum sententiarum. Altera pars est apertè S. Tho-

*Habitus vitij
& virtutis
habent repu-
gnantiam
moralem, nō
physicam.*

*Consistit in
quadam pri-
uatione mo-
rali.*

ma 1. 2. q. 72. a. 1. *Ad rationem*, inquit, *peccati duo concurrunt*, *actus & inordinatio eius, quæ est per recessum à lege Dei*. Vbi *inordinationem* ponit pro formali peccati, & hanc inordinationem statuit in *recessu à lege Dei*. & in Resp. ad 2. *Peccatum non est pura priuatio, sed actus debito ordine priuatus*. & hanc priuationem in argumento, *Sed contra*, explicat per *esse contra legem Dei*. Idem clarè tradit quæstione 71. a. 6. *Habet actus humanus quod sit malus ex eo, quod caret debita commensuratione: omnis autem commensuratio cuiuscumque rei attenditur per comparisonem ad aliquam regulam, à qua si diuertat, incommensurata erit. Regula autem voluntatis humanæ est duplex; una propinqua & homogenea, scilicet ipsa ratio humana: alia vero est prima regula, scilicet lex æterna, quæ est quasi ratio Dei*. Hic malitiam ponit in eo, quod est esse incommensuratum suæ regulæ; quod non fit solum per puram priuationem, quæ non suscipit magis & minus, sed etiam per repugnantiam quamdam & contrarietatem. & in Responsione ad 5. explicat hanc priuationem per *esse contra Deum, & contra legem æternam: & contra rationem*. Idem clarissimè docet q. 87. a. 4. *In peccato sunt duo, quorum unum est auersio ab incommutabili bono, quod est infinitum: unde ex hac parte peccatum est infinitum. Alterum est inordinata conuersio ad bonum commutabile, & ex hac parte est finitum*. Hic malitiam peccati, quatenus mortale est, ponit in *auersione à Deo*: quæ auersio non cōsistit in nuda priuatione propriè dicta, sed in recessu à Deo; qui recessus fit per actum positium habentem repugnantiam moralem contra legem diuinam, & ipsum Deum.

180 Quæ sententia ut meliùs intelligatur, notandum est, sicut in rebus arte factis totum bonum consistit in conformitate operis cum regula artis, & totum malum in recessu ab hac regula: ita in moralibus totum bonum consistit in conformitate cum regula rationis, & lege æterna, & totum malum in recessu ab hac regula. Hic recessus dicitur priuatio, non physica, sed moralis: quia cum homo deberet se conformare suæ regulæ in operando, vel saltem non facere contra illam; faciendo actum prauum, non conformatur se illi, sed ab ea recedit. Porro multis modis ab aliqua regula in operando recedi potest: longè enim magis recedit à regula is qui positiuè facit contra illam, quàm qui solum priuatiuè se illi non accomodat, aliquid omittendo quod ipsa præscribit. Sicut qui odit Deum, longè magis recedit à Deo, & auertitur ab illo, quàm qui non amat cum deberet amare; qui blasphematur, magis quàm qui

Malum in moribus consistit in recessu à regula rationis.

Multis modis receditur à regula.

non laudat, &c. Itaque hæc priuatio suscipit magis & minus; ac proinde non omnia peccata contra eandem virtutem sunt æqualia & eiusdem speciei; quod tamen sequeretur, si malitia consisteret in priuatione propriè dicta honestatis contrariæ. Hoc ergo modo intelligendus est S. Thomas & sancti Patres, cum dicunt peccatum consistere in priuatione. ac de S. Thoma satis constat ex iis quæ ex ipso adduximus, & ex aliis locis plurimis.

Quod ad sanctos Patres attinet: S. Basilii in Constitut. monasticis cap. 3. *Vitium, ait, nihil est aliud quàm virtutis desertio*, id est, recessus à regula rationis quæ virtutem præscribit. S. Augustinus lib. 2. De lib. arb. cap. ultimo. *Nulla ergo natura est quæ non sit à Deo: motus ergo ille auersionis (quod fatemur esse peccatum, quoniam defectiuus motus est, omnis autem defectus ex nihilo est) vide quò pertineat, & ad Deum non pertinere non dubites. Vocat peccatum motum auersionis & motum defectiuum, non quòd illi insit aliqua priuatio propriè, sed quia per illum homo recedit & deficit à Deo eiusque amicitia, & motus ille inducit amicitia priuationem. omnis defectus dicitur esse ex nihilo; quia quòd res possit aliquo modo deficere à sua regula, vel à suo bono, hoc prouenit non ex aliqua qualitate vel conditione à Deo ipsi impressa, sicut quòd possit operari: sed ex eo quòd ipsa sit ex nihilo. S. Fulgentius lib. De fide ad Petrum cap. 21. *Malum nihil aliud est, nisi boni priuatio. unde geminum constat esse creatura rationalis malum: unum quo voluntariè ipsa deficit à summo bono Creatore suo, alterum quo inuita punietur. Vbi etiam pœnam sensus vocat priuationem, cum non sit propriè priuatio, sed quid positium cui priuatio annexa. Denique, quando peccatum definitur à S. Augustino dictum, factum, vel concupitum contra legem Dei æternam, & ab Ambrosio celestium inobedientia mandatorum, & diuini prauaricatio præcepti, satis declaratur quomodo hæc priuatio sit intelligenda.**

Malitia peccati explicatur à Patribus per priuationem quæ est effectus peccati.

181 Notandum tamen est, SS. Patres malitiam peccati interdum explicare per priuationem boni, non quod debeat inesse ipsi actui peccati, sed quod debeat inesse homini operanti, quodque per ipsum peccatum destruitur. Vnde declarant malitiam peccati ab effectu quem causat in anima, spoliando illam bonis quæ possidebat, vel habere debebat, nempe bonis habitibus & functionibus quibus Deo coniungebatur. Hic enim effectus est nobis notior, quàm intrinseca peccati malitia. Quòd enim peccatum priuet hominem gratia diuina, charitate & coniunctione cum Deo, aliis-

aliisque virtutibus, & vita æterna, & reddat ineptum ad bonas operationes, facile intelligitur, & inde optimè æstimatur quantum malitiæ sit in peccato. Hoc modo intellige Dionysium, cùm cap. 4. De diuinis nominibus p. 4. ait, *malum in demonibus & hominibus esse priuationem diuinorum bonorum, defectum habituum & operationum, prolapsionem à naturalibus bonis.* id est, à bonis naturæ consentaneis. quamuis ipse non tam loquatur de malitia actus trans-euntis, quàm de malo quod post actum remanet in subiecto, quod manifestè in priuationibus situm est. Eodem modo Vasquez exponit multos alios Patres. sed multi ex illis exponi possunt de priuatione, quæ consistit in recessu à virtute, vel lege diuina, vel ab ipso Deo, & statu gratiæ.

182 Notandum secundò, hanc auersionem vel inordinationem, quam dicimus esse formalem malitiam peccati, non esse aliquam conditionem physicam seu realem intrinsecam ipsi entitati actus: quia actus potest acquirere & amittere hanc conditionem absque vlla sui intrinseca mutatione, per hoc quòd incipit vel desinit esse liber; vel quia ratio aduertit vel non aduertit esse contra regulam rationis, vel legem æternam, vt suprà ostensum. quod est manifestum indicium, non esse quid reale aut physicam aliquam priuationem: hæc enim nō potest accedere & recedere sine reali & intrinseca mutatione rei cui inesse concipitur. sed est quid morale, resultās in actu vel omissione actus, posita sufficiente libertate & rationis consideratione. Hoc ipso enim quo quis sciens & aduertens opus esse contra rectam rationem vel legem diuinā, liberè illud vult, resultat in actu volūtatis illa ratio inordinationis & auersionis, ita vt nullo modo id possit impediri. Ex quibus perspicuum est, formale peccati, siue concipiatur per modum priuationis, siue per modum cuiusdam repugnantie moralis, non esse ens, nec quid creatum, sed *nihil*, vt rectè dixit S. Augustinus Tract. 1. in Ioannem. *Peccatum, inquit, non per ipsum factum est, & manifestū est quia peccatum nihil est, & nihil fiunt homines cū peccant.* quod tamen ipse nō solum intelligit de ipsa formali malitia, sed etiam de toto actu peccati, quem dicit esse *nihil*, & non esse à Deo, idque explicat exēplo idoli, quod Apostolus dicit esse nihil in mundo.

Vbi aduertendum, secundū Augustinum, actum peccati, & ipsum motum voluntatis quo auertitur à Deo, dici *nihil* ob duas causas. Primò, quia etsi Deus concursu generali ad illum motum concurrat, ille tamen motus non est quid à Deo intentum aut

Non est aliqua conditio realis in actu

Malitia non esse formaliter nihil.

Quare peccatum dicitur esse nihil Augustinus.

procuratum; nec vires inseruit vt tales motus fierent: sed planè contra intentionem Dei fiunt ab homine. hinc negat taleni motum esse à Deo. Idem apertè negat lib. 12. Confessionum cap. 11. & lib. De perfectione iustitiæ, Ratiocinatione 4. dicit, *talem motum qui peccatum dicitur, non esse rem, sed actum: & Deum qui est auctor omnis rei, non esse auctorem istius motus.* Secundò dicitur nihil, quia hominem facit nihil, nempe priuando illum omnibus meritis & vita diuina gratiæ, ita vt nihil apud Deum æstimetur, tamquam mortuus. Simili modo *idolum* dicitur nihil ab Apostolo, quia nullius est pretij & dignitatis in eo quod præ se fert, cum nihil habeat diuinitatis.

Peccati mortiferi malitia consistit in quadam iniuria in Deum.

183 Dico primò: Malitia formalis peccati non solùm consistit in recessu à regula rationis, seu (quod idem est) in repugnantia actus cū regula rectæ rationis, aut natura rationali; sed etiam in quadam iniuria quæ irrogatur Deo; quæ reperitur in omni peccato mortifero. Hæc est sententia S. Thomæ in omnibus locis quibus docet malitiam peccati mortiferi consistere in *voluntaria auersione* à Deo: hæc enim auersio ideò tantum malum est, quia est contemptus quidam Dei & vilipensio. vnde dicit S. Thomas, *peccatum ratione auersionis esse infinitum, & mereri poenam infinitam.* Est etiam communis sententia DD. hoc tempore, qui ex hoc capite tribuunt peccato mortifero quamdam infinitatem. Probatur primò de peccatis quæ directè sunt contra Deum. Nemo enim dixerit, totam malitiam blasphemix, odij Dei, idololatriæ, periurij, sacrilegij, cōsistere in eo quòd isti actus sint dissoni naturæ rationali, vel eam dedecorent, & turpilabe afficiant; vel quia repugnant rationis regulæ: cum ex communi hominum iudicio ista censeantur grauissima peccata, eò quòd contemptum vel iniuriam apertam in Deum contineant, ac proinde sint dissentanea Deo, vtpote eius honori & dignitati repugnantia. Deinde, quodlibet peccatum mortiferum non solùm malum dicitur, quòd naturæ rationali sit dissentaneum; sed maximè quia contemptum quemdam vel iniuriam Dei continet, non quidem semper expressam & formalem, sicut blasphemia & odium; sed implicitam & interpretatiuam, quatenus per peccatum contemnitur lex diuina in re graui, & consequenter ipse legislator: sicut inter homines, si supremus Princeps sub pœna mortis prohiberet furtum vel adulterium, & ego eius in præsentia, ipsoque inspectante ista peccata committerem, communis hominum iudicio censerer con-

temerere auctoritatem Regiam & Regem ipsum, eiusque amicitiam & bona omnia quę promiserat, eique iniuriam facere lædendo ipsius honorem, quatenus actus ille est signum contemptus & vilipensionis. Similis contemptus continetur in omni peccato mortifero. Confirmatur ex Scripturis: Quia omnis qui peccat, in Scriptura Sacra dicitur *contemnere Deum*; & qui obedit Deo, dicitur ipsum *glorificare & honorare*. 1. Regum 2. *Quicumque glorificauerit me, glorificabo eum: qui autem contemnunt me, erunt ignobiles*. Hic omnes qui peccant, dicuntur *Deum contemnere*; quia violando ipsius mandata, censentur eum eiusque amicitiam & promissa omnia nihili facere. Leuit. 6. *Anima quę peccauerit, & contempto Domino negauerit proximo depositum*. vbi peccatum explicatur per contemptum Dei. & cap. 26. sæpè dicitur *peccator spernere legem Dei; ambulare, id est agere contra Deum, & aduersari Deo; irritum reddere eius pactum*. & Num. 15. *esse rebellis Deo*. 1. Regum. 15. *Quasi peccatum ariolandi est, repugnare (Deo:) & quasi scelus idololatrię, nolle acquiescere*. vbi Samuel loquitur de omni peccato quo præceptum diuinum violatur, & comparat peccatis quibus aperte fit iniuria Deo. Sicut enim ariolus relicto Deo consulit dæmonem, eique tamquam Deo adhæret; & idololatra honorem Dei transfert ad rem creatam: sic peccator relicto Deo eiusque amicitia & reuerentia ipsi debita, conuertit se ad rem creatam, eam hinc & nunc præferens Deo. Denique passim in Scripturis peccator dicitur *se auertere à Deo, relinquere Deum, abijcere Deum, eiusque leges, &c.* Ex quibus patet, secundum Scripturam sacram, malitiam peccati esse ponendam potissimum in ordine ad Deum, eamque consistere in hoc, quòd Deus eiusque amicitia contemnatur, & honor eius atque auctoritas violetur. Hunc contemptum alij explicant per auersionem à Deo, vt dictum est.

Peccatum in
Scripturis
explicatur
per contem-
ptum Dei.

184 Itaque duplex in omni peccato mortifero malitia distingui potest, altera alteri subordinata, vt colligitur ex S. Thoma 1. 2. questione 71. a. 6. ad vltimum. & Caiet. ibidem; nempe, ex ordine ad operantem, seu quatenus est actus dissentaneus naturę rationali, eamque dedecorat; & in ordine ad Deum, quatenus est quidam contemptus & vilipensio Dei. Ex priori ordine non habet actus rationem peccati mortiferi, sed solum actus prauis in genere: ex altero verò habet rationem peccati mortiferi. Vnde in omni peccato mortifero reperitur: omnia enim in eo conueniunt, quòd includant quemdam contemptum Dei; alia maiorem, alia minorem. in

In omni pec-
cato mortif-
ero duplex
malitia.

quibusdam enim magis directè contemnitur Deus, vt in odio Dei, in blasphemia, in idololatria, in infidelitate, sacrilegio, periurio, violatione voti, desperatione, & similibus quæ magis directè sunt contra Dei honorem: in aliis solùm indirectè & interpretatiuè, quatenus violatur & contemnitur lex diuina in re graui, & consequenter ipse legislator, eiusque amicitia & promissa omnia, & minæ omnes.

Si non esset
Deus, non
esset pecca-
tum mortifi-
ferum.

185 Ex quibus sequitur primò, Si nullus esset Deus, nullum fore peccatum verè & propriè mortiferum, sed omnia fore venialia: quia carebunt illa malitia quæ spectatur in ordine ad Deum. imò eo posito, expresse contemnere Deum, non maius esset peccatum, quàm contemnere chimæras vel rem impossibilem. Vnde solùm actus diceretur malus quatenus dedecorat operantem, & lædit proximum vel Rempubicam.

Dices: Ergo infideles qui non norunt Deum, non peccant mortiferè. Respondeo negādo consequentiam: Quia etsi non norint Deū distinctè cognoscendo eum esse conditorem cæli & terræ, norunt tamen confuse & in genere esse aliquod Numen cui peccatum displiceat, quodque illud vindicet. hinc remorsus & occultum flagellum ob scelera patrata. Vnde apud omnes gentes sunt aliqui sacerdotes vel magi, qui peccata expient, & Numen placent. Quòd si fortè sunt aliqui adeò barbari vt nihil sciant de Numine; hi tamen possunt mortiferè peccare, quia ita in malum feruntur, vt etiamsi scirent esse vnum Numen illud prohibens, nihilominus ex vi illius affectus malum patrarent. Vnde virtualis quidam contemptus Numinis in illorum affectu continetur. Quò tamen maiorem quis habet de Deo notitiam, eò cæteris paribus grauius peccat, iuxta sententiam Domini: *Seruus qui cognouit voluntatem domini sui, & non fecit secundum voluntatem eius, vapulabit multis: qui autem non cognouit, & fecit digna plagis, vapulabit paucis.* quò enim clariùs cognoscit Dei maiestatem, eò etiam magis censetur eam contemnere dum eius præcepta violat.

LUC. 12:

Si Deus pec-
cata non pro-
hibuisset,
nullum esset
peccatum
mortiferum.

186 Sequitur secundò, Nullum etiam fore peccatum mortiferum, si Deus peccata non prohibuisset, saltem per legem naturæ mentibus hominum insculptam. Si enim peccata non essent à Deo ita prohibita, vt homines intuitu Dei seu reuerentiæ diuinæ non tenerentur illa vitare, non censerentur Deum contemnere, vel iniuriam irrogare patrando peccata; sed solùm naturam suam dedecorare, & contra rectam rationem agere. Verùm sicut impossibile est,

ut actus liber rectæ rationi repugnans non sit prohibitus à Deo, ita etiam impossibile est ut non sit peccatum mortiferum, si sit in re graui ab homine Deum aliquo modo cognoscente.

Dices: Furtum, adulterium, periurium, & similia quæ sunt contra legem naturæ, non ideò mala sunt, quia prohibita lege naturæ, sed ideò sunt prohibita quia mala: ideò enim ratio naturalis & lex æterna dicit illa esse fugienda quia in se mala sunt. Vnde prius est illa esse mala, quàm esse prohibita, & malitia præuenit prohibitionem: ergo etiam si fingamus non esse prohibita, retinebunt tamen suam malitiam. Respondeo, ante omnem prohibitionem considerari in illis quamdam malitiam obiectiuam & materiale, quatenus isti actus sunt dissoni naturæ rationali, ita ut non possint rectè appeti, nec rectè fieri ab eo qui ratione utitur. Potest etiam in illis considerari quædam malitia formalis, quatenus fiunt ab aliquo liberè contra regulam rectæ rationis: hæc tamen per se non est mortifera, ut ostensum est. Vnde non potest in istis actibus considerari malitia mortifera, nisi sint contra legem diuinam, ita ut diuina auctoritas per illa censeatur contemni, & homo à Deo auerti. quò fit ut prius sit actum esse prohibitum lege diuina, quàm esse formaliter peccatum mortale; cum peccatum mortale constituatur per legis diuinæ contemptum. Docet hoc apertè S. Thomas 1. 2. quæst. 71. art. 6. ad 4. ubi dicit, *omne peccatum esse malum, quia prohibitum lege æterna.* quod intellige de malo formaliter: nam quòd sit malum obiectiuè vel materialiter, non habet ex vlla prohibitionem extrinsecam, sed ex intrinseco ordine ad naturam rationalem. & quæst. 87. a. 4. ponit malitiam peccati mortalis in auersione à Deo; quæ auersio nihil est nisi quidam Dei contemptus.

Prius est esse malum quàm prohibitum: non tamen prius est esse peccatum mortiferum, quàm esse prohibendum à Deo.

187 Sequitur tertio, Peccatum mortiferum continere malitiam infinitam, non quidem absolutè & omnino, sed respectiuè. Docet hoc S. Thomas 1. 2. q. 87. a. 4. ubi dicit, *Peccatum ex parte auersionis est infinitum.* Idem habet 3. p. q. 1. a. 2. ad 2. quem sequuntur plerique Doctores. Ratio est, Quia quò maiestas quæ contemnitur est maior, eò offensio est grauior: atqui maiestas Dei quæ contemnitur peccato mortifero, est infinita; ergo offensio etiam quamdam infinitatem habet. Maior est per se clara, & constat ex rebus humanis: maior enim censetur iniuria, contemnere virum nobilem quàm plebeium, & Principem quàm nobilem, & summum Pontificem quàm Principem sacularem. quò enim maior debetur reuerentia,

Continet peccatum mortiferum malitiam infinitam.

edò iniuria cæteris paribus est grauior. cùm ergo Deo debeatur ex parte sua reuerentia infinita, iniuria vel contemptus illius habebit malitiam quodammodò infinitam. Dico *quamdam infinitatem habere*: quia non est absolutè infinita in ratione malitiæ, sicut meritum Christi in suo genere est infinitum: alioquin omnia peccata essent paria: imò vnum peccatum contineret malitiam omnium peccatorum, & singula tantum haberent malitiæ, quantum omnia simul. Ratio verò cur illo argumento non concludatur absoluta infinitas in ratione malitiæ, est; quia obiectum non attingitur adæquatè, vnde non adæquatè influit in actum, nec tribuit ei plenè suam infinitatem. Sicut enim Deus sine fine potest perfectiùs & perfectiùs amari, ita etiam per peccatum potest sine fine magis & magis contemni ac odio haberi. Hoc ipso tamen quo absolutè censetur contemni, actus contrahit quamdam infinitatem malitiæ, vt pote superioris ordinis, respectu omnium bonorum operum. Vnde dico, hanc malitiam esse infinitam comparatiuè seu respectiue; quia etsi non sit absolutè & omnimodo infinita, tamen ideò magna est, vt nullis bonis operibus puræ creaturæ, quantumuis multis & magnis, ex æquo compensari possit: tanta enim est peccati mortiferi malignitas, vt posita in lance diuinæ iustitiæ, præponderet omnibus bonis operibus omnium Sanctorum, etiam si ea millies plura & maiora forent quàm reuerà sunt: quæ consideratio est valdè terribilis. Neque hoc incredibile videri debet; quia omnia bona opera quibus Deus honoratur à Sanctis, etsi in se cōsiderata sint maximæ æstimationis, & ipsi propterea sint digni vita æterna; tamen respectu maiestatis diuinæ sunt instar nihili: nulla enim gratia fit ei per ista omnia, cuius maiestati & beneficiis omnia ista sunt debita; nec ista solùm, sed infinities plura & maiora. Itaque nihil magni omnia ista sunt Deo. At contemni à sua creatura, quæ infinitis nominibus ipsi est obstricta, & quæ infinitum amorem & honorem ei præstare deberet si posset, hoc maximi æstimatur, vt pote maximè repugnans eius maiestati & beneficiis. Vnde pluri à Deo æstimatur in ratione mali, quàm omnia opera bona in ratione boni; & magis Deum affligeret, si capax esset doloris, quàm omnia bona opera exhilararent.

188 Simile cernitur inter homines: parui enim momenti est apud Regem quòd à suis honoretur; neque id gratiam censet, sed debitum: sed grauissimè fert, si contemnatur, præsertim ab iis quos maximis beneficiis affecit.

Cur malitia peccati non sit absolutè infinita.

Est infinita comparatiue.

Malitia peccati mortiferi posita in lance diuinæ iustitiæ, præponderat omnibus bonis operibus iustorum.

Hinc docent sancti Patres, nullam puram creaturam Deo potuisse pro peccato humani generis condignè satisfacere; ac proinde necessarium fuisse ad iustam satisfactionem, ut Deus fieret homo. Athanasius Orat. 2. contra Arianos: *Si Deus homo factus non fuisset, nunquam nos à peccatis vindicati ex mortuis resurrexissimus &c.* Augustinus in Enchir. cap. 108. cum antè dixisset non esse confidendum in homine, rationem adfert: *Nam neque per ipsum liberaremur. Unum Mediatorem Dei & hominum hominem Christum Iesum, nisi esset Deus.* Basilii in Psal. 48. explicans illum versic. *Frater non redimit, redimet homo; Non nudus, inquit, homo redimet, sed homo Deus Iesus Christus, qui solus potuit dignam redemptionem adferre.* Idem habet Ambrosius explicans eundem Psalmum. Commentarius Ambrosii in cap. 9. ad Hebræos: *Tantum fuit peccatum nostrum, ut saluari non possemus aliquando, nisi Unigenitus Filius Dei moreretur pro nobis.* Fulgentius lib. De Incarnatione & Gratia cap. 4. *Nullatenus humana natura ad auferendum peccatum mundi sufficiens atque idonea fieret, nisi unione Verbi Dei, &c.* Leo Serm. 1. de Natiuitate: *Nisi esset Deus verus, non adferret remedium; nisi esset homo verus, non præberet exemplum.* & Serm. 12. de Passione: *Quia ergo primi hominis vniuersa posteritas vno simul vulnere sauciata corruerat, ne vlla Sanctorum merita conditionem poterant illatae mortis euincere, venit à celo medicus singularis, &c.* & Epist. 83. *Quæ reconciliatio esse poterat, qua humano generi propitiaretur Deus, nisi omnium causam Mediator Dei hominumque susciperet?* idem docet plurimis aliis locis. Vide etiam Anselmum lib. 1. Cur Deus homo, cap. 20. & 21. & lib. 2. cap. 6. Estque communis sensus non solum Doctorum, sed omnium Christianorum.

Nulla creatura potuit pro peccato mortifero dignè satisfacere.

189 Ex his potest adferri ratio, cur peccatum mortiferum iure pleatur pœna æterna. Si enim tanta est eius malignitas, ut nullis bonis operibus puræ creaturæ potuerit ex æquo compensari, sed ad hoc necessarium fuit Deum incarnari, ut condigna satisfactio diuinæ iustitiæ exhiberetur; mirum non est, si dicatur mereri pœnam æternam. Quod enim adeo malum est, ut nullis bonis quantumvis longo tempore continuatis compensari & exæquari possit, meretur pœnam quouis tempore finito longiorem; ac proinde æternam: idque per se & directè, ratione malitiæ quæ est in actu; non autem quia peccator non potest pro eo satisfacere, aut se in eo ordine vnde excidit reponere, aut vitam spiritualem reparare, aut maculam delere. Et si enim hæc omnia concurrant in

Ratio cur pœna æterna debeat pro peccato mortifero.

peccato mortifero, ex his tamen non est petenda propria ratio cur ei debeatur pœna æterna, sed ex ipsa malitia actus: ex qua etiam ista impotentia sequitur.

CAPUT XXVII.

Nonnullæ Obiectiones contra malitiam peccati diluuntur.

*Sententia
quorundam,
peccatum in
ratione mali
non esse magis
infinitum
quàm sit a-
mor Dei in
ratione boni.*

190 **S**EQVITVR vt diluamus quasdam rationes quæ oppugnant malitiæ peccati infinitatem. Quidam enim putant, peccatū mortiferum non magis esse infinitum in malitia, quàm amor Dei & contritio sunt infinita in bonitate: omnia enim ista solū esse infinita ex parte obiecti. Sicut enim peccatum dicitur quodammodo infinite malitiæ, quia per illud contemnitur Deus, vel quia Deo per illud fit iniuria; ita amor Dei dicetur esse infinitæ cuiusdam bonitatis, quia tendit in Deum infinitæ bonitatis, volendo illi bonum infinitū. Imò amor videtur magis infinitus in bonitate, quàm peccatum in malitia; quia directè totus tendit in Deum propter eius bonitatem infinitam, & directè vult illi bonum infinitum quantum potest, nempe omne bonum intrinsecum & extrinsecum. At peccatum mortiferum (præsertim quod non versatur circa Deum) non contemnit directè Deū, nec vult illi aliquid mali; sed solū censetur homo per illud non curare Deum & eius legem, & ita solū interpretatiuè illum contemnere: ergo longè magis infinitudo obiecti influet in actum amoris, illudque reddet infinitæ bonitatis, quàm in actum peccati. Itaque si obiectum spectemus, non potest ex eo colligi maior infinitas malitiæ in peccato, quàm bonitatis in amore: si verò spectemus vtriusque actus meritum, peccatum etiam non superabit amorem; quia sicut peccatum meretur pœnam æternam, ita amor æternam gloriam. & ita vtriusque meritum est æquè infinitum. Pari modo, si spectemus effectum quem habent in hac vita, vt sunt contraria, peccatum non superat amorem & contritionem: sicut enim peccatum, dum iustus peccat, mortificat omnia bona opera; ita etiam amor vel contritio, dum peccator conuertitur, delet penitus omnia peccata, ita vt nunquam reuiuiscant. Confirmatur; Quia amor Dei & contritio ex vi naturæ suæ delent omnia peccata mortifera, sicut lux tollit tenebras; ita vt nec per diuinam potentiam hæc possint simul

simul consistere: alioquin homo non fieret perfectè iustus per intrinsecam iustitiam (quod videtur repugnare Concilio Tridentino Sess. 6. cap. 7.) nam peccatum tolleretur non per formam intrinsecam, sed per extrinsecam condonationem. ergo per se & vi naturæ suæ compensat omnem peccati malitiam: ac proinde non minus boni est in amore, quàm mali in peccato.

191 Hæc sententia mihi semper visa valdè mirabilis. Incredibile enim videtur, Deum tanti æstimare amorem quo ipsum amo, quanti peccatum quo ipsum offendo; & tātum delectari actu quolibet amoris, quantum offenditur actu peccati. Denique ex natura rei tantam esse vim actus amoris, vt Deus per absolutam potentiam non possit retinere peccata, si homo illum semel amet; hoc est, si doleat quia ipsum offendit, & statuatur in posterum omnia eius præcepta seruare. Manifestè enim hæc refutari videntur exemplis humanis. Quis enim eum, qui iniuriam fecit Principi, vel eius legem violauit, ita vt mereatur mortem, dicat satisfacere ex æquo, si illum amet, & doleat de suo facto, & promittat emendationem? quis dicat, ex natura rei tanti debere æstimari illum dolorem ex amore profectum, quanti iniuriam & legis violationem; nec iure posse Principem iniuriam retinere, & pro meritis punire? Hoc ipso enim quo quis meritis est amittere vitam & bona omnia, etiam si millies amet, millies doleat & veniam petat, non censebitur aliquid vlllo modo æquiualens offerre quod mereatur condonationem. Multo ergo minùs qui iniuriam irrogat diuinæ maiestati, ob quam non temporalem, sed æternam mortem & æternum supplicium meretur, poterit aliquid æquiualens exhibere, aut Deum ad condonandum compellere, etiam si millies amet, doleat, & veniam petat.

Responsio & refutatio illius sententia

Dolor de iniuria non est iusta compensatio inter homines multo minus apud Deum.

192 Dices esse disparem rationem: Princeps enim non tenetur peccatum condonare, quia expedit violatorem legum puniri ad exemplum aliorum: Dei autem punitio quam infert post hanc vitam, non fit ad exemplum. Deinde, actus illi quibus reus amat, dolet, & petit veniam à Principe, sunt actus naturales, qui non habent illam vim satisfaciendi pro iniuria, & reconciliandi Principi: actus verò quibus peccator amat Deum, & dolet de peccatis, & veniam petit, sunt actus supernaturales, quos Deus ipsemet per auxilium gratiæ in nobis operatur. vnde ex natura sua habent vim dolendi peccati, & reconciliandi Deo.

Responsio aduersa sententia.

Sed hæc solutio parui est momenti. si enim actus ille doloris &

Refutatur. ista responsio.

petitionis veniæ, est æqualis delicto, illudque natura sua delet, & iniuriam abolet; iniquè punietur reus à Principe propter delictum, siue illa punitione sit necessaria ad exemplum, siue non: iniquum enim est, punire crimen pro quo iam est plenè satisfactum. Neque etiam refert quod actus illi sint naturales: quia iniuria in Principem vel Rempublicam, pro qua exhibentur, est etiam naturalis & politica, ac proinde eiusdem ordinis. Vnde multò maior est proportio istorum actuum ad delendam iniuriam politicam, quàm amoris supernaturalis ad delendam iniuriam diuinam. Quare si amor & contritio supernaturalis eius est naturæ, vt vi sua, velit nolit Deus, tollat peccatum & iniuriam contra Deum, sicut lux tollit tenebras; multò magis amor & dolor naturalis in Principem & Rempublicam tollet iniuriam politicam & naturalem commissam in illos. Quare cum hoc prorsus absurdum sit, & contra commune iudicium omnium Gentium, multò magis illud absurdum censerè decet. Neque illa supernaturalis conditio quæ tribuitur actibus nostris, potest illos ita eleuare, vt faciat æquales iniuriæ in Deum: quia iniuria hoc ipso quo est in Deum (qui est infinitæ maiestatis) incomparabiliter magis eleuatur, & fit altioris ordinis, quàm omnes nostri actus boni eleuentur ex ordine quem habent ad Deum. Addo, istam supernaturalitatem, quæ in hac vita est in actibus nostris, esse valdè imperfectam & infimam, adeò vt vix videatur vlla differentia inter actus ordinis naturalis & supernaturalis. Nec obstat, quòd Deus nobis auxilium ad hos actus præbeat; quia id facit vt nos ad veniam ab ipso impetrandam disponamus, non vt per illos formaliter peccatum deleatur, aut æquiualens exhibeatur. Denique, si amor vel contritio vi sua expelleret peccatum, sicut lux tenebras, longè potentiùs illud expelleret, quàm si còdignè vel etiam ex iustitia mereretur eius remissionem; vt per se patet. Quod enim ita repugnat peccato, vt ne quidem per absolutam potentiam cum eo stare possit, longè potentiùs illud exterminat quàm quoduis meritum: cum nulum meritum possit esse tantum, vt per se & vi sua Deum necessitet ad condonandum peccatum, sicut iuxta illam sententiam necessitat amor & contritio. Sed omnis necessitas quam inducit meritum, prouenit non ex natura rei, sed ex diuina promissione. Atqui nemo Doctorem audent amoris vel contritionis tribuere vim meriti còdigni respectu remissionis peccatorum: nemo enim concedet, peccatorem ex condigno mereri veniam & ami-

Supernaturalitas actuum infima in hac vita.

citiam Dei. Ergo multò minùs eis tribuent vim delendi peccatum physicè, sicut lux abolet tenebras. qui enim negat illis vim minorem, multò magis negabit illis maiorem. Et sanè, si illa sic abolent peccatum sicut lux tenebras, frustrà disputatur an peccator per istam mereatur veniam, & quo modo, cùm suppetat ratio multò efficacior, quàm sit ratio meriti. Falsum etiam erit quod docet Concilium Trid. sess. 6. capite 6. & 7. per ista nos disponi ad iustificationem, quæ peccatorum remissione & interna sanctificatione ac renouatione constat, & sit susceptione gratiæ & donorum. Sicut enim illuminatio non disponit ad expulsionem tenebrarum, sed intrinsecè continet ipsam expulsionem: ita amor & contritio non disponent ad iustificationem, cùm ipsam intrinsecè contineant, & formaliter conferant.

193 His sic explicatis ac suppositis, Respondeo ad Argumentum supra allatum. Si actus isti physicè spectentur, voluntas longè magis per amorem tendit in Deum, quàm per pleraque peccata mortifera auertatur: quia per multa peccata mortifera non auertitur à Deo physicè, sed solum interpretatiuè. imò amor ampliùs voluntatem ad Deum conuertit physicè, quàm odium possit auertere: quia deus propter se non potest odio haberi, (sed solum propter effectus quosdam, vt quia punit peccata, &c.) sicut propter se amatur. Verùm hoc parùm iuuat ad æstimationem moralem istorum actuum, quatenus pertinent ad honorem vel iniuriam dei: nam in ratione honoris vel obsequij, parùm est deo quòd à creatura sua ametur, cùm ipse ratione dignitatis suæ infinito amore & honore dignus sit, & ratione beneficiorum suorum longè plura possit exigere: at indignissimum est, si ab illa contemnatur, cùm hoc infinite quodammodò illi bonitati & maiestati repugnet. Cùm enim ille ex parte sua & beneficiorum quæ contulit, infinito amore & honore sit dignus; infinite etiam ex parte ipsius repugnat illi omnis contemptus & inhonoratio. Vnde vnum contemptum pluris facit in ratione mali, quàm infinita obsequia creaturæ in ratione boni & honoris. Idem cernitur in rebus humanis: pluris enim æstimat Princeps vnā iniuriam vel noxam capitalem subditi, quàm mille obsequia; & tamen excessus dignitatis Principis supra dignitatem priuati est finitus, imò modicus, cum sint eiusdem naturæ: excessus autem dignitatis diuinæ supra omnem creaturæ excellentiam est omnino infinitus. Ratio autem huius diuersæ æstimationis est, quia magnitudo iniuriæ & contemptus & inhonorationis crescit ex

Ad obiectiones initium num. 190. allatas.

Amor magis conuertit animū physicè ad Deum, quā peccatū, imò quā odium auertat ab illo.

Ex iisdē capitibus quibus crescit iniuria, decrescit obsequiū & satisfactio.

magnitudine eius cui fit, & ex indignitate eius qui illam irrogat, & ex obligationibus quibus ipse obstrictus est ei quem contemnit. magnitudo verò obsequij, honoris, & satisfactionis decrescit & minoris æstimatur ex magnitudine eius cui exhibetur, & indignitate exhibē-
ris, & obligationibus quibus alteri est deuinctus. Itaque ex illis capitibus quibus crescit æstimatio iniuriæ & contemptus, decrescit & vilescit æstimatio amoris, obsequij, & honoris. Hinc nullius puræ creaturæ satisfactio potuit vlllo modo par esse offensæ mortiferæ: ac proinde vt genus humanum iustæ satisfactionis interuentu redimeretur, necessarium omnino fuit vt Deus assumeret naturam humanam, & per illam iustam satisfactionem exhiberet, vt ostensum est. Sicut enim quantitas culpæ seu offensionis crescit ex magnitudine eius qui offenditur; ita quantitas satisfactionis & obsequij crescit ex magnitudine eius qui satisfactionem exhibet. Vnde sicut is qui per peccatum offensus est, erat infinitæ dignitatis; ita etiam is qui iustam satisfactionem exhiberet, debebat esse infinitæ dignitatis.

*Aliter amor
Dei meretur
vitā æternā,
aliter peccatū
mortē æternā*

*Amor Dei
per se præcisè
nō est dignus
vitā æternā,
quantumuis
sit perfectus.*

194 Ad illud quod adferebatur de merito vtriusque actus. Longè aliter amor Dei meretur vitam æternam, aliter peccatum mortem æternam. Peccatum enim per se vi sua & secundum iustitiæ legem meretur æternum supplicium, quia malitia eius est infinitæ æstimationis coram Deo, eo modo quo suprà explicatum: at verò actus amoris Dei quantumuis crescat, non est per se dignus vita æterna. Quis enim dicat, mancipium, eò quòd diligat suum Principem, & velit ei obedire, mereri regnum aut eximium statum apud Principem, aut vt adoptetur in filium? Multò minùs homo, qui essentialiter Dei est mancipium, amando Deum meretur ex natura rei regnum cælorum, vel adoptionem diuinam; præsertim cum ob beneficia accepta omnem amorem & omne obsequium ei debeat, & deus centuplo amplius possit exigere. Itaque hoc totum prouenit ex infinita Dei erga creaturam suam benignitate, & benignissima ordinatione; quæ volens creaturam suam euehere ad communionem suæ gloriæ, statuit vt ille se ad hoc, quantum humano modo fas est, disponeret, & dignum redderet; non quidem dignitate æqualitatis, (hæc enim est impossibilis;) sed cuiusdam proportionis, qualis in infima natura rationali per auxilia gratiæ naturæ tali congruentia dari potest. Hoc vt fieret, statuit certas ad gratiam adoptionis obtinendam dispositiones, inter quas amor Dei vel contritio in peccatore sit vltima; ita vt illa posita, eodem

momento condonentur omnia peccata, ornetur anima dono gratiæ, detur Spiritus sanctus, & per Spiritum adoptio diuinæ filiationis. Nō erant illi actus, amor inquam & contritio, vllō modo digni tantis bonis; sed aptior ad illa bona dispositio ex parte hominis esse nō poterat. quo fit vt talis dispositio in Scriptura dicatur digna. *Facite, inquit, fructus dignos pœnitentiæ.* Dum enim homo per auxilium gratiæ facit quod in se est, Deus acceptat tamquam dignum, & sua benignitate supplet, statuendo vt talia dona ad præsentiam talis dispositionis etiam quantumvis magno peccatori donentur. Obtenuta autem filiatione diuina, fit vt non solum amor Dei, sed omnia & singula bona opera, præsertim quæ ex gratia, sint meritoria vitæ æternæ, ad quod illa opera iam ratione operantis maiorem proportionē habent. Ex eo enim quod sint opera filiorum Dei, (quibus ex adoptione debetur æterna hæreditas,) & fiant per Spiritum adoptionis iam inhabitantem, dignitatem quādam singularem contrahunt, ratione cuius dicuntur digna vita æterna; & nos dicimur mereri illam ex condigno. Vnde illa dignitas operantis magis eleuat opera in ratione meriti, quàm perfectio vlla intrinseca, etiam si in infinitum cresceret; quia facit meritoria vitæ æternæ ex condigno. Itaque nō tam propter dignitatem operum, quàm propter dignitatem operantium, operibus iustorum vita æterna est promissa. Peccatum verò per se non ratione conditionis subiecti meretur pœnam æternam. Hinc facilè responderetur ad alterum. Quod enim peccatum mortificet omnia opera bona, extinguat gratiam, pellat Spiritum sanctum, priuet iure hereditatis, inducat reatum pœnæ æternæ, habet vi sua, nempe ratione innatæ malitiæ: quod verò amor & contritio extinguat peccatum, & restituat omnia bona amissa, non habet ex propria dignitate, sed ex mera Dei benignitate, vt ostensum est.

Math. 3.

Spiritus adoptionis reddit opera bona digna vita æterna.

195 Ad confirmationem vltimo loco allatam, negandum id quod asseritur: tantum enim abest vt amor vel contritio vi sua & formaliter deleat peccatum, vt ne ipsi quidem dono gratiæ, quo homo iustificatur (ad quod contritio solum est dispositio) id tribuendum putem, si spectetur solum physicè vt qualitas talis naturæ; quia nulla qualitas creata eam vim habet, vt ita tollat iniuriam Deo factam, sicut lux tenebras: iniuria enim Dei est superioris ordinis quàm omnia bona creata. Sitamen consideretur donum illud moraliter, quatenus ex ordinatione diuina coniunctam habet donationem Spiritus sancti, sic habet vim delendi omnis peccati.

Nulla qualitas creata vi sua physice potest tollere peccatum, potest tamen considerata vt habet auctorem donum Spiritus sancti.

T t t iij.

mortiferi; quia hoc peccatum nullo modo cum adoptione diuina, quæ sit huius Spiritus donatione, consistere potest: fieri enim nequit ut quis habeat Spiritum sanctum inhabitantem, & simul sit in peccato; siue ut sit filius Dei, hæres regni, & inimicus Dei, reus æternæ damnationis. Neque huic vlllo modo repugnat Concilium Tridentinum, sed maximè fauet; tum quia amorem & contritionem solum dicit esse dispositionem ad obtinendam remissionem peccatorum & iustificationem; tum quia, etsi dicat nos iustificari per iustitiam inherentem, tamen distinguit remissionem peccatorum à fide, spe, & charitate, quibus iustificamur: quasi non ex natura rei, sed ex sola Dei ordinatione (etsi consentanea naturis rerum) remissio peccatorum sit adnexa illorum donorum infusioni. verba Concilij sunt: *Vnde in ipsa iustificatione, cum remissione peccatorum hæc omnia simul infusa accipit homo per Iesum Christum cui inseritur, fidem, spem, & charitatem, &c.*

*Iustificatio
peccatoris
constat duabus
partibus.*

Dices: Iustificatio peccatoris constat duabus partibus iuxta Concilium, remissione peccatorum, & infusione donorum: ergo si remissio peccatorum non sit formaliter per infusionem donorum, non tota iustificatio, sed solum pars eius fiet per dona intrinseca. Respondeo: Si illa dona spectentur physicè, admitti potest quod inferatur; secus verò, si moraliter: quia sic adnexam habent donationem Spiritus sancti, cuius præsentia necessario delet peccatum, ac proinde per illa sic considerata, censetur formaliter fieri ipsa remissio. Vnde cum iustificatio peccatoris duabus partibus constet, remissione peccatorum, & interna renouatione qua voluntas fit conformis legi diuinæ, vtrumque formaliter fit per dona creata supradicta, præsertim per donum charitatis & gratiæ habitualis: sed prior pars vi morali, quatenus hoc donum adnexam habet donationem Spiritus sancti: altera vi physica.

CAPVT XXVIII.

*Peccatum mortiferum multiplici ratione ingens malum
esse, & ingentia mala inferre.*

196 **D**VPLICI ratione aliquid malum dicitur. Primò, Quia in se formalem malitiam continet, ut amentia, cæcitas, surditas. Secundò, Ratione effectuum malorum, qui ex ipso sequuntur. sicut venenum assumptum magnum malum dicitur, quia mortem

infert. Vtroque modo malum est peccatum mortiferum : nam per se formaliter & intrinsecè malum est, duplici malitia. Primò, Quatenus habet præcisè repugnantiam ad regulam rationis, & naturam rationalem quæ rationalis est. Hinc enim actus habet ut dicatur in se turpis, inhonestus, malus, & dedecoret operantem, eumque reddat dignum contemptu ac probro : sicut e contrario actus rationi consentaneus dicitur actus virtutis, & honestus, exornat operantem, eumque reddit dignum laude ac honore. Secundùm hanc potissimum rationem Philosophi considerant virtutes & vitia : nam ordinem quem ista habent ad Deum, non ita cognouerunt. Quantum autem peccata sic considerata malitiæ contineant, & rationalem naturam dedecorent, docet Boëtius lib. 4. De consolatione Philosophiæ, Prosa 3. & 4. ubi ostendit, quòd etsi externam hominis formam reliquant, tamen animũ à sua dignitate, & ab arce rationis deiiciant, & ad belluarum conditionem deprimant, similes affectiones ei imprimendo. Ira enim inordinata similes reddit leonibus, rapacitas lupis, fraus vulpeculis, iurgium canibus, libido iumentis admissariis, gula porcis, acedia torpedini, inconstantia auiculis, &c. Hinc Psal. 48. dicitur : *Homo cum in honore esset non intellexit, comparatus est iumentis insipientibus, & similis factus est illis.* Loquitur Propheta de genere humano, quod in primo suo parente (qui omnium personam sustinebat) cum esset in honore iustitiæ originalis, & dominus huius mundi inferioris, *non intellexit*, id est, non consideravit quid esset sui officij, quid Deus ab ipso requireret, ut sibi & omnibus posteris illum honorem conseruaret : & sic *comparatus est iumentis insipientibus*, tum quia insipienter id quod vetitum erat, amplexus est ; tum quia illo honore & gratia spoliatus, ad omnes bestiarum affectiones insipienter se abiecit.

Peccatum mortiferum duplicem habet malitiam intrinsecam. Prima, ut repugnat rationi.

Philosophi considerant virtutes & vitia ut repugnant rationi.

197 Altera malitia peccato mortifero intrinseca, est quædam iniuria in Deum : qui enim peccat mortiferè, censetur contemnere Deum, ac proinde iniuriam quamdam ei inferre. nam contemptus etiam inter homines, non solum formalis & expressus, sed etiam interpretatiuus, iniuria contra honorem & existimationem debitam reputatur : ut cum quis se indecorè gerit coram Principe vel alio viro honorabili, vel aliquid facit quo videtur eius amicitiam & fauorem parui facere. Potrò multis modis & sub multiplici ratione ac consideratione peccator Deum contemnere censetur. Primò, ut *Legislatorem*, quatenus non curat eius leges, eas liberè vio-

Secunda, ut est iniuria in Deum.

Peccator multis modis & sub multiplici consideratione Deum contemnit.

lando, idque Deo præsente & inspectante. Hoc ipso enim quo legem contemnit, censetur etiam contemnere legislatorem, totamque eius auctoritatem & maiestatem. Vnde S. Iacobus cap. 2. suæ Epistolæ ait: *Quicumque totam legem seruauerit, offendat autem in uno, factus est omnium reus.* Rationem adfert: *Qui enim dixit, Non mæchaberis; dixit &, Non occides, &c. quasi dicat: Quia auctor totius legis singularum legum violatione contemnitur.* Secundò, Contemnit illum *ut ultimum finem*, & obiectum beatitudinis ad quod tendere debebat; quasi nihili ducens illud bonum amittere, ut bonum temporale consequatur. Huc accommodari potest illud quod Ieremiæ 2. dicitur: *Me dereliquerunt fontem aquæ viuæ, & foderunt sibi cisternas, cisternas, dissipatas, quæ continere non valent aquas.* Hinc S. Thomas & alij Doctores dicunt, peccatorem per peccatum mortiferum auerti à Deo tamquam ultimo fine supernaturali. Tertiò, Contemnit illum *ut Conditorum* cum omnibus beneficiis quæ in creatione nobis contulit: non enim curat maiestatem infinitam Conditoris, nec quòd ab illo ex nihilo ad eius imaginem creatus, & capax Diuinitatis effectus, & tot bonis tum corporis tum animæ cumulatus; nec quòd mundus iste corporeus, & omnia quæ in mundo sunt, ipsius causa & ad eius vsum & obsequium sunt condita. Hæc omnia nihil curat, ut animo suo obsequatur. Hanc considerationem proponit Moyses Deuter. 32. *Hæcine reddis Domino popule stulte & insipiens? numquid non ipse est pater tuus, qui possedit te, & fecit, & creauit te?* quasi dicat, Nónne consideratio tantæ benignitatis qua te condidit, & tantis beneficiis affecit, te à peccato reuocare debuit? Quartò, Contemnit illum *ut Redemptorem* cum omnibus beneficiis redemptionis, nihili faciendo quòd ipse pro nobis homo factus sit, & tot tantosque labores, dolores, acerbitates, denique crucem & mortem sustinuerit, ut nos ab æterna morte liberaret, & regni cælestis compotes efficeret. Hæc omnia tam parui pendit, ut illorum causa non moueatur, nec propter illa omnia velit aliquid suis cupiditatibus detractum; imò quantum in se est, omnia illa inefficacia reddit & irrita. Huc referri potest illud Apostoli ad Hebr. 10. *Irritam quis faciens legem Moysi, sine ulla miseratione duobus vel tribus testibus moritur: quanto magis putatis de teriora mereri supplicia, qui Filium Dei conculcauerit, & sanguinem testamenti pollutum duxerit, in quo sanctificatus est, & spiritui gratiæ contumeliā fecerit?* Etsi enim locus iste potissimum intelligatur de iis qui recedunt à Christianismo; multi tamen intelligunt de omni-

omnibus Christianis in genere qui peccant mortiferè : quia hoc ipso Christum filium Dei, eiusque Sanguinem quo redempti & abluti sunt, & Spiritum sanctum quo filij Dei sunt effecti, censentur nihil facere, pro re nullius momenti omnia illa ista perdentes & irrita reddentes. Quintò, Contemnit Deum *vt Iudicem* cum omnibus suis minis & suppliciis quæ ipse potest irrogare : hoc ipso enim quo nihil horum curat, vel non mouetur horum omnium consideratione *vt à peccato abstineat*, meritò censetur hæc omnia contemnere & nihil pendere, *vt voluntati suæ satisfaciat*. Sextò, Contemnit *vt amicum*, non curando quòd perdat eius amicitiam, beneuolentiam & fauorem, & quòd incurrat eius inimicitiam & indignationem. Itaque peccator & Dei timore caret, & amore. Timore, quia non curat Deum *vt Iudicem*, nec minas eius : amore, quia non curat eius amicitiam & fauorem. Hinc apparet summa fatuitas peccatoris, & meritò in Scripturis omnes peccatores vocari stultos & insipientes, etiam si mundo videantur sapientissimi. quid enim stultius quàm non timere eum, *qui potest & animam & corpus perdere in gehennam?* & non curare eius amicitiam, qui promittit regnum æternum? Septimò denique contemnit *Dei benignitatem & longanimitatem*, qua illum ad pœnitentiam expectat. quod maximè locum habet in ijs qui diu in peccato manent, vel sæpè peccant. Huc pertinet illud Apostoli ad Rom. 2. *An diuitias bonitatis eius, & patientiæ, & longanimitatis contemnis? Ignoras quoniam benignitas Dei ad pœnitentiam te adducit? Secundùm autem duritiam tuam & impœnitens cor, thesaurizas tibi iram in die iræ & reuelationis iusti iudicij Dei.* His addi possunt alia attributa diuina, quorum consideratione & reuerentia homo moueri deberet ad vitandum peccatum : hæc enim omnia contemni censentur, *vt* omnipotentia, sapientia, sanctitas, immensitas, æternitas, iustitia, misericordia, prouidentia, &c. singula enim horum, *vt à nobis* concipiuntur, peculiarem quamdam reuerentiam & honorem postulant, eorumque consideratio nos à peccato abstertere meritò deberet. Ex quibus considerationibus patet quàm ingens malum sit peccatum mortiferum, quod tam multiplici modo infinito bono repugnat.

198 Hæc de malitia peccati intrinseca. Quod verò attinet ad malos effectus quos infert, ratione quorum etiam malum dicitur, hi pluri sunt, tamen generatim ad septem reuocari possunt. Nam Pri- *Effectus peccati septem.*
mò, priuat hominem dono gratiæ habitualis, quo ipse iustus erat,

V V V

*Donum
charitatis
duplicem
vim habet.*

*Esse filium
Dei, & esse
iustum per
donum in-
trinsecum,
per diuinam
potentiam
sunt separa-
bilia.*

& Deo charus, atque adeò Dei filius. vnde per peccatum spoliatur iustitia & adoptione diuina, ita vt ex iusto fiat iniustus, ex amico Dei & filio, inimicus & extraneus. Vbi aduertendum, donum gratiæ habitualis seu charitatis duplicem vim habere: nam hominem reddit formaliter iustum, & facit Dei filium. Etsi enim hæc duo semper sint coniuncta, ex natura tamen rei sunt distincta, & per diuinam potentiam separabilia: posset enim quis esse iustus sic vt non sit simul Dei filius, si Deus iustitiæ non annecteret donationem Spiritus sancti: & contrà posset quis esse filius absque dono iustitiæ inherenti, si Spiritus sanctus absque hoc dono daretur. Cur enim deus per absolutam potentiam suam non posset ad solum actum charitatis dare Spiritum sanctum inhabitantem, & adoptare hominem in filium? Nunc verò ex diuina ordinatione hæc sunt coniuncta & inseparabilia. Cùm enim Deus velit hominem euehere ad communionem sue gloriæ & beatitudinis, statuit vt dono gratiæ habitualis vel charitatis sit annexa donatio Spiritus sancti; & consequenter filiatio seu adoptio diuina, quæ secum adfert ius diuinæ hereditatis. Donum igitur charitatis per se & vi sua physica reddit hominem iustum, id est conformem legi diuinæ, si peccatum absit; quia in charitate includitur propositum totius legis diuinæ. Vnde charitas est vera iustitia Christiana, quæ nihil est aliud quàm supernaturalis conformitas cum lege diuina. Si autem peccatum mortale adsit, tollit illud quidem, non vi sua physica præcisè, vt suprà ostensum est, sed morali, quatenus nimirum annexam habet donationem Spiritus sancti, quæ nullo modo cum peccato consistere potest. fieri enim nullo modo potest, vt quis natus sit ex Deo (vt S. Ioannes loquitur) habeatque Spiritum dei inhabitantem per quem constituitur filius Dei, & simul sit in peccato mortifero. Itaque donum charitatis, quatenus habet annexum Spiritum sanctum, formaliter dicitur delere peccatum, & constituere filium Dei, & consequenter tribuere ius ad regnum. Quare si effectus peccati distinguere & seorsim considerare velimus, primus erit quòd *prius hominem dono gratiæ habitualis & charitatis*, quo ipse iustus erat, & simul omnibus virtutibus supernaturalibus seu infusis, præter fidem & spem. Prius autem non physica oppositione, qua repugnet illi dono, sed demeritoriè. Hoc ipso enim quo quis peccat, indignus redditur istis donis, & meretur illis priuari. Vnde eodem momento quo quis consentit in peccatum, Deus subtrahit suum influxum conseruatuum

Primus effectus, Prius iustitiæ habitualis.

quo ista dona in anima conseruabat, & sic illa repentinè euanescent, ita vt primum esse peccati sit primum non esse istorum donorum. Vnde ingens profectò eo momento fit mutatio in anima, cum subitò illa vita, ille caelestis calor & vigor extinguitur, & pulchritudo illa supernaturalis, qua Angelis sanctis & Deo anima similis erat, aboletur. Merebatur quidem simili modo peccator spoliari dono fidei & spei; sed hæc diuina benignitate relinquuntur in anima tamquam semen quoddam conuersionis, vt aliquando possit resurgere.

199 Secundus effectus erit, *Prinatio Spiritus sancti inhabitantis*, & consequenter adoptionis diuinæ, seu dignitatis filij Dei. Vt enim Sapientia 1. dicitur, *Spiritus sanctus disciplina effugiet fictum*. item: *In maleuola n animam non introibit sapientia, nec habitabit in corpore subdito peccatis*. Nam hoc ipso quo donum charitatis (quod est veluti vinculum quo Deus animæ coniungitur) euanesceat, soluitur ista vnio, & Deus recedit ab anima; non loco, sed affectu & cura singularis prouidentia; perit etiam dignitas filij Dei, quam per Spiritum Dei inhabitantem acceperat; & ex filio Dei fit filius diaboli, à quo origo omnis peccati. *Omnis enim qui facit peccatum, ex diabolo est*, vt S. Ioannes ait, & consequenter filius diaboli; nam vt ibidem ait, *In hoc manifesti sunt filij Dei, & filij diaboli*: nempe quòd filij Dei non peccent mortiferè, filij diaboli peccent. & Dominus Ioannis 8. Phariseis volentibus eum interficere, ait: *Vos ex patre diabolo estis, & desideria patris vestri vultis facere*. Dicitur peccator *filius diaboli* ob duas causas. Primò, quia peccatum tamquam quamdam vitam seu formam à diabolo mediatè vel immediatè traxit, per quam illi assimilatur. Secundò, Quia sicut per donum gratiæ Spiritus sanctus habitat in anima vt eam sanctificet & regat ad bonum; ita per peccatum spiritus malignus incipit habitare in anima, vt eam regat & impellat ad malum. Itaque peccatum hominem ex summa dignitate & gradu honoris (quo maior esse non potest in hac vita) præcipitat ad summam vilitatem & statum infimum, quo non potest in hac vita esse abiectionis & detestabilior, faciendo ex amico & filio Dei, filium diaboli & inimicum Dei; & loco Spiritus Dei inferendo spiritum diaboli. Ob hanc etiam rationem peccatum dicitur mors animæ, quia Spiritus sanctus inhabitans est vita animæ.

200 Tertiò, *Prinatio iure celestis hereditatis*, & omnium bonorum quæ Sancti in cælo possidebunt. Hoc ius sequitur adoptionem & digni-

V u u ij

Secundus effectus, Prinatio Spiritus adoptionis.

1. Ioan. 3.

Tertius effectus, Prinatio celestis hereditatis.

Rom. 8.

tatem filij. *Si enim filij*, inquit Apostolus, & *heredes*. vnde soluta adoptione, & amissa filij dignitate, perit etiam ius hæreditatis, & ex hærede Dei ac regni cælestis fit hæres diaboli & inferni. Maximi æstimatur apud homines esse filium potentis Monarchæ, & habere ius ad regnum terrenum ac temporale: at infinitè amplius est esse filium Dei, & habere ius ad regnum æternum & hæreditatem cælestē. vnde etiam damnum infinitæ æstimationis censendum, cū hoc totum amittitur.

Quartus of-
fectus, A-
missio omnium
bonorum opo-
rum.

Quartò, *Privat hominem omnibus suis meritis* ac bonis operibus, quæ ipse apud Deum instar magni thesauri habebat: hæc enim omnia redduntur illi inefficacia & quasi mortua, etiamsi plurima sint & maxima. Imò, etiamsi quis tantum meritorum haberet quantum omnes Sancti simul iuncti, si vel vnum peccatum mortiferum superueniat, omnia illa extinguet & inutilia reddet: perinde enim damnabitur (nisi illud peccatum ante mortem deleatur pœnitentiâ) ac si nihil vñquam boni fecisset. Docet hoc Dominus apud Ezechielem cap. 18. *Si auerterit se iustus à iustitia sua, & fecerit iniquitatem, omnes iustitiæ eius quas fecerat non recordabuntur*, &c. Hoc modo multi in fine vitæ perdidit omnes labores suos & opes spirituales quas in cælo condiderant.

Quintus of-
fectus, priva-
tio singulari
protectionis.

201 Quintò, *Privat hominem singulari protectione diuina*, & cura illa qua Deus solet filios & amicos suos prosequi: ipsa enim conditio filij & amici Dei postulat, vt Deus peculiari modo illum protegat contra omnes diaboli insidias, & maiora præbeat auxilia gratiæ præuenientis ad proficiendum in virtute. Hinc S. Ioannes Epist. 1. cap. 3. *Omnis qui natus est ex Deo, peccatum non facit; quia semen ipsius in eo manet, & non potest peccare: quoniam ex Deo natus est*. idem repetit cap. 5. *Semen Dei* hoc loco est charitas: forma quam per generationem diuinam accipimus, qua sumus filij Dei, est Spiritus sanctus nobis per charitatem coniunctus & inhabitans. Hic ita nos corroboret, protegit, & iuuat, vt vinci à peccato non possimus, imò vt non possimus peccare; nempe si charitatis instinctum & Spiritus sancti inhabitantis impulsu sequi velimus: seu, si in charitate velimus permanere. nam vt idem ait c. 4. *Qui manet in charitate, in Deo manet, & Deus in eo. Manet Deus in eo vt eum sanctificet, protegat, & singulari cura regat*. Hac cura peculiari redditur indignus per peccatum, & dignus efficitur qui à Deo deferatur, & sinatur potestati diaboli, cui se per peccatum fecit seruuum & mancipium. nam vt ait Apostolus, *à quo quis superatus est, hu-*

1. Pet. 2.

ius & servus efficitur. Hinc fit ut qui vnum peccatum mortiferum patrauit, mox trahatur in aliud & aliud, vel in idem sæpius incidat; quia & ipse in se factus est debilior, & diabolus fortior, & diuina protectio remissior.

*Cur post pri-
mū peccatum
homo sapius
cadat.*

Sextò, *Facit hominem reum æternæ damnationis*, & omnium suppliciorum ac damnum quæ illa inuoluit. Sicut enim ius ad regnum cæleste sequitur adoptionem diuinam, ita reatus damnationis tamquam propria passio sequitur peccatum mortiferum. *Stipendium peccati mors*, inquit Apostolus; nempe & illa mors qua statim anima moritur, dum priuatur dono gratiæ & Spiritu sancto, qui est vita animæ: & illa æterna quæ post hanc vitam irrogatur, cui vita æterna opponitur. Addit enim Apostolus: *Gratia autem Dei vita æterna.* Vnde mortem illam quæ peccati est stipendium, opponit vitæ æternæ; ac proinde loquitur de morte æterna. Hæc dicitur peccati stipendium, quia peccatum per se, ut à nobis est, illud meretur, & hominem dignum facit tali mercede: at nullum opus nostrum, quantumvis sit bonum & supernaturale, per se meretur vitam æternam, sed hanc vim & dignitatem accipit à Spiritu adoptionis, quo quis constituitur filius Dei.

*Sextus effe-
ctus, Reatus
æternæ dam-
nationis.*

Rom. 6.

Septimò, Post hanc vitam *infert damnationem ipsam*, & omnia mala quæ in illa includuntur, de quibus Cap. sequenti.

*Septimus ef-
fectus, Dam-
natio.*

202 Porro quodlibet peccatum mortiferum, etiamsi vnicum sit, hæc omnia mala importare, Fide certissimum est. Quodlibet priuat hominē dono gratiæ iustificantis, & ex iusto facit iniustum: quodlibet priuat Spiritu sancto inhabitante, & adoptione diuina, & omni iure cælestis hæreditatis, & omnibus meritis, & auxilio peculiaris protectionis; ac proinde etiam reum facit æternæ damnationis: quia hæc omnia insolubili catena sunt connexa, & inter se deuincta. Quod confirmatur: Quia Spiritus sanctus in Scripturis minatur æternas pœnas, non solum iis qui multa peccata commiserunt, sed absolutè omnibus peccatoribus, & omnibus iniquis, & omnibus Dei inimicis, & omnibus qui etiam vel vno peccati genere se inquinaverunt, ut omnibus fornicariis, mollibus, furibus, homicidis, maledicis, & similibus. Psal. 10. *Pluet super peccatores, laqueos: ignis, & sulphur, & spiritus procellarum pars calicis eorum.* Ps. 91. *Quoniam ecce inimici tui Domine, quoniam ecce inimici tui peribunt, & dispergentur omnes qui operantur iniquitatem.* Matth. 13. *Exibunt Angeli, & separabunt malos de medio iustorum, & mittent eos in caminum ignis.* Et Apost. 1. Cor. 6. *Nolite errare: Neque fornicarij*

*Etiam uni-
cū peccatum
mortiferum
omnia hæc
mala infert.*

neque adulteri, neque molles, neque fures, neque auari, neque ebriosi (μεθύοντες,) *neque maledici, neque rapaces, regnum Dei possidebunt.* Apoc. 21. *Non intrabit in eam aliquid coinquinatum.* Atqui vel vnus actus peccati mortiferi facit hominem peccatorem, & iniustum, & iniquum, & inimicum Dei, & filium diaboli: vnus actus facit furem, adulterum, fornicarium, mollem, maledicum: vna etiam voluntaria ebrietas facit μεθύοντα, id est ebrium. sic enim illud *ebriosi* accipi debet: μεθύοντες enim propriè μεθύοντες seu ebrium significat. Vnde ad damnationem per ebrietatem non requiritur vt quis illi sit deditus, sicut nec in aliis peccatis, sed sufficit vna ebrietas. His adde testimonium S. Iacobi: *Qui in vno offenderit, factus est omnium reus*; hoc est, non minùs damnabitur quàm si totam legem violasset, licet non ad æqualem pœnam. Ratio est, Quia eo ipso quo vnum peccatum mortiferum committit, contemnit Deum totius legis & iustitiæ auctorem, & paratus est etiam alias leges violare tùm occasione se obtulerit. Hæc de præcipuis peccati malis, quæ in hac vita infert peccatori.

Cap 2.

CAPVT XXIX.

De malis quæ peccatum infert post hanc vitam.

203 **D**IXIMVS generatim de malis quæ peccatum statim infert peccatori; nunc breuiter agendum de illis quæ irrogat post hanc vitam: vtilissimum enim est, hæc breui compendio sæpè ob oculos proponere, & attentè considerare. Quantum malum sit peccatum, homines in hac vita non percipiunt, quia effectus eius nō sentiunt; quo fit vt etiam parui illud æstiment. Verùm post hanc vitam, quando acerbissimos eius fructus gustabunt, vel alios gustantes videbunt, tunc tandem clarè cognoscent ipsum esse summum malum; nec vllum aliud genus mali cogitari posse, quod huic sit comparandum. Porro mala quæ peccatum infert post hanc vitam, ad duo reuocantur genera, nempe ad pœnam damni, & pœnam sensus.

Pœna damni.

Pœna damni consistit in eo, quòd sententia irreuocabili excludatur ab æterna beatitudine, & omnibus bonis quæ illa secum adfert; ad quæ obtinenda ille à Deo conditus erat, & in hac vita constitutus, & tota gubernatio mundi à Deo directæ. Hæc similis est confiscationi bonorum, cùm quis eiiciendus in exilium ad metal-

la, priuatur primò omnibus bonis, & redditur inhabilis ad omnia tamquam seruus pœnæ. Pœna ista damni continet damnum quintuplex, secundùm quinque bonorum genera. Primum est, *Amisio cœlestis patriæ*, seu splendidissimæ ac saluberrimæ illius regionis, omnibus opibus & deliciis redundantis; cuius materia auro & gemmis pretiosior, cuius amœnitas solis & stellarum vincit pulchritudinem. Describitur hæc ciuitas à S. Ioanne Apocal. 21. & in fine additur, *Non intrabit in eam aliquid coinquinatum*. Secundum est, *Exclusio à contubernio* & familiaritate dulcissima tot millium Angelorum & hominum beatorum; quos intueri, cum quibus agere & versari etiam instar famuli ad obsequium, maior esset fœlicitas, quàm omnium huius mundi Regnorum & bonorum possessio. Si magna pœna censetur inter homines, cum quis priuatur ciuitate & omni honore quem in ea obtinebat, vel obtinere debebat, & optimorum ciuium consuetudine, & eiicitur in perpetuum exilium in insulam barbaram ac sterilem: quanta pœna censendum hoc æternum exilium, quo quis tali ciuitate, tali honore, & talium ciuium familiaritate spoliatur? Tertium damnum est, *Priuatio illius amœnissimi spectaculi*, quod omnes Beati habebunt intuendo pulchritudinem omnium rerum naturalium, totamque mundi fabricam, & insuper omnium & singulorum Beatorum gloriam: ita enim diuinitus illustrantur, vt hæc omnia possint clarè intueri. Ex quo spectaculo incredibilem percipient voluptatem; adeò vt etiamsi homines iusti non acciperent aliud præmium quàm hæc tria bona, nempe cœlestem habitationem, contubernium cœlestium ciuium, & claram totius naturæ conditæ cognitionem, cum ea cognitione Dei quæ necessariò ex illa resultat; nihilominus censenda esset non modica fœlicitas, imò longè maior quàm vmquam Philosophi animo concipere potuerunt. Damnati tali illustratione carebunt: vnde neque pulchritudinem rerum creatarum clarè cernere poterunt, neque voluptatem vllam ex illis haurire, sed solum mœrorem: sicut dæmones, etiamsi omnes res creatas naturalis ordinis vtcumque cognoscant, nullam inde voluptatem percipiunt. cuius ratio duplex adferri potest. Prima, Quia tanto mœrore oppressi sunt propter æternam damnationem, vt omnis consolatio quam ex pulchritudine rerum creatarum capere possunt, sit instar nihili. Secunda, Quia cum Deum summo odio prosequantur, etiam oderunt omnia ipsius opera, & detestantur eorum pulchritudinem. Sicut qui videt filios, amicos, hortos eius:

*Pœna damni
continet quinque
plex damnum.*

*Cur dæmones
exterum cognitione non
percipiunt.
oblationem.*

quem acerrimè odit, non delectatur eorum pulchritudine vel ornatu, sed potius discruciatur animo, quia totum inimici bonum censeat & apprehendit tamquam suum malum. Quæ duæ rationes etiam in hominibus damnatis locum habent. Quartum damnum est, *Priuatio luminis gloriæ*, & consequenter visionis, amoris & gaudij beatifici. Hoc damnum est omnium maximū, utpote infinitum, quia infiniti boni amissio: sicut si quis infinitum thesaurū amitteret, ex quo summos honores & summas voluptates percepturus erat. Itaque in hoc damno multa damna infinitæ æstimationis continētur. Primò, Luminis gloriæ quo animæ eleuantur & corroborantur ad videndam essentiā diuinam. Secundò, Ipsius visionis beatificæ, qua planè similis Deo anima efficitur, iuxta illud, *Similes ei erimus, quoniam videbimus eum sicuti est*. Tertiò, Amoris beatifici quo anima tota in Deum transfunditur, & vnus cum illo spiritus eminentissimo modo efficitur. Quartò, Gaudij beatifici quo de bono ipsius Dei gaudet, & tota eius dulcedine fruitur. Quintò, Gaudij illius eximij, quo quisque de sua beatitudine suisque bonis gaudebit & delectabitur. Quintum damnum est, *Priuatio gloriæ corporis*, nempe claritatis, impassibilitatis, agilitatis, & virtutis spiritualis penetrandi per omnia: habebunt enim corpora obscura, fœda, passioni obnoxia, ponderosa, & longissimè ab omni conditione spirituali remota: nisi quòd ignibus consumi numquā poterunt. 204. Porro hæc omnia damna versabuntur illis assiduè ob oculos, eaque semper considerabunt, ac proinde incomprehensibilem animi mœrorem inde concipient. Fiet autem hoc tum naturæ quodam instinctu, quo quis cum in graue damnum incidit, semper de eo cogitat, nec mentem ab eo potest auertere: tum maximè diuina virtute mentem damnatorum ad hoc applicante, & efficiente ut assiduè apprehendant & considerent, ut inde mœrorem assiduè percipiant. quod insinuari videtur Dan. 12. *Multi de his qui dormiunt in terræ puluere, euigilabunt; alij in vitam æternam, & alij in opprobrium ut videant semper. quid videant, nisi suū opprobrium & sua damna, quæ propter sua peccata sunt perpeffi, & patientur in æternum? Vnde non erit in potestate illorum mentem diuertere ab horum damnorum consideratione.*

1. Ioan. 3.

*Hæc damna
semper habebunt ob oculos
ex duplici
causa.*

*Pœna damni
erit eadem,
sed afflictio
diuersa.*

Ex varietate huius considerationis proueniet diuersitas afflictionis pœnæ damni in damnatis. Et si enim damnum ipsum quod pœna damni vocari solet, par erit omnibus; (omnes enim æqualiter omnibus istis bonis excludentur & priuabuntur:) tamen afflictio quæ inde

inde proueniet, par non erit, siue hæc afflictio ad pœnam damni, siue ad pœnam sensus pertinere dicatur. Sicut enim maximi peccatores merentur maiorem pœnam sensus ab igne prouenientem, ita etiam merentur maiorem pœnam ex damno. Atqui pœna damni ex parte ipsius damni maior esse non potest, sed omnibus est æqualis; sed solum potest esse maior vel minor ex parte afflictionis & mœroris, quem damnum ipsum adfert mediante consideratione. Itaque tota hæc diuersitas pendet ex diuersitate considerationis. Neque id mirum, cum nullum damnum, quantumuis magnum, habeat rationem pœnæ afflictivæ, nisi per considerationem applicetur, ita ut animum discruciet. De ratione enim pœnæ afflictivæ est ut repugnet voluntati, eamque mœrore afficiat. quod si non apprehenditur damnum, vel nihili penditur, non habet rationem pœnæ afflictivæ, sed tantum priuatiuæ. Quare sicut ignis non affligit, nisi ita applicetur ut dolorem inferat; ita etiam damnum non habet rationem pœnæ afflictivæ, nisi per considerationem applicetur ut animum mœrore afficiat.

205 Dices: Paruuli sustinebunt pœnam damni, & tamen inde non affligentur mœrore, etiam si eam considerent: ergo etiam alij damnati poterunt se continere, ne ex consideratione huius damni mœrore afficiantur. Respondeo, negando consequentiam. est enim valdè dispar ratio. Primò, Quia paruuli ad illa bona nõ nisi remotè ius habuerunt: nec vmquam in illorum potestate fuit ea consequi. Sicut rusticus non multum dolet quod non fuerit adoptatus à Rege, etiam si aliqui alij Regis liberalitate ex eius vico adoptati fuerint, & magni Principes effecti; quia ad hoc non habuit ius vllum saltem propinquum. Secundò, Quia ob incertum euentum huius vitæ, & periculum horrendæ illius damnationis iniquorum, quam optimè cognoscent, gratulabuntur sibi, quod ante vsum rationis ex hac vita subtracti fuerint, & isti periculo exempti: nam maxima pars illorum fuisset damnata. Itaque quia Deo aliter visum non est, contenti sunt sua sorte, eaque fortasse illis est gratior, quàm exponi periculis huius vitæ ad obtinendam beatitudinem: præsertim cum multi etiam Christiani, si in illorum esset arbitrio, mallent similem statum, quàm versari in periculis damnationis cum spe beatitudinis. Qui tamen affectus in ipsis est valdè inordinatus: quia Deo aliter visum, qui paratus est ipsos iuuare ut certò assequantur, si ex parte sua fecerint quod debent, & facile possunt. Secus de illis qui viam salutis ignorant. Tertiò, Quia Deus

*Cur adulti
potius, quàm
paruuli ex
damni pœna
mœrorem
sustineant.*

*Cur paruuli
non doleant
de pœna
damni.*

singulari prouidentia mētes eorū gubernat, vt sorte sua cōtenti sint. non enim pœna damni affecti sunt, vt inde dolorem concipiant, cū propria voluntate non peccauerint: sed quia propter peccatum primi parentis, illis bonis facti sunt indigni.

Hæ rationes in adultis locum non habent, cū in illorum potestate fuerit illa bona consequi, & sua voluntate declinando à Deo videantur illa parui fecisse. Vnde priuantur, non solū quia ali quo modo indigni, sed quia ea contempserunt peccando: ac proinde oportet vt mœrorem ex hoc damno sentiant.

Soti & Abulensis sententia.

Dominicus Soto in 4. dist. 50. a. 4. secutus Abulensem, putat hanc maiorem afflictionem pœnæ damni prouenturam in maioribus peccatoribus ex eo quod ipsi maiori odio prosequantur Deum quàm minores peccatores: quod autem quis aliquem magis odit & censet inimicum, eò fert ægrius damnum quod ab illo patitur. Verū, etsi hoc interdum aliquid facere possit ad augmentum mœrosis in damnis sustinendis, hic tamen non potest esse causa principalis. omnes enim summo odio quo possunt, Deum prosequuntur; & qui minora peccarunt, videntur habere maiorem causam murmurandi contra Deum, & tristandi de tanto damno, quàm qui plurimis peccatis il-

Diuina iustitia facit ut alij maiorem, alij minorem tristitiam ex dādo illo sentiant.

lud meruerunt, vt facilè exemplis humanis ostendi potest. Vnde dicendum existimo, hanc diuersitatem afflictionis ex damno illo prouenire ex eo quod perfectiùs & vehementiùs, vel minùs perfectè & vehementer magnitudo huius dāni concipiatur, diuina iustitia id in mentibus eorum operante: iustum enim est, vt intelligant ac sentiant, quantum bonum sua culpa amiserint, idque eò ampliùs, quod grauiùs peccauerint. Neque mirum videri debet, Deum id supernaturali modo in mentibus eorū operari: quia longè magis mirum, quod singulos in die Iudicij ita illustrabit interiùs, vt etiam aliorum peccata & cordium consilia cognoscere possint, vt ex Apo-

1. Cor. 4.

stolo constat. Neque absurdum est, damnatis fieri aliquam reuelationem vel illustrationem mentis, quæ ad eorum damnationem & afflictionem pertineat. sicuti diuiti in inferno ostensus est Lazarus in sinu Abraham, & concessum loqui cum Abraham. Non tamen

Damnati nō cognoscunt gloriam Sanctorū intuitiue, sed abstractiue.

opus est vt huiusmodi illustrationes sint supernaturales in substantia, sicut nec illæ quæ fiunt in Iudicio. Similiter non est necesse vt ipsi intuitiue Sanctorum gloriā aut ipsos Sanctos in cælo existentes videāt: satis est vt abstractiue eam cognoscant & de ea cogitent, sicut nos de rebus absentibus cogitamus. Beati tamen intuitiue & clarè dānatorū

pœnas cernunt, vt ex Scripturis constat, Isaia ultimo, & Apoc. 14. Facile enim vis mentis lumine gloriæ illustratæ ad omnia ista pertingit. Multiplex etiam hinc fructus: nam primò facit ad cumulum gaudij, quòd videant miseras aliorum (quas ipsi auxilio gratiæ diuinæ euaserunt) easque cum sua fœlicitate componant. Deinde, hinc excitantur ad peculiarem gratiarum actionem, propter exhibitam sibi misericordiam. Denique prouocantur ad congratulandum iustitiæ diuinæ, quæ hoc modo ordinem iustitiæ à peccatoribus violatum instaurat, & sibi quodammodò satisfieri curat. Hæc breuiter de pœna damni.

206 Sequitur pœna sensus, quæ etiam quinque afflictionum genera cõtinebit. Prima est *ex ipso loco*, qui & profundissimus est & obscurissimus, & à cælo, vnde omnis amœnitas rebus inferioribus, longissimè distans, omni horrore, calamitate & mœstitia plenissimus. Profunditas carceris, obscuritas, & æris malignitas multum faciunt ad carceris grauitatem, quæ interdum tanta est etiam apud homines, vt magnis tormentis possit æquari. at carcer infernalis per se millecuplo grauior est omni carcere huius mundi: nam vel solùm esse in illa voragine, & in illis tenebris, absque vlla spe fruendæ lucis vel aspectus cælorum, & audire assiduè ploratus, clamores, furores, & blasphemias damnatorum, ingens supplicium quauis morte grauius censetur, etiamsi nihil ab igne vel demonibus patereris. Vnde Iob cap. 10. vocatur *terra tenebrosa & operta mortis caligine, terra miseriæ & tenebrarum, vbi nullus ordo, sed sempiternus horror inhabitat.* & Isaia 34. *Terra sulphuris & picis. Conuertentur torrentes eius in picem, & humus eius in sulphur; & erit terra eius in picem ardentem.* à Domino Matth. 13. vocatur *caminus ignis*; à S. Ioanne Apocalypsis 14. & 19. & 20. & 21. *stagnum ignis & sulphuris.* Augebit huius carceris afflictionem murorum firmitas & spissitudo, quæ omnem spem euadendi excludet. ambitur vndique & clauditur spissitudine terræ, quæ à centro ad superficiem plusquam mille leucas continet. quis huiusmodi murum perfodiat; præsertim, cum non nisi ascendendo id fieri possit? vbi pedem figet, pondere corporis semper ad ima per vacua spatia tendente?

Quinque afflictionum genera in pœna sensus.

Prima, ex loco obscurissimo & horridissimo.

207 Secunda afflictio est, *ex demonum & aliorum damnatorum perpetua societate.* sicut enim Beatis singulis ingens gaudium & oblectatio erit, amicissimè versari cum aliis Beatis; ita damnatis ex contubernio & præsentia aliorum damnatorum ingens erit mœ-

Secunda, ex demonum & damnatorum societate.

ror & afflictio. Primò, Quia cogi semper esse in medio miserorum, & omnium illorum malorum pari aspectum, auditum, querimonias, per se ingens est miseria. Secundò, Quia omnes se mutuò oderunt, nempe quatenus sunt creaturæ Dei ad eius imaginem conditæ. Sicut enim summè oderunt Deum, ita etiam odio habent quidquid est Dei, quatenus eius magnitudo, potentia, sapientia, iustitia, vel alia perfectio in eo resplendet. Atqui valdè molestum est pati assiduè præsentiam eorum quos oderis, quod maximè locum habet in iis qui ipsis fuere causa damnationis, ut sæpè sunt parentes, vxor, filij, socij, & in primis dæmones, qui nusquam absunt: hos enim omnes acerbissimo odio prosequuntur, tamquam auctores suæ perditionis: vnde grauissimū ipsis erit, quòd assiduè cum illis esse cogantur, & eorum maledicta, contumelias ac furias perpeti. Tertiò, Quia valdè credibile est, dæmones etiam post Iudicium fore tormentos hominum, etsi quidam aliter sentiant, inter quos S. Bonauent. in 1. d. 47. & quidam quos sine nomine refert Magister Sent. eadem dist. Si enim ante Iudicium torquent animas damnatorū, ut ex multis reuelationibus constat; cur non etiam post? non enim minùs nunc pœna damnatorum est determinata per iustitiam diuinam, quàm tūc erit. æquum est ut sentiant clementiam & benignitatem dominorū, quibus per peccatum se subiecerunt, & quorum se fecere mancipia. Idem consentaneum Scripturæ, Ecclesiastiei 39. *Sunt spiritus qui in vindictam creati sunt.* quamuis istius loci alium sensum putem. Adde, si Deus in hac vita permittit ut impij se mutuò lædant, quid mirum si id permittat apud inferos, & sinat eos tamquam rabidos canes in se mutuò sæuire? illa enim pœna, quam mutuo furore alter ab altero patitur, inter mala secundaria istius status computanda, tamquam accessio pœnæ principalis quæ à Deo infertur: sicut oblectatio quam Beati percipient ex mutua consuetudine, inter bona accessoria status Beatorum. Vnde in illa facilè potest admitti variatio, ut nunc maior sit, nunc minor. Hinc patet, versari inter damnatos & dæmones per se longè fore grauius, quàm versari in aliquo specu pleno serpentibus & bufonibus. Hanc pœnam interdum indicat Scriptura, ut Isaia 34. sed allegoricè; & Matth. 25. *Qui paratus est diabolo & angelis eius.*

*Dæmones
torquebunt
homines
damnatos.*

*Tertius, ab
igne sulphu-
reo.
Apoc. 14. 19.
20. & 21.*

208 Tertia afflictio, eaque maxima, erit ab igne sulphureo: omnes enim mergentur in stagnum sulphureum ardentissimum (ut patet ex Apocalypsi Ioannis) etsi alij magis, alij minùs profundè. Ma-

gnis verò peccatoribus non solum exterius ignis applicabitur, aut ipsi in ignem seu stagnum igneum mergentur, sed etiam in corpora, viscera, & ossa eorum ignis implicabitur, ita ut ipsi toti ardeant; sicut ex multis visionibus colligi potest, in quibus damnati toti ardent appaerunt. Sauiet autem hic ignis in alios plus, in alios minus, pro meritis cuiusque: quia operabitur ut instrumentum diuinæ iustitiæ, quæ illo tamquam flagello utetur. Facile est Deo non solum applicare ignem, ut vi sua naturali cum concursu generali agat: sed etiam speciali concursu plus vel minus ei cooperari, ut maiorem vel minorem impressionem faciat, & maiorem vel minorem effectum producat.

Petes, quomodo fieri possit ut corpora damnatorum tanto ardore non dissoluantur, sed semper integra perseuerent: ignis enim omnia mixta dissoluit in elementa, & omnem humiditatem extenuat in auras. Quidam putant ignem inferni non producturum calorem in corporibus damnatorum, quia tunc motus cæli cessabit, sine quo nulla alteratio aut quivis alius motus corporalis fieri potest; sed solum speciem intentionalem caloris, quæ non est corruptiva rerum. Ita Caiet. in Oratione quam habuit coram Summo Pontifice Iulio II. & plerique de schola S. Thomæ ipsum secuti in 4. dist. 44. q. 3 a. 1. Verum hæc sententia non probatur: nam Primò, parum credibile omnes vires rerum corporalium earumque actiones & operationes ita pendere à motu cæli, qui solum localis est, ut illo cessante, omnes debeant cessare, nec ignis etiam maximus possit corpus ad motum vel iniectum calefacere, aut stuppam incendere. Nulla enim ratione tam intrinseca dependentia probari potest: unde frustra asseritur. Deinde, nulla etiam ratione vel experientia ostendi potest, dari aliquam speciem intentionalem caloris, sicut dantur species lucis & colorum quando illuminantur extrinsecus: soli enim lucis & coloribus qui lucem æmulantur concessum videtur; ut speciem seu imaginem sui foras diffundant. Quis umquā speciem caloris vel frigoris percepit, quæ non esset verus calor aut verum frigus, sed solum imago & specimen illorum? Ratio est, quia calor & frigus se possunt diffundere per se producendo effectum eiusdem speciei: unde superfluum est ut se diffundant per suam imaginem, quæ necessario est alterius rationis & naturæ. perfectior enim est communicatio secundum eandem naturam, quàm solum secundum imaginem. Lux verò & color non possunt se diffundere nisi per suam imagi-

Cur corpora damnatorum igne non dissoluantur.

Sententia S. Thomæ & Thomistarum, quæ corpora solum passura per imaginem caloris.

Non dantur imagines caloris & frigoris, sicut lucis & coloris.

nem, qua corpus diaphanum afficiunt, & quasi tenuiter pingunt, & sibi assimilant quantum possunt. Hinc patet, non rectè colligi à quibusdam Philosophis: Si lux & calores illuminati imaginem sui diffundunt, etiam reliquorum sensuum obiecta similem imaginem debere diffundere. est enim dispar ratio, cum reliqua obiecta habeant modum se communicandi & protendendi ad sensum per se, idque vel immediatè, vel producendo effectum eiusdem speciei: lux verò & calores non possint se nisi per imaginem suam communicare.

*Verius est,
pissura ingē-
tem calorem.*

209 Itaque dicendum est, corpora damnatorum verum & ingentem calorem ab igne perpeffura, non tamen idcirco dissoluenda: ita docet Augustinus lib. 21. de Ciuitate cap. 9. & 10. & acriter defendit Dionysius Carthusianus in 4. d. 44. q. 10. Colligitur ex Scripturis: Iudith 16. *Dabit ignem in carnes eorum* (non imaginem & species ignis) *vt urantur semper.* Matthæi 3. *Paleas comburet igni inextinguibili.* Marci 9. *Omnis enim igne salietur.* Valdè frigidum esset, hæc & similia de quadam imagine ignis & caloris interpretari, & ab hac corpora dici viri, comburi, igne saliri. Quomodo autem corpora tanto æstu non dissoluantur, conatur ostendere S. Augustinus lib. 21. de Ciuit. cap. 4. exemplo salamandræ, montis Æternæ, carnis pauonis, magnetis, & aliarum rerum, quarum conditio & vis incredibilis ijs qui non sunt experti. His adde exemplum auri, in quo temperamentum ita est firmum, vt vi ignis dissolui non possit, vt docet Plinius lib. 33. c. 3. Quòd si vi naturæ elementa in auro ita contineri possunt, vt vis ignis non possit ea soluere, aut humidum, quo constant, in auras dissipare: quid mirum, si vis Dei infinita, creatrix naturæ, intimè præsens rebus omnibus, possit in corporibus humanis ita continere elementa & humores omnes, vt nulla fiat resolutio aut dissipatio, quamuis ea corpora instar ferri candentis ignescant? Idem dicendum de sulphureo stagno, quod apud inferos æternùm ardebit absque vlla resolutione vel consumptione.

*Virtuti diuina facile est
elementa cō-
tinere ne dis-
sipentur.*

*Subtractione
concursum
fieri potest vt
calor non ex-
tenuet &
dissipet hu-
morem.*

210 Vtrùm autem id fiat positiuo influxu supernaturali in resistas, quo ita continentur vt resolui non possint, an per subtractionem concursus, non ita liquet. Mihi videtur sufficere, vt Deus calori, qui natura sua vim habet extenuandi & dissipandi humorem rebus insitum, subtrahat suum concursum, ne possit hunc effectum in corpore cui inest producere: quo concursu subtracto, calor non magis dissipabit aut extenuabit corporis humores quàm frigus. ni-

hilominus per hoc nihil de acrimonia eius quam in sensum exeret, detraheretur; quia hæc actio est alterius rationis.

Dices: Etiam si corpus non dissoluatur, tamen ingens dolor interimit, ut docent Medici, & constat experientia; ac proinde non poterunt manere viui in igne. Respondeo, dolorem non posse interimere hominem, nisi quatenus dissipat spiritus, & accendit febrem qua humores dissipantur, ut iidem Medici docent: unde si Deus impediatur hunc effectum per subtractionem concursus, vel alio modo; nullus dolor, quantumvis magnus, perimere poterit: manentibus enim in corpore omnibus dispositionibus & instrumentis necessariis ad unionem animæ cum corpore, nullus dolor, nullum supplicium potest illam abigere aut auellere à corpore; sed illa, velit nolit, manet deuincta & illi colligata, etiam si totum igne instar metalli candentis, imbueretur. Quod autem dispositiones illæ & instrumenta quæ necessaria sunt ad unionem animæ cum corpore, non sint defutura corporibus damnatorum, vel ex eo colligere possumus, quod ea accipient in resurrectione, qua omnia ad perfectum statum reformabuntur. At non videtur verisimile, eos confestim vi ignis & suppliciorum amissuros illum naturæ statum & temperamentum naturale quod in resurrectione acceperunt. Itaque Deus etiam in illis ardoribus & doloribus temperamentum illud conseruabit: quo conseruato, anima manebit deuincta corpori, nec poterit se ab illo liberare; ac proinde nec ipse homo poterit mori.

Dolor non interimit nisi dissipando.

Deus conseruabit in corporibus damnatorum temperamentum necessarium ad unionem animæ.

Dices: Temperamentum corporis humani requirit certam mensuram caloris, quæ hinc non videtur futura: quia ardor ignis longè excedet. Respondeo: Etiam si ardor ab igne impressus longè excedat mensuram caloris natiui, id tamen non obstat: quia cum mensura caloris natiui trium graduum potest consistere calor extraneus longè maior, ut patet in ardentissima febre. unde etiam Deus illam cum summo calore conseruare poterit. Denique ad iustitiæ diuinæ prouidentiam pertinet, ita illa corpora integra & viua pœnis æternis conseruare, ut nec diuidi in partes, nec conteri, nec consumi, nec suffocari possint.

211 Quarta afflictio erit *omnium sensuum à propriis obiectis*. Visus enim tenebris & spectris horrendis, & stagni ardentis aspectu, & loci totius immanitate, & fumo acerrimo torquebitur. Auditus clamoribus, eiulatu, maledictis, blasphemis, aliisque furoris & desperationis signis, nimirum eorum qui non planè demersi in

Afflictio omnium sensuum à suis obiectis.

stagnatio. Odoratus odore teterrimo, quo omnia plena erunt. Gustus & lingua tum à sulphure ardente, tum ab amarissimo succo quo lingua & os imbuetur. Denique sensus tangendi ac totum corpus, non solum ardore ignis, sed etiam mutua compressione & angustia immensa. valde enim verisimile est; ut suprà diximus, alios super alios instar fascium & sarmentorum coaceruandos, sic ut inferiores vehementer comprimantur à superioribus, & extremas patiantur angustias. Singulæ istæ sensuum afflictiones per se & seorsim consideratæ tantæ erunt, ut quælibet satis sit ad hominem mox interimendum, si mori posset. Sicut enim Sancti in cælo tantas habebunt oblectationes in singulis sensibus, quantas nemo in hac vita percipere potest, etiam si omnia mundi oblectamenta illi suppeterent: ita iniqui tantas in singulis sensibus patientur afflictiones, quantas nemo in hac vita sustinere potest. sicut enim illis magnitudini gloriæ & gaudij quod erit in mente, respondebit magnitudo felicitatis quæ erit in corpore & sensibus: ita in damnatis magnitudinis miseriæ quæ erit in portione superiore, respondebit miseria corporis & partis sensitivæ. Felicitas enim animæ & corporis, partis superioris & inferioris, seu partis intellectivæ & sensitivæ, debent esse commensuræ in suo ordine, & exacta proportionem subordinatæ. Idem planè dicendum de miseria.

212 Quinta afflictio erit à verme assidue rodente. Hæc afflictio videtur esse præcipua: nam & ab Isaia c. 66. & à Domino Marci 9. præponitur pœnæ ignis: *Quorum, inquit, vermis non moritur, & ignis non extinguitur.* ter id ipsum eodem loco repetens. Plerique (& rectè) per hunc vermem intelligunt conscientiam mordentem. Hæc conscientia consistit in duabus cogitationibus (quæ etiam in quatuor vel quinque distinguere possunt) quæ assidue menti tamquam vermes inhærebunt, eamque affligent. Prima, Quod sua culpa privati sint æternis & maximis bonis, quæ facili negotio poterant consequi. Secunda, Quod ad dicti æternis tormētis, quæ facile poterant evadere. Hinc gemina nascetur tristitia, quæ immensa quadam acerbitate cor eorum tamquam vermis atrodet, nempe quod inestimabilem illam gloriam, quæ illis erat quasi in manibus, sua stulticia amiserint; & quod in æterna tormenta se sponte præcipitauerint. Hæ cogitationes & hi dolores sunt vermes acerbissimi, quorum morsus, (id est tristitia inde nascens) est præcipuum damnatorum tormentum, ut suprà num. 159. ostensum est. Exacuit & animas hos vermes iustitia divina, faciendo ut mens eorum

Vermis consistit in cogitatione bonorum quæ amiserunt, & malorum quæ incurrerunt, & æternitatis eorum.

Iustitia divina exacuit hos vermes.

eorum hæc omnia assidue & acriter apprehendat & cogitet; ac imprimis horum omnium æternitatem, nempe hæc damna & hæc supplicia fore æterna, & nullis umquam sæculis finienda. ea enim est conditio æternitatis, ut omne bonum faciat infinite melius, & omne malum infinite peius, nimirum quod ad ad æstimationem attinget. Horum omnium consideratio eò in singulis erit vehementior vel minus vehemens, quò plus vel minus olim peccauerunt, ut maior quoque vel minor sit tristitia pro mensura meritorum cuiusque.

213 Ex hoc etiam verme nascetur desperatio, ex desperatione furor & odium in Deum, & in omnia quæ Dei sunt, & in seipsos, ac in omnes damnatos: ex odio, blasphemiarum & maledicta. De desperatione, res est manifesta. Hoc ipso enim quo certissime scient poenas suas fore æternas, (hoc enim sententia Iudicis continebitur, quam ipsi clare percipient;) necessario desperabunt, & omnem animi motum in bonum abiicient. Hinc furiosi impetus sequentur, sicut in hominibus desperatione actis fieri consuevit; nempe iræ & odij in Deum, quibus vellent illum perdere si possent, & quia non possunt ei nocere, crepabunt præ indignatione ac furore, & prorumpent in blasphemias & maledicta, quibus & Deum, & omnes Sanctos, & se ipsos maledicent. Insinuat hæc Dionysius lib. De diuinis nominibus cap. 4. p. 4. ubi in dæmonibus dicit *esse furorem irrationalem, cupiditatem amentem, & phantasiam precipitem*. Si hæc in dæmonibus, multò magis in aliis damnatis. *Irrationalis furor* est insurgere contra Deum; *amens cupiditas*, optare illi malum; *phantasia præceps*, quidlibet contra illum animo concipere.

*Desperatio
ex hoc verme.*

Hinc patet, non esse opus ut Deus infundat illis habitum vel actum odij, ut absurdè à quibusdam olim scriptum est. Hoc enim planè repugnat diuinæ bonitati; alioquin ipse esset propriè auctor peccati, & necessitaret voluntatem creaturæ ad actum internum maximi peccati. Nec obstat, quòd istud odium tunc non esset peccatum, cum non esset opus liberum: quia etsi non sit ita peccatum ut debeat imputari ad nouam culpam; tamen in se est opus prauum, rationi & naturæ rationali repugnans, & bonitati diuinæ iniuriosum & contumeliosum: neque hæretici, qui Deum faciunt auctorem omnium scelerum, (ut Lutherus, Calvinus, Zwinglius, Melancthon, Beza, & similes) ipsū alio modo auctorem faciunt quàm necessitando ad actum prauum. Similiter qui introducunt fatum.

*Non infundat
illis Deus
actum vel ha-
bitum odij
Dei.*

Yyy

*Vnde nascitur
odiu
Dei.*

214 Odium hoc nascitur ex eo, quod assidue considerent suas pœnas, quas sciunt à Deo infligi. Vnde apprehendunt illum tamquam summum malum, utpote auctorem totius afflictionis: ac proinde summo odio illum prosequuntur, & propter illum quidquid ad illum vilo modo pertinet. Et quamuis sciant se iustissime à Deo puniri, non tamen idcirco patienter ferunt, quia iustitiam oderunt, cuius legibus tantum sibi malum irrogari sciunt.

*Peccant odio
& blasphemia.*

Petes, Vtrum peccent per istud odium & blasphemias? Respondeo, peccare; quia cū pleno rationis iudicio & satis liberè ista faciunt. nam etsi in genere videantur determinati ad malum, in singulis tamē actibus possent resistere & non consentire prauis impulsibus. Verum quia hoc illis nullum adferret leuamen pœnarum, laxāt habenas impatientiæ, & toto impetu animi contra Deum insurgunt. Hæc tamen peccata non imputantur ipsis ad nouam pœnam, quia ipsi sunt in termino: ac proinde ista sunt veluti flores & fructus illius status, sicut bona opera Beatorum non merentur nouam gloriam. Hoc ipso enim quo quis est in termino, cessat ratio meriti & demeriti, quæ nihil est aliud quàm tendentia ad terminum.

CAPVT XXX.

Quomodo ignis corporeus agat in spiritus.

RES hæc est valdè obscura, quamobrem diuersæ sunt de ea sententiæ.

*Lib. 21. de
Ciuil. c. 10.*

*Dæmones al-
ligandi igneis
corporibus.*

215 In primis Doctores Scholastici, secuti S. Augustinum, ferè in eo consentiunt, quod omnes dæmones sint alligandi vel potius illigandi igni vel igneis corporibus, ex qua illigatione ingentem moerorem concipient: priuabuntur enim sua naturali libertate, ut non possint vbique vagari sicut modò faciunt: eruntque sicut captiui trunco alligati, quem secum trahere coguntur, cū se mouere volunt. Et fortè hæc alligatio ex parte causæ erit, ut ampliùs carcerem suum egredi nequeant. Quamuis enim vi sua naturali terram perturbare possent, & sic etiam cum corpore cui alligati, erumpere foras in aërem: tamen vbi semel alligati fuerint, id illis non permittetur; sed sicut diuina virtute corpori igneo alligabuntur, ita eadem virtute intra fines inferorum detinebuntur, ut nullo modo possint egredi limites illius, Credibile etiam est, hæc corpora terri-

biles habitura formas, illorum peccatis, & damnatorum hominum suppliciis congruentes: quas vel ipsi poterunt sibi formare, vel Deus ipse corporibus illis stabiliter tribuet, ut nihil defit quod oculis vel imaginationi sit horrendum. si enim corporibus sint illigandi, rationi consonum est, ut illa corpora formam habeant externam malitiæ illorum & crudelitati consentaneam, ad maiorem hominum damnatorum afflictionem.

Præter hanc alligationem, quidam non videntur agnoscere aliud supplicium ab igne in dæmonibus: ut S. Thomas 1. p. quæstion. 64. a. 4. & lib. 4. contra Gentes cap. 90. & multi Thomistæ. Verum hoc difficile est creditu: Primò, Quia si solum patiuntur alligationem, aptiora ad hanc pœnam erant saxa ingentia, vel moles terrarum, quæ sua gravitate & crassitie detinent, quàm ignis qui leuissimus est: & tamen Dominus Matth. 25. dicit *ignem ab initio paratum diabolo & Angelis eius*. Deinde, non est dubium quin ita dæmones affligantur igne, sicut animæ corpore solutæ, quæ etiam sunt nudi spiritus. Sed animæ torquentur vi ignis, non alligatione tantum. anima enim Diuitis non petit solui, sed *refrigerari*; nec dicit se tene-
Non solum
patiuntur al-
ligationem.
Lucæ 16.
ri, sed *cruciari in flamma* infernali: ut intelligamus, simili dolore illam ibi affici, quo afficiuntur cùm sunt in corpore. Denique, hic videtur communis sensus & conceptio fidelium. quam sententiam aperte tenet S. Augustinus lib. 21. De Ciuit. cap. 10. *Cur, inquit, non dicamus, quamuis miris, tamen veris modis etiam spiritus incorporeos posse pœna corporalis ignis affligi; si spiritus hominum etiam ipsi profecto incorporei, & nunc potuerunt includi corporalibus membris, & tunc poterunt corporum suorum vinculis insolubiliter alligari? Adharebunt ergo spiritus dæmones, licet incorporei, corporeis ignibus cruciandi, miris & ineffabilibus modis adherendo; accipientes ex ignibus pœnam, non dando ignibus vitam*. Si non aliter affligerentur ab igne quàm concipiendo tristitiam ex eo quod illi sint alligati; non miris & ineffabilibus modis acciperent pœnam ab igne: facile enim est intelligere eos diuina virtute alligari igni, & inde concipere mœrorem. Idem confirmat Gregorius lib. 9. Moralium cap. 50. vbi postquam præcedentibus capitulis ostendisset, homines igne corporeo cruciandos, docet eodem modo etiam cruciandos dæmones. *Quamuis, inquit, angelorum & hominum longe sit natura dissimilis, una tamen pœna implicat, quas unus in crimine reatus ligat*. 216. Quare passim Doctores docēt, etiā alio modo eos ab igne affligi. Sed hoc variè à diuersis explicatur. Quidam di-

*Quomodo
affligantur
spiritus ab
igne.*

cunt, Deum per ignem tamquam per suum instrumentum in intellectu daemonis producere speciem intelligibilem ignis adeò vehementem, ut perturbet intellectum ipsius, eumque detineat in consideratione ignis cui alligatus est, & impediat ab aliarum rerum consideratione, & ob hanc causam daemonem valdè tristari: ita Richardus in 4. d. 44. art. 2. q. 3. Alij dicunt illum tristari, eò quòd species illa impressa sit à re tam vili, videlicet ab igne corporali, quasi contra ipsius dignitatem sit pati à re corporali. Ita quidam Thomistæ, ut refert Gabriel Vasquez 1. p. disput. 243. Alij dicunt, Deum per ignem tamquam per instrumentum non imprimere quidem speciem aliquam præuiam cognitioni (quæ solet vocari species impressa) sed ipsammet cognitionem, qua velit nolit cogitur semper intueri suum ignem, & de eo cogitare, & idcirco illum affici tristitia. Ita Scotus in 4. d. 44. q. 2. & Supplementum Gabrielis, cum Occamo. Verùm hæ sententiæ parum sunt verisimiles, & facilè refutari possunt, easquæ fusè refutat Gabriel Vasquez loco citato.

Alij docent, Deum per ignem producere in ipsis daemonibus non quidem speciem intelligibilem, aut cognitionem seu apprehensionem ignis, sed alterius rationis qualitatem spiritualem minimè convenientem eius naturæ, quæ ipsos maculet & turpet, ac deformes reddat; & ea de causa ipsos vehementem tristitiam concipere. Sed mirum est, si aliqua qualitas possit illi magis de formem ac maculatum reddere, aut eius naturali pulchritudini esse magis aduersa, quàm habitus & actus vitiorum, & ipsa tristitia vel dolor. Quare non videtur alia qualitas impressa à Deo quaerenda qua turpis reddatur, satis ipse se deturpauit; etsi de præcipua sua turpitudine, nempe de actibus & habitibus vitiorum, parum doleat. Porro omnes isti DD. ita hanc rem explicant, ut non videantur in natura spiritali agnoscere alium dolorem quàm tristitiam propriè dictam, quæ nascitur ex cogitatione mali, siue hoc in priuatione consistat, ut est poena damni; siue in aliquo positivo, ut sunt alia mala, ob quæ quis tristitiam concipere potest.

217 Verùm Scriptura Lucæ 16. & Matth. 25. & Patres aliquid amplius insinuare videntur, cum igne torqueri & cruciari dicunt spiritus. Ignis enim potissimum ob dolorem quem immediatè causat, formidatur; non ob tristitiam quæ ex eius præsentia animo concipitur: nisi enim dolorem inferret, parum illum curaremus. Vnde S. Augustinus ait, *spiritus adherendo igni miris & ineffabilibus modis*

pœnam seu dolorem ex eo accipere. & S. Gregorius lib. 4. Dial. cap. 29.

Ex dictis Evangelicis colligere possumus, quia incendium anima non solum videndo, sed etiam experiendo patitur. Idem satis apertè docet libr. 9.

Moral. cap. 50. vt ostensum est. & confirmatur ratione; Quia si dæ-

mones non patientur dolorem qualem anima ex igne sentit in cor-

pore, sed solum tristitiam ex cogitatione suorum malorum; solum di-

mediatam afflictionem habebunt hominum comparatione: nam ho-

mines non solum tristitiam ex cogitatione, sed etiam immanissimum

dolorem sensus patientur ab igne, qui dolor nō erit in corpore, (quod

per se nullius doloris est capax,) sed in ipsa anima: & longè videtur in-

tolerabilius quàm omnis tristitia. Si dicas, hunc dolorem in dæmoni-

bus compensandum per maiorem tristitiam; contrà reponetur, ho-

mines habituros tristitiam non solum ex cōsideratione suorum dam-

norum, & aliorum malorum de quibus dolebunt etiam dæmones;

sed etiam de acerbissimo dolore quem patientur ab igne, quam tristi-

tiam dæmones non habebunt. Vnde omnibus consideratis, homines

non minorem sed maiorem tristitiam videntur habituri quàm dæmo-

nes, si isti dolorem non habebunt. Hinc alij sentiunt, etiam dæmones

ab igne passuros non solum tristitiam, sed similem quoque dolorem,

qualem patiuntur animæ in corpore. Cui sententiæ accedit Domi-

nicus Soto in 4. d. 50. a. 2. vbi conuictus Scripturis & Patrum sen-

tentiis, dicit animam separatam & dæmones similem tristitiam passu-

ros ab igne, qualem animæ in corpore patiuntur dum corpus vritur.

vbi tamen Sotus non videtur admittere dolorem in anima, sed so-

lūm tristitiam qualis ex dolore corporis percipi solet, quasi ille dolor

non esset in anima. Eandem clariū tenet Henricus Quodlibeto 8.

q. 34. etsi eius explicatio non omnino probetur.

218 Vt autem hæc sententia aliquo modo declaretur, quædam

supponenda quæ à multis Philosophis probata, vel experientia nota.

Primò, ignem vi sua naturali posse efficere dolorem in anima ra-

tionali dum est in corpore, vt experientia constat; non tamen vllō

modo posse in ea producere calorem, sed hic manet foris extra

animam, nempe in corpore; dolor tamen vi caloris resultat in ani-

ma. Secundò, Hunc dolorem non esse in corpore tamquam im-

mediato subiecto; quia est actus vitalis qui immediatè debet pro-

cedere à principio vitali, & in eo recipi. Vnde ipsa anima est quæ

dolet, quæ sentit, quæ videt, &c. corpus verò solum est medium &

instrumentum per quod externa obiecta aptantur, modificantur,

*Si dæmones non patiuntur dolorem sicut anima, sed solum tristitiam, afflictio eorum erit dimidia-
ta.*

Explicatur quo modo possit concipi, spiritus ab igne pati-

& ad animam transmittuntur, ut via naturali possit hæc percipere.

Tertio, Vim percipiendi obiecta externa, quam sensum vocamus, non esse quid distinctum ab anima, sed ipsam animæ essentiam consideratam quatenus hæc vel illa percipere potest, ut multi hoc tempore docent: estque multorum Patrum & Scholasticorum sententia.

Vnde hanc vim secum defert cum à corpore recedit, etiamsi fortè naturaliter ea uti non possit. Cum enim anima sit infimus spiritus, habet hanc vim percipiendi infirmam, ita ut naturaliter ea uti non possit, nisi organi corporei adminiculo, per quod obiecta ad illam transmittantur. Quarto, In dæmonibus & Angelis non solum esse vim intelligendi, qua obiecta externa intelligendo cogitent vel speculentur, sed etiam percipiendi modo sensibili ipsis obiectis accommodato, etsi longè perfectiùs, & ex maiori interuallo quàm homines possint percipere. Si enim in anima rationali separata talis vis ponitur, quæ tamen propter imperfectionem egeat instrumento corporali; videtur rationi consentaneum, ut etiam in spiritibus anima perfectioribus ponatur hæc vis, etsi longè perfectior, ita ut instrumento corporeo non egeat: quæ tamen vis à vi intelligendi re ipsa non differat, sed sit ipsamet, quatenus eminentiori modo circa obiecta illa præstat, quod præstat sensus in corpore & per corpus. Confirmatur: Quia etiam in spiritibus aliud est intelligere essentiam vocis vel soni, aliud est vocem & sonum audire, & experientia cognoscere: aliud cernere naturam caloris & frigoris, aliud calorem & frigus sentire & experiri; non quòd spiritus possint in se calorem vel frigus recipere, sed quia actu vitali & proprio illorum præsentiam possint experiendo percipere. Quinto, Etiamsi res corporales seu obiecta externa per se ut causa integra non possint in spiritum naturaliter agere, aut illi aliquam qualitatem imprimere, tamen possunt concurrere ut causa partialis una cum potentia vitali ipsius spiritus ad producendum in ipso actum vitalem, ut multi Doctores tradunt, præsertim qui species negant, & admittunt actionem in distans.

219 His positis, poterimus ira ratiocinari: Si ignis naturaliter per suum calorem potest affligere spiritum hominis mediante corpore, cur idem ignis ut instrumentum Dei non poterit affligere eundem spiritum sine villo corpore medio? Corpus enim solum se habet ut medium, per quod immediatè calor spiritui applicatur, ut eius præsentia vi sentiendi percipiatur: Deus autem non eget aliquo medio, facile omnem medij effectum & defectum supplere potest.

Vide P. Hur-
rado in do-
ct. s. s. no. O-
pere De ani-
ma disp. 4.
Augustinus,
Bernardus,
Scotus.
Bonau. nt.
Gregorius.
Occamus,
Gabriel.

Dices, Non ideò anima affligitur quòd calor ipsi applicetur, sed quia corporis temperies violentè dissolvitur, & corpus destruitur, cui anima naturaliter erat vnita: vnde per sympathiam quam habet cum corpore, sentit corporis malum. Sed contrà: Hoc enim est contra doctrinam S. Thomæ & aliorum Doctorem, qui dicunt animas resum-
 pro corpore per solas species intentionales caloris affligendas, absq; vlla corporis alteratione aut calefactione: ergo iuxta horum sententiam, quòd anima tantum dolorem percipiat, non est ex eo quòd temperies corporis dissolvatur, sed est ex repugnantia quadam intrinseca illius obiecti in illo excessu considerati, cum sensu & natura illius substantiæ viuæ. Deinde, etiamsi corpora damnatorum calore sint alteranda, non tamen dissoluentur, nec temperies destruetur; ergo dolor non est ex eo quòd vi caloris corpus dissipetur. Denique, quādā venena statim dissoluunt temperiem, & tamen modicum vel nullū dolorem inferunt. Itaque quòd excessus caloris tantum dolorem inferat spiritui humano, provenire debet ex aliqua naturali repugnantia ad illum spiritum. Quod si ita est, dicendum erit, animam à corpore suo separatam, si diuina virtute includatur igneo corpori, non minorem dolorem percepturam, quàm si in suo corpore esset, & illud totum arderet.

*Non ideò
 praeisè pati-
 tur anima
 dolorem quòd
 temperies cor-
 poris soluan-
 tur.*

Dicet fortè aliquis, vim sentiendi seu percipiendi obiecta modo sensibili in spiritibus, esse subiectam illorum libertati quoad vsum; ita vt possint ea non vti si velint, & consequenter impedire ne obiecta externa agant concurrento cum illa vi ad actum vitalem: & sic, si velint, nihil doloris percipient. Respondeo, id esse valdè credibile, spectata naturali conditione eorum; vnde naturaliter non possunt pati à rebus externis, præsertim inuiti: diuina tamen virtute coguntur ea percipere, etsi maximè voluntate renitantur; hoc enim necessarium est ad eorum punitionem.

*illa vis est
 subiecta i. lo.
 in libertati.*

Rursum vlteriùs ita possumus ratiocinari: Si ignis naturaliter vim habet affligendi spiritum infimum, nempe animam humanam, siue in corpore, siue extra corpus, id modò non refert; ergo: diuina virtute ita poterit eleuari, vt etiam superiores spiritus, nempe daemones, affligere possit. Vbi enim est vis aliqua naturalis, etsi imperfecta, ad aliquem actum; ibi locum habet eleuatio ad actum eiusdem generis perfectiorem & superioris ordinis. sicut quia in intellectu nostro est vis aliqua imperfecta cognoscendi spiritus & Deum ipsum, potest eleuari diuinitus ad cognoscendum clarè na-

turas spirituales, & ad videndum deum. Itaque ignis ita poterit à deo eleuari per singularem concursum, vt agat in dæmones, sic vt vnà cū potentia illorum vitali, qua externa obiecta modo sensibili percipere possunt, ignis immediatè producat sensum caloris, & dolorē hinc resultantem, simili ferè modo quo in nobis. Magis sanè ad hoc videtur aptus ignis, quàm ad producendam speciem intelligibilem, vel cognitionem actualem sui, vel qualitatem aliam spiritalem spiritui incongruam, vt alij DD. ponunt, cū videamus ipsum naturaliter dolorem in anima producere.

220 Ex his patet, quomodo hæc pœna concipi possit. Sicut enim anima rationalis, naturæ vi ita coniungitur suo corpori, vt se ab illo diuellere nequeat: ita ipsa & quiuis spiritus ipsi similis, etsi perfectior, virtute diuina alligari potest corpori igneo, ita vt se ab illo non possit vlllo modo expedire. Neq; hoc difficile est intellectu: cū enim ipse sit omnipotens & intimè præsens omnibus corporibus & spiritibus, assiduè omnia creans & formans; promptum ei est spiritum corpori applicare, & insolubili vinculo spirituali adstringere, sicut reus fune vel catena, cippo vel trunco in carcere alligari solet. Deinde, sicut anima in corpore existens, statim naturaliter sentit ardorem qui corpori imprimitur, & vehementem dolorem; quia naturæ eius aduersatur, simul cum tanto calore quasi penetratiuè in eodem corpore vel spatio existere: ita ipsa vel alius spiritus alligatus corpori igneo, & simul penetratiuè cum illo in eodem spatio existens, diuina virtute id agente statim sentit ardorem illius corporis, & ingenti dolore afficitur. Quo sensu videtur dictum à S. Augustino, *spiritus adherendo corporalibus ignibus, miris & ineffabilibus modis inde accipere pœnam seu dolorem*, vt suprà dictum est. & illud à S. Gregorio, *animam Diuitis non solum videndo, sed etiam experiendo pati incendia*. Quid enim est aliud pati incendia experiendo, quàm pati dolores incendij seu ignis, quales in hac vita pati solet?

Dices: Dæmones hoc tempore non sunt alligati ignibus corporalibus: ergo non patiuntur hanc pœnam ignis. Respondeo: Etsi valdè credibile sit, eos quibus concessum egredi & liberè vagari per aërem, nondum esse alligatos igneo corpori cui deputati; alioquin hîc ab hominibus quibuscum agunt posset percipi, nec ipsi omnia possent penetrare, &c. tamen etiam valdè verisimile est, eos non carere modò pœna ignis. Nam fieri potest, vt vbicumque ipsi sint, ignis inferni dolorem in eis, concurrente simul eorum poten-

Dæmones etiam extra infernum patiuntur pœnam ignis.

tia vitali (vt dictum est) pariat , cùm agat vt instrumentum Dei. Si enim astra per tot milliones miliarium possunt naturaliter agere in res inferiores ; cur ignis inferni , vt instrumentum Dei , per mille leucas non possit agere in dæmones , eisque dolorem imprimere ? Et hoc modo melius intelligitur Glossa Iacobi 3. cùm ait , *dæmones , ubicumque sint , ignem gehennæ secum ferre* , nimirum quia dolorem eius ubique sentiunt ; quàm quia ubique cogitant se aliquando isti igni alligandos , vt quidam explicant.

Hæc de modo quo spiritus ab igne pati possint : quæ non asserendo , sed inquirendo & disputando à me dicta sint , vt Lector hunc modum consideret & examinet : natura enim spirituum nobis est obscurissima ; & magis ex Scripturis & Patribus quid agere & pati possint , quàm ex Aristotelis suppositionibus inuestigandum : valdè etiam obscurum & inexplicabile , quomodo anima nostra , quæ purus spiritus est , corpori deuinciatur , eiusque passiones tantopere sentiat. Denique quomodo res externæ cum potentiis animæ ad sensationem & dolorem in anima excitandum concurrant. Multa in his nunc puto latere , & postea deprehensum iri à nobis in altera vita , quæ modò ne suspicari quidem possumus. Hactenus de Iustitia.

CAPVT XXXI.

Recollectio precatória de Iustitia.

221 **Q**UIS nonit potestatem iræ tuæ , aut præ timore tuo iram tuam di- Psalms: 89.
numerare ? quis dignè expendere suppliciorum magnitudinem & multitudinem quæ peccatoribus præparasti , & per tuam omnipotentiam illis suo tempore irrogabis ? Sicut enim infinita est misericordia tua , ita & iustitia tua : quæ etiam innumeris modis non solum in futuro sæculo , sed etiam in præsentī (quod tamen propriè est sæculum misericordiæ) contra peccatores se patefecit , vt omnes te timere 2. Petri 1.
discant ; & quos benignitas tua non mouet , saltem moueat seueritas. Epist. Iudæ.
Declarasti iustitiam & iram tuam contra peccatum , quādo tot millia angelorum (qui incomparabiliter omnibus hominibus sunt præstantiores) propter vnum peccatum de cælo in tartarum deturbasti , & æternis suppliciis subiecisti , nulla spe veniæ relicta : non tibi cordi fuit , quòd illi tanto essent numero , tanta naturæ excellentia & pulchritudine , tanto ingenio & rerum omnium notitia præditi : nec curasti om-

nē laudē, benedictionē, gratitudinē, honorē & gloriā, quæ tibi ab illis in omnē æternitatē prouentura erat, si illis hanc culpam cōdonasses. Maluisti tantum & operis tui pulcherrimi, & gloriæ tuæ quæ ab ipso tibi obuenisset, damnum sustinere, quàm vnicum illud peccatum condonare. Rursum eandem ostendisti, quando totum genus humanum propter peccatum primorum parentum iustitia originali, & primi status felicitate spoliasti, ac innumeris miseriis simul & morti addixisti. Ex qua pœna iam antè prouidebas fore, vt infinita hominum multitudo damnaretur; & vix centesimus quisque salutem obtineret. Hoc tamen totum propter primum istud parentum peccatum permittere in posteris voluisti. Quis non expauescat ad tantam iudiciorum tuorum abyssum? Verè magnus Dominus, & terribilis nimis, infinitè supra omnia eleuatus & supereminens, ad omnem laudem, gloriā & beatitudinem tibi per te sufficientissimus, nec nostris vel Angelorum obsequiis & laudibus egens; sed hoc tantum postulans, vt obediatur voluntati tuæ.

222. Demonstrasti quoque contra peccatores iram tuam, quando inundante diluuiō peccatorum, induxisti diluuium aquarum, quo totum genus humanum, præter octo homines in mundi seminarium reſeruatos, deleuisti, & terram sceleribus contaminatam expiaſti. Iterum quando sulphure ardente cælitus immiſſo Sodoma & vicina oppida cum ſuis incolis funditus deleuisti, æterni incendiij poſt mortem peccatoribus præparati ſpecimen in hoc ſæculo hominibus exhibens. Simili modo quadringentis poſt annis ira tua deſcendiit in Ægyptios iniqua ſeruitute populum tuum prementes, quos in obſtinatione vnâ cum ſuo Principe perſiſtentes, poſt maximas & admirabiles clades, mari Rubro demerſiſti. Neque populo tuo, quem ex toto genere hominum peculiariter tibi delegeras, peperciſti, iubens vt rebelles vel terra dehiſcente abſorberentur, vel igne cælitus immiſſo cremarentur, vel gladiis confoderentur; omnibus ob peccatum murmuratiōis per quadraginta annos in arenis & locis horridis detentis & circumductis. Deinde ſub Indicibus ſexies ob peccata ſua ab hoſtibus ſubacti, & ſeruitute variisq; calamitatibus oppreſſi. Denique peſte, fame, bello, incendiis, tempeſtatibus, eluuiōibus, terræmotibus, aliisq; flagellis genus humanum propter peccata ſæpiſſimè caſtigati, vt nulla fuerit natio hiſce miſeriis exempta. Sicut enim nuſquam deſunt peccata, ita par eſt vt nuſquam etiam deſint flagella, quibus

Genef. 1.
Rom. 5:

Genef. 7:

Genef. 19.

Exod. 7. 8. 9.
10. 14.

Num. 16.
Pſal. 105.
Exod. 32.
Num. 14.

peccata castigentur, vt homines manum tuam sentientes resipiscant, & ad officium reuocentur.

223 Neque solum externis istis calamitatibus peccata vindicas, sed etiam internis & spiritualibus, dum lucem & protectionē gratiæ tuæ peccatoribus subtrahis, & permittis eos à diabolo ad omnem nequitiam impelli. Hoc supplicium maximè formidabile, vtpote damnationi æternæ propinquissimum. Sic per aliquot annorum millia permisisti gentes (hoc est totum ferè mundum) ingredi vias suas, & diabolum tamquam huius sæculi principem ac deum obtinere regnum, & instar Dei in mundo coli & adorari. Sic etiam dilectam olim plebem tuam, propter sua scelera (præsertim quia charitatem veritatis repulerunt, in super & ipsam veritatem occiderunt) à te repulisti, subtrahita gratia tua, & operatione erroris in eos dæmonibus permissa. Simili modo multa Christianorū Regna propter peccata, & maximè propter hæresim, à te derelicta, & infidelibus vel dæmonibus tradita. Hæc sunt iudicia iustitiæ tuæ, hæc impiæ desertionis stipendia; nimirum vt qui te & doctrinam tuam deserunt, à te deserantur, & dæmonibus illudendi permittantur, vt tenebras putent lucem, & lucem tenebras, bonum respuant tamquam malum, & summum malum amplectantur pro summo bono. Etsi enim hoc flagellum in hac vita sit omnium maximum; quia tamen non videtur nec sentitur, non æstimatur; neque flagellum reputatur, sed beneficium: quod summæ miseriæ est argumentum.

224 Hisce modis aliisque in hac vita peccata castigas, & iram tuam ac iustitiam ostendis. Quæ verò supplicia, quas afflictiones & misérias in altera vita (quando iræ tuæ laxabis habenas, nec ampliùs eam continebit misericordia) peccatoribus præparasti, quis explicet? Ibi carcere profundissimo & omni horrore plenissimo concludentur; ibi in stagnum sulphureum igne exæstuans demergentur; ibi corpora ipsa in cumulum congesta instar lignorum aridorum in medio sulphuris stagno ardebunt; ibi fletus & stridor dentium præ doloris immanitate & impatientia; ibi dæmonum horrenda monstra igneis corporibus induta in miseros sæuiunt; ibi summi in corpore dolores, summæ in sensibus omnibus afflictiones; ibi in anima ex consideratione infiniti damni, & tantorum malorum, præsertim æternitatis (per quam totam hæc omnia damna & mala sine vlla mitigatione durabunt) incomprehensibilis tristitia & desperatio. O æternitas! in bonis infinitum bonum, in malis infini-

tum malum! quantum malum, quàm horrendum & intolerabile, ardere in fornace vel per vnum diem? quantum per annum? quantum per centum annos? quantum per mille, per centum millia annorum? Quantam tristitiam animo conciperes, si per centum millia annorū ardere deberes? at si accesserit æternitas, supplicium hoc erit infinitè maius, infinitè peius, & incomparabiliter maiorem animo tristitiam tibi pariet. Quanta debet esse tristitia illa quæ incomparabiliter maior & grauior est, quàm tristitia quæ ex incendio centum millium annorum subeundo conciperetur? Quis ista perpendens non perhorrescat? quis non libenter, vt tanta mala euadat, & in securo portu se constituat, voluptates, honores & diuitias huius mundi contemnat, & arctam salutis viam capeſſat? quis summam non ducat fatuitatem, ob res terrenas & momentaneas, immensi & æterni mali periculo se exponere?

225 Rogo Domine per infinitam bonitatem & misericordiam tuam, per merita & mysteria sanctissimæ humanitatis tuæ, vt auertas à me fatuitatem istam, & mentem meam lumine tuo & salutari sapientia electorum tuorum perfundas, qua peccati, quod tanta mala meretur, grauitatem clariùs cognoscere, & misérias illas acri cogitatione crebrò possim reuoluere; vt salubriter expendam quantus sit oceanus malitiæ in quouis peccato mortifero, ex quo in animam & corpus exundat tantum pelagus misèriarum; & tanto studio coner illud vitare, & tibi placere, quanto par est vt summum malum fugiamus, & ad summum bonum contendamus.



D E
P E R F E C T I O N I B V S
M O R I B V S Q V E
D I V I N I S
L I B E R X I V .
D E V L T I M O F I N E .

C A P V T P R I M V M .

Deum esse ultimum finem, cuius gratia sunt omnia.



ICVT Deus est suprema & prima causa efficiens omnium, ita etiam est ultimus finis. Vnde Apocalypsis i. dicit: *Ego sum α & ω, principium & finis*. Quibus verbis declarat, se esse qui omnibus rebus per creationem initium dedit, & iisdem finē imponet terminando cursum huius sæculi, & omnia iustorum desideria complendo & consummando, vt *Deus sit omnia in omnibus*. Complebit autem illa omnia non solum vt causa efficiens eorum bonorum, ad quę desiderij motus extenditur, sed etiam per se tamquam summum bonum & vltimis finis omnium, quo obtento erit quies desideriorū, & æterna fruitio. Ideo enim ab ipso producta & progressa sunt omnia quę ipsius capacia sunt, (nēpe omnia mente prædita,) vt per illuminationē & auxilium gratiæ ipsius ad ipsū reducantur, & in ipso æternū fœliciter quiescāt. Angelica natura quia tota simul condita & valdē perfecta, breuissimo tempore cursum suum compleuit, & in suum principium & vltimum

S. Thomas
2 p. q. 44 a. 4.

1. Cor. 13.

Zzz iij

finem recurrit. Natura humana, quia valdè imperfecta (vtpote infima & in infimo gradu naturæ rationalis) & continua successione propaganda, longum tempus postulabat. Vnde illi totum illud spatium concessum, quod à principio mundi vsque ad extremum Iudicij diē excurrit; quo die hoc sæculum & cursus temporalis finem accipiet, & inchoabitur dies æternitatis & Sabbatum sempiternæ quietis; quo omnes beati spiritus in vltimo suo fine fine fine felicissimè quiescent.

Duplex finis;
qui, & cui,
seu cuius
gratiâ.

Deum esse
finem cuius
gratiâ respe-
ctum omnium.

Act. 17.
Math. 11.

Quid Deus
spectauit in
rebus con-
dendis.

2. Porro duplex à Philosophis & Theologis distinguitur *finis*: nam & bonum quod appetitur, finis dicitur; & persona cui illud appetitur. Illud vocari solet *finis qui*; hoc *finis cui*, vel *cuius gratiâ*. Vtroq; modo Deus est vltimus finis naturæ rationalis, non tamen ratione carentis: omnium tamen est vltimus finis *cuius gratiâ*, quia propter ipsum omnia facta sunt, & permanent in æuum, nempe propter ipsius gloriam. Testatur id multis locis Scriptura. Prouerb. 16. *Vniuersa propter semetipsum operatus est Dominus.* ad Romanos 11. *Ex ipso, & per ipsum, & in ipso (ἐκ αὐτοῦ) sunt omnia. Ex ipso*, quia ipse ex se omnia excogitauit, nemo illum docuit, nemo ipsi ostendit. *Per ipsum*, quia per se omnia fecit, nullius ope egens. *In ipsum*, seu *ad ipsum*, quia omnia ad ipsum tamquam ad vltimum finem ex natura sua ordinantur. Rursum ad Hebræos 2. *Decebat eum propter quem omnia, & per quem omnia*, &c. Denique idem insinuat omnibus illis locis, quibus Deus dicitur *Dominus omnium*, vel *Dominus celi & terræ*. *Dominus* enim est finis cuius gratiâ sunt omnia quæ eius dominio subsunt, nimirum vt eius commodis vel honori seruiant. Quare cùm vniuersitas rerum creaturarum subsit dominio Dei, sitque natura sua ad hoc instituta vt illi seruiat, manifestum est, ipsum esse finem cuius gratiâ omnia.

3. Dicet aliquis, cùm Deus sit finis cuius gratiâ ipsemet fecit omnia, quid commodi vel boni spectauit in rebus condendis & gubernandis, quod ipsi ab illis prouenire queat? Respondeo, Deo nihil commodi aut voluptatis posse accedere à rebus creatis; cùm ipse per se sit infinitè perfectus, & omni ex parte beatissimus, vt qui omne bonum in se eminentissimè possideat. Homo condit sibi domum, & eam suppellectile instruit, vt inde commodum percipiat: parat hortos, flores, fontes, picturas, & similia sensuum oblectamenta, vt voluptatem & recreationem ex istis hauriat, quia sibi per se ad omnem commoditatem & oblectationem non sufficit. vnde externis istis adminiculis opus habet. Deus autem

cū per se sibi ad hæc omnia sufficientissimus sit, nihil tale in condendo mundo & rebus omnibus quæ mundi ambitu continentur, spectare potuit. Sicut enim soli, ex eo quod radij ipsius incidant in nubes longè infrà positas, & multiplicem solis speciem ac varios colores ibidem exhibeant, nihil accedit; ita nec Deo quidquam accedit ex specie, varietate, pulchritudine, & multitudine rerum creatarum, quæ infinito quodam interuallo infra ipsum sunt posita, & veluti in nihilo ex radio diuinæ lucis suspensa. Finis igitur quem Deus in creatione & gubernatione totius Vniuersi spectauit, debuit esse quid extrinsecum, quale est, habere filios similes sibi, participes gloriæ & beatitudinis diuinæ. Hoc fuit obiectum primæ volitionis liberæ & primæ intentionis quam Deus ex omni æternitate concepit, ex qua reliquæ omnes volitiones liberæ nostro modo concipiendi sunt secutæ.

Deo ex rebus creatis nihil commodi accedit, sicut nec soli ex rebus quæ radio ipsius illustrantur.

4 Itaque integer finis constans ex *sine cui* & *sine qui*, seu ex persona cui bonum appetitur, & bono quod appetitur, est, Deum habere filios sibi similes, gloriæ & beatitudinis diuinæ participes. Ad hunc finem diriguntur omnia quæ ipse operatur in creaturis vsque ad consummationem sæculi. Est huius rei aliqua adumbratio in causis istis naturalibus, præsertim animalibus & plantis, quæ cū perfectionem assecutæ fuerint, generant sibi simile; & perfectionem quam habent, in alios transfundere per communicationem conantur. Maior & expressior est in sole, qui abundantia lucis suæ, cū in se sit perfectissimus, diffundit lumen, quod est imago lucis, in lunam & astra omnia, eaque lucida & sibi similia reddit pro capacitate cuiusque; non sui commodi causa, sed vt alia inde commodum accipiant. Boni enim, & maximè perfecti boni, est se diffundere, & aliis quantum fas est communicare; nempe vel per se, conferendo eandem specie vel numero naturam; vel per sui quamdam imaginem & imitationem: vt fusè & præclarè tradit Dionysius lib. De diuinis nominibus cap. 4. parte 1.

Integer finis quem Deus spectauit.

Boni propter itas, si se diffundere.

5 Simili modo Deus, cū sit bonum omnino infinitum & infinite perfectum, naturā suā propendet ad sui communionem, idque duplici modo, naturali & libero. Naturalis communicatio cū sit omnino necessaria, est æterna, per quam Pater Filio, & Pater ac Filius Spiritui sancto communicat totam suam essentiam, potentiam, sapientiam, bonitatem, beatitudinem. Illa fit productione Verbi per intellectum, hæc productione Amoris per voluntatem. vtraque est ita plena & perfecta, vt per eam totum bo-

Duplici modo Deus se communicat: naturaliter, & libere. Communicatio naturalis est æterna & plena totius boni.

num quod communicatur, tam perfectè possideatur, quàm sit in eo à quo communicatur.

Libera communicatio est duplex, per unionem hypostaticam, & per dona creatura.

6 Præter hanc naturalem & æternam, est alia libera & temporalis. Hæc duplex est: altera fit per unionem hypostaticam, altera per dona gratiæ & gloriæ. loquor enim de communicatione supernaturali, qua se communicat naturæ intelligenti. Ad illam Deus ex se non propendet, cùm quendam Diuinitatis humiliationem contineat, sed solùm ratione miseriæ nostræ ad illam benignè se inclinauit, vt nos ab æterna morte liberaret, iustitiæ diuinæ pro nobis in nostra natura satisfactione exhibita. Ad hanc verò Deus ex se propendet, nempe ex sola bonitate sua, seposito omni merito, & omni necessitate creaturæ. Inchoatur hæc communicatio in hac vita per dona gratiæ, maximè per fidem, spem, charitatem: quibus virtutibus non solùm efficimur Deo similes, sed etiam Deus nobis vnitur: perficitur verò in altera per dona gloriæ, nempe per lumen gloriæ, visionem Diuinitatis, amorem beatificum & gaudium beatificum; per hæc enim assequimur summam cum Deo similitudinem, qua maior nulla est possibilis, & efficimur perfectè filij Dei, & Deiformes, instar Diuinitatis fulgentes, & sanctissimæ Trinitatis imaginem excellentissimam in nobis præferentes: nam per lumen gloriæ efficimur similes Patri; per visionem diuinæ essentiæ & diuinarum personarum, Filio; per amorem, Spiritui sancto; per gaudium sumus Deo similes in beatitudine, & completur participatio diuinæ beatitudinis in nobis. Verùm de his alibi plura.

Lib. 2. De summo bono cap. 15. & 16. Obiectiua.

Responsio.

7 Dices: Id quod Deus vltimò spectat in conditione & gubernatione rerum, est sua gloria; omnia enim facit propter suam gloriam: ergo non est, habere filios sibi similes, & gloriæ suæ participes. Respondeo, negando consequentiam: Quia in hoc ipso consistit gloria Dei quam ipse intendit in omnibus suis actionibus externis. Quod vt intelligatur, notandum, gloriam dupliciter accipi. Primò, pro quauis excellentia interna vel externa, ratione cuius dignus est quis cognosci, laudari, æstimari, honorari, amari. Secundò, pro ipso cognosci, amari, laudari, esse in admiratione, veneratione, &c. hoc enim propriè & formaliter gloria dicitur, quæ definiri solet *clara cum laude notitia*; *notitia* inquam, quæ habetur de excellentia alicuius. Itaque duplex est Dei gloria; interna, & externa. Interna rursam duplex est; obiectiua, & formalis. *Obiectiua* gloria Deo intrinseca est ipsa Diuinitas, seu splendor & excel-

Gloria accipitur dupliciter: obiectiua, & formaliter. Gloria obiectiua intrinseca Deo.

excellētia Diuinitatis, & Personarum diuinarum: ob hanc enim dignissimus est qui ab omnibus cognoscatur, ametur, laudetur, &c. sic passim in Scripturis excellētia Diuinitatis, & omnia huius excellētiæ signa dicuntur gloria Dei. Formalis gloria Deo intrinseca est cognitio, amor, & gaudium Dei de seipso: siue quòd ipse à seipso infinite & adæquatè cognoscatur, ametur, & cum infinito gaudio ac suauitate gultetur. Infinite enim maior est gloria Dei, quòd ipsius bonitas & perfectio à se cognoscatur, ametur, æstimetur, quàm si amaretur & laudaretur ab infinitis Angelis & hominibus. In istis duobus sita est gloria Dei intrinseca, quam ipse ab æterno plenissimè possedit; vnde ad hanc acquirendam vel augendam mundum non creauit, sed propter aliam quamdam, quæ ipsi extrinseca est: quæ etiam duplex est. Altera enim est obiectiua, & consistit in excellētia & pulchritudine rerum creatarum, sed maximè filiorum Dei, vt sunt omnes Beati. Sicut enim gloria Principis sæcularis dicitur consistere potissimùm in splendore & multitudine aulicorum: ita externa gloria Dei obiectiua consistit potissimùm in splendore & multitudine aulicorum cælestium, secundariò in aliis rebus creatis. Altera est gloria formalis, quæ sita est in Dei visione, amore, gaudio, & actibus hinc sequentibus: nimirum quatenus ipse à Beatis cognoscitur, amatur, gustatur, laudatur & benedicatur in omnem æternitatem. in hac re completur tota gloria Dei externa, & ad illam tota rerum creatarum species & pulchritudo ordinatur.

Omnia excellētia signa vocantur gloria in Scripturis.

Gloria formalis intrinseca Deo.

Gloria Dei externa obiectiua.

Gloria formalis externa Dei.

8 Ex quibus patet, hæc duo non repugnare, finem; quem Deus vltimò spectat in omnibus operibus externis, esse suam gloriam; & finem quem spectat, esse habere filios suæ gloriæ participes; nam ipsa gloria Dei obiectiua extrinseca potissimum consistit in his filiis, cum in illis tamquam in imagine perfectissimè reluceant, & repræsententur omnes diuinæ perfectiones, multò magis quàm in vlla alia re creata, nempe ipsius potentia, sapientia, bonitas, pulchritudo, dulcedo, maiestas. Deinde etiam gloria formalis in iisdem sita erit, vel ab illis prouenit: gloria enim Dei formalis est excellētiā diuinā videri, amari, gustari. Atqui filij Dei per Dei visionem, amorem & gaudium formaliter perficiuntur & complentur in filiatione & similitudine diuina: iusti enim etsi in hac vita dicantur *filij Dei*, sunt tamen adhuc imperfectè filij, valdè remoti à similitudine sui Patris, & perfectā Diuinitatis participatione; per visionem, amorem & gaudium beatificum omnino complentur

*Ioan. 1.
Rom. 8.
1. Ioan. 3.*

Aaaa

in ratione filiorum, & fiunt similes Deo, supremo & excellentissimo modo. Eadem ergo hæc sunt, Deum habere filios gloriæ suæ participes; & Deum videri, amari, gustari, laudari à Beatis: per eosdem enim actus utrumque præstatur.

Ex his perspicuum est, Primò, Quo modo Deus sit finis ultimus, cuius gratia omnia. Secundò, Quis sit finis qui, quem ipse sibi intendit acquirere, seu quod sit illud bonum, quod ipse in operibus suis spectavit. Tertiò, In quo consistat gloria Dei propter quam ipse omnia operatur.

Obiectio.

9 Dices: Deus in operibus suis non intendit ex illis capere aliquod commodum, vel delectationem, eò quòd ipse sibi plenissimè ad omnem commoditatem & delectationem sufficiat, ut ostensum est: ergo neque etiam ex illis intendit accipere gloriam, cum ipse sibi ad omnem gloriam sufficiens sit, siue de gloria obiectiva, siue formali

Cur Deus intendit gloriam, non alia bona. Voluptas, gaudium, commodum, sunt bona intrinseca, quæ in Deo augeri non possunt.

loquamur. Respondeo, negando consequentiam: alia enim est ratio gloriæ, laudis, honoris, alia voluptatis & còmodi. Voluptas enim, gaudium, & sensus commoditatis sunt bona intrinseca, ut per se patet: bona autem intrinseca cum in Deo sint infinitè perfectà, crescere nullo modo possunt, nec vlla per res extrinsecas potest fieri illis additio. Ita enim Deus gaudet & delectatur bonis suis intrinsecis, seu seipso, ut nulla per infinita bona extrinseca possit huic gaudio fieri accessio. Dicitur quidem gaudere & delectari bonis nostris, quando vel à peccatis conuertimur ad ipsum, vel sanctè vivimus, & illum honoramus; verum hoc gaudium non auget gaudium quo gaudet de seipso, cum nihil reale illi apponat: sicut nec visio qua videt res omnes creatas, aliquid reale aut aliquid perfectionis addit simplici intelligentiæ. 10. Sicut enim simplex intelligentia possibilem fit visio existentium hoc ipso quo res existunt, absque vlla perfectionis accessione ad cognitionem diuinam: ita gaudium, quo ipse ab æterno gaudet de seipso suaque omnipotentia & sapientia, & de omnibus rebus possibili- bus quas videt in illa contineri, extenditur ad res creatas, & bona opera quæ re ipsa in tempore fiunt, ita ut dicatur de illis gaudere absque vlla accessione alicuius perfectionis. Itaque in rerum creatione & gubernatione non potuit intendere augmentum gaudij, delectationis, utilitatis vel commoditatis propriæ.

Gloria potest esse intrinseca bonum.

11 Gloria verò per se non necessariò est bonum intrinsecum: omnis enim gloria Regum & Principum, quam tantopere mortales æstimant & suspiciunt, consistit ferè in rebus externis, in splendore

aulicorum, magnificentia palatiorum, potentia militari, & simili-
 bus. Vnde etiam si gloriæ diuinæ non possit fieri aliqua intrinseca *Gloria Dei*
 accessio, potest tamen fieri accessio extrinseca per realem additio- *potest fieri*
 nem earum rerum in quibus gloria alicuius dicitur consistere. quò *vera accessio*
 enim sunt plures filij Dei à quibus cognoscitur, amatur, laudatur; eò *extrinseca.*
 gloria Dei est maior: & hoc modo gloria Dei potest crescere. Itaque
 hanc gloriam Deus spectauit, & intendit sibi acquirere per omnes
 suas operationes extrinsecas.

12 Nec refert quòd gloria intrinseca quam ab æterno habuit, ipsi
 abundè satis erat: quia gloriam externam non petiit, quasi interna
 non sufficeret, sed quia id dignitati & excellentiæ diuinæ maiestatis
 congruebat. Cùm enim essentia diuina sit infinitæ perfectionis &
 maiestatis, etiam infinitè digna erat quæ à creaturis cognosceretur,
 amaretur, & gustaretur. Vnde omnino conueniens erat, vt aliquæ
 creaturæ conderentur à quibus hoc præstaretur. Hoc enim digni-
 tati & maiestati diuinæ quodammodò erat debitum. Etsi enim Deus
 plenissimè suam essentiam videat, amet, & infinito gaudio eius dulce-
 dinem gustet, hoc tamen non facit quin adhuc infinitè digna maneat
 vt ab infinitis creaturis cognoscatur, ametur, gustetur, & laudetur, &
 vt in ipsis resplendeat, & specimen sui exhibeat. Sicut quia sol in se
 lucidissimus & pulcherrimus est, etiam dignissimus est vt in plurimis
 speculis toto orbe resplendeat, vt hoc modo eius pulchritudo quo-
 dammodò multiplicetur. Quare cum essentia diuina sit infinitæ pul-
 chritudinis, licet perfectissimè & plenissimè in mente diuina splen-
 deret, eamque infinitè beatam efficeret; tamen dignissima erat vt
 etiam in mentibus creatis refulgeret, vt sic tantum bonum quodam-
 modò multiplicaretur, quod alioquin in se vnicum & indiuisibile
 erat, nec multiplicari poterat. Obiectum enim intelligibile per intel-
 lectionem accipit quoddam esse, per quod existit in intellectu, &
 quodammodò multiplicatur secundùm multitudinem intellectuum
 & intellectuum; & splendet in intellectu, sicut sensibile obiectum
 in speculo.

CAPVT II.

Vtrum prima illa intentio, qua Deus ante omnem futurorum prauisionem statuit homines & Angelos facere participes gloriae suae, fuerit absoluta circa singulos in particulari, & circa mensuram gloriae cuiusque.

13 **H** V I V S rei cognitio dignissima est Theologo, & vtilissima ad incitandum cursum vitae spiritualis, & diligentiam in ea excitandam, praeterquam quod animo maximam adferat consolationem. Itaque breuiter aliquid de ea dicendum nonnullis considerationibus adhibitis, quibus veritas declaretur; omnibus tamen quae de auxiliis diuinis, quibus ad finem Deo propositum perducimur, dici possent, omissis.

*Sententia
quorundam
recentiorum.*

Duae sunt hac de re celebriores sententiae. Prior est, primam illam intentionem fuisse absolutam circa singulos saluandos & mensuram gloriae cuiusque: Deum enim primo suo decreto statuisse condere caelestem Ierusalem, seu ciuitatem Beatorum, in certa mensura & proportionem partium, & simul elegisse omnes lapides, & singulorum lapidum magnitudinem, formam, locum & ordinem in illo aedificio; ita vt primaria intentio Dei sit mensura & proportio totius operis. Vnde iuxta hanc sententiam, in primo illo rationis signo ante omnem futurorum prauisionem, absoluto decreto simul electus est certus numerus Angelorum, & certus numerus hominum, qui mensurae principaliter intentae congruebat, & cuique statuta certa mensura gloriae, vt ex omnibus exurgat pulchritudo proportionis, quam Deus primario intendit. Vt autem isti electi reddantur aliquo modo digni gloria sibi decreta; in secundo rationis signo Deus statuit singulis dare eam meritorum mensuram, quae mensurae gloriae singulis praeroginatae respondeat, praedefiniendo in particulari omnia opera bona, magna & parua, (praesertim quae non supponunt peccatum,) quibus ad hanc mensuram perueniatur, & simul decernendo gratiam efficacem qua illa faciant. Hae duo instantia, seu signa rationis, dicunt pertinere ad ordinem intentionis. Vt autem Deus haec quae sic statuit, mandet executioni, utitur miris prouidentiae modis, qui non sunt decreti nisi post prauisum peccatum, ex variis occasionibus toto temporis decursu occurrentibus.

14 Quod verò ad totam reliquam multitudinem hominum & Angelorum attinet, qui numero electorum non sunt comprehensi, dicunt, Deum in primo & secundo illo signo se erga illos habuisse negativè, nolendo illos sic eligere, nec opera bona gratiamque efficacem usque in finem pro illis præparare; & in hac nolitione consistere eorum reprobationem: unde volunt eos omnes negativè reprobatos ante omnem futurorum prævisionem, etiam ante prævisionem peccati Angelorum vel primorum parentum. Addunt tamen, Deum voluisse omnes istos saluos fieri, non absolutè, sed sub conditione, si perseverarent in iustitia usque in finem, vel si in statu gratiæ decederent: & in hunc finem præparasse illis gratiam sufficientem, non tamen efficacem saltem in fine, quando de summa rei agitur.

15 Hæc sententia mihi semper visa est à veritate & doctrina S. Scripturæ & sanctorum Patrum aliena, nec pietati & moribus satis consona: unde à plerisque hoc tempore etiam in illis locis ubi antea vigeat, eam reiici intelligo. Verùm quia adhuc multi eam amplectuntur, proponam aliquot faciles considerationes, ex quibus veritas possit cognosci, & animis ex altera perturbatis subueniri. Primò igitur considerandum est, Deum sincero affectu *cupere omnes homines saluos fieri, & maximè omnes fideles Christi corpori per Baptismum insitos*; idcirco *ipsum mortuum esse pro omnibus*, & non pro solis prædestinatis, ut hæretici docent. At quomodo hæc vera esse possunt, si ipse ex se tam paucos ad salutem elegit? quomodo sincero affectu potest desiderare salutem eorum, quos ex se noluit numero electorum comprehendere? quomodo desiderat sincero affectu eorum salutem, quibus nec perseverantiam, nec ullam gratiam efficacem pro eo momèto in quo cardo salutis vertitur, præparavit; sed solum inefficacem & inutilem, per quam ex tam infinita multitudine nemo saluatur? Nec eorù culpa accidit quòd Deus hæc illis denegarit, quia ante omnem prævisionem peccati denegata fuere. Quomodo potest ex se desiderare salutem eorum qui ab illa electione exclusi? ex quibus si vel vnus saluus fieret, sequerentur gravissima incommoda contra intentionem Dei. Primò, In numerum electorum irreperet aliquis non electus. Secundò, Non electus saluaretur. Tertiò, Euerteretur planè mensura supernæ civitatis primariò à Deo intenta: hæc enim mensura consistit in certo & determinato numero electorum, & in determinata mensura gloriæ cuique decretæ; ex quibus exurgit pro-

1 Tim 2.4.

1 Tim 4.10.

1 Tim 2.6.

portio & pulchritudo à Deo primariò intentà. Perspicuum autem est, si vel vnus non electus intraret in hanc ciuitatem, mensuram illam euertendā. 16. Vnde vltèriùs perspicuè sequi videtur, Deū non solū non posse desiderare illorū salutē; sed etiam ad eius prouidentiam pertinere vt omnia sic disponat, vt nemo ex illis non electis saluetur; quia ad prouidentiam cuiusque opificis, qui in suo opere certam mensuram constituit, pertinet curare ne quid eueniat quo proportio pereat, aut mensura ab ipso in opere designata euertatur. Declaratur exemplo. Architectus constituit exstruere magnificum palatium, concepta primū eius forma & magnitudine, & partibus omnibus partiumque mensuris; & simul selegit ex innumeris saxis certum numerum, signatque singula, & formam locumque singulorum designat. Ad prouidentiam huius architecti pertinet non solū curare vt omnia saxa signata aptentur, & suis locis collocentur; sed etiam ne alia non designata, quibus proportio concepta euertetur; in structuram intrent. Idem ostenditur exemplo conuiuij nuptialis. Constituit sponsus habere centum conuiuas in suis nuptiis, instructa ad hoc mensa accommoda, & dispositis centum orbibus & sedilibus; & designatis animo centum personis quæ mensam & loca impleant. Hic ita animo designatis & firmiter constitutis, non solū ad prouidentiam sponsi pertinet curare vt designati veniant, & sedes sibi decretas occupent; sed etiam ne plures veniant, & in conuiuium irrepant: quia pluribus locus paratus non est, & proportio principaliter intentà periret. Simili modo cū Deus in fabrica cælestis palatii (quod ex hominibus & Angelis tamquam viuis lapidibus constare debet) ex se constituerit mensuram totius palatii, & singularum eius partium, & omnes lapides in particulari elegerit, eorumque mensuram & locum determinauerit; ad eius prouidentiam pertinet curare non solū vt singuli lapides electi suis locis aptè ponantur, sed etiam ne alij non designati addantur, quia proportionem ædificij antè conceptam euertent. Item ad curam cælestis sponsi spectabit, curare ne plures veniant quàm qui initio designati, quorum numerus exactè mensam & mensuram conuiuij impleat.

17 Neque solū ad ipsius prouidentiam pertinebit cauere ne aliquis non electus irrepat; sed etiam ne quis electorum maiorem gloriam mereatur, aut maiora merita habeat, quàm ipse ab initio ex se illis decreuit. Quicumque enim artifex in suo opere, vel etiam in partibus operis certam mensuram ex se constituit, ad eius

Ad prouidentiam opificis pertinet curare vt mensura constituta non excedatur.

Ne maiorem gloriam mereantur.

curam pertinet prouidere non solum vt singula mensuram sibi constitutam attingant, sed etiam ne illam excedant: vtroque enim modo mensura constituta euerteretur. Quare si Deus ex se ante omnem prauisionem peccati, singulis electis constituit certam gloriæ, gratiæ, & meritorum mensuram; ad ipsius prouidentiam pertinebit procurare non solum vt mensuram præfinitam attingant, sed etiam ne eam excedant. Confirmatur: Quia auctores illius sententiæ fatentur, neminem eam mensuram, quam Deus singulis ex se constituit, vmquam excedere. At quomodo id fieri potest sine peculiari Dei ad hoc inuigilantis prouidentia? quomodo in tot electorum myriadibus omnes attingunt mensuram constitutam, & nemo vel minimum illam excedit; nisi id peculiari Dei prouidentia procuraretur? Hæc omnia videntur adeò perspicua, vt contrarium vix animo concipi queat, supposita illa sententia, si res attentè consideretur.

18 Secundò considerandum, Deum in Scripturis omnes vocare ad salutem, omnes iustos hortari ad perseuerantiam, & ad assiduum in iustitia profectum, omnibus perseuerantibus promittere vitam æternam, omnibus non perseuerantibus, & omnibus peccatoribus minari damnationem, & in his ferè consumi totam Scripturam: huc enim cætera omnia referuntur. At posita illa sententia, non videtur hæc seriò & ex animo facere, sed solum in speciem, vt videatur in non electos benignus, & in electos iustus ac seuerus. Quomodo enim seriò potest vocare & promittere salutem iis, quos ipse nouit se numero electorum exclusisse, non illorum merito, sed suo arbitrio? Sicut enim is qui centum designauit conuiuas quibus mensa impleatur, si totam ciuitatem vocaret ad conuiuium, & vrgeret singulos vt venirent, adhibitis etiam minis & promissis; vel sibi putaretur esse contrarius, vel simulatoriè agere & illudere hominibus: ita Deus si certum numerum ex se designauit & elegit quibus cæleste conuiuium impleatur, non videbitur seriò vocare & urgere alios quos nouit illo numero non comprehensos. Si enim venirent & obtemperarent vocationi, sequerentur illa incommoda quæ suprà diximus: saluarentur enim non electi, & proportio principaliter intenta disturberetur. Simili modo non videtur tales seriò posse hortari ad perseuerantiam: quia optimè nouit se illis in primo illo decreto perseuerantiam non præparasse, sed solum gratiâ inefficacem pro extremo salutis articulo: & simul nouit, eos quibus ipse eam ex se non præparauit, numquam perseuerantiam habituros.

Mat. 11. 28.
& c. 24. 13.
Apoc. 22. 17.
Ezech. 18.
per totum.
Apoc. 21. 8.

Non videbitur seriò vocare & hortari reprobos.

Idem dico de quouis bono opere: si enim ipse illud opus ex se illis non prædefiniuit, numquam illud facient. Nouit autem ipse, se illud non prædefiniuisse: quomodo ergo seriò ad hoc hortari, aut illud præcipere potest? Quomodo præcipere potest vt faciamus opera bona quæ ipse noluit prædefinire, & ad aquæ gratiam efficacem noluit dare; cum sciat numquam aliquid boni futurum, nisi ipse id prædefinierit, & gratiam efficacem ad id dederit?

Non videbitur seriò minari electis.

19 Rursus non videtur seriò posse suis electis minari damnationem, cum absolutè statuerit vt sint salui. Quomodo potest dicere, *Nisi seruaueritis mea præcepta, vos reiciam*; cum ipse absoluto decreto statuerit efficere vt seruent præcepta, & sciat illam conditionem poni non posse? Ex vi enim decreti diuini fit, vt omnino sit impossibilis illa conditio, sub qua damnationem minatur. Itaque minatur rem impossibilem sub conditione impossibili. Nec refert quòd possibile illis sit non seruare præcepta, considerata intrinseca dispositione voluntatis: quia cum tali dispositione & libertate potest stare impossibilitas absoluta, sicut patet in Christo; qui etsi spectata interna dispositione voluntatis, (seclusa visione beatifica) posset non seruare præcepta diuina; absolutè tamen id ei erat impossibile, propter assistentiam diuinam debitam illi animæ ratione vnionis hypostaticæ. At similis assistentia debita est electis ratione absoluti decreti diuini, respectu omnium operum bonorum quæ ipsis sunt decreta, & respectu perseverantiae. Sicut ergo Deus non poterat seriò minari animæ Christi damnationem sub conditione, si non seruaret præcepta; quia conditio illa absolutè seu omnibus consideratis erat impossibilis, eò quòd Deus quodammodò tenebatur illam impedire: ita etiam tales minæ non erunt seriè erga electos, quia impossibilis est conditio, cum Deus ex vi sui decreti teneatur illam impedire.

Non vallet hac solui exemplo præscientiæ.

20 Quidam putant, se hæc omnia posse soluere exemplo præscientiæ: Deus enim certissimè præscit qui sunt damnandi, & tamen eos vocat ad salutem, & promittit vitam æternam; idque non simulatòriè, sed seriò & ex animo, desiderans vt salui fiant: & tamen idcirco non cupit aliquid fieri contra suam præscientiam. Ergo similiter etiamsi eos non elegerit, & sciat eos non saluandos, potest eos seriò vocare cum sincero salutis eorum desiderio: nec idcirco cupit aliquid fieri contra primum suum decretum.

Verum falluntur, neque rem saltem intropiscunt: longè enim est alia ratio præscientiæ, alia electionis & decreti quo statuit illos
non

non eligere. Præscientia enim quæ præscit hos damnandos, pendet obiectiuè ab eorum operibus malis, quæ ipsi liberè sunt facturi; estque ratione (etsi non tempore) illis operibus posterior, tamquam consequens ex illis. Ideò enim præscit illos malè victuros vsque in finem, quia ipsi id liberè facturi sunt, non contrà; vt passim sancti Patres docent. Decretum autem reprobationis negatiuæ, vel exclusionis è numero electorum, nullo modo pendet à libertate illorum, quia ante omnem præuisionem futurorum ita statutum est. Itaque etiam si sciat illos non secuturos & damnandos, tamen potest eos seriò vocare & promittere salutem, quia potest seriò desiderare eorum salutem, & dolere quod damnentur. Vnde facit quidquid ad salutem eorum ex parte ipsius est necessarium. Neque idcirco cupit aliquid fieri contra suam præscientiam; sed cupit aliquid fieri, quod si fieret, non esset in illo ista præscientia: imò vellet, vt sic dicam, se non habere illam præscientiam, quatenus vellet non esse obiectum à quo illa præscientia suo modo pendet. 21 Hoc autem dici non potest de illo decreto, quo illos è numero electorum exclusit, & negatiuè reprobauit: hoc enim cum non pendeat villo modo à libertate hominis, sed Deus ex se illud conceperit, dicere non possumus quod Deus vellet non esse tale decretum, imò cum illud ex se conceperit, debet velle illi conformia, & nolle ea quæ illi non sunt conformia. Conforme autem illi non est vt reprobis ipsa saluentur, vt ostensum est: ergo non potest serio illorum salutem desiderare, eosque serio vocare, hortari, salutem promittere. Confirmatur: Quia nemo prudens potest serio & ex animo desiderare, hortari, præcipere vt fiat id, quod, si re ipsa fiat, repugnabit operi antea designato, vel decreto antea cõcepto. Atqui si vel vnus non electus saluus fieret, accideret aliquid repugnans operi designato, & primis illis decretis, vt ostensum est. Nihil autem horum sequitur ex præscientia.

22 Tertiò considerandum, Deum sepe conqueri de peccatoribus, quod cum ipse faciat omnia quæ ad illorum salutem opportuna, & nullum boni pastoris & benignissimi patris officium prætermittat, illi tamen nolint obtemperare, nolint fructum bonorum operum ferre, nolint credere. *Isaia 5. Quid est quod debui ultra facere vineæ meæ, & non feci ei? an quæ expectaui vt faceret vinas, & fecit labruscas? Matth. 23. Quoties volui cõgregare filios tuos, quemadmodum gallina congregat pullos suos sub alas, & noluisti? Denique plena est sacra Scriptura huiusmodi querimonijs. at posita illa sen-*

tentia respondere possent Iudæi peccatores, Quomodo nos vocat vineam suam peculiariter dilectam & electam, quos è numero electorum exclusit & reprobavit non nostro merito, sed solo suo arbitrio; quomodo dicit se omnia nobis fecisse, quæ conveniebat bonum cultorem facere, ita ut nihil ultra merito possit requiri, cum non præparaverit nobis gratiam illam efficacem (sine qua omnes omnis vinea rationalis est sterilis) idque solum idèò, quia noverat nos à se non electos? quomodo expectavit vvas bonorum operum, cum illa opera non prædefinierit, nec gratiam efficacem ad illa præparaverit? quomodo potest conqueri, quod illi quos ipse ex se reprobavit, (quibus nec bona opera, nec gratiam efficacem, sed solum inefficacem decrevit,) bona opera non faciant, cum ipse optimè sciat, nullum umquam fieri bonum opus, nisi ipse illud efficaciter decrevit, & gratiam efficacem de industria ad hoc elegerit? Nec sufficit si dicas, Posse fieri: quia frustrà est potentia, quæ nullo umquam tempore in nullo hominum reducitur ad actum. Omitto multa alia quæ hîc considerari possent.

Psal. 144. 6.
Sap. 11. 24.
1. Tim. 2.
& 4.
Matth. 11.
28.

23 Quartò considerandum, ex Scripturis manifestè colligi, *Deum omnibus præsertim fidelibus, dare auxilium verè sufficiens quo possint omnia mandata implere & salvari.* Posita hac sententiâ in non electis, quibus omnibus dat gratiam, vel eo modo & cum illis circumstantijs illam confert, ut nemo ex illis mandata servet, aut perseveret, aut salutem consequatur, aut ullum opus bonum faciat, nisi ipse illud in particulari ex se prædefinierit: quâ ratione illa gratia potest dici sufficiens, quæ eo modo datur ut nemo illa utatur, nemini sit salutaris & fructifera? Nemo dixerit medicamentum ad curationem morbi esse verè sufficiens, quod innumeris mortalibus eo morbo laborantibus applicitum, eorum nemini quidquam solatij attulit. Pari ergo modo nec gratia illa vel auxilium poterit dici verè sufficiens, quod eo modo datur ut numquam effectum habeat: tali autem modo semper datur, nisi opus antè à Deo sit prædefinitum.

24 Vbi meritò quæri potest, quid causæ sit cur gratia numquam habeat effectum, nisi Deus illum effectum antè ex se prædefinierit? unde id provenit? Sane non potest id provenire nisi ex aliquo horum trium capitum; (nulla enim alia causa fingi potest) nimirum, vel ex eo quod tunc detur gratia à Deo tenuis, ut nemo cum illa optari commodè possit; vel quia datur adeò incongrua ingenio hominis, ut numquam ad ea utendum voluntas se appli-

cer; vel quia Deus de industria seligit eam, quam videt non habituram effectum, eamquæ dat quia effectum non prædefiniuit. Sicut enim quando effectum prædefiniuit, seligit eam quam scit fore efficacem: ita quando non prædefiniuit effectum seu opus bonum, si velit aliquam gratiam conferre, videtur debere seligere eam quam nouit carituram effectui. Nihil tamen horum secundum sanam doctrinam dici potest. Non tertium, quia impium est dicere, Deum, eò quòd non prædefinierit opus, seligere homini gratiam inefficacem, ne videlicet opus à se non prædefinitum fiat; hoc enim esset sub specie misericordiæ insidiari hominum saluti. Vnde ut hoc euitent, dicunt, Deum non seligere pro reprobis gratias inefficaces, sicut pro electis efficaces; sed relinquere eos communi prouidentia, & secundum ordinem communis prouidentia illis gratias conferre. Sed hoc etiam videtur incredibile: hinc enim sequeretur, hunc ordinem communis prouidentia talem esse, ut nemo vnquam per illum saluus fiat, aut bonum opus operetur. Quod si ita est, cur Deus illum instituit, cum optimè sciret, neminem eorum qui illi ordini relinquuntur, saluandum? ad quid ille ordo seruit nisi ad maiorem hominum damnationem?

25 Non etiam primum vel secundum dici potest, quia sic tolleretur auxilium verè sufficiens, effectui carens, sed solum efficax erit sufficiens. Gratia enim quæ adeò est tenuis, vel adeò incongrua hominum ingenijs, ut nemo vnquam ex tam infinita multitudine tanto tempore per illam sit benè operatus, nec operaturus; non potest moraliter censerì sufficiens ad bonum opus, spectata hominum conditione. Ut enim verè sit sufficiens, debet esse talis ac tanta, ut saltem aliqui illa aliquando vtantur, & faciant opus bonum: alioquin si ex se talis sit, aut tali modo & cum talibus circumstantiis detur, ut nemo illa vtatur, moraliter censebitur insufficiens. Vnde enim potest iudicari sufficiens, nisi aliquando effectum habuerit? Deinde si gratia illa adeò est tenuis vel incongrua, ut numquam habeat effectum, cur Deus illam instituit pro tam infinita hominum multitudine? cur homines per illam vocat?

26 Quintò considerandum, sententiam illam non videri satis consonam diuinæ bonitati, quæ sicut est omnium finis, ita se cupit omnibus communicare. Vnde non est illi consentaneum, ut in bonis quæ naturæ rationali ex se ante omnem præuisionem futurorum præparat, aliquos excipiat. Si ergo ex solo suo beneplacito

*Non videri
consonam di-
uinæ boni-
tati.*

statuere voluisset absolute de saluandis, non elegisset tam paucos, nec pręparasset tam exiguos glorię gradus pro multis, nec tam imperfecta opera illis decreuisset: sed vel omnes, vel quàm plurimos & maiores glorię gradus & opera perfectiora prędestinasset: quę enim Deus ex se decernit, perfectissima sunt in suo genere. non cupit ipse vt repide operemur, vt exiguam bonorum operum aut glorię mensuram habeamus. Non ergo credibile est, illum ista ex se sic absolute statuisse.

*Deus ex se
non statuit
aliquid quod
aut nō. possit
offendere.*

27 Deinde, non videtur credibile Deū ita statuisse de omnib⁹ istis, sicut nemo sapiens, si res ipsius arbitrio committeretur, statuendū putaret; aut eo modo quo homines, si apprehēderent, offēderēt, & omnē sollicitudinē salutis deponerēt. Quod enim Deus ex se statuit, adeò est consentaneum eius bonitati, vt neminē offendere queat. Confirmatur: Quia Deus ex se seu sola sua bonitate numquā aliquid statuit quod sit perniciosum creaturę, & ad ipsius tendat perditionem: *Quoniam Deus mortem non fecit, nec letatur in perditione vinorum.* & alibi per Oseam dicit; *Perditio tua Israel,* (id est, tibi imputanda,) *tantummodo in me auxilium tuum,* atqui illa negatiua reprobatio, qua excluduntur à numero electorum, & eorum quibus pręparatum est auxilium congruū, est perniciosa creaturę, & non tendit per se nisi ad eius exitium; quod non obscure fatentur Auctores illius sententię, cū dicunt, *illam non cadere sub Christi meritum, quia* (inquit) *Christus non venit animas perdere, sed saluare.* Itaq; fatentur, *reprobare hoc modo nihil ex parte rei esse aliud quàm nolle saluare animas, sed perdere.* Idem confirmat euentus, quia nemo sic reprobatus saluatur: imò infallibiliter ex ea sequitur damnatio; quia ex illa necessariò sequitur, vel potiùs in ea includitur denegatio perseuerantię, & omnis auxilij, quo nouit salutem secuturā si daretur.

28 Denique non est consentaneum diuinę bonitati, vt ex se ita statuatur de hominibus & Angelis, vt meliùs sit illis non esse quàm esse; & vt creatio non censeatur loco beneficij, sed potiùs summi maleficij. Quod enim melius sit non esse, quàm esse cum tali reprobatione, manifestum videtur; nec puto quemquam fore qui non pręoptaret desinere esse, quàm sic esse, & expectare certissimam damnationem: quod enim de Iuda dictum est à Domino, *Bonum erat ei si non fuisset natus homo iste;* propter damnationem quam certò pręuidebat, dictum est. Atqui eo ipso quo Deus aliquem in primo illo signo reprobatur, certissimè nouit eum damnatur.

dum. De omnibus ergo illis rectè dici potest: Bonum erat vobis si Deus vos non creasset. Quid ergo beneficij confert illos sic creando; cùm melius illis sit non creari, sed relinqui in suo nihilo? quas gratias illi debent pro tali beneficio, quod melius esset non accepisse? quis non putet ingens malum, vnde nihil vnquam sequitur nisi æterna damnatio.

Nec obstat quod etiam in nostra sententia omnibus reprobis melius esset non esse quàm sic esse, nempe cum ista reprobatione: quia istam reprobationem non habent primitus & originaliter à Deo, sed à se ipsis suisque peccatis, quibus Deus quodammodo coactus est illos reprobare. Itaque sibi illud imputare debent, non Deo. At verò in aduersa sententia, reprobatio est originaliter à Deo ante omnē peccati præuisionem, ac proinde Deo hoc malum imputari videtur.

29 Dices, Deus constituit reprobos in certo ordine rerū, in quo certissimè nouit eos dānandos; & tamen non possunt idcirco conqueri de Deo, neque possunt id censere loco maleficij, sed beneficij; ergo neque quod illos negatiuè reprobauerit. Respondeo, negando consequentiā. est enim longè dispar ratio. Primò, Quia Deus non cōstituit quēquā in tali ordine, eo quod sit reprobus, vel nō elect⁹ (cū nemo sit reprobus ante præuisionem finis in peccato;) sed ob alias causas ad communem rationem prouidentiaē pertinentes. Secundò, Quia Deus non decernit ex se totum illum ordinem rerum (sicut decernit negatiuam reprobationem) sed posteriora propter priora; verbi gratia, subtractionē gratiæ propter præuisū peccatū, diminutionem auxiliorū propter teporē, & sic de cæteris in tota illa serie occurrētib. qua in re nihil facit quod à sūma bonitate possit videri alienū, cū ratio iustitiæ id exigat. Secus est de illa prima reprobatione.

Ex his perspicuum videtur, si vera est illa sententia, exceptis paucis electis, reliquos omnes nullas debere gratias Deo de omnibus beneficijs ipsis cellatis: quia tantum malum est ista negatiua reprobatio, vt melius sit non esse, quàm cum illa omnibus istis beneficijs abundare; cū per illam omnia reddantur inutilia, nisi quatenus prodesse possunt ad minorem damnationem.

*Non videtur
consonam
iustitiæ.*

30 Sexto considerandum, illam sententiam nō videri satis consonam iustitiæ diuinæ, neque satis in ea apparere qua ratione Deus iustè iudicabit hunc mundum. Nam quod ad electos attinet, parum laudis vel præmij mereri videntur, quod multa bona opera.

Bbb b iij

fecerint, quò perseverantiam habuerint; cùm Deus ex nudo suo beneplacito, absque vllò respectu ad eorum cooperationem præuisam, absoluto decreto hæc omnia illis præparauerit, & dare constituerit, & ad singula gratiam efficacem selegerit. Quid mirum si facias opus quod Deus absoluto decreto prædefiniuit vt facias? quid laudis tibi debetur quòd facias opus, quod impossibile est te omittere? Quod verò ad non electos attinet, quomodo non habebunt excusationem? meritoque poterunt dicere: Domine, quid mirum si opera misericordiae quæ memoras non fecimus? tu nullum istorum nobis præparasti, nullum prædefiniuisti. quis vñquã aliquid boni fecit, nisi tu antè ex nudo beneplacito tuo illud donare efficaciter decreueris? quomodo nos condemnas ob id quod non constituisti dare? Si dicat Iudex, 31. Ego paratus eram dare, sed tua culpa impediuisti nolendo cooperari gratiæ meæ; opponet reus, Quomodo paratus eras mihi dare, qui numquam dedisti alicui aliquid boni operis, nisi illud antè ex tuo beneplacito absolute decreueris? mihi autem non decreuisti. Quomodo paratus dare, cùm nec opus ipsum prædefinieris, nec gratiam ad illud efficacem præparaueris, sed eam selegeris quam sciebas fore inefficacem? Cùm enim scires te opus non prædefiniuisse, cauisti ne dares gratiã efficacem, ac proinde si aliquam dare volebas, oportebat seligere inefficacem. Magnum enim esset incommodum, si aliquis non electus reipsa bona opera à te non prædefinita faceret, & iniustitia perseveraret, & in numerum electorum irreperet. Hæc & similia possent reprobi obmurmurare: nec facile est videre, qua ratione illis queat satisfieri, sic vt omnes intelligant eos iustè damnari. & tamen toti mundo luce clarior esse debet illius Iudicii iustitia.

*Tollit zelum
animarum.*

32 Septimò considerandum, hanc sententiam maxima ex parte videri tollere zelum animarum. Si enim omnes qui saluabuntur sunt electi absoluto decreto ante omnem præuisionem futurorum: ergo siue ego laborem in vinea Domini, siue non, omnes æquè salui fient, nemo ex illis peribit, nemo plus aut minus gloriæ obtinebit. Si enim ego non laborem, Deus exequetur sua decreta per alios. Cur sum sollicitus de eo quod ex vi decreti diuini certissimè est euenturum, etiam si ego quiescam?

33 Dices: Magnum bonum est, & Deo gratissimum, vt qui absoluto decreto electi sunt ad salutem, per nos saluentur, seu vt diuinum decretum per nos executioni mandetur: & hoc sufficit vt in nobis zelum hunc excitemus. Sed re verà hoc non est quod in san-

Etis viris hunc zelum excitat; sed potius persuasio illa & spes, qua sperant suâ operâ aliquas animas saluandas, quæ alioquin peritura erant; quæ persuasio & spes excludit illam electionem absolutam & reprobationem negatiuam. Si contrarium persuasum haberent, parû mouerentur, & mallent in suis cubiculis suauiter vacare rebus diuinis, quàm per exteras regiones inter barbaros & hæreticos tantis laboribus & periculis cum tanta mentis distractione & iactura diuinæ contemplationis currere, & procurare id quod æquè benè absque illorû labore erat futurum. Sed *Charitas Dei urget illos*, vt oues aliquas errantes alioquin perituras ipsi lucrentur, & vt multos ad maiorem perfectionem & gloriam promoueant, quàm sine eorum labore illi fuissent habituri. Hic plane videtur communis Sanctorum & Christianorum sensus.

34. Quidam considerandum, ex illa sententia plurimum videri minui beneficiû redemptionis, & gratitudinem quam Christo debent omnes electi ratione redemptionis & omnium gratiarum quas in vita accipiunt, & salutis æternæ quam obtinent: quia etiam si Christus eos non redemisset, æquè benè illi erant saluandi, & in eadem sanctitatis & gloriæ mensura. Quod illi auctores fatentur, & necessariò fateri debent, cum ponant electionem omnium & singulorum factâ ad certum sanctitatis & gloriæ gradum ante omnem præuisionem futurorum, & independentem ab hoc vel illo modo exequendi. Vnde etiam docent, Si Adam non peccasset, eosdem nihilominus tunc saluandos, qui modò saluantur, non plures nec pauciores, nec in alio sanctitatis & gloriæ gradu: sed Deum tunc per alia media suam electionem fuisse executurum. Præuiso autem peccato Adami, omisiss illis mediis, statuisse illam executioni mandare per Christum, ordinando illum nobis in Redemptorem per ipsius passionem & mortem. Quæ si vera sunt, iam Christus per suam passionem non erit causa cur aliqui non damnentur, neque etiam propriè erit causa cur saluentur: (nam etiam si passus non fuisset, illi æquè ex vi diuini decreti saluandi erant, nec damnari poterant) sed solùm erit medium & instrumentum executionis decreti diuini, sicut dispensator Regius est instrumentum per quod distribuuntur munera iis quibus Rex illa dare decreuerat: qui dispensator si deesset, non deesset aliis per quem distribuèrentur. 35. Vnde vltèriùs sequitur, Christû nihil gratiæ, nihil sanctitatis, nihil gloriæ electis attulisse per omnes suos labores & passionem, quod etiam sine illo habituri non erant. Si ita est, sanè modi-

*Plurimum
imminuit be-
neficiû re-
demptionis.*

cum erit (vt videtur) redemptionis beneficium , & parua ei debetur gratiarum actio. Totum enim bonum , quod per illum nobis obuenit , iam nostrum erat in absoluto Dei decreto , & nobis omnino obuenire debebat , siue per Christum , siue alio modo. Non ergo aliter nostra sanctitas & nostra salus est beneficium Christi , quàm elemosyna à domino mihi constituta , & per famulum allata , est beneficium famuli , præsertim si famulus per multos labores & pericula eam attulisset. Quæ omnia videntur valdè aliena à communi sententiæ sanctorum Patrum , & Scripturæ sacræ. ita enim loquuntur de Redemptione Christi , ac si absque illa nemo saluus esse posset , sed omnes essent perituri ac damnandi : nec salus ex vi decreti diuini nobis aliunde esset prouentura. item nos esse electos & prædestinatos ante mundi constitutionē ex Christi meritis , ac proinde non solum executionem ad Christum referendam. Omitto alia quæ ex illo principio deduci possent ; vt nihil profuisse Apostolis ad maiorem sanctitatem & gloriam , quòd cum Christo versati & ad munus Apostolicum delectationes illos qui per ipsos cōuersi sunt & saluati , nō minus fuisse saluandos , etiam si Apostoli illis non prædicassent : omnes Indos & Iapones qui per B. Xauerium salutem adepti sunt , non minus salutem adepturos fuisse , etsi ipse ad illos non nauigasset ; & alia his similia.

Isaia 53.
Act 4. 12.
Rom. 5.
H. b. 2.
Ephes 1.

Omnes qui
modò dam-
nantur, fuisse
damnandos
etiā Adamo
non peccan-
te, & perse-
uerante sta-
tu innocen-
tiæ.

Debuissent
nasci ex eodē
semine, & ali-
ijsdem cibis
in statu inno-
centiæ, qui-
bus modo.

36 Nonò considerandum, ex illa sententia non solum deduci, omnes qui modò saluantur ; fuisse etiam saluandos , si Adam non peccasset , & Christus non esset passus : sed etiam omnes qui modò damnantur fuisse in illo statu rerum damnandos. Ratio est ; Quia sicut illi electi ante omnem futurorum præuisionem , ita hi in eodem rationis signo negatiuè reprobati. Vnde eorum reprobatio nullo modo pendebat à præuisione peccati Adami , aut alterius cuiusquam , aut etiam à præuisione peccati proprii futuri , vt ipsi fatentur , ac proinde , etiam si Adam non peccasset , illi mansissent reprobati , & consequenter etiam in statu innocentia perire debuissent. quod quo modo dici possit , non video. Rursus , omnes homines tam reprobi quàm electi (sed præcipuè electi) in statu innocentia debuissent nasci ex eodem semine ex quo modò nascuntur , & ali ijsdem cibis quibus modò aluntur : quia non solum animæ , sed etiam corpora in primo illo signo prædefinita ; ac proinde ex eadem prius materia ex qua modò constant , in illo statu constare debuissent. Hoc autem fieri non poterat , nisi eodem semine & sanguine conciperentur , & ijsdem postea alimentis uterentur , vel sal-
tem

tem ijs qui eadem constarent materia. Quæ omnia sine specialissima & maximè extraordinaria providentia & procuratione Dei fieri non potuissent; quæ sine solido fundamento non est asserenda.

37 Decimo considerandum, illum modum electionis videri tollere omnem sollicitudinem bonorum operum & salutis sibi procurandæ.

Tollit sollicitudinem bonorum operum & salutis.

Quisque enim apud se ita ratiocinari poterit: Vel sum de numero illorum electorum, vel non sum. Si sum de isto numero, impossibile est ut damner; nam diuinum decretum est absolutum & efficax, cuius effectum nemo impedire potest. Et si enim possum damnari spectata intrinseca liberi arbitrij dispositione & mutabilitate; tamen ut subsum illi decreto, absolute non possum. Non est ergo quod meam damnationem, supposita illa electione. Ut autem illa electio ponatur aut non ponatur, non pendet vlllo modo ex meis operibus, vel mea sollicitudine, quia ante omnem præuisionem futurorum ex sola Dei voluntate posita est vel non posita.

38 Simili modo nō est quod sim sollicitus de bonis operibus vel perseuerentia; quia si sum ex illis electis, hæc omnia in particulari mihi sunt decreta & præparata absoluto decreto, verbi gratia, ut tali momento habeam tale opus, & illo tale, & sic de cæteris in particulari; & ut singula sic fiant, decreta est pro illis momentis gratia efficax, quæ infallibiliter me faciet singula operari sicut sunt decreta. Impossibile enim est ut Deus non impleat decreta sua, quæ absolute & efficaciter statuit. cur ergo sim sollicitus? sit potius (ut humano more loquar) sollicitus ille ut decreta ipsius impleantur. Pari ratione non est cur sim sollicitus de profectu, quia certa mensura gloriæ & meritorum iam est præfinita ex solo Deo beneplacito, quā ego nūquam per meā sollicitudinē excedā. Sanè non video qua ratione efficacius omnis sollicitudo bene viuendi ab animis hominū abstergi queat.

39 Si dicas, Deus decreuit ut sis sollicitus; respondebit ille: Si hoc decreuit, excitabit me, & faciet ut sim sollicitus, & ut fiat omne id quod decreuit: quid ergo opus est ut ego me ad sollicitudinem excitem? siue enim ego me excitem, siue non excitē, semper fiet id quod ipse absolute ante omnem meam excitationem præuisam præordinauit: quia ipsius prædefinitio est efficax, nec pendet à præuisione meæ liberæ excitationis. Idem dicetur de impletionem mandatorum, & omnibus ad salutem necessarijs.

Si verò non sum ex illis electis; frustra etiam sum sollicitus, frustra præcepta seruo, frustra consilia Christi & viam perfectionis sector;

quia certissimus sum, hæc omnia nihil mihi reipsa profutura ad salutem: non enim per ista possum intrare in numerum illorum electorum, extra quem nemo saluatur. Confirmatur: Quia etiamsi diu benè vixero, tandem occurreret aliqua tentatio in qua denegabitur mihi gratia congrua, & sic cadam in peccatum, & damnabor. Quòd si ex illis negatiuè reprobatis reipsa mille vel duo millia extraordinariâ quadam diligentia essent saluanda, quisque posset adhuc aliquâ spem concipere, & conari vt saltem sit in isto numero. Sed cum certissimum sit (in hac sententia) neminem omnino ex illis saluandum, non video quid eos ad sollicitudinem excitare queat.

40 Nec refert, si dicas illos negatiuè reprobatos posse saluari: quid enim prodest potentia quæ ex modo quo homini confertur, & circumstantijs talis est vt semper sit separata ab actu? Longè satius esset tali potentia carere, quia cedit in maiorem damnationem. Deinde, non sola impotentia intrinseca tollit conatum, sed etiam certitudo frustrationis effectus. Cur enim quis conetur & sollicitus sit, si certus est tandem aliquo casu se frustrandum sine intento?

Dices: Nescimus in hac vita qui sint electi, qui reprobi, & idcirco semper debemus esse solliciti vt benè operemur. Verùm hoc rectè in nostra sententia dicitur, iuxta quam ipsa electio & reprobatio pendet quodammodò ab operibus nostris: quæ consideratio meritò summam sollicitudinem in nobis excitare debet. Non autem in sententia aduersa, quæ electionem & reprobationem statuit iam factam independentem ab omnibus operibus nostris: deinde non solum salutem, sed etiam omnia opera bona quæ vmquam fient, in particulari statuit prædefinita ante præuisam nostram cooperationem; & similiter gratiam congruam ad singula. Cur sim sollicitus de eo, quod sic absolutè cum tali auxilio præuio est præordinatum? Imò viderer potius diffidere de diuina prouidentia, si sollicitus essem: sicut si essem sollicitus vt Sacramenta habeant suum effectum quando debito modo celebrantur & suscipiuntur, essem iniurius in Deum, quia diffiderem ipsius prouidentie, quasi effectus quem ipse absolutè statuit & prædefiniuit, possit non sequi. Ergo simili modo, si ipse absolutè prædefiniuit omnia bona opera in particulari quæ fient in mundo, & gratiam congruam ad illa selegit, iniurius videbor in Deum, & diffidens ipsius prouidentie, si sim sollicitus, vt vel ipse multa bona opera faciam, vel ab hominibus fiant.

S: essem sollicitus, viderer diffidere de diuino decreto.

41 Undecimò considerandum, sententiam illam non videri multum differre à sententia aduersariorum, qui statuunt, Deum ante præuifa omnia opera alios elegisse ad regnum, alios destinasse ad exitiū, seu positiuè reprobasse: quæ sententia ita offendit animos multorū, vt Ordines Hollandiæ illam edicto prohibuerint. Etsi enim speculatiuè sit discrimen inter has sententias, quòd illa seruet libertatem intrinsecā, quæ in intrinseca dispositione voluntatis consistit, illa non seruet; tamen in ordine ad mores & ad æstimationem moralem hominum, parum videtur differre: nam ad omnem sollicitudinem tollendam parum interest siue dicamur positiuè reprobari, siue negatiuè, si æquè infallibiliter ex tali decreto sequitur damnatio. Similiter ad eundem effectum parum refert, siue electio dicatur adferre bonorum operum necessitatem intrinsecam, siue extrinsecam, cum omnia æque certò ex vi illius electionis eueniant. Idem patet si agatur de desperatione: non enim minùs ad desperationem impellit reprobatio negatiua quàm positiua.

Non videtur differre à sententia aduersariorum, si præfata consideretur.
Calvinus l. 3. cap. 23. § 1. 4. 6. 7.
Zwinglius.
Beza, & alij.

42 Dices: Etiam positā præscientiā, æquè infallibiliter sequitur damnatio, & omne opus præscitum, siue bonum siue malum: ergo etiam tollenda erit præscientia, ne homines abiiciant omnem sollicitudinem, & cadant in desperationem. Respondeo, negando consequentiam: est enim maximum discrimen inter ista. Nam decretum illud negatiuæ reprobationis antecedit omnem nostrorum operum præuisionem, ita vt nullo modo à nobis pendeat. Vnde si ex illo decreto non minùs infallibiliter sequitur damnatio quàm ex reprobatione positiua, non minùs videtur tolli sollicitudo bonorum operum, & induci desperatio per reprobationem negatiuam, quàm per positiuam. Quid enim refert ad æstimationem moralem, siue decretum reprobationis dicatur esse positiuum, siue negatiuum, si nullo modo à nobis pendet vt sit vel non sit; & eo posito, æque certò & infallibiliter sequitur damnatio? quid interest ad spem salutis, siue Deus dicat, Nolo te ponere in numero electorum; siue, Volo te damnare? quid interest inter creari ad exitiū, & creari ad reprobationem negatiuam, siue extra numerum electorum? Equidem si mihi proponeretur vtro modo ad meam consolationem malim factam reprobationem, nescirem vtrum deberem præferre: nisi quòd modus ille positiuæ reprobationis aduersariorum plus videatur adferre excusationis, cum necessitatem malorum operum inducat; negatiua, verò ita per gratias incon-

Discrimen inter præscientiam & decretum reprobationis negatiuæ.

gruas & inefficaces hominem gubernet, vt liberè malè agat, & ita minus excusationis habeat.

*Ex præscien-
tia nihil in-
commodi*

43 At si ponatur reprobatio ex præscientia, nihil sequitur incōmodi. Quamuis enim, positâ præscientiâ peccati finalis, infallibiliter sequatur damnatio; tamen hoc nos percellere non debet, cū à nobis pēdeat vt illa præscientia sit vel non sit: actio enim nostra libera illam præscientiam quodammodò præuenit, estque obiectiuè prior; & vt sancti Patres loquuntur, est causa præscientiæ. Itaque in nostra potestate est, facere vt talis præscientia numquam fuerit in Deo, qui in potestate nostra per gratiam ipsius est, perseverare in bono vsque ad finem. quōposito, sequetur, talem præscientiam numquam in Deo fuisse. Itaque longè alia est ratio præscientiæ, alia illius decreti reprobationis, siue illud sit positivum, siue negativum.

44 Denique, quod valdè considerandum, si Deus omnes non sic electos positivè reprobasset, & à regno excludere statuisset, & vellet hoc decretum oculis modis sub specie quadam benignitatis & misericordiæ exequi, qua ratione id commodius & certius præstaret, quàm illa quam ipsi statuunt? nimirum ex nudo suo beneplacito gratias tales & cum talibus circumstantijs, illis præparando, vt certissimè sciret illas carituras effectu, & neminem ex illis saluandum. Itaque parum videtur interesse, siue positivè, siue negativè dicantur reprobat, quando eadem media adhibentur, ex quibus æquè ineffabiliter utroque casu sequitur damnatio.

*Deus ex se
nihil statuit
nisi quod bo-
num est &
consolatoriū.*

45 Duodecimò considerandum; cū Deus sit fons omnis boni, omnis dulcedinis & consolationis, non esse credibile, illum ex se aliquid statuere quod cognitum offendat, & torporem inijciat, & amaritudinem animi ac desperationem adferat. Ex fonte enim omnis boni per se nihil nisi bonum, & consolatorium, & salutiferum procedere potest: asperitas omnis & amaritudo occasione peccati. Atqui ille modus electionis & reprobationis ante omnia merita & demerita talis est, vt persuasus populo & diligenter expensus pariat scandalum, licentiam vitæ & desperationem, cum quadam irreuerentia & indignatione contra Deum, vt experientia constat: multa enim huius rei extant exempla eorum, qui ex huius sententiæ persuasionem in melancholiam & desperationem acti; quibus nulla nisi per contrariæ sententiæ persuasionem suppetit medicina. Ergo non est credibile, Deum talem electionis & reprobationis modum secutum. Omitto alia plurima quæ hîc dici

possent: sufficere enim poterunt hæc considerationes, si benè expendantur, ad illam sententiam non admittendam, & ad medicinam illis faciendam qui ex illius imaginatione afflicti vel perturbati quorum hodie, occasione disputationum quæ in Hollandia & coniunctis Prouinciis maxime iam plusquam decennium vigent, sunt plurimi. Quæ verò pro illa adferri possunt, non magnam difficultatem habent, & satis à nobis discussa sunt in Tractatu de Prædestinatione, & à Gabriele Vasquez i. parte disp. 89.

46 Solùm aduertendum est, (vt etiam benè notauit idem Vasquez disp. 89. cap. 8.) sententiam illam originem suam traxisse ex quibusdam locis S. Augustini non benè intellectis. Disputans enim contra Pelagianos & Semipelagianos, sæpè dicit *electionem esse gratuitam, non esse ex meritis, non esse ex operibus, sed secundum Dei propositum: hominem non posse mereri suam electionem, nos esse electos vt essemus sancti, non quia eramus sancti*. Similia dicit de prædestinatione & prædestinatis. Vide cap. 7. & 10. De correptione & gratia, & lib. 5. contra Iulianum cap. 3. lib. 1. De prædestinatione Sanctorum cap. 19. & alibi. Quæ loca multi non rectè intellexerunt, idque ob duas causas. Primò, Quia non distinxerunt inter *electionem ad gloriam*, & *electionem ad gratiam* iustificationis; neque inter *electionem ad gloriam*, & *prædestinationem*; quasi hæc omnia apud Augustinum sint eadem, & nomen *electionis* semper accipiat pro *electione absoluta ad gloriam*. Secundò, Quia in modo loquendi Augustini non distinxerunt inter *opera* seu *merita liberi arbitrij*, & inter *merita vel opera gratiæ*. Vnde cum S. Augustinus dicit, *prædestinationem vel electionem esse gratuitam, non ex operibus, non ex meritis*, &c. intellexerunt etiam electionem ad gloriam non esse ex meritis gratiæ: quod planè alienum est à mente Augustini, qui solùm contra Pelagianos & Semipelagianos contendit gratiam iustificationis non dari ex meritis liberi arbitrij, vt ipsi volebant, ac proinde homines ex huiusmodi meritis vel operibus non eligi ad gratiam vel gloriam. Hoc est quod tanto molimine tot locis probat Augustinus, vt errorem illorum refutet, qui causam cur hi essent electi ab æterno ad gratiam iustificationis, & consequenter ad gloriam, illi non essent electi; & cur his in tempore daretur gratia, non illis, referebant in bona opera solis naturæ viribus ab istis facta, non ab illis.

Contraria sententia traxit originem ex verbis Augustini male intellectis. Modi loquendi S. Augustini.

Mens Augustini.

Numquam fuit quæstio in Ecclesia vtrum homines essent electi ad gloriam ex meritis gratiæ.

47 Numquam enim fuit quæstio vel inter Catholicos solos, vel inter Catholicos & hæreticos, vtrum homines essent electi ad glo-

riam ex nudo Dei beneplacito ante præuisa omnia merita gratiæ, an ex meritis gratiæ; sed omnes sine controuersia videntur suppositiæ tamquam certum, quòd sicut gloria non datur adulteris nisi ex meritis gratiæ, ita eam neque esse absolutè prædestinatam nisi ex meritis gratiæ. Idem enim valent apud Augustinum & alios Patres, *dari*

Idem apud Augustinum dari sine meritis, & prædestinari ex meritis: dari sine meritis, & prædestinari sine meritis; ut perspicuè in nostro De prædestin. Tractatu num. 4. demonstratum est, & fusè ostendit Vasquez disputat. 89. cap. 4. & 8. Vnde ipse Augustinus libro 1. ad Simplicianum q. 2. expressè docet,

electionem ad gloriam esse ex meritis gratiæ, neque vñquam aliter docuit, aut hanc doctrinam vsquam correxit; sed etiam in posterioribus scriptis ea quæ ibi docuit ita probauit, vt Lectores ad illum librum remittat, vt patet cap. 4. De prædestinatione Sanctorum, & cap. 20. & 21. De bono perseverantiæ.

48 Hac igitur sententia refutata, alteri tamquam magis piæ & consentaneæ diuinæ bonitati, magis consonæ Scripturis & sanctis Patribus, magis consolatoriæ & idoneæ iuuandis proximis, & ad ingentem salutis sollicitudinem omnium animis iniiciendam, iudico ad hærendum, quæ breuiter hisce propositionibus explicari potest.

Quem ordinè Deus in prædestinatione seruauerit. Concil. Lateran. sub Innoc. III. c. Firmiter, de summa Trinit. Sap. 11. & 12. 1. Tim. 2. & 4. Damascenus lib. 2. De fide cap. 29.

49 Primò, Deus ante omnem præuisionem futurorum, infinita sua bonitate inductus, liberè statuit condere naturam rationalem Angelicam & humanam, vt eam eleuaret ad statum diuinum, & faceret participem suæ gloriæ & suæ beatitudinis, omniumque bonorum & gaudiorum suorum.

Secundò, In hoc signo non selegit sibi certum numerum ex quo ciuitas illa cælestis constaret; sed omnes omnino, nemine excepto, ordinauit vt essent ciues illius ciuitatis, & participes gloriæ illius, cū firmo proposito eam suo tempore re ipsa omnibus conferendi, nisi per ipsos staret; hoc est; nisi ipsi peccando se eius directioni subtraherent & indignos redderent.

50 Tertiò, In hunc finem statuit ante omnem futurorum præuisionem, omnes Angelos & primos parentes (in quibus virtute continebatur totum genus humanum) condere in statu gratiæ, cum magnis auxilijs magnaue facilitate ad perseverandum.

August. lib. De corrept. & gratia: c. 10. & 11.

Quartò, Quos ex Angelis vidit per auxilia ipsis præparata & donata perseveraturos, vel potius perseverantes, hos absoluto decreto elegit ad gloriā: quos autem vidit non perseverantes in bono, sed per superbiam se eleuantes, reprobauit destinando æternis supplicijs.

51 Quintò, præuiso peccato Adami, & prima illa ordinatione status innocentis per peccatum euerfa, cum totum genus humanum in Adamo esset perditum, misericordia commotus, rursus statuit genus humanum erigere, & nouo modo ad salutem dirigere, prædestinando Incarnationem Verbi, vt humana natura in Verbo existens, & per Verbum sanctificata, iustitiæ diuinæ pro omnium hominum peccatis præteritis, præsentibus & futuris satisfaceret; & omnibus omnia ad salutem ex parte Dei necessaria mereretur. Propter cuius merita Deus rursus constituit omnibus, quantum conditio status lapsi pateretur, dare auxilium sufficiens, volendo vt omnes adulti eo vterentur, vt illud in opus dirigerent, obligando etiam parentes vt doctrinam salutis ad posteros propagarent, & magnam eorum curam haberent: quod si fecissent, vt poterant & debebant, vera fides & religio in omnes adultos deriuari potuisset.

Ioan 3. v. 18
Symbolum
Constantin.
nop.

1. Timoth. 2.

52 Sexto, Deus vidit ab æterno quinam auxilijs, quæ ipse singulis toto temporis decursu daturus erat, rectè vterentur, & per ea in iustitia perseverarent, quinã nō perseverarēt, & in peccatis morerentur: itaque illos elegit ad gloriam, hos reprobauit & destinauit ad poenâs; & ante hanc præuisionem nulla fuit absoluta electio aut reprobatio.

August lib 2
ad Simpli-
anum q. 2. &
alii Patres
omnes.
Matth. 25.

Vbi tamen aduertendum est, omnibus ijs qui perseverant vsque ad finem, fuisse præparatum absoluto decreto auxilium efficax & donū perseverantiæ, independenter ab eorum libero arbitrio nudè considerato, ac proinde gratuito secundum modum loquendi Augustini; non tamen independenter ab eorum libero arbitrio donis gratiæ prioribus instructo: nam vt Augustinus ait, *Meritis fidei & gratiæ hoc donum possumus suppliciter emereri*; & Fide certum est, ipsam perseverantiā etiam à nobis pēdere. Iis vero qui non perseverant, fuit etiam hoc donū gratuita Dei misericordia, quantum opus est ex parte Dei, præparatum: quod autem datū non fuerit re ipsa, ipsi in causa sunt; quia per ipsos stetit, & non per Deum, quod non perseverauerint.

Epist 106.
L De bono
perseveran-
tiæ cap. 6.
Mat 19 & 24.
Concil. Tri-
dent sess. 6
cap. 13.

53. Verum quia Deus per scientiam conditionatam sciebat per quam gratiam quisque esset perseveraturus, & per quam non perseveraturus; quisque singularis beneficii loco ducere debet si eam gratiam à Domino accipiat, per quam sciebatur perseveraturus; cum Deus aliam illi dare potuisset; per quam nouerat non perseveraturum. Idē dicendū de conuersione, & alijs bonis operibus, vnde hanc gratiam semper petere debemus. Etsi hæc scientia non sit illi ordinaria regula.

Conc. Trien-
supra.

distributionis gratiarum quas electis vel reprobis confert, ut exijs quæ supradiximus, constat. Porro hæc gratia non solum completur diuinam inspirationem, piamque affectionem voluntatis, sed etiam circumstantias cum quibus datur, ut loci, temporis, modi, personarum, officiorum, & aliarum rerum quæ nos iuuant ad bonum, atque adeò totam directionem diuinæ prouidentia, quam ipse nobis scit fore salutarem.

Isai. 5.
Matth. 23.

Matth. 25.
25. & seqq.
2 Cor. 6.
2. Tim. 1.

54 Quia tamen non perseuerarunt, non habent quòd de Deo conquerantur; quia ex parte sua illis, præsertim fidelibus, non defuit: nam sincero animo & desiderio salutis eorum dedit illis auxiliū vere sufficiens, mandans ut redderent illud efficax in actu secundo per illud operando; sicut facile poterant. Nostrium enim est, postquam gratia Dei instructi & per eam corroborati sumus, illam reddere efficacem in actu secundo, per illam operando bona opera, & mandata seruando: quod sine iniuria sanæ doctrinæ negari non potest. Quare si hoc non facimus, sed gratiam Dei negligentes & otiosam relinquentes, auertimus nos à Deo, eius mandata violando, meritò damnamur.

55 Ex his patet, in prima illa intentione, qua Deus voluit se cōmunicare naturæ rationali, neminem fuisse exclusum, sed omnes pari modo comprehensos: omnes enim quos statuit creare, statuit etiam in filios adoptare, & gloriæ suæ participes facere, nisi ipsi se tanto beneficio redderent indignos. Sicut enim ipse est omnium principium, ita etiam voluit esse omnium finis & consummatio.

C A P V T III.

*Quòd Deus necessario in omnibus operibus ad
extra querat gloriam suam: nec ideo minus
ei deberi à creaturis.*

Deut. 10. 17.
vid in omni
bus intendit
gloriam suā,
quia est vlti-
mus finis.

56 **E**TSI Deus omnia quæ extra se facit, liberrimè faciat, & liberrimè velit; tamen si quid velit facere, necesse est ut id velit ex affectu & intentione suæ gloriæ. Quia sicut necessario est primum & eminentissimum agens, ita necessario est vltimus & eminentissimus finis, cuius gratia omnia. Ac proinde in omni sua operatione externa necessario intendit aliquid bonum suum. Nullum autem est genus bonorum imaginabile quod Deus possit sibi acquirere, præter

præter gloriam extrinsecam; quæ etiam inter bona externa est præstantissimum. Ergo impossibile est ut Deus aliquid faciat aut velit non intendendo gloriam suam. Confirmatur. Si aliquis esse tDeo maior, illius gloriam Deus quærere deberet, ergo cum nemo sit vel possit esse maior vel par, sed ipse omnibus infinitè sit eminentior, necessariò debet in omnibus vltimò intendere & quærere gloriam suam; adeò ut contrarium implicet contradictionem: esset enim summè inordinatum, si alicuius rei creatæ bonum intenderet, sistendo in illa, nec ulterius ad suam gloriam hoc totum referendo. Vnde Dominus Isaia 48. ait: *Gloriam meam alteri non dabo.* daret autem alteri, si in bono creaturæ sisteret; quia constitueret illam vltimum finem *cuius gratia*, respectu illius operationis & volitionis. Idem confirmatur ex eo, quòd Deus cum sit infinitæ perfectionis, tantæ est excellentiæ, ut omnis res creata, quantumvis excellens, sit instar nihili coram illo. Quo fit ut omne bonum ad Deum pertinens, quatenus ipsius bonum est, ut quælibet ipsius voluntas, (etiam si in se paruum videatur) pluris sit æstimandum, quàm omne bonum creaturæ quatenus ad creaturam pertinet. Quare cum Deus ordinatissimè agat, necessariò debet magis intendere suam gloriam, quàm perfectionem creaturæ. Gloria enim Dei pluris est æstimanda quàm omne bonum creaturæ. Vnde etiam homo non potest sibi excellentius bonum proponere in operando, quàm gloriam Dei: nec melius actiones suas peragere, quàm referendo illas ad gloriam Dei, ad quam etiam Beati omnia sua referunt.

Nullus genus bonorum Deo sibi acquirere potest præter gloriam.

Sap. 11. 23.
Isaia 40. 12.

Bonum Dei quàm Dei, pluris æstimandū quàm omne bonum creatura

§8 Ex quibus patet primò, Infinitam perfectionem & eminentiam Dei super omnia creata esse causam cur non possit aliquid velle vel facere, nisi ex intentione suæ gloriæ. Secundò, Bonum rerum creatarum dupliciter posse considerari. Primò, Ut rem creatam perficit. Secundò, Ut ad Dei gloriam pertinet, & diuinas perfectiones repræsentat: & hoc secundo modo consideratum longè pluris æstimandum, & à Deo semper intendi. Terriò, Sicut impossibile est esse aliquam rem creatam quæ non dependeat ab influxu Dei ut primæ causæ efficientis; ita etiam impossibile est esse aliquam rem creatam quæ non dependeat ab intentione gloriæ Dei, & ad eam tamquam vltimum finem non ordinetur.

§9 Dices: Actus peccati, verbi gratia, odium Dei, est aliquid creatum pendens ab influxu Dei ut primæ causæ, & tamen non potest ordinari ad gloriam Dei: implicat enim contradictionem, ut quis

Actus peccati non est ullo modo volitus aut intentus à Deo.

Concil. trident.
sess. 6. can. 6.

*Actus peccati
representat
divinas per-
fectiones ex
cellentes quàm
ulla res cor-
poralis.*

peccet ad gloriam Dei. Respondeo, actum peccati secundum suam entitatem physicam pendere quidem ab influxu Dei, non tamen ita ut sit volitus à Deo, sed solum permissus, ut ex Concil. Trident. colligitur. Vnde solum eius permissio est volita à Deo, & ex intentione gloriæ Dei pendet: quia ad gloriam Dei pertinet ut peccata permittantur, nempe ut voluntati creaturæ suæ constet libertas, & virtus non sit coacta, sed libera. Ob eundem finem volitus est concursus generalis ad illum actum, sine quo fieri non posset. Nec refert quòd ille actus sit entitas quædam vitalis certæ speciei, & valdè mirabilis diuinarum perfectionum multò magis repræsentatiua quàm vlla res corporalis: ac proinde videatur hac ratione posse esse volitus à Deo ex intentione gloriæ Dei: quia obstat malitia moralis illi intimè implicita, saltem fundamentaliter, ratione cuius ita est dissentaneus naturæ rationali, ut ab ea benè fieri nequeat; & hoc ipso quo liberè ab ea fit, sit formaliter peccatum. Repugnat autem bonitati & sanctitati diuinæ, ut aliquid velit fieri à creatura, quod sine peccato facere non potest, aut quo directè ad peccatum incitetur, vel quo ipse Deus à sua creatura censeatur contemni, & lex æterna violari. Vnde etiam particularem & determinatum influxum ad illum, ut à voluntate procedit, præbere non potest.

60. Quæ hætenus diximus, intelligenda sunt de gloria Dei in genere: si enim loquamur de illa speciali gloria quæ consistit in visione Dei & actibus visioni connexis; Deus hanc gloriam, etsi maxima sit, non necessariò in suis operationibus intendit, sed liberè. Potuisset enim condere hoc vniuersum, & naturam rationalem non euehere ad illam visionem, sed relinquere illam in inferiore gradu: quo euentu non intendisset illam gloriam in suis operationibus, sed aliam inferiorem. Verùm quia reipsa illam maximam & summam constituit finem vniuersi; hinc fit ut omnes eius operationes quas circa creaturas habet, ad hunc finem tendant, idque propinquius vel remotius, prout ipsæ res propinquius vel remotius ad illum finem iuuant.

61. Diceret fortè aliquis: Si Deus in omnibus potissimum spectat gloriam suam, & propter illam omnia facit, quomodo id non minuit æstimationem beneficiorum ipsius, cum in illis non tam nostrum bonum quàm suum quærere videatur? Sicut si dominus splendidis vestibus sua mancipia induat, non ob ipsorum commodum vel gloriam, sed solum ob suam gloriam; ut ipse omnibus sit admi-

rationi, non censetur multum liberalis, aut beneficus, aut beneuolus in illa mancipia; nec ipsa illi tantum debent, quantum si solum illorum commodum spectasset. Similimodo poterit quis imaginari de Deo.

Respondeo, Quod Deus vltimò in omnibus spectet suam gloriã, id ab intrinseco & ex natura rei est necessarium, propter infinitam eminentiam ipsius supra omnem creaturam: vnde si id non faceret, inordinatè ageret, vt ostensum est. Quare ex hoc capite non minuitur æstimatio beneficiorum eius, aut obligatio actionis gratiarum: stultum enim est & impium, existimare, nos idèò minus Deo debere, quia non amat nos tamquam vltimum finem *cuius gratia, respectu suorum beneficiorum: quod fieret, sicut ad gloriam suam non referret.* 62 Deinde, dum Deus spectat suam summam gloriam, eo ipso necessario spectat & intendit summum bonum nostrum: quia summa eius gloria est summum bonum nostrum, & summum bonum nostrum non potest esse nisi summa eius gloria. Ratio est, quia summa eius gloria externa est, ipsum à nobis perfectè cognosci, amari, & gustari. Vnde consistit in tribus actibus vitalibus, & in iisdem formaliter consistit summum bonum nostrum, & vita æterna, & essentia beatitudinis. Summum enim bonum nostrum & formalis beatitudo est, Deum videre, amare, gustare; seu quod idem vno verbo dici potest, Deo frui. Itaque in summa Dei gloria formaliter & intrinsecè includitur summum bonum nostrum, ita vt sine illo concipi nequeat: & hoc ipso quo Deus illam gloriam intendit & quærit, intendit & quærit summum bonum & commodum nostrum. Vnde non minus Deo gratias agere debemus quod quærat gloriam suam, quàm quod quærat salutem nostram; quia gloria eius est salus nostra. Hoc in Hymno Angelico Ecclesia insinuat cum ait, *Gratias agimus tibi propter magnam gloriam tuam*; beneficia enim ipsius in nos, sunt gloria eius. Accedit quod ipsi nihil commodi proueniat ex omnibus quæ nobis donat, vel pro nobis facit, sed in illis omnibus solum quærat commodum nostrum. Nos soli sumus, in quorum commodum omnia facta sunt.

Quod Deum suam gloriam intendat, non minuit æstimationem beneficiorum eius.

Summa gloria Dei est summum bonum nostrum.

63 Ex quibus patet, illud exemplum de domino mancipiorum non esse simile: ille enim non quærit commodum suorum mancipiorum, sed solum gloriam suam. Vnde non ex affectu beneuolentiæ, sed ex amore sui illis beneficium præstat. Deus verò ita quærit gloriã suam vt simul quærat commodum nostrum, & ex affectu beneuolentiæ erga

nos illud conferat; imò summam gloriam suam in summa beneuolentia & beneficētia erga nos constituit. Sicut si aliquis Princeps potentissimus & nullius egens, omnem gloriam suam constitueret in beneficentia & liberalitate erga subditos, & summā eorum felicitatē, summam duceret esse suam gloriam; quis non summo amore summaque laude prosequendum diceret hunc Principem, eò quòd tali modo quærat gloriam?

CAP V T IV.

Quomodo natura ratione carens ordinetur ad gloriam Dei.

64 **D**IXIMVS Capite primo gloriam Dei formalem extrinsecā cōsistere in tribus actibus vitalibus naturæ rationalis, cōsideratis vt circa Deū versantur, nempe in cognosci, amari, & gustari; & in ijsdem consistere sūmum bonum illius naturæ: quare cū natura ratione carens non sit capax talium actū, videndum qua ratione ad gloriam Dei ordinetur, illique seruiat. Quod vt intelligatur, notandum est, Deum ita esse finem vltimum naturæ rationalis, vt etiam sit eius finis proximus; cū non sit aliquid infra Deum ad cuius gloriam vel commodum ipsa possit ordinari. Vnde solus Deus est finis immediatus ad cuius solius gloriam ipsa est condita. Verū naturæ irrationalis Deus ita est finis vltimus, vt ipsa etiam alium finem habeat ad quem proximè natura sua destinetur, nempe naturam humanam, ad cuius obsequium mundus ille corporeus cum omnibus rebus corporalibus quæ ipso continentur, conditus est. Quod enim omnia animantia & viuentia sint propter hominem, patet Genesis 1. *Faciamus, inquit, hominem ad imaginem & similitudinem nostram, & præstet piscibus maris, & volatilibus cæli, & bestiis, vniuersæque terræ. &c.* & Psalm. 8. *Constituisi eum super opera manuum tuarum, omnia subiecisti sub pedibus eius, &c.* Si omnia viuentia, & ipsa terra est propter hominem; par est credere, cætera quoque non viuentia, vt orbes cælestes & elementa, eius causa esse condita: quod etiam ipsorū motus & operationes declarant, quibus assiduè homini seruiunt: neque vllus alius potest eorum vsus assignari, cū Angelica natura mundo corporali non egeat, Homo itaque finis est proximus totius istius machinæ. Hinc cæteris hominibus creatis, digestis, ornatis &

Deus est finis proximus & vltimus natura rationalis.

Mundus est propter hominem.

præparatis, vltimo loco conditus est homo & veluti heres ac dominus in possessionem orbis inductus.

65 Porro duplex obsequium homini mundus præstat, quo illum ad finem suum iuuet. Primò præbet ei habitationem, & omnia quæ ad vitam corporis sunt opportuna. Vnde est ei instar domicilij pulcherrimi & amplissimi omni genere supellectilis, & rerum affluentia instructissimi. Cum enim homo non solum animo, sed etiam corpore constet, egebat loco corporali in quo degeret; & innumeris administris corporalibus ad hanc vitam temporalem placidè & iucundè peragendam, donec transferretur ad æternam. Et quamuis fortè in æterna locus corporalis absolutè ei non sit necessarius; tamen quia etiam tunc corpore constabit, par est vt in illo quoque statu locum conditionis corporis congruentem habeat. Itaque non solum in hac vita, sed etiam in futura mūdus corporeus illi pro habitaculo seruiet, nunc quidem parte sui infima, tunc suprema, quæ hac incomparabiliter pulchrior & excellentior.

Duplex officium mundus præstat homini: habitationem & omnia vitæ corporali necessaria; & Conditoris notitiam.

66 Alterum obsequium quod mundus homini præstat, pertinet ad animam, nimirum quod veluti præco ingerat ei notitiam sui Conditoris, declarando illius potentiam, sapientiam, bonitatem, pulchritudinem, prouidentiam, & cæteras diuinas perfectiones, iuxta illud Psalm. 18. *Celi enarrant gloriam Dei, & opera manuum eius annuntiat firmamentum.* Cum enim anima humana (propter quam sunt omnia corporalia) sit infima in ordine intelligentium; sit vt ad eam sit imbecilla ad intelligendum, vt nullam rem spiritualement aut corporalem cognoscere possit, nisi sensu ad miniculo. quam ob causam postulat vñiri corpori, vt per sensus possit venire in notitiã rerũ creaturarum sub sensus cadentiũ; & per hanc notitiã, accedente diligenti consideratione & ratiocinatione, in notitiam sui & communis omnium Conditoris.

67 Ob hanc causam non solum ea quæ corporali vitæ sunt necessaria voluit Deus esse in mundo, sed etiam alia innumera; nimirum vt sua pulchritudine & varietate specimen quoddam exhibeat excellentiæ Conditoris, per quod homo ipsum cognoscat, cognitum amet, colat, reueretur, laudet, & gratias agat. Sicut enim palatium summa arte extructum, & imago optimis coloribus & magna industria perfecta, ostendit excellentiam artificum, ita mundus iste & res omnes quæ sub sensum cadunt, ostendunt apertè excellentiam sui Opificis: nam hæc omnia arte & potentia vñius artificis facta sunt. Magnitudo terræ, maris, montium, & calorum o-

Cur Deus tam multa fecerit homini non necessaria.

stendunt eius magnitudinem & potentiam : pulchritudo solis , lunæ , stellarum , & aliarum rerum omnium , declarant eius pulchritudinem : subtilitas & artificium quod in omnibus rebus præsertim in animantium structura cernitur , eius sapientiam : summa cuiusque rei in sua specie perfectio , eius perfectionem : ratissimus ordo in cursu cælorum & rerum vicissitudine , eius providentiam. imò in singulis rebus , si quis benè attendet , hæc omnia nobis mirabili modo indicantur , quia nihil est adeò vile quod non sit plenum (vt ita dicam) miraculis & subtilitatibus menti humanæ impenetrabilibus , quæ nobis Dei potentiam , sapientiam , & influxum occultissimum insinuant. Si verò simul omnia considerentur tamquam integrum opus ipsius , manifestè ostendunt , ipsum esse bonum quoddam infinitum , in quo omne genus bonorum excellentissimè continetur ; ac proinde ipsum esse supra omnia amandum & colendum. Hæc omnia , & quidquid omnino absque peculiari revelatione de Deo à nobis cognosci potest , docent nos res creatæ quæ sub sensum cadunt. Hinc Apostolus ad Rom. 1. *Quod notum est Dei , manifestum est illis , Deus enim illis manifestavit. Inuisibilia enim ipsius à creatura mundi , per ea quæ facta sunt intellecta , conspiciuntur : sempiterna quoque eius virtus & Divinitas.* sensus est : Quid quid de Deo cognosci naturaliter potest , id Philosophis fuisse manifestum : quia inuisibiles Dei perfectiones iam inde à creatione mundi per ipsa opera factæ sunt visibiles ; & ex ipsis operibus intellectæ , videntur. Vbi Apostolus indicat eas videri per opera , sed mediante discursu , quia ex operum consideratione intelliguntur. Idem habetur Sap. 13. *Ex magnitudine speciei & creaturæ cognoscibiliter poterit creator horum videri.* Græcè est : *Ἐκ μεγέθους καὶ λόγου κτισμάτων ἀαλόγως ὁ γενεσιάρχης αὐτῶν θεωρεῖται.* Ex magnitudine pulchritudinis creaturarum per analogiam opifex ipsarum cernitur. vbi notandum , illud ἀαλόγως , per analogiam , quo denotatur qua ratione ex rebus creatis ad Creatorem mente debeamus ascendere , nempe per analogiam , non per similitudinem : nam quantumvis res creatæ sint magnæ & pulchræ , nullam tamen inter ipsas & Conditorem est similitudo , sed solum analogia & proportio quædam : quia omnis perfectio quæ est in rebus creatis , est longè alterius rationis & sublimiore modo in Opifice ; quod optimè explicatur à Dionysio lib. De mystica Theologia , præsertim cap. 4. & 5.

Deum ex rebus creatis cognoscitur per analogiam

70 Ratione huius analogicæ repræsentationis , mundus iste rectè

dicatur *præco* & testis Diuinitatis, cuius vox toto orbe auditur, & ab omnibus gentibus potest intelligi, iuxta illud Psalm. 18. *Non sunt loquelæ neque sermones quorum non audiantur voces eorum. In omnem terram exiit sonus eorum* &c. Huius vocis testimonio Deus ab initio vsque ad finem vtitur ad se mortalibus insinuandum. Vnde Apostolus Aët. 14. ait, quod Deus, etsi præteritis sæculis permiserit gentes ingredi vias suas, nec ad eas miserit Prophetas sicut ad Iudæos; tamen *non sine testimonio semetipsum reliquit benefaciens de celo, dans pluuias & temporum fructifera, implens cibo & letitia corda nostra.* de quo testimonio ita S. Prosper lib. 2. De vocatione gentium cap. 4.

Mundus est
præco & te-
stis Diuini-
tatis.

Quod est autem hoc testimonium quod semper Domino deseruiuit, & nunquam de eius bonitate ac potestate conticuit, nisi ipsa totius mundi inenarrabilis pulchritudo, & inenarrabilium beneficiorum eius diues & ordinata largitio, per quæ humanis cordibus quædam æterna legis tabule præbebantur, ut in paginis elementorum ac voluminibus temporum, communis & publica diuinæ institutionis doctrina legeretur? nimirum, esse vnum omnium Conditorem potentissimum, sapientissimum, optimum, quem omnes amare, timere, colere, cui omnes obedire ac seruire debeant. Addit Prosper: *Cælum ergo cunctaque cælestia, mare & terra, omniaque quæ in eis sunt, consono speciei suæ ordinationisque consensu protestabantur gloriam Dei; & prædicatione perpetua maiestatem sui loquebantur auctoris.* Hoc tamen præconium & testimonium creaturarum, etsi cum auxilio interno (quod pro tempore & loco non deerat) esset sufficiens ad insinuandam hominibus Dei cognitionem, plerique tamen illi non attenderunt; vnde illis non profuit, ut ibidem Prosper ait. 71 Sicut mundus ratione illius repræsentationis dicitur *præco* & testis Diuinitatis, ita etiam dicitur *speculum*, ut insinuat Apostolus 1. Corinth. 13. *Videmus nunc per speculum in enigmate.* vbi nomine *speculi* res creatas vel imaginarias similitudines ex rebus creatis acceptas intelligit. *Videmus speculum*, quia in creaturis non est sistendum, sed per earum cognitionem analogico mentis ascensu transeundum ad Creatorem intus latentem, eas formantem & conseruantem. *In enigmate*; quia non clarè sicut est in seipso, sed obscurè & quasi coniectando Deum ex rebus creatis cognoscimus. Denique mundus est *instar tabula*, in qua Diuinitas adumbrata: est *instar libri* omnibus gentibus expostui, in quo ea quæ ad Deum pertinent, legi possunt.

Est speculum
Diuinitatis.

Est instar ta-
bula & libri.

72 Ratione huius repræsentationis omnes creaturæ dicuntur lau-

Quomodo
omnes crea-
tura laudent
Deum

Bonitas re-
rum consistit
in repræsen-
tatione diui-
narum per-
fectionum.

dare & benedicere Creatorem; quia quantum in ipsis est, totam naturam rationalem ad hoc excitant. Hinc fit ut quamvis res creatæ varios usus habeant in mundo, ratione quorum bonæ dicuntur; præcipua tamen earum bonitas consistat in hac repræsentatione, qua diuinas perfectiones repræsentant. Hæc enim est maximè intrinseca, & sequitur immediatè entitatem rei cuiusque: quæ quò est perfectior, eò etiam perfectiùs Conditoris perfectiones refert. Vnde sicut veritas rerum consistit in conformitate cum arte diuina seu idea secundum quam factæ sunt, à qua tamquam à propria mensura suam speciem acceperunt: ita earum bonitas & primarius usus consistit in repræsentatione perfectionis sui Opificis, ad quem usum principaliter sunt conditæ, ut expressè docet S. Prosper lib. 2. De vocatione Gentium cap. 4. *Cælum, inquit, terra, & mare, omnisque creatura quæ videri atque intelligi potest, ad hanc præcipuè disposita est humani generis utilitatem, ut natura rationalis de tot contemplatione specierum, de experimentis tot bonorum, ad cultum & dilectionem sui imbueretur auctoris, implente omnia Spiritu Dei, in quo viuimus, mouemur, & sumus.* Vnde patet, hunc esse finem rerum immediatum & intrinsecum, (quatenus nimirum res sunt seu esse habent) quo nullus poterat esse nobilior.

73 Ex his constat, quo modo natura ratione carens ad Deum ut vltimum finem ordinetur; nimirum, quatenus obsequium præstat naturæ rationali in ijs quæ ad corporalem vitam pertinent, ut viuere ad beatitudinem promerendam possit; & quatenus illi repræsentat & prædicat gloriam & excellentiam Conditoris.

CAPVT V.

Quomodo natura rationalis ad gloriam Dei ordinetur.

Natura ra-
tionalis du-
pliciter ad
gloriam Dei
ordinatur.

74 **N**ATURA rationalis duobus modis considerari potest. Primò Secundum suam entitatem, quatenus est natura talis speciei. Secundò, Ut per intellectum & voluntatem est capax Diuinitatis Si priore modo consideretur, ordinatur ad Dei gloriam communi quadam ratione, sicut & natura ratione carens, nimirum ut per suam entitatem est repræsentatiua diuinarum perfectionum. Multò tamen perfectiùs eas repræsentat, quàm omnes naturæ ratione carentes, quia est imago Diuinitatis; cum illæ tantum se habeant inftar vestigij. Vnde Angelica natura cum perfectè se cognoscat, longè

longè altiori modo concipit & cognoscit Deum ex cognitione sui, quàm ex cognitione rerum corporalium. Secùs est in homine: quia natura animæ suæ parum est ei perspecta, cùm solùm confusè & pauca quædam de illa cognoscat. Itaque ad cognitionem Dei magis feruiunt ipsi res corporales & sensibiles.

Angelus ex cognitione sua essentie magis cognoscit Deum quàm ex cognitione omnium rerum corporalium.

75 Porro hæc obiectiua representatio diuinarum perfectionum, quæ in omnibus rebus, vt res sunt, reperitur, duplici modo ad gloriam Dei pertinet. Primò, Quia in illa consistit quædam gloria Dei externa, multò magis quàm gloria Principum sæcularium consistit in splendore & multitudine aulicorum, palatiorum, oppidorum, regionum. Omnes enim res creatæ, siue paruæ, siue magnæ, naturâ suâ significant & proclamant potentiam, sapientiam, bonitatem & eminentiam Conditoris, & ad illum realem dependentiæ ordinem habent. Quod sanè magna Deo est gloria. Bona verò Regi subiecta nullam eius perfectionem indicant, nec vllum realem ordinem ad illum habent, sed solùm eius dominio vel iurisdictioni, vt ad humanum vsum pertinent, subiecta sunt: & tamen ratione huius dominij vel iurisdictionis censentur ad gloriam eius pertinere, & ipse tamquàm magnus & potens Princeps apprehenditur, quamuis tota illa magnitudo nihil reale sit, sed solùm quid imaginariũ, vtpote ratio quædã conceptibilis mente, quæ solùm apud homines æstimatur.

Obiectiua representatio duplici modo ad gloriam Dei pertinet.

76 Secundò, Hæc obiectiua representatio ad gloriam Dei pertinet, quatenus Angelis & hominibus in via est auxilio ad cognitionẽ & amorem Dei; & quatenus obtenta beatitudine erit occasio & materia nouæ cognitionis, amoris, gaudij & laudis infra visionem beatificam. Etsi enim Beati Deum immediatè & clarè videbunt, prout est in se ipso, eumque ex vi huius visionis amabunt & gustabunt, (in quibus actibus suprema Dei gloria, nostraque beatitudo sita est;) nihilominus illum etiam cognoscent vt refulget in rebus creatis, maximè in cælesti patria & Beatorum pulchritudine ac gloria, & ex hac cognitione eum amabunt & laudabunt, & de eo eiusque bonis gaudebunt. Vnde hac ratione illa obiectiua representatio seruiet cuidam gloriæ Dei formali (infra visionem beatificam) quæ in illis actibus vitalibus consistet, eritque gloria quædam secundaria.

77 Ex his patet, quomodo natura rationalis secundùm suam entitatem considerata ordinetur ad gloriam Dei: nimirum per modum imaginis & representatiui, vt diuinæ perfectiones in ea tam-

Eccc

quam in imagine resplendeant, & illa repræsentatio intellectui feruiat ad Dei cognitionem, amorem, & laudem. Nunc videndum quomodo ordinetur ad illā per intellectū. 78 Quod vt intelligatur, Notandum est, quòd sicut viuens est præstantius non viuente, ita potentia vitalis præstantior non vitali. Inter omnes autem potentias vitales præstantissima est intellectiua, qua nulla eminentior potest vel animo concipi: per hanc enim natura rationalis, verbi gratia anima nostra, non solum omnium rerum viuas formas & imagines in se concipit, sed etiam est capax Diuinitatis; nam lumine gloriæ illustrata & adiuta, format in se viuam imaginem Diuinitatis, fitque Deo similis eminentissimo modo possibili: insuper per eandem formaliter transit & penetrat in Deum, & Deus in ipsa nouo modo existit, se ipse cum omnibus suis bonis communicat, vt omnium dulcedine & pulchritudine perfruatur. Hoc totum fit vi visionis beatificæ. Potentiæ intellectiue velut socia & suppar accedit voluntas, qua animato toto impetu fertur in bonū intellectu conceptū, vt illi nouo modo se vniat, nempe per amorem, & in illud veluti transformetur.

Potentia intellectiua nulla potest cogitari præstantior.

Per visionem & amorem anima intrat in Diuinitatem.

79 Per has duas potentias anima nostra duplici modo, eoque eminentissimo, intrat in Diuinitatem, & Diuinitas in illam, fitque mutua veluti penetratio & intima vnio vitalis inter animam & Deum. Vnde ex hac vnione mutuoque contactu nascitur in anima ineffabilis quidam dulcedinis sensus seu delectatio, qua infinitam Dei dulcedinem vitaliter coniunctam veluti degustat. Sicut enim cum obiectum conueniens naturæ, sensu percipitur, nascitur statim vitalis quædam suauitas in anima ex coniunctione vitali talis obiecti, quæ suauitas delectatio vocatur: ita cum summum illud obiectum delectabile perfectissimo modo percipitur intellectu, & simul amatur; ex illa præsentia & coniunctione vitali perfectissima nascitur vitalis quædam suauitas summa & eminentissima, quæ gaudium dicitur & delectatio.

80 Ex his patet, naturam rationalem multò sublimiori modo ad gloriam Dei ordinari, quàm res cæteras. Primò, Quia per suos actus ita tendit in Deum, vt ipsum immediatè attingat, eique vitaliter vniatur, & particeps Diuinitatis euadat. Secundò, Quia repræsentatio diuinarum perfectionum, quæ fit per illos actus, longè est excellentior quàm repræsentatio obiectiua, de qua suprà dictum est. Illa enim est vitalis & formalis quæ per se sentitur; hæc non est vitalis, nec per se sensibilis, sed obiectiua quasi imaginis mortuæ.

Repræsentatio formalis longè est excellentior quàm obiectiua.

Illa naturam rationalem efficit beatam; hæc nihil noui naturæ confert, cum in ipsa naturæ entitate consistat. In illa relucet ipsa Diuinitas perfectè prout est in seipsa, quia per illam clarè & vt est in seipsa, repræsentatur menti, & ab ea percipitur & sentitur, quod in nulla imagine obiectiua fieri potest: quia impossibile est vt aliquid obiectiue repræsentet essentiam diuinam, vt communiter Theologi docent. Vnde meritò in tribus illis actibus supræma Dei gloria extrinseca constituitur.

81 Petes: Quo modo gloria Dei in amore & gaudio constituitur, cum hæc non habeant vim repræsentandi; ac proinde in illis non reluceant diuinæ perfectiones? Respondetur, amorem & gaudiū beatificum Beatorum maximè ad gloriam Dei pertinere, quia continent vitalem eminentissimam commendationem & laudem Diuinitatis. Deus enim non potest magis laudari & commendari à Beatis quàm per summum amorem & per summum gaudium: nam per amorem æstimatur ab ipsis vt summum bonum, & omnibus præfertur, & omnia ad ipsum ordinantur: idem fit per summum de ipso gaudium. Vnde hi actus natura sua repræsentant diuinam excellentiam & bonitatem vt est in seipsa; non vt effectus ipsius, (sicut aliæ res creatæ) sed vt actus vitales repræsentant conditionem obiectorum in quæ tendunt, à quibus speciem suam accipiunt.

Amor beatificus & gaudium repræsentans excellentiam diuinā prout est in seipsa.

82 Porro sicut in his tribus actibus summa Dei gloria, quam ipse potissimè in omnibus suis operibus intendit, sita est; ita in ipsodem situm etiam est summum hominis & Angeli bonum, & formalis beatitudo: nam per hos actus omnes beati spiritus supra se infinitè eleuati Deoque vniti, fiunt deiformes summa & eminentissima cum Deo similitudine, qua nulla maior animo concipi potest. Vnde instar cuiusdam Diuinitatis in omnem æternitatem fulgebunt, tamquam filij gloriæ & claritatis diuinæ: per eosdem actus omnes se in immensum expandent, vt tanto bono quantum fas est se exæquent & coëxtendant, vt totum capere ac comprehendere possint. Non hærebunt exterius quasi in superficie, sed omnes eius profundum ingredientur, & intrabunt in gaudium Domini sui, alij plus, alij minùs, pro magnitudine luminis gloriæ, quod cuique communicabitur: cui profundo immersi, seipsos & omnia creata amittent: quia omnia alia bona & gaudia ad hoc pelagus bonorum & gaudiorum instar nihili videbuntur. Nulla ipsis in hoc profundo caligo, nulla obscuritas, (sicut nobis in hac vita

In ipsodem actibus situm est summum hominis bonum, & summa Dei gloria. Effectus horum trium actuum.

Matth. 15.

Eccc ij

Ipsa Diuinitas est aeterna mansio & calum calorum Beatis.

Diuinitas in caligine moratur;) sed lux & serenitas immensa, quamuis eam plenè cōprehendere nequeant. 83. Ibi illis erit aeterna mansio & tranquilla securitas absque timore excidendi. Ibi calum calorum, cuius comparatione omne creatum terra est. Ibi omnium desideriorum impletio, & omnium desiderabilium possessio ac fruitio. Nihil ibi restabit amplius quærendum vel desiderandum; quia omnes in Deo omne bonum firmiter possidebunt, & suauissimè perfruentur. Ibi totum munus Sanctorum erit contēplari infinitam Dei pulchritudinem, amare infinitam bonitatem, gustare infinitam dulcedinem, & torrente voluptatis eius impleri, ineffabili gaudio de infinita eius gloria & de omnibus bonis eius & suis exultare. Hinc perpetua laus, & benedictio, & gratiarum actio. Hoc modo omnes Beati in Deo tamquam vltimo fine, omnium votorum suorum cōpotes, nihil vlteriùs desiderantes requiescent.

Obtento fine omnes motus cessabunt.

84 Hac ratione ipse erit terminus omnium motuum & ministeriorum, quibus natura rationalis ab initio mundi vsque in finem ad salutem dirigitur, qui omnes illo obtento cessabunt; vt sunt motus calorum, vicissitudines temporum, series generationum, ortus & interitus rerum, omnes elementorum mutationes, omnis sacra & politica gubernatio, omnia Imperia & Regna, omnia hominum studia & labores, omnis Angelica cura & administratio, omnis diabolica tentatio & infestatio, denique etiam ipsius Christi Domini prouidentia & gubernatio qua nunc Ecclesiam regit vt ad salutem perducatur: suscepit enim ipse regendam Ecclesiam à Patre donec omnes inimici eius subijciantur sub pedibus eius, vt insinuat Apostolus 1. Cor. 15. nempe vsque ad extremum Iudicij diem, quando omnis potestas diabolica abolebitur, & vltimus Christi inimicus mors per resurrectionem gloriosam destruetur.

1. Cor. 15. Christus tradet regnum patri ut ipse in omnibus regnet.

85 Tunc Dominus tradet regnum, nempe Ecclesiam Sanctorum, quam ipse ad salutem adduxit, Deo & Patri, inquit Apostolus, nempe vt Diuinitas in omnibus regnet, & omnes ipsi Diuinitati sublimissimo modo seruiant, cum nihil aliud in omnem aeternitatem agendum superfit. Consistet autem ista seruitus in contemplatione, amore & gaudio, & alijs actibus qui ex his sequuntur: per hos enim maximè Deus honorabitur & glorificabitur à Sanctis; & per eosdem (si considerentur vt à Deo per lumen gloriæ & charitatis donum proueniunt) Deus in ipsis regnabit. Tunc & ipse filius (vt idem Apostolus ait) subiectus erit ei qui subiecit ipsi omnia, vt sit

Deus omnia in omnibus. Subiectus erit; nimirum secundum humanitatem. Modò non ita apparet subiectus Patri, quia occupatur in regenda Ecclesia: tunc verò perspicuè apparebit; quia cum Patri regnum tradiderit, completum erit opus salutis nostræ, quod ipsi commissum erat: vnde nihil aliud supererit, quàm vt ipse quoque se totum cum omnibus electis, nempe caput cum corpore, Diuinitatis obsequio & gloriæ per contemplationem, amorem, gaudium & æternam benedictionem, laudem, & gratiarum actionem impendat. *Sic Deus erit omnia in omnibus*; quia sola Diuinitas (Pater, Filius, & Spiritus) hoc eminētissimo modo in omnibus regnabit & dominabitur, omnium corda & vires animæ plenissimè possidens: sola in omnibus omnium votorum & desideriorum completio: sola omnium lux, omnium amor, omnium gaudium, omnium gloria, omnium opulentia, omnium vita, omnium beatitas: sola ita fulgebit & vigebit, & eminebit in omnibus, vt præter ipsam nihil esse videatur; sicut ignis in ferro cādente ita eminet, vt præter ignem nihil appareat. Hoc erit regnum futuri sæculi: hoc modo omnes iusti erunt participes Diuinitatis, & in eius beatissima fruitione conquiescent. Hoc modo Deus erit vltimus finis, & terminus, & requies Sanctorum.

*Quo modo
Filius Patri
subiectus
erit, eiq. ser-
uiet.*

*Deus erit
omnia in om-
nibus multis
modis.*

CAPVT VI.

Recollectio precatoria.

87 **F**ILII hominum vsquequò graui corde, vt quid diligitis vanitatē, Psal. 4.
& queritis mendacium? Vanitas sunt omnia ista quæ tanto studio sectamini, honores, diuitiæ, voluptates, quorum causa omnes animæ opes, quibus solida & æterna poteratis comparare, frustrâ expenditis. *Vanitas vanitatum & omnia vanitas*, dixit Ecclesiastes Eccl. 1.
ista omnia expertus, & alta mente contemplatus. Meritò *vanitas*, quia ad finem ad quem conditi sumus, nihil profunt, sed plerumque etiam plurimum obsunt. *Mendacia* sunt omnia ista promittentia felicitatem, & adferentia miseriam. Vere filij hominum, non filij Dei, qui ista querunt, mente caeca cupiditate inconsulta, labore inutili & pernicioso. Non ad ista creati sumus, & in hoc mundo constituti, non in illis situm bonum nostrum, & requies nostra. terrena sunt & temporanea, non possunt animum, cuius

Eccc iij

Psalm. 4.

natura cælestis & æterna, cuius capacitas immensa, cuius dignitas suppar Angelis, perficere vel satiare. 88 Quod ergo est verum bonum nostrum? *Quis ostendet nobis bona? signatum est super nos lumen vultus tui Domine, dedisti letitiam in corde meo.* Solùm lumen Fidei hoc bonum nobis ostendere potest, & viam qua ad illud peruenitur: cuius rei cognitio incredibilem animo lætitiā adfert. Quid enim optabilius quàm nosse summum bonum, finemque vltimum, & tenere viam certissimam qua ad illud peruenitur? sine hac notitia, omnis alia sapientia inutilis, nec sapientiæ nomine digna.

Omnes Philosophi viam & terminum salutis ignorant.
1. Cor. 2.
Daniel 3.

89 Hac omnes illi antiqui Philosophi destituti fuere, & idè euanuerunt in cogitationibus suis, nihil commodi ex omnibus suis studiis & laboribus reportantes. *Quis enim nouit sensum Domini, nisi spiritus Domini qui scrutatur profunda Dei*, per quæ nobis hoc abditum Dei consilium est reuelatum? *Benedicant te celi, terra, mare, & omnia quæ in eis sunt, laudent & superexaltent in sæcula*, quia ante omnia sæcula tibi cura fuit de nobis, & in primo Trinitatis tuæ consistorio benignissimum de nobis consilium cepisti, vt nos Diuinitatis tuæ, omniumque bonorum & gaudiorum tuorum faceres participes. Quis non obstupescat ad tantam benignitatem & dulcedinem? quis hoc vniquam sperare vel diuinare potuisset? sed ita placuit infinitæ illi bonitati, cuius indoles est, ineffabilibus modis se diffundere & cōmunicare. 90 Solus bonis tuis in tua æternitate fruebaris, nullius egens, ipse tibi qui bonū es infinitū ad omnē beatitudinē sufficientissimus. Neque tibi voluptas dulcissimæ societatis & amicitie in Personarum Trinitate deerat, cū inter Patrem, Filium, & Spiritum sanctum summa sit societas, summa amicitia, summa omnium bonorum, gaudiorum, & consiliorum communicatio. Itaque non egebas creaturæ consortio, nec aliquid tibi commodi per eam accedere poterat: nihilominus bonitatis tuæ indulgens propensione, nos cōdere voluisti, vt ad consortiū bonorū ac gaudiorū tuorū eueheres. 91 Infinitum inter te & nos est interuallum, non loci, sed naturæ, vt qui infinitè supra omnia eleuatus superemines, intercedentibus infinitis rationalis naturæ gradibus, quos in tua sapientia & potentia dispositos contines: nihilominus tanta est potentia bonitatis tuæ, vt mentem nostram supra omnia creata & creabilia eleuare possis, & miro modo absque medio tibi per visionem, amorem, & gaudium coniungere. 92 O admirabilem, beatā & gloriosam vnio-

Deo ab æterno societatis & amicitie bonum non defuit.

nem, in qua simul & summum bonum nostrum, & summa gloria tua reposita! per illam enim efficimur participes Diuinitatis & omnium bonorum ac gaudiorum tuorum; & per eandem Diuinitas tua summe fulget extra se in speculo mentis creata, sicut intra se fulget sibi. In aliis rebus creatis, vt in mundi fabrica, & varijs rerum gradibus, elucet tenues quidam radij Diuinitatis tuæ, ex quibus tuam potentiam, sapientiam, bonitatem quasi coniectando cognoscere possumus: at in mente nostra sic eleuata & vnita tibi splendet tota Diuinitatis plenitudo, totaque relucet eius pulchritudo; ita vt quamuis in se vnica sit, miro tamen modo multiplicetur, vt tot videantur esse Diuinitates, quor sunt beatæ mentes. 93 In hac vnione omnia bona nobis affluent, eritque omnium nostrorum desideriorum consummatio: affluet potentia, quia erimus reges & Filij Dei: affluet sapientia, quia ipsum sapientiæ fontem tenebimus & contemplabimur: affluet sanctitas, quia eximius ille amor est summa sanctitas, & omnium virtutum perfectio: affluent diuitiæ, quia regnum cælorum & omnes eius opes nostræ erunt: affluent honores, quia omnes tamquam filij Dei excipiemur & honorabimur: affluet pulchritudo, quia corpore instar solis fulgebimus, mente instar Diuinitatis: affluent gaudia & delectationes, quia *omnes inebriabuntur ab ubertate domus tue, & torrente voluptatis tue potabis eos.* sicut enim erit incomprehensibilis copia bonorum, ita etiam erit & gaudiorum ac delectationum. Affluet pax & securitas, quia nihil nec foris, nec intus vnquam turbare poterit; nihil accidere triste vel quod minus gratum: simulque certissimi erunt, hunc statum fore eis sempiternum.

Psal. 35.

94 Itaque hæc vnio in qua & summum bonum nostrum, & summa Dei gloria, nobis vnice sit cordi, & ad eam supra omnia adspiremus. Bona huius vitæ quantumuis magna videantur, præ illo bono vilescant nobis omnia, & instar nihili reputentur. Omnes nostræ cogitationes, curæ & labores ad illud tendant, nec vsquam nisi in illo sit menti nostræ requies. Verum, quia tantum bonum longè positum est supra vires nostras, ad te confugimus, ô benignissime Deus, vt qui sola bonitate tua infinita nos ad tantum & tam sublime bonum ab æterno destinasti, & vt ad illud nos perduceres, mundum condidisti, carnem assumpsisti, mortem sustinuisti, & alia innumerabilia designasti: benignitatem tuam in nos continues, neque illam ob ingratitudinem vel negligentiam nostram,

392 DE PERFECT. DIVIN. LIB. XIV. DE VLTIMO FINE.
vel alias humanæ vitæ labes , quæ subinde per fragilitatem subrepūt,
abrupas vel imminuas ; sed potiùs adaugeas , memor æterni con-
siliij tui & omnium miserationum tuarum , quas hætenus præstitisti
nobis. Illumina mentes nostras lumine Spiritus tui , quo & mundi
istius (cuius præstigijs plerique pereunt) vanitates & pericula , & æ-
ternorum bonorum quæ nobis in te preparasti excellentiam & sua-
uitatem possimus cognoscere. Fac vt illa nobis semper ob oculos
versentur , & vehementem in animis nostris impressionem faciant,
qua ad caducorum omnium contemptum , & ad æternorum a-
morem ac studium impellamur. Numquam flaccescât desideria, sus-
piria , & conatus nostri , donec ad vitæ huius terminum peruentum
fuerit ; in quo per gratiâ tuam digni inueniamur regno tuo, & quiete
illa æterna , qua omnes Sancti in te vltimo fine & summo bono suo,
per visionem & amorem cum ineffabili gaudio , omnium votorum
suorum compotes effecti , requiescent.

398.532



I N D E X.

/

INDEX RERVM PRÆCIPVARVM.

ADOPTIO. *Vide* Christus, & Filius Dei adoptivus.

Egyptus.

Egyptus typum gerit mundi: & *plaga* *Egyptiaca* sunt figura *plagarum* quæ inferentur Orbi sub finem. 386. *Plaga* *Egyptiaca* explicantur. 379. & seqq.

Æternitas.

Definitio *æternitatis* explicatur. 48

Æternitas propriè soli Deo convenit. 49

Angeli non propriè *æterni*, sed *æterni* ibidem.

Æternitas Dei est ratio temporis imaginarij in eo obiectivo: seu ratio cur tempus imaginarium sit conceptibile. 53

Æternitas non potest à nobis concipi nisi ex comparatione temporis imaginarij, sicut nec immensitas sine spatijs imaginarijs, nec infinitas essentia sine rebus possibili- bus. 53. & 56

Æternitas comparatur rupi immobili, tem- pus flumini. 56. & 78

Æternitas omne bonum quod ipsa afficit, facit infinitè melius, & omne malum infinitè peius quàm per se sit. 56

Ex consideratione *æternitatis* quadruplex fru- ctus. 55. 56. 57

Res non coëxistunt *æternitati*, nisi dum re- ipsa sunt, & coëxistunt tempori. 78. Con- sideratio *æternitatis* maximè augebit tri- stitiam damnatorum. 486

Amor diuinus, *Benignitas* Dei.

Amor movet Deum ut extra se quodammodo exeat, & descendat ad creaturas. 107

Ex *amore* diuino omne bonum creatum pro- fluxit, & vi eiusdem omnia in Deum re- ducuntur. 107

Amor movet Deum ad quintuplicem egres- sum extra se.

In amore Dei est circulus.

109

Octo proprietates amoris ex S. Dionysio. 110.

111

Quinque res consideranda in amore diuino erga hominem. 112. 113

Deus omnia diligit propter suam gloriam: hoc tamen non impedit quin diligat nos sincerissima benivolentia. 119. Sic Deus dilexit mundum ut Filium suum unige- nitum daret, &c. 217

Per *amorem* reducimur in nostrum princi- pium unde profluximus. 117.

Amore fit compensatio beneficiorum per af- fectum. 330

Anima rationalis.

Cur *anima* rationalis sit immortalis, non brutorum. 151

Vna *anima* rationalis secundum se est præ- stantior & maiori estimationis, quàm to- ta natura corporea totius univervi. 3. In *anima* & in virtute seminali latent om- nes varietates & proportionales quæ exte- rius cernuntur in corpore. 75. *Anima* illo- rum qui immutabuntur, debent subire iudicium particulare. 445. *Animarum* disparitas. 325. Qualibet *anima* cuilibet ultime dispositioni apta. 325

Angelus, *Spiritus*.

Angeli non sunt motores orbium celestium. 192

Angelorum ministerio quibus in rebus

Deus utitur. 193. *Angeli* à Patribus di- cuntur immortales non natura, sed gratia

Conditoris. 44. quomodo à Doctoribus

Scholasticis dicantur immortales. ibidem.

Res humanas ministerio spirituum geri.

390

Propter peccata subtrahitur protectio Ange- lorum sanctorum, & laxantur habena de- monibus.

390.

FFFF

INDEX RERVM.

<i>Effectus qui subtrahit Angelica protectione sequuntur in regno. 390. Quomodo vires regni crescant, & debilitentur. 392</i>	<i>Bonitas, Perfectio.</i>
<i>Antichristus.</i>	<i>Bonitas tripliciter accipitur. 90</i>
<i>Post cadē Antichristi & exercitus illius erit magna tranquillitas in Ecclesia. 433</i>	<i>Quadruplex discrimen bonitatis, seu perfe- ctionis Dei & creatura. 91</i>
<i>Quantum temporis ab hac cade vsque ad iu- diciū extremum. 434</i>	<i>Quomodo Deus dicatur perfectus secundum S. Dionysium. 92</i>
<i>Auxilium.</i>	<i>Summa perfectio cuiusque rei in sua specie est signum summa perfectionis Dei in tota la- titudine entis. 93</i>
<i>Auxilium internum triplex, excitatio, dire- ctio, protectio. 401</i>	<i>Omnis perfectio creaturae respectu perfectionis diuinæ est instar nihili. 100</i>
<i>Ad auxilium excitationis tria pertinent, il- luminatio intellectus, applicatio phanta- siae, & affectio voluntatis. 401. Vnde fiet ut quis facile, multum proficiat. 402</i>	<i>Minimum Dei bonum quia Dei, est maioris momenti quam vniuersum bonum creatu- rae. 22. & 577</i>
<i>Directio quale auxilium, & quid sit. 407</i>	<i>Præcipua bonitas rerum consistit in repræsen- tatione Diuinitatis. 584</i>
<i>Protectio in quibus sita sit. 403</i>	<i>C.</i>
<i>Totum hoc auxilium minuitur peccatis. 405.</i>	<i>Charitas.</i>
<i>Numquam tamen ita subtrahitur, quin possint petere auxilium necessarium ad re- sistendum temptationibus. 405</i>	<i>Per charitatem Spiritus Dei nobis communi- catur & vniuntur. 267</i>
<i>B.</i>	<i>Vnde charitas hanc vim habeat. ibid.</i>
<i>Beati, Beatitudo.</i>	<i>Christus, Christi beneficia, merita.</i>
<i>Omnes Beati, Deo subtrahente suum influ- xum supernaturalem, amitterent suam beatitudinem, & relaberentur ad nostras miserias. 44</i>	<i>Quantum sit beneficium doctrina Christi quo mundus illuminatur. 253</i>
<i>Hæc consideratio est illis causa summa humi- litas & subiectionis ac reuerentia in Deum. ibid.</i>	<i>Quantum beneficium exemplorum Christi. 259.</i>
<i>In iisdem actibus sita est nostra beatitudo & summa Dei gloria. 587</i>	<i>& cur opus homini erat his exemplis. 256</i>
<i>Beneficium.</i>	<i>Christus dedit nobis exemplum paupertatis, castitatis, & obedientiae. 256. & aliarum maximarum virtutum. 258</i>
<i>Decem titulis beneficiorum Deo obstricti sumus ad omne obsequium. 332. & seqq.</i>	<i>Exemplum vite Christi semper ob oculos ha- bendum. 260</i>
<i>In consideratione beneficiorum Dei tria pen- denda. 330. & seqq.</i>	<i>Beneficium liberationis à peccato & à morte æterna, est infinita æstimationis. 261</i>
<i>Beneficijs Dei quatuor rependenda ne simus ingrati; memoria, amor, obsequium, & gratiarum actio. 329</i>	<i>Beneficium adoptionis. 263. In hoc beneficio quatuor consideranda. 263</i>
<i>Particularia beneficia maxima septem confide- rantur. 323. & seqq.</i>	<i>Per vnum hominem qui filius naturalis, ad- optantur reliqui qui adoptiui. 264</i>
<i>Tempus noui Testamenti sæculum verè au- reum. 324</i>	<i>Distantia inter statum vnde per adoptionem assumimur, & statum ad quem per ado- ptionem euehimur. 264</i>
	<i>Thesaurus meritorum Christi. 272. Sine hoc nihil vel parum actum erat. 273</i>
	<i>Quomodo Christus pro nobis interpellat apud Patrem in celo. 273</i>

INDEX RERVM.

Quomodo thesaurus meritorum Christi nobis applicetur. 275
Cur merita Christi, cum sint infinita estimationis, non habeant in nobis effectum positivè infinitum. 277
Christi meritum potissimum ad duos effectus communicatur in Sacramentis, etsi non eodem modo. 278
Modus conferendi maximè in beneficio spectandus. 309
Quo modo Christus onus peccatorum nostrorum in se susceperit, & quanta in hoc onere accipiendo difficultas. 312
Dei iurisdictione Christi. 123
Paupertas Christi. 314. Subiectio & obedientia Legis. 314
Cur Christus se Legi subiecerit, cum se potuerit eximere ut legislator & Dominus. 315
Quantas acerbitates Christus sustinuerit in nobis redimendis. 313. & seqq.
Cælum, Sol, Astra.
Velocitas calisolis. 191
Velocitas stellarum circa Equinoctialem. 191
Varietas motuum. 192
Effectus motuum caelestium. 194
Motus calorum non fit per Angelos, sed per divinam potentiam immediatè. 192
Quantas mutationes inducat solis obliquatio. 194
Qui effectus sequerentur inhibito calorum motu. 196
Analogia inter Christum & solem. 195
Distantia calorum à terra: & quanta eorum sit velocitas. 64
Ipsa Divinitas est aeterna mansio & calum calorum beatis mentibus. 588
Non ardebunt cali superiores in quibus sol & luna, sed inferiores, nempe superior aeris portio, quæ plena pingui vapore. 437
Explicatur locus S. Petri, 2. Petri 3. 438
Concursus Dei, Cooperatio.
Sine diuina cooperatione nulla res potest operari, vel in aliquem actum exire. 168
Ex subtractione concursus diuini maxima sequuntur incommoda. 168

Necessitas concursus diuini probatur varijs rationibus. 169
Pelagius negavit concursum ad actus liberos, non autem influxum conseruationum rerum. 170
Si Deus non cooperaretur seu concurreret cum causis creatis, tolleretur perfectæ subiectio quam creatura ad Deum habere debet. 173
Explicatur modus quo Deus concurrit cum causis secundis. 175
Deus quando concurrit cum causis secundis, non agit in illas quasi illas excitans, actiua vel prædeterminans ad agendum; sed simul agit cum illis, veluti causa partialis. 175
Concursus Dei non est res distincta à concursu creaturae, nec magis distinguuntur hi concursus, quàm gradus rerum ad quos per se primò terminantur. 176
Totus effectus est à singulis causis partialibus. 175
Singulis causis partialibus aliquid in effectum respondet. 176
Quid causa prima, quid secunda respondeat in communi effectum. 177
Deus ita se voluntati accommodat, ut eius concursus sit in potestate voluntatis. 177
Deus non potest dici auctor effectus positius furandi, fornicandi, mentiendi, &c. 178
Cur potius dicatur auctor effectuum naturalium, quàm actuum liberorum qui prauis sunt. 178
Conseruatio, Influxus conseruatiuus.
Tota natura creata omni momento pendet à benefico influxu Dei, qui res cōseruat. 128
Fide tenendum, omnia à Deo pendere, ostenditur ex Scripturis & Patribus. 129. 130. &c.
Conseruatio rerum quatuor modis concipi potest. 135
Influxus indeterminatus non sufficit ad rerum conseruationem. 135. & sequentibus.
Non minus est mundum conseruare quàm creare, sed potius amplius. 137.

INDEX RERVM.

Eodem influxu & impetu Deus mundū conseruat, quo illum ab initio produxit. 137
Creatura tenetur à Deo in esse, sicut pondus in aëre. 138
Nulli rei præstari potest ut sit conseruatina sui directè. 139
Conseruatio est continuatio creationis ex nihilo. 138
In rebus incorruptibilibus nulla est vis conseruandi sui esse, indirectè. 142
Per influxum indeterminatum nihil potest produci. 143
Quod influxus Dei secundum se indeterminatus, determinetur ad huius rei conseruationem, non potest provenire ab ipsa re quæ conseruatur. 144
Actiōi indeterminata non potest esse terminus determinatus. 147
Res producta à causa secunda, si hac cessante, manet, conseruatur à solo Deo influxu pleno ac determinato. 147
Ex permanentia rerum non possumus colligere, illas habere aliquas vires ad suum esse conseruandum. 148
Sicut ut res possit agere, requiritur concursus Dei ex parte agentis; ita ut possit pati & recipere contrariam formam, requiritur ex parte patientis ut Deus subtrahat formam inexistenti influxum conseruationum. 150
Conseruatio habituum prauorum pertinet ad munus auctoris naturæ. 152
Quidquid Deus semel conseruat, semper conseruat, nisi alia causa aliud postulet. 149
Inest rebus ratio cur postulent vel non postulent conseruari à Deo. 149
Ac proinde non pendet ex sola voluntate Dei quod alia maneant, alia non maneant. 149
Cur anima rationalis sit immortalis, non brutorum. 151

Creatura.

Nulla creatura potest Deo esse coeterna. 50
Creatio postulat ut res antea nō extiterit. 51
Creatura omnes pendet à Deo non solum secundum esse actuale, sed etiam secundum esse potentiale & obiectiuum. 53

Omnis creatura est veluti ἀποφύεξις con-ceptionis diuinæ. 36
Triplici modo creatura rationalis dependet à Deo essentialiter. 332

D

Dæmones.

Dæmones alligandi corporibus igneis. 538.
Non solum patientur alligationem, sed etiam dolorem qualem anima in corpore. 539. & seqq. *Quaratione id possit concipi.* 541. *Dæmones etiam cum sunt extra infernum, patiuntur pœnam ignis.* 544.
Cur dæmones ex rerum contemplatione non percipiunt oblectationem. 527

Deus.

Omnia quæ Deo tribuuntur, κατ' ἐξοχήν exponenda. 4
De Deo omnia affirmari & omnia negari. 14
Cum Deus dicitur ὁ Θεός, ὁ ἀεὶ ὢν, ὁ ἀθάνατος, id est, essentia, bonitate & Diuinitate superior, quomodo τὸ ὑπερ & super intelligendum. 15
Deus est ipsum esse per se subsistens. 18
Deus propriè dicitur ὁ Θεός qui est, quia sempiternè est, & ubique est, & insuper ipse omnia vel formaliter vel eminenter est. 4
Deus innominabilis & omninomius. ὁ ἀνομιος & πανόμιος. 5
Deus per vnā simplicissimā formam est omnia, nempe per essentiam suam. 6
Probatur hoc testimonijs SS. Patrum. ibid.
Perfectius est per vnā simplicem formam habere omnem perfectionem quàm per aliquo modo diuersas. 8
Si aliqua in Deo esset actualis distinctio attributorum, esset etiam aliqua compositio. 8
Cur diuinæ perfectiones concipiuntur à nobis ut distinctæ. 9
Deus incomprehensibilis intellectui creato, suo verò est comprehensibilis, & sibi quodammodo finitus. 11. *Deus est incomprehensibilis loco, tempore, intellectu, amore.* 11
Quomodo intelligendum, quod quidam Patres

INDEX RERVM.

dicunt, Deum non posse ab Angelis san-
ctis videri ut est in se. 13
Quomodo Deus sit infinitus, immensus, im-
mutabilis, æternus, omnipotens, &c. vide
suis locis. Quanta reuerentia cum Deo
agendum. 18
Deus omnia tangit, à nulla autem re tangi po-
test. 33
Minima Dei humiliatio pluris est quàm to-
tum bonum creaturæ. 251
Deo ab æterno societas & amicitia bonum
non defuit. 590
Diluvium.
Diluvium quomodo orbi inductum. 372
Unde tanta aquarum copia. 373. Quamdiu
steterit, & quomodo absumptum. 374
Qui sint fontes abyssi magna. 373. Quæ sint
aqua supra firmamentum. 373
Dolor.
Duplex fuit ratio dolendi Christo Domino;
iniuria diuinæ maiestati irrogata per pec-
catum, & damnum humano generi inde
proveniens. 313
Dolor animi potest hominem interimere. ibid.
Magnitudo doloris sequitur magnitudinem
malis & perfectionem apprehensionis. 313
Dolor iste in Christo fuit continuus per totam
vitam. 314
Dominium iurisdictionis.
Dominium duplex, iurisdictionis & proprie-
tatis. 119
Quinque sunt actus domini iurisdictionis,
precipere, vetare, punire, premiare, per-
mittere. 119
Dominium iurisdictionis eminentissimè est in
Deo. 120
Deus habet amplissimam potestatem preci-
piendi. 120
Omnium culparum pœnas, & omnium meri-
torum præmia suo arbitrio definiuit & ta-
xavit. 121
Omnis iurdictio creaturarum descendit à
iurisdictione diuina. 122
Iurdictio naturalis inuenitur in quatuor
combinationibus. 122

Ex commissione nascitur triplex forma regi-
minis. 122
Iurdictio supernaturalis primò descendit à
Diuinitate in humanitatem Christi. 123
Quid Christus per hanc possit. ibid.
A Christi humanitate descendit immediatè
in summum Pontificem Christi Vicarium
posita eius legitima electione. 124
Iurdictio actiua fori conscientia, quæ absol-
uimur à peccatis, tota est immediatè à
Christo vi Sacramenti Ordinis. 127
Dominium proprietatis,
Vide Conseruatio.
Dominium proprietatis, est ius disponendi de
re aliqua pro suo arbitratu, &c. 126
Deus est perfectissimè Dominus totius natu-
ræ creatæ titulo creationis & conseruatio-
nis. 127
Quò maior est rei dependentia, eò maius est
ius & dominium eius à quo dependet. 127

E.

Electio.

Virum omnes saluandi sunt electi absoluto
decreto ante omnem futurorum præuisu-
nem. 556
Explicatur sententia affirmans. ibid. Eadem
refutatur aliquot considerationibus. 557.
& sequent.
Quæ fuerit prima intentio libera in Deo.
ibidem. Si tota electio facta esset ante præ-
uisionem meritorum, Deus non videretur
seriò velle omnes saluos fieri, nec seriò bor-
sari reprobos ad salutem. 558. & sequent.
nec seriò minari electis. 560
Alia multa incommoda deducuntur. 561. &
sequentibus.
Eminenter continere.
Quid sit eminenter continere. 16
Varij modi aliquid eminenter continèdi. ibid.
Deus omnes res creatas eminenter in sua es-
sentia continet. 17
Eucharistia, vt Sacramentum
& vt Sacrificium.
Beneficium Eucharistia declarat immensam

INDEX RERVM.

in nos Dei benignitatem, sicut & benefi-
cium Incarnationis. 278
Eucharistia nobis data in sacrificium, & in
alimentum immortalitatis. 279
In qua actione consistat sacrificium Eucharis-
tiae. 279. Consistit in consecratione quate-
nus per illam Christus mystice occiditur,
& corpus & sanguis seorsim sub speciebus
ponuntur. 280
Species panis & vini nō sunt pars hostiae. 281.
Pertinent tamē ad rationē Sacramenti. 281
Substantia panis & vini non pertinens ad ra-
tionem hostiae vel sacrificij, si ratio huius sa-
crificij ponatur in eo quod Christus hic my-
stice occidatur. 281
Si verò ponatur in eo quod panis & vinum
conuertantur in corpus & sanguinē Chri-
sti, sic habent se ut materia transiens. ibid.
Est hic mutatio circa corpus Christi sufficiens
ad rationem sacrificij representatiui. 282
Sacrificium Eucharistiae datum ad varios fi-
nes. 282. & sequentibus.
Fructus huius sacrificij latissimè patet. 286
Non solum Orationes, sed etiam ipsum sacri-
ficium offertur pro tota Ecclesia. 286
Sacrificium institutum primariò pro bono
communi; Sacramenta ad sanctificandos
singulos. 286
Sacrificium pro multitudine oblatum quomo-
do singulis valeat. 287
Quomodo immortalitas communicetur corpo-
ribus iustorum per Eucharistiam. 287
Duodecim miracula, maxima in mysterio Eu-
charistiae. 290. & sequentibus.
Christi corpus ponitur in Eucharistia per
quamdam reproductionem substantialem,
non per adductionem seu productionem so-
lius Vbi. 296
Corruptis speciebus fit restitutio eiusdem ma-
teriae. 291
Quomodo species per se existant. 293
An calor creetur quando species calefcunt.
295
Quomodo ex vi positionis corporis Christi, sub
speciebus, definat substantia panis & vini.

301. 302.
Corpus Christi dicitur fieri, confici, effici,
creari in hoc mysterio. 302
Quae dicuntur esse in Eucharistia per conco-
mitantiam. 303
Etiā vnio hypostatica necessariò est in hoc
Sacramento. 304
Verum Christi corpus retinens naturam cor-
poream, habet modum existendi spirituum
in hoc Sacramento. 305
Virum sit ibi infinites. 306. Defectio corporis
Christi in Eucharistia. 307
Duo mirabilia circa consecrantem. 308
Analogia Eucharistiae & Incarnationis. 309
Excaecatio. vide Poena.

F.

Fides.

Deus à nobis exigit fidem rerum sublimissi-
marum, & quas ob causas. 81
Fide subleuamur ad ordinem supernaturalem.
ibid. Primus motus supernaturalis ad di-
uina est per fidem. ibid.
Filius Dei adoptiuus, Adoptio.
Sumus filij Dei per communionem Spiri-
tus diuini. 265
Eodem Spiritu quo vinit Deus, vinit quilibet
iustus. 265
Nullum donū creatum ratione suae entitatis
sufficiens est ut faciat filium Dei. 266. 267
Quid noui confert adoptio prater donum
creatum. 268
Efficacia adoptionis diuinae. 269
Ratio meriti potissimū pendet ex dignitate
adoptionis filiorum Dei. 269. 272
Esse iustum per donum intrinsecum, & esse
filium Dei adoptiuum, per diuinam poten-
tiam possunt separari. 522
Melior est vnus iustus quàm mille impij. 400.
Finis vltimus.
Deus est finis vltimus rerū omnium, & à 549
Duplex est finis, finis-qui, & finis-cui. Vtroq;
modo Deus est finis naturae rationalis. 550
Dominus est finis cuius gratia omnia quae

eius dominio subsunt. 550
Quid Deus spectauit in rebus condendis. 550.
 Finis quem Deus spectauit, est, habere filios sibi similes. 551. Boni proprietates est se se diffundere. 551
Duplici modo Deus se communicat, naturaliter & liberè. 551
Obtento fine omnes motus cessabunt. 588
Explicatur locus 1. Cor. 15. Christus tradet regnum Patri, &c. 588
Deus erit omnia in omnibus multis modis. 589

G.

Gloria.

Gloria tripliciter accipitur. Primò, Pro quâ excellentia interna vel externa, ratione cuius aliquis est dignus cognosci, amari, laudari, &c. Secundò, Pro signo talis excellentia. Tertiò, Pro ipso cognosci & laudari. 552
Gloria formalis est clara cū laude notitia. 552
Deus omnia facit propter suam gloriam, nempe ut cognoscatur, ametur, gustetur, laudetur, &c. in hoc enim consistit eius gloria extrinseca. 553
Omnia excellentia diuina signa in Scriptura vocantur gloria Dei. 553
Cur Deus potius intendit ultimò gloriam suam, quàm alia bona, ut voluptatem, gaudium, commodum. 554
Etsi Deus necessariò in omnibus spectet gloriam suam, hoc tamen non minuit estimationem beneficiorum eius. 579
Summa Dei gloria externa est nostra beatitudo. 579
Natura rationalis dupliciter ad Dei gloriam ordinatur. 584
Obiectiua representatio duplici modo ad gloriam Dei pertinet. 585
Etiâ amor beatificus & gaudium de Deo representant excellentiam diuinam prout est in seipsa. 587
In ysdem actibus situm est summam hominis boni intrinsecum & summam Dei gloria. 585

Effectus horum actuum.

I.

Ignis.

Ignis præcedet iudicium. 435. Quadruplex erit effectus huius ignis, omnia mixta dissoluere, iustos purgare, mundum expiare, tandem impios inuoluere. 436. & seqq.
Qui calidi ardebunt. Explicatur locus Petri Ep. 2. chap. 3. ibid. 437. mare exuretur. 438
Ignis iste ager ut instrumentum Dei. 438
Explicatur locus Apostoli 1. Cor. 3. Si cuius opus arserit, &c. 439
Ignis conflagrationis an omnes perimet. 440
Miraculo conseruabuntur iusti ne igne ledantur, si nihil habent expiandum. 443
Probabilius est, omnes saltem ad breuissimum tempus morituros. ibidem.

Immensitas Dei.

Immensitas Dei nostro modo concipiendi sequitur infinitatem essentia. 24
Immensitas Dei est fundamentum & ratio omnis spatij imaginabilis. 35. & 53. Probatur ex Scripturis. 25
Deus ratione suæ immensitatis per omnia diffusus, ita ut ubique sit totus, etiam extra mundum sine termino. 29. & seqq.
Deus omnibus rebus ratione immensitatis est presentissimus, & tamen infinitè supra omnia eleuatus, & in se collectus. 33. Extra calum posse signari spatia & puncta distincta. 29
Res creatae sunt veluti cortina Deum interiùs latentem occultantes. 33
Consideratio assidua diuinæ presentia est maximè utilis ad uitæ sanctitatem. 34
Cum Deus dicitur magnus in Scripturis, intellige infinitatem quoad omnia attributa. 3. 4. 26. Quomodo secundum Dionysium dicatur Deus magnus. 26
Immensitas Dei explicatur per dimensiones, ad Ephesios 3. Iob 11. 25
Deus est ubique per essentiam, per potentiam, & per inspectionem seu presentiam. 32

INDEX RERVM.

<u>Præsentia Dei per essentiam est perfectissima.</u>	32	<u>Infinium aliud positivè, aliud negativè.</u>	2
<u>Deus à Patribus dicitur esse in seipso.</u>	31.	<u>In rebus creatis nihil est propriè infinitum.</u>	3
<u>Quomodo in ipso vivimus, movemur, & sumus, Act. 17.</u>	32	<u>Meritum Christi positivè infinitum in ratione meriti.</u>	2
<u>Immutabilitas.</u>		<u>Infinium nō potest esse terminus creationis.</u>	3
<u>Immutabilitas sequitur immensitatem & infinitatem essentia.</u>	37	<u>Infinium comparativè in multis rebus invenitur.</u>	ibid.
<u>Probatum Deum esse immutabilem, quatuor rationibus. 37. ex Scripturis. 38. & ex Patribus.</u>	39	<u>Deus est absolutè infinitus.</u>	ibid.
<u>Confectaria ex immutabilitate. 38. Nihil decederet Deo, etsi omnia creata perirent.</u>	39	<u>Ex infinitate cuiuslibet attributi colligitur infinitas essentia, & contrā.</u>	4
<u>In omni mutatione requiruntur duo instantia durationis. 41. Instantia natura non sufficiunt ad mutationem.</u>	41	<u>Infiniudo divina essentia est omnis perfectio- nis simplicissima & eminentissima cōplexio.</u>	5
<u>Deus ex omni aternitate ad omnia simul & semel se determinavit, siue sint futura, siue non futura.</u>	42	<u>Duplex modus apprehendendi infinitatem Dei.</u>	18
<u>Divina essentia immutabilitas postulat hanc determinationem aternam. 42. Manere indeterminatum est imperfectionis & limitationis.</u>	42	<u>Inter Deum & hominem triplex intervallum infinitum.</u>	ibid.
<u>Infernus.</u>		<u>Quinam virtutum actus sequantur ex cōsideratione infinitatis Dei.</u>	19. 20.
<u>Quo loco sit infernus. 470. Quomodo Tertul- lianus describat infernum. ibid. Est in me- dio terra sinu.</u>	471	<u>Incarnationis mysterium.</u>	
<u>Quanta sit inferorum capacitas. 472. Stru- cturam inferorum iuxta Riberam.</u>	473.	<u>Incarratio Verbi divini ob varias causas fuit necessaria, sed potissimū ut inveniretur iustum pretium, seu iusta satisfactio pro peccato.</u>	218
<u>Non est opus tanta loci vastitate.</u>	ibid.	<u>Poterat Deus absoluta sua auctoritate multis alijs modis hominem à peccato liberare & saluare.</u>	ibid.
<u>Stagnū ignis & sulphuris apud inferos. 474</u>		<u>Modus saluandi hominem per Incarnationis mysterium fuit maximè conveniens decla- randa divina iustitia, misericordia, sa- pientia & potentia, & ad perducendum hominem ad salutem.</u>	220
<u>Verūm ibi sit verus ignis corporeus. 475</u>		<u>Unio Incarnationis non est facta per amorem, vel per modum unionis instrumenti, vel indumenti, vel tabernaculi, ut volebant Nestoriani.</u>	222
<u>Verūm ibi sit frigus. 480. Verūm veri ver- mes. 282. An tenebra. 483. De situ & dis- positione damnatorum.</u>	484	<u>Error Nestorianorum circa hoc mysterium.</u>	222. 223
<u>Omnes erunt in stagno ignis & sulphuris. ibidem. Magnitudo huius stagni.</u>	485	<u>Error Eutychianorum circa hoc mysterium.</u>	223
<u>Infinium.</u>		<u>Doctrina Catholica de hoc mysterio explicatur varijs exemplis, infusionis, ignitionis, & animationis.</u>	225
<u>Infinium dupliciter dicitur, absolutè, & in certo genere.</u>	1	<u>Item exemplo S. Eucharistia.</u>	226
<u>Infinium absolutè totam entis amplitudinem in se continet.</u>	1	<u>Decem mirabilia mysterij Incarnationis.</u>	227
<u>Infinium in certo genere tria requirit.</u>	1	<u>Magnitudo beneficij Incarnationis.</u>	
<u>Quomodo id animo sit concipiendum in sin- gulis rerū generibus capacibus infinitatis.</u>	2		In-

INDEX RERVM.

Intellectus.

Potentia intellectiva nulla potest concipi
præstantior. 586

Formæ in se viuas omnium rerum imagines,
etiam Diuinitatis. 586

Representatio formalis quæ fit per actum in-
tellectus, longè est præstantior quàm repræ-
sentatio qualibet obiectiua. 587

Iudex Christus.

Septem circumstantiæ ad maiestatem iudicis
Christi pertinentes explicantur. 453

Signum Crucis illustri & augusta specie ap-
parebit in calo. 454

Iudex apparebit in corpore glorioso supra so-
lem splendido. 454

Comitabuntur omnes Angeli splendidis cor-
poribus induti. 455

Sedebit in throno augustissimo. 455

Explicatur locus Apocalyps. xx. Vidi
thronum magnū, candidum, &c. 456

Omnes gentes coram illo congregabuntur, &
omnes demones. 456

Credibile demones in corporibus comparituro-
ros. 457

Iudicabit suos seruos, non alienos subditos,
vel populum liberum. 457

Iudicium extremum.

Iudicii locus erit Vallis Iosaphat prope Ierusa-
lem. 452

Discussio iudicandorum quomodo fiet. 457.

Duo libri proferentur in Iudicio, Liber vi-
tæ, & Liber conscientiarum. 458

Quomodo Deus illuminabit abscondita tene-
brarum. 458

Videbuntur singulorum facta quasi intuitu
cum circumstantiis, sicut ea quæ sunt in
memoria. 459

Etiā peccata electorum erūt manifesta. 460

Facta discussione, Iudex proferet sententiam
sensibili voce. 460

Causæ damnationis in particulari non expri-
mentur voce, sed vi manifestationis om-
nium operum. 462

Omnes ibi comparebunt, etiam paruuli non
baptizati. 463

Lata sententia statim sequetur executio. 466

Ignis inuoluet reprobos, terra vsque ad infe-
ros latissimè dehiscente. 467. Diuina vir-
tute statim erunt in termino. ibid.

Iustitia.

Deus non potest obligari creaturæ debito stri-
ctæ iustitiæ sicut apud Aristotelem accipi-
tur. 159

Iustitia in Scripturis sæpè accipitur pro fide-
litate in seruandis promissis. 160. Eadem in
Scripturis vocatur Veritas. ibid.

Iustitiæ diuinæ seueritas cernitur in magni-
tudo pretij & satisfactionis quam exegit
pro peccato. 413

In opere redemptionis est demonstratio infini-
tæ seueritatis, & infinitæ misericordiæ. 418.

Iustitia duo inuoluit, debitum, & aqualita-
tem. 353. Varia iustitiæ acceptio. ibid.

Quadruplex debitum. Primum, Quod debi-
tum naturæ. Secundum, Quod ex Legis
obligatione. Tertium, Ex promissione.
Quartum, Ex iure perfectio quod fit in al-
tero. 352. & seqq.

Iustitia vt respondet debito primi, secundi &
tertij generis, est perfectissimè in Deo. 353.
& seqq.

Ex quadruplici motiuo potest quis velle con-
formitatem cum lege. 354

Voluntas diuina per se & essentialiter est iu-
sta & conformis legi æternæ. ibid.

Iustitiæ strictè accepta, prout de illa loquitur
Aristoteles, nō est in Deo, cum ipse non sit
capax strictæ obligationis ad alium. 357

Deus non potest creaturam extra suum domi-
nium collocare. 358

Cur Deus exigat bona opera. 359

Inter Deum & hominem propriè non est pa-
ctum; sed solum metaphoricè, secundum
idiotismum Hebræorum. 360

Diuinitas non est obstricta Christo lege strictæ
iustitiæ. 361

Iustitia latiore acceptione, vt nihil imperfe-
ctionis includit, propriissimè est in Deo. 361

In Deo propriè est iustitia Vindex. 363. &
seqq.

G G G G

INDEX RERVM.

<i>Hæc distinguitur à commutativa.</i>	364	<i>Qua ratione possit statui virtus specialis.</i>	210
<i>Est causa maximorum honorum.</i>	365	<i>Deo perfectissimè conuenit misericordia, eaque duplex vel triplex.</i>	211
<i>Compensat iniuriam Deo illatam, & instaurat ordinem iustitiæ læsum.</i>	366	<i>Nullum includit imperfectionem, & supponit summam perfectionem.</i>	212
<i>De primo opere iustitiæ diuinæ, quod est strages angelorum peccantium.</i>	368	<i>Generalis & prima misericordia fuit subiectio naturæ rationalis ad statum supernaturalem.</i>	213
<i>Nullus illis relictus locus penitentiae.</i>	369	<i>Prima ex nihilo productio propriè non fuit opus misericordiae, dici tum potest, si nomen hoc generalius sumatur.</i>	213
<i>De secundo opere diuinæ iustitiæ, quod fuit punitio peccati Adami.</i>	369	<i>Maximū opus misericordiae, dare Filium.</i>	216
<i>De gravitate huius poenae.</i>	370	<i>Ioan. 3. Sic Deus dilexit mundū, &c.</i>	217
<i>De cataclysmo. 372. Multitudo hominum illius sæculi.</i>	372	<i>Mundus, Plagæ nouissimæ mundi.</i>	
<i>Vnde tanta aquarum copia. 373. Qui fontes abyssi magnæ.</i>	373	<i>Mundus est in Deo sicut sponsa in Oceano.</i>	
<i>De clade Sodomorum, & alijs inuitatis. 375. Acrimonia huius incendiij & amplitudo. 376</i>	375	<i>33. Mundus est veluti templum Diuinitatis.</i>	101
<i>Simili ferè modo punita gens quadam Peruana ob crimen nefandum.</i>	377	<i>Mundus corporeus conditus est propter hominem. 334. & 580. Mundus seruit homini.</i>	335
<i>Schismatici sub Moysè terrâ absorpti.</i>	378	<i>Duplex officium mundus præstat homini. 581</i>	
L.		<i>Mundus est præco Diuinitatis, & speculum, & instar tabulae pictæ, & libri.</i>	583
Laus.		<i>Quomodo res omnes quæ sunt in mundo laudent Creatorem.</i>	584
<i>Quid sit laus, benedictio, gratiarum actio, gratulatio.</i>	340	<i>Ipsè Deus per res mundi assidue pro homine laborat.</i>	335
<i>Quanta gratiarum actio Deo debita.</i>	341	<i>Valde verisimile est, mundum post mortem Antichristi falsam ad septem annos duraturum.</i>	435
<i>Quomodo ratione carentia Dei laudent.</i>	342	<i>Mundi renouatio fiet subito post disturbatos impios in infernum. 467. Non secundum substantiâ mutabitur, sed qualitatem. 468.</i>	469
Lex.		<i>Quomodo calis veterascunt.</i>	469
<i>Præcipua dignitas nouæ legis sua est in Sacramentis & Sacrificio.</i>	276	<i>Plaga Egypti & excidium Iudaici sunt typus plagarum quibus affligetur extremis temporibus mundus.</i>	423
<i>Quomodo in lege veteri fiebat iustificatio.</i>	277	<i>Imperium Romanum in decem Reges diuidendum.</i>	424
<i>Lex ob duas potissimum causas Israëlitis data est.</i>	315	<i>Tantus erit terræ motus, ut montes & insulae suis locis moueantur.</i>	425
Libertas.		<i>Conturbatio maris.</i>	426
<i>Libertas in Deo non officii immutabilitati.</i>	40	<i>Plaga locustarum qualis in Apoc'ypsi. 428</i>	
<i>Concursus Dei est in potestate liberi arbitrij hominis.</i>	177	<i>Incendium montis Vesuij anno Domini octuagesimo primo.</i>	428
M.			
Misericordia.			
<i>Quid sit misericordia.</i>	208		
<i>Actus externus misericordiae potest ex affectu diuersarum virtutum vel vitijs prouenire.</i>	209		
<i>An sit virtus distincta à charitate.</i>	209. 210		

INDEX RERVM.

Solutio quatuor demonum, & bella grauissima. 429. *Conuersio maris & fluminum in sanguinem.* 430
Hec tamen postea redibunt ad suam naturam sicut in Aegypto. ibid.
Delectio Antichristi & exercitus eius. 431
Plagas istas in Apocalypsi descriptas esse ad litteram intelligendas. 432
Cur homines tot visis signis non conuertantur. 432

O.

Obduratio. vide Pœna.

Omnipotentia.

Deum esse omnipotentem. 62. *Omnipotentia sequitur infinitatem essentia.* 62
Deus potest per se efficere, quidquid potest per causas effectiuas creatas. 63
Deus potest facere quidquid per suam sapientiam potest extra se, tamquam non inuoluens contradictionem, concipere. 63
Deus potest creare infinitas rerum species sub singulis generibus, & infinita indidua sub singulis speciebus; & singula indidua infinities replicare & reproducere. 66
Quis fructus ex consideratione omnipotentia. 67

P.

Papa, Summus Pontifex.

Tota iurisdictio Ecclesiastica à Christi humanitate descendit immediatè in Papam, posita eius legitima electione. 124
Qualis debeat esse iurisdictio Papæ, seu Vicarii generalis Christi. 124. 125
Iurisdictio actiua ad absoluendum à peccatis in foro conscientia non est à summo Pontifice, sed immediatè à Christo per Sacramentum Ordinis. 125
Omnis iurisdictio spiritalis Prælatorum est à summo Pontifice: in quo est plenitudo potestatis. 125

Patientia.

De patientia Dei, mansuetudine, & clementia. 343

De patientia Christi.

344

Paruuli non baptizati.

Maximus horum erit numerus, ita ut facile superaturi sint numerum hominum qui hoc tempore viuunt. 463. *Compatebunt in Iudicio.* 463. *Videbunt damnationem impiorum, & gratias agent Deo quod ipsi in eandem non ceciderint.* ibid.

Perficientur maximis bonis ordinis naturalis. 464. *Cognoscent utcumque naturam animæ suæ clarè & distinctè: minus autem perfectè Angelos.* 464. *Deum semper laudabunt.* 465

Non habebunt propriè beatitudinem naturalem. 466. *Non erunt in specu obscuro.* 466
 Peccatum.

Deus necessariò odit omne peccatum. 98. *Bonum supponens peccatum, non est per se appetendum.* 185

Peccata venialia merentur temporales afflictiones. 200. *Peccati mortiferi malitia quodam modo est infinita.* 215. & 260.

Omne peccatum mortiferum secundum se est irremissibile. 261. *Peccatum mortiferum est instar ponderis immensi natura sua statim trahens ad inferos.* 261. *Peccatum dicitur pœna peccati, quia permissio ex qua sequitur aliud peccatum, est pœna peccati.* 184. *Cur Deus non statim inferat vindictam.* 394

Certa mensura peccatorum constituta, qua impleta peccatum sit puniendum. 394. *Quæ peccata ad hanc mensuram pertineant.* 397

Cur Deus minus toleret peccata fidelium quàm infidelium. 396

Quomodo non sit iniquum ob vnius peccatum puniri Rempublicam. 398. *Cur celerius vel tardius peccatorum mensura impleatur.* 399

Propter peccata parvorum aliquando minuantur filiis auxilia diuina. 415

Quomodo filius non portabit iniquitatem patris, Ezech. 18. 415

Peccata venialia minuant feruorem chari-

G G g g y

INDEX RERVM.

tatis dupliciter; subtrahendo maiora auxilia, & apponendo impedimenta affectui. 416	Dolor de iniuria non est iusta compensatio inter homines, multò minus inter creaturam & Creatorem. 513
<i>Deus vult nos agere poenitentiam, ut gustemus aliquatenus amaritudinem & malitiam peccati.</i> 418	<i>Amor physice magis conuertit voluntatem ad Deum, quàm odium auertat: secus moraliter.</i> 515
<i>Cur peccatum mortiferum meretur poenam aeternam.</i> 489	<i>Ex iisdem capitibus quibus crescit iniuria, decrescit obsequium & satisfactio.</i> 515
<i>Malitia peccati non est priuatio rectitudinis debita actui propriè loquendo.</i> 492	<i>Aliter amor Dei meretur vitam aeternam, aliter peccatum mortem aeternam.</i> 516
<i>Neque etiam est priuatio rectitudinis quæ debeat inesse operanti.</i> 494	<i>Spiritus adoptionis reddit opera digna vita aeterna.</i> 517
<i>Neque consistit in priuatione conformitatis cum lege diuina.</i> 496	<i>Nulla qualitas creata vi sua potest tollere peccatum.</i> 517
<i>Non consistit in aliqua physica vel realiratione.</i> 500. nec in ratione reali. 500	<i>Peccatum mortiferum duplicem habet malitiam intrinsecam.</i> 519
<i>Ordo actus ad obiectum ut prauum, non est realis.</i> 501. <i>Habitus virtutis & vitij non habent repugnantiam physicam sed moralem.</i> 502	<i>Peccator sub multiplici consideratione Deum contemnit.</i> 519
<i>Quo sensu malitia moralis possit dici consistere in priuatione.</i> 502	<i>Quos effectus habeat peccatum in anima.</i> 521 & seqq. <i>Etiā vnicum peccatum mortiferum omnia illa mala infert.</i> 525
<i>Multis nodis receditur à regula.</i> 504	<i>Actus peccati, etsi representantes diuinas perfectiones, tamen est volutus à Deo.</i> 578
<i>Malitia peccati explicatur à Patribus per priuationem quæ est effectus peccati.</i> 504	<i>Permissio.</i>
<i>Malitia peccati formaliter est nihil.</i> 505. <i>Secundum Augustinum etiam ipse actus peccati est nihil, & quo sensu.</i> 505	<i>Quid sit permissio.</i> 182. <i>Quinque requisita ad permissionem.</i> 182
<i>Peccati mortiferi malitia consistit in quadam iniuria in Deum.</i> 506. <i>Peccatum in Scripturis explicatur per contemptum Dei.</i> 507	<i>Varie causa cur Deus qui summè bonus, permittat mala.</i> 183. 184
<i>Si non esset Deus, nullum esset peccatum mortiferum.</i> 508. <i>Similiter si Deus peccatum non prohibuisset.</i> 508	<i>Permissio est quid temporale, decretum permittendi aeternum.</i> 182
<i>Prius est esse malum quàm esse prohibitum, non tamen prius est esse peccatum mortiferum, quàm esse prohibitum à Deo.</i> 509	<i>Cur Deus permittat bonos affligi.</i> 199. <i>Quomodo Deus utatur impijs permissiue ad punitionem aliorum.</i> 389
<i>Continet peccatum mortiferum malitiam insuam, non absolutè, sed comparatiuè.</i> 510	<i>Pœna.</i>
<i>Malitia vnius peccati mortiferi in lance diuinæ iustitiæ præponderat omnibus operibus bonis iustorum.</i> 510	<i>Duplex est pœna, damni & sensus.</i> 462. 474
<i>Cur peccatum mortiferum plebatur pœna aeterna.</i> 511	<i>Tristitia ad pœnam sensus pertinet, & quodam modo ad pœnam damni.</i> 475
<i>Nulla creatura potuit pro peccato mortifero satisfacere.</i> 512	<i>Pœna damni in reprobis duplici ratione erit infinita.</i> 486
	<i>Pœna damni in reprobis quintuplex damnum continet.</i> 527. <i>Hæc damna semper illis versabuntur ob oculos Deo id efficiente.</i> 528
	<i>Pœna damni præcisè considerata in omnibus erit equalis, sed afflictio inde proneniens, diuersa.</i> 528

INDEX RERVM.

Cur adulti potius quam parvuli ex pœna
damni maiorem concipient. 329. Divina
iustitia facit ut alij maiorem, alij minorem
tristitiam ex damno illo sentiant. 330
Pœna sensus quinque afflictionum genera
continet. 331
Quomodo per bella Deus castiget populos. 387
& refecat luxuriantem generis humani
vitam. 388
Monarchia ad hoc excitata. ibid.
Flagellū diuinū assidue orbem perambulat &
punit vlciumq; mensura est impleta. 396
Multitudo impiorum accelerat vindictam
in Rempub. multitudo iustorum eam ex-
trahit. 399
Tres causæ ob quas De^o differi vindictā. 400
Pœna spiritalis in quatuor rebus posita est, in
subtractione gratiæ iustificantis, auxilij in-
terni, auxilij externi, in excacatione &
obduratione. 401
Excacatio & obduratio sunt pœna maximè
formidanda. 407. Excacatio in duobus fi-
ta subtractione luminis diuini, & iudicij
peruersione. 407. In quibus maximè cer-
natur hac pœna. 408
Causa efficiens excacationis partim est ipse
Deus, partim diabolus, partim ipse homo
sibi. 408
Quomodo diabolus iudicium hominis peruer-
tat. 409. Cur hæreticorum & Iudeorum
difficilis conuersio. 410
Quomodo homo se excacet. 410. Excacatio-
nem sequitur obduratio. 411
Deus dicitur excacare & obdurare negatiuè,
permisiuè, & per occasionem. 412
Peccatum dicitur pœna peccati, quia sequi-
tur ex eo quod erat vera pœna peccati, nem-
pe ex permissione diuina. 412
Pœna spiritalis non semper condonatur cum
temporali. 413
Peccatum mortale etiam condonatum sæpè est
ocasio damnationis. ibid. Etiam peccata
venialia puniuntur pœna spiritali. 415
Non solum ob peccata, sed etiam ob tepo-
rem minuuntur auxilia diuina. 417

Possibile.

Possibilitas rerum alia intrinseca, alia extrin-
seca; illa remota, hæc propinqua. 66. 85
Essentia diuina est ratio possibilitatis rerum.
66. & 53.

Oculis Dei non minùs lucent possibilia quæ
non sunt actu, quàm ea quæ sunt actu. 88

Prædefinitio.

Prædefinitio Dei actus est internus & liber
diuina voluntatis respiciens obiecta quæ
extra Deum. 179

Aliter sunt prædefinita ab æterno, quæ initio
mundi à Deo condita, aliter quæ postea suc-
cessu temporis à causis liberis vel necessa-
rijs sunt. 180

Possè peccare non est propriè prædefinitum à
Deo. 180

Opera nostra libera non sunt prædefinita à
Deo secundum Damascenum, quamuis
Deus omnia illa distinctè præsciat. 181

Præscientia.

Præscientia pendet obiectiue ob operibus li-
beris. 561

Distinctio præscientiæ & decreti diuini in or-
dine ad actus voluntatis. 561

Discrimen inter præscientiam & decretum
reprobationis negatiuæ. 571

Prouidentia, vide Concurfus, Permissio,
Prædefinitio.

Quid sit prouidentia. 163. Deum habere om-
nium prouidentiam. 163

Prouidentia partim est actus intellectus, par-
tim voluntatis. 166

Ad prouidentiam pertinet permissio. 166.

Duæ functiones prouidentiæ, Creatio &
Gubernatio. 168

Quos actus diuina prouidentia habet circa
peccata. 186

Nihil potest diuinam prouidentiam effugere.
186. Quomodo diuina prouidentia utatur
impiorum opera. 188. & 189. mysteria
Passionis Christi quomodo per prouiden-
tiam prædefinita. 188

Quomodo diuina prouidetia impediatur diabo-
lum ne noceat quantum cuperet nocere. 189

GGgg iij

INDEX RERVM.

Fructus considerationis diuinae prouidentiae quadruplex. 198
Mundus inferior tribus regitur administris, ministerio Angelico, motu calorum, & vi intrinseca cuiuslibet rei impressa. 170
Cur diuina prouidentia permittat bonos affligi, & malos dominari. 199
Omnia quae in tempore fiunt, ab aeterno suere in diuina prouidentia constituta. 203
Prouidentia diuina nunquam in sua dispositione fallitur. 205
Ex vi prouidentiae fit ut animalia & plantae operentur ordinatissime, non secus ac si mente forent praeditae. 204. *Sola natura rationalis se subtrahere nititur ordini diuinae prouidentiae.* 204
Ad prouidentiam Opificis spectat procurare ne mensura à se in opere praefinita excedatur. 558
Ex Dei prouidentia, diuinoque beneplacito pendet quod hic ex illo hoc tempore, hoc loco nascatur. 325
Eadem corporis dispositio innumeris animabus accommoda. 325

Purgatorium.

Purgatorium ordinarium est sub terra. 429
Pœna purgatorii grauioribus omnibus pœnis huius uitae. 419
Diuturnitas harum pœnarum. 420
Ex triplici capite dolores post hanc uitam sunt maiores, quàm in hoc saeculo. 421
Mira Dei seueritas in amicos & filios, sed iustissima. 421
Affliguntur pœna damni & sensus. ibid.
Dolor ex pœna damni prouenit in illis quadruplici consideratione. 422

R.

Redemptio. vide Christus.

Duo erant necessaria ad nostram redemptionem, satisfactio æquiualens & fons perennis sanctificationis, seu thesaurus meritorum. 215
Cur homo potius redemptus quàm Angelus. 215. 216

Religio.

Dignitas & excellentia religionis Christiana in septem rebus consistit. 282

Reprobi, Damnandi.

Reprobi per Angelos congregandi in locum Iudicii. 452. *Non cognoscent gloriam Sanctorum intuitiue, sed abstractiue & confusè.* 530. *Fiet hoc per aliquam illustrationem, quæ tamen ad maiorem eorum pertinebit afflictionem.* 530. *Cur corpora eorum non consumantur.* 533. *Corpora eorum uerum patientur calorem.* 533. *Deus conseruabit temperamentum necessarium ad unionem animæ.* 535. *De verme damnatorum.* 536. *Ex hoc verme nascetur desperatio.* 537

Peccant odio & blasphemijs. 538

Resurrectio.

Utrum omnes sint morituri & resurrecturi. 441
Locus Apostoli 1. Cor. 15. expenditur. ibid.
Item locus 1. ad Thessal. 4. ibid.
Eodem momento fiet mortuorum resurrectio & uiuorum immutatio. 443
Tria ad resurrectionem requiruntur: congregatio materia, corporis formatio, animæ unio. 446
Congregatio ista uniuersè non potest fieri ab Angelis, sed fiet uirtute diuina. ibid.
Collectio materia non fiet in instanti, sed tempore breuissimo & imperceptibili. 448
Formatio corporis non fiet in instanti. 448
Singulis membris sua restituetur materia. ibid.

S.

Sacramentum, Sacrificium.

vide Eucharistia.

Sacramenta nouæ legis continent in se Christi merita, eaque nobis applicant. 275
Eorum effectus sunt satisfactio pro culpa & pœna praesertim aeterna, adoptio, protectio, directio. 275
Benignum Dei consilium in Sacramentis instituendis. 276

Sanctitas.

Quid sit Sanctitas. 96. *Deus quintuplici ra-*

INDEX RERVM.

<i>tionem Sanctus dicitur.</i>	97
<i>Multiplex discrimen sanctitatis Dei & creaturae.</i>	99
<i>Multiplex fructus ex consideratione sanctitatis Dei.</i>	100.101
<i>Sanctitatem Dei in quibus imitari debemus.</i>	102
<i>Nosse & amare Deum est sanctitas spirituum.</i>	103
<i>Summus gradus sanctificationis est per unionem hypostaticam.</i>	103
<i>Ab hac tota sanctitas quae est in toto genere humano.</i>	ibid.
Sapientia.	
<i>Ad quae obiecta se extendit diuina sapientia. 71. Cognitio intuitiva in Deo nihil addit perfectionis cognitioni abstractivae. 71. Quomodo Deus cognoscat omnia in sua essentia.</i>	72
<i>Cognitio abstractiva in Deo fit intuitiva ex vi sua perfectionis eo ipso quo eius obiectum aliquando est futurum. 72. Prius ratione Deus cognoscit in suo decreto permissiorem absolute futuram, quam illam videat intuitivè. 73. Simili modo cum aliquid decernit decreto possit cum circumstantijs.</i>	ibid.
<i>Diuina sapientia clarissime cernitur in structura humani corporis, aliorumque animalium.</i>	ibid.
<i>Deus infinito lumine simul & distinctissime videt infinites infinita.</i>	75.76
<i>In oculis diuinae sapientiae non minus lucent ea quae non sunt quam ea quae sunt.</i>	88
<i>Ordo obiectorum diuinae sapientiae.</i>	77.89
<i>Vnde proueniat quod intellectus diuinus cognoscat futura.</i>	77.78
<i>Deus tam perfecte & distincte videt singula, ac si ad nihil aliud attenderet</i>	76
<i>Sapientia Dei est sigillum quo res formantur, cum conset diuinis conceptibus, qui habent rationem idearum. 79. Res futurae non sunt mensura praescientiae diuinae.</i>	86
<i>Fructus considerationis diuinae sapientiae.</i>	80
Seruitus.	

<i>Triplex seruitus per peccatum contracta: seruitus peccati, diaboli, mortis.</i>	153
<i>Quadruplici titulo sumus serui Dei, Creationis, Conseruationis, Redemptionis, & ultimi finis. 157. Titulo redemptionis omnes sumus serui Christi.</i>	153
<i>Seruitus Dei est nobilissima.</i>	21
<i>In quo consistat.</i>	21.22

T.

Terra.

<i>Terra magnitudo eiusque diameter.</i>	64
<i>Terra usque ad inferos immensi biatu dehiscet lata sententia contra reprobos, ut eos absorbeat.</i>	467
<i>In medio terrae sinu stagnum ignis sulphurei.</i>	474

Tuba.

<i>Sonus Tuba audietur à mortuis. 449. etiam in inferno.</i>	451
<i>Iste sonus erit causa resurrectionis, non physica, sed moralis.</i>	450
<i>Eadem voce fiet congregatio electorum.</i>	450
<i>Plures sunt futura tuba per orbem.</i>	451.
<i>Non opus est ut sonum edant vocis articulata.</i>	452

V.

Veritas.

<i>Quid sit veritas.</i>	82
<i>Quomodo ex mente diuina descendat in res creatas, & à rebus creatis in nostram mentem & cognitionem.</i>	84
<i>Cui veritas & bonitas proprietates entis.</i>	83
<i>Quomodo Deus est summa veritas.</i>	84
<i>Sicut veritas rei nihil addit reale ipsi rei, ita nec veritas cognitionis ipsi cognitioni.</i>	84
<i>Obiectum est mensura veritatis cognitionis nostrae: cognitio verò Dei est mensura obiectorum creatorum.</i>	84

Vita.

<i>Quid sit vita.</i>	86
<i>Quomodo Deus sit vita.</i>	86
<i>Vita cōuenit Deo ratione intellectus & voluntatis, in quibus est suprema vita ratio.</i>	87

Vnio hypostatica.

Necessariò ponendus modus aliquis intrin-

INDEX RERVM.

<i>Focus supernaturalis in humanitate Christi, cuius vi formaliter vniatur Verbo diuino.</i>	231	<i>modus quidam in effectū.</i>	240
<i>Modi distinguuntur à rebus quas modificant realiter incomplete.</i>	231	<i>Elevatio naturæ humanæ non potest fieri absque aliquo intrinseco.</i>	241
<i>Divina voluntas per se non sufficit ad realem seu physicam duorum unionem.</i>	232. & 239	<i>Sola moralis unio potest fieri per nudam Dei voluntatem.</i>	243
<i>Unio formarum cum subiecto est modus earum non sola ratione, sed ex parte rei distinctus ab illis.</i>	233	<i>Unio hypostatica est quid imperfectum in ratione entis, non in ratione unionis.</i>	245
<i>Quod non est ex parte rei distinctum non potest realiter modificare.</i>	234	<i>Inter naturam humanam & divinum Verbum est infinita distantia.</i>	242
<i>Differentiæ non modificant genus realiter, nec personalitates divinam essentiam.</i>	ibid.	<i>Unio non vnitur Verbo ut id quod, sed ut id quo.</i>	244
<i>Esse per se in anima separata, non est modus positivus multorum sententia.</i>	235	<i>Modus unionis hypostatica in corpore Christi materialiter est corporalis, formaliter spiritalis.</i>	247
<i>Datur distinctio media inter realem, perfectam, & rationis.</i>	ibid.	<i>Hæc unio sufficit ut natura humana dicatur assumpta, terminata, sustentata à Verbo.</i>	248
<i>Non potest fieri realis transitus de contradictorio in contradictorium sine reali mutatione.</i>	236	<i>Subsistentia creata non sustentat naturam, sed terminat & reddit incommunicabilem.</i>	249
<i>Vbi est modus rei intrinsecus.</i>	237	<i>Unio naturæ divinæ & humanæ secundum hypostasim, includit unionem creatam humanitatis cum Verbo.</i>	249
<i>Potest res subire varia tempora sine vlla sui mutatione, non tamen varia loca seu varia vbi.</i>	237	Voluntas.	
<i>An ut modus resultet, quando sit per naturalem resultantiam, sit opus nouo influxu Dei.</i>	238	<i>Voluntas antecedens, & consequens, quæ dicitur.</i>	185
<i>Dependentia effectus à sua causa efficiente, est</i>		<i>Voluntas diuina per se & essentialiter est iusta & conformis legi æternæ.</i>	354
		<i>Voluntas diuina per se non sufficit ad realem duorum unionem.</i>	239



FINIS.

